

CALCUTTA

This copy of the Scriptures is
presented by the British and
Foreign Bible Society to THE
ASIATIC SOCIETY OF BENGAL

ANGAMI NAGA

The Angamis (43,000) occupy the section of the Naga Hills lying to the North of Manipur. They show traces of mixed origin and are, probably, related to the Igorots and other Philippine tribes by blood or culture or both. It is possible, too, that they contain some Aryan element from the other side of India caught up among migrating tribes.

They are the most powerful and war like, as also the most intelligent and enterprising of the Naga tribes. (For a full description see 'The Angami Nagas' - J.E. Hutton, C.I.E., I.C.S.)

TRANSLATION WORK

In 1890 St. Matthew's Gospel was translated by the Rev. W. Rivenburg and published by the Am. Bap. Miss. Union. Translations of the other gospels followed. St. John's Gospel was printed at the 'Secretariat Press, Shillong. Also St. Matthew and the Acts. Other translations were privately printed by the A.B.M.U.

THE NEW TESTAMENT

This translation of the N.T. was made by the Rev. J.L. Tanquist, B.A., A.B.M.U. It was completed in 1927 and was published by the B.F.B.S. Cal.

KETHĀ LESHŪ KESAU

THE NEW TESTAMENT
IN
ANGAMI NAGA



2.1151

KALAKATA

BRITISH AND FĀREN BAIBEL SOSAIETI THUO
CHŪ KEYIE KESHŪ
23, CHOWRINGHEE ROAD

—
1927

THE NEW TESTAMENT IN ANGAMI NAGA

First Edition

1,000

BRITISH AND FOREIGN BIBLE SOCIETY

CALCUTTA

1927

Mathi-a Thukeshü Dieliekevi

JISU KHRISTA PFUTSANUOKÂ

1 Abraham nuu David, David nuu Jisu Khrista pfutsa-nuokâ zakeru leshü hauha.

2 Abraham nuu Isak, Isak nuu Jakob, Jakob nuu Juda
3 mu puo siazedzüriakâ. Sirâ Tamar pfü geinu Juda nuu
Perez mu Zera unia penuolie; sirâ Perez nuu Hezron,
4 mu Hezron nuu Aram. Sirâ Aram nuu Aminadab, mu
5 Aminadab nuu Nashon, tsiu Nashon nuu Salmon. Sirâ
Rahab pfü geinu Salmon Boas penuolie, mu Rut pfü geinu
Boas nuu Obed penuolie. Sirâ Obed nuu Jese, mu
6 Jese nuu kediu David.

Sirâ thiadzü Uria *kimia* pfü geinu David nuu Solomon
7 penuolie; sirâ Solomon nuu Rehoboam, mu Rehoboam
8 nuu Abija; tsiu Abija nuu Asa, mu Asa nuu Jehoshafat.
9 Sirâ Jehoshafat nuu Joram, mu Joram nuu Uziâ. Tsiu
Uziâ nuu Jotham, mu Jotham nuu Ahaz, sirâ Ahaz nuu
10 Hezekia. Tsiu Hezekia nuu Manase, mu Manase nuu
11 Amon, sirâ Amon nuu Josia. Süsia ukâ teze Babel nu
kevâ meseki Josia nuu Jekonia mu puo siazedzüriakâ
penuolie.

12 Sirâ ukâ teze Babel nu vâketa sianu Jekonia nuu
13 Shaltil penuolie, sirâ Shaltil nuu Zerubabel. Tsiu Zeru-
babel nuu Abiud, mu Abiud nuu Eliakim, sirâ Eliakim
14 nuu Azor. Tsiu Azor nuu Sadok, mu Sadok nuu Akim,
15 sirâ Akim nuu Eliud. Tsiu Eliud nuu Eleazar, mu
16 Eleazar nuu Mathan, sirâ Mathan nuu Jakob. Süsia
Jakob nuu Maria nupfu Josef penuolie, mu Maria pfü
geinu Jisu, Khrista ükechüu, penuolie.

17 Hamhie Abraham geinu vâ David ketsâ kesa themia
phou-keredia; sirâ David geinu ukâ teze Babel nu kevâ
ketsâ rei phou keredia; tsiu ukâ teze Babel nu kevâ
nunu vâ Khrista ketsâ phou keredia.

JISU KEPENUO DZE

- 18 Sirâ Jisu Khrista penuo kechû hamhie: Puo zuo
Maria bu Josef unia keri tuoûwata, *mu* unia thenuthepfu
19 chûlhoketa mhâdzû Kemesa Ruopfû geinu puo nuonipfû
tuota kechû silieta. Sitse puo nupfû Josef miathâmia
20 puo zâ kechûla mechû mhâdzû puo bu thetha pfûnyû modi
pekhre puo kbawa nyûta. Derei puo die sūkâ lekebanu,
harie, puomhâ geinu Niepuu dieliemiapuo puo ki vârdi
sie, Harie David nuo Josef, nâ n kimia Maria lie prei
hiechie: mhakekreilamonyû puo nuonipfû kebaya
2 Kemesa Ruopfû geinu zâ kechûla. Sirâ puo thepfu-
nuomia puo penuolietuo, *mu* nâ puo za thâpie Jisu
chûliechie; mhakekreilamonyû puo puo themiakâ ke-
22 phuma nunu ukâ kelalie zâtuo kechûla; sita. Sîudze
Niepuua siadzekesiu tia nunu,
23 Harie, rûû sûpfû nuonipfûliedi thepfunuoyâ puo
penuolietuo.
- Mu mia puoza thâpie Imanuel chûtuo; isipiezhû. Mu
Immanuel cha: Jihova u ze bate. Die sîv tseilie ketuola
24 mahakâ petekâ chûkelie zâ. Sûsia Josef châsierdi
Niepuu dieliemia puo ki pukeshû kemhie puo kimia lie-
25 lieta. Derei nuosûyâ penaolie kemochie puoa puo *kimia*
ze thenuthepfu chûmo: sûsianu nuosûyâ za Jisu thâlie.

NIETHUTSATIENU MHAKESIMIA KRÂPUO KEVÂR

- 2 Sirâ Herod kediû teiki Judia *kijûnu* Betlehem rûna
nunu Jisu penuokelie ki, harie, niethutsatienu mhakesi-
2 mia krâpuo Jirusalem nu vârdi sie, Tsiedâkinu penuoze
bakechû Judamia kediû kedikipuo бага? mhakekreila-
monyû hie niethutsatienu puo themvû ngudi puo kelu
3 tuoû vârzhû kechûla; sidi ketsâta. Sitse kediû Herod
die sîu siliedi puo rei nu Jirusalem mia pete rei puo ze
4 unou kehoukeruo chûta. Sidi puo phiehû kezhakâ mu
themia dânu mhakesithâkâ kie kengu phreliedi, Khristau
5 sî kirapuonu penuo tuoû tuoga? idi ukâ ketsâ. Sitse
ukâ sie puo ki, Judia *kijû* nu Betlehem nunu tuo:
mhakekreilamonyû siadzekesiu bu hakemhie thupiezhû
kechûla:
- 6 Mu nâ Judia *kijûnu* Betlehem, [motazâ:
Nâ Judia *kijûnu* kezhakâ dânu kechûthâu

Mhakekreilamonyü n geinu kezhamiapuo partuo,
Mu süuthuo a themia Israelkâ kepfe chüzâtuo
kechûla.

- 7 Sitse Herod pekhre mhakesi sükâ kieliedi, themvü süu
parketa zha kitsuote shi kechû ukâ kinu sitoulie.
8 Süsia puo ukâ ketsepie Betlehem nu shüdi sie, Niekâ
vâdi nuo süyâ dze sitouliedi puo ngulietse abu rei vâ
9 puo keluketuo la a ki pushüchie; sishü. Sirâ ukâa
kediü die siliedi tuozâ vâta; sitse, harie, neithutsatienu
ukâ themvü ngukechüu ukâ mhâdzü tuozâvâ unuoyâ
10 bachechü tsäliedi sümhâ tounu zhata. Sükisü ukâ themvü
11 süu ngudi ukâ neipie mhapuo chûta. Sirâ ukâ ki
süu nu leri nuosüyâ puo zuo Maria ze badi ngulie:
sitse ukâ tsu nerhupfûzhüliedi puo rüsuota; sidi ukâ
ukâvie dzekâ phreiliedi, suna, dhünatsa, mu puore ke-
12 thengu dzüpfü rei khapie puo kelu. Süsia ukâ bu Herod
ki lavâ mo ketuola umhâ geinu *Jihova medâ* siliedi ukâ
cha kekrei ze ukâthuo ukâ ra vâta.

JISU ZE LJUPT NU KÉVÁ; BETLEHEM NU NHICHUNUOKÁ
DUKHRIKECHÜ; LJUPT NUNU JISU ZE LAVÁRKETA

- 13 Sirâ ukâ tuotatse, harie, Josef mhâgeinu Niepuu dielie-
miapuo vârdi sie, Nâ tuosieliedi unuoyâ mu puo zuo ze
ta Ijupt nu vâliechie, mu a n ki mhapushü kemochie nâ
sünu bazâliechie: mhakekreilamonyü Herod-a nuochü-
yâ dukhriwa tuoüdi puo pfüzâtuo kechûla; sishü.
14 Sitse puo tuosie unuoyâ mu puo zuo ze pezei Ijupt nu
15 vâta; sidi Herod siata kemochie sünu bata. Niepuua
siadzekesiu tia nunu. A Ijupt nunu a nuo kieliewe,
isipie kezhu dieu tseilie ketuola sikelie zâ.
16 Sükisü Herod-a mhakesi sükâ puo sekewa leliedi puo
neimosedi mia ketseshädi, mhakesikâ kinu puotei sitou
kelie kemhie Betlehem mu sukhie sümhon kebakhekâ
nu thepfunuomia chie kenia khrâ na vâ chie kenia nuo
17 ketâkâ dukhri phrewata. Süvasü,
Rama nu mhapfepuo si,
Kra mu thekrü chü phi,
Rachel bu puo nuonuokâ kru krakra;
18 Sidi sükâ juketala puobu puo noululiennyü mota;
isikechü siadzekesiu Jeremia bu thiadzü pupie kezhu dieu
tseiwate.

- 19 Derei Herod siatatse, harie, Ijapt nu Josef mhâgeinu
 20 Niepuu dieliemiapuo puo ki vârdi sie, Nâ sieliedi unuoyâ
 mu puo zuo ze tuose Israelmia kijüntâ vâliechie : mhake-
 kreilamonyü unuoyâ dukhrinyü ketuokâ siaketala; sita.
 21 Sitse puo siedi unuoyâ mu puo zuo ze Israelmia kijünu
 22 vârtâ. Derei puo Arkela puopuo Herod sou chüdi Judia
 kijü nu kedi chûkeba silietse puo sünu vâ michieta ; mu
 sükisü puo mhâgeinu Jihova medâ siliedi puo tuo rüdei
 23 Galil kijünu vâta. Sidi vâ Nazaret ükechü rühapuo nu
 bata ; süsü puo üse Nazaretmia ütuo isikêchü thiadzü
 siadzekesikâ bu pupie zhü kechü dieu tseilie ketuolâ zâ.

JOHAN MIA BAPTAIZ CHÜKEZHOU MHATHÂ DZE

- 3 Sirâ sümesekisü Johan mia baptaiz chükezhau vâ
 2 Judia nhatsa nunu mia pethadi, Niekâ nou kediliechie ;
 3 teigei kedi chûketuo vâ penug bata kechüla. Thiadzü
 Isaya siadzekesiu puo dze pudi sie,
 Nhatsa nunu miapuo shiekhouidi,
 Niekâ Niepuu chau keselie,
 Puo chatsekâ dukemeshülie chie,
 isiketuo pfen sü puo zâ kechüla ; situota.
 4 Sirâ Johan süsü puopfe puonei ut-mie se chü, mu
 chüzhü chiepha pie puo chiephapfü, mu puocha ku mu
 5 nhapfidzü. Sükisü Jirusalem mu Judia pete mu Jordan
 6 rür merbie khekâ nunu mia puo ki vâ ; sidi themia sükâ-
 sü uthuo ukemoukâ phrashüdi Jordan rür nunu puo dzie
 7 nunu baptaiz chü phrelie. Derei puo Farisikâ mu Sadu-
 kikâ kekra puo baptism nu vârketo ngulietse, puo ukâ
 üse, Niekâ tinyhü seyiekâ, thesia pfü vârketo therhielie
 8 tuoükechü supuonie niekâ ki pushü ga? Süla thenou
 9 kedilie kesü siu bu rüchü parliechie. Sirâ, Hie rei
 Abraham hie puo zâ, ikechü putuou kechü nie nou nu
 medâhiechie : a niekâ ki pushü tuo, Jihovaa ketsie hakâ
 10 geinu Abraham nuonuo pelhoushülie vi zâwe. Sirâ tsie-
 harei seidurü seibâkâ phinu zhü zâ : süla seibâ sükâ kehu-
 puorei puo si kevi rüchülie kemomia wipie mi nu shüwa-
 11 tuo. Azâwe niekâ bu thenou kedilie ketuola dzü nunu
 niekâ baptaiz chûketuo zâ : derei a sia vâ kezhöu zâwe
 aki zhakuo, a puo phikou pie rei lie sü mo : puoa Kemesa
 Ruopfü nu mu mi nunu rei niekâ baptaiz chütuo.

- 12 Puo lieherür puo dzienu bazâ, mu puo puosia hekeme-sampou watuo; sidi puo puolhakâ pie telhakinu kengulietuo, derei puo shübekâwe pie mhetaliekelhâ mi nunu thewatuo.

JISU BAPTAIZ CHÜKELIE

- 13 Sümese kisü Jisua Johan dzie nunu baptaiz chülie tuoü-
14 di Galil nunu tuose Jordan rür nu Johan ki vâr. Derei Johan puo khanyüdi sie, A n dzie nunu baptaiz chükechü
15 mese zâ, derei nâ a ki vârzhüte le? Sirei Jisu sie puo üse, Tsieuva sishüchie: mhakekreilamonyü ubu mhachülie kezhü kehupuorei chürâ puotou zâ kechüla. Sitse
16 Johan chüshü tuoüta. Sirâ Jisu baptaiz chülietatse metha dzü nunu mhaparta: sükisü, harie, teikâ kâshü puo tsü, mu sükisü puoa Jihova Ruopfü mekhru kemhie ker
17 puo gei bakelie ngulie; sitse, harie, teigeinu mhapfepuo Hauha anuo akhrieu, a puo ngupie aneithâu zâ, isi ker.

JISU SATAN BU PUO KEDÂ KECHÜ

- 4 Süsia Jisu Satan bu puo kedâ tuoüdi Ruopfüu bu puo
2 hüze nhanu vâta. Sirâ puo teisâzha hiedia mu teizeizha
3 hiedia khe tuota ru süsia puova merta. Sitse puo kedâkechüu vârdi puo üse, Nâ Jihova Nuo ürâ, ketsie hakâ ki
4 mhapushüdi sükâ bu niekhrüda meviliechie; sita. Derei puo lasie. Themia niekhrüda rürbei la zâ monyü Jihova tia nunu kepar die kehupuo la rei rhcilie zâtuo, ikechü
5 thupie zhü; sita. Süsia Satan-a puo ze rüna kemesau nu
6 vâdi puo bu rüsuoki tsüle gei balie. Sidi puo üse, Nâ Jihova Nuo-u zâü lirâ, nthuo tetsuchie: mhakekreilamonyü,
N la puo dieliekâ kí pushüdi
N bu tsu ketsie gei nu n kese mo lie ketuola
Ukâ bu ukâ dziepie n pielietuo,
isikechü thupie kezhüla; sita.
7 Jisua puo ki, Nâ n Niepu Jihova kedâsuo isikechü
8 rei thupie zhü zâ, sita. Lasie Satan puo ze kijüthou kerükriese puo gei vâdi kijü kedi rüna petekâ mu sükâ
9 kinyikâ thashü puo kia; sidi sie puo ki, Nâ tsu a rüsuo
10 lirâ, a mahakâ pete pie n tsütuo; sita. Sitse Jisu sie puo ki, Tuotaiechie, Satan; mhakekreilamonyü, Nâ n

- 11 Niepu Jihova rüsuolie mu puo lie rürbei chüzâlie morâ
suo, isikechü thupie kezhûla ; sita. Sitse Satan puo kha-
wata, mu harie, teigedieliemia vârdi puo rühwilieta.

GALIL NU JISU MHATHÂ THERIAKÂ DZE JISUA PITOR,
ANDRIA, JAKOB MU JOHAN NUOKÂ KIEKELIE

- 12 Süsia mia Johan telie ketâ die sidi Jisu rürdei Galil
13 nu vâta. Süsia Nazaret nunu tuose dzükezha khieki
Zebulun mu Naftali nia ria nu keba Kafarnaum nu' vâ
14 bata. Süsü mhakekreilamonyü Isaya siadzekesiü bu
15 pupiekehrüdiekâ tseilie ketuola zâ. Die sükâ,
Jordan rür khie dzü kezha tsatie keba.
Zebulun kijü mu Naftali kijü,
Puocha Judakemokâ Galil ;
16 Kezei nu keba themia sükâ
Kezie kezha puo nguliete.
Sirâ kesia kijü mu puo khrünu kebakâ goi rei
Zie parte ; sipiezhü.
17 Süze Jisu mia petha chie siedi sie, Niekâ nou kedilie
chie, teigei kedi ehüketuo vâr penuo bata kechûla.
Situota.
18 Sidi puo tuo Galil dzükezha khieki vâzhürü, siaze-
dzüriamia kenia, Simon Pitor ükezhau mu puo siazeu
Andria unia jal pie dzükezhau vashüzhüdi ngulie ; unia
19 khuoketemia zâ kechûla. Sükisü puo unia üse, nia a
siamedziliechie, sirâ a nia bu themia ketemia chülietuo ;
20 sita. Sitse unia unia jal kha mhawadi puo siamedzita.
21 Sirâ puo sünnunu tuo sa phi zhüru, siazedzüriamia kekrei
kenia, Zebedi nuo Jakob mu puo siazeu Johan unia
uniapuo Zebedi ze rou nunu ukâ jal pekhuo badi ngulie ;
22 sidi puo unia rei kie. Sitse unia rou mu unia puo
khamhawadi puo siamedzita.
23 Süsia Jisu rühou Galil kijü petenu vâdi ukâ kehokikâ
nu vâdi mia petha mu kedi dze dieliekeviu pupie mia kia,
sidi themia dânu kechükenyü neiükâ pete chükeshürhâ-
24 shü. Sükisü Siria kijü petekâ nu puo dze kepubou vâta.
Sirâ mia kechükenyü neiü chüketuo kechükâ pete, terhuo-
kesuokâ bu ükebizeketuokâ mu terhuovüzie kechükâ mu
kerünyiekâ rei pete ze puoki vâr, mu puo sükâ chüke-
25 shürhâ phreshü. Sitse Galil mu De*apoli mu Jirusalem

mu Judia kijü nunu rei mu Jordan rür khietsatienu rei
themia krâdi keze puo siamedzita.

JISUA KIJÜTHOU GEINU MIA KEPETHA DIE.—
RUOKUOTHÂKÂ DZE

- 5 Sirâ Jisu themiakrâkâ ngushüdi tuose kijüthougei
2 khâta : sidi puo khâ balietsa puo siadzikâ puo ki vârlië.
Sitsë puo puotia tiahiesie ukâ pethakechü hamhie :
3 Ruopfa kitsatie ketsâpfükâ ruokuothâ : mhakekreila-
• monyü teigei kedi-a sükä vie zâ kechüla.
4 Unoumezhieya kezhakâ ruokuothâ : mhakekreila-
monyü sükä unou luolie zâtuo kechüla.
5 Kemiakâkemokâ ruokuothâ : mhakekreilamonyü sükä
Rijüu pie ukâ vie chüzâtuo kechüla.
6 Kemiathâ dze pfü keterhür kemerür chükezhakâ ruo-
kuothâ : mhakekreilamonyü sükä pevülie zâtuo kechüla.
7 Mia ngumezhieya kezhakâ ruokuothâ : mhakekreila-
monyü sükä rei ngukemezhie ngulic zâtuo kechüla.
8 Unou kemesakâ ruokuothâ : mhakekreilamonyü sükä
Jihova ngu zâtuo kechüla.
9 • Kevichüya kezhakâ ruokuothâ : mhakekreilamonyü
sükä üse Jihova nuonuo chüzâtuo kechüla.
10 Kemiathâ la miabu upese kezhakâ ruokuothâ : mha-
11 kekreilamonyü teigei kedi-a sükä vie zâ kechüla. A la
mia niekâ kerhie mu niekâ pese mu tijüdi niekâ gei die
12 kesuo neiükâ purâ, niekâ ruokuothâ. Nie neilie, mu nie
neithâr zâlie : mhakekreilamoü teigei niekâ zhakhra vise
zâ ketuola. Süsütuoï mia thiadzü niekâ mhâdzü ketuo
siadzekesikâ rei pesephi zâ.

KHRISTA KEDI NUOKÂ ZHÄ

- 13 • Niekâ kijü tsia zâ : derei metsia zârei puo kelhe jüta
râ. kedipuo pie chü pelhelieta ? süsia mhathâpuomo tadi
14 kelhoupie mia bu kedekewa zâtaya. Niekâ kijü kezie zâ.
15 Kijüthougei keba rüna, mia puo ngumotalielhâ. Mia mi
petupie bie khrâ monyü mituba gei baya ; silirâ kinu
16 kebakâ Pete vazezielieya. Süsütuoï mia bu nie mhathâ
kevi ngudi teigei keba niekâ Puo tsëlie ketuola niekâ
kezie pie mia vazezieliechie.

JISU VÂR MOSA ZHÂ MU SIADZEKESIKÂ DIEKÂ
CHÛTSEIKELIE

- 17 Niekâ aũ *Mosa* zhâu mu siadzekesikâ diekâ biepejûwa
tuoũ vâr ûkechũ medâhie'chie : a sũkâ biepejûwa tuoũdi
18 monyũ chûtseishũ tuoũdi kevâr zâ. Sirâ a niekâ ki putou
shûtuo. Tei mu kijũ jûtakemochie mu mha hakâ petekâ
chûtseiwakemochie thezhâu nunu i puo mu kethushũ
19 keviyâ puo rei mhapuorei chũdi jütalielhâ. Sũla themia
kehupuorei diekhakeshũ kechũthâ sũkâ dânu diepuo
varhuo mu sũsũ pupie mia pethaya râ, teigei kedi'nu
puo ũse kechũthâ chûtuo : derei themia kehupuorei sũkâ
chũuze mu pupie mia pethaya râ, teigei kedi nu puo ũse
20 kezha chûtuo. Sizâmonyũ a niekâ ki pushũ tuo, Niekâ
kemiathâa leshũkesithâkâ mu Farisikâ *miathâ* ki vikuo
mo lirâ, niekâ mhapuorei chũdi teigei kedi nu lekelie jũ
zâ.
21 Nâ mia dukhri suo zâ ; sirâ themia kehupuorei mia
dukhri râ, siazha ngukelie prei. isikechũ keriakimiakâ ki
22 pupie tuo kechũ niekâ silieta dia : Derei a niekâ ki
pushûtuo, Themia kehupuorei puo siazedzûriamia gei
puo neimo râ, puo rei siazha ngukelie prei ; sirâ themia
kehupuorei diekesuo pupie puo siazedzûriamia rhie râ,
pehũmia hou nunu siazha ngukelie prei ; mu themia
kehupuorei sũu ũse, Nâ kenyamia zâ, isi râ, miziau nunu
23 siazha ngukelie prei. Sũla nâ mha se rûsuoba ki kevâki
n siazedzûriamia n gei kenya kechũ die huõ keba nsiale-
24 lie râ, Nâ mhasekevâkâ khapie rûsuobau mhâdzũnu
piezhûwadi, vâ n siazedzûriau ze kezevilie periadi sũze
25 vârdi mhasũkâ khashũliechie. Nâ n gei kenya kezha ze
chala nu ketuo nu puo ze kezevi mhailiechie ; simolirâ
n gei kenya kezha n tepie kenyakechũ kezha dzienu
shûwatuo, mu kenyakechũ kezha n tepie darga dzienu
shûwatuo, sidi n tepie kediëkinu shûwa rei silielhâ.
26 A n ki putou shûtuo, Nâ vâ priesayâ puorei chũ thewa
kemochie mhapuorei chũdi sũnunu par kelie jũ.

PIEÛ CHÛHIE NU KECHÛ MU UNUPFÛNUO VAWA
HIE NU KECHÛ

- 27 Nâ pieũ chũsuo, isikechũ pupie zhũ kechũ niekâ
28 silieta dia : derei a niekâ ki pushûtuo, Themia kehu-

- puorei thenumia mengudi puo mehâ râ, sitsemetha puo
 29 nounu puo ze pieû chûwata zâ. Sirâ n mhi n zatsa n
 chûpesuo râ, n geinu kerûrlapie kelhouwa chie : mhake-
 kreilamonyû n mâ pete pie mi nu shûkewau monyû n chû
 30 zapuô jûketawe n kemevi zâ kechûla. Sizâmonyû n dzie
 n zatsa n chû pesuo râ, n geinu sûu da kelhouwachie :
 mhakekreilamonyû n mâ pete pie mi nu shûkewau monyû
 n chû zapuô jûketawe n kemevi zâ kechûla. Sirâ,
 31 Themia kehupuorei puo kimia khawatuo lirâ, puo
 khawakea leshû pie puo tsûchie, isikechû rei pupie
 32 zhû : derei a niekâ ki pushûtuo. Themia kehupuorei pieti
 la zâ kemosia puo kimia khawa râ, puo ûse pieûkechûmia
 pfû chûwata zâ : sirâ themia kehupuorei mia puo khakewa
 pfû lie râ, puo rei pieti chûta zâ.

RÛSEHIE NU KECHÛ

- 33 Sûsia rei, Nâ tijûdi rûse hieû Jihova kitsatie rûsedî
 mhapupie kezhûkâ chûtseilliechie, isidi keriakimiakâ ki
 34 pupie tuo kechû niekâ silieta dia : Derei a niekâ ki
 pushû-tuo, Mhapuorei pu rûsehie ; tei rei pu hie, sûusû
 35 Jihova kedibau zâ kechûla ; kijû rei puhie, sûusû puo
 phibau zâ kechûla. Jirusalem rei puhie, sûusû kedi
 36 kezhaus rûna zâ kechûla. Sizâmonyû nâ n tsû rei pu rûse
 hie. nâ thaprû puo chû pekra morei petereilie kelhâ la.
 37 Derei n dje urâ, uûlie, mo râ moulie : modi sûzieta râ
 sûkâ kesuo-n kinunu kepar zâ.

UNGUMVÛMIA KI MHA CHÛLIE MORÂKESUO

- 38 Mhi puo khe mhi puo, mu hu puo khe hu puo zâtuo ;
 isikechû thiadzû pupie zhû kechû niekâ silieta dia :
 39 Derei a niekâ ki pushûtuo, Kesuomia mese chûhie : sike-
 chûmonyû themia kehupuorei n dzâ n zatsa vû râ,
 40 kekreibatsatie rei kereila pie puo tsûchie. Sirâ mia n
 boulia lielie nyûdi n ze vâdi diekechû tuoûta râ, n pfe rei
 41 kha puo tsûwachie. Mu themia kehupuorei n kemvû
 chûdi n ze maildâ puo vâ tuoûta lirâ, puo ze dâ kenia
 42 rei vâchie. Mia n ki mha cha râ, kha puo tsû chie ;
 tsiu nâ mia n kinu mha thepu kenyûmia therhieta hie-
 chie.

- 43 Nâ n siazanuomia khrielie mu n ngumvümia ngumvü-
 44 lie chie, isipie kezhû niekâ silie dia : Derei a niekâ ki
 pushütuo, Nie ngumvümia khrielie, ñu nie pesekezhambia
 45 la chaliechie. Silielirâ niekâ teigei keba niekâ Puo-u
 nuonuo chülietuo : mhakekreilamonyü puo puo niaki
 pethupie kesuomia rei mu kevimia rei vashüya, mu tei
 perürpie kemezhümia rei mu mezhükemomia rei vashüya
 46 kezhala. Simodi niekâ mia niekâ khrie kezhakâ khriea
 kezha zâ lirâ, niekâ kedipuo ngulieta ? thesâkeliémia zârei
 47 sükemhie chüya zâ moü ma ? Sirâ niekâ ~~no~~ siadzüränia
 rürbei kelu kezha zâ lirâ, sü mhapuo ma ? Judakemo-
 48 mia thuo zâ rei sükemhie chüya zâ moü ma ? Süla
 teigei keba niekâ Puo-u vitsei kechü tuoi niekâ rei
 vitseilie chie.

MHAKHAKESHÜ, KECHA, MU MEVÄ KECHÜ

- 6 Themia bu ngu zâ tuoüdi thenia mhâdzü niekâ mhathâ
 kevikâ chüzâ molie ketuo nie kireilie chie : kemosia teigei
 2 keba niekâ Puo kinu nie zhakhra puorei ngulielhâ. Sirâ
 nâ mhapie mia ketsü ki kethera kezhakâ themia kinu
 thetse pfülie ketuola *Judamia* kehokikânu mu chapfükâ
 nunu chüyakezha tuoi ketsü kekhou kemhie shietuo zâ hie
 chie. A niekâ ki putou shütuo, Sükâwe u zhakhra ngu-
 3 liete. Derei nâwe mha khakeshü ki n zatsa pie kechüun
 4 vitsa bu sihie chie : sidi nâ mhakha keshükâ bu
 pekhrelie ; silie lirâ mhakepekhrekâ nguya kezha n Puo-u
 puothuo n zha chüpie n tsütuo.
- 5 Sirâ niekâ cha kechüki kethera kezhamia mhieta hie-
 chie : sükâwe miabu ukâ ngu ketuola kehokikâ nu mu
 cha tiatsükâ nunu thadi cha kechü uneiphiya. A niekâ
 ki putou shütuo, Sükâwe u zhakhra nguliete.
- 6 Derei nâzâwe chaketuoki n kinutsekou ledi ki khalie,
 sidi kepekhreia baya kezha n Puo ki chalie chie ; silirâ mha
 kepekhrekâ nguya kezha n Puo-u thuo n zha chüpie n
 7 tsütuo. Sirâ nâ kechaki Judakemomia tuoi diethuo
 kepusia pulala hie : sükâzâwe ukâ die kekra kepu la ukâ
 8 kecha rünyülie tuoü kechü letuoya. Süla niekâwe sükâ
 mhieta hie : mhakekreilamonyü niekâ Puo-ua niekâ puo
 ki mhakeche mhâdzü niekâ mha tsâpfü kebâ sibaya
 9 zâ kechüla. Süla niekâ hamhiedi chaliechie :

Teigei keba hie Puo,

miabu n zaü kemesau ükechü pukelieu chülie-
chie.

- 10 N kedi chüvârkeli u chüliechie.
Kijüha reipie teigei kemhie n neiu chüliechie.
11 Thia thia va kha hie tsü chie.
12 Sirâ nâ hie kejâkâ vashü hie tsüchie,
hie rei mia kejâkâ vapie mia tsükewa tuoi.
13 Sirâ hie khapie kedâkechünu shü hiechie,
sikechüumonyü kesuo-u *dzienunu* hie kelaliechie.
14 Tsiu niekâ mia kejâ vashü mia tsü lirâ, teigei keba niekâ
15 Puo-u rei niekâ *kejâ* vashü nie tsütuo. Sirei niekâ mia
kejâ vashü mia tsü morâ, niekâ Puo-u rei niekâ *kejâ*
vashü niekâ tsü lielâ.
16 Sizâmonyü niekâ mevâketuoki kethera kezhakâ tuoi
niekâzie pesupie tuota hiechie: sükâzâwe miabu ukâ
mevâ ketuo ngunyüdi ukâzie suosiei tuoya. A
niekâ ki putou shütuo, sükâzâwe uzhakhra nguliete.
17 Derei nâzâwe mevâ ketuoki tier pie n tsü kenhelie, mu n
18 zie rei tsuwalie; sidi n kemevâ pie miabu ngu hieü kepe-
khrenu baya kezha n Puo-u bu n *ngulie*: silirâ mhakepe-
khrekâ nguya kezha n Puo-u thuo n zhachü pie n tsütuo.

KIJÜ HAU NU MU LUU NU RÜLI KEMEDÂ

- 19 Shülhe mu mhouthie bu chü pejüwaya kezha mu
kerügumia bu rei rhieledi rügulieya kezha kijü nu
20 nie kinyi kengu hiechie: sikechüumonyü shülhe rei
morei mhouthie rei chüpejüwalie kelhâ, mu kerügumia
rei rhieledi rügulie kelhâ teigei nu nie kinyi kengulie
21 chie. Mhakekreilamonyü n kinyi kebara n nou re
22 sünü bazâ tuo kechüla. Umâ kezieu sü umhi zâ: süla
23 n mhi vi ba râ, n mâ pete zie poui batuo. Derei n mhi
suo râ, n mâ pete zei boui tatuo. Süla n nou keba kezieu
24 zet râ, kedithede zeita! Mia kituo chüyakezhamia
miapuorei niepumia mia kenia kituo chü keduoлие suo;
silirâ puo miapuo rütse mu kekrein ngu puonei tatuo;
morei miapuo kitsa batadi kekrein thitatuo. Niekâ
25 Jihova mu mamon unia kituo chükeduoлие suo. Süla a
niekâ ki pushütuo, Niekâ tsiedâ kelhou hau la mhake-
chü kekria rülikâ morei niekâ mâu la pfemeneikâ rüli lepie
niekâ nou kemzhie chühie. Nie kelhou nie cha ki vikuo,

- 26 mu nie mâ rei nie pfeneikâ ki *vikuo* zâ moü ma ? Teirakâ
 rüli leshüchie ; ukâ tsia se tsu chieya mo, re reiya mo,
 morei ukâ lhakikâ nu telha kengureiya mo ; derei teigei
 keba niekâ Puo-u sükâ va thuo rei chüya ze. Niekâ sükâ
 27 ki viphi kuo moü ma ? Derei niekâ supuonie puo nou
 kemezhie chüdi, süsüla puo kelhouzha thupuo chierei
 28 chüpechalie vita ? Sirâ niepfe nieneikâ rüli lepie kiüdi
 nienou mezhiya ga ? Lie' nu terhuobiepuokâ rüli
 leshüphichie ; sükâ lhoukesieki mhachü 'mhalieya
 29 mo, morei terhiterhie rei chüya mo ; derei a niekâ
 ki pushütuo, Solomon thuorei puonyie vise kechü
 30 thuorei sükâ mhiei kerütsâ mo. Derei lienu nha
 thia lhou barei sâdu chüpie miphunu shüwaketuokâ,
 Jihova sükâ rütsâ thuorei chüshüya lirâ, harie niekâ
 kepele ketsakâ, puo sükâ ki niekâ rütsâ chükuo shümo
 31 tuo ma ? Süla niekâwe, Kedipuo chü mu kria tie shi ?
 kechü, morei kedipuo se kerütsâ tie shi ? kechü lepie
 32 nienou mehyu mezhiie hie. *Kijü* haunu kelhoukâ
 mhasükâ pete pfübaya zâ ; derei niekâ mhasükâ petekâ
 ngulie morâkesuo teigei keba niekâ Puo-ua siphre ba.
 33 Sirei niekâ puo kedikechü mu puo kemiathâ pfü peria-
 34 lie ; silielirâ mhasükâ reipie niekâ tsüsashü tuo. Süla
 sâdu rüli lepie nie nou mehyumezhie hie : mhakekrei-
 lamonyü sâduthuo sâdu rüli medâlie tuo kechüla. Teisâ-
 nhia puothuo puo mezhiie baphre.

MIA KEJÂ KEPFÜ : KECHA : THEZHÂ KEVITHÂ :

MU TARHÂKESHÜ DIE NEIÜ NEI

- 7 Niekâ mia kejâ pfühie, simolierâ miarei nie kejâ pfü-
 2 lielhâ. Mhakekreilamonyü niekâa se mia pejäkechüu,
 miarei süuse niekâ pejä zâ tuo : mu nie mhanunu medâ
 keshüu, miarei sünunu medâla shü nie tsüzâ ketuola.
 3 Sirâ nâ kiüdi nthuo n mhinu kithe kebau lemodi n
 4 siazeu mhinu kerhu mehâya ga ? Morei nâ kikidi
 nthuo n mhinu kithe kebau mehâmozâdi n siazeu üse, A
 siazeu, abu n mhinu kerhu kebâyâ kawachie! ikechü
 5 pulie viga ? Nâ kethera kezha, nthuo n mhi nunu
 kitheu thawa periachie, silie lirâ süsiawe nâ n siazeu
 mhinu kerhu kebâyâ rei ngumeyiemeluoliedi kawalie tuo.
 6 Mha kemesapfü khapie tefü tsühiä chie, mu nie chü

puoma kerepfü kelhoupie thevâ mhâdzünü shühie chie, ukâ uphi reipie sükâ kede mu reipardi *uke pie* nie du rei silielhâ.

- 7 • Chachie, sirâ khapie niekâ tsütuo ; pfüchie, sirâ niekâ bu ngülietuo ; kikha ketouya zâ chie, sirâ khrüşhü niekâ
 8 tsütuo : sirâ themia kehupuorei chaya kezha mia ngulie-
 • ya ; mu pfüya kezhamia ngu rei lieya ; sirâ kikha ketou, kezhamia mia kikha khrüşhü sümia tsüya zâ.
 9 Tsiu niekâ dânu supuonie puo nuoa niekhrüda charâ,
 10 • ketsie pigpuo tsüya ga ? Morei khuo puo charâ, tinyhü
 11 • ehüpie puo tsüya ga ? Sirâ niekâ kerüzhümia thuo zârei mhakevi pie nie nuonuo ketsü dâ si râ, niekâ Puo teigei kebauwe mhakevi pie mia puo ki chaya kezhakâ tsü sa phi mo tuo ma ? Sûla mia niekâ gei kikechüpuo chüshü râ niekâ nei shiü niekâ rei mia gei sükemhie chüliechie. Mhakekrei-lamonyü thezhâumu siadzeke-sikâ *dieba* sîusü zâ kechûla.

- 13 Niekâ kharu kemereu ze leliechie : mhakekreilamonyü mia ze kekanu vâya kezha kharuu meya mu cha süu
 14 mechü, mu themia kekra süu ze leya kechûla. Sizâ-monyü mia ze kerheinu vâya kezha kharuu mere mu puocha rei kerürbe, mu süu ngukelie themia tsa.

- 15 Siadzekesi ketijükâ gei nie kireiliechie ; sükâ tekuo pfenei sedi niekâ ki vâr zhie, derei ukâ noutsawe mia tekechü sâchie krâpuo zâ. Ukâ si geinu niekâ ukâ silietuo. *Mia* zohubâ geinu khuobesi rielieya ma ?
 17 morei kikhahu bâgeinu chiedesi rielieya ma ? Süsütui sei kevi khekâ puosi kevi vülieya, derei sei kesuo khekâ
 18 puosi kesuo vütaya. Sei kevimia puosi kesuo vütalie
 19 kenjü, mu sei kesuomia puosi kevi vülie kenjü. Sei puo
 20 si kevi vülieya kemo khekâ wipie mi nu shüwaya. Sûla
 21 ukâ si geinu niekâ ukâ silietuo. A üse Niepu, Niepu, iya kezha khekâ teigei kedinu lephreliehâ ; derei teigei
 22 keba Apuo medâkâ chüya kezha zâtu. Sünhia teisâ nu themia kekra a üse, Niepu, Niepu, hie n za se siadzeke-sidie pu mo ma ? mu hie n za se terhuo kerüzhükâ whuo
 23 mo ma ? mu hie n za se mha kekua kezha chü phi mo ma ? isisietuo. Sitse a ukâ üse, A mhakipuorei niekâ simowe : niekâ, mhakesuo chüya kezhakâ, niekâ tuo a therhietalie chie ; sitatuo.

- 24 Sûla themia kehupuorei a diekâ siliedi sükâ chü mu

- zeya kezhamia pie ketsietsâru geinu puo ki kechû udâke-
 25 vimia ze kemejû shûtuo. Silirâ teirûr vâr mu dzû rei di
 sierûr mu tei rei rûkhria vâr ki sîu va; derei puo vatsâ-
 lie mota: mhakekreilamonyû ki sîu ketsietsâru geinu
 26 chû kelie la. Sirâ a die hakâ sidi sūkâ chûu zeya kemo-
 mia pie huochanyâ geinu uki kechû udâkejûmia ze
 27 kemejû shûtuo. Silirâ tei rûrtsur mu dzû rei di sier
 mu tei rei rûkhria vâr ki sîu va; sidi puo vatsâ pie
 zhûwa: mu puo kerhepha zâwata.
 28 Sirâ Jisu die sūkâ puthe shûtse themiakrâkâ puo ukâ
 29 kepethadie la ungâta: mhakekreilamonyû puo ukâ dânu
 leshûkesithâkâ mhiemodi puo die kekuo kenymia inhie
 ukâ pethata kechûla.

JISUA LEPPA KECHÛMIA PUO, CHÛPAIHI KRIA MHÂ KEZHA-
 MIA KITUOMIA PUO, PITOK'NIAPFÛ, MU THEMIA KEKREI
 KEKRA CHÛKESHÛRHÂ KESHÛ

- 8 Sûsia Jisu kijûthou geinu kerlietse themia krâdi
 2 krâpuo puo siamedzi vâr. Sirâ harie, lepra kechûmia
 puo puo ki vârdi puo rûsuodi sie, Niepuu, nâ n medâ râ,
 3 nâ a chû keshûrhâlie zâtuo; sita. Sitse Jisu puo dzie
 chapie themia sîu biedi sie, A medâwe; n kechû bu
 4 viliechie; sishû. Sitsemetha puo leprakechû bu vilieta.
 Sirâ Jisu puo üse, Nâ mia ki pu suo tuo muü vâdi n
 mâpie phichûu bu mehâchie, sidi mia bu silie ketuola
 Mosaa pupie kezû ruothâu chûwa chie; sita.
 5 Sûsia Jisu Kafarnaum nu letse, chûpaihimia kria mhâ
 6 kezhamia puo puo ki vâr puo chabeidi sie, Niepuu, a
 kituomia puo rûnyiedi kemezhiesedi puo ki nu zhû
 7 zâlie; sita. Sitse puo sîu üse, A vârdi puo chûkeshûrhâ
 8 shûtuo; sita. Sitse kriamhâ kezhaui lasie, Niepuu, a n
 bu aki khrûkhrâ lerûr nulie sî mo; derei diechayâ puo
 9 pushû zâ rei, a kituo-u shûrhâlie tuo. A rei kezhamia
 khrûkhrâ tuo kezhamia zâ: a khrâ rei chûpaihimia huo
 ba; mu a miapuo ki, "Nâ vâchie," isirâ, puo vâya; mu
 kekreinia puo ki, "Nâ vârehie," isirâ, puo vâya; sirâ a
 kituomia ki, "Nâ hau chûshûchie," ishûrâ, puo sîu
 10 chûshya; sita. Sirâ Jisu die sîu sipie puo ngâdi sie puo
 siamedziketfokâ üse, A niekâ ki putou shûtuo, A Israelmia
 11 dânu zârei kepele hau de ngulie mo zâ. Tsiu a niekâ ki

- pushü tuo, Niethutsa mu niekratsa nu themia kekra
vârdi teigei kedinu Abraham mu Isak mu Jakob ze
12 batatuo : derei kedi nuonuokâwe khapie chazou kezeinu
shûwatuo : sünusünü kra uhu thegei pie batatuo.
13 Sishüdi Jisu kriamhâkezhau se, Tuo vâlie ; n gei n
kepele kemhie chûkelieu chûlie ; sita. Sitse kituo süu
sümese toukisü shürhâlieta.
14 Süsia Jisu Pitor kinü leri sükisü puo süu kimia nuozuo
15 ruki zhüdi ngulie. Sitse puo süpfü dzie bieshuru süpfü
• ruki moto, sitse thenusüpfü siedi mha pfü puo tsü bata.
16 Tsiu thevatia tatse mia terhuokesuo bu ukebizeketuo
kekra ze puo ki vâr : mu puo dieü ruopfü sükâ whuowa
17 mu kechükâ pete chûkeshürhâshü : sidi Isaya siadzekesiu
bu thiadzü, Puothuo ukesuo kemeziakâ mu ukechü-
kenyûkâ toupfüliete, isipie kezhü dieu tseilie.

JISUA MIA KENIA VÂ PUO KI MHACHA KECHÜLA MHAPULA
KESHÜ MU TEIRÜTEIKHRIA KEDEZEIKEWA

- 18 Süsia Jisu themia krâdikrâpuo vâr puo houpfü tha
kelie ngulietse puo puodie khashüdi dzûkezhâ khie ke-
19 kreitsatie pfûta tuoüta. Sükisü leshûkesithâmiapuo vârdi
puo üse, Kepethau, a rei n kevâra n siamedzi vâtuolie ;
20 sita. Sitse Jisu sie puo üse, Meserukâ rei uki nyi, mu
teirakâ rei ukru nyi ; derei Themianuouwe puo tsü
21 piese thuse keshü chü rei jü ; sita. Tsiu pethakeliekâ
miapuo puo ki, Niepuu, nâ a khashüdi abu vâ apuo
22 khruwa riachie ; sita. Sitse Jisu puo ki, Nâwe a siame-
dzilie : mu kesiakâ bu uthuo ukesiakâ khruwalie chie ;
sita.
23 Süsia puo roupuo nu lელიetse puoa pethakeliekâ puo
24 siamedzita. Sitse harie, dzûkezhauu teirükria rûkhriapie
kenyerie chü vâr, sidi dzinüpfü sie romu vupfü tuota :
25 derei puowe zezhü. Sitse ukâ puo ki vâ puo kesoudi
sie, Nâ hie rûvuolicheie, Niepuu ; ukâ siata tuoü zhie !
26 sita. Sitse puo ukâ üse, Harie niekâ kepele ketsakâ,
niekâ kidi michieya ga ? Sidi puo siedi teikria mu dzü-
27 kezha ruoshü ; sitse lazeita. Süla themiakâ ungâdi sie,
Teikhria mu dzûkezhâ thuo rei puo die ze kezha themia
hau themia kikechüpuo shiha ! sita.

**JISUA GADARA RŪNA NUNU TERHUOKESUO BU UKEBIZEKETUO-
MIA KENIA NUNU TERHUOKESUOKÂ WHUOKEWA**

- 28 Sūsia puo sū chie vâ Gadaramia kijūnu tsâlietse ter-
huokesuo bu kebizeketuo mia kenia mia mekhru nunu
par puoze keselie ; unia zhâ suopie kemerie chū kechūla
29 miapuorei sūtsa tie cha ze vâlleya mo. Sūkisū harie,
unia shiekhoudi sie, Jihova Nuo-u, nâ hienia gei kedipuo
chū tuoū vār ga ? Puotei tsâ kemonu nâ, hienia pechū
30 tuoūdi hanu vār ma ? sita. Sūkisū thevâ⁶krādipuo⁶vâ
31 ratsa nu mha nge chūtuoru ; terhuokesuokâ puo ki ūme-
zhiemelâdi sie, Nâ hie whuoshūrâ, hie whuopie thevâ krâu
32 nu shūchie ; sita. Sitse puo sie ukâ ūse, Tuotalie chie ;
sishū. Sitse ukâ pradi thevâkâ dānu leta : siru harie, krâ
sūu pete ta rūsou tsiekhiekha tsudi dzūkezhānu ledi dzū
33 nunu siaphreta. Sitse ukâ kepfekâ tā rūna nu vādi
mhapete mu terhuokesuokâ bu⁶kebizeketuo nia gei mha
34 chūketakâ pushū. Sūla harie, rūna sūu nu keba petekâ
Jisu ze kese tuoūdi par ru, ukâ puo ngulietse ukâ puobu
tuo ukâ kijū tsetanu beita.

JISU KERŪNYIEMIAPUO CHŪKESHŪRIĀ KESHŪ

- 9 Sūsia puo roupuo nu ledi tuose puo rūna nu vāta.
2 Sitse harie, themiakrâpuo miapuo rūnyietadi thezhū nu
zhūya zâ kechū puo pie puo ki vār : sūki Jisu themia sūkâ
kepele nguliedi rūnyieketau ūse, Anuo, n dzūzielie chie, n
3 kephumakâ vashū n tsūwate ho ! sishū. Sitse harie leshū-
kesithākâ krâpuo uthuo unounu sie, Themia hauha Jihova
4 thaya ha ; sithata. Derei Jisu ukâ noudākâ siliedi sie,
5 Niekâ kidi niekâ nou mhakesuo leya ga ? “ N kephu-
makâ vashū n tsūwate ho,” ikechū kepu mu, “ Siedi
chatuolie chie,” ikechū kepu, die hania kiu pu⁶rūūkuo
6 tuo ga ? Derei kijū themia kephumakâ vashū tsūlie
ketuo Themianuo-u kekuo ba kechū niekâ bu silienu
kechūla, (puo kerūnyieu ūse) Siedi n zhū chūpieliedi tuo
7 n kinu vālie chie ; isi keshū zâ. Sishūtsemetha themia
8 sūu siedi tu⁶puo kinu vāta. Sirei themia krâ sūkâ sūu
ngudi michieta, mu kekuo sikechū kha themia gei keshū
Jihova tseta.

JISUA MATHI KIEKELIE. MATHI KINU HIEKECHÜ.
MEVÂ KECHÜ DZE KEPRÜLI KETA

- 9 Sūsia Jisu sūnunu tuopra zhūru puo za Mathi ūsi
kechūmia puo thesâkelie banu badi ngulie : sidi puo sūu
ūse, Nâ a siamedzilie chie ; sishū. Sitse themia sūu
siedi puo siamedzita.
- 10 Sūsia puo hie tuōdi le kinu balietsē, harie, thesâkeliekâ
mu kophumakâ kekra vār Jisu mu puoa pethakeliekâ ze
11 hietuōdi balie. Sūkisū Farisikâ sūstū ngudi ukâ puoa
pethakeliekâ ūse, Niekâ Kepethau kidi thesâkeliekâ mu
12 kophumakâ ze hieya ga ? sita. Derei Jisu die sūu sidi sie,
Keshūrhamia darukesimia zepie mhapuorei kechū fū ;
13 derei darukesimia kechūmia la zâ. Niekâ vâdi, “Aa
ruosuo-u monyū ngukemezhie aneiya” isipie ketuo dieu
châ siliechie : mhakekreilamonyū a miathâkâ monyū
14 kophumakâ kietuōū vār zâ kechūla ; sita. Sitse Johan-
a pethakeliekâ Jisu hie vârdi sie, Kidi hie mu Farisikâ
mevāvāya derei nâa pethakeliekâ mevāya mo ga ? sita.
15 Sirei Jisu sūkâ ūse, Miapuo thenuliedi miaze hiekechūki
yasau ukâ ze kebanu puo khriethâkâ nousuo balie vi ma ?
derei puotei vartuo, mu puo khriethâkâ kinu yasau zeta
16 tuōū kechūki sūkisū sūkâ mevātuo. Tsiu miapuorei pfe
rūtata moluo kechūyāpuo pie vâ pfekra pekhuoya mo ;
mhakekreilamonyū pievâ pekhuo keshū upfeyâ pfeluu
17 shūrhapfūtaya, mu rūrha kechū taya. Sirā miapuorei
khuobedzū kesa ūse chūzhūsū kewenu shūya mo : sishū
ūmharā chūzhūsū pfūphawa tuo, sidi khuobedzū bu kru-
tatuō, mu chūzhūsū rei suotatuō : derei mia khuobedzū
kesa pie chūzhūsū kesanu shūya sūla keninia krulieya ;
sita.

JISUA PEHŪMIAPUO NUOPFŪ CHŪPERHIE KESHŪ ; MU PUO
GEI THEZIA KRUKETUO PFŪPUO ; MHICHIMIA KENIA ;

• TERHUO KESUO BU KEBIZETUOKETA KELIE-
HUOMIAPUO CHŪPEVIKESHŪ

- 18 Puo ukâ ki die hakâ pu kethanu, harie, pehūmiapuo
vār puo rūsuodi sie, A nuopfū tsiekinu siate ; sirei nâ
vār n dzie kha puo gei shūthie, sitse puo rheilie tuo ;
19 sita. Sitse Jisu siedi puoa pethakeliekâ sadi themia sūn
20 siamedzita. Sūkisū chiekerekenia thezia kru tuo keta

- 21 pfüpuo puo siatsatienu vârdi puo pfephrie bie : mhake-
kreilamonyü puo puothuo puonou nu, A puo pfe bielie
22 zârei a shürhâlietuo, isikechü letuo ketala. Derei Jisu
reipra puo ngushüdi sie, Anuopfü, n dzüzielie chie ; n
kepele thuo n chükeshürhâ shüwate ho ; sita. Sitse sü-
23 mesetoukisünu thenusüpfü chükeshürhâ shüwata. Sirâ
Jisu vâ pehü süu ki tsâkelieki luou kekhoukâ mu kebou
24 keba themi akrâkâ ngulie ; sidi puo sie, Niekâ rüdeita
chie : rüühapfû siata mo, derei zezhü keta zeru ; sita.
25 Sitse ukâ puo kreta. Derei themia sükâ whuopie kitia
shükewa sia puo kinu ledi rüüsüpfü dzie teshühü ru,
26 puo sierlie. Sitse kijü süu petekânu süu dze kepu bou
vâta.
27 Sirâ Jisu sünunu tuovâzhütse mhichiemia kenia puo
siamedzi vâ shiekhoudi sie, David Nuo, nâ hienia
28 ngumezhie shüchie ; sita. Süsia Jisu mia kinu letatse,
mhichie nia rei puo ki vâta : sitse Jisu ania üse, A haha
chülievi ükechü nnia pele bama ? sita. Sitse unia rei
29 puo üse, U, Niepu ; sita. Sitse puo unia mhi biedi sie,
30 Nnia gei unia kepele kemhie chüliechie ; sishü. Sükisü
unia mhi mhirhâ parta. Süsia Jisu unia kekha beidi
sie, Miapuorei bu haha simolie ketuo nnia zha chüzâlie
31 chie ; sita. Sirei unia pradi kijü süu petenu puo dze pu
kemeyie phiwata.
32 Süsia ukâ vâzhütse, harie, mia terhuokesuo bu puo
33 kebizetuo keta keliehuomiapuo ze puoki vâ. Sirâ ter-
huo kesuo-u whuowatse themia keliehuo-u diepulieta :
sitse themi akrâkâ ungâdi sie, Israelmia dânu hakembie
34 mhakipuorei sichie mowe ; sita. Derei Farisikâ sie,
Puo terhuokesuokâ kediu zedi terhuokesuokâ whuoketuo
zâ ; sita.

JISUA GALIL KIJÜNU KEVÂ USEU MU MIA ;
NGUMEZHIE KETA

- 35 Süsia Jisua rünanadi mu sâchüsânno petekânu vâdi
ukâ kehokikâ nu ledi mia petha, mu kedi dieliekevi
36 pupie mia kia, mu mia kechükenyü neiükâ mu mia
kesuokemezie neiükâ chükeshürhâ shü. Tsiu puo themia
37 krâkâ kenguki ukâa tekua puo kepfe kejü tuoi kemezhie
chü chüretuo ketala puo ukâ ngumezhie phita. Sükisü

- 38 puoa pethakeliekâ ki, Telha kra pere zâ, derei mha-
 kechûmiaawe tsa. Niekâ sîla lie Niepuu bu mhathâmia
 ketsepie puo liehu shûlieketuola puo ki chaliechie ; sita.

APOSTEL KEREKENIAKÂ KI MHA-PUSHÛDI
 UKÂ KETSEKESHÛ

- 10 Sûsia puoa pethakelie kerekeniakâ kieze puo ki
 vârdi, mesakemo ruopfûkâ whuolie tuoû kechû, mu
 kechûkenyû neîûkâ mu kesuokemezie neîûkâ chûkeshû-
 rhâlie tuoû kechû kekuo kha ukâ tsûshû.
- 2 Sirâ apostel kerekeniakâ za hakâha : Keriau Simon
 mia puo üse Pitor ûketau, mu puo siazeu Andria ; Ze-
 3 bedi nuo-u Jakob mu puo siazeu Johan ; Filip mu
 Bartoloma ; Thoma, mu Mathi thesâkelieu ; Alfia nuo-u
 4 Jakob, mu Thadia ; Kanamia Simon, mu Jisu tekeshûu
 Iskariot Judas rei sa.
- 5 Jisu kerekenia hakâha ketseshûdi mhapu ukâ kiadi
 sie, Niekâ Judakemomia chanu vâhie, mu Samariamia
 6 rûnapuo nûrei le hie : sikechûu monyû Israel seyiemia
 7 jûketa tekuokâ kin vâliechie. Mu niekâ vâ kechûki mia
 8 pethadi sie, Teigei kedi penuotewe, isiliechie. Kechûmia
 chûkeshûrhâ shûlie, kesiamia chûperhei shûlie, lepramia
 9 chûkemene shûlie, terhuokesuokâ whuowalie : niekâ
 rei methuo ngulieta zeru, methuopie zashûlie. Niekâ
 10 priesabou ngu suna morei raka morei priesa puorei pfûse
 hie ; mu niekâ rûve likhuo morei boulie kenia morei
 phikou morei kethe *se hie* : mhakekreilamonyû mha-
 chûyakezhamia puocha puova ngu chû zhû kechûla.
- 11 Tsiu rûnanadi morei natse kehupuonu le shierei supuo
 sûnu puotou be shi kechû pfûliechie ; sidi niekâ tuotake-
 12 mochie sûnu bazâliechie. Sirâ niekâ ki sûnu keleki
 13 japie ki sûnu shûliechie. Tsiu ki sûu puotou rá, nie theja
 sûu bu sûnu vâ kelieu chûlie : derei sûu puotou morâ,
 nie theja bu nie gei lavâr kelieu chûlie. Tsiu themia
 14 kehupuorei niekâ zeliemo, morei niekâ die rei rûnyû-
 morâ, ki sûnu morei rûna sûnunu tuota ketuoki niekâ phi
 15 gei nyâphe rei kepfûwalie chie. A niekâ ki putou shûtuo.
 Ketsâkechûnhia rûna sûu rûli ki Sodóm mu Gomora
 rûnania rûliwe hie rûûkuo tuo.
- 16 Harie, tekuo sâchie dânu kevâ tuoi a niekâ ketseshû

- tuoü zhie : süla niekâ tinyhü dâ kevi tuoilie, mu me-
 17 khru zhâ kevi mhielie. Derei themia geiwe nie kireilie :
 mhakekreilamonyü ukâ niekâ tepië ketsâkezhakâ hou
 nu shütuo, mu ukâ ukâkehokikâ nunu niekâ vütuo ;
 18 sükâ mu Judakemokâ mhâdzünü zhapupuo la aza la
 niekâ ze kezhakâ mu kedikâ mhâdzünü rei vâzätuo ke-
 19 chüla. Derei mia niekâ tekeshüki kikidi mha puta,
 morei kedipuo puta ? süsü lê nienou kemezhie chü hie-
 chie : mhakekreilamonyü sümeseakisü niekâ bu diepu
 20 ketuokâ khashü niekâ tsü zätuo kechüla. Süsü niekâ-
 thuo puzâ monyü niekâ Puo Ruopfüuthuo niekâ nunu
 21 pushüya kezhasâ kechüla. Tsiu siazedzüria thuo siazed-
 dzüria teshü mu upuonuo thuo unuonuo teshü miabu
 dukhrituo : sirâ unuonuo thuo ukrünüo ngumvü siedi
 22 miabu dukhrituo. Mu aza la themia kehupuo burei niekâ
 mechü tuo : sirei hie zâtha puotei chükeliu kelaliethuo.
 23 Tsiu rünapuo nu mia niekâ pesë kesieki la rüna sü kepe-
 nuora vâtalie chie : a niekâ ki putou shütuo. Niekâ
 Themianuo-u kevâr mhâdzü niekâ Israel rünakâ nu vâ
 ketsâ phre lielâ.
 24 Kepethau ki pethakeliu zha mo. morei niepuu ki
 25 puo kituomia zha mo. Pethakeliu puo kepethau mhië,
 mu kituomia puo niepuu mhië kelie siesü vita zätuo.
 26 Kinu niepuu thurei üse mia Belzebub ütarâ, puo
 kinumiakâ üse sikuo mo tuo ma ? Süla niekâ sükâ
 preihiehie : mhakekreilamonyü mhapuorei se mia pesi-
 pengü lielâ üdi whepie keba jü ; tsiu miabu simo tuoüdi
 27 keviepie kezhü rei jü zâ kechüla. A kezei nunu niekâ
 ki pukeshükâ, niekâ kezie nunu se mia ki pushülie
 chie : tsiu niekâ nyiepie rünyükelielâ kikhru geinu sükâ
 28 pie shieshülie chie. Sirâ themâ dukhriwa, derei ruopfü
 dukhriwalie kenju kechükâ preihie chie ; sirei ruopfü mu
 themâ rei sapie Gehena nunu biepesuowalie kevin prei-
 kuolie chie.
 29 Chiekhrie kenia pie priesapuo khrüya mo ma ? Süderei
 30 nie Puo-u medâ zâ kemosia sükâ puorei te kijü tsuta lie-
 31 lhâ : derei niekâ tsütha zârei phrüphreliete. Süla niekâ
 32 miehiehie chie : chiekhrie kekra ki niekâ vikuo zâ. Süla
 themia kehupuorei themia kenguki aza pie pu lirâ, arei
 33 teigei keba Apuo kenguki puo za pie putuo. Derei
 themia kehupuorei themia mhâdzünu aza pie pumvü

- lirâ, arei teigei keba Apuo mhâdzûnu puo za pie pulielhâ.
- 34 A kezekevi kha kijû shû tuoû vâv tûechû medâ hie-
 chie : A kezekeviu monyû zhiecha khashû tuoûdi vâvwe.
- 35 A miabu kediekreidi upuonuo ngumvû, puo nuopfû bu
 puozuô ngumyû, mu puo miepfû bu puo niapfû ngumvû
- 36 isishûtuoû kechûla kevâr zâ : sidi ukinumia thuo u-
 37 ngumvû *chûtatuo*. Themia kehupuorei a ki puopuo puo-
 zuo khrie kuoya râ, puo a *themia* chûsû mo ; tsiu,
 themia kehupuorei a ki puonuo thenu rei tlepfu rei khrie
- 38 kuoya râ, a *themia* chûsû mo. Mu themia kehupuorei
 puothuo puo krus picdi a siamedzi morâ a *themia* chû
- 39 sûmo. Themia kehupuorei puophou khriepie puo vie
 chûkelieu puo sîu pejûwatuo ; mu themia kehupuorei
 a la puo phou khrie modi pejûkewau, puophou pie puovie
 chûlietuo.
- 40 Themia kehupuorei nickâ zeliê kezhaû azerei lieya, mu
 themia kehupuorei a zeliê kezhaû a Ketsekeshû rei
- 41 zeliêya. Themia kehupuorei siadzekesimîa za nûnu
 siadzekesimîa zeliêya kezhaû siadzekesimîa zhakhra ngu-
 lietuo : mû themia kehupuorei miathâmîa za nûnu
 miathâmîa zeliêya kezhaû miathâmîa zhakhra ngulietuo.
- 42 Sirâ themia kehupuorei pethakeliemîa za nûnu dzôku
 hieyâpuo zârei khapie zhase hakâ miapuo dieshû zârei,
 a nickâ ki putou shûtuo, sîu puo zhakhra jûtalîelhâ zâ.

11 Sûsia Jisua pethakeliê kerekeniakâ ki mhapu
 theshûkewâ sia puo sîmûnu tuose miâ rûnakâ nu miâ
 petha mu mhapu miâ kia tuoû vâta.

JOHAN MIA BAPTAIZ CHÛKEZHÂU MIA KETSÂKESHÛ
 MU JISU PUO KI MHAPULA KESHÛ ; MU
 KEPETHADIE HUO SA

- 2 Sûsia Johan-a kedicki nûnu Khristau mhathâkâ
 3 siliêtsê puoa pethakeliêkâ ketseshû ; mu ukâ puo ki,
 Nâ vâv tuoû ketuo-u ma ? mo hie bu kekrepûo pfela
- 4 batuo ga ? sidi puo ketsâ. Sitse Jisu lasiê ukâ ki,
 Nickâ tuo vâliedi nickâ kesikengukhekâ pie Johan ki
- 5 pushûchie : mhichiêmîa rei mhangulieta zhie, kerûnyie-
 miâ rei chatuolieta zhie, lepramîa rei chûkemesalalie
 tazhie, nyievûmîa rei miapfe silalieta zhie, kesiamîa rei
 chûperheilalie bate, sirâ dieliekèviu pupie kejûkâ kia

- 6 bate. Mu themia kehupuorei mhachapuo nurei a gei
 famotâ zâ kechûmia ruokuothâ; sishû.
- 7 Sûsia themia sükâ tuotatse, Jisu Johan rûli pupie
 themia krâkâ kia tuoûdi sie, Niekâ nhatsa nu kedipuo
 8 mehâ tuoû pra ga? Teikhria bu hekeniekeliie tekhriebâ
 puo ma? Mo niekâ kedipuo mehâ tuoû vâ ga? Themia
upfe unei puolâ kememhie pfû se kezhamia ma? harie,
 themia *upfe unei* puolâ kememhie pfû se kezhamia kedi-
 9 mia kinu baya ze. Derei niekâ kidi pra ga? 'siadzeke-
 simia puo mehâ tuoûdi ma? Uûkechû. *api*iekâ ki pulie
 vi; mu sizâmonyû siadzokesimia ki rei zhakuo kechûpuo-
 10 zâ. Puo dze thiadzû thupie tuo kechû,
 Harie, n zie kengu mhâdzû, a achaliemia ketse-
 shûtuo;
 Mu puo n mhâdzû, nunu n cha kesetuo.
- 11 Sûsû puo zâ. A niekâ ki putou shûtuo, thenumia geinu
 lhou keprakâ danu Johan mia baptaiz chûkezhau ki
 kezha puorei lhousier mo: derei Jihova kedinuwe kechûu
 12 zârei puo ki zha. Sirâ Johan mia baptaiz chûya kezha
 kelhoukikâ nu vâr tsie ketsâ mia teigei kedi pfû mvürü-
 mvû tuote, mu mvürümvû ketuokâ sûu khapie uvie
 13 chûlieliie tuote. Mhakekreila monyû Johan vâr kemochie
 siadzokesikâ pete mu thezhâu rei siadzokesidie puvâr
 14 tsâ kechûla. Niekâ rei die sûu lekethâ nyû lirâ, vâr
 15 tuoû ketuo-u Elia sù Johan zá ho. Unyie nyidi
 16 rûnyû ketuomia bu rûnyûlie chie. Sirei a tsiedânuokâ
 ha pie kedipuo mhieû shûlie vita? Hakâha nhichunuo-
 17 mia pheluokâ nu badi, ukrâmia kiedi sie, Hie luou
 khoushû nie kia, derei nie dâ chûlie mote; hie thekrû
 chûshû, derei nie kralie mote! isikeshükâ mhie zâ.
 18 Sûsûtuo Johan vâr mbachû mhakria mo ru, mia puo
 19 üse, Puo terhuo kesuo pepfiya; sita. Themia Nuo-u vâr
 mbachû mhakria ru, mia puo üse, Harie, themia mhake-
 chû khu mu khoubezu bou, thesâkeliekâ mu kephumakâ
 khriethâpuo zâ; siya. Derei mhasiu zâwe puo mhathâ
 geinu miabu puo kemezhû silie.

JISU PUOTHUO PUO MHATHÂKÂ DZE KÉPU; MU
 PELEKEMVÜKÂ KETHA

- 20 Sûki puo puokekuo mhathâ kekratsa chûkeshû rûnakâ
 21 nu mia mianou kedilie mo keta la sükâ tha sieta. Che,

- Korasin, nâwe chülie tiea ! che Betsaida, nâ rei chülie tiea !
 nie rûna nunu mha kezha chûkeshûkâ thiadzû Tur mu
 Sidon rûna nunu chûshû lirâ, unia rei gakhraphê mu mige
 22 sefi thiadzûthâ unia nou kedilie tiechiû. Derei a niekâ
 ki pushûtuo, Themia rûli ketsâ kesiernhia niekâ mezhie ki
 23 Tur mu Sidon mezhie tsakuo tuo. Sirâ nâ, Kafarnaum,
 n chû kerûkrie sekhâ teithu tuoû bamo ? n chû kerû-
 nuopie Hades nu shûwâtuo : mhakekreilamonyû n rûna
 nunu mhakezha chûkeshûkâ Sodom nu chûkeshû siewe,
 24 puo, thiadzû harei balie zâtuo kechûla. Sirei a niekâ
 ki pushûtuo, Themia rûli ketsâ kesiernhia n mezhie ki
 Sodom kijûnukâ mezhie tsakuo tuo.

JISU JIHOVA TSEKECHÛ, MU KEPHUMAKÂ KIEKECHÛ

- 25 Sûmesekisû Jisu mhapuladi sie, Hei Apuo, tei mu kifû
 Niepuu, nâ mhakesi keleka kiwe die hakâ keviepie tuodi
 26 pie nuoranuokâ pesipengu keshûla a n tseyâ : kethâ,
 Apuo, n kengukiwe hiechû n nei n medâ zâ kechûla.
 27 Apuo thuo mhapetekâ kha adzienu shûwate : mu Apuo
 zâ kemôsia miapuorei puo Nuo-u siya mo ; sûsûtuo Nuo
 sûu nu Nuo sûu thuo thapie mia kia keshûmia zâ
 28 kemôsia miapuorei Apuo siya mo. Niekâ kemezhie mu
 nie pie mesi kezha kheka a ki vârliche ; sirâ a kerûrlei
 29 khapie niekâ tsûtuo. Niekâ a vâchie pfûlie mu a kinu-
 mhasilie ; mhakekreilamonyû a zhâ vi mu a kâmo ke-
 chûla : silielirâ niekâ niekâ nou kerûrlei ngulie tuo.
 30 Sizâmonyû a vâchie pfûrûu mu a pie rei medza.

KERÛRLEIZHANHIA PETHAKELIEKÂ TELHA KRE MERHE KECHÛ MU DZIESIAMIA PUO CHÛPEVIKESHÛ GEINU JISU MIA PETHA KECHÛ. FARISIKÂ PUO DUKHRIKEWA HRÛKETA

- 12 Sûkisû Jisu kerûrleizha puo nhia tuose mia lievu puo-
 nu tsu ru ; puoa pethakeliekâ ukâ vamerûrdi telha kre
 2 merhe chû tuota. Derei Farisikâ sûsû ngushûdi sie puo
 ûse, Harie, nâa pethakeliekâ kerûrleizhanhia chûkechû
 3 thezhâ kemopuo chû tuote ; sita. Derei puo sie ukâ ûse,
 David mu puo ze ketuokâ thiadzû merûkelie ki chûke-
 4 chû dze niekâ phrû mozâ ma ? Puo Jihova kinu ledi

- phichümia zâ kemosia David rei mu puo ze ketuokâ rei
 chü kechü thezhâ kemo, se mia **kia** ketuo niekhrüda chü
 5 ze. Sizâmonyü phichükâ thuo zârei kerürleizhanhia ke-
 rüsuokinu thezhâ varhuo zârei kejâjü ükechü, niekâ
 thezhâu nu phrü mozâ ma? Derei, a niekâ ki pushü-
 6 tuo, Kerüsuoki kirei zhakuo kechüpuo haki tha.
 7 Sirei, A ruosuo monyü ngukemezhie anei. isikechü dieu
 cha niekâa sikechü siawe, jakemomia pejâlielhe chiü.
 8 Mhakekreilamonyü Themianuouwe kerürleizhâ mhâ rei
 Niepu zâ kechüla; sita.
- 9 Tsiu puo sünunu tuopradi ukâ kehouki nu' le:
 10 ru harie, dziesiamia puo *sünu ba*. Sükisü ukâ puo pejâ
 kenyü la puo ki. Kerürleizhanhia mia chükeshürhâ kechü
 11 thezhâ ma? sidi ketsâta. Sitse puo ukâ üse, Niekâ
 huomia tekuopuo nyidi kerürleizhanhia süsusü te thekbe-
 puo nu letarâ, puo süu merhashü se par, zâ mo tuo ma?
 12 Di sirâ themiawe tekua ki puo na repü moü ma? Süla
 kerürleizhanhia zârei mbakevi chükechü puotou zâ;
 13 sita. Sidi puo themia süu ki, N' dzie chashü chie; sishü.
 Sitse puo rei chashü; sitse chüpevipie puodzie kekreditsa
 14 mhie lashü. Sirei Farisikâ pradi puo dukhrikewa hrüdi
 puo la kerüchüta.
- 15 Sükisü Jisu die sü siliedi sünunu tuo rürdeita: mu
 themia kekra puo siamedzi vâta; mu puo sükâ petekâ
 16 chükeshürhâ phreshü; sidi ukâ bu puo rüli se mia ki
 17 puhie nudi sükâ kekhwata. Sidi thiadzü Isaya siadze-
 kesiu bu,
- 18 Harie, a kituo-u, a thuo puo kedakelieu;
 A khrieu, anou zârei ngupie puo neikechüu.
 A a Ruopfü khapie puo gei shütuo,
 Mu puoa die kemezhüpie Judakemokâ pesishütuo.
- 19 Puo mia ze keprüli mü shie zâtuo lielhâ;
 Mu chapfükâ nurei miapuorei bu puopfe si reilielhâ.
- 20 Puo die kemezhü bu mia ki kuolie kemochie.
 Puoa tekhrie tseütsazhü ketakâ rei biewa lielhâ,
 Mu puoa *mi kepetu* lâ khukezhüpue zârei pemhewa-
 lielhâ.
- 21 Sirâ Judakemokâ puo za sedi puo khremerür tatuo;
 isipie kezhü diekâ tselie.

JISUA TERHUO KESUO BU KEBIZETUO KETAMIA PUO
 CHÜPEVISHÜ, RU FARISIKÂ PUO MHATHÂ ÜSE
 BELZEBUB MHATHA ÜDI THAKETA MU SÜU
 LA JISU MHAPULA KESHÜ

- 22 Sükisü mia terhuokesuo bu kebi zetuo keta mhichie
 • mu keliehuomiapuo ze puo ki vâr : ru puo süu chüpevi-
 shü ; sidi keliehuo süu bu diepulie mu mhangulie.
- 23 Sitse themia krâkâ pete ungâdi sie, Themia hauha Da-
 24 vid Nuo ~~va~~ monyü ? sidi ketsâta. Sirei Farisikâ die süu
 sishüdi sie, Themia hau terhuokesuokâ kedi Belzebub
kekuo se kemesia terhuokesuokâ whuolieya mo ; sita.
- 25 Sükisü puo ukâ noudâkâ siliedi sie ukâ üse, Kedi kehu-
 puorei puothuo puopfü phrâta lirâ kataya ; mu rûna
 morei ki kehupuorei puothuo puopfü phrâta râ balieya
 26 mo : Sirâ Satan thuo Satan whuota râ, puothuo puopfü
 27 phrâwate ; silirâ puo kedi kikidi balieta ? Mu a Belze-
 bub *kekuo* sedi terhuokesuokâ whuoyaü lirâ, niekâ nuonuo-
 kâ supuo *kekuo* sedi sükâ whuoya ga ? Süla ukâ sie
 28 niekâ ketsakehükâ chütuo. Derei a Jihova Ruopfüu
kekuo sedi terhuo kesuokâ whuoya lirâ, sirâ Jihova kedi
 29 ~~va~~ nie tsâ bate. Tsin miapuo *kekuomiapuo* phalie ria
 modi kikidi *kekuo* süu ki nu ledi puo viekâ chülie viga ?
 Puo phakelie sia puo ki nu viekâ chülietuo.
- 30 Themia kehupuorei a kitsakemo-u a ngumvümia zâ,
 mu themia kehupuorei a ze mha kenguya kemo-u se kehu-
 31 keruo chüwaya. Süla a niekâ ki pushütuo, Kephuma mu
 mia ketha kehupuorei vapie themia tsütuo ; sirei Ruop-
 32 pfüu kethawe vashü lielhâ. Mu themia kehupuorei
 themia Nuo gei die kesuo purei vashü puo tsütuo ; derei
 themia kehupuorei Kemesa Ruopfü gei die kesuo pu râ,
 kijü hau nu rei mu tsiesiäu nurei vashü puo tsü lielhâ.
- 33 Nhasibâu rei mu puo si rei chüpevishülie ; morâ nhasi-
 bâu rei mu puo si rei chüpesuo shülie : mhakekreila-
 monyü puo si geinu puo bâu rei silieya kezhalâ.
- 34 Niekâ nyhübvüpfü seyiekâ, niekâ vimodi kikidi mha
 kevi pulie viga ? mhakekreilamonyü unou mhakekra ba
 35 kechü nunu utia bu puparya kezhalâ. Themia kevimia
 puo mhaviebou kevi nunu mhakevi, hielashüya : mu
 themia kesuomia puo mhaviebou kesuo nunu mha kesuo
 36 hielashüya. Süla a niekâ ki pushütuo, Themia diepu

- 37 kezha diethuo dieruo khekâ la rei urûli ketsâ ketuo nhia
pula phre zâtuo. Mhakekreilamonyû n diekâ la nâ
mezhûlie zâtuo, mu n diekâ la nâ jâta zâtuo kechûla;
sita.

TEIGEI NU ZASIPUO CHÛSHÛNU SIE KECHÛLA JISU
MHA PULAKESHÛ

- 38 Sitse leshûkesithakâ mu Farisikâ huomia lasie puo ki.
Kepethau, hie n bu zasipuo chûshûdi apgunyûyalie :
39 sita. Derei puo lasie ukâ üse, Tsiedâ themia kerûzhû
mu diethâkemokâ thuo zasi pfûya kezha zâ ; derei sia-
dzekesiu Jona zasiu sia zasi kekrepuo rei khasashû lie-
40 lhâte. Mhakekreilamonyû Jona teisâ zha se mu teizei
zha se khuo kezha va nu kezhu tuoi Themianuou rei
teisâ zha se mu teizei zha se kijû vadi nu zhû ketuola.
41 Themia rûli ketsâ ketuo nhia Ninivi miakâ sier tsiedâ
themia hakâ zethaliedi ukâ pejâtuo : mhakekreilamonyû
sûkâ Jona bu vâ ukâ petha kechûki ukâ nou kedilie ke-
tala ; mu harie, Jona ki zhakuo kechûpuo haki tha zâ.
42 Themia rûli ketsâ ketuo nhia pesâtsatie kedipfû sier
tsiedâ themia hakâ zethaliedi ukâ pejâtuo : mhakekreila-
monyû puo kifû valatsatienu Solomon mhasidie rûnyû
tuou vâ zâ kechûla ; sirâ harie, Solomon ki zhakuo
43 kechûpuo haki tha. Sirei kerhu ruopfûna themiau nunu
praketaki puo kerûrleiba pfûdi tuose dzûkejûkâ nu
44 vâya, mu sûu pfûpejûtaya. Sûkisû puo sie puothuo puo
üse, A thiadzû badi tuopraketa akiu nu lavâ tatuo,
isitaya ; sÛsia puo tuo sÛnu kevâki ki sÛu methuo
45 mu tsâpie ketsâ kezivipie keba ngulieya. Sidi puo vâ
puo ki rei urûzhû kesuo roupfû kekrei thenia ze puo
saliedi ukâ keze sÛnu ledi bataya : sirâ themia sÛu rûli
kenuthâtsa keriathâtsa ki suokuotaya. Tsiedâ themai
kerûzhû hakâ geirei sÛmbie zâtuo ; sita.

JISU NUOZUO MU PUO SIAZENUOKÂ PUO PFÛKEVÂR

- 46 Puo themiakrâkâ ki mhapu kethanu harie, puo zuo
mu puo siazenuokâ puo ze kerûchûtuo üdi puo pfivâr
47 kitia thata. Sûki miapuo puo ki, Harie n zuo mu n
siazenuokâ n ze kerûchûtuoüdi n pfû vâ kitia thalie ;

- 48 sishü. Derei puo lasie mia puo ki mhapu keshüu ki,
 Suopfü puo azuo ga ? mu suomia a sizemia ga ? sita.
 49 Sidi puo puodzie chapie puo siadzikâ thadi sie. A zuo mu
 50 a sizekâ, harie ! Mhakekreila monyü themia kehupuo-
 rei teigei keba, Apuo medâ zeya kezhamia, sümia a sizem-
 ia a üpfünüo, mu a zuo zâ ; sita.

LIECHIEMIAPUO *PIE KEDIEVII KESHÜ

- 13 Sünhi Jisu ki süu nunu tuo pradi vâr dzü kezha
 2 Nhieki balie. Sitse themia krädipuo vâ puo phinu ke-
 ngulie ; süla puo roupuo nu ledi sünu balie ; mu themia-
 3 krâu pete kesänu balie. Sitse puo kedieviidi mha ke-
 krapie ukâ ki pudi sie. Harie tsia vaketuo puoa puo lha-
 4 tsia vatuoüdi tsu ru ; puo tsia vashütse huo tsu chakhie
 5 zhüta, sirâ perakâ thuo vâr sükâ pachülieta. Mu huo tsu
 puojü vikemo ketsiet sârükâ gei zhüta ; sidi sükâ puofü
 6 shükemola tsü mhaparta : tsiu teirünia partse ukâ
 7 phiedi, ukâ mie kejüla phie pesiawa. Sirâ krâpuo zohukâ
 8 nu tsuta ; Sidi zohukâ zha sier ukâ gekhriwa. Derei
 kekrekâwe tsu rünyâ kevinu zhüliedi puo si rüchülie,
 huomia kriapuo, huomia hiesorou, mu huomia serür vülie.
 9 Themia kehupuorei puo nyie kenymia bu rünyüliechie ;
 sita.
 10 Sitse pethakeliäkâ vârdi puo üse, Nâ kiüdi mia kekrei-
 11 mia ki dievii pie puya ga ? sita. Süla puo lasie ukâ ki,
 Niekâ bu zâwe teigei kedi dze die kesoukâ silienu shü-
 12 wate, derei kekrekâ bu zâwe sishü mote. Mhakekreila-
 monyü themia kehupuorei mha puoki tuo kechün kha
 puo tsü sashü tuo ; sitse puo vie kraphilie tuo : sirei
 themia kehupuorei mha puoki tuo kemo-u puoki ketuokâ
 13 rei puodzie nunu chü setazâtu kechüla. Mu a ukâ ki
 dievii pie pu kechü mhakekreilamonnyü ukâa mehâtha
 rei ngulieya mo, mu rünyütha rei sireilieya mo mu lerei-
 14 lieya mo kechüla zâ.
 Mu sükâ dze Isaya thiadzü.
 Niekâ kerünyüwe rünyütuo, derei silie kenjütâ
 zâtu !
 Mu niekâ kemehâwe mehâtu, derei ngulie kenjütâ
 zâtu !
 15 Tsiu themia hakâ melou rübite,

Ukâ nyie rei kenyebite.

Mu ukâ mhi rei mhimie tuote;

Mhakekreilamonyü ukâ ukâmhi pie ngulie,

Mu ukâ nyie pie silie,

Mu ukâ melou pie lelie,

Sidi lavârdi a bu ukâ chüpevikolie keprei la;

- 16 isidi siadzekesidie pupie kezhuâ tseiliete. Sirei niekâ mhi ki puoruo kekuojü. sükâ mhanguya kezhalâ, mu niekâ nyie rei sümhie zâ. sükâ mhapfe siyâ kezhalâ.
- 17 Tsiu a niekâ ki putou shütuo. Thiadzi siadzekesimâ mu kemiathâmia kekra niekâ tsiedâ ngukezhakâ ngunyü phi vâr. derei ngulie mote; mu ukâa niekâ tsiedâ sikezhakâ sinyü phi vâr, sirei silie mote.
- 18 Sirâ niekâ rei telhatsia vakeshüu dze dieviu rünyüliechie. Themia huomia kedi dieu rünyüliedi puo cha leliemo kebanu Kerüzhüu vârdi tsia puo nou leketau sesetaya. Süüsü nia tsia vâpie chakhieki
- 20 shükewau zâ. Mu mia tsia vâpie ketsie tsârukâ nu shükewau zâwe die süu silie tsemetha puo nei sieidi ze
- 21 mhalietaya; siüderei puo nu puomie kreñie modi zâpuoki rürbei bakelie zâtaya; mu süüsü die süu la kemezhie kechü morei mia puo kepese siertse puo perhe khrëwaya.
- 22 Tsiu mia tsia vâpie zobu dânu shükewau. themia süüsü die süu siliedi; lasie tsiedâ rülikâ lepie thenou kenyyü chü kechü mu u sekezha kinyikâ thuo die süu tipejüwadi
- 23 puo bu puosi rüchülie motaya. Mu mia tsia vâpie kijü kevinu shükewau zâwe die süu rünyüliedi puocha silieya; mu süu puo si rüchülie petuoya. huomia si kriapuo, huomia hiesorou mu huomia serür vülieya: sita.

ZATSÜTSIA, GAKRIETSIA MU KHREI PIE KEDIEVIDI
TEIGEJ KEDI DZE KEPU

- 24 Dievii kekreibuo pie ukâ ki pu tuoüdi puo sie, Teigei kedi-a miapuo telhatsia kevi pie tsu puo lienu prâ keshü-
- 25 mia puo mhi zâ: Derei mia zekezhânu puo ngumvü-
- 26 mia zâtsütsia sela tsu telha dânu prushüdi tuota. Sirei telha tsüpardi puo si rüchülietse, zâtsü rei nguparta.
- 27 Sitse niepu süu nuokituokâ vâr puo üse, Niepuu, nâ telhatsia kevi pie n lienu prushü mo ma? di Sirâ zâtsü
- 28 kirapuonu vârtâ ga? sita. Sitse puo sie ukâ üse, A ngumvümia puothuo ha chüshüa muha! sita. Sirâ puo

- kituokâ puo üse, Nâ hiekâ bu vâ sükâ piekenguwatâ
 29 mo ? sita. Sirei puo sie, Lhâ ; niekâ zâtsü piekengu
 30 vâtse telhakâ rêi sa shûlou kewa prei mu. Lieyie tei
 vârkemochie unia keninia bu kezelhou bazâluo : sirâ
 lieyietêi vârtse athuo liekerekâ ki, Niekâ zâtsü bie
 kengulie riachie, mu thewa ketuola sükâ khrâpie thepie
 •chüliechie ; derei telhakâwe pievâ a lhakinu kengulie
 chie, sishûtuo ; sita.
- 31 Puo ukâ ki dievii kekreibuo pulashü tuoüdi sie, Teigei
 kedi-a gakiesshü yâpuo kemhie zâ, miapuo süu setsu puo
 32 he nu leishü ; süusü mhatsiakâ dânu kechüthâpuo zâ,
 derei lhou sierür zha lierâ ga ki zhakuo taya, mu seibâ
 chütaya. sidi teirakâ bu vâp puo châkâ gei rüselie kevi
 chütaya ; sita.
- 33 Pao dievii kekreibuo pie ukâ ki pula : Teigei kedi-a
 khrei kemhie zâ : thenumia pfûpuo süu chûse vâ thou
 mhakemejürha ketsu senu shüdi thou pou phreparlie
 kemochie keviapie zhü.
- 34 Jisua kedieviüdi themiakrâkâ ki die hakâ petepie pu-
 shü ; mu puo dievii kemo mhapuorei pie ukâ ki pumo :
 35 süusü mhakekreilamonyü thiadzü siadzekesiu bu.
- A atia bu dievii pie mha putuo ;
 Kijü chülietsenu nu keviapie ketuokâ a pushü tuo :
 isipie kezhü diekâ tseilie ketuola.
- 36 Süsia puo themia krâkâ khawadi ki nu leta : süki
 puoa pethakeliekâ puo ki vârdi sie. Lie nu zâtsü dieviiu
 37 cha pu menuo pie hiekâ kiashü chie ; sita. Sitse puo lasie,
 38 Tsia kevi pru shüya kezhau Themianuo-u zâ ; mu lieu
 rei kijüu zâ ; sirâ tsia kevikâ zâwe kedi nuonuokâ zâ ; mu
 39 zâtsü tsiakâ kerüzhüu nuonuokâ zâ. Tsiu sükâ prukeshü
 ngumvü süu Unguvüdâu zâ : sirâ lieyieki sü vâp themia
 lhou thelatsatie zâ ; mu liekerekâ teigei dieliekâ zâ.
- 40 Sirâ zâtsü kengupie mi nunu thekewa tuoi vâp themia
 41 lhou thelatsatie rei sümhie zâtuo. Themia Nuou thuo
 puo dieliekâ ketseshüdi puo kedi nu mha chüpesuo kezha
 khekâ mu themia mhakesuo chükezhakâ pfükengulietuo ;
 42 sidi sükâ khapie miü nu shüwatuo ; sidi mia bu sünunu
 43 kra mu mia hu thegeipie batuo. Sükisü themia kemia-
 thâkâwe ukâ Puo kedi nunu ziepie niaki mhiei pfü
 batatuo. Themia kehupuorei unyie kenymia rünyülie-
 chie.

LIENU MHA KEVIAPIE KEZHÜ, CHÜ PUOMA KERE, JAL
NUNU KHUO NEIÜNEI TEKELIE PIE KEDIEVIIDI
TEIGEI KEDI DZE PUKESHÜ

- 44 Teigei kedi-a lietsapuo nu mhakevipuo keviapie kezhü
mhie zâ ; miapuo vâ süu nguliedi' keviapale zhüwa ;
süsia puo puokeneipfü vâdi puovie ketuo petekâ zepie
vâ lietsa süu khrülie.
- 45 Süsia rei, teigei kedi-a lhithâmia chü puofna kerepfü
46 pfütuoia kezhamiapuo mhie zâ : sirâ puoa chü puoma
kerethâ pfüpuo nguliedi vâ puo vieketuokâ pete zeliedi
süu khrülie.
- 47 Süsia rei, teigei kedi-a jal puo kelhupie dzükezhanu
48 shüdi *khuo* neiükâ tekengukelie mhie zâ : *jal* süu tsu-
lietse mia bu merhashü par kesânu shülie ; süsia
kebaliedi kevikâ pie uviebou nu kengulie, derei kesuo-
49 kâwe khawata. Vâr themia lhou thelatsatie rei sümhie
zâtuo : teigei dieliekâ vârdi kerüzhükâ kedakreize
50 kemiathâkâ therhietatuo ; sidi *kerüzhü* sükâ khapie miü
nu shüwatuo : mia bu sünunu kra mu mia hu thegeipie
batuo.
- 51 Niekâ die ha petekâ cha siliete mo ? sita. Sitse ukâ
52 puo ki, U ; sita. Mu puo sie ukâ üse, Süla Leshükesith â
kehupuorei teigei kedinuo chüketamia, miapuo nuokimia
puo mhaviebou nunu mha kesa mu kewe hiela keshümia
, mhie zâ ; sita.

JISU NAZARET RÜNA NUNU MIA PETHARU MIA PUO
MELIATA KECHÜ VA KENIAU

- 53 Sirâ Jisu dievii sükâ puthe keshü sia sünu nu tuota.
- 54 Sidi puo tuose puothuo puo rüna nu vârdi ukâ kehousi
ki nu nu mia petha ; sükisü ukâ ukângâ phidi sie, Themia
hauha mhakesi haha mu ungâ mhathâ hakâha kirapuonu
55 ngulie shi ha ? Hauha sei mistri-u nuo-u zâ mo ma ?
Puo zuo Maria ükezhapfü mo ma ? Mu puo siazekâ
56 Jakob mu Josef mu Simon mu Juda nuokâ mo ma ? Tsiu
puo üpfünuokâ pete u zetuo zâ mo ma ? Di sirâ themia
57 hauha kirapuonu mahakâ pete silie ga ? sita. Sidi ukâ
puo gei unou kekrüta. Derei Jisu ukâ üse, Siadzekesimia
puothuo puo kijü nu mu puothuo puo kinumia zâ kemo-

58 sia kekreira zâwe mia puo rhukemo jü ; sita. Sidi puo ukâ mhapelemo ketala sünü ungâ mhathâ chüpekra mota.

KEDIU HEROD JISU ÜSE JOHAN MIA BAPTAIZ CHÜKEZHAU
ÜKETA MU JOHAN SE

14 Sükisü kediü Herod Jisu za meyieketa sidi
2 sie puo kituokâ üse, Hauha Johan mia baptaiz chüke-
zhaü zâ ; puo kesiakâ dânunu rheila sierta zâ ; mu sula
3 puo geinu ungâ mhathâ hakâchülie keba zâ ; sita. Herod
süüstü hadzü puo siazeu Filip kimia Herodia la Johan
4 teliedi puo phapie kediekinu shüwa. Mhakekreilamonyü
Johan puo üse, Nâ thenu süpfü liekechü thezhâ mo, isi-
5 keshü la zâ. Sirâ *Herod-a Johan* dukhriwa nyü kesieki
themiakrâkâ preita, ukâ puo üse siadzekesi puo ütuo keta-
6 la. Sirei Herod kepenuoza tsâ vârtatse Herodia nuopfü
7 mia mhâdzü nunu nashüpie Herod nei chüta. Sula
puo thenusüpfü mhakehupuo cha rei kha puo tsü tuoüdi
8 rüsedü pushüwata. Sükisü thenusüpfü puozuo die liedü
sie, Nâ Johan mia baptaiz chükezhau tsü pie mekhoupuo
9 nu shü sevâr a tsümha shüchie ; sita. Sitse kediü puo-
nou kemezhie phita ; derei puo rüse la mu mia vâr puo
kinu hiekebakâ la khashü puo tsü tuoüdi pushüwata ;
10 sidi puo mia ketseshüdi mia bu kediekinunu Johan
11 tsü zielie. Sidi puo tsü pie mekhoupuo nu shüliedi pie-
vâr rütsüpfü tsüwata : mu süpfü rei süupie vâ puozuô ki
12 shüwa. Sirâ *Johan* siadzikâ vârdi puo rüngetsa toupie
vâ khruwa ; sidi ukâ vâ Jisu ki pushüwata.

JISU MIA KEJÜRA NU THEMIA NYIE PENGOU VA
CHÜKESHÜ

13 Süsia Jisu die süu siliedi sünunu roupuo geinu tuo
rüdei se nhatsapuo nu vakhrâ vâta : sitse themiakrâkâ
puo *tuoketa* siliedi rünanadiükâ nunu chatuo se puo sia-
14 medzi vâta. Sükisü puo tuopardi themia krâdipuo ngulie
ru puo ukâ ngumezhiedi ukâ kechükâ rei chükeshürhâshü.
15 Sirâ thevatia tazhütse pethakeliekâ puo ki vârdi, sie,
Haha terha zâ, mu teisâzha rei chizâte ; sula themiakrâ-
kâ ketseshüwadi ukâ bu rünakâ nu vâ ünouva rei khrii-
16 liechie ; sita. Derei Jisu ukâ üse, Ukâ bu tuota morei

- 17 vi; niekâ thuo ukâ va chû chie; sita. Sitse ukâ sie puo
 üse, Hiekâ niekhrüda pengou mu khuo kenia sia tuo-
 18 mote; sita. Sitse puo sie, Sükâ sévár a tsüchie; sita.
 19 Sidi puo themiakrâkâ bu nhagei balie nuta; mu puo
 niekhrüda pengoukâ mu khuo nia chüpielieditâsie teigei
 mehâdi japie sükâ gei shü. Süsia niekhrüdakâ bietsie-
 liedi khapie pethakeliekâ tsüshü, mu pethakeliekâ rei
 20 liepie themiakrâkâ tsüshü. Sidi ukâ petekâ sükâ chüdi
 pevüphrelie: mu ukâ puo se chü kepeshakâ khâpenuo
 21 kerekenia ketsupfülie. Sirâ ukâ sükâ lâchükâ, thenu
 thenuo sakemo mia nyie pengou mese.

JISU DZÜ MHÄ NU CHATUO VÄDI PETHAKELIEKÄ ZE KESE
 KECHÜ. KECHÜ NEIÜ CHÜKESHÜRHA KESHÜ

- 22 Süsia puoa pethakeliekâ bu rou nu leliedi puo themia-
 krâkâ ketseshüwa kethaki puo mhâdzü kekreditsatie
 23 pfülie nuta. Mu puo themiakrâkâ ketseshü kewa sia, puo
 cha tuoüdi pnothuo tuokrei kijüthou gei khâta: sidi
 24 thevatatse puo puorürbei sügei bata. Derei süki rou
 süu teikhria puo mhâdzütsatienu vâp puo heta kechüla
 dzürüpfü bu puo pfü kekhe se dzükezha metsuonu tuota.
 25 Sükisü theva rûkhon kevali udiau nu puo dzükezha
 26 mhânu chatuo se ukâ ki vâzhü. Sitse pethakeliekâ puo
 dzükezha mhânu chatuo vâp kezhü ngudi ukânou kehôu-
 keruo chüdi sie, Temipuo ze le, idi michiedi shiekhouita.
 27 Derei sitsemetha Jisu ukâ kiedi sie, Niekâ melou thepfu,
 28 lie; a zâ: michie hie; sita. Sitse Pitor lasie puo üse-
 Niepu, nâ zâ lirâ, nâ abu dzümbâ nu tuose n ki vâp
 29 nushü chie; sita. Sirâ puo sie, Vârlie; sita. Sitse
 Pitor rou nunu tuo kerdi dzü mhânu chatuose Jisu ki vâ
 30 tuoü sie. Derei puo teikhria ngudi michiephita; sükisü
 puo rûleta tuoü zhüta kechüla shiekhuidi sie, Niepu,
 31 nâ a rüguoliechie; sita. Sitse metha Jisu puqbou cha
 sepra puo merhashüliedi sie puo üse. Harie n kepele
 32 ketsau, nâ kidi keloupe taga? sita. Sidi unia tuo rou
 33 nu lelietse teikhria la zeita. Sitse rou nu ketuokâ puo
 rûsuodi sie, Nâ Jihova Nuo-u kethâ zâ; sita.
 34 Süsia ukâ süu chiepralietse tuo kesâ nu, puo cha
 35 Genesaret nü, prata. Sirâ rûna sünu kebakâ puo silie-
 tse ukâ mia ketsepie rûna sükhie sümhou keba khehâ nu

- 36 shüdi mhachü keba khekâ ze puo ki vâr. Sidi ukâ puo ki ukâ bu puo pfephrie zârei bielienu di chata ; mu bielie khekâ shürhâ phrelia.

U VAPERHUWAYA KEZHA DZE

- 15 Sükisü Farisikâ mu leshükesithâkâ Jirusalem nunu
 2 tuose Jisu ki vârdi sie, Kidi n siadzikâ hie pfutsanuokâ
 3 zhâ varhuoya ga ? mhakekreilamonyü ukâ mha kechü
 4 phâdzü ukâ hie meteiya mo kechüla ; sita. Sitse puoa lasie
 5 ukâ üse, Niekâ rei kidi niethuo nie zhâkâ la Jihova die-
 6 khakeshükâ varhuoya ga ? Jihova thiadzü, N puo n zuo
 7 rhuliechie, mu, Themia kehupuorei puopuo puozuo gei
 8 die kesuo puya lirâ, puobu siata zâtuo, isipie zhü ze.
 9 Dereiniekâwe, Themia kehupuorei, " Apuo azuo khruohi
 10 kezhükâ khapie Jihova tsüwate," isikezhamia, sümüawe
 11 upuonuo rhu moreivi, isiya. Sidi niekâ niethuo nie
 12 zhâkâ la Jihova die pie kemethuo chüwate. Niekâ
 13 kethera kezhakâ ; Isaya thiadzü niekâ dze pu tou pie
 14 kezhü hamhië :
 15 Themia hakâha utia pie a rhuya kezha zâ ;
 16 • derei ukâ nouwe a therür vâ ratsa tuo zâ.
 17 Derei themia thuo chükelië dâkâ pie ukâ die chü
 18 mia pethadi
 19 Ukâ a rüsuo kethedâ tuoya kezha zâ ; sita.
 20 Sidi puo themiakrâkâ kiepie puo ki shüliedi sie ukâ üse,
 21 Niekâ rünyüliedi leliechie : Themia me nu kelekâ
 22 themia va perhuya mo ; sirei themia nunu parya kezha-
 23 kâ themia va perhuwaya ; sita. Sitse pethakeliëkâ puo
 24 ki vârdi puo üse, Farisikâ die hakâ silietse ukâ nou
 25 kekrüta kechü nâ simo moga ? sita. Sirei puo lasie,
 26 Teigei keba Apuo leishükemô khekâ phewa tuo. Ukâ
 27 bu chi ba zâluo : ukâ mhichiedi mha thapie mia kiaya
 28 kezha krâpuo zâ. Sirâ mhichiemia chathapie mhichiemia
 29 kiaya râ, unia keninia te thekhe nu leta zâtuo ; sita. Sitse
 30 Pitor lasie puo üse, Dievii chau pupie hie kishü chie ;
 31 sita. Sirâ puo rei sie, Niekâ rei tsierei mhasilieya mo zâ
 32 ma ? Mha kehupuorei u me nu letaya kezhau uva nu kedi
 33 khapie phavüchü nu shüwaya kechü ; niekâ süu siya mo
 34 ma ? Derei ume nunu parya kezhakâ unou nu parya ;
 35 mu sükâ themia va perhuwaya. Mhakekreilamonyü

- unou nu kerüzhü medâkâ, mia kedukhri, pieü kechü,
 20 pierüü, kerügu, ketijü zhapu, mia ketha, hakâha parya
 kechüla : mha hakâha thuo themia vaperhuwaya ; derei
 udzie meteimodi mhachü kezhalä themia vaperhuwaya
 mo ; sita.

JISUA KANAN MIAPFÜPUO PUO NUOPFÜ TERHUO ,
 KERÜZHÜU BU PUO KEBI ZETUOTADI
 CHÜPEVI KESHÜ

- 21 Süsia Jisu sünunu tuose rüdei Tur mü Sidon rüfania
 22 kitsatie vâta. Sükisü, harie; Kanan miapfüpuo rüna
 sünia khietsatienu vâr shiekhoudi sie, Hei Niepu,
 David nuo, nâ a ngumezhie shüchie ; a nuopfü terhuoke-
 23 suo bu puo kebi pesuo phi setuotelie ; sita. Derei puo
 puo ki diepuorei pula shü mota. Sitse puoa pethakeliekâ
 vâr puo ki chabeidi sie, Puobu tuotalie chie ; mhakekrei-
 lamonyü puo u siamedzi smietuo zâta kechüla ; sita.
 24 Sirei puo lasie, A ketsepie Israel seyie jüketa tekuokâ ki
 25 rürbei keshü zâ ; sita. Derei puo vâr puo rüsuodi, Niepu,
 26 nâ a ngumezhieshü chie, isi bazâta. Sirei puo lasie, Nhi-
 chunuokâ nouva pievâ tefükâ ki shükechü puotou mo ;
 27 sita. Sitse puo sie, Kethâzâ, Niepu ; derei tefükâ zârei
 uniepumia mhachaba geinu rürä ketsurkâ chüya zâ ;
 28 sita. Süki Jisu lasie puo üse, Harie thenupfü, n kepele
 zha ze ha : n neiu chüpie n ketsün chüliechie ; sita. Mu
 sümesetoukistü puo nuopfü vilie.

JISUA KECHÜMIA KEKRA CHÜPEVIKESHÜ MU THEMIA
 NYIE DIA VACHÜ KESHÜ

- 29 Süsia Jisu sünunu tuose Galil dzükezha penuo vâta ;
 30 sidi tuo kijüthom gei khâdi sügei bata. Sitse themia
 krâdi krâpuo kerünyiemia, mhichiemia, keliehuomia, la-
 lhimia mu kekrei rei kekra ze puo ki vârdi sükâ khapie
 31 puo phi nu shü ; mu puo sükâ chüpevi phreshü. Sidi
 themia krâkâ bu keliehuomia diepukelie, lalhimia chüpe-
 vikelie, mu kerünyiemia chatuokelie, mu mhichiemia
 nhangukelie ngutse ungâ phita : mu themia sükâ Israel-
 mia puo rüsuoya kezha Jihova tseta.
 32 Sükisü Jisua pethakeliekâ kiepie puo ki shüliedi sie, A
 themiakrâkâ ngu a noumezhiete ; mhakekreilamonyü

- ukâ zha se a ze tuote, mu mhapuorei kechü jüketa la :
 33 mu a ukâ pekhe ketseshü nyü mo, ukâ chalanu phisiata
 rei silie kelhâ la ; sita. Sitse pethakeliekâ puo üse, Hie
 nhatsa nunu themiagrâdi hathede va chü kepevülie ketuo
 34 niekhrüda hatsuohade kirapuonu ngulietâ ? sita. Süki
 Jisu ukâ üse, Niekâ niekhrüda kitsuo setuo ga ? sidi ketsä-
 ta. Sitse ukâ sie, Thenia, mu khuo kechü nuonuo huoyâ
 35 rei satuo ; sita. Süsia, puo themiagrâkâ bu ke kijü
 36 balienâta. Sidi puo niekhrüda theniakâ mu khuokâ
 chüpielie ; sirâ puo *Jihova* tseshüdi chiechü petselie,
 sidi khapie pethakeliekâ tsüshü, mu pethakeliekâ rei kha-
 37 pie themia krâkâ tsüshü. Sidi ukâ petekâ sükâ chüdi
 pevü phrelie : süsia ukâ chü kepesha puosekâ pfükengu-
 38 pie khâpenuonuo thenia tsulie. Mu ukâ keze mhakechü-
 39 kâ thenu thenuo sakemo mia nyie dia. Süsia puo
 themiagrâkâ ketseshüwadi rou nu ledi tuose Magadan
 khietsatiekâ merhie vâta.

FARISIKÂ MU SADUKIKÂ ZASI PFÜLA KECHÜ. JISUA
 PETHAKELIEKÂ BU THEMIA SÜKÂ DIE TSATIE
 UKIREILIE NUKECHÜ

- 16 Süki Farisikâ mu Sadukikâ puobu teigei nu zasipuo
 2 chüshü ukâ kianudi vâr puo kedâta. Derei puo lasie
 ukâ üse, Thevatiaki niekâa, " Tei vitatuo : mhakekreila-
 3 monyü tei merie zhata kechüla, " isiya ; mu khise rei,
 "Thia tei suo tuo : mhakekreilamonyü tei merie mu
 kemhoushü zaza tuota kechüla, " isiya. Niekâ tei zie
 kevikesuo sikekreilieya ; derei niekâ puo teikâ zasikâwe
 4 sikekrei keliefü. Kerüzhü mu diethâkemo themia hakâ-
 ha thuo zasi pfüya kezha zâ ; derei Jona geinu chükeshü
 zasiu sia zasi kekrei puorei khalapie ukâ tsü salielhâte ;
 sita. Sidi puo ukâ khawadi tuota.
 5 Süsia pethakeliekâ tuose kekreditsatie khie vâta, mu
 6 ukâ niekhrüda chülie rükramota. Sükisü Jisu ukâ üse,
 niekâ Farisikâ mu Sadukikâ khrei tsatie nie kireilie mu
 7 menuolie ; sita. Sitse ukâ keze kerüchüdi sie, Hya !
 8 ukâ niekhrüda chülie mote ; sita. Derei Jisu süsü
 siliedi sie, Harie niekâ kepele ketsakâ ! niekâ niekhrüda
 9 setuommo ketala kidi kepu tuo zâ ga ? Niekâ tsierei
 mhale tuomo zâma ? Niekhrüda pengou pie themia nyie

- pengou *vachüliedi* niekâ bu khâpenuonuo ketsu kitsuo
 10 pfüla^{li}ie ga ? mu niekhrüda thenia pie themia nyie dia
vachüliedi niekâ bu khâpenuonuo ketsu kitsuo pfüla^{li}ie
 11 ga ? niekâ süsü rei niekâ sialetuo mozâma ? Niekâ a
 niekâ ki niekhrüda dze putha mo zâ kechü, niekâ süu-
 thuo lelie mo zâkechü, kidi higa ? Berei niekâ Farisikâ
 12 mu Sadukikâ khreitsatie niekâ kireilie chie ; sita. Süze
 ukâ puo ukâ bu niekhrüda khrei tsatie monyü Farisikâ
 mu Sadukikâ die tsatie ukireilie nushü ükechü lelie.

6 6

PITOR—A JISU ÜSE JIHOVA THUO KEDAKELIE KELAKELIEU
 ÜKETA. JISUA PUOTHUO PUOMEZHIE, PUOSE MU PUO
 RHEILALIE KETUO DZE PEDZÜ PUKESHÜ

- 13 Süsia Jisu tuose Kaisaria Filipi tsatie vâdi puça petha-
 keliekâ ketsâdi sie, Themiakâ Themianuo-u üse supuo
 14 üya ga ? sita. Sitse ukâ sie, Huomiawe, Johan mia
 baptaiz chükezhau ü, huomiawe Elia ü, mu kekrei-
 miawe Jerimia morei siadzekesikâ miapuo üya ; sita.
 15 Sitse puo ukâ üse, Sirei niekâwe aü supuo üya ga ? sita.
 16 Sükisü Simon Pitor lasie, Nâ Khrista, rheituoyazâ kezha
 17 Jihova Nuo-u zâ ; sita. Sitse Jisu lasie puo üse, Nâ
 Jona nuo-u Simon nâ ruokuothâ zâ ; mhakekreilamonyü
 uchü-uzia medâ nunu monyü teigei keba Apuo thuo ha
 18 pupie n pesipengushü zâ kechüla. Mu a rei n ki pushü-
 tuo, nâ Pitor (*puo cha ketsie*), mu a ketsie hau gei hanu
 a kehou chütuo : mu Hades kharukâ puo penyülielhâ
 19 zâ. A teigei kedi sabikâ kha n tsütuo : sirâ nâ kijü mha-
 kehupuorei kha lirâ, teigei rei khata zâ tuo ; mu nâ kijü
 mhakehupuorei khrüşhü lirâ, teigei rei khrüşhü tuo ;
 20 sita. Süki puoa pethakeliekâ bu puo Khristau zâ üke-
 chü se miapuo ki rei pu hie nuwata.
 21 Sükisünu Jisua puo Jirusalem nu vâdi pehükâ mu
 phichü kezhakâ mu leshükesithâkâ dzie nunu kemezhe
 dâneiü chütuo mu miabu puo dukhriwadi zha se nhia
 rheilasielie morâsuo ükechü pupie pethakeliekâ kia sieta.
 22 Sitse Pitor puoze kerei mhatsapuo vâdi puo ruodi sie,
 Niepuu, n bu si suotuo zâ : n bu hau mhakipuorei hi lie-
 23 lhâ zâ ; sita. Sirei puo reipradi Pitor üse, Nâ a
 siatsa vâtaliechie, Satan : nâ a chakhapuo zâ : mhake-
 kreilamonyü nâ Jihova diekâ lemonyü themia diekâ letuo-

- 24 ya zâ kechûla ; sita. Sidi Jisua pethakeliekâ üse
Themia kehupuorei a siamedzi kenyümia puothuo puo
25 kekhaliedi puo krus pie a siamedzilie. Mhakekreila-
monyü themia kehupuorei puothuo puophou pekrupie
puo vie chülie kenyümia süu pejüwatuo : mu themia
kehupuorei a la puophou pekapejü kewamia süu ngulalie
26 zâtuo kechûla. Sirâ themia kijü pete prapie puovie
chükekieu rei puothuo puophou pekapejüwa lirâ puo ke-
dipuo prapetuo ga ? Sizâmonyü themiaa kedipuo khapie
27 puophou sou chüshülie vi ga ? Mhakekreilamonyü
Themianuo-u puo Puo kekuo sedi puo dieliekâ ze tsur tuo ;
mu süki puo themia mhathâ khekisüchüpie themia kehu-
28 puorei tsü zâtuo kechûla. A niekâ ki putou shütuo,
Hakj ketha huomia Themianuo-u puo kedinu kevâr
ngukemochie sia lielhâ zâ kechü krâpuo tha zâ ; sita.

JISU KIJÜTHOU GEINÜ PUO KELHOU CHÜPEKREIPIE
MIA PEKIA KESHÜ

- 17 Süsia zha sorou sianu Jisua Pitor, mu Jakob, mu
süu siazeu Johan ze puo saliedi sükâ ze krei kijüthou
2 kefükriepuo gei khâta. Sidi puo ukâ kengukinu puo ke-
lhou bu kreikhrâta ; mu puozie niaki tuoi ziekruoita, sirâ
3 puopfe puoneikâ rei krapie kezie mhieta. Sirâ harie,
Mosa mu Elia unia sünu vâr ukâ pengudi puo ze kejü-
4 chü. Sitse Pitor lasie Jisu üse, Niepuu, ukâ keze haki
batse vizâ tuo : n medâ lirâ, a hakihanu pru se chüshü
5 tuo, puo N la, puo Mosa la, mu puo Elia la ; sita. Puo
dieputha zâluo kechünu, harie, kimhou ziekruoi kechüpuo
vâr ukâ zepfü lie : sükisü, harie, kimhou sünnu mhapuo
puvâr kechü hamhie : Hauha Anuo akhrieu, a neithâusü
6 puo zâ ; niekâ puo pfe rünyüliechie ; si. Sirâ pethakelie-
kâ die süu silietse tsu zerepfü zhüta, mu michiephi
7 zhüta. Sükisü Jisu vâr ukâ biedi sie, Sierliechie, mu
8 michie hiechie ; sita. Sitse ukâ mhirhâ sieru Jisu rürbei
sia miapuorei ngumota.
9 Süsia ukâ kijüthou geinu kerta kezhüki Jisu ukâ üse,
Themianuo-u kesiakâ dânunu rheila sielie kemochie niekâ
mhakengu hauha pie miapuo ki rei puhie zâ chie ; isidi
10 puwata. Sitse puoa pethakeliekâ puo ketsâdi sie, Di
sirâ Elia vâr rîa morâsuo ükechü leshükesithâkâ kidi

- 11 putuoya ga ? sita. Sitse puo lasie, Elia vârdi mhapete-
 12 kâ chûpevila zâtuo, kethâ : derei a niekâ ki pushûtuo,
 Elia hadzû vârwata zâ : siki mia puo silie mota zâ,
 derei puo geinu ukâ medâkâ chûwata zâ. Themianuo-u
 13 rei sūsūtuoï ukâ kinu kemezhie tuo. Sūze puoa Johan
 mia baptaiz chûkezhau dze ukâ ki pukechû pethakeliëkâa
 lelie.

JISUA NHICHUNUOMIA TERHUOKESUO BU PĈŦ KEBI ZĤTUO
 KETA YĀPUO CHŪPEVIKESHŪ

- 14 Sūsia ukâ themiakrâ nu vârlitse miapuo Jisu ki vâr
 15 puo mhâdzünunu khoutoupfû zhüliedi sie, Niepuu, nâ
 anuo ngumezhie shüzâchie : mhakekreilamonÿy puo
 terhuovüzie chüdi kemezhie setuoyazâte : mu puo tsie-
 melie te minu rei letataya, mÿ tsiemelië dzünu rei letata-
 16 ya kezhalâ. Sirâ a puo ze n siadzikâ ki rei vâ ru ukâ
 puo chûpevilielhâte ; sita.
 17 Sitse Jisu lasie, Harie diethâkemo mÿ nienou kerüzha
 kechû themiakâ, abu zha kitsuo niekâ ze batuo ga ? abu
 zha kitsuo niekâ gei a kethe thatuo ga ? puo ze hanu vâr
 18 a ki shüchie ; sita. Sidi Jisu terhuokesuo-u kechûshû,
 sitse sūu puo geinu prata : mu sükisünu nuo sÿyâ
 chûpevishû tsûwata.
 19 Sūsia pethakeliëkâ thuo krei Jisu ki yârdi sie, Hiekâwe
 20 kidi puo whuo lielhâta ? sita. Sitse puo ukâ üse, Niekâ
 kepele ketsa la zâ : a niekâ ki putou shûtuo, Niekâ kepe-
 le gakrieshüdeyâ puorei ba kechû siewe, niekâ kijûthou
 hau ki, “ Nâ hanunu tuo rürdi lutsatie khie vâtachie,”
 ishû zârei puo tuo rürdi tatuo ; mu niekâ mhapuorei
 chülie kelhâ jütatuo ; sita.

JISUA PUOTHUO PUOSE MU PUORHEILASIELIE KETUO DZE
 PULAKESHŪ VA KENIAU VA ; MU KERÛSUOKINU
 KHRUO KHRUOSHŪ KETUOLA MHA UNGĀZĀ
 KECHÛPUO CHÛKESHŪ

- 21 Sūsia ukâ Galil nu baluo kechünu Jisu ukâ üse,
 22 Themianuo-u tepie mia dzienu shûwatuo, sidi miabu
 puo dukhridi puo zha senhia rheila sietatuo ; sita. Sitse
 ukâ ukâ thesuo phita.

- 23 Sūsia ukâ Kafarnaum nu vârlietse doulei khruo khruo-
 kengu kezhakâ Pitor ki vârdi sie, Niekâ Kepethau doulei
 24 khruo-u khruo shüya mo ma ? isidi ketsâta. Mu puo rei
 siê, U, *khruoshüya* ; sita. Sidi puo kinu lerürtse, Jisua
 puo rüchü riadi sie, Simon, Kijü hanu kedikâ suomia kinu
 mhakepfüzha morei khezhanuo lieya ga ? uthuo unuonuo-
 • kâ kinu mo rüsâmia kinu ga ? Nâ n noule kedipuo le ga ?
 25 sita. : Mu puoa sie, Rüsâmia kinuwe, isishütse, Jisua sie
 puo üse, Sūsia puonuonukâwe mha khashü moreivia sü.
 26 Derei ukâ sükâ pejakewa keprei la nâ dzükezhanu tsudi
 khuoshüwi kelhou shüchie ; sidi khuo shüse par keriau
 chüliedi puo me chie gashütse nâ raka puo ngulietuo ho :
 nu nâ süu chüliedi sevâ a mese mu n mese rei sa chüpie
 sükâ tsüwachie ; sita.

TEIGEI KEDINU • SUOMIA ÜSE KEZHATHÂ TIESHI KECHÜ DZE,
 MU MHACHU KEPESUO DZE REI SA PUPIE MIA PETHA
 • KESHÜ

- 18 Sümese[•]kistä pethakelickâ Jisu ki vârdi sie, Di sirâ
 teigei kedinu supuonie kezathâ chüya ga ? sidi ketsâta.
 2 Sftse puo nhichunuomia yâpuo kienze puo ki vârlie, sidi
 3 puo khapie ukâ dânu pebaliedi sie, A niekâ ki putou
 shütuo, Niekâ lavâ nhichunuomia mhielie kemisia niekâ
 4 teigei kedinu le lielhâ zâ. Süla themia kehupuorei puo-
 thuo puo lepechüpie nhichunuo hayâ kemhie chükeliu
 5 teigei kedinu kezathâ zâ. Mu themia kehupuorei aza
 nunu nhichumia hiechümia yâpuorei zelie kezhamia a
 6 zeliya. Derei themia kehupuorei a pelekezha kechü
 hakâ dânu miayâpuo rei chüpesuo keshümia, mhakegetsie
 kezhapuo pie puovâ gei goupfüliedi puo khapie dzükezha
 kesou nu shükewawe puo dze vikuotuo.
 7 Mhachükepesukâ la kijü hauwe che chülie tiea !
 mhakekreila monyü mhachükepesukâ vârho lielhâ zâ
 kechüla ; derei puo la mhachükepesuo bu kevâr-uwe che
 8 chülie tiea ! Sirâ n dzie morei n phi n chüpesuo shüya
 lirâ, n geinu süu da kelhouwachie : n dzie kenia mu n
 phi kenia pfüdi miabu n khapie kechachie keba miu nu
 shükewa ki n bou lalhi mu n phi lalhidj kerheinu kelewe
 9 n dze vikuo tuo. Sizâmonyü n mhi n chüpesuoya lirâ, n
 geinu süu kerülapie kelhouwalie chie : n mhi kenia pfüdi

- miabu n kelhoupie Gehena mi nu shükewa ki mhipuo
 10 rürbei pfüdi kerhei nu kelewe n dze vikuo tuo. Niekâ
 kechü hakâ dânu miapuorei lepechü molie ketuo leterir-
 lie chie : a niekâ ki pushütuo, teigei ukâ kitsatiê ketha
 teigei dieliekâ teigei keba Apuo zie mehâ seitüoya zâ.
 12 Niekâ niekânou kedipuo letuo ga ? Miapua tekua
 kriapuo nyidi sükâ dânu puo nyatuota lirâ, puo hiethe-
 pfüa thepfükâ khabadi vâ* kijüthou gei nyatuoketau
 13 pfümo tuo ma ? Sidi puo süu ngulie lirâ, a niekâ ki
 putou shütuo, Puo nya tuotakemo hiethepfüa thepfükâ
 14 ki rei süu la puoneikuo zâtuo. Süsütuci teigei keba nie-
 kâ Puo rei kechü hakâ dânu puorei bu jüketa Puo medâ
 mo.

UKEZEMIA KEJÂ VASHÜ TSÜ ZHÜKECHÜ DZE JISUA DIEVIT-
 PUO PUKESHÜ •

- 15 Sirâ n siazeu n gei kejâpuo chü lirâ, vâdi nnia thuo
 nnia rürbei zâ kechü kinu puokejâ pupie puo kia chie : puo
 16 n die rünyülie lirâ, nâ n siazeu nguliete. Derei puo n die
 rünyü motarâ, nâ miapuo morei mia kenia ze sa vâ
 chie ; silirâ mia kenia kese tiase zhapu chü lirâ, diê kehu-
 17 puorei puotoulie tuo. Mu puo sükâ die rünyümvüta lirâ.
 pie kehou ki pushülie chie : sidi puo kehoudie rei rünyü-
 mvüta lirâ, puo bu mia kekreamia mu thesâkeliemia mhie
 18 tachie. A niekâ ki putou shütuo, Niekâ kijü mha kehu-
 puorei kha lirâ, teigei rei kha zâtuo ; mu niekâ kijü mha-
 19 kehuorei khrüşhü lirâ, teigei rei khrüşhü zâtuo. Sizâ-
 monyü a niekâ ki pushü tuo, Kijü hanu niekâ mia kenia
 kenourhedi mhakehuorei keze cha lirâ, teigei keba
 Apuo-u thuo mha süu chüşhü sümia tsü zâ tuo.
 20 Mhakekreila monyü mia kenia kese a za se vâkehokengu
 kezara a sükâ dânu bazâ tuo kechüla ; sita.
 21 Sitse Pitor vârdi sie puo üse, Niepuu, a siazeu a gei
 kejâ chü va kitsuo lirâ, abu puo kejâ vashü puo tsünu
 22 ga ? Va thenia ketsâ tuo ma ? sita. Jisua sie puo üse,
 Va thenia ketsâ nudi a n ki pumo, sirei va hiethenia chü
 23 thenia ketsâ rei tuo. Süla teigei kedi-a kedimiapuo
 puo kituokâ bu uthuo u hisab khashünu keta mhie zâ.
 24 Mu puo lekesieki talent nyie ker puo pupfü ketuomiapuo
 25 ze puo ki vâr. Sirei puo puopu chükulie kenjüta kechü-

- la puo niepuu puo bu puo mu puo nupfũ puo nuokã mu
 26 puovie ketuokã yã ze sevãr puopu chũnuta. Sitse kituo
 sũu tsu puo rũsuodi sie, Niepuu, angumezhiedi tsiehieluo
 27 chie; a n pu chũphreshũ tuolie; sita. Sitse kituo sũu
 nuo niepuua puo ngumezhiedi puo khashũ, mu thepukã
 28 rei vashũ puo tsũwata. Sirei kituo sũu pradi puodziese
 kituo kekreibuo puopu talent za kria dia chũdi zapuo puo
 pupfũ kezhũmiapuo ngulieru puo sũu teliedi puo mezhãrã
 thenyie pioliedi sie, Nã apu pfũketuokã chũshũchie; sita.
 29 Sitse kituo puodziese sũ tsu zhũliedi puo ki cha beidi sie,
 a ngumezhiedi tsiehieluo chie, arei n pu chũshũ n tsũtu-
 30 lie; sita. Sirei puo mvũdi, puo pu chũshũ kemochie puo
 31 teze vã kediakinu shũpie batsã. Sirã puodziese kituo
 kekreibã mha sũusũ ngudi ukãnou suophita, sidi vãr ukã
 32 niepuu ki mhasũkã petepie pushũ. Sitse puo niepuu puo
 kieze puo ki vãrdi sie puo ũse, Harie kituo n zhã kesuo-u,
 nã a ki n mezhiemelã ketala a n pupie pete vaphre n tsũ
 33 ze. Mu nã rei a n ngumezhie kewa tuoi n dziese kituomia
 34 ngumezhiewa zhũ mo ma? Sita. Sidi puo niepuu puonou
 meyiedi puo puopupfũ kezhũkã chũ phreshũ puo tsũ
 kemochie puo tepie puo pechũkezhakã dzienu shũpie
 35 batsã. Sũsũtuoi niekã kehupuorei nie siazemia kejã
 vashũtsũ kethã chũwa mo lirã, teigei keba Apuo rei niekã
 . gei sũkemhie chũzãtuo; sita.

JISU JORDAN RÜR KHIE NIETHUTSATIE KEBã RÜNA NU
 KEVã UNUPFÜNUO VAKewa LESHÜ KHAKESHÜ DZE
 FARISIKã MHAKETSã KECHÜ MU JISU SÜLA
 MHAPULA KESHÜ

- 19 Sirã sũsia Jisu die sũkã puthe shũwatse Galil nunu
 2 tuose Jordan rür khie lutsatie Judia merhiekã nu vãrta;
 sũkisũ themia krãdikrãpuo puo siamedzi vãr ru, puo
 sũntũnu ukã chũkeshũrhã shũ.
 3 Sũkisũ Farisimia krãpuo puo ki vãr puo kedãdi sie,
 Themia mhakehupuo lanu rei puothuo puo nupfũnuo
 4 khakewa thezhã ma? sita. Sitse puo lasie, Sietsenu
 themia Chũkeshũu thepfumia mu thenumia unia chũshũ;
 5 mu sũkisũ pukechũ, "Hala themia puopuo puozuo kha-
 wadi puo nupfũnuo penoutatuo, mu unia keze chũpuo
 6 chũtãtuo," ikechũ niekã phrũ mo zã ma? Sidi unia kenia

- monyü keze chüpuo tazâ tuo. Sûla Jihovaa chü kesa kes-
 7 shüu themia bu chühâkekreiwa hiëchie ; sita. Sitse ukâ
 sie puo üse, Di sirâ, kidi Mosa thiadzü unupfunuo yakewa
 leshü khashüdi puo khawalienu kechü pushüga ? sita.
 8 Mu puo ukâ üse, Mosaa niekâ nou kere la niekâ nupfunuo
 vawanu keshü zâ : derei sietsenu zâwe sishü mo zâ.
 9 Sizâmonyü a niekâ ki pushütuo, Themia kehupuorei pieü
 la zâ kemosia puo nupfunuo vawadi kekrei ñie râ, pieü
 chüta zâ : mu themia kehupuorei mia puo khakewapfü
 10 lie râ, puo rei pieü chüta zâ ; sita. Sitse pethak, ñiekâ
 sie puo üse, Themia puonupfunuo gei silirâ, kiya kemowe-
 11 vikuo ; Sita. Sirei puo ukâ üse, Kekuo kha utsü keshü-
 mia zâ kemosia themia petekâ die hau ze phrelie kenjü.
 12 Mhakekreilamonyü themia huomia uzuonuo vanu ketuo-
 nunu rei, mu huomia mia medâ la rei, mu huomia teigei
 kedi la uthuo u medâ chüdi kiyalie kenjü kechü nyi zâ
 kechüla. Themia kehupuo tõi die süu zelie keviu bu
 zeliechie ; sita.

JISUA NHICHUNUOMIA KRÂPUO ZELIEDI JASHÜ, UKÂ KETSÜ

- 13 Sükisü puo bu puodzie pie ukâ gei shüdi chashü nu
 kechüla mia nhichunuomia krâpuo ze puo ki vâr ; ru
 14 pethakeliekâ sükâ ruota. Derei Jisua sie, Nhichunokâ
 khashüdi ukâ bu a ki vârchie ; ukâ khahie chie : mhake-
 15 kreilamonyü teigei kedi sükâ vie zâ kechüla ; sita. Sidi
 puo puodzie pie ukâ gei shüdi sünunu tuota.

KECHACHIE KERHEI NGULIE NYÜDI KENYIMIAPUO VÂR MHA-
 KETSÂKECHÜ : JISUA MHAPULA KESHÜ ; MU SÜU DZE PU
 MIA PETHA KESHÜ

- 16 Sitse, harie, miapuo puo ki vârdi sie, Kepethau, a
 kechachie kerhei ngulie ketuola abu mhakevi ki kechüpuo-
 17 chülie morâsuo ga ? sita. Mu puo süu üse, Nâ kidi a ki
 keviu dze ketsâya ga ? Keviu sü puo rürbei zâ : derei
 nâ kerhei nu lonyü lirâ, die khakeshükâ zeliechie ; sita.
 18 Sirâ süu puo üse, Kikâ ga ? sita. Sitse Jisua sie, Nâ
 mia dukhrisuo, Nâ pieü chü suo, Nâ rügu sub, Nâ mia
 19 gei ketifü zhapu chü suo, N puo mu n zuo rhulie, Nâ n-
 siazanuomia khriepie n thuo n kukhrie mhielie, isipie-

- 20 kezhükâ ; sita. Sitse khriesa süu puo üse, A mha sükâ ze phre tuote : a mhakikechüpua tsâ moluo ga ? sita.
- 21 Jisua sie puo üse, Nâ vitseilie nyü râ, vâdi n vie ketuokâyâ zeliedi khapie mhakejükâ tsüwalie ; silie lirâ teigei n vie nyilie tuo ; sidi vâr a siamedzilie ;
- 22 sita. Derei khriesa süu die süu siliedi puo thesuo sieidi tuota ; mhakekreilamonyü puo mhakenyiphi miapuo zâ kechüka.
- 23 Sitse Jisua pethakeliekâ üse, A niekâ ki putou shütuo.
- 24 Kenyimiawe teigei kedinu letuoü kechü reze. Sizâmonyü a niekâ ki pushütuo, Kenyimia Jihova kedi nu kele ki ut puo bu thepre kinu meliekeprawe rüükua tuo ; sita.
- 25 Sitse pethakeliekâ diesü sidi ukâ ngâpie mhapuo chüdi sie, Di sirâ, supuonie kelakelie ngulie vita ? sita. Sitse
- 26 Jisu ukâ mehâdi sie ukâ üse, Themia zâwe sü chükelie jü ; derei Jihovawe mhapete chülie vi ; sita. Süki-
- 27 sü Pitor lasie puo üse, Harie, hie mha ketuokâyâ kha phrewadi n siamedzi tuote ; süla hie kedipuo pralieta ?
- 28 sita. Sitse Jisu sie ukâ üse, A niekâ ki putou shütuo, Niekâ a siamedzituo ketakâ, mhachülakesala kechüuva Themianuo-ü puo kediba zapuzayie kechüu gei bakelie ki
- 29 niekâ rei kediba kerekenia gei badi Israei seyie kerekeniakâ ketsâkechü chütuo. Sükisü themia kehupuorei aza
- 30 la ukikâ, u siadzüriakâ, u üpfünuokâ, upuonuo mu uzuo-
- nuo, mu unuonuokâ mu u kijükâ khawa ketakâ süde thekria ngulietuo, mu sizâmonyü kechachie kerhei rei sa ngulietuo. Derei ria ketuokâ kekra nuotatuo, mu nuoke-
- tuokâ kekra riatatuo.

MIA ZHA KHRÜZE MHAKECHÜ PIE KEDIEVII KESHÜ

- 20 Sirâ teigei kedi-a miapuonuo kimia miabu puo khuobe lienu tsu mhachü nudi khiserürna vâ miazha
- 2 khrü kechü mhie zâ. Mu sükisü puo khunhia puo douleilei tuouüdi mia ze kevasiliedi sükâ ketsepie puo khuobelie
- 3 nu shüwa. Sidi keba thepfü kevü mese puo lavâ bazar
- 4 nu miakekreamia krâpuo mhachümo thadi ngulie ; ru puo sükâ üse, Niekâ rei a khuobelie nu tsuchie ; sirâ a nie zhatouu sü khapie nie tsütuo ; sishü. Sitse ukâ tsu
- 5 ta. Süsia puo barâbazhü mu keba se kevü meseki lapra-
- 6 di sükemhie chü. Sirâ keba pengou kevü meseki puo

- lapraru miakekreimia krâpuorei thadi ngulie ; di puo ukâ üse, Niekâ kidi mhachümodi zhate hanu thazâ ga ?
- 7 sishü. Sitse ukâ puo üse, Miapuorei hiezha khrü kemo lalie ; sita. Sitse puo ukâ üse, Niekâ rei a khuobelie nu
- 8 tsuchie ; sishü. Sidi thevatia tatse khuobelie niepuu puo kituo-u üse, Lienu mhachüketuokâ kieliedi thenuothâu nunu vâ theriathâu ketsâ ukâ zha chüshü ukâ
- 9 tsüchie ; sita. Sitse keba pengou kevü ze užha khrüke-
- 10 liekâ rei vârdi miapuo doulei puopuo ngaphrelie. Süsia keriahâkâ vârtse ukâwe mia ki ngukralie ketuo le vâ ; derei ukâ rei khinyhükâ mhiei miapuo doulei puopuo
- 11 ngulie. Sidi ukâ süu ngulietse ukâa kinu niepuu gei
- 12 kenyadi sie, Kenuo hakâ bavüdâpuo zie mhachümo, mu nâ sükâ bu hie zhate teikelenu kemezhie kechükâ de
- 13 chüte ; sita. Derei puo lasie ukâ miapuo üse, Azeu, a n gei puotou kemo puorei chümo ho : nâ avu douleipuo
- 14 zâtuoüdi kepulie mo ma ? N'vie chü liese tuotalie chie ; n ketsü depie thenuo hau rei tsütuoü kechü a medâ zâ.
- 15 A athuo avie pie a medâ chü kechü puotou mo zâ ma ? A mezhü kechüla nâ a ngupie n mhi keluya ma ? siwa.
- 16 Haha tuoi kenuomia rialietuo, mu keriamia nuotatuo. Sita.

JISUA PUOTHUO PUO MEZHIE, PUOSE, MU PUO RHEILALIE
KETUO DZE PERIA PUKESHÜ VA SEU

- 17 Süsia Jisu Jirusalem nu khâ kezhüki pethakelie kere-
- 18 keniakâ ze krei tuodi puo chala nunu ukâ üse, Harie, ukâ Jirusalem nu khâ tuoü zhie ; khâtse miabu Themia-
nuo-u tepie phichükezhakâ mu leshükesithâkâ dzienu
- 19 shüwatuo ; sidi ukâ puo pejâdi puobu sia tanu tatuo ; sirâ puoü kethekre mu puo vü mu pie krus gei gouwa nudi
puo tepie Judakemokâ dzienu shüwa tuo : mu puo zha se nhia rheilasielie tuo ; sita.

ZEBEDI NUONIA ZUOPFÜ MHAPUO CHA KECHÜ MU JISU
SÜLA MHA PULA KESHÜ

- 20 Sükisü Zëbedi nuonia zuopfü puo nuonia ze puo ki vâ
- 21 puo rüsuodi puo ki mhapuo cha. Sitse puo süpfü üse, Nâ kedipuo chanyü tuo ga ? sita. « Sitse süpfü puo üse,

- Nâ n kedi nu anuo hania miapuo bu n zatsa mu miapuo
 22 bu n vitsa bakelie n die khashû chie; sita. Derei Jisu
 lasie, Niekâ chaketuo-u simodi chatuo zâ. N nia a tehie-
 puo nu kria tuoûdi a kese sekebau nu krialie vituo ma ?
 sidi ketsâta. Sitse unia puo üse, Hienia chûlie vituo;
 23 sita. Puo unia üse, N nia a hienu kria zâtuo kethâ:
 derei azatsa mu avitsa balie ketuowe athuo khashû
 monyû Apuo thuo rhÿsetuo ketamia tsû zâtuo; sita.
 24 Sirâ mia kerkâ die sÿu silietse ukâa siazedzÿria sÿnia gei
 25 ukâ neimota. Sirei Jisu ukâ kieze puo ki vârliedi sie,
 Mia kekremiawe kezhakâ bu umhâ niepu chÿya, mu ukâ
 26 kekuokâ bu ukâ mhâ diya kechû niekâ rei sibatuo. Nie-
 kâ dânuwe silielha: sikechÿumonyû niekâ dânu themia
 27 kehupuorei zha kenyÿmia niekâ liechÿtuo; mu themia
 kehupuorei niekâ dânu ria kenyÿmia niekâ theke chÿtuo.
 28 Sÿsÿtuoi Themianuo-u hazârei miabu puo theke tuoû
 monyû mia theke tuoû mu themia kekra rhalie ketuo la
 puothuo puophou khashû tuoûdi kevâr zâ.

JERIKO RÛNA^a KEPENUO KINU JISUA MIA KENIA MHI
 CHÛPEVI KESHÛ

- Sÿsia ukâ Jeriko nunu prata kezhûki themiagrâdipuo
 29 puo siamedzita. Sÿki, harie, mhichiemia mia kenia cha
 30 khieki badi Jisu sÿtsatie vâzhû ùkechû siliedi shiekhoudi
 sie. Niepuu David nuou, nâ hienia ngumezhie shÿchie;
 31 sita. Sitse themiagrâu unia bu kemekriezei bata nudi
 unia ruota: derei unia shie kechû sadi sie, Niepuu,
 David nuou, nâ hienia ngumezhie shÿchie; siba zâta.
 32 Sÿki Jisu thaliedi unia kieshûdi sie, abu n nia gei kedi-
 33 puo chÿkeshû n nia medâ ga? sita. Sitse unia puo üse,
 34 Niepuu, hienia mhi bu mhangulie yi! sita. Sÿla Jisu
 unia ngumezhiedi unia mhi biephreshû; sitsemetha unia
 mhi mhirhâ parlie, sidi unia puo siamedzita.

JISUA JIRUSALEM RÛNA NU KELE MU KERÛSUOKI
 CHÛKEMESALA KESHÛ VA KENIAU

- 21 Sÿsia ukâ Jirusalem penuo vârlietse tuose Oliv ki-
 jÿthou gei Betfage nu vârlietse: sÿkisÿ Jisua pethakelie
 2 kenia ketseshûdi sie unia üse, N nia tuose rÛna n nia

- petsou kebau nu vâlie; sirâ vâtsemetha n nia mia gada-
 pfüpuo mu puonuo sa khepie ketha ngulie tuo ho; ru
 3 sünia phreiliedi ze a ki vârliechie. Sirâ mia n nia ki
 mhapu lirâ, n nia miã ki, "Niepuu hania se mhapuo
 chütuoü balie," sichie; sitse themia süu sünia khashü
 4 tuo ho. Silirâ siadzekesiu bu thiadzü,
 Niekâ vâ Sion nuopfü ki pushüchie,
 Harie, n Kediü puozhâ, vidi
 Gadapfüpuo, *puocha* gadapfünuo gei
 Siedi n ki vârzhië ho;
 5 isipie kezü dieu tseilie ketuola situo; sita.
 6 Sitse pethakelie sünia vâdi Jisu unia ki pukeshü ke-
 7 mhie chü; sidi unia gadapfü mu puo nuoyâ merhashü
 vârdi, ukâ pfepie *gadanïa* gei khra shülietse, puo sie
 8 sügei balie. Mu themiakrâu kekratsa upfe khrapie chanu
 shülie; mu kekrekâ seigei nu puochâkâ zapie chanu
 9 khrashü. Sidi themiakrâkâ puo mhâdzü ketuokâ mu
 puo sia ketuokâ shiekhoudi sie, David Nuo-u bu kuoke-
 lieu chülie chie; Niepuu zase vâz kezüu ruoknothâ zâ;
 10 teigei nu theja bu puo gei vârkeliu chülie chie; sita. Sirâ
 puo Jirusalem nu vârlietse rüna süu pete bouübidi sie,
 11 Themia hau supuo shi? siphreta. Mu themiakrâkâ sie,
 Hauha Galil kijünu Nazaretmia siadzekesiu Jisu zâ;
 sita.
 12 Süsia Jisu Jihova rüsuokiu nu ledi rüsuokiu nu mha
 khrü mha ze kebakâ pete whuowa, mu shükei raka keli
 kebakâ mizhükâ rei mu paronuo zekebakâ bakâ rei
 13 phoupela phrewa. Sidi puo sie ukâ üse, A ki üse kecha-
 ki ütuo, ikechü thupie zhüzâ; derei niekâ ha üse miavie
 14 sekechükâ ki chübate; sita. Sükisü mhichiekâ mu
 phihyâkâ kerüsuokinu zâ puo ki vâz; mu puo sükâ chü-
 pevi phreshü.
 15 Derei phichükezhakâ mu leshükesithâkâ puoa chüke-
 shü ungâ mhathâkâ, mu nhichunuokâ kerüsuoki nunu
 shiekhoudi, David Nuo-u bu kuokeliu, chüliechie, isike-
 16 tuo rei ngudi ukâ noumeyiedi sie puo üse, Nâ hakâ mhapu
 ketuo si nhia? isita. Sitse Jisu sie ukâ üse, U, "Nhichu-
 nuokâ mu nuoranuokâ tia munu rei n ketse chütseilie
 tuo," isikechü niekâ thiadzü mhakipuorei phrûmo zâ
 17 ma? sita. Sidi puo ukâ khawadi rünanadi sünusünu
 tuo se Bethani nu vâdi süzhü sünu zhüta.

JISUA CHIEDEBÂ PUOSI KEJÛU KEKHA KEWA

- 18 SÛsia khise puo rûnanadi sÛnu lavâr zhÛru puova
 19. merÛrta. Mu chakhieki chiedebâpuo keba nguliedi puo
 tuô puo ki vâ, ru sÛgeisÛ puonyÛ rÛrbei sia mhapuorei
 ba ngÛlie mota; sitse puo sie sÛu Ûse, Thia yawinu
 kechachie n geinu n si puorei rÛchÛhietâ chie; sishÛ.
 20 •Mu sishÛtsemetha chiedebâ sÛu rÛwita. Tsiu pethake-
 liekâ sÛusÛ ngudi ukâ ngâdi sie, Chiedebâu kikidi rÛwi-
 21 mhate shi, sita. Sitse Jisu lasie ukâ Ûse, A niekâ ki
 putou shÛtuô, Niekâ keloupe modi niekâ kepele balie
 lirâ, niekâ chiedebâu gei hakemhie chÛlie ketuo rÛrbei
 zâmonyÛ, niekâ kijÛthou hau ki rei, Nâ hanunu tuose
 22 dzÛkezhânu letalie chie! ishÛrei sÛrei chÛlie zâtuo. Sizâ-
 monyÛ pelekhrudi niekâ mhakehupuorei cha lirâ, ngulie
 zâtuo; sita.

JISU KEKUO DZE PHICHÛKEZHAKÂ MU PEHÛKÂ VÂR KETSÂ
 KECHÛ. JOHAN BAPTISM DZE JISUA MHA KETSÂ KECHÛ.

MIAPUO NUO KENIAPIE KEDIEVII KESHÛ

- 23 SÛsia Jisu kerÛsuokinu ledi mia petha kethaki phichÛ
 kezhakâ mu themiakâ dânu pehÛkâ puo ki vârdi sie, Nâ
 kedipuo kekuo se mhahakâ chÛlieya ga? sirâ supunie
 24 kekuo ha kha n tsÛ shÛ ga? sita. Sitse Jisu lasie ukâ
 Ûse, A rei niekâ ki mhapuo ketsâ tuo; mu niekâ sÛuse a
 ki pushÛrâ, arei niekâ ki a kedipuo kekuo se mhahakâ
 25 chÛtuoya shi kechÛ pushÛ tuo. Johan baptism kediki-
 puonu vârdi ga? teigei nu mo themia kinu vârdi ga? sita.
 Sitse ukâ thuô kerÛchÛdi sie, Teigei nu ÛkechÛ we pu
 lirâ puo u Ûse, “Di sirâ niekâ kidi puo pelelie mota ga?”
 26 iÛtatuo. Mu, Themia kinu vârdiwe, ishÛ râ; we themia-
 krâkâ preia; mhakekreilamonyÛ themia petekâ Johan
 27 Ûse, siadzekesipuo Ûtuota ze. Sibadi ukâ lasie Jisu Ûse,
 Hi, si mo; sita. Sitse puorei ukâ Ûse, Arei kedipuo ke-
 kuo se mhahakâ chÛtuoya shi kechÛ pie niekâ ki pulielhâ.
 28 Derei niekâ nou kedipuo medâya ga? ThiadzÛ miapuo
 puonuo thepfumia kenia nyi; mu puo theriau ki vârdi sie,
 Anuo, nâ thia tsu a khuobelienu mhachÛ chie; sishÛ.
 29 Sitse puo lasie, A tsu lielhâ; siwata: derei sÛsianu puo-
 30 nou rÛrdilaliedi tsu. Sirâ puo kekrieu ki vârdi sÛkemhie
 pushÛ, mu sÛu lasie, A tsutuo, apuo, sishÛ; sidi tsu

- 31 mota. Ka, sūnia kiu puo puo nei chū ga ? sita. Sitse ukâ sie, Theriau zâ ; sita. Sitse Jisu ukâ ūse, A niekâ ki putou shūtuo, thesâkeliekâ mu thethenukâ niekâ mhâdzūria Jihova kedinu letatuo. Mhakekreilamonyū Johan-
 32 à kemiathâ cha ze niekâ ki vār, derei niekâ puo pele mvūte ; sirei thesâkeliekâ mu thethenukâ puo pelelie : mu niekâ sūsū ngu zārei puo pelelie ketuo kenuotsa niekâ nou rei mechalie mota kechūla ; sita.

LIECHIEMIA KERŪZHŪ KRĀPUO PIE KEDI~~VI~~ VII KESHŪ,

- 33 Dievii kekreibuo rei rūnyūliechie : Thiadzū miapuonuo kinumiapuo khuobeliet sapuo chielie, di chakha pie puo houlie, sidi sūnu khuobedzū ketheba thieshū, sūsia sha dzeshūdi khapie liechiemia krāpuo pelewadi tuo rūna kekreibuonu vāta. Situodi puo mhathâsi vūkelie tei
 34 tsâlietse puo puomhathâ sikâ pfūlie ketuola puo kituomia krāpuo ketsepie liechie sūkâ ki shū. Ru liechie sūkâ puo kituo sūkâ teliedi miapuo vū, mu kekreibuo dukhri-
 35 wa, mu ketsiepie kekreibuo vakhriwa. Lasie puo keriauva kirei krakuo kechū puokituo kekrei krāpuo ketselashū :
 36 sūuva rei ukâ sūkâ gei sūkemhie chūla. Sirei kenuotsa puo puothuo puonuo-u ketsepie sūkâ ki shūdi sie, Ukâ rei
 37 a nuo-uwe rhulie tuo ; sisie. Derei liechie sūkâ nuo sūu ngushūtse ukāthuo sie kerūchūdi, Hauha kayieu zāmu ;
 38 khe, ukâ puo dukhriwadi puo ka lielie khe ! sita. Sidi ukâ puo teliedi, puo shūkethou ze khuobelie nhaphie pradi puo
 39 dukhriwata. Sūla khuobelie sūu niepuu vārtse liechie sūkâ gei puo kedipuo chūtuo ga ? sidi ketsā. Sitse ukâ
 40 sie puo ūse. Puo themia kerūzhū sūkâ peka peruowatuo, sidi khuobelie sūu khapie puoteitoui puomhathâ si bu
 41 rūchū shū puo tsūlie kevi liechie kekreibuo krāpuo tsūwa-
 42 tuo ; sita. Sitse Jisu sie ukâ ūse, Niekâ thiadzū Kethâ Leshū nu,

Ketsie chūkezhakāa khawaketa tsieu, “

Mia Sūu pie puo kenu kezha chūte ;

Sūsū Niepuu geinu ta zā,

Mu umhingukiwe ungā zā ;

- 43 isipie ketuo phrūchie mo zā ma ? Sūla a niekâ ki pushū-
 44 tuo, Niekâ kinu Jihova kedi seliedi khapie puosi bu
 44 rūchūshūlie kevi themia krāpuo tsūwatatuo. Sirā the-

- mia kehupuorei te ketsie süu gei ketsuu kesetsie phawa-
 tuo; mu puo te themia kehupuo gei tsu rei, themia süu
 45. nyâphe mhie pruô chüre tuotatuo; sita. Phichûkezhakâ
 mu Farisikâ puo dievii sükâ silietse, puo üse ukâ dze pu
 46. ükechû'lelie. Di ukâ puo telie tuoü kechû hrü sieru
 themia krâkâ puo üse siadzekesipuo ütuo ketala sükâ
 preita.

KEDIMIAPUONUOPUO NUYIE PIE KEDIEVII KESHÜ

- 22 Süsia Jisu lasie dievii krâpuo pie sükâ ki pulashü
 2 tuoüdi sie, Teigei kedi-a kedimiapuo puonuo bu thenuliedi
 3 miaze hiekechü mhie zâ. Sükisü puo puo kituomia krâ-
 puo ketsepie nuyie henu vârnudi kiepie kebakâ kie: derei
 4 ukâ vârnüü mota. Sitse puo lasie puo kituo kekrei
 krâpuo ketse. Iashüdi sie, Niekâ vâdi kiepie kebakâ ki.
 "Harie, a thehe kesepie bate; a thudâkâ rei mu a ri
 puophou kevikâ biepie zhüwate, sidi mhapetekâ kesepie
 bate; mu niekâ nuyiehe haunu vârliechie," isiliechie;
 5 sishü. Derei ukâ die sü lekerüdzadi tuo uthuo umedâkâ
 nu yâ phreta. Miapuo puothuo puolienu tsuta, kekrei-
 6 miapuo puothuo puolhithâ tsatie vâta; mu sü keshakâ
 we puo kituokâ teliedi ukâ biekezhasedi ukâ dukhriwa.
 7 Sitse kedi süu puonou meyiedi puo chüpaibikâ ketseshüdi
 8 mia kedukhri sükâ pekawa, mu ukâ rüna thewata. Süsia
 puo puokituokâ krâpuo üse. Nuyiehe kesepie bate; derei
 9 kiepie kebakâ vâ sü mote. Süla niekâ cha tiatsükâ nu
 vâdi themia ngukelie khekâ bu nuyiehe haunu vârlie-
 10 chie; sita. Sitse kituo sükâ chapfükânu vâdi kevi kesuo
 ngukelie khekâ kiezevâr kengulie: sidi nuyiehe sünu kie-
 11 keliekâ bu vârlie tsulie. Derei kedi süu mia kiezevâ keba
 sükâ mehâ tuoü leru, le nuyie kinu kehiepfie se kemomia-
 12 puo sünu badi ngulie: di sie puo üse, Azeu, nuyie kinu
 kehiepfenci semodi nâ kidi hanu ler бага? sita. Sitse
 13 themia süu diepulie kenjüta. Süki kediu puo kituokâ
 üse, Niekâ puophi puo dzie phaliedi puo khapie chazou
 kezeinu shüwata chie; miabu sünnu kra mu uhu thegei-
 14 pie batuo. Süsütuoï kiepiekebakâwe kaphi, derei keda-
 kelie zâwe tsa; sita.

KAISAR KHRUO KHRUOKECHÛ DZE FARISIKÂ MU HERODIAKÂ
MHAKETSÂ KECHÛ, MU JISU MHA PULA KESHÛ

- 15 Süsia Farisikâ vâdi puo die pu nfunu puo tekeliê rhüdi
16 kerüchû. Sidi ukâ ukâ siadzikâ ketsepîe Herodiakâ sa
puo ki shüdi sie, Kepethau, nâ diethâzâ, mu kethâtou
nunu Jihova zhâ thapie mia kiaya, mu nâ miapuorei
preiya mo kechû, hie sita zâ: mhakekreilamonyû nâ n
17 neimîa sikreiya mo kechûla. Süla n noukeleu se hie ki
pushû chie. Kaisar khruo khruo kechû puotolu momo ga?
18 sita. Derei Jisu ukâ nou kerüzhû siliedîsie, Niekâ kethe-
19 ra kezhakâ, niekâ kidi a kedâya ga? Khezhanuo rakau
khapsie a pekia chie; sita. Sitse ukâ rakapuo se puoki
20 vâr. Süki puo ukâ üse, Miarhi hau supuo miarhi ga?
21 mu hau supuo za ga? sita. Sitse ukâ puo üse, Kaisar zâ,
sita. Süsia puo ukâ ki, Sirâ Kaisar ketsû mesekâ pie
Kaisar tsüwalie, mu Jihova ketsû mesekâ pie Jihova tsü-
22 walie; sita. Süki ukâ die sükâ sipie ukâ ngâdi puo
khawadi tuota.

SADUKIKÂ KESIAMIA RHEILAKESIE DZE KETSÂ, MU JISU
MHAPULA KESHÛ

- 23 Sünhiasû kesiamia rheilasielielhâu kezha Sadukikâ vâr
24 puo ketsâdi sie, Kepethau, Mosa hie ki, "Miapuo puo
nuonuo jüdi siata râ, puo siazeu bu puo kimia liedi puo
25 dzüriau seyie pelhouchie," isishû. Sirâ thiadzû hie dânu
siazedzûria kechû mia thenia tuoru; theriau thenuliedi
puo yie jüdi siatadi puokimia vapie puo siazeu tsüwa;
26 mu keniau mu useu rei sükembie chütata zâvâ theniau
27 tsâ. Mu sükâ petekâ sia thenupfü rei siata.
28 Süla ka, rheilakesieki thenusüpfü sükâ mia theniakâ su-
puo kimia chû tuo ga? sükâ pete puo liephre zeru;
29 sita. Derei Jisu lasie ukâ üse, Niekâ Kethâleshû rei mu
30 Jihova kekuo-u rei simodi kekrütuoza zâ. Mhakekreila-
monyû themia rheilakesieki thenureilieya mo morei
nyhüreiya modi teigeidieliemia mhic tuotaya kechûla.
31 Sirâ kesiamia rheilakesie dzezâwe thiadzû Jihova sie nie-
32 kâ ki "A Abraham Jihova zâ, mu Isak Jihova rei zâ, mu
Jakob Jihova rei zâ," isipie kezhu niekâ phrû mo zâ
ma? Jihovaa kesiamia dzetsatie monyû rheilie ketuokâ
33 dzetsatie zâ; sita. Sitse themia krâkâ diesû sidi puo
diekâ la ukâ ngâta.

THEZHÂ NU DIE KEZHATHÂU DZE

34 Sirei Farisikâ Jisua Sadukikâ die vapejûkewa siliedi vâ
 35 kengulie. Mu ukâ dânu thezhâ kesimiapuo puo kedâ
 36 tuoûdi puo ki mhapuo ketsâdi sie; Kepethau, thezhânu
 37 die kiu 'die kezathâu ga? sita. Sitse puo sie sîu üse,
 "Nâ n melou pete se, mu n ruopfû pete se, mu n nou pete
 38 se n Niepu Jihova khrie mu rhulie chie." Die sîusû die
 39 kezha kerithâu zâ. Mu sîusûtuoi sîusiasâu rei, "Nâ n
 siazanuomia khriepie nthuo n kekhrie mhielie chie"
 40 isikechûu zâ. Thezhâu pete mu siadzekesikâ die pete
 die sînia pie udiebâ chûphre zâ. Sita.

DAVID NUO-U DZE JISUA MHA KETSÂ KECHÛ

41 Sirâ Farisikâ vâr kengu ketha nu Jisu ukâ ki mhapuo
 42 ketsâ tuoûdi sie, Khrista dze nickâ kedipuo medâya ga?
 Puo supuo nuo-u ga? sita. Sitse ukâ puo üse, David
 43 nuo-u zâ; sita. Sirâ puo ukâ üse, Di sirâ, David kidi
 Ruopfûu zedi thiadzâ puo üse "Niepuu" üdi sie.
 44 "Niepuu a Niepuu ki,
 A n ngumvîkâ khapie n phikhrâ shûwa kemochie
 Nâ a zatsa bazâlie chie," isi ga?
 45 David sîki puo üse "Niepuu" ülirâ. puo kikidi David
 46 nuo tuo ga? sita. Sitse miapuorei puo ki mhapuorei
 pulie kenjûta; sizâmonyü sînhia yawinu miapuorei puo
 ki mha ketsâ sa michieta.

JISUA FARISIKÂ MU LESHÛKESITHÂKÂ KEJÂ PUKETCHÛ, MU
 JIRUSALEM LA PUONOUMEZHIE KECHÛ

23 Sîsia Jisu themiakrâkâ mu puoa pethâkeliekâ ki
 2 mhapu tuoûdi sie, Leshûkesithâkâ mu Farisikâ Mosa ba
 3 gei baya: sîla ukâ nickâ ki mhakehupuo puo rei, sîkâ
 chû mu zêlie; derei ukâ mhathâ kemhiewe chûhie; mha-
 kekrelamonyü ukâ kepuwe puya, derei chûya kemo la.
 4 Sikethâzâ, Ukâ thepie kemesi mu miabu pfûchielie ke-
 lhâkâ chûpie mia bouka gei shûya; derei ukâ thuo zâwe
 5 ukâ dziekinuorei sephi biekenie rei nyüya mo. Sikechû-
 umonyü miabu nguketuola ukâ mhakehupuorei chûtuoya
 kezha zâ; ukâ kethâleshû nu diebâkâ se, ukâ tabiz chû
 kemeyiemeluo setuoya, mu ukâ pfephrie rei chû kerû-
 6 tsuse setuoya; sirâ thehethehie kechûkâ nu kezhamia

- bakâ, mu kehokikâ nu rei theba kemeyiekâ ukâ neiya;
 7 mu lhithâchükâ nu miabu ukâ kelukechü, mu miabu ukâ
 8 üse "Rabi" ükechü *ukâ neiya*. "Derei niekâwe miabu
 niekâü "Rabi" ühiechie: mhakekreila monyü niekâ Ke-
 9 pethau puo rürbei zâ, mu niekâzâwe siazedzüria phre zâ
 kechüla. Sirâ kijü hanu niekâ miapuorei üse niekâ Puo
 10 chühiechie: mhakekreilamonyü teigei kebau rürbei niekâ
 Puo-u zâ kechüla. Sizâmonyü miabu niekâü kezhakâ
 11 ütähiechie: mhakekreilamonyü Khrista rürbei niekâ mhâ
 12 Kezhau zâ kechüla. Sirei niekâ dânu kezhamia niekâ
 theke chütuo. Mu themia kehupuorei puothuo puo chü-
 pezhâ kechüu chü pechüwa tuo; sirâ themia kehupuorei
 puothuo puo chüpechü kelieu chüpezhâ shütuo.
 13 Sirei leshükesithâkâ mu Farisikâ niekâ kethera kezha-
 kâ, niekâ miabu teigei kedinu kele khapfü ba ketala
 niekâwe che chülie tiea: mhakekreilamonyü niekâ
 niekâthuorei lereilieya mô, mîa mia lefuou kezhamia bu
 rei lemvü kechüla.
 15 Leshükesithâkâ mu Farisikâ, niekâ kethera kezhakâ,
 niekâwe che chülie tiea; mhakekreilamonyü niekâ mia-
 puo burei Judamiazhâ zelié tuoüdi dzükezha mu kijükâ
 nu whituoya; sidi puobu siliétse niekâ puo chüpie puobu
 niekâ de kenja thekhe kesouthâu nuo chüsawa kezhalâ.
 16 "Themia kehupuorei kerüsuokiu pudi rüse râ mha-
 puorei cha jü; derei themia kehupuorei kerüsuokiu su-
 nau pudi rüse râ themia süu mhapuo chüwata zâ," isiya
 kezha niekâmhi chiedi chatha mia kia'ya kezhakâ, niekâ-
 17 we che chülie tiea. Niekâ kemelâkâ mu mhichiekâ: ka,
 sunau mo sunau chükemesalie keta rüsuokiu, sünia kiu
 18 zhakuo ga? Sizâmonyü *niekâ*, "Themia kehupuorei ruo-
 suo bau pudi rüse râ mhapuo cha jü; derei themia
 kehupuorei mha kha pie sügeinu uruosuo chükeshükâ
 19 pudi rüse râ puo mhapuo chüwate," isiya. Niekâ
 mhichiekâ: ka, mha khapie niekâ ruosuo chükewakâ mo
 20 sükâ chükemesalieya kezha ruosuobau, sünia kiu zhakuo
 ga? Süla themia kehupuorei ruosuobau pudi rüse râ, süu
 21 mu mha sügei keba petekâ pudi rüse phrewata zâ. Sirâ
 themia kehupuorei kerüsuokiu pudi rüse râ, süu mu sünu
 22 Kebau rei sa pupie rüse wata zâ. Sizâmonyü themia
 kehupuorei teigei pudi rüse râ, Jihova kedibau mu sügei
 baya kezhaui rei sa pudi rüeswate.

- 23 Leshükesithâkâ mu Farisikâ, niekâ kethera kezhakâ, niekâwe che chülie tiea : mhakekreilamonyü niekâ teph-rienyietsâ mu guamori mu zira pfû za ker chüdi zapuo khashû meya, derei thezhâu nu sükâ ki diekezhakâ, kemezhûtouu, ugukemezhie mu kepele khaphrewate : derei niekâ hakâha rei chû mu ze zhû, mu lukâ rei khawa
- 24 zhû mo. Niekâmhi chiedi chatha mia kia kezhakâ, niekâ zierawe chawaya, sirei nt mezulieya.
- 25 Leshükesithâkâ mu Farisikâ, niekâ kethera kezhakâ, niekâwe che chülie tiea : mhakekreilamonyü tehie rei mu mekhrou rei hazouwe khrükemesawaya, derei puo noukouwe mia kechüchû kechû mu mhachû kenyü se tsupfû
- 26 tuoya kechûla. Nâ Farisi n mhi kechieu, tehie rei mekhrou rei puo noukou khrükemesawa riachie, silie lirâ chazoutsa rei mesa parlietuo.
- 27 Leshükesithâkâ mu Farisikâ, niekâ kethera kezhakâ, niekâwe che chülie tiea : mhakekreilamonyü niekâ mekhrou nyhûpekrapie keba mbiezâ kechûla : sükâ chazoutsa ngu keziviphi, sirei puonoutsawe kesiamiaru mu
- 28 mhakerhu neiükâ bu tsupfû zhüya. Süsütuoï niekâ rei chazou thenia mhingukiwe ngu kemiathâ, derei thenoutsa kethera kechû mu mha kesuo bu niekâ tsupfütuo zâ.
- 29 Leshükesithâkâ mu Farisikâ, niekâ kethera kezhakâ, niekâwe che chülie tiea : niekâ siadzekesikâ mekhrou pfetuoya mu kemiathâkâ mekhrou chükezivî shütuo ya ;
- 30 sidi sie, "Urei upuonuokâ kelhouki tuo lirâ, sükâ ze
- 31 siadzekesikâ dukhri lielle chiü." isituoya. Sidi niekâ niethuo nieü thiadzû siadzekesikâ kedukhrikâ nuonuo zâ
- 32 ütuoya. Sirâ niekâ rei niekâ puonuokâ kemhie
- 33 chülie. Niekâ tinyhükâ, niekâ nyhûbvüpfû seyiekâ niekâ kikidi Gehena mi nunu siazha kechû terhielie tuoü
- 34 бага ? Süla harie, a siadzekesikâ mu mhakesikâ mu leshükesithâkâ ketsepîe niekâ ki shütuo : mu niekâ sükâ huomia dukhri mu krus gei nu rei goutuo : mu niekâ niekâ kehrouki nunu huomia vü mu whuo keyiepie rûnâü kânu
- 35 shütuo. Sidi Abel themia kemiathâu kedukhri nunu vâ rûsuokiu mu ruosuoba unia dânunu niekâ puo dukhri kewa Barakia nuo Zakaria kedukhri ketsâ kijü hannu kemiathâkâ pete kedukhri kejâ bu niekâ tsü gei vâr
- 36 tuo. A niekâ ki putou shütuo, mhasûkâ pete tsiedâ themia hakâ gei vârphretuo.

- 37 Harie, siadzekesikâ dukhriya kezha, mu mia ketsepie
 n ki keshükâ ketsiepie vakhriya kezha Jirusalem,
 Jirusalem, vükrua puo nuonuo kekâ kengupie puo shükhrâ
 shülieya kezha tuoi, a va keditsuo kedithede n nuonuokâ
 38 kie kengulie nyü sie ga! derei niekâ thuo mvüte! Harie
 niekâ ki bu methuotadi khapie niekâ dzienu shüwa
 39 tatuo. Sizâmonyü a niekâ ki pushütuo, Niekâa, “Nie-
 puu za se vâr Kezhüu ruokuthâ.” isi kechü pukemochie,
 niekâ a ngulielhâte.

JIRUSALEM RÜNA KATAKETUO : MU KHRISTA LAVÂR KËTUO
 DZE PEDZÛ PUKESHÛ

- 24** Süsia Jisu kerüsuoki nunu pradi tuota zhüru ; puoa
 pethakeliekâ puo ki vârdi mhapie kerüsuoki chüpie keba-
 2 kâ thashü puo kia. Derei puo lasie ukâ üse, Niekâ rei
 mha hakâ ngu phretha momo ga? A niekâ ki putou
 shütuo, Mhahakâha biemewâ modi ketsiepuo burei ke-
 mhâ sepfü balielhâ ; sita.
- 3 Süsia puo vâ Oliv kijüthou gei balietsc pethakeliekâ
 pekhre puo ki vârdi sie, Mhahakâ kedikechü kipuonu chü-
 ta? sirâ kedipuo pie n kevâr mu tsiedâ kelhoukâ teitsâ
 ta ketuo zâsi chüshüta, süsü pie hie ki pushü chie ; sita.
- 4 Sitse Jisu lasie ukâ üse, Niekâ miabu niekâ sewamo
 5 ketuola nie kirei terür balie. Mhakekreilamonyü themia
 kekra a za se vârdi, “A Khrista zâwe,” isidi themia
 6 kekra sezetatuo kechüla. Sizâmonyü niekâ terhrükegei
 kezha mu terhrükegei kechü dze puphi kechü silietuo ;
 süki niekâ nou kehoukeruo chütamo ketuo-u lezâlie chie ;
 mhakekreilamonyü mhahakâ chümolie kenjü zâ kechüla ;
- 7 derei süsusü thelau mo. Sükisü themiâkrâpuoa krâ
 kekriu ngumvü, mu kedi puoa kedi kekriu ngumvü sie-
 8 tuo ; sirâ luki haki pekrie mu kiükishü vartuo. Derei
 9 mhasükâsü pete kemezhieketuo theriakâ zâtuo. Sükisü
 mia niekâ tepie kemezhiekehrü nu shütuo, sidi niekâ
 dukhrituo : sirâ aza lanu themia neiükâ pete bu niekâ
 10 mechü tuo. Mu süki themia kekra jatatuo, mu huonie-
 11 huo tepie mia tsütuo, mu huoniehüo mechütatuo. Sizâ-
 monyü siadzekesi ketijü kekra sierdi themia kekra
 12 seketsi zetatuo. Mu mha kesuo kraphi ketâ la themia
 13 kekra mia khriemo pie mekute tatuo. Derei themia
 kehupuorei hiezâtha tsâkelieu kâlakelie ngulie zâtuo.

- 14 Sirâ themia neiükâ mhâdzünü zhapupuo chüshü ketuola
kijü hau petenü kedi dieliekevi hau pupie mia petha
• tsâshü zâtuo; sidi süsianu thelau vârtuo.
- 15 Süla Daniel siadzekesi bu thiadzü pupie kezhö mha
vaperhüse zâketuo kemechü chüzâ kechüu vâv thechü
kemesau nu ketha niekâa ngukeliëki (die sün phrÿya
16 kezhamia bu lelie) süki Judia nu kebamia bu ta kijüthou
17 gei vâgalie: mu ki mhâgei kebamia bu puo kinu mbachü-
18 lie tuoüdi lake hie: mu lienu ketuomia bu puopfe chülie
19 tuoü lavâlie. Derei süki nuonipfû ketuokâ mu unuonuo
20 nuya kezhakâwe kemezhiephi tuo. Sükisü niekâ taketuo
bu teiseiki morei kerürleizhanhia molie ketuola niekâ
21 chaba zâlicchie: mhakekreilamonyü süki miabu keme-
zhiepie kijü chülie tsenunu vâv tsie ketsâ, morei süsia rei
22 sükemhie chükelhâ pfû chüvâr zâtuo kechüla. Sirâ teisâ-
zha sükâ chüpedzüshü kemosiawe miapuo rei kelakelie
ngulielhe chü: derei kedakeliëkâ la teisâzha sükâ chüpe-
23 dzü watuo. Süki mia niekâ ki, “Harie, Khrista hanu ba”
morei, “Lunu ba” isikechü puzâshierei, niekâ süu pele-
24 hiechie. Mhakekreilamonyü Khrista ketijü mu siadze-
kesi ketijükâ sierdi zasi kemerie chükechü mu ungâ
mhathâkâ chüpie mia kiatuo; sidi chüliekevi siawe
25 kedakeliëkâ rei seketsi zetatuo kechüla. Harie, a pedzü
26 niekâ ki pushüwate ho. Süla mia niekâ ki, “Harie, puo
nhatsanu ba” isisierei, vâhie chie: “Harie, puo kinutse-
27 kânu ba” isisierei puo pelehiechie. Mhakekreilomonyü
niethutsatienu teimela shüra, kisiatsatie rei ngu vâya
kezhatuoi, Themianuo-u kevâr rei sümhie zâtuo kechüla.
28 Kehurapuorei kesiamâ kezhöra chürhâükâ rei vâ sünü
kengutuo.
- 29 Sirei kemezhiechü teisâ sükâ sia niaki zei mhatatuo,
mü khrü rei zieshü motatuo, sizâmonyü themvükâ rei
teigei nu rüriatatuo, mu teigei kekuokâ shükenie phrewa-
30 tatuo: sidi sükisü teigeinu Themianuo-u zasi chüpie mia
pekiashütuo: di sitse kijü ketuo themia neiükâ kratatuo,
mu ukâa Themianuo-u teigei kembou geinu kekuo mu
31 zapuzayie chüphi zâ kechü seker kezhö nguleituo Süki-
sü puo puodieliekâ ketsepie ukâbu ketsükhau kemerie
chüshü tuo, sidi ukâ bu teigei tietsatiepuonu vâ kekreibsa
ketsâ ke diakâ nunu puoa kedalie ketakâ pfüke-
ngulietuo.

- 32 Sirâ chiedebâu geinu niekâ puo dze dieviu siliechie :
 puochâ medzûlaliedi puonyü thepar kelieki teiletia take-
 33 chû niekâ rei sibatuo ; sūsütuoï niekâ rei mha sūkâ pete
 ngukelieki puo penuote, kikha ki thate, ikechû siliechie.
 34 A niekâ ki putou shütuo. Mha sūkâ pete chütseiwa
 35 kemochie tsiedâ kelhou hakâ jûta lēlhâ. Tei mu kijû
 36 jütatuo, derei a diekâwe jütalielhâ zâ. Sirei sūnhia mu
 bavüdâ sūu dze Apuo-u rürbei sia miapuorei, teigeidielie-
 37 kâ rei morei Nuo-u rei siya mo. Sirâ Noa kezhouki tuoï
 38 Themianuo-u kevârki rei sūmhie zâtuo. Mu sūkikâ dzü
 kra sierlie kemoki Noa rounu leta kemochie mia mhachû
 39 mhakria, thenulie mu nyhû ibatsâ, sidi dzü krasierdi ukâ
 pete kenou pfûta kemochie siba mo ; Themianuo-u
 40 kevârki rei sūmhie zâtuo. Sükisü mia kenia lienu tuo-
 41 tuo ; sūnia miapuo chūsetatuo, mu miapuo khawatuo :
 thenumia kenia mhakegenya pie mhage batuo ; sūnia
 42 miapfûpuo chūsetatuo, mu miapfûpuo khawatuo. Sûla
 pfeba zâliechie : Mhakekreilantonyü niekâ Niepuu kinhia-
 43 puo vârtuo shi niekâa sikemo, la. Derei kerügumia
 kedikechûkipuo vâr tuoshi kechû kinu keba niepumia
 sūsü sibalirâ, puo pfebazâliedi miabu le puoki rhie molie
 44 tuo, die hauha siliechie. Sûla niekâ rei dâjû balie chie ;
 mhakekreilamonyü niekâ simo keba bavüdâpuo nunu
 Themianuo-u vâr zâtuo kechûla.
 45 Sirâ supuonie kituo kediethâ mu puodâ keviu chûdi
 puo niepumia bu puo chûpie puo kinu kezha chûdi
 46 puotei touki mha khapie ukâ tsūnu tuo ga ? Puo niepuu
 kevârki sükemhie chûbadi ngulie ketuo kituo sūu ruokuo-
 47 thâ. A niekâ ki putou shütuo, Puo thenia sūu bu puo-
 48 vie petekâ mhâ kezha chütuo. Derei kituo kerüzhû sūu
 49 puothuo puonou nu, “ A niepuu vâr menuotuo,” isidi puo
 50 dziese kituo kekrekâ yû, mu kemezemia ze mhachû
 51 mhakria bata râ ; kituo sūu nuo niepuu puo lemo keba-
 puo nhia mu puo simo keba bavüdâpuo nu vârdi,
 puo duthe kenia chûwadi puo khapie kethera kezhakâ
 krânu shûwatuo ; sūnu miabu kra mu uhu thegeipie ba-
 tuo.

RÜÜMIA KER MU RAKABOU KER PIE KEDIEVII KESHÛ

- 25 Sûki tetgei kedi-a rüümia ker umitubou pie yasau
 2 chapfi tuoï kevâ mhietuo. Mu ukâ mia pengou udâsuo,

- 3 derei mia pengouwe udâvi. Sirâ udâkesuokâ umitubou
 4 chûpie kelieki tier sesalie mota : sirei udâkevikâ utierbou
 5 nu tier chûpie umitubou sa selie. Sidi yasau vâr menuo-
 6 tatse ukâ petekâ rûngudi zeta. Derei khisâteiluo mia
 shiekhoudi, "Yasau sù, harie ! Niekâ vâr puo chaphilie-
 7 chie," isi vâr. Sitse rûti sùkâ petekâ siedi umitubou lâ
 8 bephrelie. Sûkisü udâkesuokâ udâkevikâ üse, "Niekâ
 tier pie hie tsüchie; hie mitu mheta zhiemu," sita.
 9 Derei udâkevikâ lasie, "Sishülrâ hie rei mu nie rei tsâlie
 mota tuo phia; niekâ thuo vâdi zeyakezhamia kinu
 10 khrûkeliewe vikuotuo;" sita. Sidi ukâ vâ khrû tuoü
 tatse yasau vâr; di dâjüse kebakâ ze keze nyieheu nu
 11 leta : sidi kikha khalieta. Sûsia nu rûti kekrekâ rei vâr-
 12 di sie, "Niepuu, niepuu, kikha khrû hie tsüchie," isisie.
 13 Derei puo lasie, "Aniekâ ki putou shütuo. A niekâ
 simo," sita. Sûla niekâ pfeba zâliechie, niekâ puo teisâ-
 zhau morei puo bavüdü sîkemola.
 14 Sizâmonyü miapuo rûna kekreibuonu vâtatuoüdi puo
 kituokâ kieshüdi puo viepie sùkâ dzienu keshü rei mhiezâ.
 15 Sûkisü puo ukâ dâ kevikesuo ledi rakabou pengou pie
 miapuo tsü, kekreibiapuo bou kenia, mu kekreibiapuo
 16 boupuo pie tsü; sûsia puo tuota. Sûsia bou pengou
 ngukelieu kenourhei vâ sùkâ se telhi chüdi rakabou kekrei
 17 pengou pralie. Mu sùstuoü bou kenia ngukelieu rei bou
 18 kekrei kenia pralie. Derei boupuo ngukelieuwe vâ kijü
 19 thiedi puo niepu raka pie keviepie zhüwa. Sirâ telhebe-
 phou tuotadi sûsianu kituo sùkâ niepuu lavârdi sùkâ lhi
 20 lesie. Sûkisü rakabou pengou ngukelieu rakabou kekrei
 pengou sa sevârdi sie, "Niepuu, nâ rakabou pengou kha a
 dzienu shü; mu harie. a rakabou kekrei pengou praliete;"
 21 isisie. Sitse puo niepuu puo üse, "Siya zemu. nâ kituo
 kevi kedietâpuo : nâ mha keduoyâgei rei diethâ balie te,
 a n bu mha kekra mhâ kezha chütuo; vâr n niepuu ze
 22 n nej batalie chie;" sita. Sirâ rakabou kenia ngukelieu
 rei vârdi sie, "Niepuu. nâ rakabou kenia pie adzienu
 shü; harie. a rakabou kekrei kenia praliete;" sisie.
 23 Sitse puo niepuu puo üse, "Siya zemu. nâ kituo kevi
 kedietâpuo : nâ mha keduoyâ gei rei diethâ baliete, a n
 bu mha kekra mhâ kezha chütuo; vâr n niepuu ze n nei
 24 bataliechie;" sita. Sûsia rakabou puo ngukelieu rei
 vârdi sie, "Niepuu. Nâ themia n nou kerepuo; nâ n

- tsia setsu vashükemora rei retuoya, mu nâ nyüria shükemo ra rei pakengu tuoya kechü a sidi, a michiedi vâ n rakabou pie kijü khrânu keviepiezhü watazâ: n viesü, harie;" sita. Derei puo niepuu lasie puo üsê, "Nâ kerüzhü mhachükemechü kituo-u, a tsia setsu vashükemora reya kechü, mu a nyüria shükemora rei patuoya kechü nâ sitatele? Nâ süla a raka pievâ dak kinu shüpie kezhü mese; sirâ a kevârki' a rakakâ mu puo pra sa ngukelie mese. Süla niekâ puodzie nunu rakabouu sesevâ di rakabou ker sekebau tsüwalie chie." "Mhakekreilamonyü themia kehupuorei mhakebau, khashü puo tsü satuo, sitse puo kraphilietuo: derei bakemo-u puovie kebau rei puodzie nunu chü setatuo kechüla. Sirâ miabu kituo mhachü mhathâkemo-u kelhoupie chazou kezeinu shüwachie; sünu miabu kra mu uhu thegeipie batuo.

MIA KETSÄKETUO THELATHĀNHIA DZE

- 31 Sirei Themianuo-u zapuzayie chüdi teigecidielie petekâ ze puo sa kevârki, sükisü puo puokediba zapuzayie kechüu gei batuo: mu themia neiükâ pete zevâr puo mhâdzünu kengutuo: sidi tekuokepfemia temvükâ dânu-nu tekuokâ kelakrei lieya kezhatuoi puorei mia khâkreipie lakenia chüwatuo. Sirâ puo tekuokâ khapie puo zatsa shülietuo, derei temvükâwe khapie puo vitsa shüwatuo. Sükisü Kediü puo zatsa kethakâ üse. "A puo japie niekâ ketsükâ, niekâ vârdi kijü chülietse nunu kedi kesepie niekâ merürtuo ketau weliechie: 35 mhakekreilamonyü a merürlie ru, niekâ mhapie a tsü; a terhrülie ru, niekâ mhapie abu kria; a rüsâ chütuo ru, 36 niekâ a pesâlie; methuo tuo ru, niekâ pfemenei pie a wheshü; a mhachü zhü ru, niekâ vâr a mehâ; a kedia chüba ru, niekâ a ki vâr kechüla," isisietuo. Sükisü kemiathâkâ lasie puo üse. Niepuu, hie kedikechükipuo nâ merür ketuo ngudi mhapie n vachü ga? morei terhrü 38 tuo ngudi mhapie n die ga? Mu hie kedikechükipuo nâ rüsâ chüketuo ngudi n pesâlie ga? morei methuo tuo 39 ngudi pfemenei pie n wheshü ga? Mu hie kedikechükipuo nâ mhachüzhü mu kedia chüba ngudi n ki vâr ga?" 40 isitatu. Sükisü Kediü lasie ukâ üse, "A niekâ ki putou shütuo. Niekâ a siazekâ hakâ kechüthâkâ miapuo gei

- zârei süu chükeshü sia a gei chükeshü mhie zâ ; ” isitatuo.
- 41 Sükisü puo puo yitsa kethakâ üse, “ Niekâ rüsepfü keta-
 42 kâ, niekâ a kinu tuose terhuo kesuo-u mu puo dieliekâ la
 rei sa kesepie keba kechachie baya kezha miu nu vâtalie
 43 chie : mhakekneilamonyü a merürlie ru, niekâ mha
 khapie a bu chümote ; a terhrülie ru, niekâ mha khapie
 44 a die mote ; a rüsâ chütuo ru, niekâ a pesâlie mote ;
 methu tuo ru, niekâ pfemeneipie a wheshü mote ; mha-
 chü mu kedie chüba ru, niekâ vâr a mehâ mota kechü-
 45 la ; ” isitatuo. Sükisü ukâ rei lasie, “ Niepu, hic kedike-
 chükipuo nâ merür ketuo, mu terhrüketuo, mu rüsâ
 chüketuo, mu methuo ketuo, mu mhachü kezhu mu
 46 kedie chükeba ngudi n theke mota ga ? ” isisietuo.
 Sükisü puo lasie ukâ üse, “ A niekâ ki putou shütuo,
 Kechüthâ hakâ miapuo geirei niekâ süu chü kemosia
 46 niekâ a gei chükemo mhie zâ.” isitatuo. Süsia sükâ
 kechachie siazha kechinu vâtatuo : derei kemiathâkâwe
 kechachie kerhei nu vâtatuo. Sita.

JISUA MIA PUO TESHÜ KETUO DZE PEDZÜ PUKESHÜ, MU
 MIA TIEK LAPIE PUO GEI KESHÜ. ISKARIOT JUDAS
 MIA ZE KEVASI KELIE

- 26** Sirâ Jisu die sükâ puthe shütse, puoa sie pethakelie-
 2 kâ üse, Zha kenja sia kelakeliényi nyitaketuo niekâ rei
 sibatuo, mu süki miabu Themianuo-u pie krus geiñu
 3 gowanudi teshü tuo ; sita. Sükisü phichükezhakâ mu
 themiakâ dânu pehükâ vâ Kaifa ükechü phichükezhathâu
 4 kinu kengulie ; Sidi ukâ thedâ pie vadi Jisu tepie du-
 5 khriwa ketuo dze kerüchü. Derei ukâ sie, Thenyiki lielhâ,
 themiakâ dânu kebvu kechü sierketa keprei la ; sita.
- 6 Sirâ Jisu Bethani nu Simôn leprakechüu kinu kebaki,
 7 sükisü thenumia pfüpuo tier puoma kerese alabaster
 boupuo se puo ki vâr, di puo hiekebanu lapie puo tsügei
 8 shü. Derei pethakeliekâ süsü ngupie ukâ râdi sie, Kedi-
 9 puo chüdi mhaha pekawaya ga ? Mhaha pie priesa
 10 khrüphi pie kejükesuomia tsülie vize ; sita. Derei Jisu
 sü siliedi sie ukâ ki, Niekâ kidi thenuhapfü kehuyaya ga ?
 11 puo a gei mha kevipuo chüshü ze. Kejümiawe niekâ
 12 ze seibazâ tiea ; derei niekâ a ze seiba lielhe. Puo
 tier ha lapie anâ gei shükechü puo a kekhu nyie kese-

- 13 shü kenyü la zâ. A niekâ ki putou shütuo, Kijü petekâ nu dieliekevi hau pupie mia kia kechü khekâ nu thenuhapfü rüli rükralie ketuola puo chükeshü dze rei sa pie puzätuo; sita.
- 14 Sükisü kerekeniakâ dânu miapuo üse Iskariot Judas
15 ükezhau phichükezhakâ ki vâdi sie, Niekâ kedipuo pie a tsünyü ba ga? a puo tepie niekâ dzienu shütuo mu;
16 sita. Sitse ukâ raka serür phrüpue puo tsü. Sirâ sünhia yawinu puo Jisu tepie ukâ dzienu shü tsoükechü rürtuo zâta.

JISUA KELAKELIENYI NYIKECHÜ: MU NIEPUU KERÜKRA
CHA KESE KECHÜ

- 17 Süsia khrei üse shükemo niekhrüda kechü nyi therianhia pethakeliekâ Jisu ki vârdi sie, Nâ hiebu vâ kirapuonu kelakeliényi cha keseshü n bu chükechü n medâ ga?
18 sita. Sitse puo sie, Niekâ rünanadiu nu miapuo ki vâdi puo ki, "Kepethaua," A teitsâ batemu, aa pethakeliekâ ze n kinunu kelakelie nyi nyituo," isiyalie, sichie; sita.
19 Sitse pethakeliekâ vâ Jisu ukâ ki pukeshü kembie chülie; di ukâ kelakelie nyichau keselie.
- 20 Süsia thevatatse puoa pethakelie kerekeniakâ ze badi
21 mhachü; mu ukâ mhachü kebanu puo sie, A niekâ ki putou shütuo, niekâ dânu miapuo a teshü zâ tuo; sita.
22 Sitse ukâ nousuophidisie, Niepu, süsü a ma? a ma?
23 si phre ta. Sitse puo lasie, Miapuo hienia keze nnyhü puodziepie mekhounu keshüu, süuthuo a teshütuo.
24 Themianuo-u sü puodze thupie kezbü mhiei tuotatuouü bate: derei Themianuo-u teshüketuo-uwe che chülie tiea! themia süu penno vârmo kechüwe puodze vikuo
25 kechüzâ muru. Sükisü puo teshü ketuo-u Judas lasie, Rabi, süsü a ma? sita. Sitse puoa puo ki. N zâ; sita.
- 26 Sirâ ukâ mhachükebanu Jisu niekhrüda chüpieliedi jashü di bietsielie; sidi puoa khapie pethakeliekâ tsüshüdi sie, Liepie chüliechie; hauha amâ zâ; sishü. Süsie puo tehieu rei pieliedi jashü, di khapie ukâ tsüdi sie.
28 Niekâ hau kria phrechie; mhakekreilamonyü hauha themia kekiâ kephuma valie ketuola krukepar kedietsei
29 kediekhâkelie a zia zâ kechüla. Derei a niekâ ki pushü-

tuo, A a Puo kedi nunu *khuobesidzü* kesa kria kemochie
a thiayawinu khuobebâ hau si geinu kria lielhâte ; sita.

30 Süsia ukâ chiefishüdi tuose Oliv kijüthou gei vâta.

PETHAKELIËKÂ LUKIHAKI VÂTAKETUO, MU PITOR JISU DZE
PUMVÛTA KETUO DZE JISUA PEDZÛ PUKESHÛ

31 Sûki Jisua ukâ üse, Niekâ petekâ tsiezhü agei ja phreta
tuo : siketuo dze thiadzü, “ A tekuo kepfeu vütuo, sitse
tekuokrân ta chüretatuo ” isi kechü thupiezhü zeru.
32 Derei a rheilasie keta sia a niekâ mhâdzüria Galil nu
33 vâtuo ; sishü. Sirei Pitor lasie puo üse. Hakâ petekâ n
34 gei jata shierei awe jatalielhâ zâ ; sita. Sitse Jisu sie
puo üse, A n ki putou shütuo : tsiezhü nâ thevü kekhou
35 mhâdzü a dze pumvü se tuo ; sita. Sitse Pitor puo üse,
Abu siata zätuoü siezâ rei a n dze pumvü talielhâ zâ ;
sita. Pethakeliëkâ pete rei si phreta.

JISUA GETSEMANE NUNÛ PUO NOU KEMEZHIESE KECHÛ, MU
MIABU PUO TËPIE PUO NGUMVÛMIA DZIENU SHÛKEWA

36 Süsia Jisu ukâ zedi Getsemane ükechü thechüpuo nu
vâdi puoa pethakeliëkâ üse, A lunu vâ cha ketaki niekâ
37 hanu balie chie ; sita. Sidi puo Pitor mu Zebedi nuonia
ze puo sa vâdi puonou kemezhie mu puonou kehoukeruo
38 chüta. Sûkisü puo ukâ üse, Anou kemezhiepie siata teo-
üthatemu : niekâ hanu badi a ze pfebalie chie ; sita.
39 Sidi puo ukâ mhâdzüria zaphidi puo ziepie zerepfü zhüta,
sidi chadi sie. A Puo, chülie vi tuo lirâ, tehie hau bu a
therürtalie chie : derei a medâ kemhie hie, n thuo n medâ
40 chülie ; sishü. Süsia puo tuola pethakeliëkâ ki vâr ru
ukâ zezhüdi ngulietse puo sie Pitor üse, Ka, niekâ
41 bavüdüpuo rei a zedi pfebalielhâte ma ? Niekâ medâke-
phiü leketa keprei la pfebalie mu chaba zâlie : uruo-
pfütsatie zâwe chünyü beibazâ, derei uchütsatie zâwe
42 thachü bazâ ; sita. Sidi puo süsiauva rei tuolavâ chadi
sie, A Puo, abu hauha kriamodi khawa lielhâ lirâ, n thuo
43 n medâ chüliechie ; sishü. Sidi puo lavâr ru ukâ zeke-
44 zhü ngulalie, ukâ mhirhâlie lhâ bazâta kechüla. Sidi
puo va seu va ukâ khala wadi vâ nnyhü die kemhie kâ se
45 chalashü. Süsia puo tuo pethakeliëkâ ki vârdi sie ukâ

- üse, Tsiewe niekâ zelië mu rûleilie : harie, puotei tsâte, mu Themianuo-usû tepie kephumakâ dzienu shûwatatuou
 46 bate ! Sielië, ukâ tuota khe : Harie, a teshû ketuo-u vâr tsâ thate : sita.
- 47 Sirâ puo diepu kethanu, harie, kerekeniakâ dânu miapuo chûkechû Judas-a phichûkezhakâ mu themiakâ dânu pehûkâ kinu zhiecha mu seide kepie themiagrâdipuo
 48 ze puo sa vâr thata. Sû mhâdzû puo teshûketuo-u zasipuo chûpie ukâ kiadi sie, A puo mebâshû ketuo-tâ siusû puo
 49 zâho ; puo telie chie ; sishûwata. Sitse puo mhazâ Jisu ki vârdi sie, Salam, Rabi, isidi puo mebâ shû. Sitse Jisu
 50 sie puo üse, A zeu, nâ chû tuoûdi vâr kechûu chûliechie ; sita. Sitse ukâ vâr ukâ dziepie Jisu thezelie. Sûkisû, harie, Jisu ze ketuokâ miapuo puodzie sele puo
 51 zhiecha shûzouliedi pie phichû kezhatâu kituo-u dusieru puonyie metakreiwa. Sûkisû Jisu puo üse, Nâ n zhiecha khalapie puochûnu shûlawa chie : mhakekreila monyû zhiecha seyakezha kekâ zhiecha geinu
 53 kaphreta zâtu kechûla, Mo nâ a üse Apuo ki cha shû râ, puo tsie rei teigei dieliemia nyie kerekenia kezie rei
 54 ketseshû lielhâü ba ma ? Sitali kechûsiawe kikidi kethâleshû diekâ chûtseilie tuo ga ? sita. Sûmesekisû Jisu themia krâkâ üse, Niekâ kerûgumia kete kemhie
 55 zhiecha mu seide piedi a tetuou vârzhû tele ? A teisânhia kerûsuokinu badi mia petha baya zâ, derei sûki niekâ a teliemote. Sirei thupiekehû siadzekesimia diekâ tseilie
 56 ketuola ha hiphre keliezâ : sita. Sitse pethakeliekâ pete puo khawadi ta phreta.

KAIFA MU JUDAMIA MECHÛKEHOU NUNU
 JISU KETSÂ KECHÛ

- 57 Sûsia Jisu tezeketuokâ puo ze phichûkezhathâu Kaifa kinu vâta ; sûnusû leshûkesithâkâ mu pehûkâ vâ kengu ba.
 58 Sirâ Pitor puo tsâpenuomodi puo siamedzi zâvâ phichû kezhatâu kitiazha tsâlie, sidi kedipuo chûtieshi kechû
 59 mehâshû tuoûdi le chalieka dânu bata. Sûkisû phichûkezhakâ mu mechûkehou pete Jisu dukhrikewa hrûdi puogei
 60 ketijû zhapu pfûsieru ; ketijû zhapu kekra vâr zârei, die puotou puorei ngulie mota. Sirei kenuotsatienu mia
 61 kenia vârdi sie, Themia hauha hadzû, “ A Jihova rûsuo-

- kiu bierhuowadi zha se nu chülalie vi," isilie; sita.
- 62 Sitse phichükezhathâu siethaliedi puo üse, Nâ mhapuo-
rei pulamo zâ tuoü ma? hakâha n gei mhapu ketha ha
- 63 nâ kiütha ga? sita. Derei Jisu kemekrie zei thata.
Sitse phichükezhathâu sie puo üse, A rheiseituoekzha
Jihova zase n üu rüsedî putuo, nâ Jihova Nuo-u Khrista
- 64 zâ mo mo ga? Pie hie ki pushüchie: sita. Sitse Jisu
sie puo üse, N dieu zâ; derei a niekâ ki pushütuo, thesia
niekâ Themianuo-ua Kekuo-u zatsa keba, mu teigei ke-
mhou gein, kevâr ngutuo; sita.
- 65 Sitse phichükezhathâu puopfe puoneî chierhadi sie,
Puo Jihova kethadie pute: ukâ zhapu pfûla sa se kedî-
puo chûta? harie, niekâ thuorei puo Jihova kethadie
- 66 silieta zeru: niekâ kedîpuo medâ tha ga? sita. Sitse
67 ukâ lasie, Puo bu siata rei vi; sita. Sükisü ukâ puo
mhâ metsiadi duthepie puo vü: mu huomîa dziezhü pie
68 puo vüdi sie, Harie, Khrista, supuonie n vü shiü, hie ki
siadzekesidie pushü thia; sita.

PITOR JISU DZE PUMVÜTA KECHÜ

- 69 Sükisü Pitor kitia chazoutsa baru: rüümiapfûpuo puo
70 ki vârdi sie, Nâ rei Galil-u Jisu zetuo dia; sita. Derei
puo ukâ petekâ mhâdzü nunu moüdi sie, A n diepu si
71 mo; sita. Sûsia puo tuola kifûkhrâ praru, rüümîa ke-
kreipfûpuo puo ngudi sie, süki kethakâ üse, Themia hau
72 rei hadzü Nazaret Jisu ze tuozâ; sita. Sitse puo mo-
73 üladi rüsedî sie, A themia süu simowe; sita. Sûsia zaki
süki kethakâ krâpuo vârdi sie Pitor üse, Nâ rei themia süu
krâmiapuo kethâ zâ; n die nunu n silieta zeru; sita.
- 74 Sitse puo rüse khuboudi sie, A themia süu simo zâ; sita.
75 Mu sümesetou kisü thevü khou parta. Süze Pitor-a Jisu
puo ki, Nâ thevü kekhou mhâdzü va se a dze pumvü tatuo,
isikeshüdieu rükralie. Sidi puo kitia vâdi krapie mha-
puo chûta.

JISU TEPIE PILAT DZIE NU SHÜKEWA. PUO GOUWA
NUDI HUKUM KHASHÜKEWA. KRUS GEINU PUO
GOUKEWA. MU SÜKISÜ KEMERIE CHÜKETA

- 27 Sûsia teisâlietse phichükezhakâ ma themiakâ dânu
2 pehükâ Pete Jisu dukhriwa tuoüdi vâ kerüchü: sidi ukâ

mhapie puo *dzie* phaliedi puoze vâ urûna mhâ kezha
Pilat *dzie* nu shûwa.

- 3 Sûkisû puo tekeshû Judas mia⁶ Jisu pejâwata kechû
siliedi puonou kemezhiedi raka serûrkâ sù selavâr phi-
4 chû kezhakâ mu pehûkâ tsûladi sie, A jâkentomia khapie
mia bu biekhri tuoû kechû a phumate; sita. Derei
5 ukâ sie, Hie medâ puo mo; nthuo lelie; sita. Sûkisû
puo raka sükâ kelhoupie kerûsuokinu shûwadi tuota;
6 sidi puothuo vâdi kerûchakhrita. Sûsia phichûkezhakâ
raka sükâ chûliedi sie, Ha thezia ma zâ⁶ kechûla khapie
7 rakabou nu kezhû thezhâ mo; sita. Sidi ukâ vâ kerû-
chûdi sükâpie lithâu kijû khrûliedi sùnunu rûsâmia khrû
8 tuoûta. Sûla thiaha rei lie sùu ùse Thezia lie ùtuoya zâ.
9 Sûkisû thiadzû Jeremia siadzekesi bu, Israel mia nuo-
nûkâ pie Niepuu aki pu keshûmhie, lithâu kijû khrû, isipie
10 kezhûdiieu tseiliete.
- 11 Sûsia Jisu vâ rûna sùu mhâ kezha mhâdzûnu tha-
lietse, kezha sùu puo ketsâdi sie, Nâ Judakâ kediu ma?
12 sita. Sitse Jisu sie puo ùse, N zâ; sita. Derei phichû-
kezhakâ mu pehûkâ puo pejâ kesieki puo mhapuorei
13 pûmota. Sûkisû Pilat puo ùse, Mia kezhapudi n gei
14 mha kedithede puthaga, nâ simo zâ ma? sita. Derei
puo puoki diechayâ puorei pulashû mota; sùla kezha
15 sùu puo ngâ phita. Sirâ thenyi sùunu kezha sùua the-
miakrâkâ kedie ukâ medâmia puo khashû ukâ tsû kechû
16 thezhâ tuo. Mu sûkisû Baraba ùkechû kedie mechû
17 sipuo ba. Sûla ukâ vâ kengulietse, Pilat sie ukâ ùse.
Abu kiu kha niekâ tsûkeshû niekâ medâ tuo ga?
Baraba tâmo? Jisu Khrista ùkezhau tuo ga? sita.
- 18 Mbakekreilamonyû ukâ puo ngukemvû la puo khapie
19 puodzie nu shû zâ kechû puo si keba la. Sidi puo ke-
tsâkechû bau nu kebaki puo kimia mia ketsepie puoki
shûdi sie, Nâ miathâ sùu gei mhapuorei chûhie⁷ chie;
mhakekreilamonyû a thia a mhâgei nu puo la kemezhie
20 phi zâ kechûla; sishû. Derei phichûkezhakâ mu pehû-
kâ Baraba chalie mu Jisu dukhriwanudi themiakrâkâ
21 ketsûshû. Sirei kezha lasie ukâ ùse, Abu hania kiu
khashû niekâ tsûkeshû niekâ medâ tuoga? sita. Sitse
22 ukâ sie, Barâba chie; sita. Sitse Pilat ukâ ùse, Di sirâ,
abu Jisu Khrista ùkechûu pie kèdipuo chûta? sita.

- Sitse ukâ pete sie, Puo pie krus geinu gouwa chie ; sita.
- 23 Sirâ puo sie, Kiüdita ? Puo mhakesuo kikechüpuo chüwadi ga ? sita. Sirei ukâ shiepie mhapuo chüdi sie,
- 24 Puo pie krus geinu gouwalie chie ; sita. Sidi Pilat kuokelieu monyü mhakebvükechü krakechü sierta kezhu la, puo themia krâkâ mhâdzü nunu dzüpie puodzie meteidi sie, Themia kemiathâ hau kedukhri tsatie zâwe a mesa mezhüzâ ho ; niethuo niezha ho ; sita.
- 25 Sitse themia sükâ petekâ lasie, Puo zia *pepra kechü zhakhra* bu puothuo, hie gei mu hie nuonuo geirei vârlie ; sita.
- 26 Sitatse puo Baraba khapie ukâ tsüshüwa mu puo Jisu vüwadi khapie krus geinu gouwa nudi ukâ dzienü shüwata.
- 27 Sükisü kezhu chüpaihikâ Jisu ze mechübouunu vâdi
- 28 chüpaihikâ petekâ bu vâp puo houpfüthalie. Sidi ukâ puopfenei rhuowadi pfe kemeriepfüpuo pie puobu dzielie.
- 29 Sidi ukâ zohu, pie keditsürepuo chüpie puo tsüre shü mu tekhprie puo pie puodzie puo zatsa shü ; sidi ukâ tsu puo mhâdzünu khoutoupfü baliedi puo kredi puo keludi sie,
- 30 Harie Judakâ kediu, kuokelieu chüliechie ; sita. Süsia ukâ puo mhâmetsie mu tekhprie chüpie puotsü vü.
- 31 Sirâ ukâ puo pie kethekre kechü sia puo geinu puopfe lhwadi puothuo puopfenei pie puobu selaliedi krus geinu puo gouwa tuoüdi puo merhashü zevâta.
- 32 Sidi ukâ prazhütse Simon ükechü Kurinmiapuo ngulie : sitse ukâ puobu Jisu krus pienudi puo kemvüchüdi puo telie.
- 33 Sidi ukâ tuovâ Golgatha ükechü, puo cha Miatsü
- 34 tsâru ükechü kijü, tsâlie ; di ukâ khuobedzü pie kepfü sa kereikechü pie puo bu krianushü : derei puo süu liepie
- 35 methadi kria nyü mota. Süsia ukâ puo pie krus geinu gouwadi puopfe puonei pie chithi khelipfü chüdi ukâ thuo
- 36 kezalie ; sidi ukâ süki badi puo pfebata. Sizâmonyü ukâ
- 37 puotsü mhâgeinu puo pejâkechü die, Hauha Judakâ
- 38 Kediu Jisu we, ikechü thushü. Sükisü kerügumia mia kenia rei, miapuo pie puo zatsa mu miapuo puo vitsa idi
- 39 puo sa krus geinu gou. Sükisü kekâ keke kekâ puo
- 40 krenyüdi tsülâdi sie, Nâ kerüsuoki biepesuowadi zha senu chülie tuoü ketuo-u, nâ nthuo n kelalie chie ; nâ
- 41 Jihova nuo-u ürâ, krus geinu tuo kerliechie ! sita.
- Süsütuoü phichükezhakâ rei, leshükesithakâ mu pehükâ

42 ze puo kredi sie, Puo mia kekreamiawe kelalieya ; derei
puothuo puo kelalie kenjü. Puo Israel kediü zeru ;
43 puobu tsie krus geinu tuo kerlie chie, silie lirâ hie puo
pelelie tuo. Puo Jihova peletuoya zeru ; Jihova bu puo
ngu puonei râ, puobu tsie puo kelashü chie : puo, “ A
44 Jihova nuo-u zâ ” isituoya zeru ; sîta. Sizâmonyü puo
sa krus geinu goupie kezha nia rei die sükemhie pu puo
kerhieta.

45 Sirâ barâbazhü nunu vâ keba se kevü ketâ rûna süu
46 petenu zeiboui batsâta. Süsia keba se kevü meseki Jisu
melie shiekhouidi sie, Eloï, Eloï, lama sabakthani, puocha
47 A Jihova, a Jihova, nâ kiüdi a khawata ga ? sita. Sitse
süki ketha huomia die süu kesiki sie, Themia hau Elia
48 kie zhie ; sita. Sitse ukâ miapuo ta mhavâ spünj pfüpuo
chüpie kekhrâdzü nu seliedi pie tekhriepou, puo nunu
49 khapie puobu kria. Derei themia kekrekâwe sie, Tsiehie-
luo ; Elia puo kelalie tuo. vârtâ mo lye shiü, phi ba khe !
50 sita. Süsia Jisu melie shiekhouiladi puo ruopfü khashü-
51 wata. Sitse, harie, kerüsuokiü pfepie khapie kezhaü
puotsüle geinu rürhatsu puothâtsü tsâdi rürha kenia chü-
52 ta ; sirâ kiüki rei shüta, ketsie rei prâ krakrata. Mu
mekhrukâ rei chie parta ; sirâ siakezhü kemesakâ mâ
53 kekra rei bu rheila sielie ; sidi sükâ ukâ mekhrukâ nunu
pardi puo rheilaketa sia ukâ tuose rûna kemesau nu ledi
54 themia kekra bu ukâ ngu. Sükisü kriamhâkezhau mu
puo ze Jisu rûkhau kethakâ kiükishü keta mu mha chü-
keta khekâ ngukelieki michiepie mhapuo chüdi sie, Hau-
55 ha Jihova Nuo-u kethâ zâ ; sita. Sirâ Galil nunu Jisu
siamedzidi puo lie chütuo keta thenumia kekra ratsa
56 thadi mehâtha : mu sükâ dânu Maria Magdalin, mu
Jakob mu Joses unia zuopfü Maria, mu Zebedi nuonia
zuopfü rei sa tha.

JISU PIE KHRUKEWA MU RÜKHOU KEDAKESHÜ

57 Süsia thevatiaki Arimathia nunu kevâr puoza Josef
ükechü kenyimiapuo vâ ; puorei thiadzü Jisu siadzimia-
58 puo chüvâr. Themia süu tuo Pilat ki vâdi Jisu mâ cha.
59 Sitse Pilat-a khashü nushü. Sidi Josef-a puomâ pievâ
60 linen pfe kemesa pfüpuo pie kezüliedi pie puothuo puo
mekhru kesa puo thiadzü ketsiepuo hâpie kezhuu nu pie-

- zhüwa : sidi ketsie kethekei kechüpuo ketupie mekhru
 61 süu kikhanu mekawadi tuota. Sirâ Maria Magdalin, mu
 Maria kekreibfü rei vâdi mekhru süu mhâdzü nu bata.
 62 Sirâ, süsianhia mhakese kezha sianhia phichükezhakâ
 63 mu Fariqikâ keze Pilat ki vâdi sie, Kezhau, mia se tuoya
 kezha hau puo kerheiki, "A zha se sia rheilasielie tuo,"
 64 isikechü hie puo die süu rükraliete. Süla zha se ketsâ
 puo mekhru pfemenuo balienu kechü hukum khashü chie,
 puoa pethakeliekâ vâ puo rügu pieliedi themiakâ ki puo
 kesiakâ dânunu rheilasielie isita rei silielhâ : silirâ mhake-
 65 bvükechü thëriau ki rei thelauwe suokuotatuoa ; sita. Si-
 tse Pilat ukâ üse, Rükhou zeliedi vâdi niekâ thuo chülie
 66 kevichie pfemenuo selie chie ; sita. Sitse ukâ vâdi utsieu
 gei mohor vüwadi rükhou kha sünu shüliedi mekhru pfe
 menuq bata.

JISU RHEILAKESIE? MU PETHAKELIEKÂ KI JISU DIE THELAU

- 28** Sirei kerleizha tseitadi deobazha theria chülata tuoü
 kezhu tiaki Maria Magdalin mu Maria kekreibfü unia
 2 mekhru mehâtuoa vâ. Ru harie, kiükishü pie mhapuo
 chüta ; mhakekreilamonyü Niepu dieliemiapuo teigei nu
 3 kerdî, vâ utsieu bieketuwa di sü gei bata kechüla. Puo
 ngupie teikemela tuoü mu puopfe puoneî krapie pekrie
 4 tuoü bata : mu puo keprei la rükhoukâ pepie kesiamia
 5 mhie pfüzühüta. Sirei teigei dielieu sie thenukâ üse, Nie-
 kâ michiehiechie. Niekâ mia puopie krus geinu goukewa
 6 Jisu pfüvâr zâkechü a sibate. Puo hanu zhü mote ; mha-
 kekreiblamonyü puo thiadzü pukeshü mhie rheilasieta zâ
 kechüla. Niekâ phirdi Niepuu pie kezhu chünu mehâchie.
 7 Sidi tuo kenourhei vâ puoa pethakeliekâ ki, "Puo kesiakâ
 dânunu rheilasielie" ikechü pushüchie. Sirâ harie, puo
 niekâ mhâdzüria Galil nu vâtazhie ; niekâ vâ sünnu puo
 8 ngulietuo. Harie a niekâ ki pushü ho. Sita. Sitse ukâ
 miehle mu ukâ neipie mhapuo chüdi tuo kenourhei me-
 khru chiepradi die sükâ pie puoa pethakeliekâ ki pushü-
 9 nyüdi ta vâta. Si vâtsë harie, Jisu ukâ dzüliedi sie, Keviu
 chülie ; sita. Sitse ukâ ke puophi biedi puo rüsuota.
 10 Sükisü Jisu ukâ üse, Niekâ michiehiedi vâ a siazekâ bu tuo
 Galil nu vâlie nu shüchie, ukâ vâ sünu a ngulie tuo ;
 sita.

- 11 Sūsia ukâ vâ kezhūnu, harie, rŭkhokâ huomia rŭna-
 12 nadiu nu vârdi mhachŭketa khekâ pie phichŭ kezhakâ ki
 13 pushŭwata. Sŭkisŭ ukâ vâ pehŭkâ ze kenguliedi kerŭ-
 14 chŭlie keta sia ukâ raka kekra khapie chŭpaihikâ tsŭdi
 15 sie, Niekâ, "Puo pethakeliekâ thuo theva ze vârdi hie
 16 ze kezhūnu puo rŭgupiete we," isihiechie. Mu die hau
 17 urŭna mhâ kezhaus nyienu vâlie lirâ, hiethuo puo rŭchŭlie
 18 tuo; nie bu nienou mezhie lielhâ; sita. Sidi ukâ raka
 19 sŭkâ lieliedi mia ukâ ki pukeshŭ kemhie chŭta: sidi die
 20 sŭu vârs tsieha ketsâ rei Judamia dānu kepu vârs zhŭ zâ.
 16 Sirei pethakelie kerepuokrŭkâ Jisua' thiadzŭ ukâ ki
 17 pupie kezhŭ Galil nu kijŭthouu gei vâta. Sidi ukâ vâ
 18 puo ngulietse ukâ puo rŭsuota; derei huomiawe peletou
 19 mota. Sŭkisŭ Jisu ukâ ki vâdi ukâ rŭchŭdi sie, Teigei
 20 rei mu kijŭ rei kekuo petepie a tsŭwatewe. Sŭla niekâ
 tuo vâdi themia neiŭkâ pete bu a siadzi chŭlie, sirâ Apuo
 mu Puo Nuo mu Kemesa Ruopfŭu za nunu sŭkâ baptaiz
 chŭshŭlie: sidi ukâ bu a niekâ ki pukeshŭkâ pete chŭŭ-
 zelie ketuola ukâ pethashŭlie chie. Sirâ harie, A kenue
 kenuotsa ketsâ rei niekâ ze seŭtuo zâtuŭwe. Sishŭ wata.

Mark Thukeshü Dieliekevi

JOHAN MIA BAPTAIZ CHÜKEZHOU MHAPUPIE
MIA KIA KECHÜ

1 Johova Nuo Jisu Khrista dieliekevi die theriau.
2 Thiadzü siadzekesi Isaya leshüda nu,
Harie, n zie kengu mhâdzü a achalieu ketseshü-
tuo,
Puo n cha kesetuo ;
3 Nhatsa nunu shiekhouidi,
Niekâ Niepuu cha keseliechie ;
Puo chatsekâ chükemezhülie chie,
Isiketuo pfeu sü puo zâ ;
isikechü thupie kezhu tuoi.

4 Süsü tuoi Johan mia baptaiz chükezhau nhatsa nu
vârdi kephuma valie ketuola thenou kedilie ketuo bap-
5 tism se mia petha. Sükisü Judia kijü pete mu Jirusalem
mia pete puo ki pradi uthuo ukephumakâ phra phredi
Jordan rür nunu puodzie nunu baptaiz chüphrelie.
6 Sirâ Johan süu ut mie pfe se mu chüzhü chiephapie puo
7 chiephapfü, sirâ ku mu nhapfidzü pfü chü. Sükisü puo
mia pethadi sie, A ki zhakuo kechüu a siatsatie vârzhe ;
8 a nuketsu puo phikou pha phrei reilie sü mo. Awe dzü-
nunu niekâ baptaiz chüya kezha zâ ; derei puowe Kemesa
Ruopfünunu niekâ baptaiz chü zätuo ; sita.

MIA BU JISU BAPTAIZ KECHÜ MU PUO KEDÂ KECHÜ

9 Sirâ sükisü Jisu Galil kijünu Nazaret nunu pardi Jor-
10 dan rür nunu Johan dzie nunu baptaiz chülie. Sidi dzü
nunu par zhütse metha, puo teikâ kâkeshü mu Kemesa
11 Ruopfü mekhrupfü mhiei puogei ker kezhu ngulie. Sükisü
teigei nu, Nâ a Nuo a khrieu, nâ a neithü zâ ! isikechü
puvâr.
12 Sirâ sitsemetha, Ruopfüu puo ketsüpie nhatsanu shüwa.

- 13 Sidi puo nhatsa nunu Satan bu zha hiedia puo kedâ ;
sükikâ puo nhachükâ ze ba ; mu teigeidieliekâ puo liechü
ba zâ.

JISU GALIL KIJÜ NUNU MIA PETHA GHIE KESIE. PUO
PITOR, ANDRIA, JAKOB, MU JOHAN HAKÂ MIA
DIAKÂ KIEKELIE

- 14 Sirâ mia Johan telieketa sia Jisu Galil nu vârdi Jihova
15 dieliekeviu pie mia pethadi sie, Puotei sâ tsâte ; Jihova
kedi vâp penuo bate : niekâ niekâ nou kediliedi dielieke-
viu pelelie chie ; situota.
16 Sidi puo Galil dzükezha khie merhie vâ kezhüki Simon
mu Simon siazeu Andria unia dzükezha nunu jal pie khuo
17 vaketuo ngulie ; unia khuo ketemia zâ kechüla. Sitse
Jisu unia üse, Nnia a siamedzilie chie ; sirâ a nnia bu
18 themia kete chüta tuowé ; sita. Mu sishütsemetha unia
19 jal khawadi puo siamedzita. Süsia puo saza vâzhüru
Zebedi nuo-u Jakob mu puo siazeu Johan unia rei rou
20 nunu jal pekhuo badi ngulie. Sitsemetha puo unia kie
sie : mu unia uniapuo mu kituo zhakhrü zeketuokâ bu
rounu batadi puo siamedzita.

JISUA KAFARNAUM NU MU GALIL KIJÜ LUKI HAKI NU MIA
PETHA KECHÜ MU UNGÂ MHATHÂ NEIÜ
CHÜKECHÜ

- 21 Süsia ukâ Kafarnaum nu vâlie ; sitsemetha puo ker-
22 leizhanhia kehoukinu ledi mia petha. Sükisü puo leshü-
kesithâkâ mhie monyü kekuo kenyimia mhiedi ukâ
23 petha keshü la ukâ puo die la ungâ phita. Mu süme-
setoukisü mesakemo ruopfü bu puo kebizetuo ketamia
puo vâp ukâ kehouki nu ba ; ru süu shiekhuidi sie,
24 Nazaret Jisu, Nâ hie gei kedipuo chü tuoü vâp ga ? Nâ
hie biepesuowa tuoüdi vâp ma ? Nâ supuo shi kechü,
25 a n si ; nâ Jihova kinu kepar Kemesau zâ ! sita. Sirei
Jisu puo kechüdi sie, Nâ kemekrieta liechie ; sidi puo
26 nunu tuo partaliechié ! sita. Sitse mesakemo ruopfü
süu puo bjepechü penyüphi shüdi shiekhuidi puo geinu
27 parta. Sidi ukâ bu ukâ ngâphredi ukâ thuo kepudi sie,
Kia ha ! kepetha kesapuo ze ha ! themia hau puo

- kekuoü mesakemo ruopfükâ ki rei mhapushü râ, sükâ
 28 puo die zeta ze! sita. Sitse Galil kijü petekâ nu lutsa
 hatsa puoza kemeyie süu kepoubou vâta.
- 29 Süsia ukâ kehoui sünunu pratatsemetha ukâ Jakob
 mu Johan zesadi tuose Simon mu Andria unia ki nu leta.
 30 Sükisü Simon niapfü ruki zhü; ru mia süpfü dze pie
 31 Jisu ki pu mha shü. Sitse puo ledi puodzie teshüliedi
 puo phoushüru puo ruki mota; sidi puo sie ukâ liechü
 bata.
- 32 Süsia theyatia niaki letatse mia mhachü ketuo khekâ
 mu terhuo kesuo bu ukebi zetuo keta khekâ ze puo ki
 33 vâr. Mu rüna süunu themia petekâ vâr kikha ki kengu
 34 phrelie. Sidi puo kechükenyü neiükâ uvaketuo kekra
 chükeshürhâshü, mu terhuo kesuo kekra whuowa; sirâ
 puo terhuokesuokâ bu diepu mota, ukâ puo si ketala.
- 35 Sirâ khise teisâ mo philuo kechünu puo sie kitia vâdi
 36 tuose mia tuakemorapuo vâdi sünunu cha bata. Süsia
 37 Simon mu puo ze ketuokâ puo siamedzi vâta; sidi ukâ
 puo nguliedi sie puo üse, Themia pete n pfüzhe; sita.
 38 Sitse puo ukâ üse, Ukâ tuose rüna hakâ kekrekâ nu
 vâta khe: abu vâ sükânu rei mia petha shü ketuola
 mhakekrekilamonyü a süula hanu vâr kechü zeru; sita.
 39 Sidi puo Galil kijü petekâ nu ukâ kehokikânu vâdi mia
 petha mu terhuo kesuokâ rei whuowa.
- 40 Sizâmonyü lepra kechümiapuo puo ki vâr puo mhâ-
 dzünu khoutou pfüliedi puo ki chabeidi sie puo ki, Nâ u
 41 medâ lirâ, râ a chüpevi shülie vi; sita. Sitse puo
 puonou mezhiedi puodzie chapie süu biedi puo ki, A
 42 medâwe; nâ viliechie; sita. Mu sitsemetha puogei le-
 43 prakechü jüta, sidi puo chüpevishü. Sirâ puo puo
 44 kekha beishüdi kenourhei puo ketsedi sie puo ki, Nâ
 miapuo kirei mhapuorei pumo tuoü kechü le ter zâliechie:
 sizâmonyü nâ phichüu ki vâdi n mâpie puo pekiachie,
 sidi ukâ bu silie ketuola n chükemesalie keta ruothâ
 45 thiadzü Mosa pupie kezhükâ chüwalie chie; sishü. Sirei
 puo vâdi süu dze puphishü tuoüta mu luki haki themia
 bu sivâta kechü, Jisu bu meye rünapuo nu rei lelie suo-
 tadi vâ themia kejkâ nu ketuo zâta: sirâ mia lutsa hatsa
 nu puo ki vâr.

JISUA KAFARNAUM RŪNA NUNU KERŪNYIEMIAPUO
CHŪPEVIKESHŪ

- 2 Sirā zha huoyā sianu Jisu Kafarnaum nu la letse puo
2 puo kinu ba ūkechū mia sivāta. Sidi themia kekra vār
kengulieta kechū vār kikha ketsā rei themia tha jū zāta :
3 sitse puo ukā ki diepu sieta. Sūkisū mia dia kerūnyie-
4 miapuo pie puo ki vār. Mu ukā themia krākā la puo ki
lelie kenjū tadi ki mhā puo tha mesenu biaphalie : sidi
ukā biephalietse metha kerūnyieu bu kezū zhū sadi puo
5 kha kerūnuoshū. Sitse Jisu sūkā kēpele nguliedi sie
kerūnyieu ūse, Anuo n kephumakā vashūwate ho ! sita.
6 Sirei leshūkesithākā huomia sūnu baru, ukā ukānou nu
7 medādi sie, Themia hauha kedipuo chūdi hakemhie puya
shi ? Puo Jihova thate. Jihova rūrbei zā kemosia,
supuonie mia kephuma vashū mia tsūlie vi ga ? sibata.
8 Sitsemetha Jisu ukā ukā nou nu sikechū lekeba puothuo
puo ruopfū nunu siliedi sie ukā ūse, Niekā kedipuo chūdi
9 niekā nounu hiechūkā leya ga ? Kerūnyieu ki, “N
kephumakā vashū n tsūwate ho,” ikechū kepu, mu,
“Siedi n zhū chūpie cha tuotalie chie,” ikechū kepu,
10 haniaha kiu pu rūūkuo tuoga ? Sirei kijū themia ke-
phumakā vashū tsūlie ketuo Themianuo-u kekūo bake-
11 chū niekā bu silie kenyūla (puo kerūnyieu ūse), A n bu
siedi n zhū se n kinu vāliechie ; isikechū pukeshū zā ;
12 sita. Sishūtsemetha puo ukā petekā mhādzū nunu puo
zhū se tuoprata ; sitse ukā petekā ungāphi mu Jihova
tsedi sie, Hie mhakipuorei hakemhie nguchie mozā ;
sita.

LEVI KIEKELIE, MU MEVĀ KECHŪ DZE MHA PUPIE
MIA PETHA KESHŪ

- 13 Sūsia puo tuola dzūkezha khieki vāzhū ; mu themia
krāu pete tuo puo ki vārlic, sitse puo mhapupie ukā petha-
14 shū. Sirā puo sivā kezūki, puo Alfia nuo Levi khezha-
nuo kekhruo banu keba nguliedi sie puo ūse, Nā a
siamedzilie chie ; sita. Sitse puo rei sie puo siamedzita.
15 Sūsia puo themia sūu kinu hie tuoūdi vā balie, sūkisū
thesākeliekā mu kephumakā kekra vār Jisu mu puoa
pethakeliekā ze balie : ukā themia kekra, mu ukā puo

- 16 siamedzi tuota kechûla. Sitse leshûkesithâkâ mu Fari-
sikâ, puoa kephumakâ mu thesâkeliekâ ze mhachû keba
ngutse sie puoa pethakeliekâ üse, Puo kidi thesâkeliekâ
17 mu kephumakâ ze mhachû mhakriaya ga ? sita. Sirâ
Jisu die, süu silietse sie sükâ üse, Keshûrhâmia daru-
kesimia zepie mhapuorei kechû jû, derei kechûmia la zâ :
aa kephumamiau morâ miathâkâ kie tuoüdi vâr zâ mo.
18 Sirâ Johan siadzikâ mu Farisikâ mevâvâ vâr : sükî
mia vâf puo ki, Kidi Johan siadzikâ mu Farisikâ sia-
dzikâ mevâ fâya, sirei n siadzikâwe mevâyamo ga ? sidi
19 ketsâta. Sitse Jisu sie ukâ üse, Miapuo thenuliedi mia
ze hiekechûki yasau ukâ ze kebanu puo khriethâkâ bu
mevâlie vi ma ? yasau ukâ ze kebachie ukâ mevâlie
20 kenjû. Derei puotei vârtuo, mu ukâ kinu yasau zeta-
21 tuoü kechûki, sünhia ukâ mevâtatuo. Miapurei pfe
rûrtatakemo yâpuo sevâ pfekra gei shüdi pekhuo kesaya
mo : siümhalinâ sevâ pekhuo keshû upfeyâ luu shûrha-
pfütaya, puocha kesau keweü shûrhapfütaya, sidi rûrha-
22 pesuo kuotaya. Sirâ miapurei khuobedzü kesa üse
chûzhüsü kewenu shüya mo : sishû ümharâ khuobedzü
bu chûzhüsü pfûphawatuo, sidi khuobedzü mu chûzhüsü
rei pekawâtaya : derei mia khuobedzü kesapie chûzhüsü
kesanu shüya. Sita.

PETHAKELIEKÂ TALHAKRE MERHE KECHÛ. JISUA
KERLEIZHANHIA DZE PUPIE MIA PETHA KESHÛ ;
MU PUO MIABOU SIANETAMIA PUO CHÛPEVI
KESHÛ

- 23 Süsia kerleizhapuo nhia puo tuose mia lievupuo nu
tsu zhû ru ; puoa pethakeliekâ chatuo chakhra mialha
24 kre merhe tuota. Sitse Farisikâ puo üse, Harie, ukâ
kidi kerleizhanhia chûkechû thezhâ kemo ha chüya ga ?
25 sita. Sitse puo ukâ üse, Thiadzû David mhachûlie
kenjû, mu merûrketaki puo mu puoze ketuokâ reisa
26 chûkechû niekâ mhakipuorei phrû mozâ ma ? Abiathar
phichûkezha chûkebaki puo Jihova kinu ledi phichûkâ
zâ kemosia chûkechû thezhâ kemo se-mia-kia-ketuo-
niekhrûda chû, sidi khapie puoze ketuokâ rei tsü moüma ?
27 sita. Sidi puo ukâ üse, Kerleizha la themia chûshû mo-
28 nyû, themia la kerleizhau chûkeshû zâ. Süia Themianuo-
u kerleizha mhâ rej niepu zâ. Sita.

- 3 Sūsia puo la kehouki nu le ; ru miapuo puodzie siadi
 2 sūnu ba. Sūki ukâ puo pejâkelie ledi kerleizhanhia puo
 themia sūu chūkeshürhâ shü tâ mōmo shi idi puo mehâ
 3 terür ba. Sitse puo puodzie kesiau ki, Siedi phirlichie!
 4 sishü. Sidi puo ukâ üse, Kerleizhaphia *mia gei* mhakevi
 chūkechü mo *mia gei* mha kesuo chūkechü thezhâ ga ? mia
 chüperhei tuo mo mia dukhri tuo ga ? sita. Derei ukâ ke-
 5 mekriezei bata. Sitse puo ukâ noukere lepie puo nousuo
 kechüla puo neimodi reipra lutsa hatsa ukâ mehâdi themia
 sūu üse, N dzie chashüchie ! sita. Sitse ~~pie~~ chashü di puo-
 6 dzie chüpevilashü. Sūsia Farisikâ kitia vâdi kenourhei
 Herodiamiakâ ze Jisu biepesuokewa ledi puo la kerüchü
 bata.

GALIL DZÜKEZHA KHIE KINU THEMIA KEKRÂ JISU
 SIAMEDZI KETA

- 7 Sūsia Jisua pethakelikâ ze krei dzükezhatsatie vâta :
 sitse Galil nunu themia krâdipuo puo sia medzita ;
 8 sizâmonyü Judia nunu, mu Jirusalem nunu, mu Idumia
 nunu, mu Jordan rür khie lutsa khienü, mu Tur mu
 Sidon merhiekâ nunu themia krâdipuo rei, puo mha-
 9 kezha phiphi chūkeshü sikelie la puo ki vâr. Sitse puo
 miabu puo ge mo tuoüdi themia krâu la pethakelikâ bu
 10 rou kechüyâpuo pie puo pfebalie nuta. Puo themia
 kekra chūkeshürhâ keshüla ukechü nyiketuo khekâ puo
 11 bie tuoüdi puo ge toutou zhü kechüla. Sirâ mesakemo
 ruopfükâ rei puo ngutsemetha tsu puo mhâdzünu zhü-
 liedi shiekhoudi sie, Nâ Jihova Nuo-u zâ, isita tata.
 12 Sirei puo ukâ bu puo rüli pupie mia pesi hienudi ukâ
 khabei shüshü tuota.

JISUA PETHAKELIE KEREKENIA KEDALIEDI APOSTEL
 KAM KHAPE UKÂ TSÜKESHÜ

- 13 Sūsia puo kijüthou gei vâdi puo medâmnia bu puo ki
 14 vânu di kieta ; sitse sükâ puo ki vâ. Sükisü puo mia
 kerekenia bu puo ze tuo nu, mu puo ukâ ketsepie mia
 15 petha tuoü, mu terhuokesuokâ whuolie ketuø kekua kha
 16 ukâ tsü tuoüdi ukâ kedalie. Sükâ : Simon, Puo sūu üse
 17 Pitor chūketau, mu Zebedi nuo Jakob mu Jakob siazeu

- Johan; puo sünia zathâ pie Boanerges, *puocha teikese nuonia*, chüşhü: sirâ Andria mu Filip, mu Bartholoma, mu Mathi, mu Thoma, mu Alfia nuo Jakob, mu Thadia, 18 mu Kananmia Simon; sirâ puo tekeshüu Iskariot Judas rei sa. 19

JISU NUO KINUKÂ PUO ÜSE MECHIEMOTA ÜKETA.

LESHÜKESITHÂKÂ PUO MELEKETA; MU JISU

UKÂ KI MHA PULA KESHÜ

- 20 Süsia puo kipuo nu lelie. Sitse themi akrâkâ vâ
21 sünu kengulie; sidi ukâ bu mhachü reilie kenjüta. Mu
puo kinukâwe süsü sidi vâ puo telie tuoü tuota: mha-
kekreilamonyü ukâ sie, Puo nyata zâ, isi tuo ketala.
22 Sirâ Jirusalem nunu keker leshükesithâkâ rei sie, Puo
Belzebub ze tuote, mu terhuo kesuo kedi süu zedi puo
23 terhuo kesuokâ whuo tuote, sita. Sitse puo sükâ kie
puo ki shüliedi kedieviidi ukâ üse, Satan kikidi Satan
24 whuolie viga? Mu kedi kehupuorei puo thuo puo pfü-
25 phrâta lirâ, kedi süu balie kenjü. Sirâ ki kehupuorei
26 puothuo puo pfüphrâta lirâ ki süu bakelie jü. Mu
Satan rei puothuo puo ngumvü siedi kopfüphrâta lirâ puo
27 rei balie kenjüdi kata tuo. Sirei miapuorei kekuomia pha-
lie ria kemosia puo kinu ledi puoviekâ selie kenjü; phalie
28 lirâ puo kinu viekâ selie tuo. A niekâ ki putou shütuo,
Themia nuonuokâ kephuma neiükâ mu ukâ mia thayâ
29 kezha kethadie neiükâ vashü ukâ tsü zâtuo: derei the-
mia kehupuorei Kemesa Ruopfü tha râ, mhakipuorei
vashü tsü lielhâ, sirei kechachie kephuma la puobu jâ
30 tuotatuo. Sita. Süsü ukâ, Puo mesakemo ruopfü
zetuote, isi ketala zâ.
31 Sükisü puo zuo mu puo siazekâ vâ kitia thadi mia
32 ketse puo kishüdi puo kie. Mu süki themia krâpuo puo
houpfü ba; ru ukâ sie puo üse, Harie, n zuo mu n
33 siazenuokâ n pfüvâr kitia thalie; sishü. Sitse puo lasie
34 ukâ üse, A zuo mu a siazenuokâ suomia ga? sita. Sidi
rei lutsa hatsa vâ puo houpfü kebakâ mehâdi sie, Harie,
35 azuo, mu asiazenuokâ! Mhakekreilamonyü themia ke-
hupuorei Jihova medâ chüüze kezhamia, sümia a siaze-
mia, a üpfünuo, mu a zuonuo zâ kechüla; sita.

LIECHIEMIAPUO PIE KEDIEVIKESHÛ

- 4 SÛsia puo dzükezha khiekinu mia petha lasie. Sitse themia krâdipuo vâru puo ki ken^gulie; sÛla puo rou-puonu ledi dzükezhanu bata; mu themia krâkâ pete
- 2 dzükezha khie kesânu balie. Sitse puo dievii nunu mha kekra pupie ukâ petha, mu ukâ pethâ kechûki puo ukâ
- 3 ùse, Rünyüliechie, harie: tsia vakezhamiapuo puo lha-
- 4 tsia pie vatuoû tsu: ru puotsia vashûtse huomia te
- 5 chakhie tsuta, sitse perakâ vârdi sÛkâ pachûlie. Mu kekrei huo te ketsie tsâru rÛnyâ shÛzhûkemo nu tsuta,
- 6 sidi rÛnyâ shÛ kemo la tsÛ mha par: di niaki siertse
- 7 phie guzâwa, sidi puo mie kejÛ la rÛwi tâta. Mu kekrei huo te zohu dânu tsuta, di zohu lhou sie puo gepie
- 8 puobu puosi puorei rÛchûlie mota. Mu kekrekâ te rÛnyâ kevinu tsulie, di tsÛ mu pechÛ sie puosi rÛchûlie; sidi si serÛr, mu si hiesorou, mu si kriapuo ketsâ rÛchû-
- 9 lie; sita. Sidi puo sie, Themia kehupuorei unyie nyidi rÛnyÛ kenyÛmia, sÛmia bu rÛnyÛlie chie; sita.
- 10 SÛsia puo puortÛrbei kebaki puo houpfûkebakâ, kere-keniakâ zesadi dieviikâ dze puo ki ketsâta. Sitse puo
- 11 sie ukâ ùse, Teigei kedi dze die kesouu khapie niekâ dzienu shÛwate: derei chazou kebakâ kiwe dievii nunu
- 12 mhakehupuorei kha ukâ kishÛya. MhakekreilamonyÛ ukâ kenguwe ngutuo derei silielhâ, mu ukâ kerÛnyÛwe rÛnyÛtuo derei lelielhâ; ukâ bu hwi lavârdi ukâ *kephu-*
- 13 *ma* vakelie kepreila. Sidi puo ukâ ùse, Niekâ dievii hau simo zâle? silirâ kikidi niekâ dievii petekâ silieta?
- 14 Tsia vakezhau dieu pie vashÛya. Cha khiekikâ, dieu te ukâ nou le; sirâ ukâ sÛu silietse Satan kenourhei vârdi
- 15 te ukâ nou kele dieu sesetaya kezhakâ zâ. SÛsÛtuoi te ketsietsâru nu kelekâ, ukâa dieu silietse ukâ neisie idi
- 16 zemhalie; derei ukâ nou puomie kejÛ la zâpuoki rÛrbei bakelie zâtaya; sÛsia dieu la kemezhie kechÛ, morei upechÛpenyÛ kechÛ sier râ ukâ nou kekrÛ mhataya
- 18 kezhakâ zâ. Sirâ huo te zohu dânu kelekâwe, dieu siliedi tsiedâ kelhouki rÛlikâ lepie unoukenyÛ kechÛkâ mu useyakezha kinyikâ mu mha kekrei kemchoukâ ukânou ledi dieu ge pejÛwadi ukâ si rÛchûlie motaya
- 19 kezhakâ zâ. Sirâ te kijÛ kevinu kelekâ zâwe, dieu siliedi liepie uvie chûlie, di ukâ si serÛr, mu hiesorou, mu kriapuo rÛchûlieya kezhakâ zâ. Sita.

- 21 Sizâmonyü puo ukâ üse, Mia saki pie vâ sakiba
gei bamodi bie khrâ morei thezhü khrâ baya ü ma?
22 Mhakekreilamonyü pie mia pesipengu shü tuoü kechüu
sia mhapuorei keviapie kezhü jü; mu miabu silie tuoü
23 kechüu sia mhapuorei kepekhre jü zâ kechüla. Themia
kehupuorei unyie nyidi rünyü kenyümia sümia bu rü-
24 nyüliechie. Sita. Sirâ puo lasie ukâ ki, Niekâ mha kerü-
nyüu menuolie: niekâ pie mejükezhau pie mejüpie
niekâ tsüzâ tuo; mu sü zie rei kha sapie niekâ tsü zâtuo.
25 Mhakekreilamonyü themia kehupuorei kenyiu khapie
puo tsü zâtuo, mu themia kehupuorei kejüu puo kinu
puo ketuokâyâ rei chüseta zâtuo kechüla. Sita.

TELHA TSÜSIE ZHAKELIE PIE KEDIEVIIDI JIHOVA
KEDI ZE KEMEJÜ KECHÜ

- 26 Sirâ puo lasie, Jihova kedi-a miapuo tsia se tsu kifü
27 prushüdi, theva vâ zeta mü teisâ lierâ sierürür idi puo
tsia kikidi tsüsie zhalieya shi kechü sikemo mhie zâ.
28 Kijüa puothuo puos rüchülie, puonyü thelie ria, süsia
29 puokre, süsia puokrenu puoshü puotsu parlieya. Sidi
puo lha melietse metha lieyie tei tsâ ketala themia süu
puo-zupfinuo se tsurya. Sita.

GAKRIETSA PIE KEDIEVIIDI JIHOVA KEDI ZE
KEMEJÜ KECHÜ

- 30 Sirâ puo lasie, Ukâ kikidi Jihova kedi pie mha ze
kemejülicta? morei kedipuo pie kedieviidi mia ki
31 pushüta? Süu gakriashüyâpuo kemhie zâ; mia süyâ
setsu kijü leikeshüki kijü ketuo mhatsia petekâ ki chü,
32 derei setsu leishü di tsüpar lierâ ga petekâ ki zhataya,
sidi puo châ kezhazha kechü theparlieya; mu teirakâ bu
puo khrükhrâ nu rüselie kevi'chülieya. Sita.
33 Sizâmonyü puo ukâ bu silie kevi chüdi dievii sikechü
34 kekranunu dieu pupie ukâ kia. Mu dievii semodi puo
ukâ ki mhapuorei pumo: derei pethakeliekâ rürbei kinu
puo mhapetekâ cha pupie ukâ kia phreshü.

JISU TEIKHRIA KECHÜZEI KEWA

- 35 Sirâ sünhia thevatfa tatse puo ukâ üse, Ukâ tuose
36 lutsatie khie pfüta khe! sita. Sükisü ukâ themia krâkâ

- khawadi puo keba rou nunu puo ze ukâ sa vâta zhû.
 37 Mu rou kekrei krâpuo rei puo zetuo. Ru sükisü teikhria
 khriadipuo sierür, di dzürüpfükâ bu rou kepfüpie rounu
 38 dzü bu le tsuta tuoüta. Sükisü puo rou siatsatie theba-
 puo geinu zezhü: ru ukâ puo kesoudi sie puo üse,
 Kepethau, ukâ siata tuoü zhükechü nâ n nou mecha
 39 zhü mo zâ mo? sita. Sitse puo châsierliedi teikhria
 ruoshü di dzükezha ki, Nâ kemekrie zeitatie! sishü.
 40 Sitse teikhria lata, mu tei mesa phite. Sasia puo ukâ
 üse, Niekâ kiüdi michieya ga? Niekâ tsierei niekâ
 41 kepele nyilie mozâ ma? sita. Sirei ukâ michie pie
 mhapuo chüdi huoniehuo üse, Themia hauha themia
 kikechüpuo ga? Teikhria mu dzükezha thuo rei puo
 die zeya kezha ha? sita.

JISUA GADARA RÜNA NUNU TERHUO KESUO BU PUO
 KEBIZE KETUO MIAPUO CHÜKEMECHIE KESHÜ

- 5 Süsia ukâ tuose dzükezha lutsa khie vâdi Gerasin
 2 kijünu vârlie. Sidi puo rou nunu tuoparlietse metha
 mesakemo ruopfü bu puo kebizetuo ketamiapuo me-
 3 khrukâ nunu tuopar puo ze keselic. Süu mekhrukâ nu
 baya kezha zâ: miapuorei thezhürâ rei pie puo pha
 4 sebalie kenjüta zâ. Hadzü mia thezhü dziekha mu the-
 zhürâ pie puo phapha rei puo thezhürâkâ rei biethe pha-
 wawa, mu thezhü dziekhakâ rei bietsephawawata: sidi
 5 miapuorei puo kekha zebakelie kekua jü ketala. Sirâ puo
 teizeigei rei teisâ gei rei mekhrukâ nu mu kijüthoukâ
 gei ba sei tuota, sidi puo shiekhoudi ketsie reipie puothuo
 6 puo jâ seibaya zâta. Puo ratsanu Jisu ngudi ta vâr puo
 7 rüsuota; Sirâ puo melie ruorüdi sie, Kerükriethâu Jihova
 Nuo-u Jisu, nâ aü kedipuo chü tuoü vâr ga? A
 Jihova zase rüsedü putuo, Nâ a pechüpenyü hie zâi!
 8 sita. Mhakekreilamonyü Jisu puo ki, Harie mesakemo
 ruopfüu, nâ themia hau geinu tuo pratalie chie, isi
 9 ketala. Sitse puo süu ki, N za supuo ga? sidi ketsâta.
 Mu süu rei puo ki, A za Legion zâ; hiekâ kekra tuo
 10 kechüla; sita. Sidi süu Jisu bu rüna süu nunu ukâ
 11 whuowa hienu kechü chabeita. Sümese kisü thevâ krâ-
 12 dipuo kijüthou phila mha ngbehütuo. Ru ukâ puo ki
 cha beidi sie, Hiekâ bu thevâ krâ nu lelie ketuola nâ hie

- 13 ketsepie sūkâ krânu shûwachie! sita. Sitse puo ukâ bu vâta nuta. Ru mesakemo ruopfû sūkâ pardi tuo thevâkrâ nu leta: sitse thevâkrâ nyie keniakâ tsiekhiékha nu ta rûsou dzûkezhanu leta; di dzûkezha nunu ukâ
- 14 pelheikhri phreya. Sûsia sūkâ kepfekâ vâ rûnakâ nu rei mu liekâ nu rei rûkhruo phreshû. Sitse kedipuo chûteshi kechû mehâ tuoûdi mia vâr. Mu ukâ Jisu
- 15 ki vâdi terhuo kesuo bu puo kebize ketuo-u, puocha hadzû terhuo kesuo kekra bu puoze ketuo-u, puo melou mefîeliedi puo pîedzie bata kechûu nguliedi
- 16 ukâ michie phita. Sûsia mha sūkâ kengukâ terhuo kesuo bu puo kebize ketuo-u gei chûketa mu thevâkâ
- 17 dze reipie mia ki pushû. Sitse sūkâ puo bu tuo ukâ
- 18 rûna tseta nudi ukâ mezhiemelâ bei sieta. Sûsia puo rounu leta zhûtse hadzû terhuo kesuo bu puo kebize
- 19 ketuo-u Jisu ze tuota tuoûdi puo ki cha beita. Derei Jisu mvûdi sie puo kî, Nâ tuose n kinu n khriethâ khrieçhûkâ ki vâdi ukâ ki Niepuu n gei mhakezha kedithede chûshûshi kechû, mu puo n ngumezhie pie
- 20 kedipfû chûshû shi kechû pie pushûlie chie! sita. Sitse puo tuovâdi Dekapoli rûnakâ nu Jisua puo gei mha-kezha kedithede chûshû shi kechû pie mia ki pu tuota: sidi themia petekâ bu ungâ phita.

JISUA JAIRA NUOPFÛ CHÛPERHEI KESHÛ: MU THENUMIA
PFÛPUO KECHÛ CHÛPEVI KESHÛ. "

- 21 Sûsia Jisu rou nunu tuolase lutsa khie pfûlietse, themia krâdipuo vâr puo kiki kengulie; mu sükisû puo
- 22 dzûkezha khieki ba. Ru puoza Jaira ûkechû kehoukinu kezhamia puo sûnu vâr puo ngushûdi tsu puophinu
- 23 zhûta, mu sie, A nganuo siata tuoû zhûtelié: puo bu viliedi rheilie ketuola nâ vârdi n dziepie puo bieşhûyi!
- 24 isidi, puo ki chabeita. Sitse puo sûnu ze vâta; mu themia krâdipuo puo siamedzi puo ge toutou tuota.
- 25 Sirâ thenumia chie kerekenia thezia kru tuo tadi,
- 26 darukesimia kekra bu puo chû, di puo vie ketuokâyâ peka phrewa rei vikeliéu monyû suokechû miamiaketa
- 27 pfûpuo, Jisu dze sishûdi themia krâu dânunu tuose puo
- 28 siatsa vârdi puopfe bie. Mhakekreilantonyû puo puo-thuo sie, A puopfe puonei bielie zârei a vilie zûtuo, isituo

- 29 zâ ketala. Mu bieshütse metha thezia kru ketuo sâmhâ-
 30 ta; mu puo kechû vilieketa puothuo puogeinu silie Si-
 tsemetha Jisu kekuo puogeinu praketa siliedi reivâ lutsa-
 hatsa themia krâkâ mehâdi sie, Supuonie a pfe bie ga?
 31 sita. Sitse puoa pethakeliekâ sie puo üse, Themia krâkâ n
 ge toutou ketuo ngu zârei nâ, "Supuonie a bie ga"? isi
 32 tâlâ ma? sita. Sidi puo puobie keshüpfû mehâ tuoüdi
 33 reipra lutsa hatsa mehâ. Sirei sükisü thenusüpfû puo
 geinu mhapuo chüpar keta siliedi michiepie pe zâdi vâr
 34 puophinu zhüta, mu puo ki diethâkâ pûphreta. Sitse
 puo süpfû üse, A nuopfû, n kepele thuo n chüpevi shü-
 wate ho: n kechû bu viliedi n dzüziedi vâtalie! sita.
 35 Puo die sükâ pu kethanu mia kehoukinu kezha
 kinunu vârdi sie, N nuopfû siate ho! kidi Kepethau bu
 36 kemezhie sa vâta? sita. Derei Jisu die süu sikemo
 pfüchüdi sie kehoukinu kezha üse, Nâ michie hiedi
 37 peleu pelezâlie! sita. Sidi puo Pitôr mu Jakob mu
 Jakob siazeu Johan sia miapuorei bu puo siamedzi tuo-
 38 mvüta. Mu ukâ vâr kehoukinu kezha ki tsâlietse, mia
 39 kra thekrû chü phidi bouûbi keba ngulie. Sidi puo
 kinu ledi sükâ üse, Niekâ kidi kra bouûbi бага? unuo
 40 siata mo, zezhû ketazâ; sita. Sitse ukâ puo krenyüta.
 Sirei puo sükâ bu kitia pra phre tadi nganuoyâ nuopuo
 mu puo zuo mu Jisu zeketuokâ ze unuo kezhubou nu
 41 leta. Di unuo dzie teshüliedi sie puo üse, Talitha kumi,
 puocha, Nganuo, a n ki pushû ho, sieliechi! sishû.
 42 Sitse nganuo süyâ siedi chatuo tuota; puo rei chie kere-
 kenia nuote ru. Sidi mia bu mia ngâpie mhapuo chüta.
 43 Sitse puo miabu süu simo ketuola sükâ khabeiwata:
 süsia puo ukâ bu mhapie süpfû vachüshû nuta.

JISU NAZARET RÛNA NUNU MIA PETHASHÛTSE MIA
 PUONGUPIE MIA NEIMO KETA VAKENIA.

- 6 Süsia puo sünunu pradi tuose puothuo puora vârtâ;
 2 mu puoa pethakeliekâ rei puo siamedzi vâ. Sükisü
 kerleizha tsâlietse kehoukinu ledi puo mia petha tuoü
 sie; ru themia kekra puo die rünyü pie ungâdi sie,
 Themia hauha kirapuo nu mhahakâ ngulie ga? Mu
 kha puo ketsü mhasi harei kikechüpuo ga? Mu kikidi
 3 puo dzie nunu mhakezha hiechü chülieya ga? Hauha

- seimistriu mu ma? Puo zuo Maria mu puo siazekâ Jakob mo Joses mu Juda mu Simon mo ma? Mu puo üpfünuokâ rei u te hanu ba mo ma? sita. Sidi ukâ puo
 4 gei ukâ nou kekrüta. Sitse Jisu ukâ üse, Siadzekesimia puothuo, puoramia mu puothuo puose puoyiemia mu puothuo puo kñumia siatsatiawe kekretsawe therhu
 5 jü mo; sita. Sidi puo kechümia krâpuo bieshüdi sükâ
 6 chükeshürhâ keshü sia sünu mha kezha chülie kenjüta. Sizâmonyü puo ukâ mha pelekemvü la puo ngâta.

JISUA GALIL KIJÜNU RÜHOU KEVÂ VAKENIAU, MU
 APOSTELKÂ KETSEKESHÜ.

- Süsia puo rühou rünakâ nu vâdi mia petha.
 7 Sirâ puo kerekeniakâ kiepie puo ki shüliedi ukâ mia keniania ketseshü tuoü sieta; mu puo ukâ bu mesakemo ruopfükâ mha kekuo nyikelie khashü. Di ukâ bu rüveki kethepuo rürbei si niêkhrüda rei, likhuo rei, uchiephanu shükei raka rei mhapuorei sehie nuta. Sirei ukâ bu phikou nyü lient mu boulia kenia bouliehie nuta.
 10 Sizâmonyü puo ukâ ki, Niekâ kehurapuo rei ki kehu-puonu lezâ shierei niekâ rüna sünunu tuota kemochie
 11 sünu bazâchie. Mu kehurapuorei mia niekâ zeliemo mu niekâ die rei rünyümo râ, niekâ rüna sünu nu tuota ketuoki mia bu silie ketuola nie phizhü khrâ nyâphe rei
 12 kepfühüwaliechie; sita. Sitse ukâ tuovâdi miabu mia
 13 nou kedilie nukchü pupie mia petha. Mu ukâ terhuo kesuokâ kekra wluowa, mu kechümia kekra gei tier pie kenheshüdi sükâ chükeshürhâshü.

HEROD-A JISU ZAKEMEYIE SIKELIE: MU JOHAN
 MIA BAPTAIZ CHÜKEZHOU SE DZE.

- 14 Suki mia Jisu za simeyietuo keta kedi Herod rei süu siliedi sie, Johan mia-baptaiz-chükezhau kesiakâ dânu nu rñeila sierte; süla puo geinu mha kekuo hakâ chülieya kezha zâ; sita. Derei kekrekâwe, Hau Elia zâ; sita. Mu huomiawe sie, siadzekesikâ miapuo tuoü puo
 16 rei siadzekesipuo zâ; sita. Sirei Herod zâwe süu silietse sie, Hadzû a puotsü ziekewau Johan rheila sierte; sita.
 17 Hadzû Herod puothuo puo siazeu kimia, Herodia la mia ketseshü Johan teliedi phapie kediekinu shüwata zâ;

- 18 Herod thenu süpfü lielieta zeru. Mhakekreilamonyü
 Johan Herod ki, Nâ n thuo n siazeu kimia liekechü
 19 thezhâ mo zâwe, isikeshü la. Süla Herodia pfü rei
 Johan gei puo neimodi puo dukhriwanyü siezâ; derei
 20 silie kenjüta. Mhakekreilamonyü Herod Johan üse mia-
 thâmiapuo mu kemesamiapuo zâ tükeshü sidi puo preidi
 puo rüguo sebata; sidi puo die kesiki puonou kehoul-
 keruo chütatata; derei puodie kerünyüwe puoneidi rü-
 21 nyülielie vârzâ kechüla. Situo puotei kevipuo dzüliedi
 Herod süu puo kepenuo zhanhia puo khrâ kezhakâ mu
 22 chüpaihi mhâ kezhakâ mu Galil mia pelliukâ ze hie. Sidi
 Herodia nuopfü puothuo lerdi nashüshüdi Herod mu vâ-
 puo ki hiekebakâ nou vapemvüshü; sitse kediu sie rüü
 süpfü ki, Nâ a ki mhakehupuorei n neiu chachie, sirâ a
 23 khashü n tsütuo. Sidi puo süpfü mhâdzü nunu rüsedie sie,
 Nâ a ki mhakehupuoa cha rei, puothuo a kedie tielatsa zâ
 24 shierei a khapie n tsütuo; sita. Sitse süpfü tuopradi
 vâ puo zuo üse, Abu kedipufü chata? isidi ketsâru, puo
 zuoa sie, Johan mia baptai-z-chükezhau tsü zâ; sita.
 25 Sitsemetha puo rükhri kediu ki ledi, Nâ Johan mia-
 baptai-z-chükezhau tsüpie mekhoupuo nu a tsü mha-
 26 shütse a neizâtuoa; isidi chata. Sitse kediu puonou keme-
 zhié phita; derei puothuo puo rüse la mu vâ puo ki
 27 hiekebakâ la puo süpfü die meliashü lielhâta. Sidi puo
 rükhrou ketha chüpaihimiapuo ketse mhashüdi Johan tsü
 ziepie vâ nuwata: mu süu vâ kedieki nunu puotsü
 28 zielie, di mekhoupuo nunu puotsü pievâ rüüpfü tsüwata;
 29 sirâ rüüpfü rei süüpie puo zuo tsüwata. Süsia Johan-a
 pethakeliekâ süsü siliedi vâ puo rüngetsa pievâ me-
 khrupuo nu piezhüwata.

JISUA APOSTELKÂ ZE MIA KEJÜRAPUO KEVÂ: MU MHA-
 PIAPIE
 THEMIA SÜNU KEVÂ KHEKÂ VACHÜ KESHÜ

- 30 Süsia apostelkâ vâ Herod Jisu ki kengulie; di ukâ 'mhakehu-
 puorei chükechükâ mu mhapupie mia kepetha khekâ pie
 31 puo ki pu phreshü. Sitse puo sie ukâ üse, Niekâ niethuo
 tuo krei mia tuokemora vârdi rülei zalie; sita. Mhake-
 kreilamonyü themia kekra puo ki vârdi tuola tatakechü
 32 temo; süla ukâ nouva kechü tei rei jü keta'la. Sükisü
 33 ukâ roupuo nunu tuose krei mia kejürapuo vâta. Mu

- mia ukâ kevâ ngushû di themia kekra ukâ zâ ükechû
 sidi rûna khekâ nunu keze tase zâvâ ukâ mhâdzû riata.
 34 Sûkisû puo pardî themia krâdipuo ngulie; mu sükâ
 ukepefe kejû tekuo krâpuo mhie zâ kechûla puo sükâ
 ngumezhieta. Sidi puo mha kekra pupie sükâ petha
 35 tuotû sieta. Sibadi teisâzha vâ theta zhûtse puoa petha-
 keliekâ puo ki vârdi sie, Haha terha zâ, mu teisâzha rei
 36 vâ theta zhie; ru ukâ hu lutsa hatsa liekâ nurei mu
 rûnakâ hurei vâdi uthuo ukechûcha huorei khrûlie ketuo-
 37 la ukâ ketseshûwa chie; sita. Derei puo lasie ukâ üse,
 Niekâ thuo ukâ vachûchie; sita. Sitse ukâ sie puo üse,
 Nâ hiekâ bu vâ niekhrûda doulei kria kenia ma khrû
 38 sevârdi ukâ vachû nu ma? sita. Sitse puo sie ukâ üse,
 Niekâ niekhrûda kitsuo setuo ga? Vâdi mehâchie!
 sita. Sûsia ukâ siliedi sie, Niekhrûda pengou mu khuo
 39 kenia tuowe; sita. Sitse puo themia sükâ pete bu uthuo
 40 ukra kreikreidi ke nha kepejâ gei balie nuta. Sitse ukâ
 kriapuopuo mu hiepengoungou idi puo cha kekreikreidi
 41 bata. Sûkisû puo niekhrûda pengoukâ mu khuonia
 liepie teigei mehâdi jashû, di niekhrûdakâ bietsielie: di
 khapie themiakâ tsûshû nudi pie pethakeliekâ tsûshû;
 sidi, puo khuonia rei kezapie themia sükâ pete tsûphreshû.
 42 Sirâ ukâ petekâ chûdi pevû phrelie. Sûsia ukâ khuokâ
 43 reisa puosekâ pfükengupie khâpenuo kerekenia tsulie.
 44 Sûkisû ukâ keze niekhrûda kechûkâ thepfumia nyie
 pengou.

JISUA DZÛ MHÂNU CHATUO KECHÛ

- 45 Sûsia puo themia krâkâ ketseshûwawa kethaki puoa
 pethakeliekâ bu rûkri rounu ledi tuo ria lutsakhie
 46 Betsaida nu vâlie nu beishû. Sidi puo ukâze kekhâ keta
 47 sia tuo kijûthou gei vâdi chabata. Sûsia thevatatse rou
 sûu dzûkezha metsuo nu tuota, mu puowe puorûrbei
 48 kesânu ba. Mu teikhria ukâ mhâdzûtsatienu ukâ heta
 kechûla ukâ rou thu kemezhiiephi kezhû ngudi teisâ
 penuokemonu puo dzûkezha mhânu chatuodi ukâ ze
 49 tuotanyûdi ukâ ki vâzhû. Derei ukâ puo dzûkezha
 mhânu chatuo vâzhû kechû ngudi puo üse tempuo üdi
 50 shiekhôuita; mhakekreilamonyû ukâ pete puo ngudi
 unou kehoukeruo, chûphreta kechûla. Sidi puo kenou-

- rhei ukâ rûchûdi sie ukâ üse, Niekâ melousuo hie, a zâ
 51 mu; michiehie chie! sita. Sidi puo tuo ukâ ki zâ vâ
 rounu lelie; sitse tei rûkhria môta: sùla ukâ ukâ ngâ
 52 phita; mhakekreilamonyü ukâ niekhrûdakâ dze le ñeilie
 mo, sikechûu monyü ukâ nou rei re tuota kechûla.
 53 Sûsia ukâ sü chie vâdi tuose Genesaret kijünu vârdi
 54 rou bu dzûkezhakhie balie. Sidi ukâ rou nunu parlietse
 55 metha mia ukâ siliedi, sükhie sümhou rûna petekâ nu
 vâdi thezhükâ geinu themia kechükâ totpie puo ba
 56 ükechû kesikâ nu vâ rür tuota. Sidi puo sâchükâ nu
 rei, rûna kezhakâ nurei, liekâ nurei puo kevâ khekanu
 ukâ kechûmia pievâ lhithâchükâ nu piezhûdi sükâ bu
 puo pfephrie zârei biekelie ledi puo ki chabeita tata: sidi
 puo biekelie khekâ shûrhâ phrelielie tuota.

UDZIE METEI MOREI METEI MODI MHAKECHÛ : MU
 UPFUTSANUOKÂ ZHÂ DZE REI PUDI UKÂ
 PETHA KESHÛ

- 7 Sûsia Jirusalem nunu kevâr Farisikâ mu leshûkesi-
 2 thâkâ huo sa vâ puo ki kengulie. Mu sükâ Jisua petha-
 keliekâ huomia mesamodi, puo cha unayü zhâze udzie
 3 meteimodi, mhachû kechû ngu. Mhakekreilamonyü
 Farisikâ mu Judamia pete upfutsanuo zhâ ze udzie metei
 4 menuo kemisia mhachûya mo; mu lhithâchû nunu vâ
 rei, dzürûlu kemisia mhachûya mo, sürürbeizâ monyü
 ukâa zemorâ kesuo tehie mekhou ntu li mu mese pie
 kechû mhaboukâ kekhrû mhaneiü nei ba kechûla.
 5 Sükisü Farisikâ mu leshûkesithâkâ sie, Kidi nâa pethake-
 liekâ upfutsanuo zhâ ze modi udzie bu rhudi mhachûya
 6 ga? isidi puo ketsâta. Sitse puo sie ukâ üse, Isaya
 thiadzû niekâ kethera kezhakâ dze,
 Themia hakâha utia se a rhuya kezha zâ,
 Derei ukâ nouwe a rütsietuoya zâ.
 7 Mu ukâ themia thuo kechû zhâkâ pie
 Ukâ die chû mia pethadi ukâ a rüsuo thedâ chütuoya
 kezha zâ;
 isidi siadzekesidie pukemechie tseikeshû thupie zhû zâ.
 8 Niekâ Jihovaa puo die khakeshükâ khawadi themia thuo
 9 kechû zhâkâ ze menuo tuote; sita. Sizâmonyü puo
 ukâ ki, Niekâ nie pfutsanuo zhâkâ ze tuoüdi Jihovaa

- 10 diekhakeshükâ khakewa dâ siphi tuote. Mosa thiadzü,
Niepuo niezuo rhuliechie! isî, mu, Themia kehupuorei
puopuo puozuo gei diekesuo purâ, süu bu siatalie chie!
11 isipiezhü zâ. Derei niekâwe puya kechü, "Miapuonie
puopuo morei puozuo ki, Abu n khruohi kechü mesekâ
12 korbante, puocha pie Jihova tsüwate, isidi niekâ süu bu
puopuo morei puozuo ki mhachükezhükâ rei chüyamo:
13 mu sükemhie chüdi niekâ niethuo niepfutsanuokâ zhâ se
mia petñadi Jihova dieu pie kemethuo chütuoya: sizâ-
monyü sükemhie mha kekrei kekra rei chütuoya. Sita.
14 Süsia puo themia krâkâ kiepie puo ki lashüliedi sie ukâ
15 üse. Niekâ petekâ adie rünyäliedi siliechie. Mhapuorei
chazounu themia nou ledi puo chüperhuwaya kezha jü zâ;
16 derei themia nunu parya kezhakâ thuo themia chüper-
17 huwaya kezha zâ; sita. Süsia puo themiakrâkâ nunu
tuose kinu letatse. puoa pethakeliekâ puo ki dievii süu
18 cha ketsâ. Sitse puo ukâ kî, Niekâ rei mhasimo hathe-
de chütuo zâ luo ma? Chazou nu themia nu leya
19 kezhakâ themia chüperhuwalie kenjü; sükâ puo nou
le monyü puo va nu kedi khapie chavüchü nu shüwaya
kezha, niekâ leya mozâ ma? sidi kechücha pete üse
20 mesâ üwatâ. Sizâmonyü puo lasie, Themia nunu parya
21 kezhakâ themia chüperhuwaya. Mhakekreilamonyü the-
mia nou lukhrânu mha kesuo kemedâ, pierüü kechü.
22 kerügu mia kedukhri, pieü, mhakemehou, unoukerüzhü,
mha kese, kekhrise kezenyü kechü, mia ngu umhi kelu
kechü, mia rüpfü rüse kechü. kemiakâ kechü, kethenya
23 kechükâ parya. Mhakesuo hakâ pete lukhrâ nu pardi
themia chüperhuwaya kechüla zâ. Sita

JISUA JUDAKEMOMIA PFÜPUO NUOPFÜ TERHUO KESUO
BU PUO KEBIZE TUOTADI CHÜKEMECHIE KESHÜ

- 24 Süsia puo sünunu siedi tuose Tur mu Sidon rünania
khie tsatie vâta. Sidi puo kipuo nu ledi miabu süsü
25 sinyümota. Derei puo rüshü lielhâta. Sükisü thenumia
puonuo thenunuomia yâpuo mesakemo ruopfü bu puo
kebizetuo keta pfüpuo, puo dze sishüdi kenourhei vârdi
26 tsu puo phinu zhüta. Sirâ thenu süpfüsü Grikmia
Surofonikmia pfüpuo. Mu thenusüpfü puöbu puo nuo-
pfü geinu terhuq kesuo-u whuowa nudi chabeita.

- 27 Sitse puo sie süpfü üse, Nhichu hakâ bu pevülie riachie ;
 mhakekreilamonyü nhichu hakâ niekhrüda pievâ tefü
 28 ketsü puoton mo kechûla ; sita. *Sirei süpfü lasie puo
 üse, Kethâzâ, Niepuu ; derei tefükâ zârei mhachaba
 29 khrânu nhichukâ chû keria keshukâ chüya ; sita. Sitse
 puo sie süpfü üse, Die hauha la hâ tuo vâtalie chie ;
 30 terhuo kesuo-u n nuopfü geinu prate ho ! sita. Sitse
 süpfü tuo puothuo puo kinu vâdi puonuo thezhü gei ke-
 zhü mu terhuo kesuo-u tuopra keta ngulie. †

JISUA MIAPUO PUONYIE RÜVÜ MU DIEPUKELUODE SA
 KECHÜPUO CHÜPEVI KESHÜ

- 31 Sirâ puo Tur rûna khietsatienu tuopradi Sidon rûna
 hrûse Dekapoli rûna khiekâ nunu Galil dzükezhanu vâr.
 32 Sitse mia nyievü mu diepukeluode kechümiapuo ze puo
 ki vâr ; sidi ukâ puobu tûu bieshü nûdi puo ki chabeita.
 33 Sitse puo themia krâkâ nûnu rûshü puoze kerei vâdi
 puodziekinuo pie sâu nyienia, nu shûdi mhitsiashü mu
 34 puo mhiü rei bieshü ; sidi teigei mehâdi puonou keme-
 zhipfe phradi sie puo üse, Efata, puocha, chieparliechie.
 35 sishü. Sitse puonyieki nia chieparta, mu puomhiü pha
 36 rei rûprei parliedi diepu kemechielieta. Sûsia puo
 themiakâ bu süuse miapuo kerei puhie nudi khabeiba ; de-
 rei puo ukâ kha pereshü rei ukâ süupie mia ki pukechü
 37 sakuo ta. Sidi miabu miangâpie miangâ thârdi sie, Puo
 mhakechupuo chüzâ rei chüpevise shûze ; puo nyievümia
 burei mhapfe silie, mu keliehnomia bu rei diepu chielieta
 ze ! sita.

JISUA THEMIA KRÂDIPUO VACHÜ LAKESHÜ

- 8 Sûmesekisü themia krâdipuo lavâ kengulie, mu ukâ
 kechûcha puorei setuomo kechü, puoa pethakelikâ kie-
 2 liedi sie ukâ üse, A themiakrâkâ ngumezhiete, ukâ zha
 3 se a zetuote mu kechûcha puorei setuomo kechûla. Tsiu
 a ukâ bu mhachümodi ukâ ketsepie ukâ kinu shü râ, ukâ
 chalanu phisiatatiea ; ukâ huomiawe cha kecha nunu
 4 vâr ze ; sita. Sitse puoa pethakelikâ lasie puo ki, Hie
 nha terhë hiechûra nu kedikipuo nu niekhrüda ngupie
 5 themia hakâ vachüpevülievi tuoga ? sita. Sitse puo

- sie, Niekâ niekhrûda kitsuo setuo ga ? isidi ukâ ketsâta.
- 6 Mu ukâ sie, Thenia ; sita. Sitse puo themia krâkâ bu ke kijû balie nuta? sidi puo niekhrûda thenia sükâ liepie
- Jihova tseshûdi bietsiepie themia sükâ tsûshû nudi kha-
pie puoa pethakeliekâ tsûshû : Sitse ukâ sükâ pie
- 7 themia krâkâ zashû Mu ukâ khuo kechû nuonuo huoyâ rei setuo : ru puo japie sükâ gei shûdi sükâ rei zapie
- 8 themiakâ tsûshû nu shû. Sidi ukâ chûdi pevû phrelie : sÿsia ukâ chûkepesha puosekâ pfûpie kâpenuo thenia
- 9 tsulie. Mu ukâ sükâ mia nyie dia mese. Sÿsia puo ukâ
- 10 ketseshûwa. Mu sitsemetha puoa pethakeliekâ ze rounu ledi tuose Dalmanutha kijûtsatie vâta.

FARISIKÂA MHA ZASI HUO CHÛSHÛ UKÂ KIANU KETA
JISUA MIA BU UKÂ DIEKÂ NU UKIREHIE NUKESHÛ

- 11 Sükisû Farisikâ vâr pûo kedâdi puo bunu teigeinu mha
- 12 zasipuo chûpie ukâ kiashû nudi puoze keprûli sie. Sitse puo puothuo puoruopfû nunu puonou kesuopfe phraphi shûdi sie. Kidi tsiedânuokâ hanie zasi pfûya shi ? A niekâ ki putou shûtuo, zasipuorei chûpie tsiedânuo bakâ
- 13 kishû lielhâte ; sita. Sidi puo ukâ khawadi rou nu la le liedi tuose kekreibtsatie khie vâta.
- 14 Sükisû pethakeliekâ niekhrûda chûlie rûkramota ; ukâ rounu niekhrûda puo zie setuomota. Mu sükisû Jisu sie, Farisikâ khrei mu Herod khrei tsatieuwe niekâ kirei menuoliechie ; isidi ukâ khabeishû. Sitse ukâ keze kerûchûdi sie, Hya, ukâ niekhrûda setuo mote ! sita. Sitse Jisu sÿ siliedi sie ukâ ÿse, Niekâ kidi niekhrûda setuomota ketala kepu tuoga ? Niekâ tsie rei sÿ letuo mo zâ
- 18 ma ? Niekâ nou chûpere setuote ma ? Niekâ mhi nyidi niekâ mha nguya mozâ ma ? Mu niekâ nyie nyidi mha silieya mozâ ma ? Mu niekâ rûkra reilieya mozâ
- 19 ma ? A themia nyie pengou dânunu niekhrûda pengou bietsie keshûki niekâ puose khâpenuonuo ketsu kitsuo pfûlie ga ? sidi ketsâta. Sitse ukâ sie puo ki, Kerekenia
- 20 we ; sita. Sizâmonyû thenia pie mia nyie dia dânu keshûki niekâ puose khâpenuonuo ketsu kitsuo pfûlie ga ? sita. Sitse ukâ sie puo ki, Theniawe ; sita. Sükisû
- 21 puo ukâ ÿse, Niekâ tsierei lelie tha mozâ ma ? sita.

JISUA BETSAIDA NUNU MHICHIEMIAPUO MHI CHÜPEVIKESHÜ

- 22 Süsia ukâ tuose Betsaida nu wârlie. Sitse mia mhi-
chiemiapuo ze puo ki vârdi puobu süu bieshü nudi puo
23 ki chabeita. Süla puo mhichien dzie merhashüliedi puo
ze rüna süu chasia prata; sidi puo'mhitsia pie süu mhi-
nianu shü mu puo dziepie süu bieshüdi sie, Nâ mhahuo
24 ngutha mo? isidi puo ketsâ. Ru puo tâsiedi sie, A
themia krâpuo ngutha; mü sükâ ngupie chatuodi seibâ
25 krâpuo mhie tha zâ; sita. Süsia puo puodzienia pie süu
mhinia gei lashü; sitse süu mha mehâ terür lashüru.
26 viliedi mhapetekâ ngu mechie tsuoi lieta. Sitse puo süu
ketse di sie. Nâ rüna chüunu prahiedi n thuo n kinu
vâtalie; sita.

PITOR-A JISU ÜSE KHRISTA ÜDI PUKETA. JISUA PUOTHUO
PUO MEZHIE. PUOSE MU PUO RHEILASIE KETUO DZE
PEDZÜ PUKESHÜ

- 27 Süsia Jisu puoa pethakeliekâ ze tuose Kaisaria Filipi
rünakânu vâtazhü: sükisü puo chala'nunu pethakeliekâ
28 ketsâdi sie ukâ üse. Mia a üse, supuo üya ga? sita. Si-
tse ukâ sie puo ki, Johan mia-baptaiz-chükezhau üsi, mu
kekreimia krâpuo n üse Elia üsi, mu huomiawe siadzeke-
29 sikâ miapuo üsiya; sita. Sitse puo sie, Sirei niekâwe a
üse supuo üya ga? sidi ukâ ketsâta. Sitse Pitor lasie
30 puo üse, Nâ Khristau zâ! sita. Sükisü puo ukâ bu puo-
dze pie miapuo kirei puhie nudi ukâ khabeiwata.
31 Sizâmonyü puo sie Themianuo-u kemezhie pie dâneiü
chüzâ tuo, sirâ pehükâ mu phichü kezhakâ mu leshüke-
sithäkâ bu puo meliawadi mia bu puo dukhriwatuo; sidi
zha se sianu rheila sielie tuo: isikechükâ pie ukâ petha
32 tuota. Mü puo die sükâ pukemeyie meluoshü zâ. Sitse
33 Pitor puo ze krei vâdi puo kechüwatuoü sieta. Sirei puo
rürei puo siatsatie pra puoa pethakeliekâ nguliedi Pitor
kechüdi sie, Harie Satan, nâ a siatsatie vâtalie chie; nâ
Jihova rülikâ medâ monyü themia rülikâ medâya kezha
34 ze ha; sita. Sidi puo themia krâkâ kiepie puoa petha-
keliekâ sa puo ki shüliedi sie ukâ üse, Themia kehupuorei
a siamedzi kenyümia, sümia bu puothuo puo kekhalie mu
35 puothuo puo krus pielie di a siamedzilie chie. Mhake-
kreilamonyü themia kehupuorei puothuo puophou pekrü

pie puovie chülie kenyümia puo süu pejüwatuo; mu themia kehupuorci a la mu dieliekeviu la puophou peka pejü kewamia, puo süu pekrupie puovie chülie tuo kechü-
 36 la. Sirâ miapuonie kijü pete pralie zârei puo kerheirâ
 37 pejüwa lîrâ, puo kemevi kedipuo бага? Sizâmonyü the-
 38 mia kedipuo pie puo kerheirâ khrü lalie viga? Mu themia kehupuorei diethâkemo mu kephuma themia hakâ mhâ-
 dzünü a dze mü a die pu menga ketau, Themianuo-u
 rei teigei dielje kemesakâ zedi puo Puo zapuzayie kechüu-
 nu kevârki themia süu dze pu menga tatuo. Sita.

9 Sizâmonyü puo ukâ ki, A niekâ ki putou shütuo, Haki ketha huomia Jihova kedi kuosedi kevâr ngukemochie siatalielhâ zâ kechü doupuo tha. Sita.

JISUA KIJÜTHOU GEINU PUO KELHOU CHÜPEKREIPIE MIA
 PEKIÂ KECHÜ

2 Süsia zha sorou sianu Jisua Pitor mu Jakob mu Johan
 nuokâ ze krei Kijüthou kerükriepuo gei khâta: sidi puo ukâ
 3 kengukinu puo kelhou bu kreikhrâta. Mu puopfe puonei
 phriephriei mu krapie mhapuo chüpie kijü hanu pfekeme-
 nyimia puorei menyî pekrapie sükemhie chülie kelhâpfü
 4 chüta. Sükisü Elia Mosa ze vâr ukâ pengudi unia Jisu ze
 5 kerüchü. Sitse Pitor sie Jisu üse, Rabi, ukâ keze haki
 batse vizâ tuo: mu hiekâ bu pru se chülie chie; puo n la,
 6 mu puo Mosa la, mu puo Elia la: sita. Mhakekreilamo-
 nyü ukâ michie phi ketala die kikechüpuo pu morâsuo shi
 7 kechü sitha mo ketala. Sükisü kimhoupuo shüvâr ukâ ze-
 pfülie: mu kimhou nunu, Hauha a Nuo akhrieu; niekâ
 8 puo die rünyülie chie, isikechüdie pupar. Süsia ukâ lutsa
 hatsa mehâ sieru Jisu rürbei ukâ ze ketha sia miapuorei
 ngulamo mhata.
 9 Süsia ukâ kijüthou geinu ker kezhüki puo ukâ kekha
 beidi ukâ bu Themianuo-u kesiakâ dânnunu rheilasielie
 kemochie ukâ mhakengu sükâ pie miapuo kirei puhienu
 10 beiwata. Sitse ukâ kesiakâ dânnunu rheilakesie sü puo-
 cha kedipuo shi ikechü huoniehwo ketsâdi puodieu zebata.
 11 Süsia ukâ sie, Sirâ kidi Elia vâr rîa morâsuo ükechü
 12 leshükesithâkâ putuoya zâ ga? sidi puo ketsâta. Sitse
 puo sie ukâ üse, Elia vâr riadi mhapetekâ chüpevila

- shütuoüya kethâ; di sirâ Themianuo-u kemezhiëpie
 13 chü Kethâleshü nu puo dze thupie tuo mo ma? Derei
 a niekâ ki pushü tuo, Elia vârwate, mu puo dze thupie
 kezhu tuoi mia puo geinu mia medâkâ chüwate. Sita.

JISUA TERHUO KESUO BU PUO KEBIZE TUOKETA
 THEPFUNUOMIAYÄPUO CHÜPEVIKESHÜ

- 14 Süsia ukâ tuose pethakeliekâ ki vârtse themia krâdi-
 puo sükâ houpfûtha mu lesbükesithâkâ sükâ ze keprüli
 15 ketha ngulie. Sirâ themiakrâ sükâ pete puo ngushütse
 16 metha ukâ ngâphidi ta puoki vâdi puo keluta. Sitse puo
 sie, Niekâ lukâ ze kedipuo keprüli ba ga? isidi ukâ ke-
 17 tsâta. Sükisü themia krâkâ miapuo lasie puo ki, Kepe-
 thau, a anuo keliehuo ruopfü bu puq kebi zetuotadi ze n
 18 ki vârwatuoü zhülie; mu kehûrapuorei puo kebi hierâ puo
 nepie kijü shüpie zhüwawaya; sidi puo mhitsia meluo
 rherhedi puohu thegei krâkrü tataya, sidi we tâtataya.
 Mu a nâa pethakeliekâ bu puo whuowanu kechü pu sie-
 19 ru ukâ chülie kenjüte; sita. Sitse Jisu lasie ukâ üse,
 Harie peleyakemo themiakâ, a zha kitsuo niekâ ze batuo
 ga? mu a zha kitsuo niekâ gei adielâ chübazâ tuo ga?
 20 Puo ze a ki vârchie; sita. Sitse ukâ süuze puo ki vârwatuoü
 ru ruopfü süu puo ngushütse metha puo pechüpenyü pie
 21 mhapuo chüta; sidi puo bu te kijü tsu puo mhitsia
 meluopie puo kenya rharhapfü zhüta. Sükisü Jisu sie.
 Puo hituo keta chie kitsuo taga? sidi puopuo ketsâta.
 22 Sitse puopuo sie, Puo nhichu nunu hituota zâwe. Sidi
 tsiekenuo puo biepesuowa nyüdi puo pfukelhoupie minu
 rei mu dzü nu rei shüshü ituoya zâtewe; sirei nâ mhapuo
 chülievi litâ, hie ngumezhiedi hie la mhapuo chüshü chie;
 23 sita. Sitse Jisu sie puo ki, "Nâ chülie vi râ" le? Peleya
 24 kezhamia geiwe mhakehupuorei chülie vi zâ sita. Sitse
 metha nuosüyâ nuopuo shiekhouidi sie, A rei pele
 25 bawe! A kepele ketsaha chüpekrashü atsüyi! sita. Sü-
 sia Jisua themia krâkâ keze takewhuo vârwatuoü kezhu ngu-
 shütse puo mesakemo ruopfü süu ruodi sie puo ki, Harie
 keliehuo ru nyievü ruopfü, A n ki pushüwate ho, Nâ
 puogei nu partialie chie, sidi puo nu la lehiechie; sita.
 26 Sükisü ruopfü süu ruorüdi puo pechüpenyüphi shüdi

- parta: di nuosüyâ bu kesiamia mhie pfüzhüta; sitse
 27 themia kekratsa sie, Puo siate, sita. Derei Jisu puodzie
 28 merhashüdi puo phoushü; sidi puo sierlie. Süsia Jisu
 kinu vârlietse puoa pethakeliekâ pekhre puo ki, Hiekâ
 29 kidi puo' whuolie kenjü taga? sidi puo ketsâta. Sitse
 puo ukâ üse, Ha hiechüha kechaü zâkemosia mhake-
 kreipuo larei parlieya mo; sita.

JISUA PUOTHUO PUO MEZHIE, PUOSE MU PUO RHEILASIE
 KETUO DZE PUKESHÛ VAKENIAU

- 30 Süsia ukâ sünunu pradi tuose Galil kijü pfütthe vâta;
 31 mu puo miapuorei bu süu sinyü tuomo. Mhakekreila
 monyü puoa pethakeliekâ pethadi ukâ ki, Miabu Themia-
 nuo-u tepie miakekreimia dzienu shüwatuo; sidi ukâ
 bu puo dukhrütuo; mu mia puo dukhrikewa zha se siaki
 32 puo rheila sielie tuo; sizhü kechüla. Sirei ukâ puo kepudie
 süu letuo mo, mu puo ki rei ketsâ michie tuota.

THENOUKEMENE MU KEKHRIE DZE KEPETHA DIE

- 33 Sidi ukâ Kafarnaum nu vârdi puoa kinu lelietse puo
 ukâ ki, Niekâ chalanu kedipuo keputuo ga? isidi ukâ
 34 ketsâta. Derei ukâ kemekriezeita; mhakekreilamonyü
 ukâ chalanu ketuoki supuonie kezathâ chütuo shi
 35 kechü dze keprüli ketuola. Süsia puo kebaliedi kereke-
 niakâ kieliedi sie ukâ üse, Themia kehupuorei rianyü rä,
 puo petekâ ki kenno chülie, mu petekâ theke chülie zâtuo.
 36 Sükisü puo nhichunuomiayâpuo pievâ ukâ dânu pebalie:
 37 süsia puo chüpieliedi sie ukâ üse, Themia kehupuorei
 aza nunu nhichunuo hiechükâ zekelieu puo a zeliya;
 mu themia kehupuorei a zekelieu azâ monyü a Ketseke-
 shüu rei zeliya. Sita.
 38 Johan sie puo üse, Kepethau, hie miapuo n za se
 terhuo kesuokâ whuotuodi ngu, ru puo hie siamedzilie
 39 kemola puo bu chühie nuwate; sita. Derei Jisu sie,
 Puo khahie chie: Mhakekreilamonyü miapuorei a za
 nunu mha kezba chütuodi a tha mha kelie jü zâ kechüla.
 40 Mu ungumvü kemomia u kitsa zâ. Mhakekreilamonyü
 41 themia kehupuorei niekâ üse Khrista vie üdi dzü hieyâ-

- pno reipie niekâ dielirâ, a niekâ ki putou shütuo.
 42 mhakipuorei puo zhakhra pejúkewa die jü. Sizâmonyü themia kehupuorei a pelekezha kechü hakâ miapuo peja keshüu mhakegetsie kezhapfü pie puovâ gei khepfüdi te dzükezhanu leketau puo dze vikuotuo kechüla.
 43 Sirâ n dzie n chüpesuoshü lirâ da kelhouwalie : n dzie dziekenia pfüdi mhetayakemo Gehena miu nu kele ki
 45 lalhidi kerhei nu kelewe n dze vi tuo. Sizâmonyü n phi n chüpesuo shüya lirâ sürei da kelhouwalie : n phi phike-
 47 nia pfüdi Gehena nu kele ki lalhidi kerhei nu kelewe n dze vituo. Tsiu n mhi n chüpesuo shülirâ kerürlawalie-
 48 chie : N mhi mhikenia pfüdi Gehena nu kele ki mhipuo
 49 pfüdi Jihova kedinu kelewe n dze vi. Gehena nu ukâ
 50 khu siataya mo mu mi rei mhetaya mo. Themia kehupuorei mipie metsia chüdi pechü phre zätuo. Metsia vi zâ : derei metsia zârei puo kelhe jüta lirâ, niekâ kedipuo pie süu chü pelhelieta ? Niekâ metsia pie niethuo nie nu petuoliechie : sidi huoniehwo ze kezeviliechie. Sita.

UNUPFÜNUO VAKAWA LESHÜ KHAPIE KETSÜ DZE FARISIKÄ
 VÂRDI MHAKETSÄ KECHÜ, MU JISU MHA PULA KECHÜ

- 10 Süsia Jisu sünunu siedi tuose Judia merhieâ mu Jordan rükhie lutsatie vâta : sirâ themia krâkâ keze tuose puo ki lavârlie ; mu puo puozhâ kisüchü sükâ pethalashü.
 2 Sükisü Farisikâ puo ki vârdi sie, Thêpfumia unupfünuo vakewa thezhâ ma ? isidi puo kedâ di puo ketsâ ta.
 3 Sitse puo ukâ ki, Mosa thiadzü niekâ ki kedipuo pushü
 4 ga ? sita. Mu ukâ sie. Mosawe vakewa leshüpuo thushü
 5 tsüdi süpfü vawanu kechü pushülie ; sita. Derei Jisu ukâ
 6 ki, Niekâ nou kere la puo thiadzü die süu thukeshü zâ.
 7 Sirei pelhoukeshü sietsenu zâwe Jihovaa thepfumiapuo
 8 mu thenumiapuo chü keshü zâ. Süla thepfumia upuo
 9 uzuonuo khawadi unupfünuo penoutatuo, mü unia keninia chüpuo chütatuo ; sidi unia kenia monyü puo
 10 tazätuo. Süla Jihovaa chükesa keshüu themia bu
 11 thurhuowa hiechie. Sita. Süsia vâ kinunu pethakeliekâ
 12 Jisu ki süu dze ketsâla. Sitse puo ukâ üse, Themia kehupuorei puo kimia khawadi kekrei liê râ, süpfü
 12 mhâdzü nunu pieü chüta zâ : mu thenumia rei puothuo

puo nupfunuo khawadi kekreamia ki nyi rà, thenusüpfü rei pieü chüta zâ, Sita.

JISUA NHICHUNUOKÂ ZELIEDI JASHÜ UKÂ KETSÜ

- 13 Süsia mia Jisu bu nhichunuomia bieshü nudi nhichu-
nuomia krâpuo ze puo ki vâr: derei pethakeliekâ sükâ
14 ruota. Sirei Jisu sü ngushüdi puo neimodi sie ukâ üse,
Nhichunuokâ bu a ki vârlicchie; ukâ khahiechie:
mhakekreila, monyü Jihova kedi hiechükâ vie zâ
15 kechüla. A niekâ ki putou shütuo, Themia kehupuorei
nhichunuomiayâpuo tuoi Jihova kedi lielie kemosia puo
16 sünu lekeliedie jüzâ kechüla. Sidi puo sükâ toupie-
liedi puodzienia pie sükâ biedi japie sükâ tsü.

MHAKENYIMIAPUO KECHACHIE KERHEI DZE KETSÄ, MU JISU
MHAPULA KESHÜ: MU SÜU DZEPHIE MIA PETHA KESHÜ

- 17 Süsia puo tuo chanu vâzhütse miapuo ta puo ki vârdi
tsu puo mhâdzünü khoutoupfü baliedi sie, Harie kepe-
tha keviu, A kechachie kerhei ngulie ketuola kedipuo
18 chülie morâsuo ga? isidi puo ketsâta. Sitse Jisu sie
puo ki. Nâ kiüdi aü keviu üya ga? kevi-a puo rürbei
19 sia jü, süu Jihova zâ. "Nâ mia dukhri suo, Pieü chü
suo, Mha rügu suo, Ketijü zhapu chü suo, Mia sekeda
chü suo, N puo n zuo rhulie chie" isikechü diekhakeshü
20 hakâ nâ rei sibatuo; sita. Sitse puo sie puo üse,
Kepethau, a a nhichu nunu mbahakâ pete ze siertewe;
21 sita. Süki Jisu puo mehâdi puo khriedi sie puo ki, Nâ
mhapuo tsâ mo baluo: vâdi n vie ketuokâ zepie mhake-
jûkâ tsüwalie chie, silielirâ teigei n kinyi nyilietuo: sidi
22 vâr a siamedzilie chie; sita. Sirei themia süu die süu la
puozie pesupie thata, sidi puo nousuo sieidi tuota:
mhakekreilamonnyü puo manyiphi kechümiapuo zâ
kechüla.
- 23 Süsia Jisu rürei lutsa hatsa mehâdi sie puoa pethake-
liekâ ki, Mhakenyimia Jihova kedinu le rezatielie? sita.
24 Sitse pethakeliekâ puo die sükâ la ukâ ngâta. Derei
Jisu lasie ukâ üse, Harie nhichukâ, themia uthuo
25 ukinyi pelekezhakâ Jihova kedinu lerezâdie! Kenyimia-
puo Jihova kidiny kele ki utpuo thepre kinu kepawe

- 26 rûkuotuo; sita. Sitse ukâ ukâ ngâphidi sie puo ki.
 27 Di sirâ supuonie kelakelie ngulie wita? sita. Sitse Jisu
 ukâ mehâdi sie, Themia zâwe süu chülie kelhâpuo zâ,
 28 derei Jihova zâwe si mba: mhakekreilamonyü Jihova
 zâwe mhakehupuorei chülie vizâ kechûla; sita. Sitse
 29 Pitor sie puo ki, Harie, hiewe petekâ khawadi n siame-
 dzi tuote; sisieta. Mu Jisu sie, A niekâ ki putou
 shütuo, Miapuorei a la mu dieliekeviu la uki morei
 30 usiadzüriamia morei uüpfünüo morei pzuonuo morei
 upuonuo morei unuonuo morei ukijü 'khawadi, tsiedâ
 kelhouki miabu upechüpenyü, kechü zâkemosia ukikâ
 mu usiazedzüriakâ mu uüpfünüokâ mu uzuonuokâ
 mu unuonuokâ mu ukijükâ de kriapuo ngulie kelhâ
 puorei bamo zâ; sizâmonyü tsiesiaunu kechachie kerhei
 31 ngu salie zâtuo. Derei keriakâ kekra nuotatuo, mu
 kenuokâ riatatuo. Sita.

JISUA PUOTHUO PUO MEZHIE PUQSE MU PUO RHEILASIE
 KETUO DZE PEDZÜ PUKESHÜ VA SEU

- 32 Süsia ukâ Jirusalem nu khâ tuoüdi tuoshüzhü; süki
 Jisu ukâ mhâdzü tuo: sitse ukâ ungâ tuota; mu ukâ sia
 medzi ketuokâ michie tuota. Sükisü puo kerekeniakâ
 33 zelahedi puo geinu mha chûketuokâ dze pupie ukâ kiadi
 sie, Harie, ukâ Jirusalem nu khâ tuoü zhie; mu mia
 Themianuo-u tepie phicbükezhakâ mu leshükesithakâ ki
 shüwatuo; mu ukâ puo pejâdi puo dukhriwanu tatuo.
 34 sidi puo khapie Judakemomia dzienu shüwatuo; di sükâ
 puoti kethekretuo, mu puo mharei metsietuo, mu puo
 vütuo, sidi puo dukhri rei watuo; sidi zha se sianu puo
 rheilasielie tuo; sita.

JAKOB MU JOHAN UNIA MHAPUO KECHA MU JISU MHAPU
 LAKESHÜ

- 35 Süsia Zebedi nuo Jakob mu Johan unia puo kiki
 vârdi sie puo ki, Kepethau, hienia n ki mha cha tuoü
 ketuo-u hienia n bu süu chüshü hienia tsünyüyalie; si.
 36 Sitse puo sie unia üse, Nnia abu kedipuo chüshü nnia
 37 tsünyü tuq ga? sita. Sitse unia sie puo ki, Nâ zayie
 chûketuoki hienia miapuo bu n zatsa mu miapuo bu n
 38 vitsa bakelie kha hienia tsüyi; sita. Derei Jisu sie unia

- ki, Nnia cha ketuo-u sidi chatuo mo. Nnia a kria tuoü keba hieu kyälie vi ma ? mü a baptaiz chülie ketuo
- 39 . baptism-u pie baptaiz chülie vi ma ? sita. Sitse unia puo ki, Hienia chülie vi zâ ; sita. Tsiu Jisu sie unia ki, Nnia akria tuoü keba hieu kralie tuo mu a baptaiz chülie
- 40 ketuo baptism-u pie baptaiz chülie zâtuo ; derei a zatsa mu a vitsa balie ketuowe athuo khashü kelie jü ; sirei khapie mia tsü tuoüdi kesepie ketuomia tsüza tuo ;
- 41 sita. Süsia mia ker kâ sü silietse sie Jakob mu Johan
- 42 unia gei ukâ neimota. Sükisü Jisu ukâ kiepie puo ki shüliedi ukâ üse, Mia kekreamia mia u kekhaya ükezha-
- 43 kâ bu ukâ mhâ diya, mu ukâ kezhakâ bu ukâ mhâ niepu chüya kechü niekâ siba tuo. Derei niekâ dânuwe silielhâ : sirei themia kehupuorei niekâ dânu zha kenyüu
- 44 bu niekâ theke chütuo ; mu themia kehupuorei niekâ dânu ria kenyüu bu nickâ petekâ liechütuo. Mhakekreila-
- 45 monyü Themianuo-u rä miabu puo theketuoü monyü mia theketuoü mu puophou khashüdi themia kekra rhalie tuoüdi vâr zâ kechüla. Sita.

JERIKO RÜNA NU BARTIMIA ÜKECHÜ MHICHITEMIA PUO
CHÜPEVI KESHÜ

- 46 Süsia ukâ Jeriko nu vârlië : di puo Jeriko nunu puoa pethakeliëkâ mu themia krâdipuo ze tuopra kezhüki
- 47 Timia nuo Bartimia ükechü mhichie khruo kechümiapuo chakhieki ba. Sükisü themia süu puoü Nazaret Jisu ükechü silietse puo shiekhoudi sie, David nuo Jisu, ná angumezhie shüchie ! isibata. Sitse themia kekra puobu kemekrie bata nudi puo kechüta : derei puo shiekhoui kechüphi ladí. David nuo, ná angumezhie shüchie ! isi
- 49 bata. Sükisü Jisu thaliëdi sie, Nickâ puo kiesbüchie : sita. Sitse ukâ mhichie süu kiedi sie puo ki. N melousuo rödi sieliechie ! Puo n kiezhie ho ! sishü. Ru puo puopfe puoneí kha kege wadi prousiedi tuose Jisu ki
- 51 vâta. Sükisü Jisu lasie puo ki, Ná abu n gei kedipuo chükeshü n neituo ga ? sita. Sitse mhichieu sie puo ki,
- 52 Raboni, abu mhangulieyi ! sita. Sükisü Jisu sie puo ki, Tuo vátalie chie ; n kepele thuo n chüpeyi shüwate ho ! sishü. Sitsemetha puo mhanguliedi chazé puo siamedzi tuota.

JISU MECHÛ MHINGU CHÛDI JIRUSALEM RÛNANU KELE

- 11 Sirâ ukâ tuose Jirusalem penko Oliv kijûthou khie
 Betfage mu Bethani nu vârlietse puoa puosiadzikâ mia
 2 kenia ketsedi sie unia üse, Nnia tuosele rûna nnia
 mhâdzûnu kebau nu vâchie: mu nnia sünü lelietseme-
 tha thiadzû miapuorei puo gei siekemo gadanuoyâ-
 puo khepie thadi ngulie tuo ho; nnia süyâ phreiliedi ze
 3 vârliechie. Mu mia huotnianie nnia ki. Nnia kidi
 chiya ga? isi lirâ, nnia rei, Niepuu hau se mhapuo
 chütieya lie, isichie; sitsemetha puo süyâ kha la hanu
 4 shütuo ho. Sita. Süsia unia vâ ru chapfû nu kikha
 sia hazounu gada nuoyâpuo khepie thadi ngulie; di unia
 5 puovâkhe lhoulie. Sitse süki kethakâ huomia sie unia
 üse, Nnia kedipuo chûdi gadanuoyâ phreitha ga? sita.
 6 Mu unia rei Jisu unia ki pukeshû mhiei pie sükâ ki
 7 pushû: sitse sükâ unia khamo ta. Süsia unia gadanuoyâ
 ze Jisu ki vârlie, di puo gei ukâpfe pie khrashû;
 8 sitse Jisu sie sügei balie. Sizâmonyû themia kekra upfe
 uncikâ pie chanu khrashû; mu kekreimiawe lienunu
 9 biekelie seinyûkâ pie khrashû. Sidi riaketuokâ mu
 nuoketuokâ shiekhouidi, Hosana; Niepuu zase vârlie
 10 kezûu kevithâu zâ! Kedi chûketuo-u, upuo David
 kedichû diketuo-u, kevithâ u zâ: teigei theja bu puogei
 vârkeliu chûliechie! isi tuota.
 11 Sidi puo Jirusalem nu kerûsuokinu lèlie; di reivâ
 lutsa hatsa mhapetekâ mehâshûwatse thevatiata; süsia
 puo kerekeniakâ ze Bethani nu vâta.

JISU CHIEDEBÂ PUOSI KEJÛU RÛSEKEWÂ MU KERÛSUOKI
 CHÛKEMESALA KESHÛ VAKENIAU

- 12 Sirâ süsianhia ukâ Bethani nunu par kezûki puova
 13 merûrta. Sükisû puo ratsa nu chiedebâpuo puonyû theba
 ngushûdi puo sügeinu mhahuo ngulietuo nhia idi vâ.
 ru puo süki kevâki puonyû sia mhapuorei ngulie mota;
 mhakekreilamonyû sükisû chielesi kevû teiki kemola.
 14 Sidi puo lasie süu üse, Hasia kechachie miapuorei bu n
 geinu n si chûhie chie; siwata. Süki puoa pethakeliekâ
 die süu si.
 15 Süsia ukâ Jirusalem nu vârlie: sidi puo kerûsuokinu ledi
 kerûsuokinu mhakhrû mhaze kebâkâ whuota, mu shûkei,

- raka kelikâ mizhükâ mu paruonuo kezekâ bakâ phou
 16 pelawa; sidi puo miapuorei bu mhaboupuo reipie kerü-
 17 suokinu tuovâ mvûta. Sizâmonyü puo ukâ pethadi sie,
 "A ki üse themia neiükâ petekâ bu kechaki chütuo,"
 isikechü thupie zhü mo ma? Derei niekâ hau pie
 18 kerügukâ ki chüwate ha! sita. Sitse phichükezhakâ
 mu leshükesithâkâ die süu siliedi sie puo dukhrikewa
 hrûta: mhakekreilamonyü themia krâu pete puodie
 sidi ungâphreta kechûla ukâ puo rûli lepie michie
 ketala.
 19 Sükisü puo teizei metsei rûna sünusünu tuotataya.
 20 Di khise ukâ süu chaze vâr kezhüki chiedebâ süu siatsu
 21 puomie tsâkeba ngulie. Sükisü Pitor puo sialeliedi sie
 puo ki; Rabi, harie, nâ chiedebâ rûsekewau siate;
 22 isisie. Sitse Jisu lasie ukâ ki, Niekâ Jihova kitsa nie
 23 kepele nyiliechie. A niekâ ki putou shütuo, Themia
 kehupuorei kijûthou hau ki, "Nâ rûlouse dzükezhanu
 letachie" isidi puonou keloupe chie mozâdi puo puke-
 shüu chülie zâtuo ikechü pele lirâ, süu silie zâtuo.
 24 Süla a niekâ ki pushütuo, Niekâ nie mezhie melâdi
 mhakehupuorei chashü râ, sükâ ngulieta ükechü pelezâ-
 25 lie chie; silirâ sükâ ngulie zâtuo. Sirâ niekâ kehuki-
 puorei cha tuoüdi sietha kelieki niekâ themia huomia
 gei mhahuo ba lirâ, vashü tsüwalie chie; silirâ teigei
 keba niekâ Puo rei niekâ kejakâ vashü niekâ tsüzâ tuo.
 Sita.

PHICHÜKEZHAKÂ MU LESHÜKESITHÂKÂ MU PEHÜKÂ JISU
 KEKUO DZE KETSÂKECHÛ. JOHAN MIA BAPTAIZ KECHÛ
 DZE JISUA MIA KETSÂ KECHÛ

- 27 Sidi ukâ Jirusalem nu lavâr, di puo tuo kerüsuokinu
 rûhou ketuoki phichükezhakâ mu leshükesithâkâ mu
 28 pehükâ tuo puo ki vâr; di ukâ puo ki, Nâ kedipuo
 kekuo üse mhahakâ chütuoya ga? morei supuonie n bu
 mhahakâ chülie ketuo kekuo ha kha n tsü ga? sita.
 29 Sitse Jisu sie ukâ ki, A niekâ ki mhapuo ketsâtuo, mu
 niekâ süupie a ki pushü lirâ, a rei kedipuo kekuo se
 mhahakâ chütuoya shi kechü pie niekâ ki pushütuo.
 30 Johan mia baptaiz kechü teigei nu mo themia geinu vâr
 31 zâ ga? süuse a ki pushüchie; sita. Sükisü ukâ kerü

chüdi sie, Teigei nu vâr zâ ikechü ukâ pu sie lirâ, puo ukâ ki, "Di sirâ niekâ kidi puo pelemo ta ga?" isita-tiea. Modi, Themia kinu vâr zâ, ikechü ukâ pushü tuoü rei—themia pete Johan üse siadzekesipuo touü tuoketala, ukâ themia preita. Sidi ukâ Jasie Jisu ki, Hie simowe, sita. Sitse Jisu sie ukâ üsé. A rei kekuo kikechüpuo sedi mhahakâ chütuoya shi kechü pie niekâ ki pulielhâ, sita.

KHUOBELIE PIE KEDIEVII KESHĖ

- 12 Sūsia puo dievii pie ukâ ki pusieta. Miapuo khuobe lietsapuo chielie, sidi chakha pie sūu houlie, di khuobedzū kethe thekrepuo thielie, sirâ rūkhoubapuo chūlie, di khapie liechiemia krāpuo pelewadi tuo rūna
- 2 kekreibuonu vata. Sūsia puo teitouki liechie sūkâ kinu khuobelie sūu nu puo sūkâ ngukelie Jēdi puo okituo-
- 3 mia puo ketsepīe liechie sūkâ kishū. Sirei ukâ puo teshūliedi puo vū, di mhapuorei kha puo tsūmodi puobu
- 4 tuota. Sūsia puo puo kituo kekreibuo, ketsepīe sūkâ ki lashū; ru ukâ puotsū vū kerūza shūdi puoū kezhasewata. Sūsia puo kekreibuonia puo ketseshū, ru ukâ sūu dukhriwa: mu sūsia kekreibuonia kekra rei sa ru huomia
- 5 vū mu huomia dukhriwata. Sūsia puo miapuo baluo, sūu puonuo puo khrieu: puo sie, "Ukâ a nuo-urhulie tuo" idi sūu ketsepīe ukâ ki shūkenuo+hā
- 7 chū. Derei liechie sūkâ ukâ thuo kepudi sie, "Hauha kayieu zâ: khe, ukâ puo dukhriwa tiea! sitse puo ka
- 8 ukâ vie chūlietuo!" Sidi ukâ puo teshūliedi puo dukhri-
- 9 wa, di puo khapie khuobelie chasia shūwata. Silirā khuobelie sūu Niepuu kedipuo chūtuou sieta? puo vārdi liechie sūkâ dukhriwatuo, sidi khuobelieu khapie
- 10 mia kekreibuonia tsūwatuo.
- 11 Ki kechūkâ ketsie khakewau
Sūu puoke nu puomvūu chūte.
- 12 Mha sūu Niepuu geinu tuo,
Mu umhikiwe ungāpuo zâ,
isikechū kethāleshū die hau niekâ phrūmo zâ ma? sita.
- 12 Sūkisū puo ukâ pehwedi dievii hau pu ūkechū sikeliela ukâ puo tekēlie lesie derei themia krāu preitadī ukâ puo khawadi tuo vakhrāta.

KAISAR KHRUO KEKHRUO DZE FARISIKÂ MU HERODIAKÂ
VÂR MHAKETSÂ KECHÛ : MU JISU MHAPU LAKESHÛ

- 13 Sûsia ukâ puodie nunu puo tekellie ledi Farisikâ mu
14 Herodiakâ huomia ketsepie puo ki shû. Mu sükâ vârtse
ukâ sie puo ki, Kepethau, nâa kethâu zâ, mu miapuorei
preiya mo kechû hie siba zâ; mhakekreilamonyû nâ
miapuo gei rei n nei mia sikrei mo, sirei kethâtou chûdi
Jihova chau dze pupie mia kia kezha la. Kaisar khruo
15 khruo kechû thezhâ momo ga? Hie bu khruo tâ momo
tuoga? sita. Sirei puo ukâ thera siliedi sie ukâ üse,
Niekâ kedipuo chûdi a kedâya ga? a bu mehâketuo la
16 doulei puo se a ki vârchie; sita. Sitse ukâ süu sevâr.
Mu puo sie ukâ üse, Hau supuo miarhi mu supuo za
ga? sita. Sitse ukâ sie puo ki, Kaisar zâ, sita. Tsiu
17 Jisu sie ukâ üse, Kaisar viekâ pie Kaisar tsüwalie, mu
Jihova viekâ pie Jihova tsüwalie! sita. Sükisü ukâ puo
la ukâ ngâ phita.

RHEILAKESIE DZE SADUKIKÂ VÂR MHA KETSÂKECHÛ : MU
JISU MHAPULA KESHÛ

- 18 Sûsia miapuorei rheilasie lielhâ ükechû putuoya kezha
19 Sadukikâ puo ki vârdi sie. Kepethau, Mosa leshû
thupie u ki shûkechû, keze siazedzûria kechû miapuo
puonuonuo jüdi siata, di puo kimia vapie puo siatsatie
shûwa lirâ, puo siazeu bu puo kimia süpfü liedî puo
20 dzûriau seyie pelhou nu si. Sirâ thiadzû mia thenia
keze siazedzûria chû: mu theriau thenuliedi puoyie
21 puorei jüdi siata. Sidi keniau süpfü lie ru süurei puo-
nuounuo puorei jüdi siata: sûsia useu rei sükemhie chû.
22 Sûsütuoî theniakâ pete unuonuo jüdi siata. Sükâ
23 petekâ sia thenupfü rei siata. Sirâ rheilakesieki süpfüsü
ukâ supuo kimia chütuo ga? theniakâ puo lie phre zeru;
24 isidi puo ketsâta. Sitse Jisu sie ukâ üse, Niekâ kothâle-
shû mu Jihova kekue-u sikemo, hauhala niekâ kekrütuoia
25 zâ mo ma? Themia kesiakâ dânnu rheilakesieki ukâ
thenulie reiya mo mu nyhü reiya mo, sidi teigei dielikâ
26 mhiei baya. Sirei kesiakâ dze, sükâ rheila sielieya
kechû dze, thiadzû Jihova seinyhâ nunu Mosa ki. A
Abraham Jihova mu Isak Jihova mu Jakob Jihova zâ,

- isikechü, niekâ Mosa leshüda nu süu phrûmo zâ ma ?
 27 Puo kesiamiakâ Jihova monyü rheituoketakâ Jihova zâ.
 Niekâ kekrü phi tuoya ! sita

DIEKHAKESHÜ KEZHATHÂU DZE LESHÜKESITHÂKÂ MIAPUO
 VÂRDI KETSÂKECHÜ : MU JISU MHAPULA KESHÜ

- 28 Sükisü leshükesithâkâ miapuo vârdi ykâ keprülü,
 ketha silie, mu puo mhaputou lakeshü die rei siliedi sie,
 Die khakeshü petekâ dânu kiu die keriku ga ? isidi puo
 29 ketsâ. Sitse Jisu lasie, " Harie Israel, rünyüliechie : Nie-
 30 puua u Jihova zâ, Niepuu puo rürbei zâ : mu nâ n melou
 pete se mu n kerheirâ pete se mu n nou pete se mu n
 kokuo pete se n Niepuu Jihova khrie mu rhuliechie !
 isikechüu die keriau zâ.
 31 Keniauwe, Nâ n siazanuomia khriëpie n thuo n
 kekhrie mhielie chie ! isikechüu zâ. Diekhakeshü kekrei
 32 puorei hania ki kezha jü ; sita. Sitse leshükesithâu
 sie puo üse, Kethâtou zâ, Këpethau ! Süu puozâ mu
 Puo sia kekrei jü zâ ükechü nâ pütou shüwata zâ.
 33 Sirâ umelou pete mu ukesekele pete mu ukekuo pete se
 puo khrie puo rhu tuoükechü mu usiazanuomia khriëpie
 34 kechü mu uruosuo petekâ ki vikuo zâ ; sita. Sitse puo
 mhale menuodi pulakeshü siliedi Jisu sie puo üse, Nâ
 Jihova kedi ze kepechie tuomo zâ ! sita. Süsia miapuo-
 rei puo ki mhapuorei ketsâ nreita.

DAVID NUO-U DZE JISU MHAKETSÂ KECHÜ

- 35 Süsia Jisu kerüsuoki nunu mia petha kethaki puo
 lasie, Kidi leshükesithâkâ Khristau üse, David nuo-u üya
 36 ga ? David puothuo thiadzü Kemesa Ruopfü nunu
 sie,
 Niepuu a Niepuu ki,
 A n ngumvükâ khapie n phizhâ chüwa kemochie,
 Nâ a zatsa bachie !
 37 isizâ. David thuo zârei süu üse Niepuu üya râ, Süu
 kikidi puo, nuo tuo ga ? sita. Sirâ miaümiakâ uneisie
 idi puo die rünyülie.

JISUA LESHÜKESITHÂKÂ KEJÂ PUSHÜ KECHÜ : MU THENU
SAMI MHAKËJÛ PFÛPUO MHAKHA KESHÛ

- 38 • Sirâ puo mia petha kethaki sie, Upfe unei rütsuse se
39 idi ketuq mu lhithâchükâ nu miabu ukelu kechü, mu
kehokikânu theba kerükriekâ mu thehekehiekiâ nu
kezhambia bakâ uneiya kezha leshükesithâkâ gei niekâ
40 nie kireiliechie. Sükâ samipfükâ kikâ khachütuoya mu
puo mowi chüdi chapechiatuoya kezhazâ; sükâ mia ki
usiazha kege ngutuo! sita.
- 41 Süsia puo mia mha khashüya kezha bou mhâdzütou
nu balie, di themiakâ shükei raka pie mhakengu kezha
bou nu keshü mehâtha: sükisü mhakenyimia kekra mha
42 khaphi shütha. Süsia thenusami mhakejü pfüpuo
vârdi dapra kenia, puocha, priesapuo mese kelhoushü.
43 Sitse puo puo siadzikâ kie puo ki shüliedi sie ukâ ki,
A niekâ ki puotou shütuo, Mia mha khapie mhakengu
kezha bou nu shükethakâ petekâ ki rei thenu sami
44 mhakejü hapfüwe mha khashü kekra chüzâ. Mhake-
kreilamonyü miawe miaketsu kelikâ khashütha huzâ;
derei hapfüwe puo kejü dânu rei puocha puova kenyi
kejü pete khashüwa ketala; sita.

JIRUSALEM RÛNA KATAKETUO, MU JISU LAVÂRKETUO DZE
PEDZÛ PUKESHÛ: MU MIABU PFEÛLA BALIENU KESHÛ

- 13 Süsia puo kerüsuokinunu tuoprata kezhüki puoa
pethakeliekâ miapuo sie puo ki, Kepethau, harie, ketsie
hakâ ketsie kikechü krâpuo shi! mu puo kithâ rei kedi-
2 puo kemhie chüdi chü shi! sita. Sitse Jisu sie puo ki,
Nâ puo kithâ kezha hakâ ngutha nyü? Ketsie hakâ
biekhrüwa modi ketsiepuo burei puo mhâ sepfüdi haki
zhülielhâ; sita.
- 3 Süsia puo Oliv kijüthou gei kerüsuoki mhâdzü-
tsatie, bakelieki Pitor mu Jakob mu Johan mu
4 Andria ukâ pekhredi puo ki, Hakâha kedikechü kipuo
chütuoshi mu nâ mahakâ pete chüta ketuoki kedipuo
pie zasi chüshü tuo ga? Se hiekâ ki pushüchie! sidi
5 puo ketsâta. Sükisü Jisu ukâ ki pu tuoüdi sie,
Miapuorei bu niekâ sezetamo ketuola niekâ kirei terlie.
6 Themia kekra, "A süu zâ" isidi aza se vârtuo; sidi
7 themia kekra sezetatuo. Derei niekâ terhrükegiekechü

mu terhrûkegei keba diekâ sikelieki niekâ nou kehouke
 ruo chûta hiechie: *sûkâsû* chûmotalielhâ: derei sükirei
 8 thela tsâmo zâluo. Themia krâpuo krâkekrepuo ngu-
 mvû sietuo mu kedi puo kedi kekrei ngumvû sietuo: luki
 haki kiükishû tuo; mu pekrie rei tuo; mha sükâsû
 kemezhie ketuo bâdekâ zâ.

- 9 Sirei niekâ niethuo zârei nie kireiliehie: mhakekreila-
 monyû mia niekâ tepie mechû kehoukânû shüzâ tuo,
 mu *Judamia* kehoukikâ nunu niekâ yûzâtuo; sirâ ke
 zhakâ mu kedikâ burei silie ketuola a la niekâ sükâ mhâ-
 10 dzünu rei vâ morâsuo. Tsiu *thela tsâketa mhâdzü*
 dieliekeviu pu pie themia neiükâ petekâ kiashû riamo
 11 râsuo. Sirâ niekâ merhashû zevâdi khapie mia dzienu
 shûwa ketuoki niekâ pedzü diepu ketuokâ lepie niekâ
 nou kemezhie chûhiechie: derei bavüdâ süunu niekâ bu
 die punu keshükâ pie puzâliechie; dje sükâ nie die
 12 monyû Kemesa Ruopfû die zâ tuo kéchûla. Sükisû puo
 dzüriau thuo puo siazeu teshû tuo, mu puopuo thuo puo
 nuo teshû miabu dukhrituo; sirâ unuonuo thuo ukrünuo
 13 ngumvû siedi miabu sükâ dukhrituo. Mu aza lanu
 themia pete bu niekâ mechû tuo: sirei shügeshühie
 zâtha thela tsâkelieu, süuwe kelakelie ngulietuo.
 14 Sirei niekâ mha vaperhuse zâketuo kemechû chüzâ
 kechüu thazhû kemonu ketha kenguki (kephrümia bu
 süu lelie), sükî Judia nu kebamia bu ta kijûthoukâ gei
 15 vâtalie: mu ki mhâ gei kebamia bu kijû kebie, morei
 16 puo ki nunu mhapuorei chûlie tuoü le rei hie: mu lienu
 17 ketuomia bu puopfe chûlie tuoüdi lavâ hie. Sirei süme-
 sekisû nuonipfûketuokâ mu unuonuo nuya kezhakâwe
 18 kemezhiephi tuo! Mu süüsü teiseikinû mo ketuola
 19 niekâ chaba zâliechie. Mhakekreilamonyû sükisû keme-
 zhipie Jihovaa mhapelhou keshû theria nu nu vâr tsie
 ketsâ süthede chükemo, mu thesia mhakipuorei silie
 20 kelhâ chûvârzâ ketuola. Sirâ Niepuu puothuo teisâzha
 sükâ chû petsashû kemisia miapuorei ta therhielielhâ;
 sirei puo puothuo kedakelie themiakâ la teisâzha sükâ
 21 chûpetsa shûwate. Sükisû themia kehupuorei niekâ
 ki, "Harie, Khristau kaki ba!" morei, "Lerei, luki
 22 ba" isirei pelehie zâchie. Mhakekreilamonyû Khrista
 ketijükâ mü siadzekesi ketijükâ sierdi zasikâ mu mha ungâ-
 zâ kechükâ chûshû mia pekiadi, chûliekevi siewe kedake

- 23 liekâ rei sezeta zâtuo kechûla. Derei niekâ niekâ kirei-
balie : harie, a pedzû mhapetekâ pie niekâ ki pushûwate ho!
- 24 Sirei teisâzha šukâ nu kemezhie kechû sūu sia niaki
25 zeitatuo, mu khrû zieshû motatuo, sirâ teigei nu themvû-
kâ rūria. tatuo, mu teigei mha kekuokâ chûkediwatuo.
- 26 Mu sūkisû miabu Themianuo-u puo kekuo kezhasē se mu
27 zayie chûdi kimhou geinu vārkezhû ngulie tuo. Sirâ sū-
ki puo puodieliekâ ketseshûdi kijû kela nunu vâ teigei
kela ketsâ teikhria diakâ nunu puoa kedakeliekâ kiezevâr
kengulie tso.
- 28 Sirâ chidedebân geinu puo dievii siliechie : puochâ me-
dzû laliedi puo nyû thekeparki niekâ teiletia taûkechû
29 silieya. Sūsutuoī niekâ rei mha sūkâ chûvâr kezhû
kenguki puo penuo bate, kikha tiaki bate, ikechû silie-
30 chie. A niekâ ki putou shûtuo, Mha sūkâ pete chûwa
31 kemochie tsiedâ themia bakâ jûta lielhâ. Tei mu kijû
32 jûtatuo, derei a diekâwê jâta lielhâ zâ. Sirei sūu teisâ
mu bavūdâ sūu Apuo-u zâ kemosia miapuorei, teigeidie-
liekâ zârei morei Nuo sūu rei simo.
- 33 Niekâ niekâ kireilie, pfeûla bazâlie, mu chaba zâlie :
34 mhakekreilamonyû niekâ sūu tei kevâr si kemola. Sūsû
miapuo puo ki khawa mu kam uthetse khapie puo kituo-
kâ tsûshûdi pie puo kituokâ pelewadi kikha kepfeu burei
pfeûla balie nushûwadi tuo rūna kekreinu vâketa mhie
35 zâ. Sûla niekâ pfeûla baliechie : mhakekreilamonyû
kinu niepuu thevatia tâmo ? khisâteiluo tâmo ? thevû
kekhouki tâmo ? mo khise tuo shi ? puo kevâr tei sikemo
36 la. Puo mhazâ vârdi niekâ zezhûdi ngulie rei silie kelhâ-
37 la. Sirâ pfeûla baliechie idi a niekâ ki puketha, die sūu
a themia petekâ ki putha zâ. Sita.

PHICHÛKEZHAKÂ JISU TEKELIE HRÛKETA, TIER REKE-
THENGU PFÛPIE JISU GEI KESHÛ, ISKARIOT JUDAS
MIAZE KEVASIKELIE

- 14 Sirâ zha kenia sia kelakelie mu khreitû shûmodi nie-
khrûda kechû nyi nyitatuouâ bata : mu sūkisû phichûke-
zhakâ mu leshûkesithâkâ kemedadi Jisu tepie dukhrikewa
2 hrûbata. Derei ukâ sie, Themiakâ mhakebvûketa keprei
la thenyiki lielhâ ; isita.
- 3 Tsiu puo Bethani nu lepra kechûu Simon kinu ke b a k

- puo hiekebanu thenumiapfupuo tier rekevi puoma kere
 sepfü alabaster bou puo pie vâr, sirâ tier bou biephrâdi
 4 puothuo lapie Jisu tsü gei shü. Derei miakrâpuo unei-
 5 modi kepudi sie, Kedipuola tier pekapie hiwata ga? Tier
 ha zepie doulei kria se kezie rei khrüpie kejkükesuomia
 6 tsüshülie vi ze! sita. Sidi ukâ puo gei kenyata. Derei
 Jisu sie, Sihie! kedipuo chüdi niekâ puo kehvyua ga?
 7 Puo a gei mhakevipuo chüshüwata zâ. Sirâ kejkümia
 niekâ ze sei bayazâ, mu niekâ kehukipuofei sükâ gei
 mhakevi chünyü lirâ chülievi: sirei ~~fw~~ niekâ ze sei
 8 balielhâ. Puo chülie keviu chüwata zâ; puo pedzü a ke-
 9 khru nyie ledi tier pie amâ kenhewata zâ. Mu a niekâ
 ki putou shütuo, Kijü petenu dieliekeviu pie mia petha-
 kevâ khekâ nu thenu hapfü chükeshüu rei miabu puo
 rüli rükradi puzâtu. Sita.
- 10 Süsia Iskariot Judas ükechü kerekeniakâ miapuo Jisu
 11 tepie phichükezhakâ dzenu keshü ledi şükâ ki vâ. Ru
 ukâ puodie sikeliaki ukâ neidi raka pie puo tsütuoü kechü
 pushüwata. Sitse süu chüliekevi kipuonu puo khapie
 ukâ dzienu shükechü hrütuota.

JISUA APOSTELKÂ ZE KELAKELIE NYI NYIKECHÜ SIRÂ
 NIEPUU KERÜKRA CHA KESE KECHÜ

- 12 Sirâ khrei seshümodi niekhrüda kechünyie zha theria
 nhia ukâ kelakeliényi kuonuo kedukhri nhia puoa pethake-
 liekâ sie puo ki, Nâ hiekâ bu vâdi n bu kelakeliényi ku-
 nuo chüketuo kirapuonu kесе kechü n medâ ga? sita.
- 13 Sidi puoa pethakelie kenia ketseshü tuoüdi sie unia ki,
 Nnia rünanadiu nu vâchie, sitse nnia dzülipfupuo pieke-
 tuomia puo ze keselietuo ho: ru puo siamedzi zâliechie
- 14 sidi nnia puo kelevü n ledi kinu niepuu ki, Kepethaua,
 “Abu a siadzikâ ze kelakeliényi kuonuo-u chüketuo aba
 kesepie keba rüsâbou kirapuo ba ga? isiyalie sichie.
- 15 Sitse puo puothuo kilha pesâgei kесе tseipie mejü keba
 bou kezhapuo thashü nnia kiatuo ho: mu nnia sünusünu
 16 ukâ la mha keseliechie. Sita. Sitse pethakelie nia
 pradi tuose rünanadiu nu vâr, ru puo unia ki pukeshü
 kemhie badi ngulie: sidi unia kelakeliényi cha keselie.
- 17 Süsia tkeva tatse puo kerekeniakâ ze vâr. Di ukâ
 18 mhachü kebanu Jisu sie, A niekâ ki putou shütuo, Niekâ

- miapuo aze kekru kebamiapuo, a tepie mia dzienu
 19 shütuo! sita. Sitse ukâ unousuodi sie puo ki, A mama?
 20 ita. Mu puo sîe ukâ üse, Puo dzie se aze kemetha
 21 mekhounu keshû kerekeniakâ miapuo zâ. Mhakekreila-
 monyü Themianuo-u thiadzü puo dze thupie kezhü
 tuoi tuotatuouü žhüzâ kechûla: sirei Themianuo-u tepie
 mia dzienu keshûuwe che chülie tiea! themia süu penuo
 vârmô zâ kechûwe puo dze vizätuo muru! sita.
 22 Sirâ ukâ hiekebanu pîo niekhrüda chüpieliedi jashü,
 sidi chüpie ukâ tsüdi sie, Niekâ lieliechie: hauha amâu
 23 zâwe; sishü. Süsia puo tehien rei chüpielie, di Jihova
 tseshüdi khapie ukâ tsüshü: mu ukâ petekâ süu kria
 24 phre. Sirâ puo sie ukâ ki, Hauha themia kekra la kru
 25 kepar kedietsei diekhâkelie aziau zâ. A niekâ ki putou
 shütuo, A Jihova kedinu khuobedzü kesa kria kemochie
 a khuobesidzü krialâ salielhâte: sita.
 26 Sidi ukâ tsalipuo chüshüdi tuose Oliv kijüthou gei vâta.

PETHAKELIEKÂ CHÜRËTA KETUO, MU PITOR JISU DZE
 PUMVÛTA KETUO DZE JISUA PEDZÛ PUKESHÛ

- 27 Sizâmonyü Jisu ukâ ki, Niekâ petekâ a gei niekâ nou
 kekru phretatuo: mhakekreilamonyü. "A tekuo
 kepfêu vütuo, di tekuokâ bu ta chüretatuo;" isidi
 28 thupie kezhûla. Siüderei a rheilalie keta sia a niekâ
 29 mhâdzü tuose Galil nu vätuo, Sita. Sirei Pitor sie puo
 üse, Ukâ petekâ ukânou kekruä zâ shierei awe lielhâ;
 30 sita. Sükisü Jisu sie puo üse. A n ki putou shütuo, Nâ
 thia tsiezhüteilâ thevü khou kenia kechü mhâdzü a dze
 31 pumvüta se ituo! sita. Sirei puo puorhie chüsadi sie,
 A bu n ze siata zätuoü siezâ shierei, a ndze pumvüta
 lielhâ zâ! sita. Mu kekrekâ rei pete sükemhie pu-
 phreta.

JISU GETSEMANE ZIENUNU PUONOU. KEMEZHIEKECHÛ
 MU MIABU PUO TEKELIE

- 32 Süsia ukâ tuose Getsemane ükechü kijü puonu vâr;
 di puo puo siadzikâ ki, a vâ chaketaki niekâ haki bachie.
 33 sishü. Di puo Pitor mu Jakob mu Jôhan ze puo sa-
 phidi puothuovâ puonou kemezhiemie mhapuo chübata.

- 34 Sirâ puo sūkâ ki, A nou kemezhipie siata tuoü thate-
 35 mu: niekâ hanu badi pfebalie chie: sita. Süsia puo
 tsiezaphidi puoziepie tsu kifü zerê pfüliedi, chülievi lirâ
 bavüdâ süu bu tuo puo therhietalie nukechü chazhüta.
 36 Sükisü puo sie, Aba, Apuo, nâzâwe mhakehupuorei
 chülievi: nâ a kinu tehie hau chüwalie chie: sirei a
 37 medâ zâmonyü nthuo n medâ chüliechie! sita. Süsia
 puo phir, ru ukâ zekezhü nguliedi sie Pitor üse, Simon,
 nâ zete ma? nâ bavüdâpuo rei pfebalie hâte ma?
 38 Niekâ kedâ kechünu letamo ketuola pfeüla balie mu
 chabalie: uruopfütsatie zâwe chünyübei bazâ, derei
 39 uchütsatie zâwe thachü bazâ; sita. Sidi puo laphidi
 40 khinyhü diekâ kemhie pudi chashü. Süsia puo laphir,
 ru ukâ zekezhü ngulie, ukâ mhirhâlielhâ bazâ ketala;
 41 mu ukâ puo ki mhakepu tetuo simota. Süsia va seu
 va puo ukâ ki phirdi sie ukâ üse, Tsiewe zelie mu rülei-
 lie! Chüsia chizâte! Pnotei tsâte. Harie, Miabu
 Themianuo-u khapie kepñumakâ dzienu shüwate!
 42 Sielie; di ukâ tuoshüzhü khe: harie a tepie mia-
 dzienu shükewau vâr penuo thate! sita.
 43 Sirâ puo diepu kethanu Judas ükechü kerekeniakâ
 miapuo phichükezhakâ mu leshükesithâkâ mu pehükâ
 kinu zhiecha mu seide kepie themiakrâpuo ze mha vâr.
 44 Puo tepie mia dzienu shüwaketuo-u sümhâdzü sūkâ ki
 zasipuo chüshü tuoüdi sie, A puo mebâshü ketuo-u,
 süu puo zâ ho: niekâ puo merhashüliedi puoze menuo
 45 vâtalie chie, isipiezhü. Sirâ puo vârtse puo Jisu ki
 46 mha vârdi sie, Rabi, isishüdi puo mebâshü. Sitse ukâ
 47 vâr ukâ dziepie puo thezelie. Ru süki kethakâ miapuo
 puo zhiecha zouse par phichükezhau kituo-u dudi puo-
 48 nyie metakreiwa. Sükisü Jisu lasie ukâ üse, Niekâ
 kerügumia kete kemhie zhiecha mu seidepie a tetuoü
 49 vârzhüte le? A teisânha, niekâ ze kerüsuokinu badi mia
 petha baya zâ, süki niekâ a telie mote: sirei Kethâleshü
 50 diekâ bu tselie ketuola hahi kelie zâ; sita. Sitse petha-
 keliekâ taphreta.
 51 Sükisü khriesamiapuo linenpfe pfüpuo pie puomâ
 mâthuo whepfüdi puo siamedzi vâzhü: Sükisü mia puo
 52 merhashülieta; ru puo puolinenpfe khawadi methuo
 tata.

PHICHÜKEZHAKÂ MU MECHÜKEHO UU MHÂDZÜNUNU JISU
ZE DIEKECHÛ KECHÛ MU PUO PEJÂKETA

- 53 Sûsia ukâ Jisu ze phichükezhathâu ki vâ: ru sûki
phichükezhakâ mu pehükâ mu leshükesithâkâ vâ puoze
54 kengu ba. Mu Pitor puo tsâpenuomodi puo siamedzi zâ
phichükezhathâu kitiazhanu le di chaliekâ ze mi peguo
55 ba. Sûkisü phichükezhakâ mu mechü kehou pete Jisu
dukhriwanyüdi puo kefâ si mu ngutou kechü zhapu
56 pfüsie; dereŋ ngulie mota. Mhakekreilamonyü themia
kekra ketijü pu puoda sie, derei ukâ die kerhelie mo
57 ketala. Sûsianu huomia ketijü pu puodadi sie, Hie
58 puo kepu sikechü, A thedzieü kechü kertüsuoki hau
biepesuowadi thedzie semodi zha se nu chûlalie tuo.
59 isilie; sita. Sisie zârei ukâ die kerhelie mota. Sûsia
60 phichü kezathâu sie ukâ dânu thaliedi, Nâ mhapuorei
pulashü mozâ tuo ma? Hakâ die dipuo pu n da tha
61 ga? isidi puo ketsâta. Sirei puo meümo thata, mu
mhapuorei pulashü mota. Sitse phichükezhathâu lasie
puo ki, Nâ Kexithâu Nuo Khristau ma? isidi puo ketsâta
62 Sûkisü Jisu sie, N zâ: mu sizâmomyü hasia niekâ Themia-
nuo-ua Kekuothâu zatsa keba mu teigei kemhou nunu
63 kevâr ngulietuo: sita. Sitse phichükezhathâu puopfe
chierhadi sie, Ukâ zhapu pfûla sase kedipuo chûta?
64 Niekâ thuo rei puo Jihova kethadie kepu silieta ze!
Niekâ kedipuo medâ бага? sita. Sitse ukâ pete puo
65 bu siata reivi üdi puo pejâ phreta. Sûsia ukâ huomia
puomhâ metsiadi mhapie puo zie zeli di duthepie puo
vü, sidi sie puo ki. Nâ siadzekesidie pushüchie! sita.
Sûsia thenakâ dziezhüpie puo vüdi puo zelieta.

PITOR JISU DZE PEMVÜ KETA

- 66 Sûkisü Pitor ker kitiazha pekrâtsatie tharu phichüke-
67 zhathâu kituomiapfûpuo vârdi Pitor mi peguo ketha ngu-
shü, sitse süpfü puo mehâdi sie, Nâ rei Nazaret Jisu zetuo-
68 dia! sita. Sirei puo möüdi sie, A n kepukâ si reimo mu le
reilie mo, isitadi puo tuo kichie khrâ prata; ru sûkisü
69 thevü khouta. Sûsia kituo süpfü puo nguliedi puo
khieki kethakâ ki, Hauha rei puo krâmia miapuo zâwe!
70 isilasio, Sirei puo möü lata Sirâ sûsia zaki sûki

71 kethakâ lasie Pitor üse, Nâ rei puo krâmia puo kethâ-
 72 zâwe; nâ Galilmia zeru! isilata. Sirei puo rûsekhu
 zâdi, A nâ puo dze pukethau simô zâ! sita. Sishûtse-
 metha thevûkhou kenjata. Süze Pitor-a Jisua ha-
 mhâdzü puo ki, "Nâ thevü khou kenia kechü mhâdzü
 a dze pumvü se ituo" ikeshü dieu puo sialelie. Mu puo
 die süü ledi kra bata.

PILAT MHÂDZÜNUNU JISU ZE DIEKECHÜ KECHÜ: MU MIA
 PUO PEJÂ KETA

15 Süsia teisâlietsemetha phichûkezhakâa pehükâ mu
 leshûkesithâkâ mu mechûkehau pete ze kerûchüdi Jisu
 2 phaze vâ puo khapie Pilat dzienu shüwa. Sükisü Pilat
 sie, Nâ Judakâ kediu ma? isidi puo ketsâta. Sitse puo
 3 lasie puo ki, N zâ; sita. Sirâ phichûkezhakâ mhakekra
 4 pu puo pejâta. Süki Pilat lasie, Nâ mhapuorei pulashü
 mozâ tuo ma? Harie, mia mha kreditsuo kedithede
 5 pupie n pejâ thata ga? isidi puo ketsâta. Sirei Jisu
 mhapuorei pulashü mo ta: süla Pilat bu puo ngâta.
 6 Sirâ thenyi süuva mia puo ki kedie puo cha lirâ khashü
 7 mia ketsü puozhâ ki. Mu sukisü Baraba ükechü mia
 sorkari ngumvü kesieki mia kedukhrinia puo mñaze kedie
 8 chüba. Ru themia krâkâ puobu thiadzü zhâ tuoi süu
 9 khapie ukâ tsünudi puo ki chasie, Sükisü Pilat lasie ukâ
 ki, Abu Judakâ kediu khapie niekâ ketsü niekâ medâ
 10 momo ga? sita. Mhakekreilamonyü phichûkezhakâ
 puo ngukemvü la puo khapie puodzienu shü ükechü puo
 11 silie ketala. Sirei phichûkezhakâ puobu süuki Baraba
 kha ukâ tsünu kechü ukâ neidi themiakrâkâ thukechü-
 12 shü. Sitse Pilat lasie ukâ ki, Di sirâ abu niekâ puoü
 Judakâ kediu ükezhau pie kedipuo chüwa nuga? sita.
 13 Sitse ukâ shiekhoui lâdi, Puo pie krus geinu gouwalie-
 14 chie! sita. Sitse Pilat sie ukâ ki, Kiüdita, puo kedi-
 puo kesuo chüwadi ga? sita. Sirei ukâ shiekhoui
 kechüladi, Puo pie krus geinu gouwalie chie! sita.
 15 Sirâ Pilat themiakâ nei chünyüdi Baraba khapie ukâ
 tsüwa, sidi puo khrasei pie Jisu vüwadi puo pie krus
 geinu gouwa nudi khapie ukâ dzienu shüwata.

CHÜPAIHIKÂ JISU PIE KETHEKRE KECHÜ : MU PUO PIE
KRUS GEINU GOUKEWA.

- 16 Sükisü chüpaihikâ Jisu ze kitiazhanu mechûbou nu ledi
17 ukâ chüpaihi krâu pete kiezevâr kengulie. Sidi ukâ pfe
meriemege kechûpuo pie puobu selie, mu zohu tsûrepuo
18 chüpie puo tsü gei shü: mu ukâ sie, Judakâ kediü,
19 salam! idi puo kelu. Sirâ ukâ tekhriepuo pie puotsü
vü, mu puomhâ metsia, di khoutoupfü zhüliedi puo
20 rüsuo ita. Sidi ukâ puoti kethekrewadi puo geinu pfe
meriemege kechüu rhuowadi puopfe puonei pie puo gei
shüla shü. Sidi ukâ puo pie krus geinu gouwa tuoüdi
21 puo ze pratazhü. Sükisü rüna kekreibatsienu Alekandra
mu Rufo unia puo Simon ükechü Kurin miapuo sükisü
vârzhü ru puobu Jisu krus pievâ ketuola puo kemvüchüdi
puo telie.
- 22 Sidi ukâ puo ze Golgatha, puocha, Mia tsütsâru ükechü
23 kijü puo nu vârlie. Di ukâ mharekethengupie kereike-
chü khuobezupie puo tsü sie, derei puo kria mvüta.
24 Süsia ukâ puo pie krus geinu gouwadi, puopfe puoneikâ
kimia suomia zanu parlietieshi idi ukâ sükâpie chithi
25 khelipfü chüdi kezalie. Mu keba thepfü kevü meseki
26 ukâ puo pie krus geinu gouwa. Sirâ puotsü mhâgei
27 nu Judaka kediü idi puo kejâ die thupie zhawa. Mu
ukâ puo zatsa miapuo mu puo vitsa miapuo idi kerü-
28 gumia kenia pie krus geinu puo sa gou. Sirâ chanu
29 kekhâ kekekâ sügedi puo kerhiedi sie, Hya! kerüsuoki
30 biepesuowadi zha senu chülashü ketuo-u sü, nâ n thuo n
31 kelaliedi krus geinu kerliechie! sita. Süsütuoï phi-
chükezhakâ rei leshükesithâkâ ze puo kredi sie, Puo
miakekreibia kelalie. derei puothuo puowe kelalielhâ!
- 32 Hiebu ngudi pelelie ketuola Israel kediü Khrista bu
krus geinu kerliechie! isidi kepu bata. Sirâ puo sa
krus geinu goukewa nia rei puo kerhieta.
- 33 Süsia barâbazhü meseki nu vâ keba se kevü mese
34 ketsâ kijü süu petekânu zeiba tsâta. Sirâ keba se kevü
meseki Jisu melie shiekhoudi sie, Eloï, Eloï, lama
sabakthani? puocha, A Jihova, a Jihova, nâ kiüdi a
35 khawata ga? sita. Sitse süki kethakâ huomia die süu
36 silietse sie, Harie puo Elia kiezhie; sita. Sidi miapuo
tavâ kekhrâdzü lapie spünj puonu shüliedi khapie

tekhriepou puonu pezu pie puo dieshüdi sie, Tsie-
 hieluo, Elia ker puolhou shü tâmo motieshiü, ukâ puo
 37 phiba khe! sita. Süsia Jisu melie petâlashüdi puo
 38 ruopfü khashüwata. Sukisü kerüsükinu pfepie lhapie
 kezha khâ puotsüle geinu rürha zâ tsu puothâtsü tsâdi
 39 rürha kenia chüta. Sirâ puo sidi puo ruopfü khashü
 kewa puomhâdzüki ketha kriamhâ kezha ngushüdi
 40 sie, Themia hauha Jihova Nuo-u kethâzâ! isita. Mu
 sükisü thenumiakrapuo rei ratsanu mehâtha: sükâ
 dânu Magdalin Maria mu Jakob kechü mu Joses unia
 41 zuo Maria pfü mu Solome rei tha. Sükâ puo Galil
 nu kebaki puo siamedzidi puo liechü tuote, Sizamonyü
 puoze Jirusalem nu kekhâr thenumia kekrei kekra rei
 tha.

JISU PIE KHURU Kechü

42 Susia theva tatse mahakese kechü teisâ kerleizha
 43 mhâdzü nhia keta la Jihova kedi merürtuoya kezha
 puoza Josef ükechü Arimathia miapuo vâr; themia süu
 kezhamiakrâ nu therhu kepfümia puo; ru puo michie-
 44 modi Pilat ki vâdi Jisu mâu cha. Sitse Pilat-a puo
 siata mo kishi idi kriamhâkezha kiezevâdi puo nyhü
 45 siate ma? ikechü ketsâ. Sidi puo kriamhâkezha kinu
 süu dze süliedi Jisu mâpie Josef tsüwanu shüwata.
 46 Sükisü Josef linen pfepuo khrüliedi Jisu mâ lhou pieke
 linen pfepie keziliedi pievâ ketsie kepha pie kezhü
 mekhru puonu piezhüwa; sidi puo ketsiepuo ketupie
 47 mekhru kikha nu khawa. Sirâ Magdalin Maria mu Joses
 nuozuo Maria unia puo pie kezhü chüu ngu.

JISU PHEILASIE KETA

16 Süsia kerleizha tseiwa tatse Magdalin Maria mu
 Jakob nuozuo Maria, mu Salome ukâ mharekethengu pie
 2 Jisu mâ kenhetuoüdi khrülie. Di kerleizha therianhia
 khiserüna niaki thupartsemetha ukâ kezevâ mekhru tsâlie.
 3 Sükisü ukâ sie, Supuonie mekhru kikha nunu ketsieu
 4 phoushü ukâ tsütuo shi! idi kepu vâzhü. Di ukâ tâsie
 mehâsie ru ketsieu ketukewa ngulie: ketsie süu ketsie ke-
 5 zhaphi puo. Süsia ukâ mekhru nu le ru khriesamia puo
 pfe kekra cedi thezatsatie keba ngulie; di ukâ ukâ ngâta.
 6 Sitse süu sie ukâ üse, Niekâ ngâ hie chie: niekâ

- Nazaret Jisu, mia puo pie krus geinu goukewau pfüzhe ha : puo rheiliedi siete ; puo haki bamote : mia puo pie
 7 kezhu chüu rei mehâchie, harie ! Sidi vâdi puoa petha-
 keliekâ mu Pitor ki pushüchie, Puo niekâ mhâdzü tuose
 Galil nu vâtazhie ho : puo hadzû niekâ ki pukeshü tnoi
 8 niekâ vâ sünunu puo ngulietuo ho ; sita. Sitse ukâ
 mekhru nunu pradi tapie mhapuo chüvâta ; mhakekreila-
 monyü ukâ pe mu ukâ ngâphi tuo ketala : mu ukâ mia-
 puo ki rei mhapuorei pulie mota ; ukâ michie phi
 ketala.

JISUA PUOTHUO VÂ PETHAKELIEKÂ PENGU KESHÜ MU UKÂ
 KI DIEPU KESHÜ THELAU

- 9 Sirâ kerleizha theria nhia khiesertüna puo rheiliedi vâ
 puo thiadzü miapfupuo geinu terhuo kesuo thenia whuo-
 10 kewa Magdalin Maria pfü, pengu keria chüshü. Sitse
 puo vâdi thiadzü puo zeketuo ukâ nou mezhie mu kra
 11 kebakâ ki pushü. Ru ukâ puo rheiliedi thenu süpfü bu
 puo ngu ükechü si rei pele mota.
 12 Sirâ süsia ukâ mia kenia tuose rünapuo nu vâtuou
 kezhu ki puorhi kekreibuo chüpfüdi unia pengushü.
 13 Sitse unia vâdi kekreibâ ki pushü : ru ukâ sünia die rei
 pele mota.
 14 Süsia kerepuokrükâ keze mhachükebanu puo vâdi ukâ
 pengushü ; sidi puo rheilieketâ sia ukâ mia puo kengukâ
 die rei pelem, ketala ukâ mha pelekemo mu ukâ nou
 15 kere la ukâ kejâ pu ukâ kiata. Sirâ puo ukâ ki, Niekâ
 kijü petenu vâdi dicliekeviu pupie themia pete kiashülie
 16 chie. Themia kehupuorei peleliedi baptaiz chülie râ
 kelakelie ngulie tuo ; derei themia kehupuorei pelekemo-u
 17 kejâ puo gei pfütuo. Sirâ pelekeshamia gei zasi hakâ
 tuotuo : ukâ aza nunu terhuo kesuokâ whuolietuo : ukâ
 18 pfe kesa neiü se mha putuo, ukâ tinyhü chüselietuo.
 mu ukâ therei kria zârei ukâ yapesuowa lielhâ ; ukâ
 kechümia gei udzieü shürâ sükâ shürhâlie tuo.
 19 Sidi ukâ ki mhapushü kewa sia Niepu Jisu ze teigei
 20 khâta, mu khâ Jihova zatsa bata. Süsia ukâ tuopradi
 kehurapuorei mhapupie mia kia tuota, sirâ Niepu ukâ
 ze mhachü mu zasi kha ukâ tsükeshükâ pie dieu mvü pie
 kemetei shüshü tuota. Amen.

Luk-a Thukeshü Dieliekevi

1 Thiazdüt^{pi} ^{pie} kezhükâ udânunu chütsei kewakâ dze
 2 miakrâpuo hadzû thusie hu ; mu themia sükäsü thiadzû
 uthuo umhi üse ngudi dieliekeviu chalie kechükâa tha hie
 3 kia tou keshükâ tuo *thusie zâ pekruo* ; süla, mia tse-
 pfüya kezha, Theofil, arei vâ puo bâthâ nunu die sükâ
 mehâmenuo vâdi sükâ dze thulapie hambâdzükâ siasâ
 4 puo chü n ki shülashü nyüta ; mhakekreilamonyü ha-
 mhâdzü nâ sikelielâ kehâzâ kechü n bu sitoulie ketuola.

JOHAN BAPTIST-ÜKECHÜC KEPENUO DZE

5 Herod Judia rüna mhâ kedi chü ketuoki Abia krâmia
 phichüpuo, puoza Zakaria ru : puo kimia Aron yiemia
 6 pfüpuo, mu süpfü za Elisabet. Mu unia keninia Jihova
 mhinguki miathâ di Niepuu thezha kha keshükâ mu puo
 7 diekâ ze kemezhü chüdi tuo. Sirâ Elisabet nuofü pfüpuo
 kechüla unia nuonuo puorei jü ; mu sükisü unia keninia
 tsa rei satazhü.
 8 Puoa puo krâkâ ukâ kezé Jihova mhâdzünunu phichü-
 9 kam chütuo kezhaki, phichü sükâ khunhiapuo ukâ
 suomia mese shi iechü themia keda kechü zhâu sedi
 keda sieru puo bu Niepuu kerüsuokinu ledi tehoutsa
 10 the nuta. Sirâ tehoutsa the kebaki themia krâkâ pete
 11 chazou ulha nu chaba. Sirü tehoutsa the kezha bau
 thezatsatie Niepuu dieliemia puo thadi Zakaria bu
 12 ngulia. Sitse Zakaria puo ngudi rie di michie phita.
 13 Derei teigeidielie süu puo üse, Zakaria, nâ michie hie-
 chie : mhakekreilamonyü nâ hadzû kechakâ chüshü n
 tsütuoü ba ketala. Sirâ n kimia Elisabet thepfunuomia
 yâpuo penuoshü n tsütuo ; mu nâ puoza thâpie Johan
 14 chüliechie. Musirâ nârei n neipie n nei lhemotatuo, mu
 puo penuokelie la themia kekra rei uneituo. Mhakekrei-
 15 lamonyü puo Niepuu mhinguki zha ketuola. Sidi puo

- khuobesidzū pie kechū zuharā rei, mu kriadi mezeta kezha zu kekrei rei kria lielhā ; mu Kemesa Ruopfū bu puo ketsu chūtuo, puo zuo vanu ketuo nunu rei *sivār zātuo*. Tsiu puo la Israel nuonuokā kekra ukā Niepuu ukā Jihova ki lavālietuo. Sidi puo'Elia thiadzū seketuo kekua mu ruopfūu sedi Niepuu zie ngukelie mhādzū ria vātuo ; mhakekreilamonyū nie krūnuokā nou chūkedila sevā nie nuonuokā kitsa štū, mu miadie zekemokā zevā kemezhūkā mhasi tsatie shū ketuola ; sidi themiakrā puo kesepie badi ukā bu Niepuu zeliē ketuola ; si.
- 18 Sitse Zakaria teigeidieliēu ūse, Kedipuomhiedi a sū silieta ? A rei tsate, mu akimia rei tsate ; sita. Sitse
- 19 teigeidieliēu lasie puo ūse. A Jihova mhādzūnu thaya kezbaui Gabriel we : mu puo a ketsepie abu n rūchūnu
- 20 mu diekevi hakā se n ki vār nushūwe. Tsiu harie, nā adie thesia puotei tsālie rā chūtseilie anechie kechūkā pelekemo la, mhahakāha chūkelie ngu kemochie n bu dieputhā di n tia se mia rūchū lielhā batatuo ; sita.
- 21 Sūsia themia sūkā Zakaria pfepe badi, puo kerūsuo-
- 22 kinu ba chaphi keta la ukā ngāta. Sūsia puo par ru puo diepu ukā rūchūlie suota : sitse ukāa puo ūse kersuoki nunu mha kethekhrū kechūpuo ngu'thenyū-
- 23 sieta. Mu puo *puodziepie* kemelāmia diepu kechū sia, dieputhā bata. Sirā sūsia puo phiehūkam chūwadi tuo puo kinu vāta.
- 24 Sidi sūsianu puo kimia Elisabet nuonipfūta ; sidi puo
- 25 khrū pengou pra mia pengumo bata. Sidi puo *puothuo puo ūse*, Niepuu thuo haba ageinu chūkeshū zā, miabu a kenga sa mo tuoū kechūla puothuo a ngumezhie keshūzā ! sibata.

TEIGEIDIELIEMIA MARIA KI KEVĀR

- 26 Sūsia khrū sorou ukhrū Jihova thuo dieliēu Gabriel
- 27 ketsepie Nazaret ūkechū Gahl kijūnu rūnanadi puonu shū. *Puo ketsepie* rūmnia pfūpuo Josef ūkechū miapuo ze kerī tuoū keba pfūpuo kishū : mu rūū sūpfū za
- 28 Maria. Mu dielie sūu sūpfū ki vārdi puo ūse. Harie Jihova khrīe kepfū pfū, n neiliechie ; Niepuu n ze
- 29 tuote ; si. Derei puodie sūu sipie puo melou toutou idi die sūu puocha kedipuo ūsie* tieshi idi rūkra tou

- 30 pfübata. Süsia teigeidielieu puo üse, Michie hiechie,
 31 Maria; nâ Jihova khriepfü bate mu. Sirâ harie,
 32 nâ nuonipfülietuo, sidi thepfunuomia yâpuo penuo-
 lietuo, mu puoza üse Jisu thâliechie. Puo kezhamia-
 puo chütuo, mu puo üse Kezhathâu Nuo chütuo. Sirâ
 33 Niepuu Jihova thuo puo puo David kedibau kha puo
 34 tsütuo. Mu puo Jakob seyie kechü khêkâ mhâ kechachie
 kedi chütuo; mu puo kedi jüta lielhá zâ, sita. Sitse
 35 Maria teigeidielieu üse. Kikidi a silieta? A anupfu ze
 thenuthepfü, chümo zâluoa: si. Süsia teigeidielieu
 lasie puo üse. Kemesa Ruopfän puothuo n mhâ vârtuo,
 sidi Kezhathâu puothuo puo kekuon n soupfülietuo;
 36 süla mesa zâkechü süu n nunu lhoupâr ketuo-u üse
 Jihova Nuo-u chütuo. Sirâ harie, u seyiemia Elisabet,
 mia puo üse nuojü üya kezha pfü. puorei puo tsazenu
 thepfunuomia yâpuo nuonipfü bate; mu puo siketa
 37 khrü sorou te? Mhakekreilamonyü Jihova mhakehu-
 puo pushü zârei chüyamo tayamozâ kechüla; si.
 38 Sitse Maria puo üse, Asü Niepuu kituopfü zeru; abu n
 kopu nihieliechie; sita. Süsia teigeidielieu rei tuota.

MARIA ELISABET KI KEVÂ MU PUO JIHOVA GEIZÂ
 KECHÜ

- 39 Süsia Maria rei tuo kenourhei se kijüthou bahu kechü
 40 Judia rûnapuo nu vâta. Sidi tuo Zakariano kinu ledi
 41 Elisabet kelushü. Sirâ Elisabet-a Maria puo kelu keshü
 42 silietse, puo nuoyâ puo vanunu rûlhou bata; sitse Eli-
 sabet Kemesa Ruopfü puo tsupfüdi diepu puo rhietchü-
 di Maria üse. Nâ thenukâ dânu ruokuothâ pfü, mu n
 43 nuo n vanu kebayâ rei ruokuothâzâ. Sirâ a Niepuu
 44 nuozuopfü aki kevâr ha kedipfü a keneiga! Harie, nâ
 45 a kelukeshüdie a silietsemetha unno avanu kebayârei
 puo neidi rûlhou bate! Sizâmonyü Niepuu puoki puke-
 shükâ chütseilie mechie ikechü pele kechüpfü rei ruo-
 kuothâzâ ho! sita.
 46 Süsia Maria puothuo,
 A nona Niepuu lepezha ba,
 47 Mu aruopfü rei a Kelakelieu Jihova nunu
 puo neibate.
 48 Mhakekreilamonyü puo puokituo nuchünuthâ
 keuopfü rei mehâ kechüla:

- Sirâ sũla thiayawinu vâ lhoukenuo kenuomia
 pete burei aũ ruokuothâpfũ ũkechũ kietuo.
- 49 Kuokejâjũkechũu puothuo a ngumezhie thâr
 shũzâ :
- Mu puo za zarei mesa zâ.
- 50 Tsiu lhoukeriakâ rei mu nuosenuoyiekâ rei
 Puo khrũpreiya kezhakâ, puo sũkâ ngumezhie
 tnoya zâ.
- 51 Puo puothuo puobou se mha kezhapĩ chũshũa ;
 Puo uthuo unoukemiakâ kezhakâ bu uketuora
 simote.
- 52 Puoa kedika ukâ ba geinu ukâ whuowate.
 Mu puo mia urhuya kemokâ chũpezha shũwate.
- 53 Puoa merũr kezhakâ bu mhakevi chũ pevũliete,
 Mu puo mbapuorei khapie mhakenyikâ tsũmodi
 ukâ bu tuote.
- 54, 55 Puo thiadzũ upuonũkâ ki pukeshũ tuoi
 Puo kechachie Abraham mu puose puoyiekâ
 Ngumezhie zâ tuoũ kechũ rũkraliedi
 Puo kituo Israel ngumezhie shũwate ; sita.
- 56 Sũsia Maria khrũ se nuo puoze badi tuola puothuo
 puo kinu vata

JOHAN BAPTIST UKEZHAU KEPENUO MU PUO-PUO
 JIHOVA TSE KECHũ

- 57 Sũsia Elisabet puo nuo pennokelie tei tsâtadi thepfu-
 58 nuo miayapuo penuolie. Sirâ puo zanuokâ mu puose
 puoyiekâ Miepuu thuo puo ngumezhiephi shũzâ kechũ
 59 siliedi uka keze oneiphi bata. Sũsia zha thetha nhia mia
 unuoyâ zhũre tuotidi vâr ru, ukâ puo zathâpie puopuo
 60 zashũ chũ tuoũ ta. Derei puozuo ukâ ũse. Silielhâ,
 61 puoza thâpie Johan chũzâtuo : sita. Sitse ukâ puo ũse.
 Nie seyiemia miapuorei theza hahau uza chũchie mo ;
 62 sita. Sũsia puopuo puoza ũse supuo chũtuotũ sietieshi
 63 idi ukâ dzieziepie puopuo rũchũ ru, puo mhapuo chadi
 sũgeisũnu. Puoza ũse Johan chũtuowe, idi thushũ.
 64 Sitse ukâ petekâ ungâta. Sũsia puotia tiaga mhaparta
 mu puomhũ rei rũprei parta, sidi puo diepu chieliedi
 65 Jihova tseta. Sũla ukâ kepenuoki keba petekâ bunu
 michieta ; mu kijũthoukâ dũnu Reba Sũdia rũna petekâ

- 66 nu die sūkâ kepu boutuo ta. Sirâ die sūkâ sikeliê khekâ
unou nu, Nuo sūyâsū thesia kedipuo chūtieshi! ikechū
- 67 letuo zâta. Mhakekreilamonyū Niepuu puo zetuožâ
kechūla. Tsin puopuo Zakaria Kemesa Ruopfūu bu
puo tsupfūdi siadzekesidie pukeshū haha mhie:
- 68 Israel Rhuo, Niepuu tselie ehie:
Mhakekreilamonyū puothuo puo themiakâ rūli
.. ledi ukâ rhakeliê dâpuo chūlie ketala.
- 69 Sirâ puo kituo David seylemia dâunu kelakeliê
kiapuo petsūpethepie utsūwate.
- 70 Puo siadzekesikâ tia nunu keraki rei die sūkemhie
pupie zhū.
- 71 Sūsū mhakekreilamonyū ungumvūkâ kinu rei mu
urūtse rūchie kezha khekâ dzie nunu rei u
kelalie kenyū la;
- 72 Sirâ puo thiadzū upuo Abraham ki rūsedi pupie
kezhi.
- 73 Puo die kemesau rūkradi puo upuonuokâ ngume-
zhie, kechū miaba silie ketuola reisa.
- 74 Sidi puo ungumvūmia dzie nunu ukelalie rā,
ino uchūpie uba ukelhouchie puo mhungukinu
- 75 Miathâ mu mesadi, michieodi puo rūsuo tuolie
tuo.
- 76 Sirâ nâ, anuo, nārei ūse Kezbathāu siadzekesiu
chūtuo:
- Mu nâ Niepuu zie kengu mhadzū puo chakâ
kesetuoñ vātuo.
- 77 Sidi puo themiakâ bu kelakeliê dze silietuo:
Kelakeliê sūsū ukâ kephumakâ va utsū keshūuzā.
- 78 Sūsū mhakekreilamonyū Urhuo *Jihora* thuo u
ngukemezhie la za.
- Sidi teigeinu kesakezieu sevār u vātuoñ.
- 79 Tsin sirâ kezcinu kebakâ mu kesia khrūu rei
vapezie tuo;
- Sirâ puo ushūtapie uphi bu boune chanu vālietuo.
- 80 Sūsia quosūyâ phichūlie mu ruopfū dzetsatie rei metei
miamialie, sidi Israelkâ mhadzūnu meyipra ketuo tei-
tsalie kemochie nhanu mia rūna chūyakemora tuotsā.

JISU KHRISTA KEPENUO MU TEIGEIDIELIEMIA
THUO PUKESHÛ

- 2 Sirá súkisû Agustu Kaisar puókijûnu keba petekâ
bu uza thupie sorkari leshûnu shûlie nudi hukum puo
2 khashû. Kurini Siria rûna mhâ kedi chûkebaki súuva-
3 sù úse theza thu theriathâ chû. Mu mia pete uza thu
4 tuotidi uthuo rûnanu vâph reta. Sirá Josef rei Galil
kijûnu Nazaret rûna ununu tuose Jutlia kijûnu David
rûna Betlehem úsiyakezhau nu vâ ; mhakekreilamonyû
5 puo David nuo kinumia mu puoyiemia zâ kechûla. Puo
puoza thu tuotidi unia bu kerî tuoû pupiezhû kewapfû
6 Maria ze vâ ; mu súpfûsû nuonipfû tuo Tsiu unia vâ
sûnu kebaki themu súpfûsû puonuo penuo ketuo zha tsâ
7 tuota. Sidi puo puonuo thepfunuomia nuoria yâsû
penuolie, di puo pfenyhépie puo kezûpie peri bu mha-
chûya kezha bayâpuo nu piezhû ; mhakekreilamonyû
rûsâkinu unia ba jûketala.
- 8 Sirá rûna sînusû tekuo kepfekâ terha zhûdi theva
9 uthuo ukuo pfeya kezha nyi ru ; Niepuu dieliemia puo
tsur ukâ khieki thalie, mu Niepuu kezic thuo ukâ vapie
10 lutsahatsa ziekruoita : mu sùla ukâ michie phita. Sitse
teigei dielieu ukâ úse, Michie hicchie ; harie, themia
11 petekâ uneiphi ketuo dieliekevi a se niekâ ki vâryawe :
thia David rûna nunu niekâ Kelakelieu Niepuu Khris-
12 tasû penuoliete ho ! Sirá niekâ pfenyhiepie unuoyâ ke-
zûpie peri mhachûya kezha bayâpuo nu zhûdi ngulietuo,
13 niekâ sîu ngurâ sîlietuo ho ! si. Sishûtsemetha teigei
phrûhulie kelhâ chûketuokâ krâpuo dielic sîu ze Jihova
tse kechû hambiei :
- 14 Teigei keba Jihova bu puoza kemeyieu chûliechie ;
Mu kijû keba themia, puo puonei kezhakâ burei
kevi chûwalie chie !
- 15 Sûsia teigeidieliekâ ukâ khawadi teigei khâtâtse tekuo-
kepfekâ huonichuo úse, Khe, tsiewe chûsia ukâ Betlehem
nu vâdi Niepuua pie ukâ ki pukeshû chûketakâ mehá
16 khe ! Sidi ukâ kenourhei vâ ru, vâ Josef mu Maria
unia mu unuoyâ peribu mhachûya kezha bayâpuo nu
17 zhûdi ngulie. Sirá ukâ súyâ ngutse ntosúyâ dze
18 khinyhû ukâ ki pukeshûkâ pie mjakî pushû. Sùla
tekuokepfekâ pie ukâ ki pukeshûkâ kesi khekâ ungâ

- 19 phreta. Derei Mariawe die sūkâ petepie puo nouki shū
 20 sedi medâ sei tûta. Sirâ tekuekepfekâ teigeidieliu se
 • ukâ ki pukeshū khekâ ngutou keliela Jihova tse mu
 rhudi tuolata.

JISU ZHÜKERE : MU PUOZE KERÛSUOKINU KEVÂ ; MU
 PUOLA SIMEON MU HANA UNIA SIADZERESIDIE
 KËPU

- 21 Sûsia puo penuokelie zha thetha tseitadi puo zhükere
 tei tsâlie tatse puo zathâpie Jisu chülie ; theza süsü
 puo nuonipfû kemonu teigeidieliu thuo thâshü zâ.
 22 Sûsia unia Mosa zhânu pupie ketuo tuoi chükemesa
 ketuo tei tsâtatse *Josef mu Maria* unia puo pievâ
 23 Jihova pekia tuoûdi puo ze Jirusalem nu khâ ; mhake-
 kreilamonyû Niepuu thuo thezhâ khakeshüu nu, Unuo
 nuoriau thepfunnomia lirâ khakrei pie Niepuu bu puo
 24 vie chûtatuo, ikechü thupie kezhûla. Sirâ Niepuu zhânu
 nu pupie ketuo mhiêi puo ruosuo chü ketuola paruonuo
 kenia, morei mekhru henia rei sa se khâ.
 25 Sükisü miapuo puoza Simeon üdi Jirusalem nu baya ;
 mu themia süu miathâ mu Jihova rüsuo kechü puo nei,
 sidi Israelmia nou chüpeluo ketuo-u mer tuoya ; tsüu
 Kemesa Ruopfû puo gei tuo.
 26 Sirâ themia süu Niepuu pupie kezhûu Khrista kengu
 mhâdzü puobu siata lielâ ükechü Kemesa Ruopfû
 27 hadzû tha puo kia shûwata. Sûla puo Kemesa Ruopfûu
 nunu tuo kersuokinu lerür, sidi unuoyâ Jisu nuo krâ-
 nuoa puola Mosa zhânu pupie ketuo kemhieî chü tuoûdi
 28 puoze vartse metha Simeon-a unuoyâ pieliedi Jihova
 tse kechü hambiei :
 29 Niepuu, nâ tsiewe n die pupie kezhü tuoi,
 N kituo-u aha bu anou menedi tuovü tachie.
 30 • Mhakekreilamonyû a athuo amhipie
 Nâa kelakeliedâ chükeshüu nguwata kechûla.
 31 Kelakeliedâ süsü nâ nthuo kesepie
 Themia neiü petekâ mhinguki shûwate :
 32 Süu khapie Judakemokâ pesikeshü chü,
 • Tsiu süubu nthemiakâ Israelkâ neiu reisa chûwate.
 33 Sira puo dze die sūkâ pukeshûla puopuo puozuo unia
 34 bu unia ngata. Sûsia Simeon japie ukâ tsü, di puo zuo

- Maria üse, Harie, nuo hayâha la Israelmia kekra bu krü
 rei tatuo, mu lasie reilie ketuo puo chüshü zâ ho; mu
 35 puo miabu puo ngumvü ketuo yâpuo zâ ho! Nzâ kethâ,
 mu zhiecha pie nthuo nmelou keze mhië zâtu. Sidi
 36 süla themia kekra noudâ miabu silietuo; si. Sirâ puo-
 za Ana üsi kechü siadzekesipfü puo rei nyi; mu süpfüsü
 37 Asher yiemia Fanuel nuopfü. Puo tsa tâta; puo puortü
 nunu thepfu puo ki nyikelif chie thenia puo nupfu süu
 ze lhou; di süsia themi sei tuota, sirâ sükisü puo chie
 hiethethaadia ta. Thenusüpfü mevâ mü chadi Jihova
 rüsuodi theva rei khinhia rei kerüsuokinu chietaya
 38 chiemo. Sirâ puo bavüdâ sü mesetouki par Jihova
 tsemi Jirusalem rhalie ketuo-u pfekeba kekâ ki süu dze
 39 putha tsâ. Süsia Niepuu zhânu pupie ketuo kemhiekâ
 chüphrewadi ukâ keze la Galil kijünu ukâthuo ukâ rüna
 Nazaret nu vâta.

JISU NHICHUKI DZE. MU PUO PENUOKELIE CHIE
 KEREKENIAKI JURUSALEM NU KEKHÂ DZE

- 40 Süsia nuosüyâ phichüliedi meteilie mu puo mhakesi
 üse puo tsupfüdi Jihova kinu kepar ngukemezhieu rei
 41 puogei basalie. Tsüu puopuo puozuo teichie kepra kela-
 42 kelienyi nyikechüki Jirusalem nu khâ me; sirâ puo
 penuokelie chie kerekenia ketaki unia thiadzü tuoi thenyi
 43 sünu khâ. Sidi unia sünu baketuokâ bawadi lavâtatuou
 kezühüki unuoyâ Jisu sü unia siatsatianu Jirusalem nu
 44 bata; mu puopuo puozuo unia sü sichiemo. Sikechü-
 umonyü unia puo üse ukâ krânu tuo nhia idi unia tuose
 45 khunhia chatuonu vâta; süsianu unia unia seyiemia mu
 unia kesimia krânu puo pfüdi puo pfüpejü tatse unia
 tuola puo pfü Jirusalem nu lakhâ.
 46 Sirâ zha se sianu unia kerüsuokinu puo ngulie. Puo
 sükisü kepethakâ dânu badi ukâ die rünyü mü ukâ ki
 47 mha ketsâ rei sa ba. Mu puo ukâ ki mhakepukâ mu
 48 puo mhasikâ kesi kekâ ungâta. Sirâ unia rei puo
 ngudi unia ngâta: sidi puozuo puo üse, A nuo, nâ kidi
 hienia gei himu? Harie, n puo mu a hienia bu hienia
 49 nou kemezhiedi n pfü vâr tsâa! si. Sitse puo rei unia
 üse, N nie kidi a pfü tuomu? A Apuo kinu ba morâ
 50 suo kechü n nia simo zâ ma? sita. Derei unia puo

- 51 unia ki kepuu puocha kedipuoshi unia lelie mota. Süsia
 puo unia ze Nazařet nu keta; sidi puo unia khrükhrä
 52 'ba zälie. Tsiu puo zuoa die sükä pete se puo melouki
 53 phiehü reilie, sirä sizâmonyü puo Jihova mu themia
 khrie rei pfü salie.

JOHAN^{na} BAPTIST ÜKECHÜU KAM DZE MU JISU
 • BAPTIZ CHÜKELIE DZE

- 3 Tiberia Kaisar ükechü *kedi kezhan* dikelie chie pengou
 chie Zakaria nuo Johan nbanu mia rüna chüya kemora
 2 ketuoki Jihova die puo ki văr. Sükisü Pontia Pilat
 Judia kijünu kezhan chü, mu Herod Galil kijünu kedi
 chü, sirä puo siazeu Filip Iturea mu Trakonita rüna nia
 mbä kedi chü, mu Lusania Abilene kijünu kedi chü; mu
 3 Ana mu Kaifa unia keze phiehü kezha chüba. Sükisü
 Johan-a Jordan rür khie lutsa hatsa rüna chüya kezha
 khekanu vädü miabu ukephuma valie ketuola thenou
 4 kedilie nukechü baptism se mia petha. Hau dze Isaya
 siadzekesi diekâ thupie ketuo leshüdan nu rei tuo:
 Miapuo nhanunu shiekhoui ketuo pſen sü hakâ zâ:
 Niekâ Niepuu cha chü däjü se baliechie;
 Puo chatsekâ rei chükemezhü sebalie.
 5 Kijü kernuo khekâ luowatuo,
 Mu kijüthou kerkrikâ rei kernuokâ rei chüke-
 methawatuo;
 Cha kerwikâ chükemezhüwa tuo,
 Mu cha mejukemokâ chümejuwatuo.
 6 Sirä themia petekâ Jihovaa kelakeliedä hrüke-
 shüu nguphre tuo.
 7 Sirä puoa puobu baptism kha utsünudi kevâ themia
 kräu üse, Harie tinyhü nyhübvüpfü seyiekâ, thesia nie-
 gei pfü ketuo-u therhielie tuoü kechü supuonie se niekâ
 8 ki pushü ga? Niekâ thenou kedilie kevi nie si vülie-
 chie. Sidi nie nounu, Hie rei hie puo Abraham nuonuo
 zâwe, ikechü putahie: sirä harie, a niekâ ki pushütuo,
 Jihova ketsie hakâ geinu rei Abraham nuonuo chüshülie
 9 vi. Mu tsierei seidurür pie seihâ phi nunu rür batazâ:
 süla sei puo si ^{levi} vülieya kemo khe vivadi chükelhu-
 10 pie mi nu shüwaya; si. Sitse themia krâkâ puo üse,

- Silirâ hie rei kedipuo chûlie morâsuo ga? isidi puo
 11 ketsâta. Siketala puo rei ukâ 'ûse, Kehupuorei puo
 boulia kenia kenyimia puobu pie uboulia keĵümia tsâwa-
 chie; mu ucha uva kenyimia burei sükemhie chûliechie;
 12 sita. Sûsia thesâkeliemia doupuo 'baptism ngulie nyüdi
 vârdi ukâ rei puo 'ûse, Kepethau, hie rei kedipuo chûlie
 13 morâsuo ga? si. Mu puo rei ukâ 'ûse, Nie bu lienuke-
 14 shû mîâ chasa hiechie; sita. Sirâ chûpaikîmia doupuo
 rei puo 'ûse, Sirâ hiewe kedipuo chûlie morâsuo ga?
 sidi ketsâ ru, puo ukâ 'ûse, Niekâ miâ kechüdi mia vie
 sehiechie, mu tîĵüdi miapuorei peĵâhie; sikechûumonyü
 niekâ kaza zârei vi űkechû medâlie; sita.
 15 Mu sükisü themia sükâ miapuo lousier tuoű kechû
 mer tuoya ru, themia sükâ uthuo unounu Johan rüli
 levâdi puo 'ûse Khristan zâ mo kishi ikechû lephreta.
 16 Derei Johan ukâ peto 'ûse, Awe dzüpie niekâ baptaiz
 chûya kezha zâ, sirei miapuo aki zhakuo kechûpuo
 vârzhû, a puo phikon pha rei phreikechû kam chû sūmo;
 mu puo Kemesa Ruopfû mu mi nūnu niekâ baptaiz
 17 chûtuo. Puo puo lieherür setuo, mu puo puo sianunu
 puo lha hemenuotuo, sidi puo lhakâ pfükengupie puo
 lhakinu shûlie tuo; derei shûbekâwe mhetafie kelhâ
 mipie thewatuo; sita.
 18 Sidi puo die neiükâ se dieliekeviu pupie themikâ kia;
 19 derei Johan-a Herod kediu nuo siazen Herodia pfû
 lareï mu Herod chûzhükemo kechû khekâ rei la puo
 20 kenga shû zâ derei puo Johan rei tepie kediekinu rei
 shû sawa.
 21 Sûsia themia sükâ baptaiz chûphrelietse Jisu rei bap-
 taiz chûliedi chashû ru, teigei kikha khrûlie, sidi Kemesa
 22 Ruopfû mekhrupfû rhi mhie idi puo gei ker. sitse teigei
 nu, Nâsü Anuo akhrieu zâ, nâsü aneithâu zâ, ikechû die
 pu vâr.

JISU KHRISTA PUOTSANUOKÂ

- 23 Sûsia Jisu mia petha chie sietuou kezhûki puo penuo-
 kelie chie serür meseta; mu themia noule mhierâ puo
 Josef nuo, mu puo puotsanuokâ hakâha:
 24 Eli 25 Melkhi Matathia
 Mathat Janai Amos
 Levi Josef Naum

	Esli	30	Simeon		Abraham
	Nagai		Juda		Thara
26	Maat		Josef		Nakor
	Matathia		Jonam	35	Serug
	Semein		Eliakim		Hragau
	Josek	31	Melea		Falek
	Joda		Mena		Eber
	Joanar		Matatha		Sala
	Hresa		Natham	36	Kainam
	Zorobabel		David		Arfaksad
	Salathiel	32	Jesai		Sem
	Neri		Jobed		Noa
	Melkhi		Boos		Lamek
	Adi		Sala	37	Methusela
	Kosam		Naason		Enok
	Elmadam	33	Aminadab		Jared
	Er		Arni		Malelel
	Jesu		Esron		Kainam
	Eliezer		Fares	38	Enos
	Jorin		Juda		Set
	Mathat	34	Jakob		Adam
	Levi		Isak		Jihova

JISU KEDÂ KECHÛ

- 4 Sûsia Jisu Kemesa Ruopfû bu puo tsupfûdi tuola vârtâ tuofûdi Jordan rûr tsevärta : sûsia Ruopfûu bu puo hüze nhamu vâdi zha hiedia Satan bu puo kedâ.
- 2 Mu zha sükâ tseiketa ze puova merta. Sitse Satan-a puo üse, Nâ Jihova Nuo ürâ, ketsie hau ki mhapushûdi
- 3 puobu niekhrûda meviliechje! si. Sitse Jisu rei puo üse, Themia niekhrûda rûrbei la rheiliehá, isikechû thu-
- 4 piezhû; sita. Sûsia Satan puoze kerkrie puogei khâdi kijû tûna chûketuo kheká zâpuonu thashû puo kia.
- 5 Sûkisû Satan-a puo üse, A nbu hakâ petekâ mhâ n medâ chûkelie kekuo mu hakâ nu mhakevi pete khapîe n tsütuo; mhakekreila monyû hakâha khapîe atsüwate,
- 6 mu athuo khapîe amedâmia tsülie vita kechûla. Sûla nâ tsu'aphi nunu a rûsuo râ hakâ pete, nvie tatuo! si.
- 7 Sitse Jisu lasie puo üse, Nâ n Rhuo Niepuu rûsuolie morâ-
- 8 suo mu puo rûrbei kituo chûlie morâsuo, isikechû thu-

- 9 piezhū ; sita. Sūsia Satan-a puo hūze Jirusalem nu vādi
 puobu rūsuoki tsūlegei baliedi puo ūse, Nā Jihova Nuo
 10 ūrā nā hagei hanu pron tsuchie ; mhakekreilamonyit :
 Puo n la puo dieliekā ki, pushūdi ukā bu n
 rūguolie tuo :
 mu,
 11 N bu tsu ketsie geinu nkese molie ketuola ukā
 bu npie tuolie tuo ;
 isikechū thupiezhū kechūla ; si.
 12 Sūsia Jisua lasie puo ūse, Nā n Rhuou Jihova kedā
 suo, ikechū thiadzū pupie tuote ; sita.
 13 Sitse Satan puo kedā ketuo neiūkā kedā tseiwa tatse
 zāpuoki puo khawadi tuota.

JISU GALIL NU VĀDI MIA PETHA KECHŪKI MIA PUO
 MELIA KĒFACTHERIAU

- 14 Sūsia Jisu Ruopfiu keknoq nunu tuola Galil kijūnu
 vāta : sūkisū sūchie lutsa hatsa keba, khekā nu puo dze
 15 kepu bou tuota. Mu puo ukā kehoukikā nu mia petha,
 mu mia rei puo tse phre.
 16 Sidi puo thiadzū puo nhiehuki vālhau kechū rūna
 Nazaret nu vār ; tsiu kerleizhanhia kehoukinu vā kechū
 puo zhā kechūla puo ukā kehoukinu ledi diepuo phrū
 17 tuoūdi siethalie ru, mia Isaya siadzekesiū leshūdan
 18 chūpie puo dzienu shū. Sitse puo leshūdan lhale ru,
 lhale die hakā thupie kezū ngulie :
 Jihova Ruopfiu a gei tuo :
 Mu puo abu dieliekevi pie kojūkā pethanu
 kechūla a kedalie ;
 Puo abu kediemia khalashū ketuo.
 Mu mhichiemia bu mhangulie ketuo.
 Mu mia upese kezhakā bu rūūlie ketuo
 dieu pu mia kianudi ;
 19 Tsiusirā Niepuu ungumezhie ketuo teichieu
 reisa pu mia kianudi a ketseshū.
 20 Puo sishūdi leshūdan khalawadi chūpie dielie chū-
 kethau tsūwadi kebata : mu sūkisū kehoukinu keba
 khekā puq phi terūr pfūba.
 21 Sūla puoa ukā ūse, Thia niekā kegi kinu kethāleshū
 22 die hau tseilliete ; isi sie. Sitse ukā petekā puo tia

- nunu pu kepar themia ngukemezbie diekâ la ungâdi
 23 puo tseta. Sidi ukâa, Di hauha Josef nuo zâ mo
 ma mu? isita. Sitse puo ukâ üse, Daru kesiu, nâ
 nthuo n chükeshürhâlie chie, isi kechü mia puya
 kezha tuoi niekâ rei aki puzâ tuo pekruo; sizâmonyü
 niekâ a üse, Nâ Kafarnaum nunu chü ükechükâ,
 24 sükâ n rüna nunu rei chüliechie, sirei tuo; sita. Sirâ
 puo sie, A niekâ ki pu tou shütuo: Siadzekesimia puo-
 25 rei puothuo puo ramia zâwe puoü vi üya mo. Sizâ-
 monyü a nickâ ki pu tou sashü tuo: Thiadzü Elia ke-
 lhouki Israelmia dânu thenu sami kekra tuoya ru, süki-
 sü chie se mu khrü sorou tei khata; sükisü rüna süu
 26 pete nu pekrie pie kemerie chüvâr; derei Elia ketsepie
 Sidon mia kijünu Sarepta rüna nu thenu samimia pfü-
 27 puo ki keshü sia sami kekreipuo kirei shü mo. Sirâ
 Elisha siadzekesiu kelhouki Israelmia dânu lepramia
 kekra tuoya rü, Siriania Naman ükechüu rürbei sia,
 kekreimia puorei chükeshürhâ shü chie mo. Sita.
 28 Sitse kehoukinu kebâ khekâ die sü siliedi uneimo pie
 29 nhapuo chüta; ukâ sidi sie urüna nunu puo whuowa,
 sidi puo merhashü ze ukâ rüna chükeba kijüthouu puo
 khiche kechü kipuo vâ, mhakekreilamonyü ukâ puo
 30 peyie pie sünu shüwa kenyü la. Derei puo ukâ dânnu
 tuose puothuo puo medâra vâta.

JISU KAFARNAUM RÜNA NU REI MU RÜNA KEKREIRA
 REI LUKI HAKI VÂDI MIA PETHA KECHÜ MU MIA
 KECHÜ CHÜKESHÜRHÂ KESHÜ

- 31 Süsia puo Galil kijünu Kafarnaum rüna nu ker. Sidi
 32 puo kerleizha nhia ukâ petha: ma ukâa puo kepethadie
 sidi ukâ ngâta: mhakekreilamonyü puo die kuose
 33 kechüla. Sükisü terhuo mesakemo ruo keze miapuo
 34 kehoki nu baru, puoa shiekhoudi. Eish! Nazaret Jisu,
 ukâ keze kedipuo chüta? nâ hiekâ pekawa tuoüdi vâr
 35 ma? Nâ supuo shi, a n si; nâ Jihova mia kemesau zâ;
 si Sitse Jisu puo kechüdi sie, Melie hiedi partalie!
 sita. Sitse terhuo kesuo-u mia dânnu themia süu
 pfükelhoupie kijü shüwadi puothuo themia süu nunu
 36 puo pechüpenyü mozâdi parta. Süla mia pete mia
 ngâta, sidi ukâ duoniehwo üse, Hya! themia hau die

- kikidi hila? Mhakekreilamonyü puo mesakemo ruopfû-kâ ki puo die kekuo mu miapuorei zemvütalie kelhâ se mha pushürâ sükâ *puo die zedi partaya kezha ha!* sita.
- 37 Sûsia sükhie sümhou rûna chûkeba khekâ nu puo dze kepupie mhapuo chû tuota.
- 38 Sûsia puo kehoki nunu siedi tuopra di tuo Simon kinu le ru. Sükisü Simon kimia nuozuopfû ruki phi
- 39 zhü. Sitse ukâ puo la ukâ mezhiemelâta. Tsiu puo süpfû khieki thadi ruki khashûru, puo ruki mota: sitse süpfüsü tuorhü sieliedi mhachü ukâ tsûbata.
- 40 Sirâ niaki leta kezhü meseki themia kehupuorei ukinumia kechûkenyü neiü chûketuokâ ze puo ki vâr: sitse puo dze chapie sükâ biedi sükâ chûkeshûrhâ phreshü. Sükisü terhuokesuo miakrâpuo themia kekra geinu
- 41 pardi ruorür idi sie, Nâ Jihova Nuo zâmu ha! sita. Derei ukâ puoü Khristau zâ ûkechü siqetala puoa sükâ
- 42 kechûwadi sükâ bu die pu mota. Sûsia teisâ parlietse puo tuopradi tuose mia tuokemora puo vâ: sitse themiakâ puo pfüvâdi vâr puo tsâliê ru, ukâ puo khaze batanyüta. Sitse puo ukâ üe, A Jihova kedi dieliekevi pie
- 43 rûna kekrekikâ rei pethashûlie morâsuo; mhakekreilamonyü sûla a ketse keshü zâ; sita.
- 44 Puo sükisü Galil kijûnu kehokikâ nu mia petha ketuo zâ.

PITOR, JAKOB MU JOHAN NUOKÂ KIEKELIE

- 5 Sirâ themiakâ puo getei pfüdi Jihova die rûnyü ketha ki sükisü puo Genezaret zia khieki tha ru; puo
- 2 rûzia khieki sünu rou kenia badi ngulie; derei khuoketekâwe tuovâ ujal keshü bata. Tsiu rou süniasü puo
- 3 Simon rou muru, puo sünu lebaliedi puo bu puo rou khouse rûzianu salelienu sita. Sidi puo kebaliedi rou
- 4 nunu themiakâ petha. Sûsia puo diepu thawatse puo Simon üse, Rou khouse kesounu philie, sidi niekâ jal
- 5 kelhoushüdi khuo shûthia; si. Sitse Simon lasie, Kezhau, hiekâ teizei zha pete hiekâ teitsâ chüzâ, derei
- 6 mhapuorei ngulie mó zâlie; puothuo sishieri n die la a jal kelhou lashütuo; sita. Mu ukâ sishütse ukâ khuo
- 7 kekra bâlfe; mu ukâ jalkâ rei pata tuoüta; sûla ukâ dzieziepie ukâ krâmia rou kekrekikâ ketuokâ kiedi sükâ

- bu vâv ukâ keze kekhruohi nuta. Tsiu sūkâ vârdi
khuokâ chûpie rou keninia tsuliedi rounia rei rûle
 8 dzûnu leta tuoûta. Derei Simon Pitor sū ngutse tsu
 Jisu phi nunu khoutou pfûliedi sie, Harie Niepu, nâ
 9 tuo a theîrûr tay! a kephumamia zâ mu; si. Mhake-
 kreilamonyû ukâ khuo tephi kelie la Simon mu puo ze
 ketuokâ mu Simon ze kerhe ketuo Zebedi nuu Jakob
 10 mu Johan unia rei sa ukâ ngâta kechûla. Sûkisû Jisu
 Simon ûse. Nâ michie hiechie; thiayawinu n bu themia
 11 te tatuo: si. Sirâ ukâ ukâ rou ze rûzia khie parlietse
 ukâ uvie pete khawadi tuo puo sia medzita.

JISUA LEFRA KECHÛMIA PUO MU KERÛNYIE MIAPUO
 CHÛ KESHÛRHÂ KESHÛ

- 12 Sûsia Jispa rûna puony ba kechûki lepra chûphi
 ketuo miapuo fei sūnu haru, puo Jisu ngushû tsemetha
 13 tsu zerepfû zhûta. Sirâ puo ki puo mezhiemelâdi sie,
 Niepu, nâ n medâ râ, nâ a chûkeshûrhâ shû zâ tuo; si.
 Sitse Jisu puo dzie chapie themia sūu biedi sie, A
 medawe: n kechû bu viliechie! sishû. Sitsemetha puo
 14 gei lepra kechû jûta. Sûsia puoa sūu bu se miapuo
 kirei puhienudi sie, Tuo n kitsa vâdi n mâpie phichûu
 bu mehâchie, sidi mia bu silie ketuola Mosa pukeshû
 zhâ nu n chûkeshûrhâ kelie ruothâpuo chûwachie; si.
 15 Derei puo rûli *pukemo-u monyû* pukrakuo sata; sûla
 themia krâdi, puo die rei rûnyû tuoû mu ukechû rei
 16 chûkeshûrhâ shûnudi vâv kengulie. Sûsia puo tuo
 rûrdei miapuorei tuo kemora vâdi chabata.
 17 Tsiu khunhia Jisu mia petha tharu Farisikâ mu
 thezhâ kesikâ Galil mu Judia mu Jirusalem rûna khekâ
 nunu vârdi puo khie *lutsahatsa houpfû* ba: mu kechû
 18 chûkeshûrhâ kelie Jihova kekuo puo zetuo. Siru, harie,
 themiakrâ puo thezhû puo nunu kerûnyie miapuo pie
 vâv; sidi sūkâ themia sūu pie kinu ledi pievâ Jisu
 19 mhâdzûnu shû tuoû sie. Derei themia krathâr kechûla
 sūkâ puo pie le kelie cha pfû pejûta, di ukâ ki gei siedi
 mhakipuo biephaliedi puo zhû sadi puo khapie themia-
 20 kâ dânu Jisu mhâdzû tounu shû. Sitse puoa puo pie
 kevârkâ kepele nguliedi themia sūu ûse, N kephumakâ
 21 vashû n tsûwate Ro! sishû. Sitse leshûkesithâkâ mu

- Farisikâ pekhredi kepudi sie, Jihova thaya kezha themia hauha themia kikechûpuo ga? Jihova zâ kemosia supuonie mia kephuma vashû mia tsûlie viga? 22 sitha. Derei Jisu ukâ noudâkâ siliedi lasie ukâ üse, 23 Neikâ kikidi niekâ nou sikechû leya ga? N kephumakâ vashû n tsûwate ho, ikechû kepu, mu, Siedi chatuolie chie, ikechû kepu; die, sünia kiu pu rûukuo 24 tuo ga? Derei kijû themia kephumakâ vashû tsûlie ketuo Themia Nuo kekuo ba kechû niekâ bu silienu 25 kechûla (puo kerûnyien üse). A n bû siedi n zhû se n kinu vâlie chie; isikechû pukeshû zâ. Sishûtsemetha puo ukâ mhâdzünunu siedi puo zhû chû sedi Jihova 26 tsezâ se puothuo puo kinu vâta. Sûla themia petekâ ungâdi sükâ rei Jihova tseta; sirâ ukâ miehie phi sadi sie, Thia ukâ mhakethekhrû kechû krâpuo nguze; sita.

LEVI KIEKELIE, MU MEVÂ KRECHÛ DZE

- 27 Sirâ hakâ chûkewa sia puo tuopra zhûru puo za Levi ükechû thesâkelie miapuo thesâkelie kinu badi ngulie, 28 sidi puo üse. A siamedziliechie! sishû. Sitse themia 29 sün puo *kam* pete khawadi sie puo siamedzita. Sûsia Levi puo la mia ze vâ puo kinunu hiephi: sirâ thesâkeliemia kekra mu mia kekreinia huo rei sa vâ ukâ 30 keze hie. Sükisû Farisikâ mu ukâ leshûkesithâkâ puo pethakeliekâ gei kenyadi sie, Niekâ kedipuo chûdi thesâkeliemia mu kephumakâ ze mbachû mhakriaya 31 ga? sita. Derei Jisua lasie ukâ üse, Keshûrhâmia daru kesimia zepie mhapuori kechû jû; derei *daru kesimia* 32 kechûmia la zâ. A kephumamia bu umou kedilie nu kechûla uthâû miathâkâ kie tuoü vâr mba; sita. 33 Sitse ukâ puo üse. Johan siadzikâ mevâ mu chakuophi: sirâ Farisikâ siadzikâ rei si; derei n siadzikâwe 34 mbachû mhakria baya kezba ze; sita. Sirei Jisu sükâ üse, Miapuo themuliedi miaze hie kechûki yasau kebanu 35 puo khriethâkâ bu mevâlie vi ma? Derei puo tei vârtuo; mu puo khriethâkâ kinu Yasau zetatuou kechûki, 36 sükisû sükâ mevâtu: sita. Sirâ puo ukâ ki dievii puo rei pusa: Miapuorei pfe kesa geinu huo rhapsie pfekra gei shûdi pekhuo kesaya mba; siûmha lirâ puo kesau rei chierhawâto, mu kesau geinu chierha se kevâu rei puo krau ze kembiamo tatuo.

- 37 Sirâ miapuorei khuobedzû kesa üse chûzhüstü kewenu
shüya mo; sishüümharâ khuobedzû kesaa chûzhüstü
38 pfûphawatuo, sidi kratatuo, mu chûzhüstü rei pekawa-
tuo. Derei khuobedzû kesa pie chûzhüstü kesanu shüzâ
39 morâsuo. Sirâ miapuorei khuobedzû kewe kria badi
kesa menguya mba: puoa kewu zârei vi üya; si.

**KERLEIZHANHIA PETHAKÉLEKÂ TELHA KRE MERHE
KECHÜ MU, JISU DZIESIA MIAPUO DZIE CHÜPEVI
KESHÜ LA KENYA KETA**

- 6 Süsia kerleizha puo nhia puo tuose mia lievu puonu
tsuzhü ru; puo siadzikâ telha kre merheliedi udzie
2 nuu menuokhâ chütuo. Derei Farisikâ huomia ukâ
üse. Niekâ kiüdi kerleizhanhia chûkechü uzhâkemokâ
3 chüya ga? sita. Sitse Jispa lasie ukâ üse, David mu
puo ze ketuokâ thiadzü merlie ru. puo Jihova kinu
4 ledi phichümia zâ kemosia chûkechü uzhâkemo se mia-
kiaketuo niekhrüda liepie chü, sidi khapie puo ze
ketuokâ rei tsü, ikechü niekâ pbrü mba ma? sita.
5 Sidi puo ukâ üse. Themia Nuo-u kerleizha mhâ rei niepu
we; si.
6 Süsia kerleizha kekreibuo nhia puo mia kehoui nu
le mia petha: ru sünu miapuo puodzie thezatsa
7 siatadi ba. Tsiu leshükesithâkâ mu Farisikâ puo kerlei-
zhanhia mia chûkeshürhâ shütuo momo shi? idi puo
mehâ ba; mhakekreilamonyü sükâ Jisu pejâ nyü kechüla
8 zâ. Derei puo themia sükâ nouda siliedi, puo *themia*
puodzie siaketau üse, Siedi themiakâ dânu thalie chie!
9 sishü. Sitse themia süu sieü mia mhâdzü thata. Sitse
Jisu ukâ üse, A niekâ ki miapuo ketsâ nyütha: Kia,
kerleizhanhia mhakevi chü zhü, mo mhakesuo chü zhü
ga? Mo mia sekeia zhü, mo mia biekhü zhü ga? si.
10 Puo sishüdi reivâ puotsei lutsabat-sa kethakâ mehâ
phreshüdi themia süu üse, N dzie chashüchie! sishü.
Sirâ puo puodzie chashü: sitse puo dzie chüpevishü puo
11 tsü. Derei themia sükâ naimephidi Jisu üse kedipuo
chüwarâ vitieshi, ikechü kepu bata.

**APOSTEL KAM CHŨ KETUOLA MIA KEBEKENIA
KEDAKELIE**

- 12 Sirâ sükisü puo cha tuoŋdi kijũthou gei vâ, sidi puo
13 teizeizha pete Jihova ki chaba tsâ. Sũsia teisâlietse
puo siadzikâ kielie: sirâ puo sũkâ dãnunu mia kerekenia
14 kedalie, mu sũkâ ũse apostel zathâlie; sũkâ za: Simon
kenuotsa puo za Pitor thâ ketau, mu puo siazeu Andria,
15 sirâ Mathi mu Thoma, tsiũ Filip mu Bartoloma, sirâ
Jakob mu Johan, sirâ Alfia nuo Jakõb, mu Simon
16 puorhie kechũu, sirâ Jakob nuo Juda, mu Iskariot Juda
17 kenuotsa Jisu tekeshũu. Tsiu puo sũkâ ze kordi kijũ
thezha kipuo thalie; sũkisü puo siadzikâ rei themia
kekra, mu Judia petenu mu Jirusalem sirâ Tur mu Sidon
kijũ dzũkezha khie tsatienu themia kraphi puo die
rũnyũ tuoŋdi mu ukechũ rei chũkeshũrhâ utsũ nudi vâ.
18 Sirâ mesakemo ruopfũ ou pkebi see kũtuokâ rei chũ
19 pevishũ. Sitse themia sũki ketuo khekâ puo nyũ nyũ
phreta: mhakekreilamonyũ puo geinu kekua puo pardi
mia shũrhâ phrelieta zhũ kechũla.

JISUA KIJũTHOU GEINU MIA PETUA KECHũ

- 20 Sũsia puo tãsie puo siadzikâ mehâdi ukâ ũse, Niekâ
mhakejũkâ ruokothâ: mhakekreilamonyũ Jihova kedi nie
vie zâ kechũla. Niekâ tsie mer kezhakâ ruokuothâ: mha-
21 kekreilamonyũ niekâ pevũlie ketuola. Niekâ tsie kraya
kezhakâ ruokuothâ: mhakekreilamonyũ niekâ nyũlie tuo
22 kechũla. Niekâ Themia Nuo la mia niekâ mechũ ketuo.
mu mia niekâ melia mu nie tha mu niekâũ suo ŋdi
23 niekâ za peka ketuoki ruokuothâ. Niekâ sũnhia niekâ
neiliechie, sidi niekâ keneipũ niekâ dâ chũliechie: mha-
kekreilamonyũ niekâ teigei nu mha methuo nguphie
ketuo la. Ukâ puonuokâ siadzekesikâ rei ũse sũkemhie
24 chũzâ kechũla. Derei tsie niekâ mhanyi kebakâwe,
che! mhakekreilamonyũ niekâ tsie mha niekâ noukeluo
25 ngulie ketala. Niekâ tsie pevũ kebakâwe, che! mha-
kekreilamonyũ niekâ mer tatuo kechũla. Niekâ tsie
nyũkebakâwe, che! mhakekreilamonyũ niekâ thesia
26 niekâ nousuo mu kra tuota ketuola. Themia pete niekâ
tse lirâ, niekâwe che! Niekâ puonũgokâ ketijũ siadze-
kesikâ rei ũse sũkemhie chũzâ kechũla.

- 27 Derei niekâ a die rünyüya kezhakâ, niekâwe niekâ
ngumvükâ khrieñchie, mu mia niekâ mechüya kezhakâ
28 gei nie zhâ viliechie. Niekâ japie mianiekâ rüseya kezha-
kâ tsüchie ; miekâ mia niekâ peseya kezhakâ la rei chalie-
29 chie. Miapuo nie niekâ dzâ tietsatiepuo vürâ, kekrei
tsatie rei kereila shü puo tsüchie ; tsiu n pfe selie tuotü lirâ
30 n boulie rei kha puo tsü khriechie. Themia kehupuorei
n ki mhapuo charâ, se pfo tsüchie ; mu mia n vie seseta
31 râ chala hie. Sirâ mia niekâ gei kikechüpuo chüshürâ
niekâ nei sñü niekâ rei mia gei sükemhie chüliechie.
32 Tsiu niekâ mia niekâ khriekezhakâ khriezâ lirâ, supuonie
nie kevi puta ? Themia mha kesuo kechümia rei mia
ukekhriekâ khrieja ze.
- 33 Tsiu mia niekâ gei uzâ viya kezhakâ niekâ sükâ gei
nie zhâ vi kezha zâ lirâ, supuonie nie kevi puta ?
34 Kesuo kechümia rei sükemhie chüya ze. Sirâ niekâ
mhapie mha khala nie tsülie ketuo kepelemia thepu
kezha zâ lirâ, supuonie nie kevi puta ? Kesuo kechümia
rei mha khapie mia ketsü de ngula kelie peledi mhapie
35 kesuo kechümia thepuya. Sirei niekâwe niekâ ngumvü-
mia rei khrielechie, mu sükâ gei nie zhâ viliechie, sirâ
nie miapuo geirei nie shüshüta biedi mhapie thepu chie.
Siya lirâ nie mhamethuo nguphie tuo, mu niekâ Kezha-
thâu nuonuo chülietuo : mhakekreilamonyü puo miau-
ngumezhie rei mia üse ungumezhie üya kemokâ mu ker-
36 zhükâ geirei puo zhâ viya zâ kechüla. Nie Puo teigei
kebau mia ngumezhie kezha tuoi, niekâ rei mia ngume-
zhie chie. Niekâ mia kejâ pfühie, simolierâ miarei
nie kejâ pfülielâ : niekâ mia pejâhie, simolierâ miarei,
37 niekâ pejâ lielâ. Niekâ mia kejâ vashü mia tsüchie
38 silie lirâ miarei nie kejâ vashü nie tsütuo. Niekâ mha
kha mia tsüchie, silie lira miarei mha kha nie tsütuo ;
sizâmonyü mia medâ pevüphi mu neketetâi, mu kesü rei
sa, mu tsuzie rei sapie nie pfenu shüshü nie tsütuo.
Mhakekreilamonyü nie mhanunu medâ keshü, miarei
sünunu medâla shü nie tsüzâ ketuola. Sita.
- 39 Süsia puo dievipuo reipie ukâ ki pusashü : Mhi-
chiemia thuo chathapie mhichiemia kiale vi ma ?
Siütha lirâ unia keninia te thekhe nu leta mo tuo ma ?
40 Mia bu upetha keliemia, sümia puo kepethau ki zha-
mba. Derei kehupuorei mhakehupuo nurei vitseilie rä,

- 41 puo kepethau mbielie tuo. Sirâ nâ kiûdi nthuo n
 mhinu kithe kebau lemodi n siazeu mhinu kerhu mehâya.
 42 ga ? Morei nâ kikidi nthuo n mhinu kithe kebau mehâmo-
 zâdi n siazeu tise, A siazeu, abu n mhinu kerhu kebaya
 kawachie ! ikechû pulie viga ? Nâ kethera kezha,
 nthuo n mhi nunu kitheu thawa periachie, silie lirâ
 süsiawe nâ n siazeu mhinu kerhu kebaya rei ngumeyie
 43 meluoliedi kawalie tuo. Stzâmonyü seibâ kevi puorei
 puo si kesuo vûtaya mo ; mu seibâ kesuo puorei puo si
 44 kevi vülieya chie mo. Sirâ seibâ kehupuorei puo si
 geinu mia bu puo silieya kezha zâ. Tsiu zohubâ geinu
 mia chidesi riachüya mo ; morei mvüteibâ geinu rei
 45 mia khuobesi riachüya mo. Themia kevimia puo nou
 keba puovie kevikâ nunu mhakevi pie parya ; tsiu
 themia kesuomia rei puovie kesuokâ nunu mha kesuo-
 kâ pie parya ; mhakekreilamonyü themiaa puo noudâ
 kekra nunu puo tia bu mhapuya kezha zâ kechüla.
 46 Sirâ niekâ kiûdi a niekâ bu chünudi pukeshükâ
 47 chüyamodi a üse. A niepu, a Niepu, isiya ga ? Themia
 kehupuoreia ki vârdi a pfe rünyü, sidi a dieze ikezhania,
 sümia suomia mhie shi, a süsü tha niekâ kia-shü tuo :
 48 Sümiaa themia kijü thie pesou tsudi ketsie geinu uki
 mvüdze keliemia mhie zâ : silie lirâ kerüdzâdi kelieki
 rei kru par ki süu zeupfûta tuoü sie zârei, ki süu rünia
 lielhâ zâ : mhakekreilamonyü ki süu chükemeteise
 49 kewala. Derei kehupuorei a die rünyüdi a die zeya
 kemomia themia puo ki mvüdze chükemetei modi rünyâ
 mhânu puo ki kechümia mhie zâ. Kerüdzü krupra ki
 süu zon ru tsâ mhata, di ki süu kadika.

JISU CHÛPAIHIMIA KRIAMHÂ KEZHAMIAPUO KITUO-U
 CHÛKESHÛRHÂ KESHÛ

- 7 Puo die hakâ pu thepie themia nyienü shükewa sia
 tuo Kafarnaum nu vâ.
 2 Sükisü chûpaihimia kriamhâ kezhania puo kituo
 3 puo khriethâpuo mhachüdi siatovûta tuoü zhüta. Mu
 themia süu Jisu dze silietse Judamia pehümia huomia
 ketse puo ki shüdi puobu vâr puo kituo-u sekelashü
 4 nudi puo ki puo mezhiemelâ. Tsiu themia sükâ Jisu
 ki vârlietse puo ki ukâ mezhiemelâ beidi sie, Nâ themia

- 5 hauha ngumezhie shûrei zhûse kechûpuowe : mhakekrei-
lamonyû puo hiê themia mia khrie pereya. sidi puo hie
6 kehouki rei chûshû hie tsû kechûla ; sishû. Sitse Jisu
themia sūkâ zeyâ. Di vâ kitsâlie ketuo chabamo ketaki
kriamhâ kezha sîusû puo krâmia huomia ketse puo ki
7 shûdi puo üse, Niepuu, nâ vâ kemezhie tuo bahie : a
sûla ~~amylhû~~ rei n ki kâvâ lepie a ziejûdi vâmote : derei
8 nâ diechâpuo pushû zârei a kituo-u shûrhâlietuo. A
rei kezhamia khâ tuoya kezhamiapuo, mu a khâ rei
chûpaihimia ba. Sirâ a miapuo bu. Nâ tuo vâchie
isirâ puo adiezedi vâya ; mu kekreibia puo bu vârehie,
sirâ puorei vâya ; mu a kituomia bu, Nâ mha hau
9 chûshûchie, isirâ puo chûshû atsûya sita. Sirâ Jisu
rei die sūkâ siliedi themia sîn rûli sipie puo ngâdi
reipradi themia puo siamcdzi phi ketuokâ üse, Harie a
nickâ ki pushûtuo, Israelmia dânu rei ukepele kezha hade
10 nguchie mo : sita. Niepumia uketsekeshû sūkâ la kinu
vâ ru, vâ kituo sîn shûrhâ baketa ngulie.

JISUW THENU SAMIPFÛPUO PUONU SIATARU PERHELA
KESHÛ

- 11 Sûsia chaba kemonu puo tuose Nain ükechû rûna
puonu vâ ; mu puoa pethakeliekâ rei mu themia krâdi-
12 puo reisa puo zevâ. Sirâ puo tuo rûna sîn kharu penno
vâzhûtse mia kesiamia puo pie prata zhû ; kesia sîusû
puo zuo nuo pfûli zâ, mu thenu sîpfû sûci samipfû puo :
mu rûna sînusînu themia kekra thenu-sîpfû ze prazhû.
13 Tsiu Niepau puo ngutse puo ngu puo noumezhiadi puo
14 üse Nâ krahie chie ! sita. Sidi puo tuo sūkâ penno phidi
15 mâpiera bie : sitse puo kepiekâ seithata. Sitse puo sie,
Khrjesau, nâ sierlie chie ! sishû. Sitse siaketan sie
baliadi die pu chielie. Sidi puo puo khapie puozuo ki
16 shûlawa. Tsin themia pete michie phidi Jihova tsemi
sie, Siadzekesi kezhapuo udânu sierte ! sita. Sirâ, Jihova
17 vâ puo themiakâ mehâ. Tsiu puo dze die hau pu se
Judia kijû petenu mu rûna sûkhie sîmhau keba khekâ
nu vâta.

JOHAN BAPTIST ÜKEZHOU MHA KETSÂ KECHÜ JISU
PUO KI MHA PULA KECHÜ. KEPETHADIEHUO SA

- 18 Süsia Johan siadzikâ mha sükâ petepie puo ki puphre-
19 shü. Sitse Johan puo siadzikâ mia kenia kieze puo ki
vârdi sünia ketsepie Niepuu kishüdi sünia bu, Nâ vâ-
tuoü ketuo-u ma ? mo hie bu kekreibuo pfela batuo ga ?
20 ikechü ketsâ nushü. Tsiu themia sünia puo ki vâdi sie,
Johan baptist ükezhau hienia ketse pie n k' shülie ; puo
hienia bu, Nâ vârdi tuoü ketuo-u ma ? mo hie bu kekrei-
21 puo pfela batuo ga ? ikechü ketsâ nushülie ; si. Süki-
sü Jisu mia kechükenyü neiükâ rei, kechü kerekâ rei,
mu kesuo ruopfü bu ukebi seketuokâ rei, kekrahükeshü-
rhâshü ; sirâ mhichiemia kekra mhi rei chü pevilashü.
22 Tsiu puo lasie sünia üse. Nnie tuo vâliedi nnia kesi
kengu khékâ pie Johan ki pushüchie ; mhichiemia rei
mha ngulalieta zhie, kefünymia rei chatuolie tazhie,
lepramia rei chükemesa lalie tazhie, nyiemvümia rei
miapfe silalie tazhie, kesiamia rei chüperhei lalie bate.
23 Sirâ mhachapuo nurei a gei ja motâ zâkechümia ruokuo-
thâ. Sishü.
- 24 Süsia Johan chalie chükevârkâ tuotatse puo Johan rüli
pupie themiakâ petha tuoüdi sie, Niekâ nhanu kedipuo
mehâ tuoü pra ga ? teikhria bu hekenie kelie tekhriebâ
25 pfü ma ? Mo niekâ kedipuo mehâtuou vâ gâ ? themia
upfe unei kevi sekezhama ma ? Themia upfe unei mha-
ma kere neiükâ se kechümia mu ketheguodi lhou
kezhama kedimia kinu baya ze. Derei niekâ kedipuo
26 mehâ tuoü pra ga ? Siadzekesimia puo ma ? U ükechü
a pulie vi. Mu sizâmonyü siadzekesimia ki rei zhakuo
27 kechüpuo zâ. Puo dze thiadzü thupie tuo kechü :
- Harie, n zie kengu mhâdzü a achaliemia ketzeshü tuo ;
28 Mu puo n mhâdzü nunu n cha kesetuo ;
süsü puo zâ. A niekâ ki pushü tuo thenumia geinu
lhou keprakâ dânu Johan ki kezha puorei lhou sier
mo ; derei Jihova kedinuwe kechüu zârei puo ki zha.
29 Sirâ themia petekâ, mu thesâkeliekâ rei sa, Johan die
sidi Johan baptism se ukâ baptaz chüliedi Jihovaü
30 mezhü üte. Derei Farisikâ mu thezhâ kesikâwe puo
bu ukâ baptaz chümvüdi ukâ thuo nu Jihova medâ
zemvüte.

- 31 A tsiedâ nuokâ ha se kedipuo ze kemejü râ puotou
 32 ta ? morei ukâ kedipuo ze kemhie ga ? Ukâ nhieh-
 uomia lhithâchûnu badi *umeruochüdi* huoniehüo üse,
 Hie luoü khoushü nie kia, derei nie niedâ chülie mote;
 hie thekrü chüshü nie kia, derei nie kra reilie mote.
 33 Süsütuoï Johan baptist ükezhau vâre kechü niekhrüda
 rei chü mo, mu khuobezu rei kria mo ru, niekâ puo
 34 üse, Puo terhuo kesuo ze kepekhwiya ; si. Themia
 Nuoâ vâre kechü mhachü mhakria ru, niekâ puo üse,
 Harie kechü khu khuobezu kekria khu puo, thesâke-
 35 liemia mu kephumamia khriethâ puo ! site. Siüderei
Jihova dâ zeyakezhakâ nuonuokâwe sü üse mezhü ü
 phrezâ.

THENU THIADZÜ RÜZHÜ KESIER PFÜPUO JISU PHI
 KHPÜ KECHÜ

- 36 Süsia Farisimia puo puoze hienyüdi puo kieta. Sirâ
 37 puo Farisiu kinu ledi mhachü tuoüdi kebalie. Sükisü
 rüna sünu thenu kerüzhü pfüpuo tuoya ru ; thenu-
 süpfü puo Farisiu kinu mhachü tuoüdi ba ükechü
 silledi alabaster tier boupuo pievârdi puo siatsa thadi
 38 kratha : sidi puo puo mhidzû bu pâtsu puophi vava
 tha. sidi kenuo puo tsütha pie puophi süwadi puophi
 39 mebâ sirâ puo tierpie puophi kenhe itha. Sitse Fari-
 siu puo bu hienudi puo kiekehüu sükâsü ngudi puo-
 thuo lukhrânu puo rüchüdi sie, Themia hauha siadze-
 kesimia ülrâ, thenu puo biekethapfûha thenu kike-
 chüpfüpuo mu thenu kesuo hiekehüha sikelië mese !
 40 sitha. Sitse Jisu lasie puo üse, Harie Simon, a nki die
 41 huo punyü balie. Tsiu puorei puo üse, Kepethau,
 pushüchie. Si. Raka se mia pecha kezhamiapuo mia
 kenia puopu pfüzhü : unia miapuo doulei kria pengou,
 42 mu miapuo hiepengou pfüzhü : Themia süniassü mhapuo-
 rei se thepu chülie kenjüta kechüla puo unia ngume-
 zhiedi vaphreshü unia tsüwata. Ka, sirâ themia sünia-
 43 sü kiu puo ngupie puo neikuoü tuo ga ? Simon lasie
 puo üse, kekra vashü puo ketsüu zâtuo pekruo ; si. Si-
 44 tse puo puo üse, Nâ rei letoudi puzâ ; si. Sidi puo reila
 pra unupfû mehâdi Simon üse, Nâ thenuhapfû ngutha
 mo ? A nkinu keler ki nâ dzü puorei khashü abu aphi

- khrü mo : derei thenuhapfüwe puo mhidzüpie aphî tse^{ti}di
 45 puo thapie süwe. Nâ a mebâ ohfemo : derei puowe a
 46 nkinu lertse metha aphî mebâba tsie tsâ. Nâ tier 'pie
 47 atsü va mo ; derei puowe tier pie aphî rei kenhe. Süla,
 harie, a nki pushü tuo : Puo kephuma rethâr tuo keta-
 kâ vapie puo tsüwate ; puo a khrie a rhuphi kechüla.
 Derei vapetsashü puo ketsüu puowe mia khrie petsa.
 48 Si. Sidi puo thenusüpfüsü* üse, N kephumakâ vashü n
 49 tsüwate ho ! si. Sitse ukâ puo ze mhachü kebakâ ukâ-
 thuo kepudi sie. Themia kephuma vashü mia tsükezha
 50 themia hauha kikechüpuo ga ? sibata. Süsia puo unu-
 pfü üse, N kepele thuo n kelaliete ho ! vâ n nou mene
 batalie ! siwa.

JISU GALIL KIJÜ NU KEVÄ KENIAU

- 8 Süsia zhachabamodi Jihova kedi dieliekievü se rüna-
 nadikâ nureimu natsekâ nurei vâ mia petha rühou luki-
 2 haki vâ. Sükisü kerekeniakâ rei mu thenumia thiadzü
 kesuo ruopfü bu ukebize di mhachü fuoru chükemene
 kewa krâpuorei puo ze vâ : thenusükäsü Maria Magdalin
 3 ükezha puogeinu terhuo kesuo thenia praketa pfü. sirâ
 Herod kituo-n Chuza kimia Joana, mu Susana, mu ukâ
 viepie hakâ kese ketuo kekcreimia kekra re sa.

LIECHHEMIA PUO TSIA KEVÄ DIEVII

- 4 Sirâ themia krâdipuo rüna khekâ nunu puo ki vâ
 5 kengulietse puo dievii üse ukâ petha :—Tsia vaketuo
 puoa puo lhatsia va tuoüdi tsu ru : puo tsia vashütse
 huo tsu chakhie zhüta ; sidi miabu uphipie kedewa,
 6 sirâ teirakâ thuo pachülie. Sirâ huo tsu ketsie tsârü gei
 zhüta ; sidi tsüpar tsemetha rüwi tâita, mhakekrei-
 7 lamonyü puo jü nhuo mo kechüla. Sirâ krâpuo zohubâ
 dânu tsuta ; sidi zohukâ sakeze zhasierdi sükâ gekhriwa.
 8 Derei kekrekikawe tsu rünyâ kevinu zhüliedi lhou zhasier
 si puo gei si kriä puopuo vülie. Puo die sükâ pushütse-
 metha puo diepu petâdi sie, Themia kehupuorei unyie
 kenyimä sümia bu rünyüliechie ! si.
 9 Süsia pethakeliekâ puo ki dievii süu puo cha kedipuo
 10 shi kechü ketsâ. Sitse puo sie, Jihova kedi die kesoukâ
 niekâ bu silienudi kha niekâ tsüwe : derei kekrekikâ

- kiwe dievii se puya ; mhakekreilamonyü sükâ bu mehâ
 11 rei ngulie mo, sirâ rünyü rei silie mo ketuola. Sirâ
 12 dieviuwe hauha zâ : Telhatsiakâ Jihova die zâ. Sirâ
 chakhieki ketsukâwe, sükâ die rünyülietse metha
 Satan vârdi ukâ bu peloliedi ukâ kelaliemo ketuola ukâ
 13 nounu udiekâ sesetaya kezhakâ zâ. Sirâ ketsie tsâru
 gei ketsukâwe, sükâ udiekâ silietse uneisiedi lielie ; sirei
 ukâ mie jüdi zâpuoki rürbei pelebadi, dâphi puo phir
 14 kechüki latayn kezhakâ zâ. Sirâ zehubâ dânu ketsukâwe,
 sükâ udiekâ siliedi lhousa zaphi râ, tsiedâ kelhouki merei-
 kâ mu nkinyikâ mu unei myü kechükâ bu uti pejtüwadi
 15 usi vü lâtsâlie motâ ketakâ zâ. Sirâ kijü kevinu ketsu-
 kâwe, sükâ udiekâ siliedi diethâ mu unou mezhüdi khawa
 mo vâtsâlie sidi ushüshüta modi usi vükeliekâ zâ.
 16 Sirâ miapuorei mi petupie mbaü bâpie baya mba,
 morei pie tlezhü khrâ shüpie baya mo ; derei kelekâ bu
 17 mhangu ketuola pie miba gei shüpie baya. Mhakekrei-
 lamonyü se mia pesishü lielhâ ükechü mhakepekhre
 puorei jü ; morei meyie pardi mia pesi pengu shü lielhâ
 18 ükechü mha kerüshü kerüvie puorei jüzâ kechüla. Niekâ
 rünyü mennolie tuoü kechüu nie teitsâ chüliechie : mhake-
 kreilamonyü themia kehupuorei mha puoki tuo kechüu
 kha puo tsü sashütuo ; mu themia kehupuorei mha puo-
 ki tuokemo-u, puo tuo üdi lekezhakâ rei puo dzie nunu
 chü setatuo.

JISU NUOZUO MU PUO SIAZENUOKÂ PUO PFÜ KEVÂR

- 19 Sûsia Jisu nuozuo mu puo siazenuokâ puo ki vâr ru,
 sükisü themia krathâr ba kechüla ukâ puo ki lielie suota.
 20 Sirei mia puo ki, N zuo mu n siazenuokâ n ze kengushü
 21 nyüdi vâr kitia thalie ; sishü. Sitse puo ukâ üse, Themia
 kehupuorei Jihova die sidi puo die zeya kezha hakâ
 hauthâ azuo mu asiazekâwe ; sita.

JISUA DZÜKEZHA PUO CHIE VÂZHÛRU TEI RÛKHRIA
 KEMERIE CHÛSIEDI KECHÛZEI KEWA ; SIRÂ
 SÛU TSE VÂZHÛRU KENYAMIA NGULIEDI
 PUO CHÛKEMENTE KEWA

- 22 Sirâ khunhijazzo puo mu pethakeliekâ sadi rou pounu
 lebalietse puo ukâ üse, Khe! ukâ touse dzükezha khie

- 23 latsatie pfü khe! sita. Sidi ukâ rou ze tuovü. Derei ukâ tuotuo vâzhûru puo *rüngûdi* zeta: sirâ sükisü dzükezhanu tei rûkhria kemerie chûvâr; tsiu dzü ler ukâ rounu tsuta tuoü zhükechü nguliedi michie phita.
- 24 Sidi ukâ puo ki vâ puo kesoudi sie, Kepethau, Kepe-thau! ukâ siata tuoü zhie! sita. Sitse puo chäsiedi
- 25 teikhria mu dzü rüpfü kezükâ ruoshü: sitse sükâ kemerie chûsa modi zeita.

Sitse puo ukâ üse, Niekâ kepele kirapuo tuota ga? sita. Sirâ ukâ michiedi ungâsadi huônichuo üse, Teikhria mu dzü kirei mhapushü râ, sükâ thuo rei puo die zeya kezha themia hauha themia kikechüpuo dimu? sita.

- 26 Sûsia ukâ Ga'il mhâdzütsatie Gerasin mia kijînu
- 27 vâlie. Tsiu puo tuo ke-ânu pralietse rûna sünusînu terhuo kesuo bu puo kebize ketuo, mîapuo par puoze keselie; mu themia süsü puopfe puonei seyamo keta
- 28 mu mekhrukâ nu sia kinu bayamo keta chaphita. Sükisü puo Jisu ngutse shiekhoudi tetso puo mhâdzînu zhûta, tsiu puo melie puo rhie chûdi sie, Kezhathâu Jihova Nuo Jisu, Avu keze tuo kedipuo chûta? N bu a pechüpenyü hienudi a uki a mezhie melâyâwe! sita.
- 29 Mhakekreilamonyü puo themia süu geinu mesakemo ruopfüu bu prata nudi puthata kechûla. Ruopfü süu hamhâdzûba puo ketsi ze tuota: mu mia bu puo pfe-baya zâ, tsiu thezhûrâ mu phikha se puo phapfü baya-zâ; derei puo kepha sükâsü bietse phaphawadi terhuo kesuo-u bu puo whuoze nhakâ nu t-utataya kechûla.
- 30 Sükisü Jisu puo ketsâdi sie, N za supuo ga? si. Sitse puorei sie, A za Legion! sita. Mhakekreilamonyü terhuo kesuo kekra puo nu lebata kechûla. Tsiu ukâ puo bu ukâ ketsepie kesouthâu nu shûhie nudi puo ki ukâ
- 31 mezhiemelâta. Sirâ sükisü mia thevâ krâdipuo whuo-tsu kijûthou gei mha ngechü tuo ru: terhuo kesuokâ puo bunu ukâ khashû râ, ukâ bunu thevâkrâu nu vâta-nu kechü pushînudi puo ki ukâ mezhiemelâta. Sirâ
- 32 puo ukâ bu vâlie nushû. Sitse terhuo kesuokâ themia süu geinu pardi thevâ krâu leta. Sitse thevâkrâ süu tarûsou tsiekhie kha tsudi dzükezha nu ledi ukâ pelheikhri phrewa.
- 34 Sitse ukâ kepfekâ mha sükâsü ngudi tavâ rûna nurei

- 35 mu lienu kebakâ kirei puphreshü. Süla ukâ kedipuo chü
 shi kechü mehâtuafi vâ ; sidi ukâ Jisu ki vâ ru, vâ puo
 geinu terhuo kesuokâ whuokewau mechieliedi puo pfe
 dziedi Jisu phinu bakechü ngulie : siru ukâ michie phita.
 36 Tsiu sümhâdzü iaha sükâ kengukâa themia terhuokâ bu
 puo kebi zetuodi puo chüpevila keshüu dze ukâ ki pushü.
 37 Sirâ Gerasin rûna khie lutsahatsa keba khékâ puobu ukâ
 khiera bahiedi tuota nuta ; mhakekreilamonyü ukâ mi-
 chie thâr baketa la : sitse puo le roupuo nu baliedi tuota.
 38 Sirâ puo geinu terhuo kesuokâ praketau puo bu puoze
 tuo nudi puo ki puo mezhie melâta : derei Jisu puo
 39 ketsedi sie, Nâ nthuo nkinu lavâliedi Jihovaa n ngume-
 zbie pie kedipfü kemhie chüshü shi, süsü rei se miaki
 pushüchie Sirâ puo rei vâdi urûna petekânu Jisu
 puo ngumezhie pie kedipfü kemhie chüshü shi kechü
 pu rûkhruo tuota.

JAIRA NDOPFÜ KESOUA KELIE, MU THENUMIA PFÜ-
 PUO REI CHÜKESHÜRHÂ KESHÜ

- 40 Süsia Jisu *Gerasin rûna nu vâdi* lavârlietse themia
 krâdipuo *uncidi* vâ ru puo zelié ; mhakekreilamonyü
 thenia sükâsü pete puo kevâr mer-kelhâ bazâ ketala.
 41 Sükisü puoza Jaira ükechü miapuo vâ ru, mu themia süsü
 kehoukinu pehü puo : puo tsu Jisu phinu zhüliedi puo-
 42 bu puo kinu vânu kechü cha beita ; mhakekreilamonyü
 themia süsü puo nuu thenu nuomia chie kerekenia
 nuoyâpuo rûrbei nyikechü zâru, süyâsü siata thenyüsia
 zhüta kechüla. Sirâ Jisu tuoshü zhü kechüki themia
 puo ge toutou zhüta.
 43 Sükisü chie kerekenia thezia kru ketuo pfüpuo, puo
 44 vie pete pekapie darukesimia tsü, derei viliehâ keta
 pfüpuo Jisu siatsanu vârdi puopfe phrie bieshü ru :
 45 thezia kru mo mhata. Sitse Jisua sie, A bie kechüu
 supuo ga ? sidi ketsâta. Sitse mia moü phreta ru, Pitor
 mu puoze ketuokâ sie, Kepethau, themia n getoutou
 46 tuo ze ? sita. Derei Jisua sie, Miapuo a bie zâ mu ;
 mhakekreilamonyü ageinu kekuo praketa a silleta zeru ;
 47 sita. Derei thenusüpfüa rûshülie kenjüta zeru idi mi-
 chiepie pe rûsü rûsa idi vâ ru, sidi tsu puo mhâdzünu
 zhüliedi puo kedipuola Jisu bieshi ikechü mu puo shürhâ
 mhata kechü *üzepie* themia petekâ mhâdzü nunu puta.

- 48 Sitse puo süpfü üse, Anuopfü, n kepele thuo n chükeme-
neshü ho : mu nâ vâdi n nou menê bata luo ! sishü.
- 49 Puo die sükäsü puketha nu kehoukinu pehüu kinunu
miapuo vâdi sie pehüu üse, n nuopfü sü siate ! mu nâ
50 kepethau bu kemezhie tuo bahiechie ! sita. Derei Jisu
diestü sidi lasie puo üse. Nâ miehie hiechie ! Peleu pele
51 zâliechie. Silie lirâ puo bu rhei lalie tuo ; sita. Sidi
Jisu vâ ki süu tsâlietse pho Pitor mu Johan mu Jakob
mu nuosüpfü nuopuo mu puo zuo nâkâ sia miapuorei
52 bu puo siamedzi kinu lemvüta. Sükisü mia kradi puo
krü phitharu : puo ukâ üse, Niekâ krahiechie ; mbake-
kreilamonyü puo siata mba, derei zekezhü zâ ; sita.
- 53 Sitse ukâ puo siata zâ kechü sikechüla puo krenyüta.
54 Derei puo puodzie teshüliedi sie. Rüüpfü, nâ sierliechie !
55 sidi puo kieshü. Sitse puo nuopfü lavârliedi puo tuo mha
sielie : sitse Jisu mia banyu mha, sevâr rüüsüpfü bu
56 chünuta. Sirâ puopuo puozuo unia bu unia ngâta :
derei puo ukâ bu mhasükâ se miapuo kirei puhie
nuwata.

APOSTEL KEREKENIAKÄ KETSESHÜDI UKÄ BU JIHOVA
DIE SE MIA PETHA KECHÜ

- 9 Süsia puo apostel kerekeniakâ kie kenguliedi terhuo
kesuo khekâ whuolie kevi, mu kechü neüfkâ rei chü-
keshürhâlie kevi kekuo mu puodie kba sükâ tsüshü.
- 2 Sidi puo sükâ bunu Jihova kedi diea pupie mia pethanu
mu kechümia rei chükeshürhâ shü audî ukâ ketseshü.
- 3 Sirâ puo ukâ üse, Niekâ vâ zârei, kethe morei likhuo
morei niekütüda morei shükci raka, hakâha puorei
4 sehiechie. Morei boulie kenia rei sehie. Sirâ niekâ ki
kehupuonu lezâ shierei sünu bazâba nie ketuo tsâzâ-
5 ehie. Tsüu themia keditsuo kedithede niekâ zeliemvü
shiü niekâ rüna sünnu tuota ketuoki sükâ kejâ zasi
6 thashü kia ketuola nie phi geinu nyâphekâ rei kepfü-
wachie : sishü. Sitse ukâ tuovâdi rüna khökânu dielie-
keviu pupie mia kia mu luki haki mia kechü rei chüke-
shürhâ vâ.

JISU MHATHÄKÄ SIDI HEROD PUONOU MEGHA KETA

- 7 Sükisü Herod kedü mhasükâ ~~rete~~ sidi mia huomia
Johan üse kesiamia dânunu rheila sierta-ü, mu huomia

- 8 Ëlia ùse lavâr-ù, sirâ miakekreimiawe keriake siadzeke-
sikâ m'apuo rheilâ vâ ùkechû kepu la puonou kehôu-
9 keruo chûta. Sirâ Herod sie, Johanwe, a puotsû
ziewater: mu a puo dze die neîû siketa themia hauhawe
themia kikehûpuo shi? si. Mu sidi puo puo ngukeshû
leba zâta.

JISUA THËMIA RÛNA CHÛYA KEMO KIPUONU THEMIA
" " KEKRA VACHÛ KESHÛ

- 10 SÛsia apostelkâ lakevârki ukâ mhathâkâ dzepie puo
ki pushû Sitse puo ukâ ze krei Betsaida ùkechû rûna
11 tsatiapuo vâta. Derei themia kekra sù siliedi puo
siamedzi vâ: sitse puo ukâ kevâr ngupie puo neidi
Jihova kedi dze pupie sùkâ kia, sirâ puo ukâ kechû
12 chûkeshûrhâshû, kezhûkâ chûkeshûrhâshû Tsiu the-
vatia tazhûtse kerekeniakâ puo ki vârdi puo ùse. Ná
themia hakâ ketseshûwadi ukâ bu vâ rûna nurei lienu
kebakâ kirei yâdi miaki zhû reilie mu ucha uvarei
pfûliechie: mhakekreilamonyû ukâ themia kejûra tuo
13 kechûla; sita. Derei puo ukâ ùse, Niekâ thuo ukâ
vachûchie! sita. Sitse ukâ sie, Ukâ niekhrûda pengou
mu khuo kenia zie pfûtuo mote; hiekâ bu vâ themia
14 hatsuohade la mha khrû nuzâ kemosia! sita. Sikechû
mhakekreilamonyû themia sùkâ nyie pengou mesepuo
kechûla. Sitse puo pethakeliekâ ùse, Niekâ ukâ bunn
bapuo nu mia liepengou ngou idi uba kekrei balie
15 nuchie; sishû. Sitse ukâ rei puo die zedi ukâ petekâ bu
16 kehalie. Sirâ puo niekhrûda pengoukâ mu khuo nia
chûpie liedi tâsie teigei mehâdi jashû, sidi chûchû petse-
lie; sidi pierâ themia krâkâ mhâdzûnu shûphreshû nudi
17 khapie pethakeliekâ dzienu shû Tsiu ukâ chûdi povû
phrelie: sÛsia ukâ puo se pesha keliekâ pfûkengu siru
khâpe nuonuo kerekenia pfûlie.

PITOR-A JISU ÛSE JIROVA PEDZÛPERIA KEDAKELIE
KHRISTAU ÛDI PUKECHÛ. JISUA PUO SE MU PUO
RHEILASIE KETUO DZE SIADZEKESIDIE KEPU

- 18 SÛsia mia puo ngukemora nu cha kebaki pethake-
19 liekâ puo ze bâ: sùkisû puo ukâ ùse, Themiakâ a ùse

- supuo ūsiya ga ? sidi ukâ ketsâru. Ukâa sie, Johan mia baptaiz chûkezhau, mu huomia Elia ūsi, derei kekrei miawe keriaiki siadzekesikâ miapuo lhoula sierta zâwe
 20 ikechû puya ūsi. Sitse puo ukâ ūse, Di sirâ niekâwe aŭ supuo ūya ga? sidi ketsâ. Sirâ Pitor sie puo ūse,
 21 Jihova *kedakeshûu*, Khristau zâ: sita. Sitse puo ukâ bunu die sŭuse miapuo kirei pu hienu kechû kha bei-
 22 wadi sie, Themianuo-u' kemezhiese morâsuo, mu pehûkâ rei phichûkezhakâ rei mu lëskûke-sithakâ rei puo melia tuo, sidi miabu puo dukhri tuo, sirâ puo zha
 23 senhia rheila sielietuo; sita. Tsiu puo ukâ petekâ ūse, Themia kehupuorei a siamedzi kenÿumia, sŭmia bu puo-
 24 thuo puo kekhati teisânhia puothuo puo krus piedi a siamedzi tuo zâlie. Mhakekreilamonyû themia kehu-
 puorei puothuo puo phou khriepie puovie chŭnyû lirâ, sŭu pejûwatuo; derei kekuppuorei a la puo phou khriemodi
 25 pejûwa râ, themia sŭu puo phou puovie chŭlietuo. Sirâ themia kijû pete prapie puovie chûkelieu rei puo-
 26 thuo puo phou pejûwa morei pekawa lirâ, puo kedipuo pralie tuo ga? Tsiu kehupuorei a la rei mu adie la rei
 27 miadzû menga kechû prei lirâ. sŭmia la Themianuo rei puo thuo puo kenÿi mu puo Puo *kenÿi* mu teigei dielie
 kemesakâ *kenÿi* seketsurki menga tatuo. Derei a nie-
 kâ ki kethâtou puo pushûtuo, Haki kethakâ huomia Jihova kedi ngukemochie siata lielhâ zâ kechû doppuo
 tha. Si.

JISU KIJÛTHOU GEINU PUO KELHOU CHÛPEKREIPIK
 MIA PEKIA KESHÛ

- 28 Die sŭkâ pukewa zha thetha sianu puo Pitor, Johan
 29 mu Jakob nuokâ zedi cha tuoŭdi kijûthou gei vâ. Sirâ cha kebanu puozie puo kreikhrâta, mu puopfe puone
 30 krapie vava ita. Tsiu sŭkisŭ mia kenia vâ puoze kerû-
 31 chû; mu themia sŭniasŭ Mosa mu Elia; unia unia nyie sevârdi puo tuota ketuo. sŭusŭ Jirusalem nunu
 32 chŭiwatuoŭ baketau dze pukerûchû. Sŭkisŭ Pitor mu puoze ketuo nia rŭngu phi bataru, ukâ châ mechie sier-
 lietse puo kezie mu puoze ketha mia kenia rei ngulie.
 33 Themia sŭnia puoze kekhatâ tuo, kezŭki Pitor Jisu ūse, Kepethau, ukâ keze haki batse vizâ tiea: ukâ pru

- se chülie khe! puo n la, mu puo Mosa la, mu puo Elia
 34 la! Puo die sükâ pukechü mhaledi pumo. Sirâ puo die
 sükâ pu ketha nu kimhoupuo shüvârdi ukâ zepfû bata :
 35 mu kimhou vâru ukâ zepfülietse ukâ michieta. Tsiu
 kimhou nunu mhapuo puvâr kechü hamhie, Hauha
 anuo-u, a puo kedalie ketau zâ : niekâ puo die rünyü-
 36 liechie. Sirâ die süu pukevârki Jisu rürbei ketha kengu
 zâta. Süsia ukâ mha pumo zeita, sirâ ukâ mhakengukâ
 puorei se sükikâ miapu o kirei pumo tâzâ tuota.

JISU TERHUO KESUO BU PUO KEBIZETUO KETA
 NHICHUNUO MIAYÂPUO CHÜPEVI KEWA

- 37 Tsiu süsianhia ukâ kijüthou süu geinu ker zhütse-
 38 themia krâdipuo vâru puo se. Sükisu miapuo themia-
 krâu nunu shiekhouidi sie, Kepethau, nâ angumezhiedi
 39 anuoyâ mehâshüchie ; mhakekreilamonyü anuo hayâha
 rürbei zârü : tsiu ruopfû *kesuo* vâru puo ketsilio râ puo
 kenourhei krata taya, sidi puo keta reredi puo mhitsia
 meluo bvübvü taya, mu puo biepesuo sekewa sia rei
 40 puo khawa mvübei tataya. Sirâ a n siadzikâ bunu puo
 whuöwanudi charu ; ukâ puo whuo liellâte ; sita.
 41 Sitse Jisu lasie, Harie pelekemo mu mia reinu tuokemo
 seyiekâ, a kedi thechiepuo niekâ zebadi niekâ gei adielâ
 chütha zâtuo ga ? N nuo ze a ki vârchie. Sita.
 42 Sirâ puo phizhütse ruopfû *kesuo* u puo pfükellupie-
 kijü shüwadi puobu puo keta rere pfû kemerie chü
 43 zhüta. Derei Jisu kerhu ruopfû süu kechüwadi nuosüyâ
 chükemenewa, sidi puo khapie puopuo tsülawa. Sitse
 ukâ petekâ Jihova kekuo kezha ngupie ukâ ngâ phreta.

JISUA PUOTHUO PUOSE DZE SIADZEKESI DIE KEPU
 KENIA-U

- 44 Derei Jisua chükellerie kekâ la themia pete ungâ bake-
 chüki puo pethakeliekâ üse, Die hakâha bu niekâ nyie
 nu le chüse chüliechie : mhakekreilamonyü ; Themianuo-
 45 u khapie themia dzienu shüwata ketuola ; si. Sirei
 ukâ die sükâ lelie mota, mu ukâ bu leliemo ketuola se
 ukâ rüshüwata : ~~sirâ~~ ukâ rei puo kepu süu cha puo ki
 ketsâ michieta.

PETHAKELIEKÂ KEZHA KESU KECHÛLA JISU UKÂ
PETHA KESHÛ

- 46 Sirâ ukâ dânu suomianie kezhatâ chütie shi keshû
47 pu kemeü tuo Derei Jisu ukâ naudâ sidi nhichunuo
miayâpuo zevâ puo khieki baliédi sie ukâ üse, themia
kehupuorei aza nunu nhichu hayâ zelié râ arei zeliéya.
48 Sirâ themia kehupuorei a zelié lirâ, a Ketsckeshûu rei
zeliéya : mhakekreilamonýü niekâ petekâ ‘dânu kechû-
thân, süsü kezhatâu zâ kechûla. Sita.
49 Süsia Johan lasie, Kepethau, hiekâ miapuo n zanunu
terhuo kesuokâ whuo ketuo ngudi, puo hiekâ ze kesia-
dzi mvüketa la hiekâ puobu süsü chühienn wate; sita.
50 Derei Jisu puo üse, Puo khahiechie : mhakekreila monýü
niekâ ngumvükemo-n niekâ kitsatie zâ kechûla ; sita.

JISU GALIL CHIE JIRÛSALEM NU VÂ THELAU

- 51 Süsia puoze teigei khâta ketuo tei tsâtei tatse puo
52 Jirusalem nu vâketa tsie terür tuota ; sidi peria puo
chaliemia ketse shüwaru : sükâ vâdi puo la mhakehu-
53 puorei keso tuöüdi Samaria rinapuo nu leta. Derei puo
Jirusalem nu vâketa rür terürta kechûla rinâ sünukâ
54 puo zelié mvüta. Sitse pethaklie Jakob nau Johan unia
süsü siliedi sie, Niepu, nâ hienia bu teigei nu mi chashüdi
puobu themia hakâ thekewa n neitâmo mota ? sita.
55 Derei puo reipradi unia kengata. Sitei ukâ tuo rinâ
56 kekrepuo nu vâta.

PETHAKELIE KETILÂMIA ZASI

- 57 Sirâ ukâ tuová zhüru miapuo puo üse. Arei n kevâ ra
58 vâtuolie ; sita. Sitse Jisu puo üse, Meserukâ rei puoki
nyi, mu teirakâ rei puokru nyi ; derei Themianuowe
59 puotsü se kezhu chü rei jü ; sita. Süsia puo tniakekrei-
mia puo üse, Nârei a siamedzilie chie, sishüru ; puo
60 sie, Niepu, abu vâ apuo khruwa periachie ; sita. Derei
puo süu üse, Kesiakâ bu uthuo kesiakâ khruwalie chie ;
mu nâwe tuovádi Jihova kedi diepie miaki pushülie chie ;
61 sita. Süsia kekreinapiuo rei sie, Arei n siamedzituo,
Niepu, derei abu vâ a kinukâ ze kerüchü periachie ;
62 sita. Derei Jisu puo üse, Themia kehupuorei mithufü

cha merhashü sethadi reila puo siatsa mehâta râ, themia süu Jihova kedi themia chülie sü mo; sita.

JISU MIA HIETHENIA KEDALIEDI KETSEKESHÜ MU SÜKÂ
LAKEVÂR

- 10 Sirâ Niepuu die sükâ *pukewa* sia miakekreimiamia hie-
thenia kedaliedi sükâ mia keniania ketsepie ukâ bu
puo mhâdzü puo vâtuou keba rûna mu kiükâ nu shü.
2 Sidi puo ukâ üse. Telhawe krapere zâ, derei mhakechü
miawe tsa: niekâ süla lie Niepuu bu mhakechümia
3 ketsepie puo lienu shü ketuola puoki chaliechie. Niekâ
tuovüliechie: harie, tekuo sâchie dânu keyâ mhiei a
4 niekâ ketseshü tuoü zhie. Niekâ priesa bou, morei
likhuo, morei phikou puorei sehie: sirâ chalanu mia-
5 puorei kelu thahie. Tsiu niekâ ki kehupuonu lerei japie
6 ki süunu shü rialie. Mu theja ngulie kesü nuo sünu ba
lirâ, nie thejau puo gei balie tuo: derei simo lirâ süu la
7 nie gei vâr tatuo. Sirâ ki sünu baliedi mia mha kehu-
puo khashü zârei chülie mu krialie: mhakekreilamonyü
8 mhachü kezhamia puo va liechü zhü kechüla. Miapuo
kinu badi rüdila kekreamia kinu lavâta hie. Sirâ niekâ
rûna kehupuonu ledi mia niekâ zelierâ, mia mha kehupuo
9 kha niekâ tsü zârei chülie chie: mu rûna süनुsü kechü-
mia ba lirâ, chükeshürhâ shülie, sidi ukâ ki, Jihova kedi
10 vâr nie penno batewe, ikechü pulie. Derei niekâ rûna
kehupuonu ledi mia niekâ zeliie mota râ, niekâ mechü
11 chakâ nu vâdi themia sükâ üse, Nie rûna nunu rûnyâ
hie phi kupfü keliekâ rei niekâ kejâ la hie sükâ kepfûla
shüwa tuoü zhie ho! sirei Jihova kedi vâr penno batewe
12 kechü, die süu siliechie, ikechü puchie. A niekâ ki
pushütuo, Khunhia rûna süwe rüli kirei Sodom rûna
rüliwe kemezhie kuotuo.
13 Che, Korasin, nâwe chülie tiea! Che, Betsaida, nârei
chülie tiea! N nia rûna nunu mhakezha chükeshükâ
thiadzû Tur mu Sidon rûna nunu chüshü lirâ, unia rei
gakhrâpfe mu mige sedi thiadzüthâ unia nou kedilie
14 tatuo. Süla themia rüli ketsâ kesier nhia n nia mezhie
15 ki Tur mu Sidon unia mezhie tsakuo tuo. Sirâ Kafar-
naum, n chü kerükrie se khâ tei thu tuoü bamo? n chü
16 kerünuopie Hades hu shüwatuo. Themia kehupuorei

- niekâ pfo rünyü kezhaŭ apfe rünyüya: sirâ themia
kehupuorei niekâ melia kezhaŭ a meliaya; tsü themia
kehupuorei a melia kezhaŭ a Ketsekeshü meliaya.
17. Süsia mia hietheniakâ uneidi lavârdi sie, Niepuu,
terhuo kesuokâ thuo rei n zanunu hie die zelié! si.
18. Sitse puo ukâ üse, A teigei nu Satan teikemela tuoi ker
keta ngu ho! Harie, a niekâ bunu tinyhü mu seba
nuokâ kedelié ketuo, mu niekâ ngumvüu kekuo neiükâ
mhârei kekuo kha niekâ tsü shüwate ho! süla sükâsü
20 puorei niekâ pechüpenyü kelie jü ho! Sirei ruopfükâ
niekâ die zeketa, süulawe niekâ nei hie, derei niekâ za
thupie teigei zhüketa la niekâ neilie chie! sishü.
21. Sükisü puo Kemesa Ruopfü nunu puoneidi sie, Harie
apuo, toi mu kijü Niepuu, nâ mhahakâ mhakesikâ mu
mhakelekâ kiwe keviepie tuodi sükâ pie nuoranuokâ
pesipengu keshüa a n tsephiwe; sirâ kethâ apuo,
süüsü mhakekreilamonyü n kengukiwe sikechü n nei
22 kechüla. Apuo kinu mhapotekâ kha a tsüwate: sirâ
apuo-u sia puonuo-u supuo shi. süüsü mu puonuo-u mu
puonuo-ua se puo pesipengukeshü puo medâ ketau sia,
apuo-u supuo shi, süüsü rei miapuorei simo. Si.
23. Süsia puo reipra pethakeliékâ mehâdi pekhre ukâ üse.
Niekâ kengukâ umhi piese sükâ kengukâ ruokuothâ:
24 mhakekreilamonyü a niekâ ki pushütuo, Siadzekesikâ
mu kedikâ themia kekra niekâ mhakengukâ ngunyü phi
derei sükâ ngulie mote. tsü niekâ mha rünyükeliekâ
rünyünyü phi derei rünyülie mote. Sita.

MHAKESIMIAPUO JISU KI MHA KETSÂDI PULAKESHÜ MIA
NGUELMIEZHIE SAMARIAMIA PUO DZE DIEVII

25. Süsia thezhâkesimiapuo sierdi Jisu kedâdi sie, Kepe-
thau, a kechachie kerhei ngulie ketuola kedipno chülie
26 morâsuo ga? sidi ket-sâru Jisu puo üse, Thezhâ nu
kedipno thupie zhü ga? Nâ kedipuo ledi phrüva ga?
27 sidi puo ketsâ lata. Sitse puo rei sie. Nâ n melou pete
se, mu n ruopfü pete se, mu n kekuo pete se, mu n nou
pete seidi n Niepuu Jihova khrie mu rhuliechie; tsü n
siazanuomia rei khriepie nthuo n kekhrrie mhielie chie;
28 sita. Sitse Jisu puo üse, Nâ putou shüwata zâ: sizâlie,
29 silie lirâ nâ rheilietuo; sita. Derei themia süu puothuo

- miathâ zau pfülie nyüdi sie Jisu üse, Di sirâ asiazanuo-
 30 mia suomia ga? sidi ketsâta. Jisua die sîtu pulashû puo
 kiashünyüdi sie, Thiadzû miapuo Jirusalem nunu Jeriko
 nu ke zhûru, miavie sekechümia doupuo puo merhashü-
 liedi sükâ thuo puopfe puonei rhuoliedi puo vû, tsiu puo
 31 dukhriwa nuodi puo khapie zhüdi tuota. Sûsia thekhrü-
 chü phiehüpuo sütsatiesü ke ru: themia sîtu puo ngudi
 32 puo khierhâ kekreditsatie vâta. Sirâ sîsütuoî Levimia
 puo rei sükisü ke ru, puo ngudi puo khierhâ kekreditsatie
 vâta.
 33 Derei Samaria miapuo rüve tuodi tuose puo kezhi
 34 chüki vâr ru puo ngudi puonou mezhieta, sidi tuo puoki
 phidi puo gei thepfükâ tier mu kluobedzû lapie vashüdi
 pha phreshü; sirâ puo piepie puo gada gei shüliedi puo
 35 pfü rüsâkipuo nu vâdi puo theke bata. Sirâ sîsia nhia
 doulei kenia chüpie rüsâkipu kezhaü tsü shüdi sie, Nâ
 puo theke balie chie; sirâ nâ hasia mha prasata zâ
 36 shierei a lavâr lirâ athuo kha n tsûlawa tuo; sita. Ka
 sirâ sükâ sekâ dânu supuonie miavie sekechümia bu puo
 merhashü kelieu zanuomia ükechü nâ medâ бага? sidi
 37 ketsâ. Sitse thezhâkesiuwe sie, Puo ngumezhie keshüu
 zemt; sita. Sûla Jisu rei sie puo üse, Nârei vâdi
 sîsükemhie chülie chie: sishü.

JISUA MARTHA MU MARIA KINU VÂDI UNIA SÂ KECHÜ

- 38 Sûsia ukâ vâtuou kezhi tsatie vâzhûru puo rûnapuo
 nu le; sitse puoza Martha üsidi thenumia pfüpuo puo
 39 pesâlie. Sirâ thenusüpfüsü puo siazemia pfüpuo puoza
 Maria üsiru, puo Niepuu phinu badi puo die rei rûnyü
 40 sa. Derei Marthawe mhanöükâ chüdi merei bazâ;
 sûla puo Niepuu ki vârdi sie, Niepuu, asiazepfü tuotadi
 abu a rûrbei merei bazâ kechü. nâ sîsü leba mo zâ ma?
 sûla nâ puo ketseshüdi puobu hienia keze kekbruohidi
 41 mhachü shüchie; sita. Derei Niepuua lasia puo üse, Mar-
 tha, Martha, nâ mha neiükâ chünyüdi n non kemezhie chü
 zhie; derei chükezhü thâu zâwe mhapuo rûrbei zâ;
 42 Mariawe mhakevithâ mhakipuorei puodzie nunu sesetalie
 kelhâu kedalieta; sita.

JISUA KECHADÂ THAKESHÛ

11 Sûsia puo mharapuo nu chabadi cha thekewaki
 pethakeliekâ miapuo puoki vârdi sie, Niepu, nâ Johan
 thapie puo siadzikâ kia keshû kemhie kechadâ thapie
 2 hiekâ rei kiashû chûnu ; sita. Sirâ puo ukâ üse, Niekâ
 cha kechûki,

Harie hie Puo, miabu n zaü kemesau
 ükechû pukelieu chüliechie.

3 N kedi chüvârlie chie.

Teisânhia hie va kha hie tsüchie.

4 Sirâ hie kephumakâ vashû hie tsüchie.

Tsiu hierai mia hie thepesuo keshükâ vashû sükâ
 tsü phrewaya.

Sirâ hie khapie medâkephinu shü hiechie.

Sisi chie.

5 Sûsia puo ukâ üse, Niekâ dânu miapuonie puo khrie-
 thâpuo nyidi khisâteiluo puoki vâdi puo üse, Azeu, nâ

6 niekhrûda se se a tsüba thia ; mhakekreilamonyü azemia-
 puo rüvetuodi aki vâ ru. a mhapucrei se puo ketsü

7 jütelië ; siü mharâ, themia sün kinunu sie, A keyhu hie :
 kikha rei khaliete tsie. mu anuonuokâ rei hiekâ keze
 thezhûnu zhü phrete ; a siedi kha n tsü kelie jü ; si tuo

8 ma ? A niekâ ki pushütuo, Themia sün puo khriethâ-
 mia zâ kechûla, sûla puo sierdi chüpie puo tsünyü mo
 zârei, puo chabei zâtha ketala puo sierdi puo kecha

9 khekâ khapie puo tsü zâtuo. Sûla a niekâ ki pushütuo,
 Niekâ chachie, sirâ khapie niekâ tsütuo ; pfüchie, sirâ
 niekâ bu ngulietuo ; kikha ketouya zâchie, sirâ khrûshü

10 niekâ tsütuo. Sirâ themia kehupuorei chaya kezha
 khekâ ngulieya zâ ; mu pfüya kezhamia rei ngulieya zâ ;
 sirâ kikha ketou kezhamia mia kikha khrûshü sümia

11 tsüya. Tsiu niekâ dânu supuonie puo nuoa 'puopuo ki
 12 niekhrûda cha râ, ketsie pie puo tsüya ga ? Morei khuo
 puo cha râ, khuo sou tinyhü chüpie puo tsüya ga ?

Morei puo thevüdzü puo cha râ, puo seba puo chüpie
 13 puo tsü tuo ma ? Sirâ niekâ kerûzhûmia thuo zârei
 mhakevi pie nie nuonuo ketsü dâ si râ, niekâ Puo teigei
 kebaua Kemesa Ruopfûu pie mia puoki chaya kezhakâ
 tsü saphi mo tuo ma ?

JISUA TERHUO KESUO BU PUO KEBI ZETUO KETAMIA PUO
CHÜPEVI WARU MIÄKRÄPUO PUO MELE KETA; MU SÜLA
JISU MHAPULADI SÜKÄ PETHA KECHÜ

- 14 Süsia puo terhuo kesuo keliehuo puo whuoshü ru. Terhuo kesuo süu tuopratatse themia keliehuo-u diepulieta;
15 sitse themiakâ bu ungâta. Derei sükâ dânu huomiâ sie puo üse puo terhuo kesuokâ kedi Belzebub zedi terhuo
16 kesuokâ; whuo ketuo zâwe; sita. Mu kekreamia krâpuo
17 puo kedâdî yûobu teigenu zasipuo chüpie ukâ kia nuta. Derei puo ukâ noudâkâ sidi sie ukâ üse, Mia kedi kehupuorei puo themiakâ puo la kekreami kengumvûta lirâ kataya: Tsiu kipuo bie kekreamie ketsieya shü
18 lirâ tetsutaya. Süsütoi Satan rei puo la kekreami kengumvû ta lirâ, puo kedi kikidi balie ta? Sizechiü
19 niekâa a üse Belzebub zedi terhuo kesuokâ whuoya üba ze. Sirâ a Belzebub zedi terhuo kesuokâ whuoketa sie, niekâ nuonuokâ supuo zedi sükâ whuoya ütuo ga?
20 Süla sükâ bu niekâ pejätuo. Derei a Jihova dziekinuo se terhuo kesuokâ whuoya lirâ, sirâ Jihova kedi vâr
21 nie tsâliete. Themia kekuomia puoa puonyie se chüse chüdi puophe pfebalie lirâ, puoviekâ kru balietuo:
22 derei puo ki kekuomia puoa vâr puo khaliedi puo teliedi puo nyie pete puoa sükâ peledi kethakâ puo geinu
23 lhophreliedi puo vie sekeliäkâ kezalie taya. A kitsa tha kemo-ua a ngumvü zâ; tsiu a ze mhakengu kerheya kemo-ua mhapie kezakezidi pejüwaya kezha zâ.
24 Kerhu ruopfüua themia-u nunu praketa ki puo kertuleiba pfüdi tuose dzükejüka nu vâdi; ngulie kemola puothuo puo üse, A thiadzü badi tuopra keta akiu nu
25 lavâta tuo; situoya. Süsia tuo sünu vâdi ki süu tsâpie
26 ketsâ kezivipie keba ngulie. Sidi puo vâ puoki rei urüzhü kesuo ruopfü kekreami thenia zeliedi ukâ keze kisünyü ledi bataya: sirâ themia süu rüli kenuothâtsa kerithâtsa ki suokuotaya. Sishü.
27 Süsia puo die sükâ puwatse thenumia pfüpuo themiakrâ nunu melie puorhie chüdi sie puo üse, Thenuthiadzü n nuoni kepfü mu n nukeshü pfü ki puo ruo
28 kekua jü; sita. Derei puo sie, Kethâzâ, derei sükirei Jihova die rünyüdi puo die zeya kezhakâwe ruokuothâkâ zâ; sita.
29 Süsia themiakâ vâr puo khieki kengulietse puo lasie

ukâ üse, Tsiedâ nuokâ ha nuo kerüzhü krâpuo zâ : ukâ zasi pfütuo ya zâ ; derei Jonâ geinu zasi chûkeshü sia zasi chüpie ukâ kia salielhâ.

- 30 Sirâ thiadzü Jona pie Ninerikâ mhâdzü zasi chûkeshü tuoi, süsütuo i Themianuo-u rei pie tsiedâ
 31 nuokâ mhâdzü zasi chütuo. Thiadzü pesâtsatie kedi kechüpfü thesia themia nyie kechü ketuo nhia tsiedâ nuokâ ze sierdi sükä pejätuo : mhakekreilamonyü puo thiadzü kijü valatsatienu Solomon mhâstidie rünyü tuotü vâ ; sirâ harie, Solomon ki kezha puo haki ba, kechüla.
 32 Ninevi miakâ thesia themia nyie kechü ketuo nhia tsiedâ nuokâ zethadi sükä pejätuo : mhakekreilamonyü ukâ Jona ukâ kepethanu unou kedilie ; sirâ harie, Jona ki kezha puo haki ba, kechüla.
 33 Miapuorei mi petupie mia nguya kemora morei mhakemejürha khrâ shüpie, baya mo, derei kinu kelekâ bu puo kezie nguketuola pie mituba gei piebaya
 34 N mâ mitu sü n mhi zâ : n mhi vi kebaki n mâ pete ziekruoi baya, derei vimo ketakü n mâ rei zei boui
 35 bataya. Nâ süla u nu keba kezie süsü zeite mo
 36 ki shi, süsü mehâlie. Süla n mâ pete ziekruoidi keduonuo yâ puorei zeimotâ balie lirâ, mitua puo kezie kemevan se n vapezieshü kezhaki tuoi, süsütuo i n mâ pete ziekruoi balietuo.

JISUA FARISIKÂ KEJÂ, MU UKÂ PESUO KETUO DZE PUPIE
 KIA KESHÜ

- 37 Sirâ puo die sükä pushütse Farisimiapuo puo kiedi puobu vâ puokinu hienuta : sitse puorei puo kinu vâdi
 38 mhachü tuotüdi kebalie. Sükisü Farisiu puo mhakechü mhâdzü dzüpie puo khrükemo ngupie puo ngâta.
 39 Sitse Niepnua sie puo üse, Niekâ Farisikâwe, tehie mekhokâ chazoutsatie khrü kemesawaya ; derei niekâ ntsatiewe mhachükenyü mu kerüzhü bu tsupfü tuoya.
 40 Harie mhalekemokâ, chazoutsa chûkeshüua puonutsa rei ohüshü mo ü ma ? Puo nutsa kebakâ pie mia ngumehiedi mia tsüwaliechie ; silie lirâ harie, mhakehupuo nurei nie, mesa phrete.
 42 Sirei harie Farisikâ, niekâ ~~we~~ ~~che~~ ! mhakekreila monyü niekâ pudina mu arud pfü mu ga kehupuorei za

- ker chüdi zapuo khashüya : derei niekâ lhoumezhü ke-
 chü Jihova khrië mu rhu kechü süniasü therhie taya.
 • Sikechüumonyü niekâ süniasü chükechü mese, mu ke-
 43 kreikâ rei chümödi khakewa mese mo zâ. Niekâ Farisikâ
 che chülietiea ! mhakekreilamonyü niekâ kehokikânu
 kezhamia bakâ nu bakechü mu lhithâchünu nurei miabu
 44 niekâ kelu kechü rei niekâ neiphi, kechüla. Niekâwe
 che chülietiea ! mhakekreilamonyü niekâ mia nguyake-
 mo mekhau mia puogei tuovâ rei siya kemokâ mhie
 zâ. Sita.
- 45 Sitse thezhâkesikâ miapuo la sie puo üse, Kepethau.
 46 nâ die hau kepu hie reisa kerhie tha ze ; sita. Sitse
 Jisua sie, Che niekâ thezhâkesikâ rei chülietiea ! mha-
 kekcreilamonyü niekâ mia pie chükemesise pie miabu
 pfüya, derei niekâ zâwe niekâ dziekinuoyâpuo rei pie-
 47 phi thepie sükâ nyüreiya mo. Niekâwe che chülietiea !
 mhakekreilamonyü niekâ nie puonuokâ thuo dukhrikewa
 siadzekesikâ mekhru rei *ketsie pie pfe* ituoya kechüla.
 48 Sidi niekâ nje puonuokâ zhapu chü mu ukâ mbathâkâ
 rei üse vi ütuoya : mhakekreilamonyü nie puonuokâ.
 thuo sükâ dukhri, tsiu niekâ sükâ mekhru chü tuoya
 49 kechüla. Süla Jihova mhasiu thuo rei, A siadzekesikâ
 mu apostelkâ ketsepie ukâ ki shütuo : derei ukâ sükâ
 huonia dukhri mu pesetuo ; sidi kijü chülietse nunu
 50 siadzekesi petekâ zia, Abel zia *bu kru kechü* yawinu vâ
 51 rüsuoba mu rüsuoki unia dânunu dukhrikewa Zakaria
 zia ketsâ, *niekâ* tsiedâ nuo hakâha kinu sükâ khepu tuo :
 sizâtuo a niekâ ki pushü tuo, Tsiedâ nuo hakâ kinu
 52 sükâ khepu zâtuo. Che niekâ thezhâkesikâ chülietiea !
 mhakekreilamonyü niekâa *mia dzienunu* mhasi sabiu
 selie ketala : niekâa niekâ thuo rei lemvü, mu niekâ
 mia letuofi kezhumia rei khawawa tuote.
- 53 Sirâ puo sünunu pratse leshükesithâkâ mu Farisikâ
 puo khashümvü petâdi puobu mhaneiükâ pukeshü ledi
 54 puoze kemeüta ; mhakekreilamonyü puo die tekellie
 rüterür tuota kechüla.

MIA KETHERA KEZHAMIA GEIREI PECHÜLIENU MU JISU ZA
 PU MENOA HIENU KECHÜ

12 Sükisü thezhâ sâünyie vâ kengulie kechü, themia
 krathâr ketala ukâ huoniehüo phi kede zâ ketaki puo

- sie peria pethakeliekâ üse, Niekâ Farisikâ khreiu,
 2 süsü ketherakechükâ, la menuolie. Derei mhapuorei
 se mia pesipengu lielâ üdi whepie keba jü: tsiu miabu
 3 simo tuoüdi keviepie kezhü jüzâ. Süla, niekâ kezei
 nunu diepu keshükâ kezie nunu sükä miabu situo; tsiu
 niekâ kinutsenu mhapupie mia nyienü keshükâ, sükä
 4 kikhrü geinu shieshü tuo. Sirâ a niekâ akhriethâ
 chükeliekâ ki pushütuo, Mia nie mâ dukhriwa derei
 süsia mhapuorei chüsalie kenjü kechükâ niekâ sükä
 5 prei hiechie. Derei niekâ supuo preilie morâsuo shi, a
 süu pupie niekâ kiashütuo, Niekâ biekhri kewa sia rei
 niekâ kelhupie Gehena nu shüwaketuo puo kekuo kebau,
 niekâ Süu preiliechie; kethâzâ aniekâ ki pushütuo,
 6 Niekâ puo preizâlie. Chiekhrie pengou pie priesa kenia
 khrüya mo ma? Siüderei Jihova mhâdzünüwe sükä
 7 puorei rükramo taya mo. Sizâmoyü niekâ tsütha zâ-
 rei pete phrüliete. Michiepie hiechie: niekâ chiekhrie
 8 kekra ki vikuo eru. Sirâ a niekâ ki pushütuo, Niekâ
 kehupuorei mia mhâdzü a za pie puya râ Themianuo-u
 9 rei Jihova dieliekâ mhâdzünü puo za pie putuo: derei
 themia kehupuorei themia kenguki a zapie pumvü
 10 lirâ, Jihova dieliekâ mhâdzünü rei sümia za pie pulie-
 lhâ. Tsiu themia kehupuorei Themianuo-u ngukemvü
 die pu rei, vashü sümia tsütuo: derei themia kehupuo-
 rei Kemesa Ruopfüu ngukemvü puo kethadie pu râ,
 11 vashü sümia tsü lielâ. Mu mia riekâ teze *Judamiu*
 kehoukikâ nu rei, kezhakâ mu mia mhâ diya kezhakâ
 mhâdzünü vâzâ shierei, niekâ kedipuo mhiedi die putuo
 12 morei kedipuo putuo, süsü medâ nienou kemezhie
 chühie: mhakekreilamonyü Kemesa Ruopfüu thuo
 niebu sümese toukisü kedipuo pu morâsuo shi süsü tha
 nie kiatuo kechüla. Sishü.

MHA MEHOU SUO KECHÜ, MU PFEÜLA BALIENU KECHÜ

- 13 Süsia themiakrâu dânunu miapuo puo üse, Kepethau,
 nâ adzüriau bu hienia thekau kezalienü shüchie; sita
 14 Derei puo themia süu üse, Themiau, supnonie a ohüpie
 abu nie mpha nienyie kechükechüu morei mhakezakechüu
 15 ohüshü ga? sita. Sidi sie puo ~~pkâ üse~~, Niekâ menuolie
 luo, tsiu mhakemehou khekâ nunu niekâ ketholie luo:

- mhakekreilamonyü themia kelhou ha puokinyi kekra
 16 keba la rei balieya mo zâ kechûla. Sûsia puo dieviipuo
 17 *pudi sie ukâ üse, Kenyimiapuo puo lienu puo mhathâ
 si rûchûphilie: sitse puothuo puo nounu puo rûchûdi
 sie, A mhathâkâ pfûpfû vâr mharapuorei shûkelie
 chû jütemu; a kedipuo chûtuo dimu? Sibadi sie, A
 18 hau chûtiea, A lhakikâ rhuoliedi chûpezhalie tuo. Sidi
 19 a aruopfü üse, Aruopfü hâ bacha philie ketuo mhakevi
 neiükâ kezgäliete; mhachû mhalie hiedi rûüdi chû mu
 20 kriadi keyukenyü chûbazâlie. Sibarû, Jihova sie puo
 üse, Harie mhalekemo-u, tsiezhû n geinu n ruopfü
 zelieta tuo; sita lirâ nâ mhakengupie kezhûkâ, sükâ
 21 supuo vie chûta tuo ga? si. Themia kehupuorei Jihova
 kitsatie mhakenyi *lemodi* puothuo puovie rûrbei kenguya
 zâ kezhamia sümhie zâ tuo. Sita.
 22 Sitse puo siq pethakekêlêkâ üse, Sûla a niekâ ki pushü-
 tuo, Niekâ tsiedâ kelhou hau la kechûcha rûlikâ morei
 23 niekâ mâu la pfemeneikâ rûli lepie niekâ nou kemezhie
 chûhie. Mhakekreilamonyü nie kelhou hauha nie cha
 24 ki vikuo, mu nie mâ rei nie pfeneikâ ki *vikuo* kechûla.
 Shûzhakâ *rûli* leshû chie; ukâ tsia se tsu chieya mo,
 morei ukâ lhaki rei jû; derei Jihova sükâ va thuo rei
 25 chûya ze: niekâ pera sükâ ki viphi kuo mo üma?
 Derei niekâ supunio puo nou kemezhie chûdi, sûsûla
 puo kelhouzha thupuo chierei chûpechalie vita?
 26 Sirâ niekâ mhakechû kerûr sikechüyâpuoe thuo rei
 chûlielâ lirâ, kidi mhakekreikâ rûli lepie nienou keme-
 zhie chûya ga?
 27 Terhuobiepoukâ rûli leshûphi chie: sükâ lhoukesieki
 mhachû mhalieya mo, morei terhi terhie rei chûya mo;
 derei a niekâ ki pushütuo, Solomon thuorie puonyie
 28 vise kechû thuorei sükâ mhiei kerütsâ mo. Derei lienu
 nha thia lhou barei sâdu chûpie miphunu shûwaketuokâ,
 Jihova sükâ rütsâ thuorei chûshüya lirâ, harie niekâ
 kepele ketsakâ, puo sükâ ki niekâ rütsâ chûkuo shûmo
 29 tuo ma? Sûla niekâwe kedipuo chû mu kria tie shi
 kechû pfûbazâ hie, morei nie nourei mehü mezhie hie.
 30 Kijû haunu kelhoukâ mhasükâ pete pfûbaya kezhasâ:
 derei niekâ mhasükâ ngulie morâkesuq niekâ Puo-ua
 31 siphre ba. Sûmonkyü niekâpuobu kedikechû pfûlie-
 chie; silie lirâ mhasükâ reipie niekâ tsûsashû tuo.

- 32 Themiakrá ketsau, niekâ michiepie hiechie; mhakekrei-
lamonyü niekâ Puo-ua puo kedî kha niekâ tsütuoü
- 33 kechü puo medâta kechüla. Nie viêkâ zeliedi khâpie
mia ngumezhie wâliechie; niekâ suotaliekelhâ rakabou-
kâ pie nie vie chüliechie; teigei kinyi jütalie kelhâu
pfüliechie; sügei kerügumia rei vâtsâlieya mo, morei
- 34 khunuo rei chüpejüwaya mo. Mhakekreilamonyü nie
noua nie kinyi kebara bayâ zâ kechüla. “
- 35 Niekâ niekâ chie phapfü bazâlie, mw niekâ mitukâ
36 burei tu bazâlie; sirâ niekâ mia uniepumia thenyhü
henunu lakevâr pfe baya kezhakâ mhieidi puo vârdi
kikha ketoushü lirâ, ukâ mha vâ kikha khrü puo
- 37 tsüshü kezhakâ mhiei bazâlie. Niepuua kevârki puo
kituokâ puo pfebadi ngukeliêkâ ki ruokuo jü tuo: a
niekâ ki putou shütuo, Puo puothuo puo chie pha-
pfüliedi sükâ bu badi hsetuo, sirâ pro vârdi mha kâpie
- 38 zashü ukâ tsütuo. Sirâ rûkhon kevali keriau nurei
morei keniau nurei ukâ sibadi puo vârdi ngulie râ,
39 sükâ ruokuothâ tuo. Derei niekâ sibatuo, Kerügumia
kedikechü kipuo vâr tuoshi kechü kinu niepumia siba
lirâ, puo puoki pfe menuo balietuo, sirâ miabu rhie
- 40 lelielhâ. Niekâ rei dâjü baliechie: mhakekreilamonyü
niekâ vâkhrü kebanu Themianuo-u vârtuo kechüla.
Sita.
- 41 Sitse Pitor sie, Niepuu, nâ dievü hanha hiekâ la rürbei
zâ mo, themia petekâ lareî sa pu ga? sidi ketsâ. Sitse
- 42 Niepuua sie, Ka, sirâ puo niepumia puo bunu puotei
touki puo kinumia nuva khashüshü nu kechüla puo
kinukâ mhâ puo chüpezha shûketuo kituo kedietâ mu
- 43 puodâ keviu kiu ga? Puo niepua kevârki sibadi ngulie
44 ketuo kituo sümia ruokuothâ zâtu. Diethâtou a niekâ
ki pushü zâtu, Puo themia sikechümia bu puovie petekâ
45 mhâ kezha chütuo. Sirei kituo süua puothuo puonou
nu, A niepuu vâr zi lielhâte, isidi kituokâ thépfukâ rei
thenukâ rei vü idi mhachü mhakria meze ibata lirâ;
- 46 kituo süu nu Niepuu puo vâkhrü kebpao nhia morei
puo simo kebaki puonu vârdi puo duthe kenia chüwadi
47 puo khâpie pelekemokâ krânu shüwatuo. Tisu kituo
puo niepuua medâ sidi dâjü rei bamo, mu puo niepumia
- 48 medâ rei chümo kechümia vûketuo; derei simodi
miabu puo vûketuo thâkâ chü kechümia zâve vü petsa-

tuo. Sizamonyū khapie puo tsū kra keshūmia kinu ngu-
kralie morāsuo : sirā themia kehupuorei mia mha kha u
tsū krashū rā, sūmia kinu mia rei cha kra tuo.

49 A mi khapie kijū hau gei shūtuoūdi vār ; sirā tsie tu
50 par ketawe aneikuo tuo. Derei a baptism puo pie
baptaiz chūlie morāsuo ba ; tsiu sūn chūtseilie kemochie
51 a nounyū thār bazâte ! Niekâ a ūse miabu kezevi ketuo
kha kijū shū tuoū vār ūkechū leba ma ? A niekâ ki
pushūtuo, *S* mo ; derei sikechūu monyū mia pfūkhâ
52 tuoū kechū zâ : mhakekreilamonyū tsieyawinnu kipuonu
mia pengou bazārei kepfūkhâta tuo ; mia sea mia kenia
53 ngumvū morei mia keniaa mia se ngumvūta tuo. Puo-
puoa puonuo ngumvū mu puonuo rei puopuo ngumvū ;
puozuo puonuopfū ngumvū, mu puonuopfū rei puo
zuopfū ngumvū ; puo niapfū puo miepfū ngumvū, mu
puo miepfū rei puoniapfū ngumvū ; sidi sūkâ thuo rei
kepfūkhâta tuo. Sita.

54 Sūsia puo themiakrākâ rei ūse, Niekâ kisiatsatienu
kimhou shūkāsier ngu lirā, niekâ sitse, Teirūkria vār-
55 tiea, sisiya ; sirā sireiya kethāzâ. Tsiu niekâ pesātsa-
tienp teirūkhria kevār ngu rā, niekâ, Teinia chūphitiea,
56 isikechū puya ; sirā sireiya zâ kethâ. Harie kethera-
kezhakâ, niekâ tei mu kijū zie kevikesuo si kekreibieya ;
derei niekâ tsiedâkiha rūli silieya kemo, kidi himu ?
57 Sirā kiūdi niekâ niethuo nienounu rei kemezhū silie mo
58 ga ? Sidi nâ n ze kenya kezhau ze kenya pepikezhau
ki vātuoū kezhūki puoze chalanu ketuonu n rhiechūdi
kemezhū mhawalie ; simo lirā n merhashū kenya kechū-
yakezhau ki vātatuo ; sirā kenya kechūkezhau n khapie
darga dzienn shūwatuo, sitse darga n tepie kediakinu
59 shūwatuo. A nki pushūtuo. Nâ chūvâ daprayâpuo
zâta rei chūphreya kemochie sūnnu par kelie jū zātuo.
Sita.

PILAT THUO DUKHRIKEWA GALILMIA DZE JISU DIE. MU
CHIEDEBÂ PUOSI VŪKEMO-U GEINU DIEVU
PUKESHŪ

13 Sūkisi themia doupuo thadi Pilat-a Galilmia krâpuo
ziapie peringuo ukâ ruochū keshūkâ sakerei kewakâ
2 dze Jisu ki pushū. Sitse puo lasie ukâ ūse, Niekâ nouki

Galilmia these kemeriekechü hakembie dzükeliékâ ha üse Galil kekrekâ pete kirei phumâkuo ükechü leba ma ?

- 3 A niekâ ki pushütuo, Si mo ; derei niekâ niekânou kedilie kemosis niekârei sükâsü mhiei kaphretatuo.
- 4 Mo Siloam nu tsiepfu me kechüki mia kerethetha vakhrikewakâ, niekâ sükâ üse Jirusalem nu baya kezha themia kekrei petekâ ki kejâ chükuo ükechü medâ bama ?
- 5 A niekâ ki pushütuo, Sirei'mo ; derei niekâ rei niekânou kedilie kemosis sükâ sütuo kaphre tatue. Sita.
- 6 Süsia puo kediéviidi sie, Miapuo puo khuobe lienu chiedebâpuo leipieba ru ; puo puosi pfüvâr ru, si puorei ngulie mota. Süsia puo khuobebâkâ thekerâria kezhaü üse, Harie a vâr chie se chiedebâ hau si pfü ho ! derei si puorei ngulie mote : puo bâ viwalie chie ; puobu kiüdi
- 8 kijü peka bata ? sita. Sitse themia süu lasie puo üse, Niepuu, puo bu chiethia rei basalie chie ! Sidi abu puo-phinu rünyâ thie kemene shüdi nyârhu pie vashüchie :
9 sirâ süsia puosi vülierâ vülie ; derei mo lirâ, n medâ lirâ vi reiwatuo. Sita.

KERLEIZHANHIA THENU CHIETHOUFFÜPUO CHÜPEVI KESHÜ.
GAKRIESHÜ MU KHREI GEINU DIEVII KEPU

- 10 Süsia puo kerleizhanhia Judamia kehoukipuonu mia
- 11 petha tharu. Ruopfü kesuo puo la puo chie kerethetha mezia thoui tuota ; tsü puo puochie kehoupfüdi tâsie
- 12 lielhâtâ tuota. Sirâ Jisu puo ngushütse metha puo kiedi sie puo üse, Thenupfü, n kemeziasü chüpejüwate
- 13 ho ! Sishüdi puo puodzie cha thenu-üpfü gei shüru, puo chüpie puobu puo petâ mha sielieta ; sidi puo
- 14 Jihova tseta. Sitse kehou süunu kezhaü Jisua kerleizhanhia mia chüpevikeshü la puo neimodi sie themia-krâu üse. Themia bu mhachünu kechü zha sorou chüshü : süla teisâzha sükânu vârdi nie chüpevilie.
- 15 derei kerleizhanhia we hie. Sita. Derei Niepuua lasie puo üse, Nie ketherakezhamia, nie kehupuorei kerleizhanhia zârei nie thu morei nie gada puoki nunu
- 16 phreiliedi zetsu puobu dzükriaya mo ma ? Silirâ thenuhapfü Abraham nuonuo zâdinu Satan bu' chie kere-thetha puo phasetuo tsâta kechü-thia kerleizhanhia
- 17 puo pha süu phreishü zhü mo ma ? Sita. Sirâ puodie

sūkâ pushûtse metha puo ngumvükâ bu munga phreta;
derei themiakrâu petewe puo mha kethedze kechü
•mpie chükeshü khekâ la unei phita.

- 18 Sîla puo sie, Jihova kedi kedipuo ze kemhie ga?
morei süuse mihakikechüpuo ze kemejü shülie vi ga?
19 Süusü gakrieshü mhie zâ; süusü setsu puo zîenu
leishüdi lhou sier zhapie seibâ chülie; sidi teirakâ vâ
20 sügeisüpu rüse baya. Sita. Sirâ puo lasie, A Jihova
21 kedi üse kedipuo ze kemejü shüta? Süusü khrei
miapfûpuoa⁴pie vâ thou mhakemejürha ketsu se nu
pheshüdi pou. phrelie kemochie gepie keba mhie zâ.
Sita.

JISU JURUSALEM NU KEVÂ; MU SUOMIANIE KELAKELIE
NGULIE TIESHI, SÜKÂ DZE KEPU

- 22 Süsia puo rüna kezhakâ pu mu kechükâ nurei vâ mia
23 pethathadi tuöse Jirusalem nu vâzhüru, miapuo puo
üse, Niepu, kelalie ketuokâ tsa zâtuo ma? sidi ketsâ.
24 Sitse puo ukâ üse. Niekâ kikha kemereu nunu le tuoü
kechü niekâ rhie chüliechie: mhakekreilamonyü, a
niekâ ki pushütuo. themia kekra letuoü pfü hutuo,
25 derei lelielhâ kechüla. Sükisü kinu niepuua siedi
kikhau khalieta lirâ. sirâ niekâ kitia thadi kikha
ketoudi sie, Niepuu, khrüshü hie tsüchie, situo; sitse
puo lasie niekâ üse. Niekâ kirapuonu vârsi a niekâ si
26 mowe. sitatuo; sitse niekâ rei, Hie thiadzü n mhungu-
kinu mbachü mhakria, mu nâ rei hie chaükânu mia
27 petha, sisietuo; tsü puo rei sie. A niekâ ki pushütuo,
niekâ kirapuonu vârsi a niekâ simo; niekâ themia
kesuo chüya kezha kekâ niekâ tuo a therhie taliechie!
28 sitatuo. Sitse niekâ Abraham mu Isak mu siadzeke-
sikâ petekâ Jihova kedi nü keba ngukelio mu niekâ
whuopie kitia shükewaki niekâ sünu sünu kradi niekâ
29 hu thegeipie batatuo. Sitse mia niethutsa mu kisiatsa
nu mu pekhrâtsa mu pesâtsa nu vârdi Jihova kedinu
30 hietuoü balietuo. Sirâ harie, keriakâ huomia nuotatuo,
mu kenuokâ huomia riatatuo. Sita.

HEROD KERÜZHÜ DZE

- 31 Sümese toukisü Farisimia krâpuo vârdi puo üse, Nâ
hanu bahiedi tuöalie chie: mhakekreilamonyü Herod

- 32 n dukhriwanyü bata kechüla. Sitse puo ukâ üse, Niekâ vâ meseru süu ki puwachie, Harie, a thia mu sâdu terhuo kesuokâ whuo mü kechümia chü keshürhâ
- 33 batuo, sirâ zha senhiawe a chüthelie tatuo. Süderei a thia mu sâdu mu nuonhiakâ tuoshü zhüzâ morâsuo: mhakekreilamonyü Jirusalem nu zâ kemosia chazoutsa nuwe siádzekesimîa dukhriwanielhâ zâ *nhiamu* ikechüla.
- 34 Harie Jirusalem, Jirusalem, siádzekesikâ dukhriya kezha, mu mia ketsepîe puoki keshükâ, ketsiepîe sükâ vakezhau thevüa puo shüpie puo nuonuokâ whe kengulîeya kezha tuoi a va keditsuo kedithede n nuonuokâ
- 35 pfükengulîe nyü ga! derei niekâ thuo mvüte. Harie, niekâ ki khapie niekâ dzienu shüwa tatuo. Sizâmonyü a niekâ ki pushütuo, niekâa. Niepuu za se kevâr-ü ruokuothâ, ikechü pu kemochie niekâ a ngulielhâ zâ. Sita.

KERLEIZHANHIA JISU DZÜNUONI KEPFÜMIAPUO CHÜPE-
VIKESHÜ; PUO MIA KEPETHA, MU MIAZE HIEPHI
KECHÜ DZE DIEVH

- 14 Süsia kerleizha khunhia Jisu Farisikâ dân kezhamiapuo ki hietuoüdi letse sükisü mia puo mehâ terür
- 2 pfüba ru. Dzünüoni kepfümiapuo puo mhâdzüki ba ngulîe. Sitse Jisu lare thezhâ kesikâ mu Farisikâ rüchüdi sie, Kerleizhanhia kechü chükeshürhâ keshü thezhâ mo moga? sidi ketsâ. Sirei ukâ keinekriezei bata.
- 4 Sitse puo themia süu biedi puo chükemenewadi puobu tuota. Sidi sie puo ukâ üse, Niekâ huomianie nie gada morei mhathâthu puo baü mhadi te theke kesoupuo nu leta lirâ, kerleizhanhia zâ shierei puo kenourhei ledi shüpar mo tuo ma? sidi ketsâ.
- 6 Sitse ukâ die sükâ sidi mhapuorei pulie ukâ medâ jüta.
- 7 Sükisü hienudi kiezevâr kebakâ theba kevîkâ pfüdi
- 8 baketa ngudi puo kedieviidi ukâ üse, Themia kehuapuorei nie bu vâ kiyakechü henu hienu nie kie zâ shierei vâ kezhamia banu batahie chie; puo nie ki
- 9 therhu kepfü huomia rei kie ba rei siliehâ, mu; sirâ n nia keninfa kie keshüu vârdi n üse, Themia hau ba
- 10 peria shüchie sita râ; sirâ nâ mengadi vâ theba kernuo

- nu batatuo. Sūsūla mia n kie lirā, vā theba kernuo nu baliechie; silirā n kiekeshūua vār rā, puo nā ūse, A zeu nā khā theba kerkrie zanu baliechie, isie rei silielhā : silirā nā rei mia vār hiekeba khēkā mhadzūnu therhu
- 11 pfūlietuo. Mhakekreilamonyū themia kehupuorei puothuo puo lepezha kezha khēkā chū pechūwa tuo, mu themia kehupuorei puothuo puo lepechū kezha khēkā chū pezha shūtuo. Sita.
- 12 Sūsia Jisua puo kiekeshūu rei ūse, Nā khinhia morei theva mīaze hie tuoū lirā, n khriethāmia morei n siazedzūriāmia morei n se n nyiemia morei n siazanuomia mhakenyimia kiezāhie chie; sūkāzāwe n kiela
- 13 zevādi n zhada vūwatuo pekruo. Derei nā kehukupuorei mīaze hietuo lirā, mhakejūmia, lalhimia, ulhesuoketamia, mhichiemia, sikechūkā kieliechie; silirā nā theja pfūlietuo; ukā mhapuorei se n zhada vūlie kenjū kechūla; sizāmōnyū miathākā rheilakesieki n zhada vūshūtuo.
- 14 Sūkisū ukā keze liekebakā miapuo die sūkā sidi Jisu ūse, Jihōva kedi nu hiekeliemia ruokuothā! sita.
- 15 Derei puo themia sūu ūse, Miapuo khuozhūpuo thehe
- 16 keso sepieba, sidi puo themia kekra kieshū: sirā puo hie ketuo tiaki puo kituomia ketseshūdi pedzū kiepie
- 17 kebakā ki, Vārehie: mhakekreilamonyū mhapetekā kediēnhiedi mhapu kerūpupu phreta. Theriau puo ūse, A lietsa puo khrūlie ru, a tsudi sūu mehā morāsuolie; nā a ngumezhiedi a khashūchie; sita.
- 18 Sirā kekrei puoa sie. A nhathāthu keniapie puochū ehūkechū pengou khrūpie tha ru, sūla a tsu sūkā kevikesuo mehā tuolie; nā a ngumezhie zādi a khashūchie; sita. Sirā kekreamiapuo rei sie, A thenupuo
- 20 liepie ba ru, sūla a vārkelie jūlie; sita. Sitse kituo sūu vārdi puo niepunia ki die sūkāpie pushū. Sitse ki sūu nu niepuu puo neimodi sie puo kituo-u ūse, Nā tuomba rūnanadiu mechū chapfūkā nu mu chatsekā nurci vādi mhakejūmia mu lalhimia mu mhichiemia mu ulhesuoketamia ze hanu vārlicchie! sita. Sūsia kituo-
- 22 ua sie, Niepuu, nā chūnu keshūkā sū chūliete; sirei tsierei.
- 23 theba ba saluo; sita. Sitse Niepuua sie kituo-u ūse Nā pradi chāukā nu mu chatsekā nu vādi mia hūze a

- 24 kinu vār aki ketsu chūlie. Mhakekreilamonyū a niekā
ki pushūtuo, Pedzū kiepie kebakā puorei a thehe
kesepie kebau metha kelie jū zā kechūla. Sita.

JISUA PETHAKELIE KETHÂTOUMIA BU CHŪLIE MORÂKESUO
ZASI THAPIE THEMIAKÂ KIAKESHŪ

- 25 Sūsia themiagrādi puo zetuo kechūki, puo reipra
26 sūkā ūse. Themia kehupuorei aki vārdi puothuo puopuo
mu puozuo mu puokimia mu puonuonuo mu puo
siazedzūriamā mu puo ūpfūnuo sirā sūzāmonyū puo-
phou zārei khriemolie kemosia, sūmia a siadzimia
27 ūkechū chūlie kenjū. Themia kehupuorei puothuo
puokrus piemodi a siakemedzimia a siadzimia ūkechū
28 chūlie kenjū. Ka, sirā niekā huomianie kudapuo
pfenyū sie lirā, peria bachūse chūliedi mhakedithede
pie sūu chūta, morei puo sūsū chūvā tsālie tāmō
29 mota, sikechū leyakemo suomia бага? Simo lirā
mhanuū puo puomvūu dzepiezhūdi chūvātsālie lhāta
30 lirā, mia sūu kengu khekā puo kredi sie, Hou! themia
hanha han chūchie siedi chūkhā tsālielhāte ha! isita rei
31 silielhā ho. Sizāmonyū kedimia puonie kedi kekreibuo
ze kegei tuoū kevāki, puo peria keba chūse chūliedi puo
mia nyie ker zophi mia nyie mepfū ze puoze kegeituoū
vār kezhūu ze keselie vituo mo mo tieshi ikechū lekemo
32 kedi kikechūpuo бага? Chūlielhā lirā luu vā latsa
ketuonu puo puodieliemia ketseshūdi puobu vā kevi
33 chūwa ketuo dze ketsāya. Sūla sūsūtuoī niekā dānu
themia kehupuorei puovie ketuokāya khawa khrie
34 kechūu puo a siadzimia chūlie kenjū. Sūsūtuoī metsiea
vizā; derei metsie zārei puolhe jūta lirā, kedipuo ūse
35 vapelhelie tuo ga? Sūu kijū rei mu nyāpfūkhru rei
vapevilieya mo: miabu pfūkelhouwava kezha zā. The-
mia kehupuorei dierūnyū tuoū kechū unyie kenyimia,
sūmia bu rūnyūlie chie- Sita.

KEPHUMAMIA UNOU KEDILIEDI KEIAKELIE LA JIHOVA
PUO NEIYA ŪKECHŪ DZE DIEVI SE

- 15 Sūkisū thesākeliekā mu kephumakā pete puodie
2 rūnyū tuoūdi puo penuo vār. Sitse Pārsikā mu mhake-

sithâkâ kenyadi sie, Themia hauha kephumamia rei zeliê di ukâze mhapchûya zâre ha! sita.

- 3 Sitse puo dievii hau se ukâ rûchûdi sie, Niekâ huomia-
 4 nie tekuo kriapuo baûmhadi sükâ dânu puo pejûwa lirâ,
 5 nguliekemochie pfûyakemo supuo бага? Sûsia puo
 6 sûyâ ngulietse pie puobouka nia gei shûliedi puo neiphi
 7 tuoya. Sirâ pie kinu vârlietse puo puokhriethâ khrie-
 chükâ mu puo siazanuokâ kiekengu phreliedi sie ukâ
 8 ùse, Niekâ rei ukâ keze uneiliechie : mhakekreilamonyü
 9 a akuo jûketayâ ngula kelie la. A niekâ ki pushûtuo,
 Sûsütuoï thenoukedikechû semoreivi ùkezha themia
 kemiathâ hiethepfûa thepfükâ kirei kephumamia the-
 noukedikelie miapuo la teigei uneiphi tuo.
- 8 Sizâmonyü thenumia pfûpuo doulei ker badi puo
 doulei puo pejûwa lirâ, mi petuliedi kizâdi puo sûyâsü
 9 ngulie kemochie pfûya kemô thenu huo ba ma? Sûsia
 puo sûyâ ngulie lirâ, puo puokhriethâ khriechûmia mu
 puo siazanuomia kie kenguliedi sie, Niekâ rei ukâ keze
 uneiliechie : mhakekreilamonyü a adoulei pejûkewayâ
 10 ngula kelie la. Sûsütuoï a niekâ ki pushûtuo, Kephuma-
 mia, thenoukedikelie puo la Jihova dielikâ mhinguki
 rei uneiphiya. Sita.
- 11 Sûsia puo lasie, Miapuo puonuo kenia nyi ru: nhi-
 12 chuyâ sie puopuo ùse, Apuo n vie aya mesekâ tsie kha-
 13 pie atsûwa chie ; sita. Sitse puo puovie kezapie unia
 tsûwa. Sûsia 'zha chabakemonu nhichuyâa puo viekâ
 petese tuose rûna kepetse puonu vâdi ; rûgerûzhûdi sünü-
 14 nu puo viekâ pekawa. Sirâ puo puovie petekâ zechû
 thelietse rûna sünusü pekriekriedi chûta ; sidi puo mhapjû
 15 bata. Sûsia puo vâ rûnasünü thekhenu kelhoumiapuo
 ki puokivâ chûta ; sitse themia süu puo ketsepie puo
 16 lienu shûdi puobu thevâ pfenuta. Sükisü puo thevâcha
 chûyakezha kharub preikâ rei chûdi puovaluo chûkelie
 17 rei mengubata ; derei miapuorei se puo tsü mo. Sûsia
 puo puomelou mechieliedi sie puothuo puo rûchûdi,
 Apuonuo mia zha khrûze puokituo chû kezhakâ kekra
 18 bakechû thuorei ucha uva ukelhuo chûba, sirâ süzie rei
 ba ; derei awe hanunu thekhepfû siata tuoü bate! A
 19 siedi tuôla apuo ki lavâdi puo ùse, Apuo, a teigeiu mhâ-
 dzünü rei ma n mhâzünu rei phuma wate : a nbu aü n nuo

- ūkechū rei kielie sū motemu : nā abu n kituo n zhakra-
 20 mia puo rei chūlie chūmu. Sibata. Sidi puo siedī
 tuose puopuo ki vār ru. Puo ratsa ketuonu rei puo-
 puosū puo ngudi puo noumezhiēdi tavā puovā chiepie-
 21 liēdi puo mebāta. Sitse puonuosū puo ūse, Apuo, a
 teigēiu mhādzūnu rei mu n mhādzūnu rei phumawate : a
 22 nbu aū n nuo ūkechū kielie sūmote ; sita. Derei puo-
 puosū sie puo kituokā ūse, Niekā mhai vā, pfekevithā
 mia sevār puobu dziēliechie ; sirā dziēhā puo rei puo-
 23 dzie nu shūshū, mu phikou rei pie puobu pfūlie : sirā
 vā uthunuo puophou keviyā whuovārdi dukhrilie, sidi
 24 ukā keze chūdi sidi unei khe! mhakereilamonyū anuo
 hau siataru, rheilaliete ; puo pejūwaru, ngulalie ketala.
 25 Sita. Sidi ukā keze unei bata. Sūkisū puo dzūriau tsu
 lienu tuo : di tuo ki penuo vārkezhūki puo mia ūtsali
 26 chū mu keyukenyū chū keba silie. Sitse puo kituokā
 miapuo kieshūdi kedipuola sūkā chūbā shi kechū kotsāru.
 27 Sitse sūu puo ūse, N siazeu lavārte ; mu n puo n siazeu
 vi mu shūrkhā tuodi ngulakelie la uthunuo puophou
 28 keviyā dukhri chūbatelie! sita. Derei puo dzūriau
 puonou meyiedi kinu vāmūta : sitse puopuo tuo kitia
 29 vārdi puo sebeita. Derei puo lasie puopuo ūse. Harie,
 a teichie hatsuo hachie n lie chūvār, sirā a khunhia puo-
 rei n die vachieya mo ; situorei nā! mhakipuorei
 temvūnuoyā puorei khapie atsūdi abu akhriethā khrie-
 30 chūmia reize anei kechū puorei chūya chiemo : sirā n
 nuo hayā thethenukā zedi n viekā peka chūliēdi vār ru,
 nā uthunuo puophou keviyā dukhripie puotsū baluo
 31 tele! sita. Sitse puopuo puo ūse, Anuo, nā aze seituoya
 32 zemu, a viekā petekā n vie ze. Derei n siazeu siataru,
 rheilaliete : jūtaru, ngulaliete ; sūsūla we unei mu unu-
 mvū keba mese ze. Sita.

MHAPIE KEHUKERUO CHŪKESUO DZE DIEVII MŪ MIA
KEPETHADIE

- 16 Sūsia puoa pethakeliekā rei ūse, Mhakenyimia puo
 miapuo bu puoviekā mehāyakezhapuo nyī ; sirā themia
 sūu ūse mhakenyiū viekā sekehuchūwata ūdi mia vā
 2 puoki puta! Sitse keniūa puo kieze vārdi puo ūse, N
 rūlipuo pu anyie nu vārtemu, kiēdi hīgat? Nā mhanya

- keseya kezha hisab khashü chie ; mhakekreilamonyü n
 bu avienyakâ keso kezha chüba lielhâta kechüla Sita.
- 3 .Sitse puo kituo süu puothuo puo rüchüdi sie, Aniepumia
 abu puokituo kam chüliehâ ütemu, a kedipuo chürâ vitâ
 rümu ? A kijü ðutuoümu metei mia ; a khruo chütuoü-
- 4 mu mengaa. Kituokam hau nunu mia a whuoshü rä,
 miabu a zetuolie kevi chülieketuo thedâpuo siliete
- 5 Sibadi sie puo niepumia pupfüketuokâ miapuopuo kieze-
 vârdi thërigu üse, Nâ aniepumia pu kidepuo pfütuo ga ?
- 6 idi ketsâru. * Pua sie, Tier bou kriapuo, üsita. Sitse
 puo themia süu üse, Hye, n leshüu lieliedi kebadi hiepe-
- 7 ngou thu mhashülie ; sita. Süsia puo kekreibuo rei üse,
 Kia, nârei kedithede pfüzü ga ? sidi ketsâru. Themia
- 8 süua sie, Thoulha bou kriapuolie ; sita. Pua süu üse,
 Hye, n leshüu lieliedi hiethetha thulie ; sita. Sitse puonie-
- 9 pumia puo keriakenuo ledi, mhachü kechüla puokituo
 mezhükemo-u üse puodâ viphi üta. Süsütuoü kijü hau
- 10 nuokâ uthuo uthemia mia kitsatiwe Kezieu nuonuokâ
 ki udâ vikuo. Sizâmonyü a niekâ ki pushütuo, Kethâ-
- 11 kemo kinyikâ se nie khriethâ pfüliechie ; silie lirâ kinyi
 sükâ jüketaki mia kechachie ba ketuo kikâ nu niekâ
- 12 zelietuo. Themia kehupuorei Mhaketsa kedunuoyâpuo
 nurei miabu puo pelelie kevi chü lirâ, mhakekra nurei
- 13 mia puo pelelie vi : mu themia kehupuoroi mhaketsa
 kedunuoyâpuo nurei miabu puo pelelie kesuo chü lirâ,
- 14 mhakekra nurei mia puo pelelielhâ. Süla niekâ kethâ-
 kemo kinyi nu miabu niekâ pelelie kevi chülie molirâ,
- 15 supuonie kethâ kinyiu pie niekâ dzienu shüdi nie
 pelewalie vituo ga ? Sizâmonyü niekâ miavie thuo rei
- miabu nie pelelie kelhâ chü lirâ, supuonie mhakhapie nie
 dzienn shüdi niebu se nievie chü tuo ga ? Mia kituo
 chüyakezhamia miapuorei niepumia mia kenia kituo chü
 keduolie suo ; silirâ puo miapuo rütse mu kekreibu ngu
 puoneitattoo ; morei miapuo kitsa batadi kekreibu thita-
 tuo. Niekâ Jihova mu mamon unia kituo chükeduolie
 suo. Sita.
- 14 Sitse Farisikâ shükei raka üse mhakekrei chüyake-
- 15 zhakâ diesükâ sidi ukâ puo krenyüta. Sitse puo ukâ
 üse, Niekâwe themia mhinguki niethuo nieü miathâ
 ütuoya ; derei Jihovawe niekâ nou siphre : mhakekrei-
 lamonyü themia dâru mhakezha ükezha puonie Jihova

- mhinguki kerütse kechüpuo zâ rei *silielhâ* kechüla.
 16 Johan vârkemochie thezhâu mu siadzekesikâ bu tuo;
 sükisünu Jihova kedi dieliekeviu pupie mia petha yâr,
 17 sirâ themia ketuokâyâ rûsou sünu ler nyü sie. Derei
 thezhâu nu tuoshü keviyâ puo jüketa kirei tei mu kijü
 jüketa rükuo.
 18 Themia kehupuorei puo kimia vawadi thenu kekreibuo
 lie râ. pieü chüta zâ : sirâ themia kehupuorei thenumia
 puo nupfunuo puo whuokeshüpfü lie râ puorei pieü
 chüta zâ.
 19 Mhakenyimia puo, pfe meriemege kechü mu lienen pfe
 puolâ kemesopfü dziedi teisânhia lhou puo theguo chü-
 20 tuo : sirâ Lazar ükechü khruokechü miapuo puogei
 kechü tsupfüdi miabu puoze vâ puochare ki piebaru;
 21 puo kenyiü mizhü geinu puocha rûria ketsukâ rei chünyü
 sie pfüba ; sirâ tefükâ thuorei vâ puogei kechü pfükâ
 22 meyâyâ baya. Süsia khunkiapuo khruokechü süu siata.
 sidi teigi dieliemia thuo puo toupievâ Abraham mer gei
 piebata : süsia mhakenyiü rei siatadi miabu puo pievâ
 23 khruwa. Sidi puo vâ kesiamiarüna nûnu kemezhiephidi
 tâsieru. vâ ratsa Abraham mu puo mer gei Lazar rei
 keba ngulie. Sidi puo melie puo rhiechüdi sie, Apuo
 24 Abraham, nâ angumezhie zâdi Lazar ketseshüdi puobu
 vâ puodziekinuo mekia reipie dzünu sedi sevâr amhiü rei
 se pekoushüi ; mhakekreilamonyü a miü hanunu keme-
 25 zhiese bata kechüla ; sita. Derei Abraham-a sie, Anuo
 nâ nthurei lechie, nâ n kerheiki, n vie kevikâ mu süsütuo
 Lazar rei kesuo kheikâ ngusewate : sirei puoa tsie hanunu
 26 ketheguo bate, mu nâwe kemezhie bate. Sirâ süzâmonyü
 hiekâ mu niekâ dânu kheikâ kemeriekechüpuo chüpezhü-
 wate ; süla mia hatsatienu tuo niekâ ki pfünyü rei pfükeli-
 jü, mu chütsatienu miapuorei tuo hatsatie pfür kelie jüte.
 27 Sita. Sitse puo lasie, Süla apuo, nâ a ngumezhie zâdi
 28 puo ketsepie apuonuo kinu shüi ; mhakekreilamonyü
 asiazedzüriamia mia pengou bamu, ukâ rei kemezhie
 kechü chü hanu vârtâ rei silielhâ mu ; süla puobu ukâ ki
 29 pu menuowachie ikechüla. Sita. Derei Abraham lasie,
 Ukâ Mosa mu siadzekesikâ rei be ru ; ukâ bu sükâ die rû-
 30 nyülie chie. Sita. Sitse puoa sie, Si suolie, apuo Abra-
 ham, puothuo sishierei miapuo kesia nunu rheila ukâ ki
 31 vâ râ, ukâ rei ukâ nou kedilie tu ; sita. Sitse Abraham

puo üse, Ukâ Moga mu siadzakesikâ die rei rünyü morâ,
miapuo kesia nunu rheilavâ zâ shierei ukâ pelchielhâ.
Sita.

MIA MESHÜ PESUO KECHÜ, MIA KEJÂ VAKECHÜ KEPELE,
MU THENOU KEMENE DZE

- 17 Sûsia puoa pethakeliékâ üse, Mia meshü pesuo kechü-
kâ vârmô lielhâ; derei che! kehupuorei sükâ sevâr
2 kezhauswe chülietiea! Themia süu nhichu hakâ miapuo
meshüpesuo keshüwe mhakegetise pie puovâ gei kheshüdi
miabu puo kelhupie dzükezhanu shükewawe puo dze
3 vikuo tuo. Kehupuorei niethuo nie kireilie chie: n
kezemia miapuonie kejâpuo chü râ puokejâ pupie puo
kiadi puo pethachie; sidi puo puonou kedilie lirâ, puo
4 kejâ vashü puo tsüchie. Sizâmonyü puo khunhia n gei
vathenia kejâ chüdi, la n ki vâdi nâ üse, A nou kedilie-
tewe; ikechü puo lira, nâ puo kejâ vashü puo tsü morâ-
suo. Sita.
- 5 Sitse apostelkâ sie Niepuu üse, Nâ hie kepele chü pevi
6 sashü chie; sita. Sitse Niepuua sie, Niekâ kepele
gakfieshüdeyâ puorei ba kechü siewe, niekâ khrabvübâ
hau üse, Nâ nthuo rûlou dzükezhanu ledi le sünunu
sepfü baliechie, ishü lirâ, sürei niekâ die zelietuo.
7 Niek âhuomianie ukituo puo nyidi süu lienu mhachü-
tuo morei tekno pfetuodi, puo lienunu vârtse, puo ki,
Nâ tuo mhai vârdi badi mhachülie chie, isituo ma?
8 Mo simodi puo ki, Nâ anouva keseshüdi pfepie n
chiepha pfüliedi a chüü kria hulie kemochie kashü atsü
thazâchie; sidi kenuo zenu nâ mhachü mhakria chie;
9 ikechü puo lielhâ le? Puo kituo süu puo kepukâ chü
10 keshüla puo thezie tuo ma? Süsütuoï niekâ rei niekâ
bu chünu keshükâ chüphrelieta lirâ niekâ, Hie n kituo
rei n kituo kevi mo hiebu chünukeshü hie zhakâ rürbei
chükeli zâ; sichie.

JISUA LEPPRA KECHÜMIA MIA KER CHÜKEMENE KEWA

- 11 Sûsia ukâ Jirusalem nu vâtuodü tuoyâ kezhüki puo
12 Samaria mu Galil rûna nia tieria nu vâzhü. Sidi puo
rûna puonu letse lepra kechümia mia ker ratsa thadi

- 13 ngulie ru ; ukâ melie ukâ rhiechûdi sie, Jisu, hie Niepuu,
 14 nâ hie ngumezhieshû zâchie ; sita. Sirâ puo ukâ
 ngutse sie ukâ üse, Niekâ vâdi niekâ mâpie phichûkâ
 pekiachie ; sita. Sidi ukâ tuovâ zhûru, ukâ kechû
 15 meneta. Sûkisû ukâ miapuo kechû mene keta nguliedi
 melie puorhiechûdi Jihova tsetsedi lavârta ; sizâmonyû
 16 puo Jisu tsetsedi tsu puo phinu zerepfû zhûta ; sirâ
 17 themia süsû Samariamia puo. Sitse Jisu lasie, Mia ker
 chükemeneshû mo ma ? Sirâ mia tsepükâa kita ga ?
 18 Rûsâ rûnakekreima themia hau sia kekrekâ miapuorei
 19 lavâr Jihova ketse jûte ma ? Sita. Sidi puo sie themia
 süu üse, Siedi tuo nthuo n kinu vâtalie ; n kepele thuo
 n chükemeneliete ho ! sita.

JIHOVA KEDI VÂR KETUO DZE

- 20 Süsia Farisikâ Jihova keñi kedikechûkipuo vârtie shi
 kechû ketsâru, Jisua sie ukâ üse, Jihova kedi miabu
 miamhipie nguliekevi chû vârliehâ ; miapuorei, Harie
 21 haki ba ; morei, Luki ba. ikechû puliehâ ; mhakekrei-
 lamonyû, harie, Jihova kedi niekâ nou bata kechûla.
 Sita.
 22 Süsia puo sie pethakeliekâ üse, Niekâ Themia Nuo-u
 zhapuo ngunyûphi kesie tei vârtuo ; derei niekâ sükisû-
 23 rei zha süu nguliehâ. Sûkisû mia niekâ ki, Legei, puo
 luki ba ! Hagei, puo haki ba ! ikechû putuo. Sishierei
 niekâ vâhie chie ; morei sükâ sia rei medzihie chie.
 24 Mhakekreilamonyû teikemela tuoi teikhrâ tietsatie-
 puonu teimelashû râ teikhrâ kekreditsatie zievâya kezha-
 tuoi, süsütuo Themia Nuo-u rei puo zanhia sivâr
 25 zâtuo kechûla. Derei puo kemezhie kechû nguphidi
 26 tsiedânuomia bu puo melia riatuo. Thiadzû Noa
 kelhouki tuoi Themia Nuo u zhaki rei sütuo zâtuo.
 27 Noa rouu nu leta kemochie, mia mhachû mhakria, mia
 thenulie, mia thenyhû chû, ibadi dzûdi vârdi themia
 28 sükâ petekâ pelheikhri phrewa. Lot kelhouki rei sümhie
 zâ ; mia mhachû mhakria, mia mhakhrû mhaze, mia
 29 mhalei mu ki chûba ; derei Lot Sodom rûna nuu tuo-
 keta nhia teigei nu mi mu mitsie rûr tsurdi sükâ petekâ
 30 thekhri pouwa : Themia Nuo-u miabu mhâtsou puo ngu
 31 ketuoki rei sümhie zâtuo. Sünhâ themia kehupuorei ki

- gei kebamia, sirâ uvie ukinu kebamia, sümia bu kifü ke uvie chühie; sirâ süsütuo ulienu ketuomia burei ukinu
32. lavâhie. Niekâ Lot kimia rüli leshüphi chie. Themia
33. kehupuorei puothuo puo phou üse puothuo puovie chükeliê rhüsie lirâ, pejüwatu; derei themia kehuporei puophou pejüwa lirâ pekrupie puovie chülietuo.
34. A niekâ ki pushü tuo, Süzhüsü mia kenia thezhüpuo gei
35. zhü zârei; puo zeliätatu mu kekreiu khawatu. Thenumia kenia keze mhage bazâ rei; puo zeliätatu mu
36. kekreiu khawatu. Sita. Sitse ukâ lasie puo üse, Kirapuoya, Niepuu? sidi ketsâta Sitse puo ukâ üse, Themâ kezhüra, chürhaükâ rei vâ kengutno. Sita.

UKECHA RÜNYÛ KETUO DZE DIEVII KENIA

- 18 Süsia puoa ukâ bu uchamezieta modi cha sei balienu kechüla dievii nunu ukâ rüchüdi sie, Rünapuonu kenya
2. pepiyakezha Jihova rei preiyakemo, themia die rei üse
3. mhaüyakemo puo ba. Sirâ rüna sünüsü thenusamimia pfüpao rei bayaru; süpfüsü tsiekenüo puo ki vârdi sie, Nâ a zhapushüdi a ngumvümia gei a khepushü thia,
4. isidi puo mezhie melâ baya zâ. Derei puo zäpuokiwe mvüta; sidi kenuotsanu sie puothuo puo rüchüdi, A athuo Jihova rei preimo, morei themia die rei üse mha
5. üyamo zâshierei; siüderei thenu sami hapfü vâ a kehyu bayazâ kechüla a puo khepushü zätuo; simolirâ puo vâ
6. mu vâ rür zâtha a kechakhri watieru. Sibatâ. Süsia Niepuua sie, Kenya pepiyakezha mezhükemo-u diethuo
7. rei siya kezha sü siliechie. Sirâ Jihova puothuo puonou cha zäüderei teisânhia teizeimetsei puo ki cha seibaya zâ kechü puo puothuo kedakeliêkâ khepu motatuo ma?
8. A niekâ ki pushütuo, Pao kenourhei sie ukâ khepu zätuo. Sirei Themia Nuo-u vâ ketuoki süki kifü kepele badi puobu ngulietuo ma? Sita.
9. Süsia puo themia doupao uthuo uüse miathâ üdi upele mu kekreamiawe üse mhaütuo kemo krâpuo la
10. dievii hauha rei pu; Mia kenia kerüsuoki nunu chatuöüdi khâ; sünia miapuowe Farisimia, mu kekreiawe
11. thesâ keliemia puo. Farisiua thadi chakechü hamhie puothuo puo rüchüdi sie, Jihova, A themia mia kekreamia mia kechüdi mia vie se chü kezhamia, mezhükemo-

- 12 mia, pieü kechümia mhieü, thesäkelie hau rei mhie mo
 13 kechüla a n tseyawe. A deobadäpuonu vakenia me-
 14 väya ; a mha ngukelie khekä za ker chüdi zapuo kha-
 15 shüya. Sitha. Derei thesäkelieuwe ratsa, thadi täsie
 16 teigei mehâ reilie suodi, puo mer kepfüdi sie Jihova, nâ
 17 kephumamia a harei ngumezhie shüi ! Sitha. A niekä
 18 ki pushütuo, Themia kekreiu monyü themia hauwe
Jihova mhadzüki miathâta üdi tuo puo kinu kete :
 19 mhakekreilamonyü themia kehupuorei puothuo puoü
 20 zha ükezhau chüpechüwatuo ; derei themia kehupuorei
 21 puothuo puoü chü ükezhau chüpezhahü tuo kechüla.
 22 Sita.

JISUA NHICHUNUOKÂ NGUMEZHIE KECHÜ

- 15 Süsia mia Jisu bu uruonuokâ biëshü nudi sükä ze
 16 puo ki vâr ru ; pethakeliekâ sü ngudi ukâ bu vâr-hie
 17 nuta. Derei Jisu ukâ kiedi sie, Nhichunuokâ bu aki
 18 vârlie chie, mu ukâ kha hiechie : mhakekreilamonyü
 19 hiechükâ ha Jihova kedinu ketuokâ zâ kechüla.
 20 Harie, a niekä ki putou shütuo, Themia kehupuorei
 21 nhichunuomia tuoidi Jihova kedi zelie morâ, puo sünu
 22 le kelie jü zâwe. Sita.

MHA KENYI KEZHAMIA PUO VÂR MHA KETSÂ KECHÜ, MU SÜULA DIEPU LA KESHÜ

- 18 Süsia kezhamiapuo vârdi sie puo ki, Kepetha keviu,
 19 kechachiekerheingulieketuola, a kedipuo chülie moräsuo
 20 ga ? sidi ketsâ. Sitse Jisua sie puo ki, Nâ kiüdi a üse
 21 keviu üya ga ? Miapuo rürbei sia kevi puorei jü ; süsü
 22 Jihova zâ. Pieü chühie, mia dukhrihie, rüguhie, tijüdi
 23 mia zhapuhie, n puo n zuo rhulie ; nâ die hakâha
 24 sibatie. Sita. Sitse themia süua sie, A nhichu nunu
 25 hakâha pete zevârte ; sita. Sirâ Jisu diesü silietse sie
 26 puo üse, Nâ mhapuo tsâ moluo : n vie ketuokâyâ
 27 zeliedi kezapie mhakejükâ tsüwalie ; silie lirâ teigei n
 28 vie nyilietuo : sidi vâr a sia medzilie. Sita. Derei puo
 29 die sükä silietse puo thesuo sie ita ; mhakekreilamonyü
 30 puo mhanÿiphi kechüla. Sirâ Jisu puo ngudi sie, Mhake-
 31 nyimia Jihova kedinu le reza tiêlie ha ! Mhakenyimia

- Jihova kedinu kele ki utpuo bu thepre kinu meliepra
 26 ketawe rûukuo tuo. Sitse diesûu kesimia krâpuo sie,
 27 Di silirâ, supuonie kelakelie ngulie vituo ga? sidi ketsâ-
 ta. Sirei Jisua sie, Themia chûlie kelhâkâ Jihovaa
 28 chûlie vi; sita. Sitse Pitor-a sie, Harie, hiewe hie viekâ
 29 khawadi n siamedzi tuote; sita. Sitse puo ukâ üse, A
 niekâ ki putou shû, Miapuorei Jihova kedi la puoki morei
 puokimîa morei puo siazedzûria morei puokrû morei puo
 30 nuonuo khawadi tsiedâ kelhouki harei süzieba ngulie mu
 kenuo-u kelmounu kechachie kerhei ngulie kelhâ jû.
 Sita.

JISU SE MU RHEILA SIEKETUO DZE PUOTHUOSIADZEKESI
 DIE KEPU USEU

- 31 Süsia puo, pethakeliekâ ze puo ki vârliedi sie ukâ üse,
 Harie ukâ Jirûsalem nâ khâta tuoü zhie; sirâ siadze-
 kesikâ bu thupie ketuo khekâ Themia Nuo-u geinu
 32 chûtsei phre tuo. Khâ râ mia puo tepie Judamia
 kemomia dzienu shûtuo, sidi miabu puo kre mu puo
 pesedi puo mhâ metsie, sirâ mia puo vû idi puo du-
 33 khrîtuo: süsia zha senhia puo rheila sielie tuo. Sita.
 34 Derei ukâ die sükâ puorei silie chiemo; tsiu diesûu se
 ukâ rûshûwata kechûla kedipuo pu shi kechû ukâ
 lelie mota.

JERIKO MU MHICHIEMIAPUO MHI CHÛPEVILA KESHÛ

- 35 Süsia puo Jeriko rûna penuo vâzhûtse, mhichiemia
 36 puo chakhie kinu khruochû badi: themia kekra puo
 khieki vâkezhû sidi, kedipuo chûtuoüdi situo shi kechû
 37 mia ki ketsâ. Sitse mia puo ki, Nazaret Jisu vâzhû
 38 ûkechû se puo ki pushû. Sitse puo shiekhoudi sie,
 David nuu Jisu, Nâ a ngumezhie shûi! sita. Sükisû
 39 riakevâkâ puo kechûdi puobu kenekrie bata nuta:
 derei puo melie puorhie chûsadi, David nuu-u, nâ a
 40 ngumezhie zâi; isi bata. Sitse Jisu thatadi, miabu
 puo zevâr nuta: sidi puo puo penuo phir zhûtse, Nâ
 41 abu n gei kedipuo chû keshû n neituo ga? isidi puo
 ketsâta. Sitse puoa sie, Niepuu, abâ mhangulalie
 42 yi! sita. Sitse Jisu sie puo üse, N mhi bu mhangulie

- chie. N kepele thuo n chûpeviliete ho! sishû. Sirâ
 43 puo sishûtsemetha puomhi mhangu parta; sidi puo
 Jisu siamedzidi Jihova tse tuota: sirâ themia petekâ
 sîsû ngudi Jihova tseta.

JISU ZAKIA KINU KEVÂ

- 19 Sûsia puo Jeriko rûnanu ledi tuose rûna sûu
 2 pfütthe vâzhû. Sûnu Zakia ûkechû miapuo ba; mu puo
 thesâkeliekâ dânu pehûpuo, sizâmonyû puo mhareinyi.
 3 Mu puo Jisusû supuo shi idi puo mehâshû tuoû kechû
 medâ, derei puo puoda rûnuonyhi eru, themia kekra
 4 tuo kechûla puo ngulielhâta. Sidi puo ta ria mia mhâ-
 dzû vâdi puo mehâtuouûdi khrabvûbâ puc gei li sie:
 mhakekreilamonyû Jisu sîtsatie vâv tuoû zhû kechûla.
 5 Sirâ Jisu tuovâ sûki tsâlietse tâsiedi, puo üse, Zakia
 tuomha kerlie; mhakekreilamonyû a thia n kinu vâdi
 6 ba morâsuo kechûla; sita. Sitse puo tuomha kerdî
 7 puo neisieidi puo pesâlie. Sirâ themia doupuo sîsû
 ngudi panya phredi sie, Legei puo kèphumamia ki vâdi
 8 sîmia ze bate! sita. Sûkisû Zakia, siethadi sie Niepuu
 üse, Harie Niepuu, a avie ketoupuo khapie mhakejûmia
 tsûwatuowe; sirâ a tijûdi miavie huo selie ümha shierei
 9 a sîde dia khala mia tsûwa tuowe; sita. Sitse Jisu
 puo üse, Thia kelakelie ki haunu vârtse; puo rei Abra-
 10 ham nuo zâ kechûla. Mhakekreilamonyû Themia Nuo-
 ua fûketamia pfûdi sîmia kelalie tuoûdi vâv zâ kechûla.
 Sita.

RAKABOU KER PIE KEDIEVII KESHÛ

- 11 Sirâ mia puodie sükâ rûnyû kethaki puo Jirusalem
 rûna penuo rei vâtazhû kechûla mu Jihova kedi chûmha
 zâta ketuo mia lekechû rei la puo dieviûpuo pu sashû.
 12 Sidi puo sie, Kedimiapuo puothuo puo kedi tiese lavâr
 13 tuoûdi rûna kepetse puonu vâta. Sûkisû puo kituomia
 mia ker kieze vârdi rakabou ker khapie sükâ tsûshûdi
 sie, sükâ üse, Niekâ a vârkemo chie *hakâhase* thelhi
 14 chûbachie, sishû. Derei puo rakhenumia thuo puo
 ngumechûdi, dieliemiapuo ketse puo ki shûdi sîu bu
 sie, Hie themia hau bu hie mhâ kedi chûnyû molie;
 15 sita. Sirâ sîsia puo puokedi ngulieci lavârtse puo

- rakapie kituomia krâpuo tsükeshükâ sükâ puo rakapie
 thelhi chüdi prakeliekâ sinyüdi, sükâ kieze puo ki vâr
 16 nudi hukum khashü. Sitse theriaua tuo puo mhâdzünu
 vârdi sie, Niepu, n rakakâ se thelhichüdi süde ker
 17 praliete: sita. 'Sitse kediu puo üse, Sitie mu, nâ kituo
 kevimustü; nâ mhakeduoyânurei diethâ bakelie la, a n
 18 bu rüna ker mhâ kezha chü tuowe; sita. Süsia kenia-
 ua vârdi sie, Niepu, n rakakâ se thelhichüdi süde pengou
 19 pralietewe; sita. Sitse kediu puo rei üse, Nâ rei rüna
 20 pengou mhâ kezha chülie; sita. Süsia kekreamiapuo
 vârdi sie Niepu, harie n rakakâ sü hye! a hakâ khapsie
 21 pfenyhieyâ puonu shüpie zhüzâ ho! Nâ themia kepa-
 chüse kechüpuo la a n preite: nâ n viekemokâ rei chü-
 22 lielie tuoyia, nâ n tsia setsu vashü kemokâ rei retuo-
 yia; sita. Kediu puo üse, Nâ kituo kerüzhü, n tia
 nunu kepar n die se a n pejä tuowe. A kepachü kechü-
 23 mokâ rei retuoya kechü nâ siliete tele? Ka, sirâ nâ kidi
 a rakakâ pie dak kinu shüpie zhü mo ga? sizhülirâ a
 24 lavârdi ebakechüki a raka prasa ngulie tiechiü. Sitse
 puo puo khieki kethakâ üse, Niekâ themia hau dzienu-
 nu rakakâ chüliedi sevâ bou ker sekebau tsüwachie;
 25 sita. Sitse ukâ puo üse, Niepu, puo bou ker be; sita.
 26 A niekâ ki pushütuo, Themia kehupuorei mhakebau,
 khashü puo tsüsatuo; derei bakemo-u, puo vie kebau
 27 rei puo dzie nunu chüsetatuo. Derei a ngumvü hakâ
 abu ukâ mhâ kedi chü kemvükâ ze haki vârdi a mhâdzü
 nunu ukâ dukhriwachie. Sita.

JISU MEYIEMELUO IDI JIRUSALEM NU KELE; MU PUO
 RÜNA SÜU LANU KRA KECHÜ; SIRÂ RÜSUOKI
 CHÜKEMESA KECHÜ

- 28 Süsia puo die sükâ puwadi puo riase Jirusalem nu
 khâ zhü.
 29 Süsia puo Oliv ükechü kijüthou gei Betfage mu
 Bethani rünaniania penuo vâr kezchüki puo pethakelie
 30 kenia ketseshüdi unia üse, N nia tuose rüna n nia pe-
 tsou kebau nu vâlie: n nia sünu le râ, thiadzü miapuo-
 rei puo gei sie kemo gada nuoyâpuo^a khapsie ketha
 31 ngulie tuo noru; puo phreiliedi zevârlie. Sirâ mia n

- nia üse, N nia kiüdi chüu preithaga? isidi n nia ketsâ
 lirâ, n nia mia üse, Niepuu hau sê mhapuo chütieyalie;
 32 isichie. Sita. Sirâ puo unia ketsekeshü nia vâdi puo
 33 unia ki pukeshü kemhie thatoudi ngulie. Sidi unia
 gadayâ phreitharu, niepumia unia üse N nia kiüdi gada-
 34 nuoyâ phreitha ga? sita. Sitse unia sie, Niepuu hau
 35 se mhapuo chütieyalie; sita. Sidi unia puo ze Jisu ki
 vâ: sitse mia upfe khrapie gadanuoyâ gei shüshüru
 36 Jisu pfü sügei balie. Sidi puo tuoshâ zhütse mia mia-
 37 pfe khrapie puo chanu shüshü. Sirâ puo tuose Oliv
 kijüthou phiki penuo vâ kezhüki pethakeliekâ krâ
 pete puomhathâ kezha petekâ kengu la melie urhie
 38 chüdi uneiphidi Jihova tse sieta; sidi sie, Niepuu zase
 kevâr kediü kevithâ: teigei keviu chülie mu tei pesâthâ
 39 gei rei theza kevithâu chülie: sita. Sükisü themia
 krâu dânu Farisimia krâpuo puo üse, Kepethau, nâ pe-
 40 thakeliekâ ruowachie; sita. Sitse puo lasie ukâ üse, A
 niekâ ki pushütuo, themia hakâha bu kemekrie zeitarei,
 ketsiekâ thuorei melie urhiechü siertatuo; sita.
 41 Süsia puo tuose rünanadiu penuo phirdi ngulietse
 42 sünla krakradi sie, Nâ thia hazârei n kevi dze sitse vitie
 43 chiü! derei tsiewe sükâ nrüshüte. Sirâ puötei puo
 vârtuo, sükisü n ngumvümia kuda chüpie n houkeselie
 44 tuo, sidi ukâ n houpfü thalietuo; sidi n khie lutsahatsa-
 nu n gelietuo; sidi n nuonuokâ sadi n ki bu tsâtsu n
 kradapie kijü shüwatuo; sirâ ketsiekâ puorei bu kese
 pfüzhu motatuo; mhakekreilamonyü nâ a n pfüvâr
 ketuo tei si kemo la.
 45 Süsia puo kerüsuokinu ledi nhaze kebakâ chükelhou
 46 vü sidi sie themiaka üse, Sirâ a ki üse kecha ki chütuo,
 ikechü thupie zhü; derei niekâwe hauha üse miavie se
 kechümia kipuo chüwate: sita.
 47 Süsia puo teisânhia kerüsuokinunu mia petha bazâta.
 Derei phichükezhakâ mu mhakesithâkâ sirâ themia dânu
 48 pehükâ puo biekhriwa tuoü kechü hrüba zâta: derei
 themiakâ pete puo khashü modi puo die rünyüba zâta
 kechüla ukâ kedipuo chürâ vitieshi ikechü thedâ hrü-
 pejü sebata.

MIA JISU KEKUO DZE KETSÂ KESIENU PUO PULAKESHÛ.
KHUOBELIE KECHIE MIA DOUPUO DIEVII

- 20 Sûsia khunhiapuo puo kerûsuokinunu mia petha mu
dieliekeviu pupio mia kia kebaki phichûkezhakâ mu lei
2 shûkesithâkâ ukâ pehûkâ zedi vârdi; ukâ puo üse,
Kedipuo kekuo se nâ mha hakâ ohûtuoya ga? more-
supuonie n bu hauha chûnu kechû kekuo kha n tsû ga?
3 se hiekâ ki pushûchie; isidi ketsâ. Sitse puorei sie ukâ
ki, A rei niekâ ki mhapuo ketsâtuo; mu aki pushûchie:
4 Johan baptism kechû, sÛsÛ teigei nu mo themia kinu
5 zâ ga? sidi ketsâta. Sitse ukâ ukâthuo kerûchûdi
sie, Ukâ teigeinu zâwe ikechû pu sierâ, puo ukâ üse, Di
6 sirâ niekâ kiûdi puo pele mota ga? isi tatiea. Mu
tsiu themia kinu zâwe, ishû tuoû mu, themia hakâ pete
ketsiepie u vatatiea: mhakekreilamonyû ukâ Johan
7 üse siadzekesipuo ükechû letou tuota kechûla. Sidi
8 sie ukâ puo kirapuonu vârsi kechû simo üsita. Sitse
Jisu rei ukâ üse, A rei kedipuo kekuo üse mahakâ chû
tuo shi kechû se niekâ ki pulielhâ: sita.
9 Sidi puo dievii hahapie themiakâ ki putuoû sieta:
Miapuo khuobelie tsapuo chiepie zhûdi khapie liechiekâ
dzienu shûwadi, vâ rûna kekreibuonu tuo chaphita.
10 Sirâ puo si vûkelie teitouki ukâ rei khuobelienu khuo-
besi khapie puo tsütuo nhiamu idi puo puokituomiapuo
ketsepie liechie sükâ ki shû: derei liechie sükâ puo vû
11 di mhapuorei puo tsûmodi puobu tuolata. Sûsia puo
puo kituo kekreibiapuo rei ketsela shûru: ukâ süurei
vû di puo zha rei seta, sidi mhapuorei puo tsûmodi puo-
bu tuolata. Sûsia puo useu va miapuo ketselashûru:
12 ukâ themia süu rei vûpie puo gei thepfû penyi shûdi
13 puo pie kelhouwa. Sitse khuobelie süu khakeshû nie-
puu sie, A kedipuo chûrâ vita? isidi sie, a anuo akhrie-
14 u ketseshû zâ tia; ukâ rei puowe rhulie tuo nhiamu; si.
Derei liechiekâ puo ngushûtse ukâthuo keze kerûchûdi
sie, hauha kayieu zeru, ukâ puo dukhriwa khe! sitse
15 ukâ puo ka welie tieru! sibata. Sidi ukâ puo teshû ze
pra khuobelie nhaphienu puo dukhriwata. Ka, di sirâ
khuobelie süu niepumia themia sükâ gei kedipuo chütuo
16 ga? Puo vârdi liechie sükâ biekhriwadi khuobelie süu
khapie mia kekreibia dzienu shûwatuo. Sita. Ukâ die

- 17 sū sitse sie, Hou, si suotuomu! sita. Derei puo ukā
mehā terdi sie, Ka, di sirā thiadzū,

Ketsie kepfekā ketsiepuo khakewau,
Sūu puo kenu puo tsūseu chūte;

- 18 diehau thupie kezhūu kitata? Themia kehupuorei te
ketsie sūu gei ketsuu puothuo puo kesetsie phawatuo;
derei ketsie sūu te themia, kehupuo geirei ketsuu, the-
mia sūu rei kesetsiepie nyāphe mhie puo chūretatuo.

MIA KEDIKHEZHANUO MU RHEILAKESIEKI DZE KETSĀ VĀRDI
JISUA PULAKESHŪ. DAVID NUO DZE JISUA MIAKI
KETSĀ KECHŪ

- 19 Sirā sūmesetoukisū leshūkesithākā mu phichūkezhakā
puo tekeliē hrūthazāta; derei themiākā preita: ukā
sikechū mhakekreilainopyū puo ukā la, dievii sūu puū-
20 kechū le ketala. Sidi ukā puo rūrdi'puo die teliedi puo
tepie thezhāu mu ukā rūna mhā kezha chūkebau dzienu
shūkewa ledi rūgu mia ketsepie miabu kemiathā mevi
21 chūdi vā. Sitse themia sūkāsū puoki vādi sie, Kepe-
thau, nā die kethātou puyakezha mu se mia pethaya
kezha mu miapuorei rhu pekrei morei pesepekreimodi
kethātou se Jihova zhāu pupie mia kia ketuo, hie sitou-
22 liete Di ka, sirā hie khezhanuo khapie Kaisar ketsū
23 puotou mo moga? isidi puo ketsā. Derei puo ukā dā
24 siliedi ukā ūse, Ka, douleiu pie a pekia thia. Di,
hagei supuo miarhi mu supuo za thupie tuo ga? sidi
25 ketsāta. Sitse ukāa sie, Kaisar zā; sita. Sūla puo ukā
ūse, Sirā Kaisar viekā pie Kaisar tsūlie; mu Jihova viekā
26 pie Jihova tsūliechie; sita. Sūuva ukā miamhādzūnu
puodie telielhāta: mu ukā puo die la ukā ngādi keme-
kriezei thata.
- 27 Sūsia Sadukimia, themia rheilakesie jū ūkezha krāpuo,
28 huomia puo ki vārdi: ukā rei sie, Kepethau, Mosa hie
ki, miapuo puodzūriamia puo puokimia nyidi puo nuo-
nuo jūdi siata lirā, puo siazeu bu thenusūpfū lieliedi
29 puodzūriau yie pelhouu kechū thupie zhū. Sirā siaze-
dzūria kechū mia thenia tuoru: theriau thenulie, di
30 puo nuonuo jūdi siata; mu sūsiasāu rei sūmhieta: di
31 useu bu thenusūpfū lie; sirā sūsūtuoī ukā mia theniākā
32 ukā nuonuo jūphredi siatahu. Sūsia kēnuotsa thenu-

- 33 süpfü rei siata. Ka, sirâ themia rheila kesieki thenu-
 süpfü themia sükâ supuo kimia chütuo ga? Ukâ mia
 34 theniakâ puo liephreru. Isidi puo ketsâta. Sitse Jisua
 sie ukâ üse, Kijü haunu themiakâ kerî mu nuwe chütsü
 35 ituoya; derei kijü lun nu vâ kesükâwe rheilakesie sia
 36 kerî morei nuwe chütsü lielhâ : sirâ ukâ sia rei lalielhâ :
 nhakekreilamonyü teigei dieliekâ ze kemhieta ketuola ;
 sizâmonyü rheilakesie miä chüdi Jihova nuonuokâ chü-
 37 tatuo. Sirâ kesiämia rheilasieya ükechü Mosa rei seibâ
 geinu pukeshâ dzeu nu puo Niepuu üse, Abraham Rhuo-
 u, Isak Rhuo-u mu Jakob Rhuo-u üdi pukesieki thashü
 38 nie kia pietuota ze. Sirâ puo kesiakâ Rhuo-u monyü
 kerheikâ Rhuo-u ze Mhakekreilamonyü puo la sükâ
 39 pete rhei keba la. Sita. Sitse leshükesithâkâ huomia
 lasie puo üse, Kepethau, nâ putou shüzâ ; sita. Mhakek-
 40 reilamonyü ukâ puo ki mhakekrei puorei ketsâla michie
 ketala.
 41 Sirâ puo ukâ üse, Mia kidi Khrista üse David nuo
 52 üya ga? David puothuo rei keriaiki Tsali leshüdanu,
 Niepuu 'a Niepuu üse,
 A n ngumvükâ khapie n phikhrâ shüwa kemochie
 Nâ azatsa bazâ chie ;
 siya. Sirâ David-a puo üse Niepu ürä, kikidi puoü puo-
 nuo ülie vita? sidi ketsâta.

LESHÜKESITHÂKÂ LA UKIREILIE NUDJ JISU UKÂ
 TARHÂ KESHÜ

- 45 Süsia themia pete kesikinu puoa pethakeliekâ üse,
 46 Niekâ leshükesithâkâ upfe unei rütsusesekechü sedi
 tuokechü unei kezha, sirâ lhithâchükâ nunu miabu ukelu
 kechü mu kehokikâ nu kezhamia bakâ gei bakechü.
 sirâ thehe kirei thebakevikâ gei bakechü uneiya kezha-
 47 kâ gei nie kireiliechie ; themia sükâ thenusamikâ kikâ
 rei mezhü mezu chütuoia ; sidi kothera sedi miamhâ-
 dzünu chapecha phiphi tuoya : ukâ mia kirei usiezha
 kerephi ngutuo. Sita

JISUA THENUSAMI PFÜPUO MHAKHAPIE KEHOUKINU
 KESHÜLA PUO TSE KECHÜ

- 21 Süsia puo tâsieru, kenyikâa mhakhapie rüsuokinu
 2 mhakenguketha bozunu shüketha ngulie. Sirâ puo

- thenusami mhakejüpfüpuo dapra kenia khapie sünu
 3 keshü ngudi sie, puo ukâ üse, A niekâ ki putou shütuo,
 Thenusami mhakejü hapfüha miakekreimia pete kirei
 4 mhakha krashü ho : sirâ themia hakâ petekâwe ukâvie
 ukâ kelhuo chü ketuokâ nunu mhakhashü, derei puowe
 puo kejü dânunu rei puo vie ketuokâyâ khashüwata
 zâ. Sita.

KHRISTA LAVÂR KETUO DZE PUO SIADZEKESIDIE KEPU

- 5 Süsia themia huomia ketsie keyi rürpie mu mia mha-
 kha keshükâ pie kerüsuokiu ketsâ kezivipie keba dze
 6 pushütse, puoa sie, Niekâa nguketha mhahakâha
 biemewa modi ketsiepuo burei kemhâ sepfü balie kelhâ
 7 teipuo vârtuo ; sita. Sitse ukâ sie, Kepethau, ka di sirâ
 kedikechükipuo mha sükâ chüta ? Sirâ mha sükâ chüta
 ketuo tieki zasi kikechüpuo, chüshütuo ga ? idi pno ketsâ.
 8 Sitse puo sie. Niekâ miabu niekâ sewa mo ketuola nie
 kirei terür balie : mhakekreilamonyü themia kekraaza se
 vârdi, A puo zâwe, mu, Puo teirei tsâtewe, ikechü putuo
 9 kechüla : sirei niekâ sükâ siamedzi hiezâchie. Sizâmo-
 nyü niekâ terhü kegeikezha mu mhakebvükechü die
 sikechüki michieta hiechie : mhakekreilamonyü mha
 sükâsü chüria morâsuo kechüla ; derei thelau sükisü
 zâmo. Sita.
 10 Sükisü puo ukâ üse, Themiakrâ puoa krâ kekreiü
 ngumvü, mu kedi puoa kedi kekreiü ngumvü sietuo ;
 11 sirâ kiükishü shüdi shütuo, mu luki haki pekrie mu thepe
 theruo chü vârtuo ; sirâ teigei nu mhakemerie chüphi
 12 kechü mu zasi kemerie chüphi shütuo. Derei mhasükâ
 pete kechü mhâdzü mia niekâ teliedi, niekâ pesüpemvü-
 tuo, sidi niekâ tepie Judamia kehonkikânu mu kedia-
 kikânu rei shütuo, sirâ aza lanu niekâ teze kedikâ mu
 13 kezhakâ mhâdzünu rei vârtuo. Zhapu chüketuola niekâ
 14 bu situo. Süla niekâ pedzü mia ki kedipuo puputuo
 15 ikechü medâ hiedi niekâ nou krukré bazâlie : mhakekreila-
 monyü a nie ngumvümia pete burei nie mese chülie
 kelhâ morei nie prülü pejüwalie kelhâ tiase niekâ tsütuo
 16 kechüla. Sizâmonyü niekrünuo mu nie siazedzüriamia
 mu niese, nieyiemia mu nie khriethâmia thuorei nie
 17 teshü mia tsütuo ; sirâ ukâ miabu niekâ huomia dukhri

reitno, mu aza lann themia pete bu niekâ rûtse rûchie
 18 tuo. Sirei niekâ tsûtha prûpuorei biepesuo walielhâ.
 19 Niekâ adielâ chûdi hielie râ nie ruopfû pekrupie nie vie
 chûlietuo.

20 Derei niekâ terhûehûpaihimia vâr Jirusalem rûna
 houpfûkelie kenguki puo pekakewa tei tsâto ikechû
 21 siliechie. Sûkisû Judia rûnanu kebamia bu tasekifûthou-
 kê gei vâtaliechie; mu rûna sûnu kebamia bu tuopra-
 talie elie; sirâ lienu kebakâ bunu rûna sûnu lehie.
 22 Mhakekreilamonyû thiadzû thupie ketuo khekâ chûtseilie
 23 ketuola sûkisû puosiazha teipuo vârtuo kechûla. Che,
 sûkisû nuonipfû ketnokâ mu unuonuo nuyakezhakâwe
 chûlietua! mhakekreilamonyû kijû sûubounu keme-
 zbiepie kemerie chûtuo, mu themia hakâ gei noupfûpuo
 24 vârtuo kechûla. Mu ukâ miabu zhiechâ ukâ dukhri
 tuo, sidi miabu ukâ teze themia neiükâ dânu vâtatuo:
 sûkisû Judakehokâ te? tseitakemochie Judakemomia
 bunu Jirusalem kedewatatuo.

25 Sirâ niaki mukhrû themvükâ geinu zasinêi chûpartuo;
 sirâ kijû lhoya kezha themia neiükâ kemezhie phituo,
 sidi dzûkezha mu puo rûpfû pfekâ la uvapethâpfû bata-
 26 tuo; sirâ kijû hau gei mhachûvâr ketuokâ ledi themia-
 kê michiepie uzie kejû chûtatuo: mhakekreilamonyû
 27 teigei kekuokâ shûkeniashû ketuola. Sidi sûkisû
 Themia Nuo-u puo kekuo mu puo kezic meyiepie
 mhapuo chûdi kimhou geinu keker miabu ngutuo.
 28 Derei niekâ mhasükâ chûtatuoü kezhûki tâsie niekâ mhi
 pie pesâgei mehâlie: mhakekreilamonyû sûkisû nie rha-
 kelie tei penuotei ketala. Sita.

29 Sûsia puo kedievûdi sie ukâ üse. Niekâ chiedebâu
 30 mu seibâ neiükâ mehâlie: niekâ sei sükâ nyû kemene
 the kepar ngurâ, teletiatâ ükechû niethuo zârei si mu
 31 lelieya. Sûsütuoï niekâ rei mahakâ chûvâr kezhu ngu
 kechûbi Jihova kedi vâta ketuo tiata ükechû siliechie.
 32 A niekâ ki putoushûtuo, mha sükâ chûthewa kemochie
 33 tsiedânuokâha jütalielhâ Tei mu kijû jütatuo: derei
 a diekâwe jütalielhâ zâ.

34 Derei niekâ rûzhû mu meze mu tsiedâ nie kelhouki
 mereikâ, chûthâr di rûpârûvûpfû badi sünhiasû bu rathâ
 mhiei niekâ lekemokinu niekâ ki mahavâr mo ketuola,
 35 sula niekâ methuo pechû baliechie: mhakekreilamonyû

- süsütuoï kechü kifü pete gei rüna chüyakezha khékâ ki
 36 rei phir zätuo kechüla. Derei niekâ mhasükâ pete chü-
 vâr ketuoki, sükâ therhie kelie chüliedi Themia Nuo-u
 mhâdzünü meteithalie ketuola niekâ kehukipuorei pfeüla
 terürdi chabazâlie chie. Sita.
- 37 Sükisü puo teisâuhia kerüsuoki nunu mia petha
 bayazâ ; sidi teizeimetsei puo tuovâ Oliv kifüthou üke-
 38 chüu gei batataya. Sirâ themia pete khiserüna puo die
 rünyü tuoüdi puo ki vârür rüya.

JISU NGUMVÜWA TUOÜDI PEHÜMIKRÄPUO MU JUDAS
 ISKARIOT ÜKEZHÄU UKÄ THEDÄ KEVAKECHÜ

- 22 Süsia Kelakeliényi ükechü khrei üse shümodi nie-
 2 khrüda kechü nyiu penuotazhütse ; phichü kezhakâ mu
 leshükesithâkâ keze Jisu dukhriwaketuo dâ hrübazâta ;
 derei ukâ themiakâ prei bätä.
- 3 Sükisü Satan-a Judas Iskariot rei üyakezha kerekenia-
 4 kâ miapuo nou letaru. Puo tuovâdi phichükezhakâ
 mu chüpaihimia mhâ kezhakâ ze kerüchüdi puo tepie ukâ
 5 tsü tuoü kechü dâ pie pushü. Sitse ukâ ukâneisieidi
 6 raka pie puo tsü tuoü kechü puoze kediekhâlieta. Sitse
 puo rei puo medâta di themia krâu tuokemořanu puo
 tepie ukâ tsü tuoüdi kedikechüki puo râ vitie shikechü
 hrüba zâta.

JISUA KELAKELIE NYI NYIKECHÜ MU NIEPUU RÜKRA
 KECHÜ CHA KESE KECHÜ

- 7 Süsia khreiü seshümodi niekhrüda chüpie kechü.
 kelakeliényi kuonuo dukhri morâkesuo teisâ vârlietse ;
 8 puo Pitor mu Johan unia ketseshüdi sie. Kelakeliényiu
 ukâ keze nyiketuoła n nia vâdi keseliechie ; sishü.
 9 Sitse unia sie, Nâ hienia bu vâ kirapuonu kesenu ga ?
 10 sidi puo ketsâta. Sitse puo unia üse, Cho, n nia rünanu
 keleki miapuo dzülipfupuo pietuodi n nia ze kesetuo ho
 ru ; n nia puo siamedzizâ puo kipuonu letuoru puo ze zâ
 11 leliechie. Sirâ ledi ki süunu niepuu üse, Kepethauua n
 ki, Rüsâmia ba abu pethakeliekâ ze badi kelakeliényiu
 nyilie ketuo-u kirapuo ba ga ? sidi ketsâya lie ; sichie
 12 Sitse puo kibou pesâgei nu kesepie keba boupuo thashü
 13 n nia kiatuo ho ru ; sünnu keseliechie Sishü. Sidi

unia tuovâru, vâ puo unia ki pukeshû kemhietou badi ngulie : sidi unia kelakelienyiu keselie.

- 14 Sûsia puoteitsâ vârlietse puo apostelkâ ze mhachû
- 15 tuoûdi kebalie. Sidi puo ukâ ùse, A kemezhie keta
- 16 mhâdzû a niekâ ze kelakelienyi hau nyinyû thâr vâr zâ :
- 17 Mhakekreilamonyû a niekâ ki pushûtuo, Jihova kedi
- 18 nunu sùsû chûtseilie kemochie a niekâ ze chûlielhâta
- 17 kechûlâ. Sûsia puo tehiepuo lieliedi, *Jihova* tsedi sie,
- 18 Niekâ hauha pievâ niethuo kezakrialiechie : mhakekrei-
- 19 lamonyû a niekâ ki pushûtuo, Jihova kedi vârkemochie
- 20 a tsieyawinu khuobesidzû krialielhâta kechûlâ. Sita.
- 19 Sûsia puo niekhrûda chûseliedi, *Jihova* tseshûdi bie-
- 20 tsiepie ukâ tsûshû di sie. Hauha niekâ lanu khakeshû
- 21 amâ zâ : niekâ a rûkra tuolie ketuola hauha chûchie.
- 20 Sishû. Sirâ mhachû kelie sia puo sùsûtuoï tehieu rei
- 21 *chûpieliedi* sie, Tehie hauha rei niekâ lanu krukepar a
- 22 ziau la kedietsei kediekhâkelie thezhâ kesau zâwe. Sirei
- 22 harie, a teshû ketuo-u dzie rei mizhû hau gei bazâ. Sirâ
- 23 Themia Nuo-urûliwe pedzüperia chûtuoûdi hrûpie ketuo
- 24 kemhie chûzâtuo : derei che, puo teshû ketuo themiauwe
- 25 chûlietiea ! Sita. Sishûtse ukâ supunie hauha chûtie
- 26 shi kechû ukâ thuo huoniehue ketsâ bazâta.

JISUA PETHAKELIEKÂ KENGA KESHÛ ; SIRÂ PITOU BU PUO
KIREILIEU KESHÛ

- 24 Sirâ ukâ supunie kezathâu chûtieshi kechû ukâthuo
- 25 keze keprüli sabata. Sûla puo ukâ ùse, Rûnakekreikâ
- 26 ukedikâ bu ukâ mhâ niepn chûya ; mu ukâ mhâ kekue
- 27 kenyikâ ùse urazou krû chûya. Derei niekâ buwe
- 28 silielhâ : sizâmonyû niekâ dânu kezha bu nhichuu
- 29 mhielie ; sirâ pehûkechûu bu mia kituo kechûmia mhielie.
- 27 Ka, sirâ badi hiekebau mo mialie chûkethau zha ga?
- 28 Sûsû hiekebau moû ma ? Siûderei a rei niekâ dânunu
- 29 mia liekechûmia mhielie ba ze. Puothno sishierei niekâwe
- 30 mia a kedâkechû khekâ nu rei aze zâtuo tsâ ; a Pua a kedi
- 31 kesepie ba a ketsû tuoï, niekâ bunu rei a kedinu aze
- 32 mizhûpuo geinu mhachû mhakrialie ketuola arei niekâ
- 33 bu diketuo puo kesepie bawe ; sûla niekârei kodiba gei
- 34 badi Israel seyie korekeniakâ mhâ kezha chûtuo.
- 35 Harie Simôn, Simôn, Satan-a thoulha rûzâ kezhatuoi

- niekâ pie puovie chûlie tuoûdi niekâ rûzâ tuoû kechû
 32 chaliete : derei n kepele bu jûta *molie ketuola a n la
 chashûwe ; sirâ nâ n nou rûdila vârkêlie sia n kezekâ
 33 nou chû kethepfulichie. Sishû. Sitse Pitor puo üse,
 Niepuu, a nze kediekinu rei mu kešia nu rei vâ zâ tuoû
 34 rei vâlie viwe ; sita. Sitse Jisu puo üse, Pitor, a nki
 pushû tuowe, Nâ a simo ükechû vase pukemochie thia
 thevû khou lielhâ. Sita. .
- 35 Sûsia puo ukâ üse, A keriauva niekâbqnu rakabou mu
 liekhuo mu phikou isi semodi niekâ kêtsekeshûki niekâ
 mhapuo tsâpfû ma ? sidi ketsâ. Sitse ukâa sie, Mha-
 36 puorei tsâpfû mo ; sita. Sirâ puo ukâ üse, Derei tsiewe
 rakabou kenymia bu sûu chûselie, sirâ sûsûtuoi liekhuo
 rei salie ; sirâ sûnia puorei kejûmia bu puo boulia zeliedi
 zhiecha puo rei khrûlie.
- 37 Mhakekreilamonyû a niekâ ki pushûtu, Puo phrûpie
 thezhâ kevarhuokâ saliete, fkechû thiadzû thupie ketuo-
 u ageinu chûtseilie morâsuo kechûla : a dze die sükâ
 38 chûtseiwata zhûzâ kethâ. Sita. Sitse ukâa sie, Niepu,
 harie haki zhiecha kenia tuolie ; si Sitse puo ukâ üse,
 Sûnia zâ reivi ; sita.

JISU GETSEMANE ZIENUNU PUONOU KEMEZHIE KECHÛ MU
 MIABU PUO TELIE KETA

- 39 Sûsia puo pradi thiadzû zhâ tuoû Oliv kijûthou gei
 40 vâta ; sirâ pethakeliekâ rei puo siamedzi vâta. Sidi
 puo sûnu vâlietse, puo ukâ üse. Niekâ medâkephinu
 41 leta mo ketuola chabalie chie ; sita. Sishûdi puo ukâ
 kinu tsiedei chiepuo mese saphidi ; puo ke khoutou
 42 pfûbaliedi chadi sie, Apuo, nâ n medâ tuo lirâ, tehie
 hau bu a therûrtalie chie : derei a medânu monyû n thuo
 43 n medâ chûliechie ; sita. Sishûtsemetha teigeidieliemia-
 44 puo teigeinu puo ki kerdi puo chûpekuo chû. Sûsia
 puo kemezhiesedi cha puoteitsâ chûkuo bata ; sirâ puo
 rûkhru thezia tuoidi pâ pie kijû mhapuo chû tsurta.
 45 Sûsia puo cha keshû sia sierdi tuo pethakeliekâ ki vâ
 ru, ukâ ukânou kemezhie kechû pfû zezhû keta ngulie ;
 46 sûla puo ukâ üse. Niekâ kedipuo chûdi zezhû zâ ga?
 niekâ medâkephinu leta mo ketuola siedi chabalie chie ;
 sita.

47 Puo die sūkâ pukethanu, harie, themiakrâpuo mu
 ukâ mhâdzū kerēkeniakâ miapuo, Judas ūkezhau tuo ;
 48 mu puo Jisu mebâ tuotūdi puo ki phir. . Derei Jisu puo
 ūse, Harie Judas, nâ Themia Nuo-u mebâdi puo teshū-
 49 wa tuotū zhū ma? Sita. Sūsia kedipuo chūtuotū zhū
 shi kechū siliedi puo tseilutsa ketha puo kezekâ sie,
 Niepuu, hiekâ bu zhiecha se mia dutieya mo? sidi puo
 50 ketsâta, Sitse ukâ miapuo *puozhiechapie* phichūke-
 zhau kituo-u dusiedi puonyie puozatsa metakreiwa :
 51 Derei Jisu lasie ukâ ūse, Ukâthuo chibareite, khawalie ;
 sita. Sidi puo themia sūu nyie biedi puo nyie chūke-
 52 menelawa. Sidi Jisua sie puo tetuoū kevâr phichūke-
 zhakâ mu kerūsuo kinu kezhakâ mu pehūkâ ūse, Niekâ
 zhiecha mu seide sedi miavie sekechūmia teketuo
 53 mhiei vârzhūte le ? A teisānhia niekâ ze kerūsuo kinu nu
 bayazâ derei, piekâ sūkiwâ niekâ niekâdzie chashū a
 tetuoū sie chiemo : derei tsiewe nie tei tsâte. mu
 kezeiu rei puo kekua *nyite*. Sita.

JISU MERHASHŪZE PHICHŪKEZHOU KINU KEVÂ, MU PITOR
 VA SE PUO SIMO ŪKETA

54 Sūsia ukâ puo teliedi puo merhashūze phichūkezhau
 kinu vâta. Derei Pitor vâ miatsāmophidi puo sia
 55 medzi zâvâ. Sidi vâ mia kitiazha sūununu michūdi
 miakrâpuo kezekheon baru. Pitor rei le themia sūkâ
 56 dânu balie. Sūkisū mia kituomia pfūpuo Pitor mi
 peguo keba ngudi puo mehâterūr badi sie, Themia hau-
 57 ha rei hadzū Jisu zetuo zâwe ; sita. Derei puo moūdi
 58 sie, Thenpfū, a puo simo zâlie ; sita. Sūsia geza baru,
 miakekreimia puorei puo ngudi sie, Nâ rei sūkâ miapuo
 zâmu ; sita. Derei Pitor sie, Themia, a mo zâlie ; sita.
 59 Sirâ bavūdâ puo mese baketa sianu miakekreimiapuo
 sie puothâchūdi, Themia hauha rei puo zetuo zâ kethâ-
 60 we ; puo Galilmia zero ; sita. Derei Pitor sie, Themia,
 nâ kepuu sū a simo zâlie ; sita. Sirâ diepu kethanu
 thevū khou mha sierta. Sūkisū Niepuu reipar Pitor
 61 mehâ. Sitse Pitor Niepuu hadzū, Nâ thia thevū kekhou
 mhâdzū a simoū kechū pu se tuowe, ikechū puoa puo
 62 ki pukeshū dieu puosia leliedi ; puothuo tuo rūrdei pra
 kraphi bata.

63 Sūsia themia Jisu merhashū kethakā puo kredi puo
64 vūta. Sidi ukā pfepie puomhi želiedi sie, Ka, chū,
supuonie n vū ga? siadzekesidie pushūchie; sidi puo
65 ketsā. Sirā ukā puo kerhiedi puogei die neiū pete puta.

JISU ZE PEHŪKĀ KEHOUNU VĀDI PUO KETSĀ KECHŪ

66 Sūsia teisā parlietse metha, phichūkezhakā mu leshū-
kesithākā reisa idi uramia pehūkā kehounu vā kengulie;
67 sitse ukā puo merhashūze sūkā kehounu vādi sie. Nā
Khristau zāū lirā, hie ki pushūchie; sita. Derei puo
ukā ūse, A niekā ki pushū zā shierei, niekā pelelielhā:
68 mu a *niekā ki* mhapuo ketsā shierei niekā sūreise a *ki*
69 pulielhā. Derei tsieha yawinu Themia Nuo-u Jihova
70 kekno-u zatsa batatuo. Sita. Sitse ukā pete sie puo
ūse, Di sirā nā Jihova Nuo-u zā ma? sidi ketsāta.
71 Sitse puo ukā ūse. U, 'a sūu zā; sita. Sitse ukā sie,
Ukā zhapu kikechūpuo pfūsala batuo ga? we puo tia
nunu siheta zeru; sita.

PILAT MU HEROD UNIA MHĀDZŪ NUNU JISU KETSĀ KECHŪ. PILAT-A PUO GOUWANUDI PUSHŪ KEWA

23 Sūsia themiakra sūu pete siedi puo ze Pilat mhā-
2 dzūnu vā. Sidi ukā puo pejādi sie, Hie themia hauha
uthemia seketsi ketuo mu khezhannu pie Kaisar tsūhie-
nudi ukha ketuo sirā puothuo puo ūse kedi puo *sūusū*
3 Khristau ūsituodi puo nguliewe; sita. Sūsia Pilat a sie
puo ūse, Nā Judamia kediu sū ma? sidi ketsāta. Sitse
4 puo rei sie. N zā; sita. Sūsia Pilat phichūkezhakā mu
themiakrakā ūse, A themia hau gei puo kejā puorei
5 ngulie mowe; sita. Sirei ukā ukā thāchūkechū sadi
sie, Puo Judia kijū petenu. mu Galil kijū nunu vār
hanu ketsā, mia pethadi themiakā kebvū tuo tsāte:
6 sita. Derei Pilat-a diesū siliedi puo Galilniā' mo kiga?
7 ikechū themia ketsāta. Siru puo Herod kitsatiemia
ūkechū siliedi puo ketsepie Herod ki shū; puo rei sūkisiū
vā Jirusalem nu ba kechūla.
8 Sūkisiū Herod Jisu ngudi puonei phita: mhakekreila
monyū puč thiadzū puo dzešidi puo telhe puo ngu shūnyū
vār tsāzā kechūla; sirā puo ngāmhathā chūshū puo kia-
9 tuo nhjamu kechū letuoya zā. Sidi puo puoki dieneiū

- 10 ketsâ; derei Jisu puoki mhapuorei pulashû mota. Sirâ
 phichûkezhakâ mu leshûkesithâkâ thadi sükisû puo pejâ-
 11 pie mhapuo chûthatsâ. Sûsia Herod-a puo chûpaihikâ
 rei zesadi puo üse mhachû mhathâkemo kemhie chûdi
 puo üse, kethekredi puopfe puonoi zhâkrei phriep hriezâ
 kechûpuo pie puobu seliedi puo ketso pie Pilat ki lashû-
 12 wa Sirâ sünhiázawe Herod mu Pilat unia kezevi
 bata; derei sümhâdzüwe unia kengumvü tuoya zâ.
 13 Sûsia Pilat-a phichûkezhakâ mu pehûkâ mu puo
 14 themiakâ rêisâ kiekenguliedi sie ukâ üse, Niekâ themia
 hau üse mia seketsiya kezhamiapuo üdi puo teze a ki
 vâ: sirâ harie, a niekâ mhâdzü nunu puo ketsâ menuo
 vâzare, niekâ puo pejâ kechû diekâ lesie kechû a puo
 gei puo kejâ puorei ngulie mozâ we: mu a zâ monyü
 15 Herod rei mo: sûla puo puo ketse lapie ukâ kishû zâ;
 sirâ harie, puo miabu puo dukhri kezhû thâpuo rei
 16 chûmo zâlie. «Mu a sûla siazhapie puo tsüwadi puo
 17 khashûwa tatuo; sita. Sitsemetha ukâ petekeze shie-
 khoudi sie, Themia hau bu rheituo hie, mu Barabawe
 18 khalashû hie tsüwatalie; sita. Baraba süuwe sorkari
 ngukemvûpuo mu mia kedukhripuo la puo tepie kedie-
 19 kinu khapie ba. Sitse Pilat Jisu khalashû wanyüdi ukâ
 20 ki pula; derei ukâ melie urhiechûdi sie. Krus geinu puo
 21 gouwalie, krus geinu puo gouwalie; sita. Sitse puo va
 22 se uva ukâ üse, Kiüdita, themia hauha kedipuo kesoopuo
 chûga? Awe puo gei puo gou kezhû chapuo rei ngulie
 mozâ: a sûla siazha pie puo tsüwadi puo khashûwa ta-
 23 tuo sita. Siroi ukâ ukâteitsâ chûdi melie ukârhiechûdi
 krus geinu puo gouwanu kechû chatha zâta. Sidi ukâ
 24 ukâpfe la kuolie. Sûsia Pilat ukâ kecha kemhie hukum
 25 khashûwata. Sidi puo sorkari ngukemvü mu mia kedu-
 khri la kediekinu khapie kebau, ukâ puo khashû nudi
 puo cha ketau khashûwata; derei puo Jisuwe khapie
 ukâ bu, ukâ medâ chûlie nuwata.

KRUS GEINU JISU GOU KECHÛ

- 26 Sûsia ukâ Jisu merhashûze vâkezhûki Simon ükechû
 Kurini miapuo mhatsapuonu vâkezhû nguliedi ukâ puo
 teliedi puobu krus-seiu pie Jisu sia medzilie nuta.
 27 Sükisû themia krâdipuo mu Jisu krûkra ketuo the-
 28 numia krâpzo rei pao siamedzituo. Derei Jisu reipradi

- ukâ üse, Jirusalem nuopfukâ, niekâ a la krahiechie
 derei niekâthuo niekâ la mu niekâ nuonuokâ la kralie-
 29 chie. Harie, puotei puo vârzhie, sünhia mia Nuofükâ,
 mu uvanu mhakipuorei nuonipfükemokâ mu nhiehümia
 bu mhakipuorei unu nukemokâ ruokuothâ isisietuo.
 30 Sirâ sükisü mia kijüthou kerükriekâ rei üse, Nickâ
 me hie gei tsurlie chie, sirâ kijüthou kerünnokâ rei üse,
 31 Vâr hie yapfülie chie ; isisietuo Mia seibâ kerheiu
 gei thuorei mha hakâ chü lirâ, sejbâ kesiakâ geiwe
 kedipuo chümota ? Sita.
- 32 Sükisü kejâ kechümia mia kenia rei puo sa gouwa
 tuoüdi teze vâzhü.
- 33 Süsia ukâ kifü mhakipuo puoza Mia Tsütsâru ükechü
 ki tsâlieru, sügei sünu mia krus geinu puo gouwata :
 sirâ kejâkechümia rei miapuo puo zatsatie mu miapuo
 34 puo vitsatie sidi puo sa gouwa. Sükisü Jisua sie, Apuo
 nâ themia hakâ ngumézhiédi ukâ kejâ vashü ukâ tsü-
 chie ; mhakekreilamonvü ukâ chükethakâ sidi chütha
 mo kechüla ; sita. Sidi ukâ chithi khelipfü chüdi puopfe
 35 puonei kezalie. Sükisü themiakâ thadi *sükâ* mehâtha.
 Sirâ pehükâ rei puo kredi sie, Puo mia kekreamiawe kela-
 lielie vâr eru ; puo Jihova puothuo kedakelie Khristau
 36 zâ lirâ, puobu puothuo puo kelalie chie ; siba zâta. Sizâ-
 monyü chüpaibâ rei kekhrâdzü sevâr keyuehüdi kha
 37 puo tsüdi sie, Nâ Judamia kediu ülirâ nthuo n kelalie-
 38 chie ; siba zâta. Sirâ puo tsü mhâ kinu, Hauba Juda-
 mia kediu we, isikechü thu rei sashü.
- 39 Sirâ goupie kezha kejâ kechümia miapuo Jisu meledi
 sie, Nâ Khristau moü ma ? Siülirâ nâ nthuo rei mu
 40 hienia rei kelaliechie ; sita. Derei kekreamia puo kerhie-
 di sie, Nâ rei puo mhiedi kemezhie zhazârei kiüdi siga,
 41 nâ Jihova prei mo ma ? Avuwe avu siazha ngulie rei
 zhü ; avuzâwe avu mhathâ zhakhra ngu zhe : derei the-
 42 mia hauwe thezhâ kemo puorei chü mo. Sidi puo sie,
 43 Jisu, nâ n kedinu kevârki ava rükrachie ; sita. Sitse
 Jisu puo üse, A nki putou shütuo, Nâ thia avu kerüchü-
 nu batatuo Sita.
- 44 Sükisü barâbazhü meseta, sirâ sükisünu vâ keba se
 kevü ketsâ rüna süu pete zeiboui bata ; niaki rei zielie
 45 mota : sirâ kerüsuokiü nu pfepie sâza kechüu puometsuo
 46 ketou nunu rürhakra ita. Sitse Jisu shiekhoudi sie,

- Apuo, a aruopfü khapie ndzienu shüwa zhie ho ; sishü.
 47 Sirâ puo die süu pashüdi siata. Sükisü chüpaihi kriamhâ
 kezha mha sükâ chüketa ngudi sie Jihova tsemi,
 48 Themia hauha miathâmiapuo zâ kethâmu ; sita. Sirâ
 themiakrâ pete süsusü mehâ tuotüdi kevâr khekâ ukâ
 mhasükâ chüketa ngudi umelou ketoudi tuola phreta.
 49 Sirâ puo kesi khekâ mu Galil nunu puo siamedzi tuo-
 keta thenukâ rei vâ ratsa thadi mha sükâ mehâ.

JISU PIEVÂ KHRU KEWA.

- 50 Sükisü pehükâ miapuo, miathâ rei mu themia kevi
 51 puoza üse Josef ükechüpuo tuoru ; puo pehü kekrekâ
 medâ mu ukâ chü kechükâ nu ukâze kedârhe mo ; puo
 Judamia rûna Arimathia miapuo, mu puo Jihova kediu
 52 kevâr pfetuoya kezhamiapuo ru : themia süsusü Pilat
 53 ki vâdi Jisu mâu pielie tuotüdi chalie. Sidi puo puomâu
 lhoupie kijüşhüliedi süsia linenpfe pfüpie kezüliedi
 ketsie gephapie mekhru chütuoü kezhu thiadzü miapuo
 54 mâreise zhüchie mo zâkechü puo nu piezhüwa. Sirâ
 sünhiasü Mhakesekechü teisâ, mu kerleizha rei tsâtazhü.
 55 Sirâ Galil nunu puoze kevâr thenukâ rei mia siamedzi
 vâdi mekhruu rei mu puomâ pie zhükewa rei ngu.
 56 Sidi ukâ lavârdi mha puorekethengukâ mu tier neiükâ
 pfü keselie. Sidi kerleizhanhiawe miazhâ zedi rûleilie.

JISU RHEIASIE KETA MU PETHAKELIEKÂ BU PUO NGUKECHÜ ; MU TEIGEI LASIE KETA

- 24 Sirei deobadâ zha therianhia, teisâ pipartseki, thenu
 sükâ mharekethengukâ pfükesepie kebakâ sedi mekhru
 2 ki vâ. Sükisü mekhruu nunu utsiepie puo kikha
 3 kechüu rütuta kechü ngulie. Sidi ukâ mekhruu leru,
 4 Niopu Jisu mâu sünu zhümota kechü ngulie. Sirâ ukâ
 mha süu lepie ukâ medâ kejü chüthatse, harie, mia
 kenia unia pfenei phrie phrie kechü sedi ukâ khieki tha
 5 ngulie : sitse ukâ michiedi ukâ zie pesupie thataru ;
 unia ukâ üse, Niekâ kiüdi kesiakâ dânu rheituo kezha
 6 pfüya ga ? Puo haki bamote : derei puo rheilasiete :
 7 niekâ puo Galil rûna nu kebanu niekâ üse, Themia
 Nuo-u miaba puo topie kesuokechükâ dzienu shüwatuo,

- sidi krus geinu miabu puo gou tuo, sirei zha senhia
 puo rheila sietatuo, sikechtü puo niekâ ki pukeshüu
 8 rükraliechie; sita. Sitse ukâ puo diekâ ukâ sialeliedi
 9 mekhruu nunu tuolavâdi die sükâ pete se kerepuokrükâ
 10 kirei mu kekrekâ pete kirei pu phreshü. Sirâ thenu-
 sükâsü Magdala Maria, mu Joana, mu Jakob nuozuo
 Maria: sirâ sükâ zâkemo thenu kekrekâ rei die sükâ se
 11 vâ apostelkâ ki pushü. Sirei apostelkâ die sükâsü üse
 diethuopuo puyazâ thenyüsiedi ukâ unukâ die pele-
 12 mota. Derei Pitor siedi tase mekhruu nu vâdi nuketsu
 puo nu mehâru linenpfekâ rürbei kezhtü ngulie; sidi
 mhasükâ ngupie puo ngâdi la puo kinu vârtâ.
- 13 Süsia, harie, ukâ mia kenia sünhiasü Ema ükechü
 rüna Jirusalem nunu maildâ thenia di pnotie nu vâtuouü
 14 zhü. Sükisü unia mhasükâ chüketa khekâ dze kepu vâ
 15 zhü; sirâ unia kerüchüdi huoniehüo ki mhaketsâtsâ
 ketuoki Jisu thuo unia peruo phidi unia ze keze tuota.
 16 Derei unia bu puo simolie ketuola uniamhi chüpekreiwa.
 17 Sükisü puo unia üse, N nia tuo chakhra keputuo kechü-
 18 kâ kedipuo dze keputuo ga? sidi ketsâ. Sitse unia
 uniazie suosiepfü seithata. Sirâ unia miapuo puoza
 Kleopa ru puo sie puo üse, Rûve vâ Jirusalem na kebakâ
 dânu nâ rürbei tsiedâ kinu chü ketakâ sikemo zânhia
 19 ha? sita. Sitse puo unia üse, Kedipuo dze ya? sidi
 ketsâ. Sirâ unia puo üse, Nazarimia Jisu, siadzekesi-
 miapuo Jihova mu themia petekâ mhâdzü puodie rei mu
 20 puo mhathâ rei ungâse zâ kechü miapuo dzelic. Sirâ
 phichükezhakâ mu uramia pehükâ puo tepie miadzienu
 shüdi miabu puo dukhriwanuta, sidi krus geinu puo
 21 gouwa. Derei puo Israelmia rhalie tuoü kechü zânhia
 ikechu hie puo pele vâ zâ. Derei a kepu sükâ rürbei
 22 zâmonyü puo dukhrikewa zârei thia zha se te. Sirâ
 hiekâ krâmia thenumiakrâpuo rei khiserüna mekhrunu
 23 vâdi vâ hiebu hie ngâpie mhapuo chüsa; Sükâa vâ
 puomâ ngulie modi lavârdi sie ukâ teigeidieliemia
 24 nguru, sükâ puo üse rheila sieta üsiü sita. Sirâ hiekâ
 miahuomia mekhrunu vâdi thenukâ hie ki pukeshü ke-
 mhie ngutou zâ shieü si-a; derei sükârei puo ngu moü
 25 si-a. Sita. Sitsemetha puo ukâ üse, Harie kemelâkâ,
 mu siadzekesikâa pupie kezhtü khekâ niekânou sükâ rei
 26 pelelie thâtsa zâ kechükâ! Khristaa kemezhie sidi puo

27 za zhakelie mese mo ma? sita. Sidi puo Mosa mu
 siadzekesi petekâ puria siedi kethâleshükâ nu puo dze
 28 thupieketuokâ pu menuopie ukâ kiashü. Sirâ unia
 vâtuou; ketuo rûnau penuolie zhütse, puo chaü zetuo
 29 sazâ plâta tuoü zhü. Süla unia puo kha beidi sie, Nâ
 hienia za bata chie; teizeitia rei tazhie mu teisâzlia rei
 kekratsatie lielie tazhieru; sita. Sitse puo rei rûna
 30 sünu ledi unia ze bata. Sidi puo unia ze mhachü tuoü-
 di kebakeliekj pua niekhrüda sedi Jihova tseshüdi
 31 bietsiepie ukâ tsüshü. Sitse unia mhi mechie parlie,
 sidi unia puo silie; sitsemetha unia bu puo ngusamota.
 32 Süsia unia thuo kerüchüdi sie, Puo chalanu avu rüchü
 ketuoki puo kethâleshü thapie avu kiazhü kechüki avu
 33 avunou lelou pfütuo zâ mo ma? sibata. Süsia unia
 sümese touki siedi tuola Jirusalem nu vâr ru, kerepuo-
 34 krükâ mu ukâ kezekâ kezevâ kengu keba ngulieru, ukâa
 sie, Niepuu rheilasieta kethâ zâwe, mu Simon burei puo
 35 ngu zâwe; sita. Sitse unia rei chala nunu kengukâ
 mu puo niekhrüda biechükeshüki unia puo sikelie dze
 rei pushü.

36 Sidi ukâ die sükâ kepu kebanu Jisu puo le ukâ dânu
 37 thaliedi sie, Niekâ keviu chüliechie; sishü. Derei ukâ
 ruopfüpue nguzâ ükechü medâdi miehiepik kemerie
 38 chüta. Sitse puo ukâ üse, Niekâ kiüdi niekâ melou
 suota ga? mu kiüdi niekâ nou pelekemo noule leta ga?
 39 A ze ru, niekâ âdzie mu aphî mehâchie: a biedi a mehâ
 menuolie; ruopfûa puochü mu puoru jû, derei niekâ a
 40 ngekechü awe sükâ nyi; sita. Sidi puo die sükâ pu
 kechüki puo puodzie mu puophi nia pie ukâ pekia shü.
 41 Sirei ukâ ukâ neithâr kechüla pelelielhâdi ukâ ngâ
 batatse, puo sie ukâ üse, Niekâ kechücha huo setuo ma?
 42 sidi ketsâ. Sitse ukâ khuo kethuopfû ketuo khriapuo
 43 chüpie puo tsâ. Sitse puo süu lieliedi ukâ mhâdzünunu
 chülie.

44 Süsia puo ukâ üse, Mosa zhâu nu mu siadzekesikâ
 leshü nu mu chielikâ nu a dze thupie ketuokâ, sükâ pete
 chütseilie morâsuo ükechü, a niekâ ze kebanu niekâ ki
 45 pukeshü adiekâ hakâhâ zâwe; sita. Sidi puo ukâ bu
 kethâleshü silie ketuola ukâ nou chü phipfû shü ukâ
 46 tsüshü; sidi puo ukâ üse, Khristaua kemezhiesedi,
 47 süsia zhasenbia kesiakâ dânnu rheilasielie tuo; sirâ

Jirusalem nunu sede chüdi themia neiü ketuo petekâ
 mbâdzünü thenoukedilie nukechü mu ukephumakâ valie
 48 nukechü puo za nunu pupie kiatuo, sikechü, chupiezhü.
 49 Niekâ die sükâ zhapukâ zâ. Sirâ harie, A Apuoä thia-
 dzü khashü tuoüdi pupie kezhüu ketsepie niekâ ki shü-
 tuo: derei niekâ teigeinu kekuosüu ngulle kemochie
 rünanadi hau nu bazâchie; sita.

50 Süsia puo ukâ ze Bethani rüna kepetsou tsatie vâdi:
 51 puo dzie chasie jashü ukâ tsü. Sirâ puo jashü ukâ tsü
 kethaki; puo ukâ ze kekhâta, sidi puoze teigei khâta.
 52 Sükisü ukâ puo rüsuoshüdi, ukâ neisieidi tuola Jirusalem
 53 nu vâta: sidi ukâ kerüsuokiu nunu Jihova tse sei
 bazâta.

Johan Thukeshü Dieliekevi.

KHRISTA KECHACHIE JIHOVA ZE KETUO-U. KEZIE KIJÜ
KEVÂR-U. DIEU ÜKECHÜU THEMIA CHÜKEVÂR

- 1 Sietsenu Dieu tuo zâ, mu Dieu Jihova ze tuo, mu
2 Dieu Jihova zâ. Puo sietse nu Jihova ze tuo zâ.
3 Ketuokâyâ puo bu chü phre; mu chükeliêkâ puobu
4 chükemo puorei jü. Kerheirâ bâ puo nu tuo, mu kerhei-
5 râ süu themia kezieu zâ. Sirâ kezieu kezeinu vapezie-
6 tuoya zâ, derei kezeiu puo ki kuolie mote. Jihova kinu
7 ketsekeshü Johan ükechü miapuo vâ. Süu la themia
8 petekâ bu pelelie ketuo la süu bu kezieu zhapu chüshü
9 zhapu chüshü tuoüdi *lhoukesierzâ*. Themia pete vape-
10 zie tdoü kezhü kezie kethâu kijü vâ tuoü tuo. Puo vâ
11 kijü nu lhou, sirâ puothuo kijüu chüshüzâ rei kijü *nu*
12 *kelhoukâ* thuo puo silie mota zâ. Puo puothuo puo themia-
13 kâ ki vâ zâ, derei puo themiakâ thuo puo zeliê mvüte.
14 Sirci puo zekeliê khekâ, *puocha* puo za nunu ~~pelekeliekâ~~
15 puo sükâ bu Jihova nuonuo chüta tuoü kechü kekuo
16 khashüwate; sükâ thezia nunu, morei uchü-uphou medâ
17 nunu, morei themia medâ nunu monyü Jihova medâ
18 nunu penuokeliê zâ. Sirâ Dieu uchü-uphou mevi vâ,
19 di ngukemezhie mu kethâ bu puo tsupfüdi hiekâ dânunu
20 lhou; sidi hie puo Nuopfüliu puo Puo-u kinu puo kevi
21 ngukeliê, puo kevi süu mebahâ vâ zâ.
22 Johan rei thiadzü puo zhapu shiekhouidi sie, A hadzü,
23 “A sia vâ kezhüu, puo a ki zhate, mhakekreilamonyü
24 puo a mhâdzü tuo zâ kechüla,” isidi puo dze puketuo-u
25 hauha zâ; isishüzâ.
26 Mhakekreilamonyü ukâ petekâ puo ketsu sünunu,
27 ngukemezhie tsügei rei ngukemezhie nguphrelie zâ
28 kechüla. Thezhâu zâwe Mosa dzie nunu keyieshü, sirci
29 ngukemezhie mu kethâu zâwe Jisu Khrista geinu par zâ

- 18 kechûla. Jihova zâwe miapuorei mhakipuorei puo ngu mo; puo Puo-u merûr gei bakezha Nuopfûliu thuo pie mia pesipengu keshû zâ.

JOHAN MIA BAPTAIZ CHÛKEZHUA PHICHÛKÂ MU PUOTHUO
PUO SIADZIKÂ MHÂDZÛNUNU JISU ZHAPU KECHÛ. JISU
SIADZI KERIATHÂKÂ

- 19 Sirâ Judakâ Jirusalem nunu phichûkâ, mu Levikâ ketsepie Johan kishûdi puoü, Nâ supuo ga? idi ketsânu
20 keshûki Johan-a zhapu chûkeshû haha. Sûkisû puo puphrashû zâ, mu pushûmvûta mozâ; puoa, A Khristau
21 mozâ, idi pushû zâ. Sitse ukâ sie, Sirâ kia? nâ Elia mo? isidi puo ketsâ. Ru puo sie, A sîu mo zâ! sita.
22 Nâ siadzekesiu mo? Sitse puo lasie, Mo! sita. Sûla ukâ sie puo ki, Hie bu şevâ hie ketsekeshûkâ ki pushû ketuola pushûchie, Nâ supuo ga? Nâ nthuo n üse kipuo
23 üya ga? sita. Puo sie, Siadzekesiu Isaya thiadzû,
24 "Nickâ Niepuu cha chû kemezhûlie chie!" isidi nhatsa nunu miapuo shiekhoui ketuo pfeu şî a zâ; sita. Mu
25 sükâ Farisikâ kinu ketseshû zâ. Sirâ ukâ puo ketsâdi sie puo ki, Nâ Khristau mo, mu Elia rei mo, mu siadzekesiu rei mo lirâ, kidi mia baptaiz chûya ga? sita.
26 Johan lasie ukâ ki, A dzû nunu mia baptaiz chûtuoya
27 kezha zâ: nickâ dânu nickâ puo sikemopuo tha; puo a sia vâ zhû mu a puo phikou pha rei phreilie sî mo; sita.
28 Mhahakâha Johan-a mia baptaiz kechû Jordan rûr khi Bethani nunu chûwata zâ.
29 Sûsianhia puoa Jisu puo ki vâ kezhu nguliedi sie, Harie, kijû kephumau chûsetatieya kezha Jihova
30 kuonuo-u! Khinyhû a, "Miapuo a sia vâ zhû, puo a ki zhate, mhakekreilâmonyü puo a mhâdzû tuota zâ
31 kechûla," isidi puo dze kepuu hauha zâ. Mu arei puo silie mota zâ; sirei puo pie Israelmia pesiskû ketuola,
32 sûla a dzû nunu mia baptaiz chûkevâr zâ; sita. Sizâmonyü Johan-a zhapu chûsadi sie, Ruopfûu teigei nu
33 mekhru nhiei kerdi puo gei bakelie aa nguzâ. Mu azâwe puo silie mota zâ: sirei dzûnunu mia baptaiz chûnudi a ketsekeshûu puothuo a ki, Nâ Ruopfûu puo gei kerdi
34 puo gei bakelie ngukelieu, sîu Kemesa Ruopfûu nunu mia baptaiz chûketuo-u zâ ho; isishûzâ. Mu arei sîu

nguliedi hauha Jihova Nuo-u zâwe ikechû puo zhapu
chûshûwata zâ hâ.

35 Lase sūsianhia Johan-a puo siadzimia kenia ze tha :
36 di Jisu phere ketuo ngudi sie, Lerei, *luu* Jihova Kuonuo-
37 u zâ! sita. Sitse pethakelie sūnia puodiepu siliedi unia
38 Jisu siamedzita. Sūki Jisu reipra unia puo siamedzi ketuo
nguliedi sie unia ki, Nnia kedipuo pfūya ga? sita. Sitse
unia sie puo ki, Rabi (puocha Kepethau), nâ kirapuo
39 baya ga? ~~sie~~. Puo unia ki, Vârlie, sirâ nnia thuo
ngulietuo; sita. Sūla unia vâdi puo kebachû ngulie;
sidi unia sūnhia puoze bata; sūkisū keba dia kevū
40 meseta. Johan diepu sidi Jisu siamedzi ketania mia-
41 puowe Simon Pitor siazeu Andria. Puo kenourhei vâ
puothuo puo dzūrian Simon pfūliedi sie puo ki, Hie
42 Mesia (puo cha Khristan) sū ngulietewe! sita. Sidi puo
puoze Jisu ki vârlie. Jisu puo mehâdi sie, Nâ Johan
nuo-u Simon: n ūse Kēfa (puocha Pitor) chūta tuo;
sita.

43 Sūsianhia Jisu Galil nu vānyū sie ru, puo Filip
44 nguliedi sie puo ki, Nâ a siamedziliechie! sishū. Sirâ
Filip rei Andria mu Pitor unia rūna Betsaida mia zâ.
45 Filip Nathanael nguliedi sie puo ki, Hie thiadzū Mosaa
thezhâu nu puo dze *thupie ketuo* mu siadzekesikâ rei
thupie ketuo-u nguliete, puo Josel nuo-u Nazaret Jisu zâ!
46 sishū. Sitse Nathanael sie puo ki, Nazaret nunu mha
kevi parlie vî ma? sita. Filip sie puo ki, vârdi
47 mehâchie! sita. Jisua Nathanael puo ki vârlie
nguliedi sie puodze pudi, Lerei, kethera chiekemo
48 Israel kethâmiapuo! sita. Nathanael sie puo ki, Nâ
kikidi a silie ga? sita. Jisu lasie puo ki, Filip n kiekie
mhâdzū, nâ chidebâ khrâ kebaki a n nguwe: sita.
49 Nathanael lasie puo ki, Rabi, nâ Jihova Nuo-u zâ; na
50 Israel kediu zâ! sita. Jisu lasie puo ki, "A chidebâ
khrâ n n nguwe" isidi n ki pu keshū la nâ pēlete ma?
Nâ hakâ ki rei mha zha kechū sakechū krâpuo ngutuo;
51 sita. Sizâmonyū puo sie puo ki, A niekâ ki putou
shūtuo, Niekâa tei khrūshūdi Themianuo-u mhâgei Jihova
dieliekâ khâ kezū mu kerkezhū ngulietuo; sita.

JISU KANA RŪNA NUNU DZŪ PIE KHUOBEDZŪ CHŪ KESHŪ

- 2 Sirā zha se nhia Galil Kana rūna nu nuy³puo chū;
 2 mu Jisu nuozuo sūnu ba. Sirā nuyie sūnu nhia Jisu mu
 3 puo siadzikā rei sa kie. Mu khuobedzū tsatatse, Jisu
 4 nuozuo puo ki, Ukā khuobedzū jūte! sita. Sitse Jisu
 sie puo ki, Thenupfū, kedipuo chūdi nā aū siya? A tei
 5 tsā moluo; sita. Puo zuo sie kituokā ki, Puo niekā
 6 ki kehupuo pu shierei chūliechie; sita. Sūkisū Judamia
 u chūkemesa ketuo zhāu la dzū mām kenia kese shūlie
 7 kezha ketsie dzūbou sorou ba. Jisu sie ukā ki, Niekā
 dzūpie dzūboukā tsu phreliechie; sita. Sitse ukā sūkā
 8 tsu khā puo nyie tsā phreshū. Sidi puo ukā ki, Chūsia
 niekā thouliedi pievā thehe sūnu kezha ki shūchie;
 9 sita. Mu ukā rei pie vāta. Sirā thehe sūnu kezha
 dzū khuobedzū chūketa metha kechūki, kirapuonu ngulie
 shi kechū simo, (derei kituo dzūū' pfākevārkwāwe si),
 10 sūkisū puoa yasau kiedi, sie puo ki, Themia kehupuorei
 tseki khuobedzū kevi khashū badi mia kria perelietse
 sūki kesuo khashūtaya: nāzāwe tsierēi khuobedzū kevi
 11 khashūba ze ha! sita. Jisu Galil Kana rūna nunu puo
 zasi keria hau chūshūdi puo kekua pie mia peri pengu
 shū; mu puo siadzikā rei puo pelielie.
 12 Sūsia puo puozuo mu puo siazekā mu puo siadzikā
 ukā keze Kafarnaum nu ke; mu ukā sūnu zha chaba
 bamota.

JISU JIRUSALEM NU VĀDI KERŪSUOKI CHŪKEMESA

KESHŪ THERIAU, MU ZASI NEIŪ CHŪ MIA

KIA KESHŪ

- 13 Sūkisū Judakā kelakelie nyi penuota, ru Jisu Jirusalem
 14 nu khāta. Di puo kerūsuokinu mia mīthu mu tekua mu
 paruonuo zekebakā, mu raka kelikezhakā keba ngulie.
 15 Sitse puo kerā pie mhakevūsei chūliedi kerūsuoki nunu
 tekua mu mīthukā rei sa, sūkā petekā whuo phrewa; mu
 puo raka likebakā raka bielawa, tsiu ukā mizhūkā rei
 16 phou pelawa. Sirā puo sie paruonuo zekebakā ki, Niekā
 hanunu hakā se tuotalie chie; a Puo ki ūse lhithāki chū
 17 hiechie! sita. Sūki puo siadzikāa, A n ki la shūrhei
 kechū thuo a chūpejūwatuo, sidi thūpie kezhū dieu
 18 rūkralie. Sitse Judakā lasie puo ki, Nā mhahakā chūya

- 19 kezha kedipuo zasi thapie hie pekiaya ga? sita. Jisu lasie ukâ ki, Niekâ kerûsuoki hau bietsâwaliechie, sirâ a
 20 zha se nu phou lalie tuo; sita. Sûla Judakâ sie, Kerûsuoki hau chie hiediaa sorou chû, mu nâ sũu zha se nu phoulie tuo le sita.
 21 Sirei puo puomâ rûsuokiu dze kepu zâ.
 22 Sûla kesiakâ dânnunu puo rheilasie kelieki puo hau pushû zâ kechû puo siadzikâ rûkralie; di ukâ kethâleshû dieurei mu Jisu pukeshû dieu rei pelelie.
 23 Sûsia keldêkelie nyiki puo Jirusalem nu kebaki thenyi kikâ puo zasi chûkeshûkâ ngudi themia kekra puo za
 24 nunu pelelie. Derei Jisu zâwe ukâ lepevi mo; mhakekreilamonyû puo themia pete rûli si kechûla; sizâmonyû themia nu kedipuo tuo shi kechû puothuo sizâ kechûla, miapuorei bu puo ki themia dze zhapu chû kechû ba jû zâ.

JISU NIKODEMA ZE KERÛCHÛ KECHÛ

- 3 Sirâ Nikodema ûkechû Judamia kezhamiapuo Fari-
 2 sikâ dânu tuoya. Sũu pezei ze Jisu ki vârdi puo ki, Rabi, nâ Jihova kinu kevâr kepethamiapuo zâkechû hie sibata zâ; mhakekreilamonyû Jihova puo zetuo kemosia miapuorei nâ zasi chûya kezha hakâha chûlie kenjû zâ
 3 kechûla; sita. Jisu lasie puo ùse, A n ki putou shûtuo, Penuokesala kemosia miapuorei Jihova kedi ngukelie jûzâ.
 4 Sita Nikodema sie puo ki, Themia tsaketaze kikidi penuolie vita? puo puozuo vanu laledi penuolalie vi
 5 ma? sita. Jisu lasie, A n ki putou shûtuo, Dzû mu Ruopfû nunu penuolie kemosia miapuorei Jihova kedinu
 6 lekeli jûzâ. Uchû nunu kepenuo sũ uchû zâ, mu Ruopfû nunu kepenuo sũ ruopfû zâ. A n ki, “Niekâ penuo-
 7 kesala morâsuo” ikeshûla u ngâhie chie. Tei rûkhria se puothuo puo neitsatie vâya, mu nâ puopfe silieya; sirei
 8 puo kirapuonu vârya shi, mu kirapuo vâtaya shi, nâ sũu siya mo: themia kehupuorei Ruopfû nunu kepenuo
 9 sũmhie zâ. Sita. Nikodema lasie puo ki, Mha sũkâ
 10 kikidi chûlieta? sita. Jisu lasie puo ki, Nâ Israelmia
 11 kepetha chûtuodi die hakâ siyamo le? A n ki putou shûtuo, Hie hiekesikâ puya, mu hie kengukâ zhapu
 12 chûya; derei niekâ hie zhapu zeya mo. A niekâ ki

- kijünu diekâ pu zârei niekâ sükäthuo rei peleya mo lirâ,
 a niekâ ki teigei diekâ purâ, niekâ kikidi pelelie ta?
 13 Sirâ teigei keba Themianuo-u teigeinu kekeri zâkemosia
 14 miapuorei teigei siechiemo. Tsiu Mosa thi dzü nhatsa
 nunu tinyhüu pie kesie tuoi, süsütuoï Themianuo-u rei
 15 pie sie morâsuo zâ; mhakekreilamonyü themia kehupuo-
 rei puo pelekeliu kechachie kerhei ngulie ketuola.
 16 Sirâ Jihovaa kijüu khrie thâr zâdi puo Nuopfüliu khashü
 zâ, mhakekreilamonyü themia kehupuorei puo pelekeliu
 17 kaüjütamodi kechachie kerhei ngulie ketuola. Tsiu
 kijüu bu jâtatuondi Jihova puo Nuo ketse pie kijünu
 shü monyü, kijüu bu puo la kelakelie ngulie ketuola zâ.
 18 Puo pelekeliemia pejälielhâ: pelekemonia puo Jihova
 Nuopfüliu za nunu peleliemo ketala tsierei pejäpie bata
 19 zâ. Sirâ kejädie süüsü, kezieu kijü vâz zâ, mu themia
 umhathâkâ mezhümo kechüla kezieu ki kezeiu khrie
 20 kuota kechüu zâ. Themia kehupuorei kerüzhü chüva
 kezha mia kezieu rütseyä mu puo mhathâkâ jâuketa
 21 keprei la kezieu ki vârya mo. Sirci themia kehupuorei
 kethâ chüya kezhamia, puo mhathâkâ Jihova lanu chü-
 keliezâ ükechü pie pesishülie ketuola Jihova ki vârya.
 Sita.

JISUA JUDIA NU MIA PETHAKECHÜ MU MIA BAPTAIZ
 KECHÜ. JOHAN PUO ZHAPUKECHÜ

- 22 Süsia Jisu puo siadzikâ ze Judia kijünu vâz; mu puo
 23 ukâ ze sünu badi mia baptaiz chü. Sirâ Johan rei Salim
 kepenno Inon nu dzü bahu kechüla mia baptaiz chüba:
 24 mu mia vârdi baptaiz chülie Süki mia Johan tepie
 25 kediekinu shüwa moluo. Sirâ Johan siadzikâ Judamia-
 26 puo ze ukemesa kechü dze pukeprülita. Mu mia Johan
 ki vârdi sie puo ki, Rabi, Jordau rür lutsa khienü badzü
 n ze ketuo-u nâ puo zhapu keshüu, harie, Süu mia
 baptaiz chü tuote, mu themia petekâ puo ki vâzazhie!
 27 sishü. Johan lasie, Teigei nu kha themia tsukeshüu zâ
 28 kemosia puo mhapuorei ngukelie jü. "A Khristau mo
 zâ, derei puo mhâdzü a ketskekeshü zâ," isidi a badzü
 29 pukeshü niekâ thuo zârei a zhapu bazâ. Yasapfü
 ngukeliu sü yasau zâ; derei yasau khrietbâu thadi
 puopfe rünyü kethau yasau die la puo neiphi tha zâ:

- 30 sūla a kenei sūp tseilieta zâ. Puowe zha miamiata morâsuo, derei awe chū miamiata morâsuote. Sita.
- 31 Pesageinu kevâr-u petekâ mhâ zâ : kijūnu kepar-u kijūnu zâ, mu, puo kijū die puya ; teigeinu kevâr-u
- 32 petekâ mhâ zâ. Puo puokesi kengukâ, sūkâ zhapu
- 33 chūya, sirei miapuorei puo zhapu zeya mo. Puo zhapu zelieta Jihovaa kethâu zâ kechū puo zasi sūu vūpfūlie
- 34 taya. Mhakekreilamonyū Jihovaa ketsekeshūu Jihova diekâ puya, mu puo mejūmo zâdi Ruopfūu khashūya
- 35 kechūla. Puo-u Nuo-u khriea, mu mhapetekâ khapie
- 36 puo dzienu shūwate. Themia kehupuorei Nuo-u pelekelieu kechachie kerhei ngulie bate ; derei themia kehupuorei Nuo-u dieze kemo-u kerhei ngulielhâ, sirei Jihova noupfūu puo gei bataya.

JISU SAMARIA MIAPFŪPUO ZE KERŪCHŪ KECHŪ, MU
SAMARIAMIA KEKRA PUO PELEKELIE.

- 4 Sirâ Jisu Johan ki miabu pethakelie chū pekraliedi
- 2 baptaiz chūkelie Farisikâ silieketa Niepuua silie ; (sirei Jisu puothuo mia baptaiz chū monyū puo siadzikâ thuo
- 3 chūkechū zâ) ; sūki puo Judia khawadi tuose Galil kijūnu
- 4 lavâta tuoū zhū. Mu puo Samaria kijū pfūthevâ morâsuota. Sidi puo tuose thiadzū Jakob lietsapuo pie puonuo
- 5 Josef tsū keshūu kepenuoki Sikar ūkechū Samaria rûnadi puo tsâlê. Mu sūnu Jakob dzūkhau ba. Sūkisū
- 6 Jisu chatuo, meziatadi ke dzūkhau khiek balie. Sūki khinhialuo mesekita. Ru Samaria miapfūpuo dzū ūtuoū
- 7 vâ : Jisu sie puo ki, Dzū pie abu kriachie, sita. Puoa pethakeliêkawe sūki kechūcha khrūtuofidi rûnanadiu
- 8 nu vâta. Sitse Samariapfū puo ki, Nâ Judamiadi a Samariamiapfū ki kidi dzū chaya ga ? sita. (Mhakekreilamonyū Judamia Samariamia ze mhapuorei chūya
- 9 kemola). Jisu lasie sūpfū ki, Nâ Jihova mhazâ, mu n ki, “Dzū pie abu kriachie !” ikeshūu siya kezha siawe, nâ,
- 10 puo ki mha cha sietuo, mu puo kerheidzū khapie n tsütie chiu ! sita. Thenupfū sie puo ki, Kezhau, nâ mhapuorei pie thou kelie jū, sirâ dzūkhau rei sou : sirâ nâ kirapuonu
- 11 kerheidzū ngulietuo ga ? Nâ dzūkhau, hau hie ketsū hie puo Jakob ki, zha ma ? puo puothuo rei mu puo
- 12 nuonuokâ rei mu puo rikâ rei thiadzū kria vâ zâ ! sita.

- 13 Jisu lasie puo ki, themia kehupuorei dzü hau kekriamia
 14 terhrü latatuo: sirei themia kehupuorei a dzü kha puo
 tsü ketuo-u kekriamia mhakipuorei terhrüta lielhâ;
 sizâmonyü a dzü kha puo tsü ketuo-u puo unu dzüluo
 rüluokepar dzükhoupuo chüdi vâ kechachie verhei tsätuo.
- 15 Sita. Thenupfü sie puo ki, Kezhau, abu terhrü molie
 ketuola rei mu tuo ha thechie nu vâ dzüütuo molie
 16 ketuola nâ dzü süu kkapie a tsüchie! sita. Jisu
 sie puo ki, Nâ tuo vâdi n nupfu kieze hanu vârli-
 17 chie; sita. Thenupfü lasie puo ki, A nupfu jü; sita. Jisu
 sie puo ki, Nâ "A nupfu jü" isikechü nâ putoushü zâ:
 18 n nupfu pengou nyiwate; mu nâ tsie puo ze kebau n
 19 nupfu mozâ: nâ die hau kethâ pushü zâ; sita. Thenu-
 pfü sie puo ki, Kezhau, nâ siadzekesimia zâ kechü a
 20 lebate. Hie puonuokâ thiadzü kijüthou ha geinu
 rüsuotuoya; derei niekâ themia bu vâdi rüsuo kezhü
 21 Jirusalem nu thechü ba üsiya; sita. Jisu sie puo ki, The-
 nupfü, a die peletuo chie, zâpuo niekâ kijüthou hau geinu
 morci Jirusalem nunu rei Puo-u rüsuo zâ mota ketuo
 22 teipuo vârtâ zhie. Niekâwe puo rüsuoyakezhau siya mo;
 hiewe rüsuoya kezhanu sidi rüsuoya; mhakekreilamonyü
- 23 Judamia kinu kelakelie par bata zâ kechüla. Sirei
 kethâchüdi rüsuo kezhakâ ruopfü mu kethâ nunu
 Puo-u rüsuo ketuo tei vârzhe, mu tsierei vâr bate:
 mhakekreilamonyü Upuo-u miabu sidi puo kerüsuomia
 24 chü tuoüdi pfütuoya zâ kechüla. Jihova sü ruopfü zâ:
 mu puo rüsuo kezhanu ruopfü mu kethâ nunu rüsuo
 25 morâsuo. Sita. Thenupfü sie puo ki, Mesia, Khrista
 ükezhau, vâr tuoü zhükechü a sibate: puo vâr râ, mha
 26 petekâ pupie hie kiatuo; sita. Jisu sie puo ki, A n ze
 kerüchü kethau süuzâ! sita.
- 27 Sikebanu puoa pethakeliekâ vârdi puo thenumia pfü-
 puo ze kerüchü keba ngudi ukâ ngâta; derei miapuorei,
 Nâ kedipuo sinyüdi ga? morei, Nâ kidi puo ze kerüchü
 28 ba ga? isichie mo. Süki thenupfü puo lipfü khawadi
 29 tuo rünanadiu nu vâdi themiakâ ki, Niekâ par miapuo
 mehâchie! puo a chükewakâ pie a ki pu phreshü zâ!
 30 Puo Khristau zâ mo kishi! sita. Ukâ rünanadi sünunu
 31 tuose puo ki pra zhü. Sükisü pethakeliekâ Jisu ki
 32 chadi sie, Kepethau, mhachülie chie; sita. Sirei puo
 sie ukâ ki, Aa niekâ sikemo kechüchâ puo ba; sita.

- 33 Sûla pethakeliêkâ sie huoniehûo üse, Huomia kechûcha
 34 hûo sevâ puo tsû ma ? sita. Jisu sie ukâ ki, A kechû-
 35 chaa a Ketsekeshûu nei chûtuou kechû mu puo mhathâ
 chûtsi shû tuou kechûu zâ. Niekâa, Lieyietei vâta
 ketuo khrû diâ basaluo, isiya mo ma ? Harie, a niekâ
 ki pushûtu, niekâ tâsie liekâ mehâshû phi chie ; tsierei
 36 sükâ krapie relie reivi zhûte. Reya kezhamia uzhakhra
 ngulieya, mu puo si pfükengupie kechachie kerheinu
 shûpie zhûieya ; sidi tsia vaya kezhamia mu reya
 37 kezhamia Reze unei baya. Sirâ, Miapuo tsia vaya mu
 kekreamiapuo reya, isikezha dieu sù lesiekechû kethâ zâ.
 38 A niekâ ketsepie niekâ kemezhieshû kemora re nushûya :
 miakekreimia kemezhieshû, mu niekâ bu sükâ mhathâkâ
 nu kele zâ. Sita.
- 39 Sirâ thenusüpfû, “A chûkewakâ puo a ki puphre-
 shûzâ,” isidi zhapu chûkeshûla rûnanadi sünunu Samaria
 40 mia kekra Jisu pelelie. Sidi Samariakâ puo ki vârke-
 lieki puobu ukâ ze balienu di puo ki chata : mu puo
 41 sünü zha kenia bata. Sirâ puo die lanu themia
 42 kekra pele salie. Di ukâ sie thenupfû ki, Hie tsiewe
 n diepu rûrbei la pelezâ mote : mhakekreilamonyû hie
 hiêthuo hie nyiepie rûnyûliete, mu hauha kijû Kelakelieu
 kethâ tazâ kechû silie ketala : sita.

JISU GALIL KANA RÛNANÛ VÂ DI KAFARNAUM MIA
 PEHÛMIAPUO NUO CHÛKESHÛRHÂKESHÛ.

- 43 Sirâ zha sünia sia puo sünunu tuose Galil nu vâta.
 44 Siadzekesimia puothuo puora khenu zâwe therhu jû
 45 ûkechû. Jisu puothuo pushû zeru. Sidi puo tuo
 Galil nu vârkelieki puo Jirusalem nu thenyikj mha
 chûkeshû khekâ ngukelie la Galilkâ puo zeliê : mhake-
 kreilamonyû ukâ rei thenyi sünü khâ kechûla.
- 46 Sirâ puo dzûpie khuobedzû chûkeshû Galil Kana rûna
 nu lavârlie. Sûkisû Kafarnaum nu pehûmiapuo puonuo
 47 theptumiapuo mhachû zhû. Puo Jisu üse Judia kijû
 nunu tuo Galil nu vâr keta sikeliêki, puo Jisu ki vâdi
 puobu ke puonuo-u chûkeshûrhâshû nudi chata, puonuo
 48 siatevû tatuou zhû ketala. Sûki Jisu puo ki, Niekâwe
 zasikâ mu ungâ mhathâkâ nguzâ kemôsia mhakipuorei
 49 pelenyûya mozâ ; sita. Pehû sünü sie puo ki, Kezhau,

- 50 nâ a nuo siaketa mhâdzû ker zâyî! sita. Jisu sie
 puo ki, Nâ tuovâtalie; n nuo rheilie zâ tyo; sishû.
 Themia sûu Jisu puo ki kepu dieu peledi tuo zâ
 51 vâta. Sirâ puo ke kezûki puo kituokâ vâ! puo seliedi
 52 sie puonuo rheibata üsishû. Sitse puo ukâ ki puo kedi-
 mesekinu' vichie siertaga? ikechû ketsâ. Ru ukâ puo
 ki, Ndu keba puo kevû meseki puo ruki mote; sita.
 53 Sitse puo puo-u Jisu sû mesetouki puo ki, "N nuo
 rheilie tuo" isishû zâkechû silie: di pñio rei mu puo
 54 kinukâ pete rei pelelieta. Sûuvasû Jisu Judia kijû nunu
 Galil nu vârdi zasi chûlakeshû keniau.

JISU JIRUSALEM NUNU KERLEIZHANHIA KECHÛMIAPUO
 CHÛPEVI KESHÛ

- 5 Sûsia Judakâ nyi puo tsâlietse Jisu Jirusalem nu khâ.
 2 Sirâ Jirusalem nu Tekuo kharu kepenuoki ki pengou
 chûpie keba Ibri dienu Bethesda ükechû rûziapuo ba.
 3 Ki sükânû mhichie, phihyâ, lasia, kechû kekra vâ zhüya.
 5 Sükisû chie serea thetha mhachû tuo ketamia puo sünü
 6 zhû. Jisu puo kezû ngu di puo si chaphi zhûketa
 siliedi sie puo ki, Nâ shürhâlie nyüya ma? sita.
 7 Kechûu lasie puo ki, Kezhau, Dzû pou lala keparki a
 miapuorei aze le rûziau nu keshû jû: mu a letuoü kezû
 8 ki mia kekreamia a mhâdzû tuo le tataya lie; sita. Jisu
 sie puo ki, Sieliedi n zhû chûse chatuoshûlie; sita.
 9 Sirâ sishûtsemetha themia sûu shürhâliedi puo zhû
 chûse chatuolieta.
 10 Tsiu sünhia kerleizha. Sûla Judakâ shürhâlie ketau
 ki, Thia kerleizha, mu nâ n zhû chûse ketiio thezhâ mo;
 11 sita. Derei puo lasie ukâ ki, A chûkeshürhâ keshûu,
 puo a ki, "Nâ n zhû chûse chatuoshûlie," isishûlie; sita.
 12 Ukâ sie, "N zhû chûse chatuoshûlie" isidi n ki puke-
 13 shûu supuo ga? isidi ketsâta. Sirei shürhâkelieu sûu
 supuo shi kechû simota: mhakekreilamonyü themia
 krâpuo sûki ba kechûla Jisu puothuo rûrei mharapuo vâ
 14 ketala. Sûsia Jisu kerûsuoki nunu puo nguliedi sie puo
 ki, Harie, nâ shürhâliete; mhakesuo n gei vâ sa kechû
 15 kepreila phuma kechû sahie chie! sita. Themia sûu
 vâdi puo chûkeshürhâ keshûu Jisu zâ ükchû pie Judakâ
 16 ki pushû. Sitse Jisu kerleizhanhia mha sükâ kechû la

- 17 Judakâ sîu la puo peseta. Derei Jisu lasie ukâ ki, Apuo tsie harei mhachû ba zâ, mu a rei mhachûya; sita.
- 18 Sitse puo kerleizha varhuo kechû rûrbei zâmonyû Jihova. Puo ûdi puothuo puoû Jihova de chûketa rei la. Judakâ sîusûla puo dukhriwa tuoû kechû hrûkechû sata.
- 19 Sûla Jisu lasie ukâ ki, A niekâ ki putou shûtuo, Nuo-ua Puo-u mhakechû kekgukâ zâ kemosia puothuo zâwe mhapuorei ghûkelie jû. Puo-u mhakehupuorei chûya kezhakâ Nuo-u rei sükembiekâ chûya. Mhakekreilamonyû Puo-u Nuo-u khrieva mu puothuo chûya kezhakâ pete thapie puo kieya kezhalâ: sirâ niekâ bu nie ngâlie ketuola puo sî ki mhathâ kezha krâpuo thashû puo kiatio.
- 21 Sirâ Fuo-u kesiamia phouliedi sükâ chûperheilieya kezha tuoî. Nuo-u rei sîsûtuoî puo medâmia chûperheilieya.
- 22 Sîsûtuoî Puo-u thuo miapuorei ketsâ modi ketsâketuo
- 23 petekâ khapie Nuo-u *dzienu* shûwate; mhakekreilamonyû themia kehupuorei Puo-u rhu kezha tuoî sükâ bu Nuo-u rei rhulie ketuola. Themia kehupuorei Nuo-u
- 24 rhuyakemo-u puo ketsekeshû Puo-u rei rhuyamo. A niekâ ki putou shûtuo. Themia kehupuorei a die rûnyûliedi a ketsekeshû pelelie kezha kechachie kerhei ngulie bate, mu sîu miapejâketuo-u nu vâr monyû kesia chie kerheinu prate. A niekâ ki putou shûtuo, Kesiakâ Jihova Nuo-u pfe silie tuo mu sikeliakâ rheilie ketuo tei vâr zhie,
- 26 mu tsierei vâr bata zâ. Mhakekreilamonyû Puo-u kerhei puo nu ketuo tuoî Nuo-u burei kerhei bu puo nu tuolie nu shûwa ketala. Mu puo themia nuo chûketa la mia
- 28 ketsâ ketuo kekua kha puo tsûwate. Niekâ die hau la nie ngâ hiechie; mhakekreilamonyû mekhrukâ nu kezhukâ
- 29 pete puopfe silietuo. Sidi kevi kechukâ rheila kerheinu vârtuo, mu kesuo kechukâ rheila se upejâketuonu vâketuo tei vârzhû kechûla.
- 30 A athuo zâwe mhapuorei chû lielhâ. A anyiepie sikeliie kemhie se mia ketsâya; mu a athuo aneikâ chûnyû monyû a ketsekeshûu neiu chûnyû kezhalâ a
- 31 mia ketsâ kechû puotou zâ. A athuo azha puya râ a
- 32 zhapu puotou mo. A zha puya kezha kekrepuo ba; mu puo azha puya kezha dieu kethâ zâ kechû a siba zâ.
- 33 Niekâ mia, ketsepie Johan ki shû, mu puo kethâu zhapu
- 34 chûshûwata zâ. Sirei a adze zhapu a keneiuwe themia

kinu mo : siüderei niekâ bu kelakelie ngulie ketuola a die
 35 hakâ puya. Johan süu tu keba mu zie keba mitu zâ ; mu
 36 niekâ zâpuo puo kezie nu nie nei banyü sie zâ. Sirei a
 zhapu ngukelieuwe Johan kinu ngukelieu ki zhakuo ;
 mhakekreilamonyü Puo-u abu chütseishü ngudi khashü a
 ketzü mhathâkâ a chüya kezha toukâ thuo Puo-u a ketse-
 37 shü zâ ükechü a zhapu chüshü tuoya zâ. Sirâ a ketseke-
 shü Puo-u puothuo azha pushü zâ. Niekâ zâwe mhaki-
 38 puorei puo pfe si reimo, mu puo rhi rei nguono. Mu niekâ
 puo die pie niekâ nou shüsetuoya mo : mhakekreilamonyü
 39 puoa ketsekeshüu, niekâ süu peleya kemola. Kethâle-
 shükâ nunu niekâ kechachie kerhei ngulieya ükechü ledi
 niekâ sükâ pfüphrütuoya zâ ; mu azha putuoya kezha-
 40 kâsü sükâ zâ. Sirei niekâ kerhei ngulie ketuo pfü a
 41 ki vâr nyüya mo zâ. A themia kinu thetse pfünyüya mo.
 42 Derei niekâ nie noutsatiewe Jihova khrieia mo kechü
 43 a niekâ siba. A Apuo zase vâr zâ, mu niekâ a zeliya
 mo : kekreamiapuo puothuo puozase vâr lirâ, niekâ puo
 44 zeliyetuo. Niekâ Jihova kinu kepar thetse pfüya zâ modi
 niekâ huoniehüo kinu thetse pfüya kezhakâ, niekâ kikidi
 45 pelelievi tuoga ? Niekâ aü Puo-u ki niekâ pejëtuou
 kechü medâ hiechie ; niekâ pejë kezha puo ba, süüsü
 46 niekâ puo khremerür kevâr Mosa zâ. Sirâ niekâ Mosa
 pele lirâ, niekâ a pele rei tiechiü ; mhakekreilamonyü
 47 puo a dze thushü zâ kechüla. Sirei niekâ puo thuke-
 shükâ peleya mo lirâ, niekâ kikidi adiekâ pelielietuo ga ?
 Sita.

JISU THEMIA NYIE PENGOU VACHÜ KECHÜ : DZÜ MHÄNU
 CHATUO KECHÜ : SÜSIA KAFARNAUM NUNU KERHEI
 NIEKHRÜDA DZE PU MIA KIA KECHÜ

6 Süsia Jisu Tiberia dzükezha ükezha Galil dzükezha
 2 khie lutsatie vâta. Mu puoa kechükâ gei ungâ mhathâ
 chükeshü ngu kechüla themiakrädipuo puo siame-
 3 dzita. Tsiu Jisu kijüthou gei khâdi puoa pethakeliekâ
 4 ze sügei balie. Sükisü Judakâ kelakeliényi tiakita.
 5 Süki Jisu tâsie themia krädipuo puo ki vâr kezhu ngudi
 sie Filip ki, Ukâ themia lukâ vachülie ketuo kirapuonu
 6 niekhrüda khrülietuo ga ? sita. Filip nou kevikesuo
 silie ketuola puo die süu kepu zâ : puo chütuoü kechü-

- 7 kâ puo puothuo siphre zeru. Filip lasie puo ki, Miapuo bu kedunuoyâ puo ngulielie tuoû zâ shierei niekhrûda doulei kria kenia ma zârei zavâ sâlielhâ !
- 8 sita. Pethakeliekâ miapuo; Simon Pitor nuo siazeu
- 9 Andria sie puo ki, Nhichunuomia yâpuo niekhrûda pengou mu khuo kenia sedi haki tuo: sirei themia hatsuohade dânu sù hakâyâ hase kita ? sita. Jisu sie, Themia kâ bu ke baliechie ; sita. Sirâ sükisü nha baphi.
- 10 Sûla themia sükâ mia nyie pengou mese kebalie. Sitse Jisu niekhrûda sükâ chûpielie ; sidi puo Jihova tseshûdi kezapie kebakeliekâ tsûphreshû ; sùsütuoï khuonia rei ukâ cha kezha chie khashû. Sirâ ukâ chû pevûlie keta sia puo sie puoa pethakeliekâ ki, Puorei pekawa molie ketuola niekâ chûkepesha puosekâ pfükengulie chio ;
- 11 sita. Sitse ukâ niekhrûda pengou chûdi chûpesha
- 12 kelie puosekâ pfûpie khâpenuo kerekenia tsulie. Sûla themia kâ puo ungâ zâsi chûkeshû kenguki ukâ sie, Themia hauha kijû tsur tuoû ketuo-u siadzekesiû kethâ tazâ ! sita.
- 13 Sidi Jisua mia vâr puo kemvûchûdi puo tepie puobu kedî chûta tuoû baketa siliedi, puothuo tuo rûrdeila kijûthou gei vâta.
- 14 Sûsia thevatia tatse puoa pethakeliekâ dzûkezhanu
- 15 keta. Sidi ukâ roupuo nu leliedi tuose dzûkezha khie Kafarnaum tsa vâtatuoû zhû. Sükisü tei rei zeita, mu
- 16 Jisu ukâ ki vârmo zâluo. Sirâ teirûkhriaphi ketala
- 17 dzûkezha rûpfû sierta. Sidi ukâ rou thuse maildâ sedianu vâta kezhû ze ukâ Jisu dzûkezha mhânu chatuose
- 18 rou penuo vârkezhû nguliedi miehietâ. Derei puo
- 19 ukâ ki, A zâ mu ; niekâ miehie hiechie ; sita. Sûla ukâ puo ze rounu lerlie nyû tuota : sirâ sitsemetha rouu ukâ vâtuoû kezhû chûu tsâliê.
- 20 Sûsianhia dzûkezha khie lutsatie ketha themia krâkâ nduwê roupuo sia rou kekrei puorei sünü bamo ; mu
- 21 Jisu puoa pethakeliekâ ze rou sünü nu lemodi puoa
- 22 pethakeliekâ rûrbei vâ keta zâ kechû nguzâ. Siûderei Tiberia nunu roukrâpuo Niepuua Jihova tsekeshû sia
- 23 ukâ niekhrûda kechû chû kepenuoki vâr. Sûla themia krâkâ Jisu rei mu puoa pethakeliekâ rei bakemo leliedi ukâ uthû rou sükânu leliedi Jisu pfû Kafarnaum nu
- 24 vâr. Sirâ ukâ dzûkezha khie tietsatie puonu puo

- ngukelieki ukâ sie puo ki, Rabi, nâ kedikechû kipuo
 26 hanu vâta ga ? sita. Jisu lasie ukâ üse, A niekâ ki
 putou shütuo, Niekâ ungâ zasikâ kenguk monyü
 27 niekhrûda chûdi pevukelie la a pfüya kezha zâ. Kaü
 jütaketuo cha pfüdi kemezhie hieü, Phismanuo-ua
 khapie niekâ tsuketuo kechachie rheiketuo, ketsâ balie
 ketuo chau la kemezhiechie : mhakekreilamonyü Puo-u
 Jihova thuo puo geinu mohor vüwa ketaia. Sita.
 28 Sitse ukâ sie puo ki, Hie kedipuo mhfedi Jihova
 29 mhathâkâ chülie morâsuo ga ? sita. Jisu lasie ukâ
 ki, Niekâ Jihovaa puo ketsekeshüu pelekeliestu Jihova
 30 mhathâ zâ ; sita. Sitse ukâ sie puo ki, Nâ hie bu
 ngudi n pelelie ketuo zasi kikechûpuo chûshüya ga ?
 31 Nâ mhathâ kikechûpuo chüya ga ? Hie puonuokâ
 thiadzü nhatsanu mana chü ; thiadzü thupie tuo keta
 tuoi, " Ukâ bu chü ketuola puo teigei nu niekhrûda
 32 khapie ukâ tsü." Sita. Süla Jisu sie ukâ ki, A niekâ
 ki putou shütuo, Teigei nu niekhrûda kha nie ketsüu
 Mosa monyü Apuo-u thuo teigei nu kethâ niekhrûdau
 33 khapie niekâ tsüya. Mhakekreilamonyü teigeinu kerdi
 kerhei khapie kijüu tsüshü kezhaü sü Jihova nie-
 34 khrûdau zâ kechûla ; sita. Süla ukâ sie puo ki, Nie-
 puu, nâ kechachie niekhrûda süu khapie hie tsü sei zâ
 35 tuo chie ; sita. Jisu sie ukâ ki, Asü kerhei niekhrûdau
 zâ : themia kehupuorei a ki kevârmia merûta lielhâ,
 mu themia kehupuorei a pelekezhamia mhakipuorei
 36 terhrütalielhâ. Sirei a niekâ ki pushü zâ, Niekâ a
 37 ngulieta zârei a peleya mo. Puo-u khapie a tsükezha
 khekâ a ki vâr phre zâtuu ; mu themia kehupuorei a ki
 38 kevârmia, a sümia khawâlielhâ zâ. Mhakekreilamonyü
 a athuo anei amedâkâ chütuoüdi monyü a ketsekeshün
 39 neiu chütuoüdi a teigeinu kerta zâ kechûla. Sirâ a
 ketsekeshüu nei-a puo khapie a tsüshüwa ketakâ pete
 abu sükâ puorei pejüwa modi thelathânhia phoulie ketuo-
 40 u zâ. Sizâmonyü Nuo-u mehâdi puo pelekczha mia
 kechachie kerhei ngulietuo ; mu a thelathânhia süu
 phoulietuo ; süsü Apuo medâ zâ. Sita.
 41 Sirâ puo, " A teigei nu keker niekhrûdau zâ " ikeshûla
 42 Judakâ puo la kenyata. Sidi ukâ sie, Hauha Josef nuo
 Jisu, we putpuo puozuo kesiu zâ mo ma ? Sirâ puo tsie
 43 kidi, " A teigei nu kerwe," ikechtü puya ga ? sita. Jisu

- lasie ukâ ki, Niekâ mha kepudi kenya bazâ hiechie.
- 44 Miapuorei a ketsekeshû Puo-u thuo puo ze vâr kemisia
a ki vâr kelie jû: mu a thelathânhia sũu phoulietuo.
- 45 Sirâ, "Ukâ petekâ Jihova bu ukâ pethalietuo," isikechũ
siadzekesi leshũkâ nu thupie tuo zâ. Themia kehupuorei
- 46 Puo-u die rünyüdi sikeliemia a ki vârya. Jihova
kinunu kevâr-u zâ kemisia miapuorei Puo-u ngumo zâ;
47 sũu Puo-u ngu zâ. A niekâ ki putou shütuo, Pelekezhau
48 kechachie, kerhei nyite. A kerhei niekhrüda zâ.
49 Nie puonuokâ thiadzũ nhatsa nunu mana chũ, mu ukâ
50 siate. Hauha miabu puo chüdi siatakemo teigei nu keker
51 niekhrüda zâ. A teigei nu keker kerhei niekhrüda zâ.
Themia kehupuorei niekhrüda hau chũ râ, puo kechachie
rhei tatuo. Sizâ, kijũu chũperheishũ ketuola athuo
khashũ ketuo niekhrüda sũ achũ zâ. Sita.
- 52 Sũla Judakâ keprũlidi sie, Themia hauha kikidi puo
53 chũ pie ubũ chũlie vi gâ? Sita. Sũla Jisu sie ukâ ki, A
niekâ ki pu tou shütuo, Niekâ Themianuo-u chũ chũ mu
54 puo zia kria kemisia kerhei niekâ nu jũ zâ. Themia
kehupuorei achũ chũ mu azia kriaya kezhamia kechachie
55 kerhei nyite; mu a thelathânhia sũu phoulietuo. Mhake-
kreilamonyũ achũa miacha kethâzâ, mu aziaa miabu
56 kriakezha pfũ kethâzâ kechũla. Themia kehupuorei
achũ chũ mu azia kria kezhamia a nu baya, mu a puo
57 nu baya. Rheituo kezha Puo-u a ketseshũ mu a Puo-u
la rheituo kezha tuoi, sũtuoi themia kehupuorei a chũ
58 kezhamia, sũu rei a la rheituolie tuo. Hauha teigei nu
keker niekhrüda zâ: nie puonuokâ thiadzũ chüdi
siaketa mhie mo; themia kehupuorei niekhrüda hau
59 kechũu kechachie rheituolie tuo. Puo Kafarnaum nu
mia petha kechũki ukâ kehoui nuntũ sidi die hakâ pu.

THEMIA KEKRA UNOU KEKRÜ KETA, SIREI

HUOMIA UKEPELE METEI BAKELIE.

- 60 Sũla puoa pethakeliekâ themia kekra, die sũu kesiki
sie, Die hau die kerepuo zâ! Supuonie rünyülie vita?
61 sita. Derei puoa pethakeliekâ, die sũu kenya kechũ Jisua
62 siliedi sie ukâ ki, Die hau la niekâ bu jate ma? Sirâ
niekâ Themianuo-u thiadzũ puo banu kekha ngurâ kita?
63 Kerhei khashũ kezhauwe Ruopfũu zâ; uchũ mhapuorei

- chüşhü kelie jü. A niekâ ki pukeshü diekâ ruopfü zâ
 64 mu kerhei die zâ. Derei niekâ dânu huomia pel-yakemo
 ba. Sita. Jisu sietsenunu pelekemokâ su-mia shi,
 mu puo tepie miadzienu shüketuo-u supuo shi kechü
 65 situo ketala sikeshü zâ. Sirâ puo sie, Haulala a khi-
 nyhü, Puo-u kinu kekuo kha puo tsüşkü kemösia
 miapuorei a ki vârkelié jü, isishü zâ. Sita.
 66 Die sükâ la puoa pethakeliekâ kekra lata, mu puo ze
 67 tuo sa mota. Süla Jisu sie kerekeniakâ ki, Niekâ rei
 68 tuota nyüya ma ? sita. Simon Pitor lasie puo ki, Nie-
 puu, hie supuo ki vâta ? Nâ kechachie kerhei diekâ
 69 seya. Sizâmonyü hie nâ Jihova kinu kepar Kemesau zâ
 70 kechü peleliedi situota zâ ; sita. Jisu lasie ukâ ki, A
 niekâ kerekeniakâ kedalieta zâ mo ma ? sirei niekâ dânu
 71 ngumvüpuo ba. Puo Simon nuo Iskariot Judas dze die
 süu kepuzâ ; mhakekreilamonyü süu kerekeniakâ dânu
 puo zârei Jisu tepie mia dzienu shüketuo-u zâ kechüla.

PRU NU BADI NYIKECHÜ TEIKI JISU JIRUSALEM NU
 KHÂDI KERÛSUOKI NUNU MIA PETHA KECHÜ MIA
 JISU TEILIENYÜ KETA

- 7 Sirâ süsia Jisu Galil kijünu rühou tuota : mhakekrei
 lamonyü Judakâ puo dukhriwa tuoü tuoza ketala
 2 puo Judia kijünu rühou tuo nyümo ketala. Sükisü
 3 Judakâ nyi prunu badi nyikechüu tsâta. Süla puo sia-
 zekâ puo ki, N siadzikâ burei nâ chütuoya kezha n
 mhathâkâ ngulie ketuola nâ hanunu tuose Judia kijünu
 4 vâlie chie. Miapuorei puoza bu meyie nyürâ, rüşhüdi
 mhapuorei chüya mo kechüla. Nâ mha hakâ chüya
 5 kezha sia n thuo n thapie kijüu kiashülie chie. Puo sia-
 6 zekâ zârei puo pelelie mo kechüla sita. Süla Jisu ukâ
 ki, A tei tsâ vârmoluo, derei niekâ teiwe tsâ sei bayazâ.
 7 Kijüu niekâ rütselelhâ ; sirei a puomhathâkâ üse suo
 8 ü keshüla a rütseya kezha zâ. Niekâ thenyi nu khâlie-
 9 chie : Awe a tei tsâ vârmoluo kechüla thenyi hau nu
 khâlelhâ. Sita. Sirâ puo ukâ ki die sükâ pushüwadi
 Galil kijünu basata.
 10 Sirei puo siazekâ thenyi nu khâketa sia puo meyieme-
 11 luoi monyü kerüşhü mhieidi khâ. Sirâ Judakâ thenyinu
 12 puo pfüdi sie, Puo kirâpuo ba ga ? isita. Sidi themia

- krâkâ puo dze kepu bouûbi tuota : huomia sie, Puo themia kevipuo zâ ! sita : kekreimia sie, Si mo, puo themia-kâ sez ketuo zâ ! sita. Siüderei Judakâ keprei la mia-puorei puo dze pu kemeyie mota.
- 13 Derei thenyi metsuoki Jisu kerûsuokinu khâdi mia
14 petha. Sûla Judakâ ukâ ngâdi sie, Themia hauha
15 mhakipuorei leshûkinu vâmozâdi kikidi leshû silie ga ?
16 sita. Sûla Jisu lasie ukâ ki, A mia pethaketuo ha adie
17 monyû a Ketsekeshûu die zâ. Themia kehupuorei puo
18 nei chûnyûa râ, sûu die hau Jihova kinu par mo athuo a
19 kinu pupar shi kechû silietuo. Themia kehupuorei puo-
thuo puo kinu mha pukezhamia puothuo puo za pfûya
kezhazâ : derei themia kehupuorei puo Ketsekeshûu za
pfûya kezhau, sûu kethâ zâ, mu kethâkemo puorei puo
20 nu bamo zâ. Mosa thezhâu khashû niekâ tsû moma ?
21 siüderei niekâ miapuorei thezhâ sûu chûûzeyamo. Nie-
22 kâ kedipuo chûdi a dukhrikewa hrûya ga ? sita. The-
miakrâu lasie, Nâ terhuo kesuopuo zeya ha : supuonie n
23 dukhrikewa hrûya ga ? sita. Jisu lasie ukâ ki, A mha-
24 puo chûshû ru, niekâ sûu nie ngâ phre zâ. Mosaa zhû-
kere zhâ khashû niekâ tsûshû (sûusû Mosa kinu monyû
nie pfutsanvokâ kinu zâ) ; mu niekâ kerleizhanhia nu
25 mia zhûreya. Niekâ Mosa zhâ varhuokewa kepreila
kerleizhanhia zârei mia zhûreya lirâ ; a kerleizhanhia
26 mia chûpevi lâtsâ keshûla niekâ a gei nie neimoya ma ?
27 Chazou kengu geinu kevi kesuo le monyû puotou chûdi
lelie chie. Sita.
- 28 Sûla Jirusalemmia huomia sie, Themia hauha mia
29 puo dukhri watuouûdi pfûketuo-u moma ? Mu lerei, puo
diepu kemeyiemeluo tha zâ, mu mia puo ki mhapuorei
pumo ze. Puou Khristau zâ ûkechû kezhakâ silieta
30 kethâte le ? Kehuchûrei we zâwe themia hau kirapuonu
vâr shi kechû siba zâ : derei Khrista kevârkiwe puo
kirapuonu vâr shi kechû miapuorei silielhâ ; sita.
- 31 Sûla Jisu kerûsuokinunu mia petha shiekhoudi sie,
Niekâ a si, mu a kirapuonu vâr shi kechû rei siba ;
sizâmonyû a athuo amedâ chûdi vârho, sirei niekâ puo
32 sikemo a ketsekeshûu, sûu kethâu zâ. Awe puo siba ;
mhakekreila-monyû a puo kinu par, mu puo a ketseshû
33 zâ kechûla. Sita. Sitse ukâ puo tekeliê hrûta ; derei
34 puo tei tsâvâr moldo kechûla miapuorei puo geiu dzie

- 31 khashû mota. Sirei themi akrâu nu kekra puo peledied, ukâ sie, Khristau kevârki puo themia hau chûkeshû hakâ ki ungâ mhathâ chû krasashû tuo mo kishi ?
- 32 sita. Farisikâ themi akrâu puo dze die sükâ kepoubou tuoketa silie ; sitse phichûkezhakâ mu Farisikâ puo telienudi chalie kâ ketseshû. Sûki Jisu sie, keduokipuo
- 33 rûrbei niekâ ze sa badi a ketsekeshûu ki vâtatuo. Niekâ a pfûtuo, mu a ngulielhâ : sirâ niekâ a kebara vârkeli
- 34 jû. Sita. Sûla Judakâ uthuo kepudi, siê. We puo ngulielhâ ûamu themia hau kedikipuo vâta tuoûdi sishi ? Puo themia vâ Grikmia dânu chûretuoketakâ
- 36 ki vâdi Grikmia pethatuo ta tuo ma ? Puo, "Niekâ a pfûtuo, mu a ngulielhâ ; sirâ niekâ a kebara vârkeli jû," isikeshû die hau kedipuo ga ? sita.
- 37 Sirâ thenyi thela kezhatâ nhia Jisu sietha shiekhouidi sie, Themia kehupuorei terhrû râ, puobu a ki vârdi
- 38 kraliechie. Themia kehupuorei a pelekezhau kethâleshûa pukeshû tuoi puo nunu kerheidzû rûrkâ krupartuo.
- 39 Sita. Derei puo pelekeli kâ ngulie ketuo Ruopfûu dze puo die hau pushû : mu Jisu zayie chûlie mozâluo
- 40 kechûla Ruopfûu rei khashûmo zâluo. Sûla themi akrâ sîu *huomia* die sükâ siliedi sie, Hau siadzekesiu kethâzâ ;
- 41 sita. Kekreimia sie, Hau Khristau zâ ; sita. Derei huomia
- 42 sie, Kia, Khrista Galil nunu par tuo le ? Khrista David yie nu mu David thiadzû keba rûna Betlehemyâ nunu par
- 43 tuoû kechû Kethâleshûa pushû moû ma ? sita. Sidi puo
- 44 la themi akrâu bu la kenia chûta. Sirâ huomia puo telie nyû sie ; derei miapuorei puo gei udzie khashû mota.
- 45 Sirâ chalie kâ phichûkezhakâ mu Farisikâ ki lavâr, sitse sükâ sie ukâ ki, Niekâ kidi puo zevâr mota ga ?
- 46 sita. Chalie kâ lasie, Miapuorei puo mhie diepu chie mo
- 47 lie ! sita. Sûla Farisikâ lasie ukâ ki, Miabu niekâ rei
- 48 sewate ma ? Kezhakâ morei Farisikâ huomia puo peletaû mhama ? Derei thezhâu siyakemo themi akrâ hau
- 49 rûsepfûta zâ. Ukâ dânu miapuo, thiadzû Jisu ki kevâr-u
- 50 Nikodemaa sie ukâ üse, Ukâ zhâu pedzû mia die simo mu mia mhathâ silie ria kemonu mia pejâya ma ? sita.
- 52 Ukâ lasie puo ki, Nâ rei Galilmia ma ? Phrûvâ lirâ. Galil nunu siadzekesi puorei sierya mo zâkechû silietuo. Sita.

THENU PIEÛ PFÛPUO MU MIA PUO PEJÂ KECHÛKÂ

53 Sidi ukâ tuo uthuo ukinu vâ phreta.

8 Derei Jisuwe tuo Oliv kijûthou gei vâta. Sidi puo
 2 khiserûnâ tuola kerûsuokinu vâr, sirâ themia petekâ puo
 3 ki vârlî; sitse puo kebaliedi ukâ petha bata. Sûkisû
 4 leshûkesithâkâ mu Farisikâ thenumia pfûpuo pieû chû-
 5 zhûdi teze vâr; sidi ukâ puo khapie ukâ dânu shûpie
 6 baliedi sie Jisu ki, Kepethau, thenu hapfûha pieû chûzhû
 7 zâ kechûnu telielie. Sirâ thezhâ nu ketsiepie hiekehrû-
 8 mia vawanu kechû Mosa hie ki pupieshû zâlie: mu nâwe
 9 puo dze kedipuo puta? Ukâ Jisu pejâkelie ledi puo
 10 kedâdi dieha kepu zâ. Sirei Jisu nouketsu puo dziekinuo-
 11 pie kijû nu mha thubata. Siûderei ukâ puo ketsâ bazâ-
 12 ta kechû puo tâsiedi ukâ ki, Nickâ dânu phuma motâzâ
 13 kechûu bu ketsie kelhou riapie hapfû vachie. Sishûdi
 14 puo noukelatsu puodziëkinuopie kijûnu mha thulashû.
 15 Sirâ themia sükâ, ukâ puo die silietsc, phichûthâu bu
 16 riadi vâ thelathâu ketsâ miapuo puoidi tuo prata: sidi
 17 Jisu mu ukâ dânu ketha thenupfû rûrbei ketha zâta.
 18 Sitse Jisu tâsie thenupfû ki, Thenupfû, ukâ kira vâta?
 19 Miapuorei n pejâ mote ma? Sitse puo sie, Niepuu, mia-
 puorei simolie; sita. Sirâ Jisu sie, A rei n pejâlielhâ;
 nâ tuo vâtalie. Hasie kephuma chûsahie. Sita.

JISU MU PUO PUO UNIA MEDÂ KERHE KECHÛ

12 Sirâ Jisu lasie ukâ ki, A kijû kezieu zâ: themia kehu-
 13 puorei a siamedzi kezha kezei nu rûhou monyû kerhei
 14 kezieu ngulietuo; sita. Sûla Farisikâ puo ki, Nâ nthuo
 15 n zha puya; n zhapu kethâ mo; sita. Jisu lasie ukâ ki,
 16 A athuo a zhapu zârei a zhapu kethâ zâ, mhakekreila-
 17 monyû a kirapuonu vâr shi, mu a kirapuo vâtu shi
 18 kechû ai kezha la; derei niekâwe a kirapuonu vâr shi mu
 19 a kirapuo vâtu shi kechû siya mo. Niekâwe chû geinu
 20 kevikesuo leya; awe miapuorei ketsâya mo. Mu a mia
 21 ketsâ zârei a mia ketsâkechû puotou zâ; kekreibamou
 22 awe a rûrbei tuo mo, sirei a mu a ketsekeshû Puo-u sa
 23 tuo. Sizâmonyû mia kenia zhapuwe kethâzâ ñkechû
 24 nie zhâ nu rei thupie tuo zâ. A thuo azha kepuu sù a
 25 zâ, mu a ketsekeshû Puo-u a zhapuya. Sita. Sûla ukâ

- puo ki, N puo kirapuo бага ? sita. Jisu lasie, Niekâ a rei mu Apuo rei siya mo. Niekâ a si kochü sij we Apuo rei silietuo weü. Sita. Jisu kerüsuoki nunu mia petha kechüki mhakengu kezha bou nunu puo die hakâ pu : sirei puo tei tsâmoluo kechüla miapuopei puo telie mota.
- 21 Süsia puo lasie ukâ ki, A tuotatuo, sirâ niekâ a pfütuo, derei nie kephuma nunu siatatuo : a kevâra niekâ vârliel-
 22 lhâ ; sita. Süla Judakâ sie, “ A kevâra niekâ vârlielhâ,” puo siya kezha ha, puo puothuo puo dukhriwatuo ma ?
 23 sita. Sitse puo sie ukâ ki, Niekâ puo khrâ nu zâ ; a puo mhâ nu zâ. Niekâ kijü hau nunu zâ ; awe kijü hau
 24 nunu mo zâ. Süla a niekâ ki, “ Niekâ nie kephuma nunu siatatuo,” isishü zâ : mhakekreilamonyü niekâ a süüzâ kechü pelekemo sia, niekâ nie kephuma nunu siatatuo.
 25 Sita. Süla ukâ puo ki, Nâ supuo ga ? sita. Jisu sie
 26 ukâ ki, A tsenunu niekâ ki pukeshüü zâ. A niekâ dze pu ketuo mu ketsâ ketuo mha kekra ba : derei a Ketse-
 keshüü kethâ zâ, mu a puo kinu a nyiepie sikelielhâ,
 27 a sükâ pie kijüü ki puya. Sita. Ukâa puo ukâ ki Puo-u
 28 dze pie pukeshü lelie mota. Süla Jisu sie, Niekâ Themia-
 nuu-u pie kesieki, sükisü niekâ a süüzâ kechü mu a athuo
 akinu mhapuorei chüyamo di, Puo-u pie a petha keshü
 29 tuoi a sükâ puya kechü silietuo. Sirâ a Ketsekeshüü a
 zetuoya ; süua khapie abu a rürbeitaya mo : mhakekrei-
 30 lamonyü a puo nei khekâ chü seituoya kezhalâ. Sita.
 Puo die hakâ pushütse themia kekra puo pelelie.

JISU MIA PUO DIE ZEKELIE DZE PUPIE MIA PETHA KECHÜ

- 31 Süla Jisu Judamia puo pelelie ketakâ ki, Niekâ a die
 32 nu ba lirâ, niekâ a siadzimia kethâta zâ ; sirâ niekâ
 kethâu silietuo, mu kethâ süu thuo niekâ khashüwata
 33 tuo. Sita. Ukâ lasie puo ki, Hie Abraham yiemia zâ, mu
 hie mhakipuorei miapuo die rei chü chiemo zâluo. Nâ ki-
 34 di, “ Niekâ khashüwatatuo ikechü puya ga ? sita. Jisu
 lasie ukâ ki, A niekâ ki putou shütuo, Themia kehupuorei
 35 phuma tuoya kezhamia kephuma die ta zâ. Sizâmonyü
 36 mia dieu mia kinu ba seiya mo : nuothânuowe ba seiya.
 Süla Nuo-u niekâ khashü râ, nie kha kethâ chüshüwa tuo.
 37 A niekâ Abraham yiemia ükechü siba zâ. Siüderei a die

- bu niekâ nou puo medâ chübalieya kemola niekâ a
 38 dukhriwa tuoüdi a pfütuoaya zâ. A Apuo zetuodi a thuo
 ngukeniekâ se puya: niekâ rei nie puo-u kinu rünyükelie-
 39 kâ chüya. Sita. Ukâ lasie puo ki, Abraham hie puo-u
 zâ; sita. Jisu sie ukâ ki, Niekâ Abraham nuonuo lirâ,
 40 niekâ Abraham mhathâkâ chütie chiü. Sirei niekâ A
 Jihova kinu sikelie kethâu pie niekâ ki pukeshüu a harei
 dukhriwa tuoüdi pfütuoaya zâ: Abraham sü chümo zâ.
 41 Niekâ nie puonuo mhathâkâ chüya. Sita. Ukâ puo ki,
 Hie pieü nuhu penvokelie mia mo; hie hie Puo puo ba,
 42 süu Jihova; sita. Jisu sie ukâ ki, Jihova niekâ
 Puo-u lirâ, niekâ a khrielie tie chiü: mhakekreilamonyü a
 Jihova kinu nu par mu vâr zâ kechüla. A athuo a kinu
 43 nu vâr monyü, puo a ketseshü zeru. Niekâ kiüdi adiepu
 44 silieya mo ga? Niekâ a die rünyülie kelhâ la zâ. Nie-
 kâ niekâ puo terhuo kesuo-pi kinunu zâ, mu niekâ puo-u
 neikâ chü nyüya. Puo sietsenu mia kedukhrimia
 puo, mu puo nu kethâ jü kechüla puo kethâ nu thaya
 mo. Puo ketijü pu kezhaki puothuo puo kinu nu pupar-
 ya: mhakekreilamonyü puo kechürürmia mu kechürür
 45 krüu zâ kechüla. Sirei a kethâu kepu la niekâ a peleya
 46 mo. Niekâ supuonie kephuma pu a dalie vi ga? A ke-
 47 diethâ puya lirâ, niekâ kidi a peleya mo ga? Jihova
 kinunu keparmia Jihova diekâ rünyüya: niekâ Jihova
 kinu nu par mo kechüla, süla niekâ sükâ rünyüya mo.
 48 Sita. Judakâ lasie puo ki, Nâ Samariamia puo mu nâ
 terhuo kesuo zeya kechü hie putou tuoya zâ mo ma?
 49 sita. Jisu lasie, A terhuokesuo zeya mo; sirei a Apuo
 50 rhuya, derei niekâwe a rhumo. Siüderei a athuo aza pfüya
 51 mo: pfüya kezha mu ketsâya kezha miapuo ba. A nie-
 kâ ki putou shütuo, Themia kehupuorei adie zeya râ,
 52 puo mhakipuorei kesia ngulielhâ. Sita. Judakâ sie puo
 ki, Nâ terhuo kesuo puo zeya zâ kechü, hie tsie siliete.
 Abraham rei, siadzekesikâ rei siate; mu nâ pukechü
 "Themia kehupuorei adie zeya râ puo mhakipuorei kesia
 53 silielhâ zâ" siya. Nâ hie puo Abraham ki zha ma?
 Puo rei mu siadzekesikâ rei siate. Nâ nthuo n chüpie
 54 supuo chüya ga? sita. Jisu lasie a athuo aza pu
 pezhaya lirâ, a za kepu süusu mhapuo mo. A za pupe-
 zhaya kezha sü Apuo-u zâ. Niekâ süu üse nie Jihova
 55 üya kezha zâ. Sirâ niekâ puo silie mote: derei awe

puo si ba. Sirâ "A puo simo" idi pu lira, a rei niekâ
 tuoi kechürürmia chütatuo. Sirei a puo sibâ mu puo
 56 die zeya. Nie puo Abraham thiadzû a zha ngukechû le
 puo nei sie, di puo süu nguliedi puo neniete. Sita.
 57 Süla Judakâ sie puo ki, Nâ chie hiépengou rei moluo, mu
 58 nâ Abraham ngu luo le ? sita. Jisu sie ukâ ki, A niekâ
 ki putou shütuo, Abraham penuokelie mhädzû a tuo zâ.
 59 Sita. Süla ukâ ketsie chüpie puo va tuoüta. Derei Jisu
 puothuo rüshüdi kerüsuoki nunu tuo chazou prata.

JISU MHICHIEMIA PUO MHI CHÜPEVI KESHÜ, MU SÜLA
 MHA CHÜKEPARKÂ

9 Sidi puo tuo vâ zhü ru puo miapuo penuolietse nunu
 2 puomhi chie tuoketamia puo ngulie. Sitse puoa petha-
 keliekâ puo ketsâdi sie, Rabi, themia hau puo mhichi
 zâdi penuokelie, puo mo puâ krüa phumatuota ga ? sita.
 3 Jisu lasie, Themia hau rei mu puo krü rei phumatadi
 mo : sirei puo geinu Jihova mhathâkâ pie mia pesipengu
 4 shü ketuola hiketa zâ. Teisâ kebaki ukâ a ketse keshüu
 mhathâkâ chü morâsuo : miapuorei mhapuorei chülieke-
 5 lhâ teizei zhau vârzhie. A kijüu nu kebaki a kijü kezieu
 6 zâ. Sita. Puo sidi diepu keshü sia puo mhitsia pie kijü
 shüdi mhitsiapie nyâba kenyâlie di nyâba süpie puomhi
 7 nyhâshü ; sidi puo ki, Vâdi Siloam ziau nunu khrüwalie
 chie (*Siloam* cha ketsekeshü). Puo süla vâdi khrüwa ru
 8 mhanguliedi vârtâ. Süla puo siazanuokâ ukâ thiadzû
 puo khrüochü ketuo kengukâ sie, Themia hauha badi
 9 khrüo chütuoya kezha zâ mo ma ? sita. Huomia sie,
 Hau puo zâ, sita : kekrekâ sie, Mo, derei puo mhie zâ,
 10 sita. Puowe sie, A zâ, sita. Süla ukâ sie puo ki, Di
 11 sirâ, kikidi n mhi mhangu parlie ga ? sita. Puo lasie,
 Jisu ükechü miapuo nyâba chüliedi pie amhi nia nyhâ-
 shüdi a ki, Nâ tuo Siloam nu vâdi khrüwaliechie, sishüru ;
 12 süla a vâdi khrüwaru a mhangu parliete ; sita. Sitse ukâ
 sie puo ki, Süu kirapuo бага ? sita. Puo sie, A simo ;
 sita.
 13 Ukâ thiadzû mhichieu ze Farisikâ ki vâ. Sirâ Jisu
 14 nyâba chüliedi puomhi chüpevikelie nhia kerleizha.
 15 Süla Farisikâ rei puo kikidi mhangulie shi kechü puo
 ketsâta. Sitse puo sie ukâ ki, Puo nyâba pie amhi nia nu

- 16 shü di a vâ khrûwaru a mhanguliete; sita. Süla Farisi-
kâ kuomia sie, Themia süu Jihova kinunu vâ r mo zâ,
mhakekreilamonyü puo kerleizha zeya kemola; sita.
Derei kekreamia krâpuo sie, Themia kephumamia kikidi
zasi hiketchükâ hâ chülie vituo ga? sita. Sidi ukâ dânu
17 kediekraita. Süla ukâ sie mhichieu ki, Puo n mhi
chüpevi keshüla nâ puo dze kedipuo leya ga? silata.
18 Sitse themia süu sie, Puo siadzekesipuo we, sita. Derei
puomli chietuo sidi mhangu lalie kechü dze Judakâa
puomhi mhangukelie dze puopuo puozuo kiezevâr kemo-
19 chie puo pelemota. Sidi ukâ unia ketsâdi sie, Hauha
nnia nuo nnia puo üse puomhi chie zâdi penuolie ükezhâ-
u zâ ma? Di sirâ puo kikidi tsie mhangulietâ ga? sita.
20 Puopuo puozuo nia lasie, Hauha hienia nuo puomhi
21 chiezâdi penuokelieu zâkechü, hienia sibazâ: sirei puo
kikidi mhanguliete shi hie si mo; morei supuonie puo-
mhinia chüpevishü shi hiewe simo: niethuo puo ketsâchie;
puo phichüte; puo puothuo puo dze pushütuo. Sita.
22 Puopuo puozuo Judakâ prei ketala die hakâ kepu zâ:
mhakekreilamonyü Judakâ sie, themia kehupuorei puo
üse Khrista ülrâ kehoki nunu themia süu whuowatuo
23 isikechü hruseba ketala. Süla puopuo puozuo nia sie,
24 “Puo phichüte; niethuo puo ketsâchie,” sita. Sitse ukâ
themia puomhi kechieu kiela zevârdi sie puo ki, Nâ Jiho-
va tseliechie: themia süuwe kephumamia puo zâ kechü
25 hie sibatazâ; sita. Süla puo lasie, Puo kephumamia mo
kishi awe simo: awe mhapuo siba, mha süüsü a mhichie
26 tuoru tsiewe mhanguliete; sita. Süla ukâ sie puo ki,
Puo n gei kedipuo chüshü ga? Puo n bu kikidi mhangu
27 parlieta ga? sita. Puo lasie ukâ ki, A nuyhü niekâ ki
pushü zâ, derei niekâ rünyülie mote; niekâ kedipuola
sila nyüya ga? niekâ rei puo siadzimia chüta nyüya ma?
28 sita. Sitse ukâ puo kerhiedi sie, Nawe puo siadzimia zâ;
29 sirei biewe Mosa siadzimia. Jihova thiadzü Mosa ki
mhapushü zâ kechü hie siba; derei themia süuwe kira-
30 puonu vâ r shi kechü hie simo; sita. Puo lasie ukâ ki,
Puo amhi nia chüpevishü zârei niekâ puo kirapuonu vâ r
31 shi kechü simo kechü mha ungâpuo zâ. Jihovaa kephu-
mamia pfe rünyüya mo, derei themia kehupuorei Jihova
rüsuodi puo nei chüya kezhamia pfe rünyüya kechü ukâ
32 sibazâ. Kjö chülietse nunu vâ r tsie ketsâ miapuorei puo-

- mhi chiezâdi penuokeliemia mhi chÿpevi keshÿ sichie mo-
 33 zâ. Themia süusÿ Jihova kinu vârmo lirâ, puo ñhapuorei
 34 chÿlie kenjÿ zâtiechiÿ. Sita. Ukâ lasie puo ki, Nâ
 • kephuma nunu penuolietoudi nâ hie pethatuo le ? sita.
 Sidi ukâ puo whuwata.
 35 Jisua ukâ puo whuwata ðkechÿ silie ; sirâ puoa puo
 36 nguliedi sie, Nâ Jihova Nuo-u pelete ma ? sita. Puo
 lasie, Niepuu, puo supuo ga ? Abu puo peðelie ketuola
 37 a ki puchie ; sita. Jisu sie puo ki, Nâ puo ngu reiliete,
 38 mu n ze kerÿchÿ kethau puo zâ ; sita. Sitse puo sie,
 39 Niepuu, a rei pelete. Sidi puoa puo rÿsuota. Sitse Jisu
 sie, Nguyakemokâ bu ngulie ketuola, mu nguya kezhakâ
 bu umhi chieta ketuola mia kevikesuo situoÿdi a kijÿ
 40 hanu vâr zâ ; sita. Puo ze ketuo Farisikâ die sÿkâ
 41 siliedi sie puo ki, Hie rei hie mhichie ma ? sita. Jisu sie
 ukâ ki, Nie mhi chie lirâ nie kephuma jÿtatie chiÿ.
 Derei tsie nie, " Hie nguyâ," isiya ; sÿla nie kephuma
 bazâluo. Sita.

MIA KEPFE KEVI MU KESUO DZE

- 10 A niekâ ki putou shÿtuo, Themia kehupuorei kharu
 ze tekuo dahou nu lemodi kekreibtsatie meli le kechÿmia,
 2 sÿmia kerÿgumia mu mia vie sekechÿmia zâ. Sirei the-
 mia kehupuorei kharu ze kelemia, sÿmia tekuo kepfemia
 3 zâ. Kharu kepfu kharu khrÿshÿ sÿmia tsÿya ; mu
 tekuokâ sÿmia pfe zeya : mu sÿmia ðthuo ukuo za kiedi
 4 sÿkâ shÿta zetuoÿa. Puo puothuo puoviekâ zephre pra-
 lierâ, puo sÿkâ mhâdzÿ tuoÿa, mu puo kuokâ puo
 siamedzi tuoÿa : mhakekreilamonyÿ sÿkâ puo pfe si ke-
 5 zhala. Sirâ sÿkâ kekriemia siamedzita monÿÿ ta sÿmia
 thertatuo : mhakekreilamonyÿ ukâ mia kekreibia pfe
 6 siÿa kemola. Sidi Jisu ðievii hau pie ukâ ki pushÿ :
 derei ukâ puo ukâ ki pukeshÿkâ cha silie mote.

THEMIA KELAKELIE KHARU KHRISTAU

- 7 Sÿla Jisu lasie ukâ ki, A niekâ ki putou shÿtuo, A
 8 tekuokâ kharuu zâ. A mhâdzÿ kevârkâ pete kerÿgumia
 mu mia vie sekechÿmia phre zâ : sirei tekuokâ sÿkâ pfe
 9 rÿnyÿ mote. A kharuu zâ. Themia kehupuorei a la

- 10 keļu, puo kelalje zātuo; sūmia *kepfēu ze pra* mu ledi puoſha ngulietuo. Kerūgumia rūgutuoū mu biekhrituoū mu mhapekatuoū kechū sia kekrei ledi vārya mo: awe miabu kerhei ngulie tuoū mu sūu ngu kralie ketuola kevār zā.

THEMIA KEPFE KEVIU KHRISTĀ

- 11 A tekuo *kepfē* keviu zā. Tekuo *kepfē* keviuwe puo
12 kuokā la rei puo phou ūshūya. Tekuokā puo vie kemo, tekuo *kepfēu* kemo, miabu puo zhakhrū ze ketuo-u zāwe sāchie kevār ngushū rā, tekuokā khawadi tataya, sidi
13 sāchie bu sūkā teliedi phruo kechūrewaya. Mhakekrei-lamonyū puo miabu puo zhakhrū ze ketuo-u sia tekukā rūli rūkraya kemola. Awe tekuo *kepfē* keviu zā; a
14 athuo aviekā siba, mu aviekā rei a siba. Apuo a siya kezha tuoī arel Apuo siba; mu a tekukā la aphou ūshū
15 tuoū zhū. Sirā dahou haunu bakemo a kuo kekrei basa; a sūkā rei zevārle morāsuo, mu sūkā a *pfē* zelietuo; sidi
16 *petekā* kesa krāpuo chū, ukā *kepfē* rei puo tazātuo. Sirā Apuo a khrieya kezha mhakekreilamonyū a aphou liela-
17 lie, tuoūdi khashūwa tuoū kezhūla. Miapuorei a kinu sūu selie monyū, a athuo sūu khashū zā tuoū zhū. Kha-
18 shū tuoū kechū a kekuo ba, mu lielalie tuoū kechū rei a kekuo ba. Die hauha a Apuo kinu ngulietā zā. Sita.

PUO DIE LA MIA MHAPU KETA

- 19 Die sūkā la Judakā dānu kediekrei la sierta. Ukā
20 themia kekra sie, Puo terhuo kesuo zeya, mu kenyamia
21 zā; niekā kidi puo die rūnyūya ga? sita. Kekreikā sie, Die hakāha terhuo kesuo bu puo kebize ketuomia die mo. Terhuo kesuo puoa mhichiemia mhi chūpevi shūlie vi ma? sita.

KERŪSUOKI KETSĀLĀ KECHŪNYIKI JISU JURUSALEM
NUNU MIA PETHA KESHŪ

- 22 Sūkšū Jirusalem nu kerūsuoki ketsālakechū nyiu
23 tsāta; teiseiki ta. Mu Jisu kerūsuokintu Solomon kifū-
24 khrā ūyakezha nu phi mu phi tha. Sūla Judakā vār puo

- boupfûliedi sie puo ki, Kedi thechiepuo nâ hie bu sikeme-
 chielimo bazâ tuo ga ? Nâ Khristau zâ lirâ, hie ki pu
 25 kemechie shûwachie : sita. Jisu lasie ukâ ki, A niekâ ki
 pushû zâ rei niekâ thuo peleya mo : a Apuo za se mhachû-
 26 ketuokâ, sükâ a zha pushû tuo zâ. ' Derei niekâ a kuokâ
 27 kemo la peleya mo. A kuokâ a pfe rûnyûya, mu a sükâ si,
 28 sirâ sükâ a siamedziya. Tsiu a kechachie kerhei khapie
 sükâ tsü tuoya ; mu sükâ mhakipuorei katalelhâ, sirâ mia-
 29 puorei adzie nunu sükâ seseta lielhâ zâ. Sükâ khashû
 a tsükewa Apuo-u, ketuokâyâ ki zha ; mu miapuorei
 30 Puo-u dzie nunu sükâ seseta kelie jû. A mu Puo-u
 31 hienia puo zâ. Sita. Sitse Judakâ ketsie chûpie puo
 32 ya tuoû lata. Jisu lasie sükâ ki, Puo-u kinu a mhathâ
 kevi kekra chûshû niekâ kia ; mhathâ sükâ kiu la
 33 niekâ ketsiepie a vatieya ga ? sita. Judakâ lasie puo
 ki, Mhathâ kevi kechû la hie ketsie pie n vatuou
 tha mo, derei Jihova kethadie kepu la zâ ; mu nâ
 themia zâ rei n thuo n üse Jihova ükezha la ; sita.
 34 Jisu lasie ukâ ki Niekâ zhâ nu, "Niekâ rei terhuokâ zâ,
 35 isikechû a pu zâ," isidi thupie zhû mo 'ma ? Sirâ Kethâ-
 leshûa puo die vakelie jûzeru, puo Jihova die uki kevâr-
 36 kâ üse terhuokâ ülirâ, sirâ "A Jihova Nuo-u-zâ" isi
 keshû la, niekâa Jihova thuo puou mesa üdi ketsepie kijû
 37 keshû üse, "Nâ Jihova thaya," isi tuo le ? A Apuo mha-
 38 thâkâ chûyamo lirâ, niekâ a pele hie. Derei a sükâ chûya
 lirâ, niekâ thuo a pele mo rei, mhathâkâwe pelelichie.
 Silielirâ niekâa Puo-u a nu ba kechû, mu arei Puo-u nu
 39 bakechû si mu lelie tuo. Sita. Ukâ puo telie tuoti
 lasieta, sirei puo ukâ dzie nunu tuoprata.
 40 Sidi puo tuolase Jordan rûr lutsakhie Johan tseki mia
 41 baptaiz kechû chûnu vâdi sünu bata. Sitse themia ke-
 kra puo ki vârlie ; di ukâ sie, Johan zâwo ungâ zasi
 puorei chûshû mo : derei Johan themia hau dze puke-
 42 shûkâ pete kethâ phre zâ ; sita. Sidi sünu themia kekra
 puo pelelieta.

JISUA KESIAU LAZAR PERHEILA KESHÛ MU EFRAIM
 NU KEVÂ

- 11 Sirâ Maria mu puo dzüriapfû Martha unia rûna
 2 Bethanimia Lazar ükechû mia puo mhachû zhû. Mu

- Maria sū pfū sū thiadzū tier pie Niepuu vashūdi puotha
 pie Niepuu phi sū kechū pfū zā ; mhachū kezhū Lazar
 3 puo prūu zā. Sūla siazedzūria sūniastū mia ketsepie puo
 ki shūdi sie, Harie Niepuu, nā puo khrieya kezha sū
 4 mhachū zhūte ; sishū. Derei Jisu die sūu silietse sie,
 Kechū hauha kesia shie monyū Jihova Nuo-u bu hau la
 zapu zavie chūlie ketuo Jihova za bu meyiellie ketuo la
 5 zā ; sita. Sirā Jisu Martha mu puo siazepfū mu Lazar
 6 rei khrie vār zā. Mu puo themia sūu mhachū kezhū
 7 sikellie ki puo sūki zha kenia puo kebanu basata. Sidi
 sūsiānu puo sie pethakelliekā ki, Ukā la Judia nu vā
 8 khe ! sita. Pethakelliekā sie puo ki, Rabi, Judakā tsie-
 dākinu ketsiepie n vakechū lesie zārei nā sūnu lavā tieya
 9 le ? sita. Jisu lasie, Khunhia bavūdā kerekenia moma ?
 Themia kehupuorei khinhia gei rūhou lirā, puo kijū hau
 10 kezieu nguya kezha la puophi mesūya mo. Derei themia
 kehupuorei theva gei rūhouya lirā, kezieu puo nu ba ke-
 11 mola puophi mesūya. Sita. Puo die hakā pushūdi,
 sūsia puo ukā ki, Ukā zeu Lazar sū zete ; derei a puo
 12 keze kesoulie ketuo la a vātuo ; sita. Sūla pethakelliekā
 puo ki, Niepuu, puo zezhūta lirā puo vilalie tuo ; sita.
 13 Derei Jisu puo se dze pushū zā : sirei ukāwe puo ūse
 14 zerūlei zhūketa dze pu ūkechū leta. Sūla Jisu ukā ki
 15 pu kemechietsuo idi sie, Lazar siate. Mu a sūnu bamo
 16 pelellie ketuola ; sirei ukā puo ki vā khe. Sita. Sūla
 Thoma, mia puo ūse Diduma ūyakezhau, sie pethakellie
 puodziesekā ki, Ukā rei puo ze siata ketuola vā khe !
 sita.
 17 Sidi Jisu vār ru puoa mia sūupie mekhru nu shūwa
 18 keta zha dia takechū silie. Sirā Bethani Jirusalem
 19 kepenuo maildā kenia mese kepetsenu ba. Tsiu Juda-
 mia kekra Martha mu Maria unia prūu la unia nou chū-
 20 peluo tuoūdi unia ki vā ba. Sirā Martha Jisu vār zhū
 ūkechū silietse tuovā puo ze kese : derei Mariawe kinu
 21 ba zā Sidi Martha sie Jisu ki, Niepuu, nā hanu ba lirā,
 22 a prūu siata lielhā muru. Derei tsie zārei nā Jihova ki
 mhakehupuo cha rei Jihova sūu khashū n tsū ketuo a we
 23 siba zā ; sita. Jisu sie puo ki, N prūu lasierlie tuo ;
 24 sishū. Martha sie puo ki, A, puo thelaathia mia rheila
 25 sierketuokirpuo lasielie zā tuo kechū siba zā ; sita. Jisu sie

- puo ki, A rheila kesieu zâ; mu kerheirâu zâ: themia kehupuorei a pelekezhambia sümia siata zârêi rheilie zâtuo. Mu themia kehupuorei rheikebanu a pelekeliemia mhakipuorei siatalielhâ. Nâ die süu pelete mo? sita.
- 26 Süpfü sie puo ki, U. Niepuu, nâ 'kijü tsur tuoü ketuo Jihova Nuo-u Khristau zâ kechü a pele tuota zâ; sita.
- 27 Mu puo die süu pushütse metha puo tuo^{ya} pekhre puo siazepfü Maria kieliedi sie, Kepethau hanu vârdi n kieya ho! sishü. Sirâ süpfü die süu silie tsemethâ rükri siedi
- 28 puo ki vâ ta. Sükisü Jisu rüna nu par modi Martha puo ze kese kechü chünu tha zâ luo. Sirâ Judakâ vâ puo kinu puoze badi puo nou chü peluo kebakâ ukâ Maria rükri siedi
- 29 pra keta ngutse, puo üse mekhru nu vâdi sünunu kra tuoü prata zhü ükechü ledi tuo puo siamedzi prata. Süla Maria vâ Jisu ketha chünu tsâlietse puo nguliedi te
- 30 puophinu tsu zhüliedi sie puo ki Niepuu, nâ hanu ba lirâ, a prüu siata lielhâ muru; sita. Süla Jisu puo kekra, mu puo ze kevâr Judakâ kekra rei, ngudi puo
- 31 nousuopie pezâdi sie, Niekâ puo khapie kedikipuo zhüwa ga? sita. Ukâ sie puo ki, Niepuu, nthuo vârdi mehâchie; sita. Jisu krata. Süla Judakâ sie, Lerei, puoa
- 32 puo khrie pie kedipfü chüvâr shi! sita. Derei ukâ huomia sie, Thiadzü mhichiemia mhi chüpevikeliu puo themia hau rei bu sia mo kelie chülielhâü ma? sita.
- 33 Süla Jisu puo nousuo ladi mekhru ki vâ. Sirâ süüsü kechiekipuo zâ, mu ketsiepuo pie puotia meka piezhü. Jisu sie. Niekâ ketsieu chüwachie. Kesiau üpfü Martha
- 34 sie puo ki, Niepuu, tsiewe puomâ chiemenate; puo siaketata zha dia teru! sita. Jisu sie puo ki, A nnyhü n ki nâ pele lierâ, nâ Jihova kekuo nguzâ tuo isishü möü ma?
- 35 sita. Sitse ukâ ketsieu chüwa. Sükisü Jisu täsiedi sie, Apuo, nâ a kecha rünyülie keta la a n tseya. Sizâmonyü nâ a kecha rünyü seituo^{ya} kechü awe si tuota zâ: derei themiakrâu a houpfü kethakâ la, nâ a ketseshü zâ ükechü
- 36 ukâ bu pelielie ketuola a die sükâ pu keshü zâ. Sita. Sirâ puo diepu sikesü sia puo melieschiekhoudi sie, Lazar, tuoparlie chie! sishü. Sitse siaketau pfe pie puophi puodzie
- 37 sa kezüpfü, mu pfenyhinuovâpuo pie puo zie kezüpfü par thata. Jisu sie ukâ ki, Biewadi puo bu chatuolie chie. Sita.
- 38 Süla Judakâ Maria ki vârdi pto mhathâ süu kengukâ

- 46 themia kekra puo peleta. Derei ukâ huomia Farisikâ ki vâdi. Jisu mhachû keshûkâ pie sükâ ki pushû.
- 47 Sûla phichûkezhakâ mu Farisikâ vâ kerûchûdi sie, Ukâ kedipuo chûrâ vita? themia hau mha ungâ zasi kekra
- 48 chûtuota ze. Wê puo bu hi zâ vâ lirâ, themia petekâ puo peletatiea: sirâ Rommia vârdi uba mu uthemia rei sa
- 49 lielie tattea. Sita. Sirei ukâ dânu miapuo Kaifa üsidi süchie sü nu phichûkezhâ chûkebaw sie ukâ ki, Niekâ
- 50 mhapuorei leya mo, mu uthemia pete bu kaü jütamo ketuo la u themiakâ la themiapuo bu siaketawe udze
- 51 puothuo puokinu die hau pupar mo: derei puo süchiesünu phichûkezhâ chûdi Jisua uthemiakâ la sia
- 52 morâsuo zâ kechû siadzekesidie pushû zâ. Sirâ themia sükâ la rûrbei zâ monyü puo Jihova nuonuo chûre
- 53 ketakâ rei pfû kengu zevâr puo chûlie ketuola rei sa. Sidi ukâ sünhiâ yawinu puo dukhrikewa hrû tuota.
- 54 Sûla Jisu Judakâ dânu rûhou rei mechû mHINGU chû sa modi sünunu tuose nhatsa kepenuo Efraim ükechû
- 55 rûnapuo nu vâdi pethakeliekâ ze kijû süu nu bata. Sirâ Judakâ kelakeliényiu tsâvârlie; süki rûna khekâ
- 56 nuru themia kekra uthuo ukemesalie tuoüdi kelakeliényiu mhâdzû tuo Jirusalem nu khâta. Sidi ukâ vâ
- 57 kerûsuokinu kethaki ukâ Jisu pfûdi kepudi sie, Nie nou leki puoü thenyi hau nu vâr lhâ zâ tuoü ba mo kia? sita. Sirâ phichûkezhakâ mu Farisikâ puo telie kenyü
- la themia kehupuorei puo kebara sirâ thashû morâsuo, isidi hukum khashûwata.

TIER KEVIPFÜ PIE JISU VAKECHÜ, MU SÜU KEDIPUOLA
CHÜ SHI KËCHÜ

- 12 Sirâ Jisu kelakeliényi nyita ketuo zha sorou baluo kechûnu puo hadzû kesiakâ dânnu perhei keshû lazar
- 2 keba Bethani nu vârlie. Süki ukâ sünu theva puo la mia ze hie: sirâ Martha mhaza; derei Lazarwe puo ze
- 3 badi hiekechûkâ miapuo. Sükisü Maria nard mpie zâ kechû tier puoma kerephi pfû shier puotie pievârdi pie
- Jisu phi kenhe shûdi puothuo puo tha pie Jisu phi sü:
- 4 sitse ki sünnu tier re bu tsuta. Derei Iskariot Judas, pethakeliekâ miapuo, thesia puo tepie mia dzienu shû

- 5 ketuo-u, sie, Kidi tier haha pie doulei kria se khrüliedi
 6 khapie mhakejümia tsüwa mota gâ? sita. Puø mhake-
 jükâ rüli rükra kechüla puo die hau pu monyü, puo
 kerügumia zâ mu puodzie nu rakabou sedi mha kha
 7 sünü keshükâ chülielieya kezhalâ zâ. Sitse Jisu sie,
 Puo bu a kekhrunhia nyie kesewa ketuola chüwachie.
 8 Mhakekreilamonyü mhakejümia niekâ ze seibaya zâ;
 derei awe niekâ ze seibalie kelhâ la. Sita,
 9 Sirâ Judamia miaümiakâ Jisu sünü ba ükechü siliedi
 Jisu mehâtuouü kechüla rürbei zâ monyü puoa kesiakâ
 10 dânunu chüperheikelie Lazar rei mehâ tuoüdi vâr. Derei
 11 phichü kezhakâ Lazar rei dukhrikewa hrüta; puo la
 Judamia kokra vâdi Jisu pele keta la.

JIRUSALEM MIA JISU RHU PHI KETA

- 12 Süsianhia thenyi nu* vâr keba themiakrâdiu Jisu
 13 Jirusalem nu vâr zhü kechü silietse ukâ kukuo châ se puo
 ze kese tuoü par shiekhoudi sie. Hosana! Niepuu za se
 vâr kezhöu, Israelkâ kedi bu kuokeliü chülie chie! sita.
 14 Sükisü Jisu gada lhou puo thera chükebapuo nguliedi sie
 15 puo gei ba lie; süu dze thiadzü, Sion nuopfü, nâ michie-
 hie chie. Harie, n Kedi gadanuoyâpuo gei badi vâr-
 16 zhie, isidi thupie zhü. Puoa pethakeliekâ tsekiwe sükâ
 lelie mota: derei Jisu zayie chükeli sie puo dze die
 sükâ thupiezhü kechü mu mia puo gei mha sükâ chü
 17 kechü rükralie. Sirâ puo mekhru nunu Lazar kieliedi
 kesiakâ dânunu puo chü perhei kelieki puo ze ketuo
 18 themia krâu thuo puo zhapu chüshü zâ. Süla themia-
 krâ haka rei vâdi puo ze kese; mhakekreilamonyü puo
 19 zasi hau chükeshü ukâa sikeli la. Sitse Farisikâ ukâ
 thuo kepudi sie, Harie; niekâ mhapuorei chülie kenfüte;
 lerei, kijüu puo siamedzituote! sita.

GRIKMIA KRÂPUO VÂ JISU CHAPHI KECHÜ, MU THEMIA- NUOU KUOCHIE SIEKELIE

- 20 Sirâ rüsuo tuoüdi thenyi nu kekharâkâ dânu Grik
 21 mia huomia rei tuo. Mu themia sükâ tuose Galil
 kijünu Beträida nu baya kezhaui Filip ki vâr, di puo
 22 ketsâdi sie, Kezhau, hie Jisu ngunyüyalie, sisie. Filip vâr

- Andria ki pushū : Andria mu Filip unia vâr Jisu ki
 23 pushū. Sitse Jisu lasie unia ki, Themia Nuo-u zayie
 24 chülie ketuo bavüdâu vâr bate. A niekâ ki putou shū-
 tuo, Telha shūpuo te kijū tsudi siata molirâ puo rürbei
 25 baya kezha zâ ; derei siata lirâ puosi vūphilieya. Themia
 kehupuorei puo phou khriepie puovie chülie tuoū kezha-
 mia sūu pejūwaya ; derei kijū haunu themia kehupuorei
 puo phou khriekemo-u, pekrupie kechachie kerheinu
 26 shūlietto. Themia kehupuorei a lie chū kenyūmia,
 sūmia bu asiamedzilie chie ; silielirâ a liethâmia rei a
 kebanu balie tuo. Themia kehupuorei a lie chūya
 27 kezhamia, Puo-u rei sūmia rhutuo. Tsiewe anou kehou-
 keruo chūte ; sūla a kedipuo puta ? Apuo, bavüdâ hau
 nunu a kelalie chie. Sirei a hauha la bavüdâ haunu ke-
 28 vâr zâ. Apuo, n za bu zayie chülie chie. Sita. Sitse
 teigei nu mhapfe puo, A hadzū rei a za bu zayie chūshū
 29 zâ mu zayie chūlashū tuo, isi vâr. Sūla sūki ketha themia
 krâu die sūu sidi sie, tei ūse seshū ūta : kekrekâ sie, Teigei-
 30 dieliemia puo puo rŭchū zâ, isita. Jisu lasie, Die hau a la
 31 vârmonyū niekâ lanu kevâr zâ. Tsie kijū hau ketsâ bate :
 32 tsie kijū hau kediū whuowa tatuo. Sirâ awe, kijū hau nunu
 apiechiesielie lirâ, alhuo themia petekâ teshū ze aki vâr-
 33 tatuo. Sita. Puo kedipuo sechū siatuo shi kechū tha-
 34 shū ketuo la puo die hau kepu zâ. Sitse themiakrâu lasie
 puo ki, Hie thezhâu nunu sikechū Khristau kechachie
 baya ūsiya, mu nâ kidi, Themianuou piechie sie morâsuo,
 35 isiya ga ? Themianuo hau supuo ga ? sita. Sūla Jisu
 sie ukâ ki, Kezeiu zâpuoki zie niekâ dânu balielhâte.
 Kezeiu bu vâr niekâ tsâlie mo ketuola kezeiu kebaki
 sūnu tuoliechie. Sirâ themia kehupuorei kezeiu nu tuoya
 36 kezhamia puo kirapuo vâya shi kechū siya mo. Niekâ
 kezeiu nuonuokâ chülie ketuola kezeiu kebaki niekâ
 kezeiu peleliechie. Sita.

THEMIA PUO PELEMVÜ KETA.

- 37 Jisu die sūkâ pushūwadi puo tuovâ ukâ rŭshūta. Sirâ
 puo hadzū ukâ mhâdzünunu mha ungâ zasi kekra chūshū
 38 zârei ukâ puo pelelie mota. Sidi Isaya siadzekesiu
 thiadzū,

Niepuu, supuonie hie kepudie pelelie ga ?

Sirâ Niepuu bou kekua pie suomia mhâdzûnu mia
pesi pengushû ga ?

39 isipie kezhûdieu tseiliete. Sûla ukâ pelelie kenjûta,
mu Isaya thiadzû lasie,

40 Ukâ bu ukâ mhipie ngulie mu ukâ noupie lelie,
Di rei lavârliedi a bu ukâ chûkeshûrhâkelie
keprei la

Puo ukâ mhi chû pechie, mu puo ukâ 'nou chûpe-
rewate,

41 isi rei sapie zhûzâ. Isaya Jisu za kemeyie kengu la puo

42 dze pudi thiadzû die hakâ pushû zâ. Sirei kezhakâ dânu
zârei themia kekra puo pelelieta ; derei Farisikâ la, kehou-

43 ki nunu ukâ za pekakewa keprei la ukâa pumvûta. Mha-
kekreamonyû ukâ Jihova bu ukâ ketse ki themia bu
ukâ ketse ukâ neikuo keta la.

JISU MIA BU PUO PELENYÛ KECHÛ

44 Sirâ Jisu shiekhoudi sie, Themia kehupuorei a pele
kezhamia, sümia a monyû a ketsekeshûu pele kezha zâ.

45 Mu themia kehupuorei a ngu kezha a ketse keshûu

46 nguya. Themia kehupuorei a pelekezhamia, sümia bu
kezeiu nu bamolie ketuola a kezie chûdi kijû hanu vâr.

47 Sirâ themia kehupuorei a diepukâ siliedi sükâ zeya moli-
râ, athuo puo pejâya mo : a kijû hau pejâ tuoûdi monyû

48 kijû hau kelalie tuoûdi vâr zâ kechûla. Themia kehupuo-
rei a melia mu a diepukâ zeliya kemomia sümia pejâke-

49 zhamia puo ba : a pukeshû dieu, süuthuo thelanhia puo
pejâtuo. Mhakekreamonyû a athuo akinu pu par mo

50 shi kechûkâ pie aki pushûwata zâ. Mu puo die khakeshû
süu kechachie kerheidie zâ kechû a situota zâ. Sûla a

diepu ketuokâ Puo-u thuo pie a ki pukeshû kemhie a
putuoya zâ. Sita.

JISUA PETHEKELIEKÂ PHI KEKHBÛ GEINU KEKHRIE CHA PUPIE UKÂ PETHA KESHÛ

13 Sirâ ketakeliennyu mhâdzû Jisua kijû hau nunu Puo
u ki vâta ketuo puo bavûdâu tsâ vâta kechû silie ; mu

- kijü hanu keba puo themiakâ khrie vâr zâ, mu sükâ
 2 khrie zâvâ thela tsâ. Sirâ theva mhachü kebaki terhuo-
 kesuö-ua Jisu tepie mia dzienu shünudi thedâpie Simon
 3 nuou Iskariot Judas nou shüwata; mu Jisua Pua
 mhapetekâ khapie puo dzienu shüwa keta, tsiu puo
 4 Jihova kinu vâr mu Jihova ki vâ ketuo silie. Sûla theva
 mhakeciü nunu sier puopfe lhewadi pfenyhinuoyâ puo
 5 chüpie pöchie phapfülie. Sidi puoa dzü lapie seikhou
 nu shülie, li pethakeliekâ phi khrüwa mu pfenyhinuo pie
 6 puochie phapfukelie yâpie sü sü vâta. Sizâvâdi puo
 Simon Pitor ki vâr. Süu sie puo ki, Niepuu, Nâ a phi
 7 khrü tuo le? sita. Jisu lasie puo ki, A chü keba haha nâ
 8 tsie simo; derei nâ hasia nu silie tuo; sita. Pitor sie
 puo ki, N bu mhakipuorei a phi khrü lielhâ! sita. Jisu
 lasie puo ki, A n khrü molirâ nâ a kitsatie n ya puorei
 9 jü; sita. Simon Pitor sie puo ki, Niepuu, a phinia zâ
 10 monyü a dzienia mu a tsü rei sa chie! sita. Jisu sie puo
 ki, Themia dzurlukewamia puophinia sia kekreditsa khrü
 mo reivi, puo mesa phre bazâ: sirâ niekâ mesa ba, derei
 11 petekâ mo. Sita. Mhakekreilamonyü puo supuo puo
 tepie mia dzienu shütie shi kechü si kechüla sishü; sûla
 puo sie. "Niekâ petekâ mesa phre mo," si.
 12 Puo sidi ukâ phi khrü thewatse puopfe chüdzieliedi la
 kebata, mu sie ukâ ki, Niekâ a niekâ gei chükeshüu siliete
 13 mo? Niekâ aü Kepethau mu Niepuu üya: mu niekâ süu
 14 putou zâ; a süu zâ kechüla. Sirâ a Niepuu mu Kepe-
 thau zâdi niekâ phi khrüwa râ, niekâ rei huoniehüo phi
 15 khrü zhü. Mhakekreilamonyü a niekâ gei chükeshü
 mhie a niekâ burei sükemhie chünu kechüla thakiapuo
 16 chüpie niekâ kia shüzâ. A niekâ ki putou shütuo,
 Kituo-u puo niepumia ki zha mo: morei ketseshü kewau,
 17 mia puo ketsekeshüu ki zha mo. Niekâ mha sükâ sidi
 18 niekâ sükâ chüü zeya lirâ, niekâ ruokuothâ zâ. A niekâ
 petekâ dze pumo: a suomia kedalieta shi, a sükâ siba.
 Derei kethâleshü bu tseilie ketuola, "A niekhrüda
 19 kechüu, phicha pie a tsie." Mha süu chükechü mhâdzü
 tsieyawinu a pedzü niekâ ki pushütuo, mhakekreilamonyü
 süu kechüki a süu zâ kechü niekâ bu pelielie ketuola.
 20 A niekâ ki putou shütuo, Themia kehupuorei a puo
 ketsekeshüu zekeliemia a zeliya; mu themia kehupuo-
 rie a zekeliemia Ketsekeshüu rei zeliya. Sita.

JISU TEPIE MIA DZIENU SHÜKETUO-U SI MEYIE PARKETA

- 21 Jisu sikeshü sia puo nou kehoukeruo chüdi zhapu
 chüdi sie, A niekâ ki putou shütuo, Niekâ miapuo a tepie
 22 mia dzienu shütuo; sita. Puo supuo dze pu shi kechü
 23 sitou modi pethakeliekâ sie huohuo zie mehâta. Jisua
 puo khrie vâr kechü pethakeliekâ miapuo Jisu merür
 24 mezetounu mizhü gei vakhrie pfüba. Süa Simon Pitor
 dziezie puo kiadi sie puo ki, Puo supuo, dze pu be
 25 shi pie hiekâ ki pushü chie; sishü. Puo Jisu merür
 medetounu vakhriepfü reipradi sie Jisu ki, Niepuu, süu
 26 supuo ga? sidi ketsâ. Sitse Jisu lasie, Puo la a nie-
 khrüda hayâ petsepie puo tsü ketuo-u süsü puo zâ; sita.
 Sidi puo niekhrüda süya pie seliedi chüpie Simon nu
 27 Iskariot Judas tsüshü. Sirâ puo niekhrüda süya liekelie
 sia Satan puo nu leta. Sitse Jisu sie puo ki, Nâ chüke-
 28 tuo-u chü mhalie chie; sita. Sirei puo kedipuola die
 hauptie süu ki pu shi kechü mizhü gei vakhriepfü kebakâ
 29 miapuorei silie mota. Derei huomia Judas rakabou seya
 kezhalâ Jisu puo ki, Ukâ thenyi nu mha semorâkesuokâ
 khrüliechie, ishü, morei puo bu mhapie kejümia tsü
 30 nushü nhia isita. Sirâ süu niekhrüda lielietse tuo kitia
 mha prata: mu süsü thevata.

KILHA PESÂGEINU JISUA PETHAKELIEKÂ ZE KERÜCHÜ
KECHÜ

- 31 Sirâ süu kitia pratatse Jisu sie, Tsie Themianuo-u
 zayie chütatuoü bate, mu Jihova thuo puo geinu zayie
 32 chüshü tuoübate. Sirâ Jihova puothuo puobu zayie
 33 chülietuo, mu puo puobu zayie chü mhalietuo. Harie
 nhichunuokâ, A zapuo zie niekâ ze balielhâte. Niekâ
 a pfütuo; derei a hadzü Judakâ ki, "Niekâ a kevânu
 vârliie kenjü" isikeshü tuoi; sütuo a niekâ ki pushü
 34 zhü. Niekâ bu huoniehüo khrielie nu kechü a die
 kesapuo kha niekâ kishü tuoü zhie; a niekâ khrie vâr
 35 keshü tuoi niekâ rei huoniehüo khrielie chie. Niekâ,
 huoniehüo khrielie râ, sügei sünu niekâ a siadzikâ ükechü
 themia petekâ bu silietuo. Sita.
 36 Simon Pitor sie puo ki, Niepuu, nâ kirapuo vâtatieya
 ga? sita. Jisu lasie, Nâ tsie a kevâra a siamedzi
 vârliie kenjü; derei hasia nâ a siamedzi vârlietuo; sita.

37 Pitir sie puo ki, Niepuu, a tsie kidi n siamedzi vâlie
 38 kenjâ ga? A n la sia rei zâ tuo! sita. Jisu lasie, Nâ a
 la sia rei zâtuo le? A n ki putou shûtuo, Nâ a za
 pumvûta se-i kemochie thevû khou lielhâ; sita.

14 Niekâ nou kemezhieta suo: niekâ Jihova pele balie,
 2 a pele rei balie. Apuo kinu themia ba baphi; simoü
 kechû siave a niekâ ki pushûwata zâtuo weü; mhake-
 kreilamonyü vâdi niekâ ba kesetuoü bata kechûla.
 3 Sirâ a vâdi niekâ ba keselieta lirâ, a lavârdi niekâ ze a
 4 ki vâtatuo; sidi niekâ bu rei a kebara balietuo. Sirâ
 5 niekâ a vaketuonu chau siba. Sita. Thoma sie puo ki,
 Niepuu, Nâ kirapuo vâtieya shi hie simo; hie kikidi cha
 6 sûu sibata? sita. Jisu sie puo ki, A cha sûu zâ, mu
 kethâu, mu kerheirâu zâ: a geinu zâ kemosia miapuorei
 7 Puo-u ki vârlieya mo. Niekâ a si lirâ, niekâ Apuo rei
 sizâ tuoweü: tsieyawinu niekâ puo si bate mu puo ngu
 8 reiliete. Sita. Filip sie puo ki, Niepuu, Puo-u pie hie
 9 pengushû chie, silirâ hie nei tsei tatuo; sita. Jisu sie
 puo ki, A zha hachie niekâ ze tuota rei, Filip, nâ a siya
 mo le? Themia kehupuorei a kenguu Puo-u nguwatera
 zâ. Di sirâ nâ kidi, "Puo-u pie hie pengushûchie,"
 10 isiya ga? A Puo-u nu ba, mu Puo-u a nu ba kechû, nâ
 sûsû peleya mo ma? A niekâ ki diepu tuo kezhakâ a
 athuo a kinu putuo monyü Puo-u thuo a nu badi puo
 11 mhathâkâ chûtuo. A Puo-u nu ba mu Puo-u a nu ba
 kechû niekâ a pelelie chie: morei mhathâkâ rûrbei la
 12 zârei a pelelie chie. A niekâ ki putou shûtuo, Themia
 kehupuorei a pele kezhamia a mhachûtuo kezhakâ puo-
 rei chûzâtuo mu puo sükâ ki rei kezha chûtuo; a Puo-u ki
 13 vâta tuoü zhû kechûla. Sirâ niekâ a za nunu mhake-
 hupuorei cha râ, Puo-u bu Nuo-u geinu zayie chulie
 14 ketuola athuo sûu chûpie tsûtuo. Niekâ a za nunu
 mhakehupuorei cha râ, a thuo sûu chûpie tsûtuo.
 15 Niekâ a khriea râ, niekâ a die khakeshûkâ zetu.
 16 Sirâ a Apuo-u ki cha tuo, sitse puo kechachie niekâ
 zetuolie ketuo niekâ nou chûpeluo ketuo kekreibuo
 17 khashû nieka tsûtuo, sûsû kethâ Ruopfûu kijû hau puo
 zelie kenjû zâ kechûu zâ; mhakekreilamonyü puo sûu
 nguya mo, morei sireiya mo kechûla. Niekawe puo siba,
 mhakekreilamonyü puo niekâ zetuoya mu niekâ nu tuo

- 18 zâ tuo kechûla. A niekâ kha kemerûr wâlielhâ ; a niekâ
 19 ki vâr tuo. Zha keduoyâ sia kijû hau a ngu sa mo
 20 tatuo ; derei niekâwe a ngu tuo ; mhakekreilamonyû a
 21 rheiba mu niekâ rei rheiba zâtuo kechûla. Sûnhiasûnu
 22 niekâ a Puo u nu ba, mu niekâ a nu ba, mu a niekâ nu
 23 ba kechû silietuo. Themia kehupuorei a diekhakeshûkâ
 24 nguliedi sükâ zeya kezhamia, sümia a khrie kezhamia
 25 zâ : themia kehupuorei a khrie kezhamia / ipuou khriepfû
 26 tuo, sirâ a sümia khrietuo, mu athuo a rilipie sümia pesi
 27 pengushû tuo. Sita. Juda (Iskariot, kemo-u) sie puo
 28 ki, Niepuu, nâ n thuo n rilipie kijû hau pesi pengu
 29 monyû hie pesi pengushû tuoü kechû kidi sita ga ? sita.
 30 Jisu lasie puo ki, Themia kehupuorei a khriea râ, puo a
 31 die zetuo : sirâ Apuo sümia khrietuo, sidi hienia sùu ki
 vârdi sùu ze batuo. Themia kehupuorei a khriea
 kemomia a diekâ zeya mo : sirâ niekâ rûnyûya kezha dieu,
 adie monyû a ketsekeshû Puo-u die zâ.
 A niekâ ze bazâluo kechûnu die hakâ pie niekâ ki
 pushûwate ho. Derci thenou chûpeluo ketuo-u, Puo-u
 a za nunu ketseshû ketuo Kemesa Ruopfûu, puothuo
 mhapetekâ pupie niekâ kiadi a niekâ ki mhapukeshû
 khekâ niekâ bu rûkralietuo. A nouneu khapie niekâ ki
 shûtuo : a anounu khapie niekâ tsûtuo : kijû hau
 khapie mia tsûya kezha tuoi a khapie niekâ tsûtuoü zhû
 mo. Niekâ nou kehoukeruo chûta suo, mu miehie rei ta
 suo. Niekâ a niekâ ki, “ A tuota tuoü zbie,” mu “ A
 niekâ ki vârtuo,” isidi pukechû siliete. Niekâ a khrie-
 tuoya lirâ, a Puo-u ki vâta tuoü zhû kechûla, niekâ
 neilie zâ tie chiû ; mhakekreilamonyû Puo-u a ki zhakuo
 kechûla. Sirâ mha sükâ chû ketuoki niekâ bu pelelie
 ketuola, sükâ kechû mhâdzû tsie a niekâ ki pushûwate.
 A niekâ ze kerûchû saba ba lielhâte, mhakekreilamonyû
 kijû hau kedi vârtâ tuoü zhû kechûla ; sirâ puo a
 kitsatie mhapuorei jû. Sirei kijû hau bu aa Puo-u khriea
 mu Puo-u die kha a ki keshû toukâ, a sükâ rûrbei chûya
 kezha zâ kechû silie ketuola, sieliedi ukâ hanunu tuota
 khe !

KHRISTA NUNU LHOU KETHÂ CHÛ KECHÛ

- 15 A kkuobebâ bâthâu zâ, mu Apuo-ü liechieu zâ.
 2 A geinu kepar puochâ kehupuorei puosi vûlieya kemomia

puo sūmia sawaya: sirā puochā kehupuorei puosi vūlieya
 kezhamia, sūmia bu puosi vūkechū salie ketuola puo
 3 sūmia meza kemesa shūya. A pie niekâ ki pukeshū
 4 dien la niekâ tsierei mesa bate. Niekâ a nu balie, sirâ a
 niekâ nu *balie tuo*. Puochâa puobâu gei ba kemosia
 puothuo puosi vūlieya kemo tuoi niekâ rei a gei ba
 5 kemosia rresi vūlie kenjū zâ. A khuobabâu zâ, niekâwe
 puochâkâ zâ: themia kehupuorei a gei ba mu a puo gei
 ba kezhami, sūmia usi vūphīlieya: mhakekreilamonyū a
 sa modi niekâ mhapuorei chūlie kenjū zâ kechūla.
 6 Themia kehupuorei a gei bamorâ, puochâ tuoi kelhou-
 waya, sidi kitaya, sirâ mia sūkâ rhe kenguliedi kelhoupie
 7 minu shūwaya, sidi sūkâ thewaya. Niekâ a nu ba mu
 adiekâ niekâ nu ba lirâ, mha nie neikâ chaliechie, sitse
 8 sūkâ chūpie niekâ tsūtuo Niekâ si vūkralie kechū,
 sūgei sūnu Apuo-u zayie chūlietuo; sidi niekâ a siadzikâ
 9 chulie tuo. Puo-u a khrie kevâr tuoi a rei niekâ khrie
 10 vâr zâ: niekâ a niekâ kekhrīenu baliechie. Niekâ a die
 khakeshūkâ zeparâ A Apuo-u diekhakeshūkâ zedi puo a
 khrie kechūnu ba kevâr tuoi niekâ a niekâ khriekechūnu
 11 balie tuo. A kenci bu niekâ nu balie ketuo, mu niekâ
 kenci bu tselie ketuo la adie hakâ pie niekâ ki pushū
 12 ho. A niekâ khrie kevâr tuoi niekâ bu huoniehūo
 13 khrielie nu kechū, haha a die zâ. Miapuorei puo khrie-
 thākâ la puo phou khakeshū, haha ki kekhrīe kezha jū.
 14 Niekâ a niekâ ki die khakeshūkâ chūya lirâ niekâ a
 15 khriethākâ zâ. A chūsia niekâū kituokâ ūlielhâte;
 mhakekreilamonyū kituomia puo niepumia mhachūya
 kezhakâ siya kemola. Sirei a niekâū khriethākâ ūte;
 mhakekreila monyū a Apuo-u kinu sikelie khekā a sūkâ
 16 pie niekâ pesipengu shūwa ketala. Niekâ a kedalie mo,
 derei niekâ bu vadi niekâ si vūlie mu niekâ si bu balie
 ketuola a thuo niekâ kedalie mu niekâ bu a lie chūkelie
 zâ: niekâ bu a zanunu Puo-u ki mhakehupuo cha zâ
 17 shierei puo rei bu sūu pie niekâ tsūlie ketuola. Niekâ
 bu huoniehūo khrielie ketuola a die hakâ kha niekâ kishū
 18 ho. Kijū hau niekâ mechū zâ shierei niekâ puo niekâ
 19 mhâdzū a mechūta zâ kechū siliechie. Niekâ kijū haunu-
 mia lirâ, kijū hau puothuo puo miakâ khrielie tie chiū:
 derei niekâ kijū hau numia monyū a kijū hau nunu niekâ
 20 kedalie kechūla, sūla kijū hau niekâ mechūya. A hadzū

- niekâ ki, "Kituomia puo niepumia ki zha mo" ikshû dieu rûkraliechie. Ukâ a pese lirâ, ukâ nieka rei pesetuo; ukâ
 21 adie ze lirâ, ukâ niekâ die rei zetuo. Sirei ukâa a ketseke-
 22 shûu siya kemola aza la ukâ niekâ ki mhaha pete chûtuo.
 23 A vâr ukâ ki pushûwata kemosiawe ukâ phumathâr
 24 tuota lielhâ weû: derei ukâ tsiewe ukâ kephuma keprûlie
 25 ketuo ba jûte. Themia kehuporei a mechiya kezhamia
 26 Apuo-u rei mechiya. A ukâ dânunu miapuorei hadzû
 27 chûshû kemo mhathâkâ chûshû kemo sawe ukâ phuma
 thâr tuota lielhâ weû. Derei tsiewe ukâ arei mu Apuo-
 urei kengu rûrbei zâ monyû mechi rei sate. Derei
 thiadzû ukâ zhâ nu, "Ukâ kemethuonu a mechiute"
 isidi thupie ketuo dieu tseilie ketuola hiketa zâ. Sirei
 a Puo-u kinu ketsepie niekâ kishû ketuo Thenou Chû-
 peluo Ketuo-u, puocha Puo-u kinu kepar kethâ Ruopfûu,
 kevârki puothuo a zhapu chûshûtuo. Sirâ niekâ rei
 tsenunu a zetuo ketala a zhapu chûtuoete.

KEMESA RUOPFÛU UCHATHAU ZÂ.

- 16 A niekâ bu kekrûtamo ketuola die hakâ niekâ ki
 2 pushû ho. Mia kehoukikâ nunu niekâ whûoshûtuo:
 ntuo, mia niekâ dukhri ketuomia sù ùse Jihova mhâdzûnu
 3 ruosuo kechûpuo mhie ùkechû leketuo tei vârzhie. Sûkâ
 4 Puo-u mu a sa sikemola ukâ mha sùkâ chûtuo. Derei
 sùkâ teiu kevârki a sùmhâdzû niekâ ki pukeshûkâ niekâ
 bu sùkâ rûkralie ketuola, a niekâ ki die hakâ pushû ho.
 Sirâ niekâ ze bazâ kechûla tsenunu die hakâ pie niekâ ki
 5 pumo. Derei tsiewe a a ketsekeshtûu ki vâta tuotû bate;
 sirei niekâ miapuorei, "Nâ kirapuo vâtatieya ga?" isidi
 6 a ketsâ bamo zâ. Siûderei a niekâ ki die hakâ pukeshû
 7 la niekâ nou kemezhiephi bate. Siûrei a niekâ ki diethâu
 puzâ tuo: A tuoketawe niekâ dze kevi zâ; mhakekreila-
 monyû a tuota molirâ Thenou-chû peluo-kétuo-u niekâ
 ki vârliehâ zâ; derei a tuota lirâ a puo ketsepie niekâ
 8 ki shûzâtuo kechûla. Mu sùuwe vâr râ, kephuma dze,
 mu kemiathâ dze, mu mia pejâ ketuo dze thatoupie kijû
 9 hau kiashû tuo. Kephuma dze sùu, ukâ a pelekemo la;
 10 kemiathâ dze sùu, a Puo-u ki vâ ketuo mu niekâ a
 11 ngusamotâ ketuola; mia pejâketuo dze sùu, kijû hau
 12 kedûn pejâwa ketala zâ. A niekâ ki dië kekra puketuo

- 13 ~~ba~~uo, derei niekâ tsie sükâ lekekralielhâ. Sirei kethâ Ruopfû sūu vârkelielki puothuo niekâ chathapie kethâu nu shū phrelietuo. Mhakekreilamonyū sūu puothuo puo kinu pumonyū puo mhakehupuorei sikelielkâ, puo sükâ se puzâ tuo; mu tsiesia mha chūketuokâ puothuo pupie niekâ
- 14 kie zâtuo kechūla. Puo a bu zayie chūtuo: mhakekreilamonū puo a viekâ liepie niekâ pesipengu shūzâtuo kechūla.
- 15 Puo-u vie ketuokâyāsū a vie zâ: sūla, “Puo a vie liepie
- 16 niekâ pesipengu shūzâtuo” isikechū a pushū zâ. Chabamodi niekâ a ngumotatuo; sirâ lasie chabakemonu niekâ a ngutuo. Sita. Sitse pethakelielkâ *huomia* kepudi sie,
- 17 Puo uki “Chabamodi niekâ a ngumotatuo; sirâ lasie chabakemonu niekâ a ngutuo:” mu, “A Puo-u ki vâta tuoū ba ketala” isikechūdiekâ diedipuo ga? Sūla ukāsie, “Chabamodi” idi puo pukeshū dieu diedipuo ga? sita.
- 19 Ukâ puo kepu cha simo! sita. Jisua ukâ puo ki ketsānyū keba siliedi pŋo sie ukâ ki, Niekâ thuo niekâ dânunu, “Chabamodi niekâ a ngumotatuo; sirâ lasie chabakemonu niekâ a ngutuo,” a sikeshū diekâ dze kepu
- 20 tuo ma? A niekâ ki putou shūtuo, niekâ kra mu niekâ nousuophi tuo, derei kijū hauwe puonci phituo: niekâ niekânou kemezhielphi tuo, derei niekâ nouzhie riūdilavâ
- 21 nie neitatuo. Thenumia nuonuo vachūchūkelielki puotei tsāvârtâ kechūla puonou kemezhielphi bataya: derei puo nuopenuolie keta siawe miapuo penuopie kijū hanu shūlie keta puo kenci la puo puo mezhielkâ rukramotaya.
- 22 Sūsūtuoī niekâ rei tsiewe niekâ noukemezhiel ba: derei a niekâ ngulatuo, sūki niekâ nou niekâ neiphituo, mu
- 23 miapuorei niekâ kinu pie kenci sūu sese talielhâ. Sirâ sūnhiaue niekâ aki mhapuorei ketsālielhâ. A niekâ ki putou shūtuo, Niekâ Puo-u ki mhakehupuorei cha râ,
- 24 puo a za nunu mha sūu khapie niekâ tsūshū tuo. Niekâ vârsie ha ketsâ a za nunu mhapuorei chamo zâlūo. Niekâ kenci bu tselie ketuola chachie, sitse niekâ ngulietuo.
- 25 A die hakâ niekâ ki die kesou pu ho. Puoteipuo vârtâ zhie, sūkisū a die kesou pumonyū niekâ ki Puo-u
- 26 dze pukemechietsuo shūtuo. Sūnhia niekâ a za nunu mha chatuo. Sirâ a niekâ la Puo-u ki cha tuo, sūu a
- 27 niekâ ki pu bamq; Puo-u puothuo niekâ khrieya zâ kechūla. Mhakekreilamonyū niekâ a khrievâr zâ, mu

- 28 a Puo-u kinu par zâ kechü pele vâ r kechüla. A Puo-u kinu pardi kijü hanu vâ r zâ : lasie a kijü hau khawadi
- 29 Puo-u ki vâta tuoü bate. Sita. Puo sialzikâ sie, Harie, nâ tsiewe die kesou pumodi diepu kemechie tsuo shüzhüte. Tsiewe hie, nâ mhapetekâ siyâ kechü mu miapuorei n ki mha ketsâmo rei nâ sibazâ kechü si bate. Süsüla hie nâ Jihova kinu par zâ kechü pele bata zâ.
- 31 Sita. Jisu lasie ukâ ki, Niekâ tsiewe pele bate le?
- 32 Harie, puoteipuo vâ r zhie ; u, vârbate ; sükisü niekâ nie thetsera chüre tadi a khapie abu arü rbei tatuo : sirei
- 33 Puo-u a zetuo zâ kechüla a rürbeita lielhâ. Niekâ bu a geinu nouneu ngulie ketuola a niekâ ki die hakâ pushü ho. Niekâ kijü hanu kemezhie zâtuo : derei nie dzüzie lie ; a kijü hau ki kuoliete.

JISU' KECHEA

- 17 Jisu die hakâ pushüdi täsie teigei mehâdi pukechü hamhie : Apuo, bavüdâu sü vâ r te ; Nuo-u n bu zayie
- 2 chülie ketuola nâ n Nuo-u za chü kemeyie shüchie. Nâ hadzû puo bu kechachie kerhei khapie nâ pie puodzienu shüwaketa khekâ tsüketuola puochü chükepfü shüükâ
- 3 mhâ kekuo kha puo tsükeschü tuoi shüchie. Sirâ ukâ bu puo rürbei sia kethâ kejü Jihova mu nâ puo ketsekeshü
- 4 Jisu Khrista sikelie süsü kechachie kerhei zâ. Nâ abu chünudi kha atsükeschü mhathâ süu chütseiwadi kijü
- 5 haunu a n za chükemeyie shüwata zâ. Sirâ, Apuo, kijü hau chükelie mhâdzü a n ze zayie chüketuo-u pie nâ tsie
- 6 abu n ze zayie chüliechie. Nâ kijü hau nunu themia kha adzienu shüwa ketakâ ki a n zapie pukemeyie shüwata zâ. Sükâ n vie zâ : mu nâ nthuo sükâ pie a tsüshü
- 7 zâ ; sirâ ukâ n die ze vâ r tsâ zâ. Sirâ nâ kha a tsü
- 8 keshü khekâ n kinu par zâ kechü ukâ tsiewe sibate. Mu nâ die pu a pese keshükâ a sükâ khapie ukâ dzienu shüwate ; mu ukâa sükâ nguliädi a n kinu vâ r kethâ zâ
- 9 kechü sibate, Sirâ ukâ nâ a ketse shüzâ kechü pelete. A sükâ la chaya : a kijü hau la monyü, nâ khapie a tsüshü
- 10 kewakâ la chaya, sükâ n vie zâ kechüla. Sirâ a viekâ pete n vie zâ, mu n vie rei a vie zâ : mu a sükâ geinu
- 11 zayie chübata zâ. Sirei a kijü hanu başa lielhâte, mu hakâwe kijü hanu batuo, mu awe n ki vârtatuo. Keme-

- sa Puo-u, nâ kha a tsükeshükâ, sükâ bu avu tuoi puo chülie ketuola nâ n za nunu sükâ rüguo zetuolie chie.
- 12 A ukâ ze ketuo chie a n za nunu nâ kha a tsükeshükâ rüguozetuo tsâlie zâ: mu a ukâ pfetuo tsâzâ; sirâ kethâleshü die bu tseilie ketuola kaketau nuo-u sia ukâ
- 13 miapuorei kata mo. Derei a tsiewe n ki vârtâ tuoü bate; mu ukâ bu ukânou nu aneiu sü tsei balie ketuola
- 14 a kijü hanu kebanu die hakâpie kepu zâ. A n die khapie ukâ dzienu shü; mu a kijü hau nunu par kemo tuoi ukâ
- 15 rei kijü haunu mia kemola kijü hau ukâ rütsete. A n bu kijü hanunu ukâ chüwanu monyü n bu kerüzhöu la
- 16 ukâ rüvuo zetuolie nudi chaya. A kijü haunu mia kemo
- 17 tuoi ukâ rei kijü haunu mia mo. Nâ kethâu nunu ukâ
- 18 chükemesalie: n diea kethâu zâ. Nâ a ketsepie kijü hanu keshü tuoi süsütuo arei ukâ ketsepie kijü haunu
- 19 shüwate ho. Sirâ ukâ burei kethâu nunu ukâ chükemesalie
- 20 ketuola ukâ la a athuo a chükemesa setuo zâ. A hakâ la rürbei zâmonyü ukâ die nunu a pelelie ketuokâ la rei cha-
- 21 ya. Mhakekreilamonyü ukâ petekâ bu puo chülie ketuola. Sidi Apuo, nâ a ketseshü zâ kechü kijü hau bu pelelie
- 22 ketuola, nâ a nu ba mu a n nu keba tuoi ukâ burei avu nu baliechie. Sirâ avu puo zâ kechü tuoi ukâ bu rei
- 23 puo chülie ketuola arei nâ khashü a ketsü zayieu khapie ukâ tsüshüwate ho. Süu puocha ukâ bu puo chütseilie
- 24 ketuo, mu kijü hau bu nâ a ketseshü zâ kechü mu nâ a khrie kevâr tuoi ukâ rei khrie vâr zâ kechü silie ketuo
- 25 la, a ukâ nu ba mu nâ a nu ba zâ. Apuo, ukâ bu nâ kha a tsü keshü aza zayieu ngulie ketuola nâ kha a tsü
- 26 keshükâ burei a kebanu aze balie ketuo a medâ zâ: mhakekreilamonyü kijü hau chükemie mhâdzü nâ a khrie
- vârzâ kechüla. Harie kemiathâ Puo-u, kijü n simote, derei awe n si; mu hakâhawe nâ a ketseshü kechü si.
- A n zapie ukâ pesipengu shüwate, mu süpie pesipengu shüzâtü; mhakekreilamonyü nâ se a khrie vârkechü kekhrise süu bu ukâ nu balie, mu abu ukâ nu balie ketuola.

JISU TEKELIE, MU PUO ZE ANA MU KAIFA UNIA

MHÄDZÜNU KEVÄ. PITOR PUO DZE

PUMVÜKETA

- 18 Jisu die sükâ pushü kewa sia puo puo siadzikâ ze Kidron rür khie lutsatie tezie tsapuo kezhönu vâ, sünu

- 2 puo rei mu puo siadzikâ rei le. Sirâ puo tepie miadzie-
 nu keshû Judas rei thechû sũu si; mhakekreilamonyũ
 3 Jisu puo siadzikâ ze tsiemeliẽ sũnu vâvâ kechũla. Sirâ
 Judas sũu chũpaihi krâu sizâmonyũ phichũkezhakâ mu
 Farisikâ kinu chaliekâ nguliedi laltin mu mitu mu se
 4 terhrũperhie kezha nyakâ se sũnu vâ. Sũki Jisu puo
 goinu mha chũketuokâ si phredi tuopraçi sie ukâ ki,
 5 Niekâ supuo pfũya ga? sita. Ukâ sie puo ki, Nazaret
 Jisu zâ; sita. Jisu sie ukâ ki, A sũu zâ; sita. Sũkisũ puo
 6 tepie miadzienu keshũ Judas rei sũkâ zetha. Sirâ Jisu
 ukâ ki, A sũu zâ, ikeshũki ukâ tsiesia tsu kijũ zhũta.
 7 Sitse puo lasie ukâ ki, Niekâ supuo pfũya ga? isidi
 8 ketsâ. Ru ukâ sie, Nazaret Jisu zâ; sita. Jisu lasie,
 A nnyhũ niekâ ki, “A sũu zâ,” isishũzâ; sirâ niekâ a
 9 pfũya lirâ, hakâha bu tuota *peria* chie; sita. Sũu mha-
 kekreiblamonyũ puo hamhâdzũ “Nâ kha a tsũ keshũkâ,
 a sũkâ miapuorei pejũwa mozâ,” isikeshũdieu bu tselie
 10 ketuola. Sirâ Simon Pitor zhiechapuo setuoru, shũzou-
 liedi pie phichũkezhâ thâu kituo-u duru puonyie
 11 puozatsa takreiwata. Mu kituo sũu za Malka. Sitse
 Jisu sie Pitor ũse, Zhiechau khalapie puozhiesha nu
 shũwachie: Puo-u tehie kha a tsũ keshũu, a sũu kria
 zhũ mo ma? sita.
 12 Sũsia chũpaihi krâu mu sũkâ mhâ kezha sirâ Judamia
 13 chaliekâ Jisu tepie mhapie puo *dzie* phalie; sidi puo ze
 Ana ki vâ ria, sũu sũchienu phichũkezhathâ chũkeba
 14 Kaifa nuo meu kechũla. Sirâ Kaifa sũu hadzũ Judakâ
 ze kedâvadi themiakâ la miapuo siaketawe vikuotuoũ
 keshũu zâ.
 15 Sũkisũ Simon Pitor Jisu sia medzituo, mu pethakelie
 kekreibuo rei satuo. Sirâ pethakelie sũu phichũkezhathâ
 16 thâu ze kemiasi kechũla Jisu ze phichũkezhathâu
 kitiazhanu leta; derei Pitorwe chazou chare nu tha.
 Sũla phichũkezhâ thâu ze kesi kechũ pethakelie kekreibu
 chazou pardi chare kepfepfũ ki pudi Pitor ze leta.
 17 Sũkisũ chare pfeketha thenusũpfũ sie Pitor ki, Nâ rei
 themia hau siadzimia zâ monyũ? sita. Puo sie, Awe
 18 mo zâ; sita. Sũkisũ mia kituokâ mu chaliekâ tei meku
 kechũla mĩzhũ pie michũliedi peguo tha; sirâ Pitor rei
 sũkâ ze mĩ peguo tha.
 19 Sũkisũ phichũkezhathâu Jisu ki puo siadzikâ mu puo

- 20 ~~ma~~ kepetha dzó ketsá. Jisu sie puo ki, A kijüu ki pu
keneyicmeluo shüwata zâ; a Judamia pete vâ kenguya
21 kezha kehokikâ nu mu kerüsuokiu nu rei mia petha
vârtsâ zâ; mu kerüshüra nu a mhapuorei pumo. Kidi a
22 ketsâya ga? a mia ki kedipuo pushü shi, a pfe kesikâ
kinu ketsâliche: harie, sükâ a diepukâ siba. Sirâ puo die
sükâ, pu hütse sü khieki ketha chalikâ miapuo dziezhü
shüpie. Jisu vüdi sie, Nâ phichükezhathâu ki ha kemhie
23 putuo le? sita. Jisu lasie puo ki, A die kesuo pushü
râ, die kesüo süu zhapu khashüchie; derei adie puotou
24 lirâ, nâ kiüdi a vüya ga? sita. Süsia Apa puo dzie
phapie sizâdi puo ketsepie phichükezhathâu Kaifa ki
shüwa.
- 25 Sükisü Simón mi peguotha. Sitse ukâ sie puo ki, Nâ
rei puo siadzikâ miapuo zâ monyü? sita. Puo
26 pumvüdi sie, Awe mo, zâ; sita. Phichükezhathâu
kituokâ miapuo, puocha Pitor puonyie du kelhoukewau
nuoseviemiapuo, sie, Nâ tezienu puo ze ketuo a n ngu
27 mo ma? sita. Sitse Pitor pumvü lata: sirâ sitsemetha
thevü khouta.

JISU ZEVÂ PILAT MHÂDZÜNUNU KETSÂ KECHÜ, MU PUO
KEJÂ JÜ ZÂ KECHÜ SIKELIE; PUO DUKHRI-
WANUDI HUKUM KHASHÜKEWA.

- 28 Süsia ukâ Kaifa ki nunu Jisu ze mechübouu nu leta:
mu süki khiserüna zâluo; sirei ukâ kelakelienyi kuonuou
chü kenyüla ukâ perhukewa preidi ukázâwe mechübouu
29 nu lemota. Süla Pilat ukâ ki pradi sie, Nickâ themia
30 hau gei kedipuo kenya vâv ga? sita. Ukâ lasie puo ki,
Themia hauha mha kesuo kechümia molirâ hie puo tepie
31 n dzienu shü, lielhâ zâ; sita. Sitse Pilat sie ukâ ki,
Nickâ thuo puo ze vâdi niethuo niezbâ nunu puo ketsâ
chie; sita. Judakâ sie puo ki. Hie miapuorei biekhri
32 kechü hie zhâ mo; sita. Jisu kedipuo se chü sia morâ-
suo shi kechü dze puo thuo pukeshü dieu tseilie ketuola
hiketazâ.
- 33 Sitse Pilat la mechübouu nu ledi Jisu kiedi sie puo ki,
34 Nâ Judakâ kediu ma? sita. Jisu lasie, Nâ n thuo hau
putha mo miakekremia adzeha pie n ki pushü ga? sita.
35 Pilat lasie, A Judamia puo ma? N thuo n themiamia

- mu phichûkezhakâ thuo n tepie a dzienu keshû zâ. Nâ
 36 kedipuo chûwata ga? sita. Jisu lasie, A kediwe kijû
 hau *kedi* mo: a kedi kijû hau *kedi* lirâ, mia hu a tepie
 37 Judamia ki shû molie ketuola a kituokâ miâ ze keperhie-
 lie zâ tiechiû: derei a kedi hanu *kedi* mo zâ; sita. Sûla
 Pilat sie puo ki, Sirâ nâ kedimia ma? sita. Jisu lasie,
 N zâ, a kedimia zâ. A penuokelie mu/a kijû hanu
 vârkechû mhakekreilamonyû abu kethâu zhapu chûke-
 tuola zâ. Kethâu kitsatie ketha kheâ a pfe rûnyûya;
 38 sita. Pilat sie puo ki, Kethâusû kedipuo ga?
 Sirâ puo die pukeshû sia puo la Judakâ ki pradi sie
 39 ukâ ki, Awe puo gei kejâ puorei ngulie mozâ. Derei
 kelakeliennyiu nu abu miapuo khashû niekâ ketsû niezhâ
 40 beru; sûla niekâ abu Judakâ kedi khapie niekâ ketsû
 niekâ medâ mo kiga? sita. Sitse ukâ shiekhoui ladi
 sie. Themia hau monyû Baraba zâtuo! sita. Sirei
 Baraba süu miavie sekechûmia puo zâ.

- 19 Sûsia Pilat Jisu zevâdi puo vû. Sirâ chûpaihikâ
 zohu kechie pie keditsûre chûliedi pie puo tsûre shû, mu
 3 pfemeriemege kechû pie puobu dzielie Sûsia ukâ puo
 ki vârdi sie, Judakâ kedi, nâ kuokelieu chûliechie!
 4 sishûdi ukâ udziezhû shûpie puo vû. Sûsia Pilat lapradi
 ukâ ki. Harie, a puo gei keja puorei ngulie mo zâ kechû
 niekâ bu silie ketuola a puo ze niekâ ki par tuoû zhû
 5 ho; sita. Sitse Jisu zohu keditsûre pfû mu pfemeriemege
 kechû dziedi par. Sitse *Pilat* sie ukâ ki, Themian sù,
 6 harie! sita. Sûla phichûkezhakâ mu chalieâ puo ngu-
 shûtse shiekhoudi sie, Puo pie krus geinu gouwaliechie,
 gouwaliechie! sita. Pilat sie ukâ ki, Niekâ thuo puo
 ze vâ puo pie krus geinu gouwaliechie: azawe puo gei
 7 kejâpuorei ngulie mo zâ; sita. Judakâ lasie puo ki,
 Hie thezhâpuo ba, mu puo thezhâ süu se chûta zhû;
 mhakekreilamonyû puo puothuo puo üse Jihôva Nuo-u
 8 chû ketala; sita. Sûla Pilat die süu silietse michie phi
 9 sata; sidi puo mechûbouu nu laledi Jisu ki, Nâ kirapuo-
 nu vâr ga? sita. Derei Jisu puo ki mhapuorei pula
 10 mota. Sûla Pilat sie puo ki, Nâ a ki mha pumo zâ tuoû
 ma? a n khashûwa ketuo kekue rei mu n pie krus gei-
 nu gouwa ketuo kekue rei keba nâ si tha mo zâ ma?
 11 sita. Jisu lasie puo ki, Pesâgeinu kha n tsû kemowe nâ

- i kekuo puorei balielhe chiü: süla a tepie n dzienu
- 12 kekhüu kephur rekuote; sita. Sitse Pilat puo khashüwa ketuo pfüsie: derei Judakâ shiekhoudi sie, Nâ themia hau khashükewa sia, nâ Kaisar khriethâmia mo zâ: themia kehupuorei puothuo puo üse kedimia üya
- 13 kezhamia Kaisar ngukemvü die puya zâ; sita. Süla Pilat süu, die sükâ silietse Jisu ze pardi thechüpuo puo za Tsiepie, derei Ibri dienu Gabatha, üsiya kezha kenya
- 14 kechükecha ba gei balië. Sükisü kelakeliényi kesekechü teitsâta: khinhialuo mesekita. Sitse puo Judakâ ki,
- 15 Harie, niekâ kediü sü! sita. Süla ukâ shiekhoudi sie, Puobu bahie, puobu bahie! puo pie krus geinu gouwalie! sita. Pilat sie ukâ ki, Abu niekâ kediü pie krus geinu gouwanu ma? sita. Phichükezhakâ lasie, Kaisar
- 16 sia hiewe hie kedi jü; sita. Süla puo sitse ukâ bu puo pie krus geinu gouwanudi khapie ukâ dzienu shüwata.

JISU PIE KRUS GEI KEGOU

- 17 Süla ukâ Jisu ze vâta: sükisü puo puothuo puo krus toupie thechüpuo puoza tsütsäru ükechü, Ibri dienu
- 18 Golgatha ükechüu nu vâta. Ukâ sünunu puo pie krus geinu gou, sirâ Jisu bu metsuodi puo tsei lutsahatsa
- 19 miapuo puo idi miakenia pie puo sa gou. Süki Pilat theza puorei thupie krus gei shü. Sirâ sügei thukeshü hamhie:
- 20 *Nazaret Jisu, Judakâ Kediü.* Sirâ theza süu Ibri dienu mu Rom dienu mu Grik die nunu rei thu; mu Jisu pie krus geinu kegou chü rüna nadiu kepenuoki kechüla
- 21 Judamia kekra süu phrü. Süla Judamia phichükezhakâ sie Pilat ki, Judakâ kediü, isikechü thuhieü, puo puothuo, “A Judakâ kediü zâ isiya kechü” thushüchie; sita.
- 22 Pilat lasie, A thushükewau sü thushüwate; sita.
- 23 Sirâ chüpaihikâ, ukâ Jisu pie krus geinu gou kewa sia puopfe puoneikâ chü kezapie za dia chuliedi chüpaihimia puo üu za puopuo lielie; mu puo boulie rei sümhielie. Puo boulia zawe pup terhrü jü puo mhâ nu dâ tsu puo
- 24 phi tsâ. Süla ukâ kápudi sie, Ukâ hau rhawa hieü, supuo vielie tie shü, pie chithi khelipfü chü khe! sita. Süsü mhakekreilamonyü Kethâleshü nu,

Ukâ thuo ukâ dânnunu a pfeneikâ kezaliete,

Mu ukâ aboulia pie chithi khelipiü chüliete, isipie

- 25 ketuo dieu tseilie ketuola zâ. Clûpaihikâ zâw sūkâ
 chū. Derei Jisu krus khieki puo zuo mu puo/zuonuo
 siazepfū, Klopa kimia Maria, mu, Magdalin Maria rei tha.
 26 Sūki Jisu, puozuo mu puoa puo khrie kevâr pethakelieu
 sū khieki ketha nguliedi puo sie puo zuo ūse, Thenupfū
 27 n nuo-u sū chūgei! Sūsia puo sie pethakelieu rei ūse,
 N zuo sū chūgei! sita. Sirâ sūsia pethalēlie sūu puo
 ze vâ puothuo puo kinunu theke bata
 28 Sūsia Jisu mhapetekâ chūtseikewa silie, Kethāleshū
 29 die bu tseilie ketuola sie, A terhrūto sita. Sūnusū
 mhaboupuo kekhrādzū pie tsupie ba; sirâ ukâ hisob
 seipfūpuo geinu spūnj pie kekhrādzūnu petseliedi pievâ
 30 puo tianu shū. Sitse Jisu kekhrādzū sūu krialietse sie,
 Tseite, isishūdi puo tsūnge tsudi puo ruopfū khashū-
 wata.

JISU PIEVÂ KEKHRO . .

- 31 Sirâ Judakâ sūnhia Mhakesekechū teisâ kechūla kerlei-
 zhanhia themākâ bu krus gei zha molie ketuola sūkâ pie-
 wa tuo ūdi Pilat ki sūkâ phi dutse tuotūdi cha; kerleizha
 32 sūnhiasū teisāzha kezhapuo zâ kechūla. Sidi chupaihikâ
 vârdi pie Jisu sa krus geinu goupie kezha theriau mu
 33 kekrieu phi dutsewa. Derei ukâ Jisu ki kevârki puo sia
 34 zhata kechū nguliedi ukâ puophi dutse mota: siūderei
 chūpaihikâ miapuo puongou pie Jisu sâchūnu zeshū, mu
 35 sitsemethe thezia mu dzū krupar. Sirâsū kenguupuothuo
 zhapu chūshū, mu puo zhapudie kethāzâ; mu puo kethâ
 36 puzâ kechū puothuo si zâ; mhakekreilamonyū niekâ burei
 pelelie ketuola. Sirâ Kethāleshū nu, Puo ru puorei dutsewa
 37 lielhāzâ, isipieketuodieu bu tselieketuola mahakâ chūke-
 lie zâ. Sizamonyū Kethāleshū nu diekekrieipuo, Ukâ
 ukâthuo rīngou pie puo zekewau mehâ zātuo, isipie zhū.
 38 Sūsia Arimathia mia, Josef, Jisu mâ pieta tuoūdi
 Pilat ki cha; Josef sūusū Jisu siadzimiapuo, derei Judakâ
 keprei la pekhre tuoya; sirâ Pilat hekum khashū. Sūla
 39 puo vârdi Jisu mâ pielie. Sūrist sūmhādzū theva ze
 Jisu ki kevâr-u Nikodema rei mur mu aloe pfū kesa
 40 kerei kechū shier hiepengou pievâr. Sidi umia Jisu mâ
 pie Judamia mia kekhrū zhâ tuo mhatethengu pfū pie
 41 sadi linenpfe pfūpie kezilie. Sirâ Jisu pie krus geinu
 kegou chūnu tezietsapuo zhū; mî tezie sūnu mhakipuo-

- rei themia pie hūchie kemo mekhu kesapuo zhū.
 42 Sirā sūnhia Judīmia mhakese kechū teisā rei la mu
 mekhu sūu petsekemo rei la unia Jisu pie sūnu pezhū-
 wata.

JISU RHEILASIE KETA

- 20 Sirā kerūleizha theria nhia teizei ketuonu Magdalin
 Maria khiserūna tuose mekhu nu vār ru mekou nunu
 2 ketsieu^o ke^o ukēwa ngulie. Sūla puo ta se Simon Pitor mu
 Jisu puo khrie kevār pethakelie kekriu unia ki vārdi
 sūnia ki, Miasū mekhu nunu Niepuu toupiete mu hiekā
 mia puo pievā kirapuo zhūwate shi kechū rei simote!
 3 sita. Sitse Pitor mu pethakelie kekriu unia tuose
 4 mekhrutsatiesū vāta. Sūkisū unia keze tavā zhūru
 pethakelie kekriu sūu Pitor mhādzūtadi ria vā mekhu
 5 tsālie. Sidi sūu noukezāle puonu mehāshūru linen pfekā
 6 zhūdi ngulie^o; sirei puo tuo puonu lemota. Sūsia Simon
 Pitor rei puo sianu vārdi tuo mekou nu ledi, puo rei linen
 7 pfekā kezhū ngulie. Sizāmonyū puo tsū kedze pfenyhi-
 nuoyā rei, linen pfe kekrekā sa zhūmodi, rāzi vā
 8 mhatsapuo krei zhūta. Sūze mekhu nu riakēvār petha-
 9 kelie kekriu reile ngudi pelelie. Mhakekreilamonyū ukāa
 puo kesiakā dānunu rheila sielie morāsuo zākechū kethā-
 10 leshū diēu silie mozāluo kechūla. Sūsia pethakelie sūnia
 tuola unia thuo unia kinu vāta.

MAGDALIN MARIA JISU RHEILASIE KETA NGUKELIE

- 11 Derei Mariawe chazou mekhu khieki thadi kratha;
 sidi puo kra chakhra noukele mekou nu mehāshūru:
 12 sūpfū mia Jisu pie zhūkechū chū puo tsūtsatie puo
 mu puo phitsatie puo idi teigei dieliemia mia kenā pfe kra-
 13 puoi kechū dziedi ba ngulie. Sūnia puo ki, Thenupfū, nā
 kidi kratuo ga? sita. Puo unia ki, Mia a Niepuu toupiete,
 mu mia puo pievā kirapuo zhūwate shi, a sū sikemo lalie;
 14 sita. Puo sishūdi rei puo siatsa vapratse Jisu thadi
 15 ngulie, derei sūu ūse Jisu ūkechū silie mota. Jisu sie
 puo ki, Thenupfū, nā kidi kratuo ga? nā supuo pfūtuo
 ga? sita. Puo sūu ūse tezie kepfeu zā thenyūsiedi sie
 puo ki, Kezhau, nā hanunu puo toupiete, lirā, nā puo pie
 vā kirapuo zhūwato shiū a ki pushūchie; sirā athuo puo

- 16 pie vâtatuo; sita. Jisu sie puo | ci, Maria, sishâ. Puo
reipradi sie Ibri dîe nunu puo ki, Raboni! puo^{na} Kepe-
17 thau! sishû. Jisu sie puo ki, Nâ a bie hie chie; a tsie-
rei a Puo ki sie mo zâluo mu. * Sikechûu monyû nâ a
siazekâ ki vâdi ukâ ki, A a Puo-u, sizâmonyû niekâ Puo-u
rei, mu a Jihova, sizâmonyû niekâ Jihova rei zâ kechûu
18 ki khâta tieya, isishûchie; sita. Magdalîa Maria vâdi
pethakeliekâ ki, A Niepuu nguwe, ikechû mu puo puo-
thuo puo ki die hakâ pushû zâ ûkechû p/shû.

JISUA PUOTHUO VÂ PETHAKELIE KER-KÂ MU THOMA REI
SA PENGUKESHÛ

- 19 Sirâ sînhiâ puocha kerleizha theriathâ nhia thevatiaki
pethakeliekâa Judamia keprei la ukâ keba bounu kikha-
kâ khapfû kebaki Jisu vâr ukâ dânu thaliedi sie ukâ ki,
20 Niekâ keviu chûlie! sita. Sirâ puo, ukâ ki die sîu
kepuki, puo puodzienia mu puo sâchû rei sapie ukâ
kiashû. Sitse pethakeliekâ Niepuu ngukelie la ukâ
21 neiphita. Sûla Jisu lasie ukâ ki, Niekâ kevin chûlie
chie! A Puo a ketse keshû tuoi arei sîtuoi niekâ
22 ketseshû ho! sita. Sirâ puo die sîu pukeshû sia puo
hapie ukâ gei shûdi sie ukâ ki, Niekâ Kemesa Ruopfûu
23 lieliêchie: niekâ mia kejâ vakeshûkâ sūkâ valie zâtuo;
niekâ mia kejâ vashûmo batârâ, sūkâ valiemo batatuo;
sita.
24 Derei Jisu ukâ ki kevâr ki Thoma, mia puo üse Didu-
25 ma üya kezha pethakeliekâ miapuo ukâ ze bamo. Sûla
pethakeliekâ puo ki, Hickâ Niepuu nguwe! isishû. Sirei
puo sie ukâ ki, A athuo puo dzienia nu thezhû pfû
nguzâdi adziekinuopie thezhûpfû nu shû, mu athuo
adziepie puo sâchûnu shûzâ kemosia pelelielhâ zâ; sita.
26 Sirâ zha thetha sia ki puoa pethakeliekâ kinu ba mu
Thoma ukâ sa idi ki khapfû labaru, Jisu vâr ukâ dânu
27 thaliedi sie, Niekâ keviu chûliechie. Sidi puô Thoma ki,
Nâ n dziekinuo chapie phirdi nthuo adzie nia mehâlie-
chie; sizâmonyû n dzie chapie phirdi pie a sâchûnu shû-
28 chie: sidi pelekemo chûta hiedi pelezalie chie! sita. Tho-
29 ma sie puo ki, A Niepuu, mu a Jihova! sita. Jisu sie puo
ki, Nâwe a ngu kelie la pelekeliê zâ: ngumozâdi peleketa-
kâwe ruok'uothâ zâ; sita.

LESHÛ HAU KETHUU DÏ MU PUO MEDÂ

- 30 Sirâ Jisua pethakeliekâ kengukinu leshû hau nu thu-
 31 shû mo keta ungâ zasi kekrei kekra rei chûsashû. Derei
 die hakâ thupie tuo kelie mhakekreillamonyû niekâ bu
 Jisua Jihova Nuo-u Khristau zâ kechû pelelie, mu
 peleliedi niekâ bu puo za nunu kerhei ngulie ketuola zâ.

JISU GALIL DZÛKEZHA KHIE KINU PETHAKELIEKÂ
HUOMIA PENGUKESHÛ

- 21 Sûsia Jisu Tiberia dzûkezha khiekinu puothuo puo
 khapie pethakeliekâ pengulashû; mu puo ukâ pengukeshû
 2 hamhie: Sûki Simon Pitor mu Diduma üyakezhau
 Thoma mu Galil Kanau Nathanael mu Zebedi nuonia
 mu puo siadzikâ dânu kekreinia mia kenia rei sa keze tuo.
 3 Simon Pitor sie ukâ ki, Awe tsu khuo tetuo, sisie. Ukâ
 sie puo ki, Hie rei n ze tsutuo, sita. Ukâ tsu pradi
 roupouu lelie ru, sù zhû ukâ mhapuorei ngulie mota.
 4 Derei teisâ pipar kezhûki Jisu vâ kesâ nu thalie. Sirei
 5 pethakeliekâ sùu üse Jisu ükechû siliemota. Sûla Jisu
 sie ukâ ki, Anuonuokâ, niekâ kechûcha huo pfütuo ma?
 6 sita. Ukâ sie puo ki, Mo, sita. Sitse puo sie ukâ ki, Niekâ
 jal kelhoupie rou tsei thezatsatie shûchie, sirâ niekâ mha
 ngulietuo; sishû. Sûla ukâ kelhoushûru sùu vawe ukâ
 7 khuo krathâr ketala teshû lielhâta. Sûkisû Jisu puo khrie
 kevâr pethakelieu sie Pitor ki, Hauha Niepuu, zâ; sita.
 Sirâ Simon Pitor sùu Jisu zâ ükechû silietse puo methuo
 tuo kechûla puo boulia chû boulielie di prou dzûkezhau
 8 leta. Derei pethakelie kekrekâ khuo tsupfû ketuo jal-u
 merhashûse rou kechûu nu leta; ukâ kesâ nunu thu kria
 9 kenia zie ba tuomiaru; Sidi ukâ par kesânu tsâlietse
 mizhû pie mi kechû mu sùgêi khuo mu niekhrûda kezhû
 10 ngulie. Jisu sie ukâ ki, Niekâ tsienû khuo tekeliékâ nunu
 11 sevâro thia, sita. Sitse Simon Pitor pfûdi khuo kria mu
 niepengoua se bu tsupfû ketuo jal-u teshû kesânu parlie:
 12 sirâ sùthede tuorei jal-u rûrhata mota. Jisu sie ukâ ki,
 Niekâ vârdi mhachûlechie; sita. Sirei pethakeliekâ sùu
 Niepuu zâ ükechû ketala, Nâ supuoga? isidi puo dze
 13 ketsâ nreita. Jisu vârdi niekhrûdau chûpielie, sidi kha ukâ
 14 tsûshû; sirâ khuo rei pie si shû. Jisua kesiakâ dânnu
 rheikelie sia pethakeliekâ bu puo kengu hauha va seu.

JISUA PITOR KI MHAKETSÂDI MHAPUKESHÛ

- 15 Sidi ukâ mhachûlietatsê Jisu sie Simon Pitor ki, Jona nuo Simon, nâ hakâ ki a khriekuoya mo ? sita. Pitor sie puo ki, Nzâ Niepuu, a n khrieyâ kechû nâ nthuo siya tuo ; sita. Jisu sie puo ki, Nâ a kuokâ vachûliechie ; sita.
- 16 Jisu lasie vakeniau puo ki, Jona nuo Simon, nâ a khrieya mo ? sita. Pitor sie puo ki, Nzâ, Niepuu, a n khrieya kechû nâ nthuo siyâ tuo ; sita. Jisu sie puo ki,
- 17 Nâ a kuokâ thekeliechie ; sita. Jisu va seuva puo ki, Jona nuo Simon, nâ a khrieya mo ? sita. Pitor Jisu puo ki va se, “ Nâ a khriey mo a khrieya mo ? ” ikechû pukechûla
- 18 puo nousuota. Sidi puo sie Jisu ki, Niepuu, nâ nthuo mhapete siya ; nâ nthuo a n khrieya kechû rei siya zâ ; sita. Jisu sie puo ki, Nâ a kuokâ vachûliechie. A n ki putou shûtuo, nâ n khriesakiwe nthuo n chiephaliedi n medâra vâdia : derei nâ tsaketa siawe nâ n bou hya-shûdi miabu n chiephashûdi n ze nâ vânyû kemora
- 19 vâtuo ; sita. Puo kedipuo se chûdi Jihova bu zayie chûlietie shi kechû thashû ketuola puo die hau kepu zâ. Sirâ puo die hau pu keshû sia puo Pitor ki, Nâ a siamedzîliechie ! sita. Pitor rûrei puo siatsa, vapra rû, hadzû theva mhachû kebanu Jisu merûr medetou nu badi, “ Harie Niepuu, supuonie n tepie mia dzienu shûtuo ga ? ” isidi ketsâketa Jisua puo khrie kevâr-u puo
- 21 siamedzi vâr kezû ngulie. Sitse Pitor puo ngushûdi sie Jisu ki, Niepuu, sirâ themia hau kedipuo chûtata ? sita.
- 22 Jisu sie puo ki, A vârkemochie puobu ba tuoû kechû a medâ lirâ, nâ kidi si ga ? Nâ a sia medzîliechie ! sita.
- 23 Sûla pethakelie sûu siatalielhâ ûkechû sizækâ dânu die sûu kepu tuo zâta. Derei Jisu puo ki sûu bu sia lielhâ zâ isimonyû, “ A vârkemochie puobu ba tuoû kechû a medâ lirâ, nâ kidi si ga ? ” isi keshû zâ.
- 24 Pethakelie sûusû die hakâ zhapu chûkeshû, mu die hakâ thu keshûu zâ : mu puo zhapu kethâzâ kechû hie sitou bata zâ.
- 25 Sizâmonyû Jisu mha kekrei rei kekra chûsa shû zâ ; mha sūkâ puo puo idi thu kreikrei vâtuo lirâ, anouleki zâwe leshûda thulie ketuo sūkâ kijû hau nu puo shû jûtatuo.

Mha Kechükâ

DIE THERIAKÂ. JISUA PETHAKELIEKÂ KI PUKESHÛ
PUODIE THELAKÂ, MU PUO TEIGEI SIEKETA

- 1 Harie, Theofil, a keriauva mhadze thukeshûu, süuwe
Jisu puothuo kedakelie apostelkâ ki Kemesa Ruopfû ze
2 diekhashûwadi, puo teigei khâketa nhia ketsâ puo
mhachû mu, mia petha sedeshû kechû khékâ dze zâ :
3 puo kemezhie kewa sia 'thellalieta ükechû zha hiediakâ
dânu ukâ mbingu chûshûshûdi dâ neiü chûdi puo rûli
4 thapie ukâ kiadi Jihova kedi dzekâ se ukâ ki pu : sirâ
puo ukâ ze kengudi ukâze kerûchû kechûki puoa ukâ
bu Upuo-u thiadzû pupie kezûu ngulie kemochie
Jirusalem tseta hinu shû ; puoa pukechû, Niekâ hadzû
5 die süu dze akinu siliete : Johanwe hadzû dzû nunu
mia baptaiz chû ; derei niekâwe hasia zha chabakemonu
Kemesa Ruopfû nunu baptaiz chûtno. si.
- 6 Süla ukâa vâ kengukelieki puo üse, Niepuu, nâ
tsiedâ Israel kedi khalashû tuo ma ? sidi ketsâta.
7 Sitse puo ukâ üse. Upuo-ua puothuo puo kekuoü chûpie
kebakâ puoteitou morei puomesetoukâ niekâ bu si
8 lielhâ. Derei Kemesa Ruopfû niekâ gei vâ r kelieki
sûki niekâ kekuo ngulie tuo : sikelieze niekâ Jirusalem
nurei, Judia mu Samaria Kijû petenu, mu kijû vala
9 ketsâkâ nurei a zhapu chûlietuo. Sita. Süsia puo die
sûkâ pakethanu ukâ puo mehâtharu puoze teigei khâta ;
sûkisû kimhoupuo vâ ukâ mhingukinu puo zepfû tuota.
- 10 Sirâ puo sikhâ ketaçi ukâ täsie teigei mehâ mhidi
motharu, harie, mia kenia pfe kekra sedi ukâ khieki
11 tha ngulie ; sizamonyü sünia ukâ üse, Harie Galil
themiakâ, niekâ kidi teigei mehâtha zâ ga ? Jisu niekâ
kinu puoze teigei khâketa hauha, puo teigei khâketa
niekâ puo kengu tuöi, süsütuoï latsur zâtno. Sita.
- 12 Süsia ukâa Oliv ükechû kijûthou Jirusalem kepenuo-

- ki keba kerleizhanhia chatuo chiè kechū nunu tuola
 13 Jirusalem nu vārta. Sidi ukā sūnu vārlietse ukā tuose
 ukā ba kibou pesā puogei khāta; ukā sūkā Pitor
 mu Johan mu Jakob mu Andria; Filip mu Thoma,
 14 chūkezhau, mu Jakob nuo Juda. Ukā sūkā pete,
 thenumia krāpuo rei mu Jisu nuozuo Maria mu Jisu
 siazedzūriakā sadi keze noupuo chūdi cha uteitsā chū
 bazāta.

MIAKEKREIMIAPUO KEDALALIEDI PUOBU ISKARIOT
 JUDAS BANU BAKELIE

- 15 Sūmesekisū themia kriadi mepfū vā kengukebanu
 16 Pitor sie puokezekā dānu thaliedi sie, Akezenuokā,
 Jisu tekeliēkā zevā thā keshūu Judas dze thiadzū
 Kemesa Ruopfūa David tianunu pukeshū kethāleshū
 17 diesūkā chūtseilie morāsuo. Mu puo rei sapie ukā
 sa phrūliete, sirā ukam haunha hadzū puo za rei bate.
 18 Themia sūu zāwe puo kesuokechū zhakbrau pie lietsapuo
 khrūlie: sidi puo te puotsū pesu tsudi puo kese tsiēpha
 19 phawadi puose puoria rei pete rūla hazou parta. Mu
 puo rūli sūsū Jirusalem nu bayakezha khēkā siphre:
 sūla uramia dienu lie sūn ūse, Akeldama, puo cha,
 20 Thezia lien, ūsita. Sirā chieſi leshūdūkā nu,
 Puo ba bu methuotalie,
 Mu miapuorei bu sūnu bahie,
 Mu miakekreimia bu puo kam selie;
 sikechū thupie zhū.
 21 Sūla Niepu Jisua Johan baptism kechū yawinu sede
 22 siedi vā puoze teigei khāketa nhia ketsā, puo udānunu
 khā mu ke ketuoki uze seiketuomiapuo ba uze puo
 23 rheila kesie zhapu chū morāsuo: sita. Sidi ukā Josef
 puoza barsaba ū mu Justa rei ūya kezha mu Mathia
 24 unia miakenia kieliedi ukā keze chadi sie, Harie themia
 pete nou siya kezha Niepuu, eā themia haniaba kin bu
 25 Judas-a puo thesia baketuonu vālie ketuola khakewa
 kam hau mu apostel liefhā nu puo sou chūlie ketuo
 26 n medā sh' kechū thashū hie kia chie. Isishū. Sidi
 ukā sūnia za thushūdi keda; sitse Mathia za parlie;
 sūla puo phrūpie kerepuokrūkā salie.

ZHĀ HIEPENGOU! HIA PETHAKELIEKĀ GEI KEMESA
RUOPFŪ KEKER; PITOR KEPETHA, MU SŪLA
THEMIA UNOU KEDIKELIE

- 2 Sirā Zhahiepengou keta teisā nhia ukā petekā vā
2 mhakipuo kengu baru. Teigeinu teikbria khriadi kevār
pfe kembiepuo ukā ki mhazā vārdi ukā vākeba kiunu
3 tsutou pfübata. Sirā mi themia mhiü kembie krāpuo
kevār agvlie; mu sūkā 'prākeza vādi ukā miapuopuo
4 tsügei baphreta. Sitse ukā petekā Kemesa Ruopfū bu
utsupfūdi, Ruopfūna ukā bu punu keshü kembietoumu
ukāa mia ramiā die kekrekrei kechūkā pu sieta.
- 5 Sükisü teikhrā kelhou themia neiükā dānunu Judamia
6 miathāmiakā vār Jirusalem nu baru. Themia neiü sūkā
mhapfe süu silietse krādipuo chüdi keze vār kengulie;
sirā themia sūkāsü *pethakeliekā* ukā ramiā die nunu ukā
7 ki diepu phřeta kechü sikechüla ukā ngāta. Sidi ukā
petekā ukā ngādi sie, Harie, themia diepu ketha hākāha
8 Galilmia pbrezā mo ma? Di silirā we ukā tia nunu
9 kikidi urakhenu diekā kepu sipure hita ga? Ukā
huomia Parthiamia nu huo Mediamia nu huo Elamit-
10 mia; sirā huomia Mesopotamia nu mu Judia nu
Kapadokia nu, Pontus nu Asia nu, Frugia nu Pamfulia
nu Ijupt nu mu Kurin rūna khie keba Libia rūna
11 nu kebamia; tsin huomia Judamia nu Judakemomia
vār Judamia zhā zeketa Rom nunu vār keba rūsākā;
sirā huomia Kritmia nu Arabnia zā derei, ukā kehu-
puorei themia hakā uramia die nunu Jihovaa ungā
12 mhathā chūkeshūkā dze rūnyü bahue Sita. Sidi ukā
petekā ungā mu ukā vaphethā pfūdi sie huonichuo üse.
13 Hau kikidi nīlie ga? Sita. Derei kekrekima huomia
ukā meledi sie, Ukā kluobezu kesa kriadi meze bara
zā; sita.
- 14 Derei Pitor kerepuokrükā ze siethaliedi diepu puochā-
chüdi sie themiakā üse, Harie Judia themiakā mu
Jirusalem nu keba petekā, niekā adie rūnyüliedi die
15 hakā siliechie. Themia hakāha niekā noule tuoi meze
bamo zāwe; tsie teisā kepar keba thepfū kevü mese
16 zāluo eru; derei haha dze thiadzū Joel siadzekesiu
bu puple zhū: pua pukechu:
- 17 Jihovaa pustāia, Vā kenu kenuotsatie
A a Ruopfū rupie themia petekā gei shütuo:

- Sirā niekâ nuonuo thenu rei thepfu rei siadze
kesidie putuo,
Mu niekâ dānu khriesakâ mha ungâzâ kechūkâ
ngutuô,
Mu niekâ dānu ketsakâ umhâ silie tuo :
18 Si kethâ zātuo, sūkisū a a Ruopfū rupie a kituo
thenu thepfu kheķā gei shūtuo.
Sitse ukâ siadzekesi die putuo.
19 Sirā a teigei ungâzâ kechū krāpuo [tuo ;
Mu teikhrā kijū gei zasi krāpuo chūshū mia kia
Mhasūkāsū thezia mu mi mu mikhu la kimhou
chūkeliekā ;
20 Niepuu zha, meyiepie kemerie chūkechū
Teisāu vārkechū mhâdzū
Niaki zeitatuo,
Mu khrū thezia mevātuo.
21 Sirā sidi, themia kehupuorei Niepuu zase chake-
lieu kelalie zātuo. Si.
22 Harie Israelkâ, niekâ die hakâ rünyūliechie : Niekâ rei
siba tuot, Nazaret Jisu niekâ dānuu Jihova puo zedi
themiaa chūlie kelhâ ungâ mhathākâ mu zasi neiūkâ
chūkeliekâ geinu Jihova puothuo thatoupie niekâ kia
23 keshūu ; Jihovaa pedzūperia sidi hrūtou seketuo-u
mhiei, puo teliedi niekāthuo thezhā seyakemomia bu
24 krus geinu puo gouwadi puo dukhriwate : sirei Jihovaa
kesia kemezhie kechūkâ nūnu puo khashūwadi puo
chūperhei laliete : mhakekreilamonyū sūsū bu puo
khase balielhā zā kechūla.
25 Sūsūtuoī David puo dze pu kechū,
A ambâdzūki Niepuu ngu sei vār ;
Abu rūnialielhā ūkechūla, puo
a zatsa baya zā :
26 Sūla anou rei puoneī, mu amhiū rei
puoneidi chielī vār zā ;
Sū rūrbei zāmonyū aphou ha rei
puo dzūziedi rūlei taūuo :
27 Mhakekreilamonyū nā a ruopfū bu
Hades khrū khrā baliehā,
Sirā nā N Kemesau bu chieūrie rei taliehā
zā kechūla.
28 Nā kerhei chakā thashū a kiawate ;

- Nâ abu n mhlngukinu anei lhemu tuotatuo Sipie
 29 zhü. Harie akezekâ, a upuotsa David dze niekâ ki
 pu kemechie tsuo shürei suo mo nhia : puo siatadi
 miabu puo khruwate, sirâ puo mekhru tsierei ũki tuo
 30 zâa. Sirâ puo siadzekesi chürei sadi puose puoyiemia
 puo bu puokediba gei batuoü kechü Jihovaa rüsezâdi
 31 puo ki puzâ ükechü silie ; puo pedzüperia die süu sike-
 tuola Khristau khapie Hades khrükhrâ shü lielhâ, sirâ
 puophouu burie chieürre rei talielhâ ükechü puo rheila-
 32 kesie dze pušhüzâ. Jihovaa Jisu süsü chüperheilietazâ,
 33 mu hiekâ hakâ petekâ diesüu dze zhapukâ zâ. Sidi
 puo Jihova dzie puo zatsapie puo chüpezhaliedi puo
 Puopuo kinu Kemesa Ruopfü khashü tuoüdi pupie
 kezhuu ngukelie sia puoa niekâ tsie si mu ngukebakâ
 34 khapie *niekâ* pesipengu shüa. Sirâ David zâwe teigei
 sie mo : sirei puo puothyo rei pukechü,
 35 Niepuu a Niepu üse.
 A n ngumvükâü n phizhâ chüwa kemochie,
 Nâ azatsa ba zâchie ; sipiezhü.
- 36 Süla niekâ krus geinu puo goukewa Jisu süu-ü,
 Jihova puo chüpie puobu Niepu mu Khrista chülie keta
 Israël yiemia petekâ bu süsü sikemochie toulie chie.
 Sita.
- 37 Süla ukâ diesü silietse *diesün* le ukânou vapechütei
 zâliedi ukâa sie Pitor mu apostel kekrekâ üse, Keze-
 nuokâ, hie kedipuo chülie morâsuo ga ? sidi ketsâta.
- 38 Sitse Pitor sie ukâ üse, Niekâ *puo bu* niekâ kephuma
 kelalashü niekâ tsü ketuola niekâ niekânou kedi
 phreliedi Jisu Khrista zanunu baptaiz chüliechie ;
 silielirâ niekâ Kemesa Ruopfü mbaphruo-u ngulietuo.
- 39 Mhakekreilamonyü phrapiekehrü süusu niekâ mu niekâ
 nuonuokâ, sizâmonyü rüna kepetsenu keba, Niepuu
 Jihovaa kienze puo ki vârketu khekâ larei zâ.
- 40 Sita. Sükâ zâmonyü puo diekekrei kekra rei sapie
 zhapu chüshü mu ukâ tarhâshüdi sie ukâ üse, Niekâ
 tsiedânuomia themia mezhükemo bakâ kinu niekâthuo
- 41 niekâ kereilie chie ; sishü. Sitse puodie uneikeliekâ
 baptaiz chüphrelie : sidi sünhia themia nyie se mese
- 42 sapie *ukâ krânu* shülie. Sidi ukâ apostelkâ ukâ kepetha
 diekânu mu *ukezekâ* ze kepekrâ kechünu, niekhrüda
 bietsie kechünu mu kechakânu rüdimu bazâta.

PETHAKELIE KERIAKÄ ZHÂKEVI MU UKÂ KRÂ
KBAKELIE

- 43 Sükisü themia pete michie phreta : sirâ apostelkâ bu
mia mhâdzü ungâ mhathâ mu zasikâ kekra chülie.
44 Sükisü pelekezha khekâ keze krâpuo chübadî ukâ uvie
45 petekâ pie vierhe chüzâta ; sidi ukâ ukâ kiliekâ mu
ukâ viekâ zesevârdi suomianie kedithede ngulie morâsuo
46 shi, sü ledi keza phrelieleya. Sirâ teisânhia noupuo
chüdi korûsuokinu rei mu uthuo ukînu niekhrûda
47 bietsie rei chü seiba zâta ; sidi ukâ Jihova tsedi themia
petekâ mhâdzü therhu rei pfû di ukâ neisieî unou
mezhüdi nha rei chü ibazâta. Sirâ Niepuu teisânhia
kelakeliekâ bu ukâ salielie bazâta.

PITOR-A KERÛNYEMIA PUO CHÛPEVI KESHÛ, MU
SÛLA MHACHÛ KETAKÄ

- 3 Sûsia khunhiapuo kechatei touki. keba se kevü
meseki, Pitor mu Johan unia keze kerûsuokinu khâ
2 zhûru. Puzuo vanunu rûnyie zâdi penuokelio miapuo
pievâr ; puobu mia kerûsuokinu kevâ khekâ kinu mha
chatuoüdi mia teisânhia puo pievâ kerûsuoki chare
3 Keziviñ üyakezha nu pi-ba baya : themia süu Pitor mu
Johan unia kerûsuokinu letuoü kezhu ngudi unia ki
4 mhacha. Sitse Pitor Johan unia keze puo mehâ terdi
5 sie puo üse. Hienia mehâliehie ; sishü. Sitse puo rei
6 unia kinu mha ngukelio ledi unia mehâ bazâta. Derei
Pitor-a sie, A raka mu suna setuo mo, sirei a seketuo-u
se n tsütuo : a Nazaret Jisu Khrista zase nki pushü ho,
7 nâ sie chatuolie chie. Sidi puo themia süu dzie thezatsa
teshü shüdi puo shüsielie ; sitse puo phinia mu puo
8 phimhiru metei nhailie. Sirâ puo karhrüi siethaliedi
chatuo tuota ; süsia puo unia ze kerûsuokinu ledi
chareituo mu rülhou khâ mu ke di Jihova tsezâ tuota.
9 Sitse puo chatuodi Jihova tseketuo themia petekâ puo
10 ngu : sidi ukâ puo üse kerûsuoki chare keziviu nu
mhakhruochü baya kezau ükechü puo siliedi ; ukâ puo
geinu chüpar keliekâ la ukâ ngâpie ukâ ngâda pfûrei
mota.

Sirâpuo Pitor mu Johan zetha kechülâ themia petekâ
ungâphidi tase Solomon kichiekhâ üyakezhau nu

- 12 zāvâr ukâ khieki kengulie. Sitse Pitor sūsū ngushūdi sie themiakâ ūse, Harie Israelkâ, Niekâ kiūdi themia hau ūse kethokhrū kechū kembiepuo chūya ga? Morei kiūdi niekâ hienia ūse hieniathuo hienia kekuo morei hienia kevi la themia hau chūpie puobu chatuo kelie mhieidi niekâ niakāmhi pelapie hienia mehâya ga?
- 13 Abraham mu Isak mu Jakob nuokâ Rhuo-u, *sūsū* upuomokâ Rhuo-u Jihovaa puo nuo Jisu kekuopie mia pesikeshū zâ; niekâ thiadzū puo teshūdi, Pilat-a puo khashūwanŷū kesieki niekâ puo mhâdzū nunu puo phrashūmvūtadia. Niekâ Kemesau mu Kemiathâu phramvūtadi miakedukhrimia puo khalashū niekâ tsū-
- 14 nutadi, ukerheirâ Bâu dukhriwata zâ; derei Jihovaa kesiakâ dānunu puo chūperheilaliete; mu hienia rei puo dze zhapu chūya kezhamia zâ. Sirâ puo zanunu pele-
- 15 kelie la ptoza sūsū thuo niekâ si mu nguya kezha themia hau chūpekuo kelie zâ: kethâ, Jisu geinu kepar kepeleu thuo niekâ petekâ mhâdzūnunu themia hauha
- 16 chūkeshūrâ lātsâkelie zâ. Mu harie akezekâ, akele niekâ rei mu niekâ mhâ kezhakâ rei mhaledi sūu chūkewa zâ. Sirei puo Khrista bu kemezhie ketuo dzekâ
- 17 Jihovaa siadzekesikâ petekâ tia nunu peria uki puke-
- 18 shūkâ, puo sidi chūteishū. Sūla niekâ niekâ kephumakâ valie ketuola mu sidi Niepuu kinu thenou vapemvū
- 19 kelie tei bu vârlie ketuola niekâ nou kediliedi rūdi lalie chie; sidi Jihova bu niekâ la kedapie kebau Jisu
- 20 ketseshūlie ketuola. Derei Jihovaa keriakithānu puo kemesa siadzekesikâ bunu mhapete ketsâ kesa laketuo
- 21 tei tsâkelie mhâdzū puo zevâ teigei balie morāsuo.
- 22 Mosaa pukechū, Niepuu Jihovaa niekâ yiemia dānunu siadzekesi a kemhiemia puo bu lhousier tuo; mu puo
- 23 niekâ ki die kepu khekâ niekâ bu puo pfe rūnyūlie nushū.
- 24 Sirâ themia kehupuorei siadzekesi sūu pfe rūnyū kemo-
- 25 u nie themiakâ dānunu puo pekawatou sishūzâ.
- 26 Sūzāmonyū Samuēl yawinu puo sia lhoukevâr siadze-
- kesimia pete mhakepu khekâ zhasūkâ dze pu phrezâ kethâzâ. Niekâ siadzekesi sūkâ nuonuokâ zâ; mu Jihova Abraham ūse, Sirâ u seyiemia lanu kijū seyie kekreikechū khekâ theja ngulie tuo, isidi nie puo-
- tsanuokâ ze kediekhāpie kezhuu *niekâ rei niekāya kenyikâ zâ*. Jihovaa puo Nuo sūu bu niekâ la lhouria

sierdi, niekâ kehupuo bunu rei nie kerüzhhükâ nunu rüdilaliedi jashü niekâ tsü ketuola puo ketseshü. Sita.

- 4 Unia sidi themiakâ ki diepu thatse phichükâ mu kerüsuokinu kezha chüyakezhau mu Sadukikâ tuo unia
- 2 ki vâ; unia themiakâ pethadi Jisu lanu kesia nunu rheilasie kelie dze pu mia kia kechüla ukâ ukâ neimophita. Sidi ukâ unia teliadi, sükisü thevata kechüla miabu unia pfeba süsianhia tsâ. Sirei Niepuu die kesi
- 4 themia kekra pelelie; sidi themia sükâ lekesie nyie pengou mese ta.
- 5 Sirâ süsianhia ukâ razou kezha chüya kezhakâ mu pehükâ mu mhakesithâkâ vâ Jirusalem nu kengulie;
- 6 sükisü phichükezhau Anas rei, mu Kaifa mu Johan mu
- 7 Alekandra mu phichükezhau jat khekâ vâ ba. Sidi ukâ unia ze vâ ukâ dânü thaliedi, Këdipuo kekua üse morei theza kikechüpuo se n nia hauha chülie ga?
- 8 sidi unia ketsâta. Sitse Pitor Kemesa Ruopfü puo tsupfüdi sie ukâ üse, Harie razou, mhâ kezha chü
- 9 kezhakâ mu pehükâ, Niekâ thia themia kerünyie miapuo ngumezhie keshü dze hienia ketsâ menuodi kedipuomhieidi themia hau chükeshürhâshü shi' kechü
- 10 sinyü lirâ; silirâ niekâ petekâ mu Israel miapetekâ bu sitou zâliechie. Nazaret Jisu Khrista niekâ krus geinu goukewau, mu Jihovaa kesiamia dânunu puo chüpe-
- 11 rheilakelieu za se mu puo lanu themia hauha shürhâliedi vâ niekâ mhâdzünu hita kelie zâ. Jisu süu niekâ
- 12 kikechükâa puoü mhaümo keta tsieu puokenu puomvü chükelieu zâ. Sizâmonyü puo geinu zâ kemisia kela-
- 13 kelie kekrei jü zâ; mhakekreilamonyü ubu ukelalie morâsuo ükechü teikhrâ themia dânu theza kekrei puorei khashü mo kechüla. Sita.
- 13 Sükisü ukâ Pitor mu Johan unia kethepfu ngulie, mu unia leshüsi thâr kemomia mu miaümia *zâ kechü
- 14 siliedi ukâ ngâta; derei ukâ unia üse hadzü Jisu zetuoya ükechü lelie. Sirâ themia vilakelieu unia
- 15 zetha kechü ngudi ukâ mhapuorei pulie kenjüta. Sirei ukâ unia bu tuo ukâ kehou therhie vâ mhatsapuo
- 16 bata nudi hukum khashüwadi sie ukâ thuo kerüchüdi. Unia mha ungâ mhathâ kemeyiese puo chütou shüwata

- ze, mu süüsü Jirusalem nu keba petekâ siphre bate;
 17 mu ukâ zârei pumo lielhâta ze. Derei themia bu mha
 sūkâ dze si savâ molie ketuola, unia bu thia yawinu
 theza hau se niapuo kirei puhie nudi ukâ unia
 18 kechūwa khe! sita Sidi ukâ unia kiela zevârdi unia
 bu Jisu za se miaki puhie zânu mu mia petha rei
 hienudi unia khabeiwata.
- 19 Deroi Pitor mu Johan lasie ukâ üse, Jihova mhâ-
 dzūnu Jihovâ pfe ze kechū ki niekâ pfe zekechūu puo-
 20 toukuo tâ mo ki shi, niekâ thuo lephi chie: sirei hiewe
 mhakehupuorei hie si hie ngukâ pumo kelie jū zâ; sita.
 21 Sitse ukâ unia kechū sashūdi unia bu tuota; themiakâ
 la unia gei mhapuorei chūlie ketuo ukâ medâ fūta
 22 kechūla. Mhakekreilamonyū themia petekâ unia chū-
 keshūu la Jihova tse phreta kechūla. Sirâ miabu puo
 geinu themia chūpevikēlie ungâ mhathâ sūu chūkelie
 themia sūu kelhouzha chie hiedia zie rei sa ketala.
- 23 Sidi mia unia khakewa sia unia uniathuo uniakrānu
 vâdi phichūkēzhakâ mu pehūkâ unia ki puketa khekâ
 24 rŭkhruoshū. Sitse ukâ diesūkâ siliedi ukâ noupuo
 chūdi sie Jihova ki, Harie Niepu, tei mu kijū mu
 25 dzūkezhha mu sūkâ nu ketuo khekâ chūkeshūu. Nâ
 Kemesa Ruopfū bu n kituo-u hie-puo David tia
 nunu.
 Kiūdi rŭnakekrei kreikechūkâ uneimodi mehāya
 gā?
 Sirâ themia neiūkâ kemethuo kemeruo medāya
 ga?
- 26 Niepu mu puo Khrista ngumvūdi
 Kijū mhâ kedikâ uthuo ukese sethate.
 Mu rŭna mhâ kezhakâ vâ kengu bate;
 sipiezhū ze.
- 27 Kethāzā, Herod mu Pontia Pilat unia rei, rŭna kekrei-
 mia mŭ Israel themiakâ zedi n Nuo-u kemesau Jisu nâ
 28 puo keda keshūu ngumvūdi vār rŭna hanunu kenguzā;
 sidi n dzie mu n dā pedzūperia chūtuoūdi hrūpie ketuo-
 29 kâ chūwa. Sirâ Niepuu, nâ tsie uka mia kechūkede
 30 kechūkâ mehāliechie: sidi nâ n dzie chashū mia chū-
 keshūrhalie, sidi n kituokâ bu thepfū chūse chūdi
 n die se mia ki pulje, mu n Nuo-u kemesau Jisu za nu
 zasikâ mu' ungâ mhathākâ chūsalie chie; sidi cha.

- 31 Süsia ukâ chashütse ukâ vâ bakechüki sü rüniata ; sitse ukâ petekâ Kemesa Ruopfü utsu phrepfüdi thepfusedi Jihova die se mia ki pu tuota.

PETHAKELIEKÄ KEZEPÜO CHÜDI HUONIEHUO KHRIE
BAKETA. ANANIA MU SAPPFIRA KEJÄ KECHÜ.
APOSTELKÄ KEKUO MU UKÄ KEIHEPFU

- 32 Sükisü kepelekâ krâu pete keze noupuo chü puo chü-
bata : sirâ ukâ miapuorei uthuo uvie üse uvie ü mota ;
33 sidi ukâ mhapetekâ kerhe phreta. Sirâ apostelkâ *udie*
meteisedi Niepu Jisu rheila kesie zhapuchü bazâta : sirâ
34 *Jihova* ukâ petekâ ngumezhie phita. Süsü rürbeizâmo-
nyü ukâ miapuorei mhapuorei ketsâpfü jüta : mhake-
kreilamonyü ukijü rei uki rei kenyi khekâ sükâ zeliedi
35 sükâ zokelie makâ sevâr apostelkâ phinu piezhülie : sidi
mia bu suomianie kedithedede ngulie moräsuo shi kechü
ledi kezapie ukâ tsütsü bazâta kechüla.
36 Sükisü Josef, apostelkâ puoza üse Barnaba, puo cha
mia-nou-chükepeluo-u, üya kezha, Kupra nunu puo
37 penuokelie Levi yemia puo tuoru : puo puolie tsapuo
nyidi süu zeliedi raka sükâ sevâr apostelkâ phinu
shüwata.

- 5 Sirei Anania ükechümiapuo puokimia Sappfira unia
2 lietsapuo zelie ; sirâ puokimia reize kenourhedi puoma
huo khapie zhütadi huo sevâr apostelkâ phinu shü.
3 Sitse Pitor sie, Anania, nâ kiüdi Satan bu n nouchüshü-
4 di Kemesa Ruopfü se tuoü mu n lie ma huo lie-lietuotü-
itaga ? Lie süu n dziennu ba kechüki süu nthuo n vie
zâmo ma ? sirâ zekelie siatsa rei *puoma* n medâ mo mâ ?
Sirâ nâ kidi n nou die hikechü medâta ga ? nâ themia
5 zâmonyü Jihova sewata ze ; sita. Sitse Anania die
sükâ siliedi tetsudi siashüta : sükisü süudze kesikâ pete
6 michie kemerie chüta. Süsia, khriesakâ siedi pfepie puo
keziliedi ukâ puo toupie chasia pradi puo khruwata.
7 Sirâ bavüdâ se vâketa sia puokimiaa siketa simodi
8 sünu vâ. Sitse Pitor lasie puo üse, N nie liepie südenu
zelie zâ mq kishiü aki pushü chie ; sita. Sitse puo rei
9 sie, U, südenu zâ ; sita. Sitse Pitor, puo üse, Ka,
kiüdi n nia keze Niepuu Ruopfü medâphi tuoü hitaga ?

- Harie, n nupfu pievā khrukewakā kikha penuo laphirta-zhūtīe, mu sūkā nā reipie vāwatuo. Sita. Sitse puo te
- 10 mha puophinu tsudi siazhūta: sirā khriesakā sūnu lavārdi puo siakezhū nguliedi, ukā puo toupievā puo-
- 11 nupfu khiekinu puosa khruwata. Sūla kehou pete mu diesūkā kesi khēkā michiepie kemeriechūta.
- 12 Sūsia apostelkā themiakā dānunu zasi mu ungāmhathā kekra*chū twota: sidi ukā petekā keze noupuo chūdi
- 13 Solomon Kjfūkhrā baba zāta. Sirei miakekreimīa dānu miapuorei le ukākrā ze michieta: siūderei themiakā ukā
- 14 lepevi phita. Sirā thenumia rei thepfumia rei kepelemia kekra le ukā saliedi Niepuu kitsa vār miamiata.
- 15 Sūrūrbei zāmonyū Pitor tuo vārūr rā, puokhrū bu zārei huomia morei huomia vakeshū ledi, ukā kechū kenyūkā toupievār chaūkā nu thezhūkā gei mu themia kepie-
- 16 boukā gei piezhū zhūta. *Sirā Jirusalem rūna khie lutsahatsa keba rūnakā nunu mia, kechūmia mu kerhu ruopfū bu ukelhyutuo ketakā kekra huopie huoze i vār salie: sirā sūfkā chūkeshūrhā phreshū.

* APOSTELKĀ TEPĪE KEDIEKINU SHŪKEWA;
SIRĀ SŪNUNU UKĀ PRAKETA

- 17 Derei phichūkezhau mu puo kezekā petekā sūkā Sadukikā krāu, ukā keze siedī, ukā rāpie mhapuo chūdi
- 18 apostelkā teliedi ukā khapie kediekinu shū piebawata.
- 19 Sirei Niepuu dieliemiapuo theva vār kedieki kikhakā
- 20 khrūshū, sidi ukāze kitia pradi sie ukā ūse, Niekā vādi kerūsukinu thaliēdi kerbeiprū die hakā petepie themia-
- 21 kā ki pushūlie chie; sita. Sitse ukā *die sūn* siliedi teisātia meseki tuo kerūsukinu leliēdi mia petha bata. Sūkisū phichūkezhau mu puokrākā vārdi kehou kezha-
- mu Isrāelmia pehūmia pete kie kengulie; sidi mia ketse-
- pie kediekinu sbūdi sūkābu apostelkā zevār nuta. Sirei
- 22 ukā liekā kediekinu vādi apostelkā pfūpejūta; sūla ukā
- 23 lavārdi sie. Kediekinu khapie chūse chūpie thazā kechū mu kediekepfekā rei kikhanu thazādi nguzā: sirei hiekā
- 24 kikha khrūle rei miapuorei kinu ba ngulie motazā; sita. Sirā kerūsukinu kezha chūkezhau mu phichūkezhakā die sūkā siliedi kedipuo chūla tālā shi idi apostelkā dze lepie ukā medā kejū chūbata. Sikebanu miapuo vārdi

- 25 sie ukā ūse, Harie, niekā themiadoupuo khapie kedié-
 kinu shūpie kebakā vā kerūsuokinu thadi mia petha
 26 batelie! sishū. Sitse kerūsuokinu kezha chūya kezha
 ukā dieliekā ze sadi vā ukā pesūpembvū bamodi ukā
 zevārta; mhakekreilamonyū ukāa mia ketsiepie ukā
 27 vakechū preiketa la. Sidi ukā sūkā zevārdi ukā bu
 kehovu mhādzūnu thalie. Sitse phichūkezhaua sie ukā
 28 ūse, Hie niekā bunu theza hauha se mia petka hie nudi
 niekā ki die kerese pushū mo ma? sirā harie, niekā
 niekādie pethapie Jirusalem nu tsuwāte; sidi niekā
 themia sūu zia pie hie gei shūtuōū kechū medā tuota
 29 ze; sita. Sirei Pitor mu apostelkā lasie ukā ūse,
 30 Hie themia die ki Jihova dieuwe zemorāsuo kuo.
 Upuotsanuokā *Rhuo-u* Jihovaa niekā seigeinu goudi
 31 dukhrikewau Jisu chūperheilalieta. Jihovaa thenouke-
 dikelie mu kephumakā kēlashū ketsū kha Israelkā
 tsūtuōū kechūla puothuo puodzie puo zatsapie Jisu
 chūpezhapie puobu Kedi mu Kelakelien chūlieta.
 32 Sirā hie die sūkā zhapukā zā; sirā Jihovaa puo die ze
 keliekā tsū keshū Kemesa Ruopfūu rei puo zhapu zā.
 Sita.
 33 Sūsia ukāa diesūkā siliedi ukānou rūpesedi apostelkā
 34 dukhriwanyūta. Sirei puoza Gamaliel ūkechū Farisimia
 puo, themia petekā dānu therhupfū kezha thezhā kesi-
 thāmiapuo, kehovu dānunu siethaliedi mia bu zāpuo
 35 apostelkā ze kedeivā mharapuo thalie hushū. Sūsia puo
 puokrākā ūse, Harie Israel themiakā, niekā themia hakā
 gei mhachūtuōūdi hrūkebakā menuolie morāsuo ho!
 36 Niekā rei lebātuōū, thiadzū Theuda puothuo puo ūse
 themia kezhamiapuo ūsierdi, themiākrāpuo kria dia
 mesepuo puodie zeta; sirei themia sūu miabu puo
 dukhriwa, sirā puodie keze khekā whuo kechūrewa di
 37 jūta. Sirā themia sūu lhoukesier sianu *sorkari* themia
 phrū kechūki Galilmia Juda rei sierdi themiākrāpuo
 shūtapie puo siamedzilieru: puo rei siata; mu puodie
 38 keze khekā rei taketuora simota iho. Sūla niekā adie
 zedi, themia bakā gei niekā ketheliedi ukā khashūwalie:
 mhakekreilamonyū thedā hauha morei mhathā hauha
 39 themia kinu zālirā biepejūwa zātuō: derei Jihova kinu
 zālirā, niekā hau biepejūwalie kenjū zā kechūla.
 Menuoliechie, niekā Jihova ze kegei zātuōū bazā rei

- 40 silielhâ muha! sita. Sûsia ukâ puodie zeta: sidi ukâ
apostelkâ kiela zevârdi ukâ vüwadi ukâbu Jisu zase
41 diepuhie nudi ukâ khabeiwadi ukâ bu tuota. Sûsia
ukâ kehou sîur' nunu tuota; sidi ukâ Theza sîu la
42 zhase pfû sî ükechü ledi ukâ nei tuota. Sizâmonyü
ukâ teisânhia kerüsuokinu rei mu *huoniehuo* kinu rei
Jisua Khristau zâ ükechü se mia petha mu pu mia kia
kechü khashü mo bazâtâ.

LIETHÂ CHÜ KETUOLA MIA THENIA KEDALIE;
KEHOU KRAKELIE

- 6 Sükisü pethakeliekâ krapartatse Grikdie kepu
Judakâa Ibrîkâ teisânhia mhaza kechüki ukâ samipfükâ
2 therhietata ketala sükâ gei kenyata. Sitse kerekenia-
kâa pethakeliekâ krâu kiczvâr ukâ ki shüliedi sie ukâ
üse, Hiekâ zâwe Jihova' die *pie mia kepetha* khazâwadi
kechücha kezapie mia tsükechü chübata zhümiaru.
3 Sûla, hie kezekâ, niekâ niekâthuo niekâ dânunu miatse
pfüyakezha, Kemesa Ruopfü mu mhakesiü tsukepfü
mia thenia kedaliedi ukâ themia sükâ bu chalie süsü
4 chükelie chülie chie. Derei hiekâ zâwe kechanu mu
Jihova dicu se mia kepethanu rüdimu bazâtuo. Sita.
5 Sitse ukâ pete die sîu ukâ neiphreta: sidi ukâa kepele
mu Kemesa Ruopfü puotsu kepfü, Stefan ükechümia-
puo, mu Filip, mu Prokora, mu Nikanor, mu Timon,
mu Parmena, mu Antiokmia Judamia zhâ zeketa
6 Nikola kedaliedi; sükâ ze apostelkâ ki vâr: sidi ukâ
chashüdi ukâ dzie chapie sükâ mhâgei shü.
7 Sûsia Jihova die kuo miamiata; mu pethakeliekâ rei
Jirusalem nu kraphita: sirâ phichükâ dânurei kekra
kepeleu dieze chüta.

STEFAN TEKELIE; PUO MIA KEPETHA; MU PUO SE

- 8 Sükisü Stefan-a ngukemezhie mu kekuo puo tsupfüdi
themia dânunu mha ungâphikechükâ mu zasikâ chü.
9 Derei Libertin kehou ükechü miakrâpuo, mu Kurin
mia, mu Alekandra mia, mu Kilikia mia, mu Asia mia
10 rei huomia sie Stefan ze kemeüta. Sirei ukâ puo mhasi
mu puo Ruopfü kekuo sedi diekepula ukâ puo meülie-
11 lhâta. Sitse ukâ mia hüshüdi miabu vârdi sie puo üse,

Puo Mosa mu Jihova thakechūdie kepu hie siwe, ikechū
 12 punuta. Sidi ukāa themiakā mu pehūkā mu mhakesi-
 thākā ketsūshūdi sūkā bu vâr puo teliedi puo teze
 13 pehūkā kehounu vâ. Sirâ ukâ ketijū zhapu krâpuo
 kieshūdi sūkā bu sie, Themia hau kemesa chū hau mu
 14 Mosa zhâu kethadie kepu puo tia bieya mo : hie puo
 diepu si kechū, Nazaret Jisu hauha thechū hau peka-
 watuo. mu Mosaa thezhâ kha u ketsūkā rei chūkedi-
 15 watuoū situoya zâlie : sita. Sūkisū kehounu sūnu keba
 khekā puo mehâ ter baru, puo zie teigei dieliemia
 zie tuoî parketa ngu.

7 Sūkisū phichūkezhaua sie puo ūse, Die sūkā kethâzâ
 2 mo ? sidi puo ketsâta. Sitse puo sie, Akezekâ mu a
 puonuokâ, rûnyūliechie, Upuo Abraham vâ Haran nu
 keba mhâdzū Mesopotamia puo ketuoki zapuzayie kechū
 3 Jihova puo ki vârdi puo ūse, Nâ tuo n kijū mu n
 seyiemia therhie praliechie ; sidi tuose a kijūpuo thashū
 4 n kia tuomu sūnusū vâliechie : sita. Sitse puo Kaldia
 mia kijū nunu tuopradi vâ Haran nu balie : sūsia
 sūnunu puopuo siatatse Jihovaa puo ketse keyiepie
 5 niekā tsiedâ baya kezha kijū haunu shūwa. Sirei
 Jihovaa kijū puoya phizhâ puorei rho puo tsū mo ;
 sirâ sūkisū puo nuonuo jūzâū derei Jihovaa kijū hau
 khapie puo mu puose puoyiekâ bu wetuoū kechū
 6 pupiezhū. Sidi puose puoyiekâ bu vâ sikemo kijūnu
 lhounu tuoū kechū mu ukâ bu chie kriâ dia miadie chūdi
 7 mia bu ukâ pese tuoū kechū Jihovaa pushū. Jihova
 pukechū, Sirei mia ukâ tepie udie chū kechūkâ, a sūkâ
 pejâtuo : sirâ sūsia ukâ laparliedi thechū hanuhanu
 8 a liechūtuo ; sipiézhū. Sirâ Jihovaa zhūkerezhâ khapie
 puo tsū ; sūsia Abraham puonuo Isak ngulie, sidi zha
 thetha nhia puo zhūrelie ; sūsia Isak puonuo Jakob
 ngulie, mu Jakob geinu upuotsanuo kerekeniakâ lhoulie.
 9 Sirâ upuotsanuo sūkâ Josef ngupie urâtadi puo zepie
 Ijupt kijūnu shūwa : derei Jihova puo zetuodi, kemezhie
 10 kechū neiūkâ nunu puo kelalie ; sidi Ijupt kijūnu kedū
 Faro mhâdzūnu puobu ugukemezhie pfū mu mhasipie
 puo kia ; sūla Faro puo chūpie puobu Ijupt kijū mu
 11 puoki petekâ mhârei kezha chū. Sūkisū Ijupt
 mu Kanan kijū pete inhâ pekreie vârdi, themia bu

- kemezhie phi : süla upuonuokâ ucha uva ngulie kenjüta.
- 12 Derei Ijupt kijünu telha ba ükechü Jakob-a siliedi
- 13 puothuo upuonuokâ ketsepie sünu shüria. Süsia süsiasâ
- 14 uva Josef-a puo siazedzüriakâ bu puo silie ; sizâmonyü
- 15 Faro burei Josef seyiemia ketuo dze silie. Süsia Josef-a
- 16 puopuo Jakob.mu puose puoyiekâ pete mia hietheniaa-
- 17 pengoukâ kelieze puo ki vâta. Sidi Jakob Ijupt kijünu
- 18 kedi, puo rei mu upuonaokâ rei sünnunu siatahu ; sirâ
- 19 miabu ukâ mâpie Shekem nu vâdi Abraham-a Shekem
- 20 nu Hamor nuonuokâ kinu shükei raka pie puoma chüdi
- 21 khrüpie kezhi mekhruu nu piezhüwa. Sirei Jihovaa
- 22 thiadzü Abraham inhâdzünunu puphrapie kezhi puo-
- 23 diepu teitsâ vâz tazhütse, Ijupt mhâ kedi Josef simozâ
- 24 kechüpuo kesier inhâdzü themia sükâ Ijupt kijü nunu
- 25 lhoupie kruo miamia sieta. Kedi süu uyie sükâ gei
- 26 kedâdadi upuonuokâ by ukâ nuonuokâ pelhou mvüdi
- 27 ukâ bu ukâ nuonuo nuoranuokâ kelhouwa ketuo ledi
- 28 ukâ pese phita. Sümesekisü Mosa penuolie ru, puo
- 29 zivi phi : sirâ puopuo kinunu khrü se puo theke : sidi
- 30 puo kelhouwatse Faro nuopfü puo chüpieliedi pie
- puothuo puonuo chütuoüdi puo thekelie. Sirâ miabu
- Ijuptmia mhasi khékâ pie Mosa petha ; sidi puo puodie
- zârei mu puomhathákâ zârei kuophi. Süsia puo
- kelhouzha chie hiedia nuotatse puonoupuo puo thuo vâdi
- Israel nuonuokâ puozekâ mehâkechü le sieta. Sükisü
- ukâ miapuo miabu puozhase kechü nguliedi puo themia
- süu yapie siedi puo kepesu Ijupt-u dukhriwadi puozu
- khapulie : puoa Jihova puo la Israelkâ kelashü tuoüzhü
- ükechü puo kezekâ silie tuo nhiamu ikechü le ; sirei
- ukâa sürei telie mozâ. Sirâ süsianhia ukâ miakenia
- kegeikezhüki puo sünia ki vârdi unia bu kezevila kelie
- ledi sie unia üse, Azenia. n nia keze siazedrürria zâa,
- mu kiüdi n nia huoniahuo gei n nia zhâsuoya mu ?
- sita. Sirei puo zanuomia gei puozhâ kesuo-u Mosa
- khoukegewadi sie puo üse, Supuonie n bu hienia mhâ
- kezha „morei hienia nya pepikechüu chünushü ga ?
- Nâ ndu Ijupt-u dukhri kewa tuoi nâ arei dukhriwa
- nyüya ma ? sita. Die sükâ sidi Mosa tavâ Midian
- kijünu lhou tuota ; mu sünnusünu puo nuonuo kenia
- lhoulie. Situodi chie hiedia tseitatsé teigei dieliemiapuo
- Sinai kijüthou merhie nhadânu seipuonynhâ kechüyâpuo

- 31 gei mi takebapuo nunu puo pengushū. Sirā Mosa sūu
 ngupie puo ngāta: sidi puo sūu mehāshū tuōūdi tuo
 32 penuo phitse, A n puonuokā Rhuo-u, Abraham mu Isak
 mu Jakob nuokā Rhuo *Jihova* žāwe, isikechū pfepuo
 33 silie. Sitse Mosa pekhrukhrudi mehā michieta. Sūkisū
 Niepuua sie puo ūse, N phi geinu n phlkou nia lhouwalie-
 chie: mhakekreilamonyū n ketha chūnu kijū mesa
 34 kechūla. A athemiakā Ijupt nu kebaŕā kemēzhie kechū
 ngutou batazā, mu ukā meheimelākechū, rei sibatazā; sirā
 ukā kelalie tuōūdi ker bawe; sūla nā tsie dājūliechie, a n
 35 ketsepie Ijupt nu shūtuo mu; sita. Mosa sūsū mia
 puo meliadi sie puo ūse, Supuonie n bu kezha morei
 kenya pepikechūu chūnushūga? iketau Jihovaa sūu
 ketseshūdi puobu seigeinu puo pengu keshū teigei
 dielieu rei zesadi mia mhā kezha mu mia kelakelie puo
 36 rei chūsa. Themia sūuštū thuo Ijupt nu mu Kemerie
 Dzūkezha nu mu Nhadānu rei chie hiedia ungā mha-
 thākā mu zasikā chūdi Israelkā shūta zetuo tsā.
 37 Thiadzū miapuo Israelkā ki, Jihovaa niekā siazekā
 dānunu a kemhie siadzekesipuo bu lhousiertuo ikechu
 38 pukeshūu Mosaa sūsū zā. Sūsū thiadzū nhanu ketuo
 kehonu mu Sinai kijūthougei nu puo rūchūkechū teigei
 dielieu mu upuonuokā zekētuo-u zā: puo kha utsū
 39 ketuola *Jihova* kinu kerhei die ngukeliu zā. Sirei
 thiadzū upuonuokā puodie zenyūmodi ukāthuo puo
 40 khou kegewadi ukā noua lavā Ijupt tsa leta; sisāmonyū
 ukā sie Aron ūse, Nā terhuokrāpuo chūshūdi sūkā bu
 ukā mhādzū tuoliechie: mhakekreilamonyū Mosa, Ijupt
 kijū nunu u meshūze kepar-u, puo kedipuo chūte shi, we
 41 simoteru; sisata. Sidi sūkisū ukā mithunuoyāpuo
 chūliedi mhasevār miarhi sūu rūsuodi ukāthuo ukādzie
 mhathā lazārei uncipie mhapuo chū.
 42 Derei Jihova ukā khawatadi ukā khapie ukā bu
 teigei kotuo *themvū kemhie* neiūkā rūsuo tuota; sūkā
 dze siadzekesikā leshūdau nu rei,
 Harie Israel seviekā, niekā chie hiedia nhadānu
 ketuokikā.
 Perinuo dukhripie mu mha khapie, a tsūdi a
 rūsuo ma?
 43 Sikechūu monyū niekā Molok rūsuopfeki rei
 Mu Rafan rhuo-u themvūu rei sa

Rūsuotuoūdi rhise toupfū tuo zā.

Sūla a nie whuopie Babilon tsewatuo ;

sikechū thupietuo.

44 Thiadzū upuonūokā nhadānunu Zhapupfekiū se ; mu
sūsū Mosa rūchtūdi puobu puo kenguu rhi kemhie
chūnu keshūu puoki kepu kemhie chū.

45 Upuonūokāa uthuo upuonuo kinu pfeki sūu nguliedi ukā
Joshua' ze vārdl ukā mhādzū hanu lhouketuo themia
neiūkā Jihōya thuo pedzū whuowadi ukā bu pfeki sūu se
46 lerkelie nhia nu vār David kelhouki ketsā bazā. Sūsia
David Jihova khriepfūliedi Jakob Rhuo-u Jihova bapuo
47 pfūshū nudi chata. Derei Solomon bu kipuo chū puo
48 tsū Siūderei petekā mhā kezathāua thedzie se kechū
kikānu baya mo ; die sūu dze siadzekesiua sie.

49 Teigei sū a kediba zā,
Mu kijūasū a phīzhā' kechūpuo zā : [tsūta ;
Niepua sie, Niekā ki kedipuomhie puo chūpie a
Morei a rūleichūu kedipuoā ?

50 A athuo adzie se mahakā petekā chū mo ma ? siya.

51 Harie, vāreilie kelhā mu nie nou mu nie nyie nunu nie
zhūrekemokā, niekā Kemesa Ruopfūu ngumvū seithaya
ze : nie puonūokā thiadzū chūkevār mhiei niekā tsierci
52 ohūbaya ze. Niekā puonūokā thiadzū siadzekesikā
supuo pesemo sier ga ? ukā Kemiathāu dze pedzū thapie
53 ukā kia keshūkā dukhri ze. Niekā teigeidieliemia dzie
nunu thezhā nguliedi zeyakemokā, niekā tsie *kemiathā*
sūu teshū kechūkā mu puo kedukhrikā ze. Sita.

54 Ukā die sūkā silietse ukā nourūpesedi puo gei ukā hu
55 thegei piebata. Sirei puo kemesa Ruopfū puo tsupfūdi
teigei mehā ter thata ; sūkisū Jihova kezie mu Jisu puo
56 zatsa ketha nguliedi sie, Harie, a tei kākeshū mu
Themia Nuo-u Jihova zatsa thadi ngu bate ; sita.
57 Sitse ukā melie ukā rhiechūdi udziepie nyie mekapfūdi
58 kezethuvā puo vapielie ; sidi ukā puo merhashūze
chasia pradi ketsiepie puo vata : sirā puo lepejā kechū-
59 kā upfo lhepie Saul ūkechū khriesamiapuo phinu piezhū.
Sirei ukā ketsiepie Stefan vakechūki puo Niepuu ki
60 chadi sie, Niepu Jisu, nā a ruopfū zeliemie ; sita.
Sūsia puo khoutoupfūliedi melie puorhicchūdi sie, Nie-
puu, nā kejā haupie ukā tsūgei shūhie chie ; sita. Sirā
puo die sūu pushūtse metha zetsūita.

PETHAKELIEKÄ TA LUKI HAKI KEVÄ. SAMARIA KIJÜNU
MU SÜSIA REI PITÖR MU JOHAN UNIA KAM

8 Sirä Saul rei puo dukhrikewa puo medä zä.
Sirä sünhia nu mia Jirusalem nü keba kehau pesepie
kemerie chü sierta : süla apostelkä rürbei sia ukä petekä
2 ta chüre Judia mu Samaria kijünia nu vâta. Derei
miathâmia krâpuo Stefan pievâ khruwa, mu puo
3 krükra rei phi. Sirei Saulwe kehoemia kemvü chüdi
ukä kiükânü ledi thepfumia rei thenumia rei teshü zevâ
kediekinu shü ituota.

4 Sirä ta chüre keprakâ rühou luki haki vâdi *Jihova*
5 dieu pie mia petha tuozâta. Sükisü Filip Samaria
ükechü rünaunu kedi Khristau dze pupie mia kia.
6 Sükisü sünu themiakâ Filip zasi chükeshükâ si mu ngudi
7 puo die kepukâ, keze uter chüdi rünyü. Sidi uramia
kerhu ruopfü bu uketsi *seketuokâ* themia kekra nunu
kerhu ruopfü sükâ shiekhouidi praça : sizâmönyü kerü-
8 nyiemia mu lalhimia kekra chüpevishü. Süla rüna sünu
uneiphita.

9 Derei sükisü rüna sünu puoza Simon ükechü miapuo
thiadzü puo thuo puo üse kezhamia chüdi puo themoukâ
10 la Samariamia bu ungâphi ; sidi themia kechü kezha
petekâ puo die zedi sie, Themia hauha Jihova kekua,
11 kezhaü üya kezhaü zâ ; sita. Sidi puo telhe puothemou-
12 kä chüpie ukä bu ukä ngätuo ketala ukä puopfe zetuota.
Sirei Filip-a Jihova kedi mu Jisu zau dze dieliekevi
pupie mia petha kechü ukâa pelelietse ukä thenumia rei
13 thepfumia rei baptaiz chülie. Sükisü Simon thuo rei
pelelie : sirä puo baptaiz chülie tatse Filip ze seituo
zâta ; mu sükisü zasikâ mu ungâ mhathâ kezhakâ
chükellie ngudi puo ngâta.

14 Sirä Jirusalem nu keba apostelkâa Samariamia rei
Jihova dieu zelieta ükechü silietse ukä Pitör mu Johan
15 ketsepie sükâ kishü : mu unia ketse sükâ burei Kemesa
Ruopfü ngulie tuoüdi sükâ la chashü : mhakekreilamo-
16 nyü sükisürei puo sükâ mhâgei vâre mo zâluo ; ukä
Niepu Jisu zanunu baptaiz chükellie rürbei zâ kechüla.
17 Sükisü unia uniadzie chapie sükâ gei shü ; sitse ukä
18 Kemesa Ruopfü ngulie. Sirä apostelkä udzie chakeshü
geinu miabu Kemesa Ruopfü ngukellie. Simon-a ngudi
19 raka üse unia tsü tuoüdi sie, Abu rei adzie chapie miagei

- shü rä, miabu Kemesa Ruopfü ngulie ketuo kekuo hau
 20 atsüchie ; sita. Derei Pitor sie puo üse, Nâ shükei raka
 se Jihova mhaphruo khrükeli lekechü la nâ rei n
 21 shükei raka ze këkanu vâtalie. Nâ haunuha n za morei
 n ya puorei bamo : mhakekreila monyü Jihova mhâ-
 22 dzünu n nou mezhü bamo kechüla. Süla n noudâ
 kesuokâ vashü n tsütuo mo lhe shiü n medâ kesuo hakâ
 23 kediwâdi Niepuu ki chafie chie. Mhakekreilamonnyü nâ
 n kerüzhükâ pie n reipfü tuo keta mu kesuo die chü tuo
 24 keta a n ngu batâ zeru. Sitse Simon lasie unia üse, N
 nia kepukâ puo rei bu agei phir hienü kechüla n nia ala
 Niepuu ki chachie ; sita.
 25 Süsia unia Niepuu dieu zhapu chüdi se miaki puwadi
 la Jirusalem nu vârtâ tuoü kezhüki Samariamia rûna
 kekra nurei dieliekeviu pupie mia kiashtë.

FILIP-A DIELIEKEVI PIE ETHIOPIA MIAPUO KI PUKESHÜ

- 26 Derei Niepuu dieliemiapuo Filip rüchüdi sie, Nâ sied
 tuose pesâtsatie Jirusalem nunu Gaza nu keke chau nu
 27 vâliechie ; süsü nha cha zâ ; sita. Sitse puo sied tuoke
 ru ? Ethiopia miapuo ngulie. Themia süsü Ethiopiamia
 kedipfü Kandase khrâ, puo raka pete seya kezha
 kezaphi miapuo. Puo Jirusalem nunu Jihova rûsuo
 28 tuoü vâdi lavâr zhü ; sükisü puo puobagei gei badi
 Isaya siadzekesiu leshü phrütuo. Süla Ruopfüua Filip
 29 üse, Nâ puo penuo vâdi bagei süu zetuolie chie ; sita.
 30 Sitse Filip ta puo ki vâdi puo Isaya siadzekesiu leshü
 phrüketuo siliedi sie puo üse, Nâ phrü ketuokâ *puocha*
 31 si mo ? Isidi puo ketsâ. Sitse puo sie, Huomia pushü
 a kia molirâ, a kikidi silieta ? sidi puo Filip bu pfü
 32 puoze balie nuta. Mu puo Kethâleshü nu die phrüke
 tuokâ hakâha zâ :

Tekuo dukhri tuoüdi zekevâ tuoi puo zevâ ;
 Sirâ tekuonuonuo puomie kebeu mhâdzü keme-
 krie ba kezha tuoi,

Süsütuo puo puotia tiagashü chie mo :

Mia puo zhase kechüki mia puo dienya kechütou
 mote :

Supuonie puo seyiekâ phrü kekralieta ?

Puo'kijü hanu bamota zeru.

- 33 Sirā Ethiopiaua lasie Filip ūse, Nā aki pushū thia,
 Siadzekesiu diehauha pukechū, supuo dze puga? Puo-
 thuo puodze mo miakerekreimia dze ga? sita. Sitse
 35 Filip Kethāleshū sūnunu puchie śiedi Jisu dze pupie
 36 puo kiavāta. Sidi unia tuo zāvā zhūru vā dzūpuo
 penuolie; sitse Ethiopiaua sie, Harie; *haki dzū be!* mu
 38 a baptaiz kechū khamo nhia mu? sita. Sūsia puo
 puobagei pethalie nushū; sidi Filip rei muf Ethiopiau
 rei unia keninia dzūnu kedi; Filip bu puo baptaiz chū.
 39 Sirā unia dzū nunu partatse Niepuu Ruopfū Filip
 zetuota. Sūsia Ethiopiau puo ngula chie mota. Derei
 40 puo puonei sieidi tuo puora vāta. Sirei Filipwe vā
 Azota nunu miabu puo ngulie: sūnunu rūna neiūkā nu
 vādi diekiekeviu pupie mia kia zā vār Kaisarea tsālie.

SAGL PUONOU KEDIKELIE; SIDI DAMASKA NUREI MU
 JIRUSALEM NUREI DILIEKEVI PUPIE MIA
 PETHAKECHŪ

- 9 Derei Saulwe sūkisūrei Niepuu siadzikā kechūkede
 mu ukā dukhri tuoū khuboupfūdi phichūkezhau ki vādi,
 2 kepethadie sūu zeya kezha thenu rei thepfu rei kehu-
 puorei ngukeliekā teliedi mhapie uphi udzie kekha ze
 Jirusalem nu vāta tuoūdi, puobu *sūdze* leshū thupie
 Damaska rūnanu *Judamia* kehokikā nu *hukum* kha-
 shūnu kechū chalie.
 3 Sūsia puo tuovā zhūru tuose Damaska rūna penuo
 vāllitse, teigei nu keziepuo zāpuomhazā tsur puo khie
 4 lutsa hatsa vapie ziekruoita. Sitse puo te kijū tsuta;
 sirā sūkisū miapfepuo puo ūse, Saul, Saul, nā kiūdi a
 peseya ga? ikechū kepu siliedi puo sie. Niepuu, nā
 5 supuo ga? sita. Sitse sūua sie, A Jisu nā puo peseya
 6 kezha zā. Derei nā siedi tuo rūnanu lelie; sirā n bu
 chū morā kesuokā se n ki pushū tuo; sita. Derei
 7 Puoze kevākā miapuorei ketha ngumodi puopfe rūrbei
 8 sizā kechūla thāpfū thata. Sūsia Saul kijūna sierta; di
 mhirhāshūru, mhapuorei ngumota; sidi puo kezekā bu
 9 puodzie merhashūliedi puoze Damaska nu leta. Sūkisū
 puo zha se mha rei ngumo mu mhachū mhakria mo
 bata.
 10 Sūkisū puoza Anania ūkechū pethakeliēpuo Damaska

- nu ba; mu Niepuu puozie geinu puo ūse, Anania, si.
- 11 Sitse puo sie, Wei, Niepu; sishū. Sitse Niepuu puo ūse, Nâ siedi tuo Kemezhū ūsiya kezha chaūu nu vâdi Juda kind Tarsmia puoza Saul ūkechūpuo dze ketsâchie: mhakekreilamonyū puo chabata kechūla;
- 12 mu puo rei Anania ūkechūmiapuo puobu mhangulie nudi puo kinu lerdī puodzie chapie puogei keshū *puozie*
- 13 *geinu* nguliete: sita. Sirei Anania lasie, Niepuu, themia hauha Jirusalem nu n themia kemesakâ gei puo zhâ
- 14 suophi vârkechū a themia kekra kinu puo dze silie: sirâ puo hanu zârei phichūkezhau kinu N rūsuoŷa kezha
- 15 khekâ telie tuoūkechū hukum chaliete; sita. Sirei Niepuu puo ūse, Nâ tuo-u tuovâlie: mhakekreilamonyū a puo kedapie puobu Judakemokâ mu kedikâ mu Israel nuonuokâ mhâdzū nurei azau se pushū tuoū kechūpuo
- 16 chūlieta kēchūla: sizāmonyū puobu aza la kemezhiephi morâkesuokâ rei a thashū puo kiatuo: sita.
- 17 Sūsia Anania tuovâdi ki sūuan le; sirâ puodzie cha puogei shūdi sie, Asiazeu Saul, Niepuu Jisu, puothuo chala nunu n pengukeshūu, n bu mhanguliedi Kemesa
- 18 Ruopfū bu n tsulie ketuola a ketseshūwe; sishū. Sirâ sishūtse metha puomhi geinu mhalhe krâpuo rŭkou tsuta, sitse puo mhangulie; sūsia puo siedi baptaiz
- 19 chūlie; sidi puo mhachūliedi meteilie.
- Sūsia puo zha huoyâ Damaska nu keba pethakeliekâ
- 20 ze ba; sidi Jisu Jihova Nuo-u zâ ūkechū *Judamia* kehokikānu kenourheidi pu mia kia bazâta. Sūkisū
- 21 puodie kesikhekâ ungâdi sie, Jirusalem nu Theza hau rūsuoŷa kezha khekâ kechūpetsaza watuoū ketuo-u hauha zâ moma? sizāmonyū puo hanuharei vârkechū mhakekreilamonyū puo mia teliedi mhapie miaphi miadzie kekha ze phichūkezhakâ mhâdzūnu vātuoū
- 22 ketuo zâ; sita. Derei Saul puodie kuo sa kechūdi sūsū ūse Khristau zâ ūkechū pukemechie tsuo pie mia kiadi Damaska nu keba Judakâ die vapejūwa.
- 23 Sirâ zha huoyâ sibadi Judakâ puo dukhriwa tuoūdi
- 24 keze kedâva bata: derei Saul ukâ dâ sūu silie. Sidi ukâ puo dukhrikewa ledi teisâ teizei kharukâ nu puocha
- 25 dze bata: sirei puodie pelekeliēkâ pezej mekhâpuo nu puopie shūliedi dahou kechiepuo nunu puo ketsiepie dahou sia shūwa.

- 26 Süsia puo Jirusalem nu vârlietse pethakeliekâ ze
kepekrâlîe nyüsie: derei ukâ puo üse pethakeliepuo
27 ükechü pelemodi ukâ petekâ puo preita. Sirei Barnaba
puoze apostelkâ ki vâdi, puo chala nunu Niepuu ngu
kechü mu Niepuu puoze kerüchü kechü mu puo Da-
maska nu Jisu zase thepfusedi mia petha kechükâ se ukâ
28 ki pushü. Süsia puo Jirusalem nu ukâ ze khâ mu kedi
29 thepfudi Niepuu zanunu mia petha tuota: sidi puo
Grikdie kepu Judakâ ze kerüchüdi kemeü bata; sirei
30 ukâ puo dukhrikewa hrüba zâta. Sükisü puo kezekâ
süsü silietse ukâ puoze Kaisaria nu kedi puo ketsepie
Tars nu shüwa.

KEHOU VIKELIE. LUDA MU JOPA RÜNA NIA NU
PITOR UNGÄ MHATHÄ KECHÜ

- 31 Sirâ Judia mu Galil mü Samaria rüna khekâ nu
kehokâ lhou menedi, meteilie; sirâ Niepuu khrüpreidi
lhou mu kemesa ruopfüu bu unou chüpeluodi kralie.
2 Süsia Pitor rühou luki haki vâdi tuose Luda nu keba
33 kemesakâ kirei ke. Sidi sünusü puoza Ainea ükechü-
miapuo, chie thetha puo zhünu zhü seiketa puo ngulie;
34 themia süu rünyie. Sükisü Pitor puo üse, Ainea, Jisu
Khrîsta n chükeshürhâshü tuoüzbie mu nâ siedi n zhü
35 tsüliechie. Sishütsemetha puo siethata. Süla Luda
mu Sharon kijünu keba khekâ puo ngudi rüdi Niepuu
kitsa vârta.
36 Sirâ Jopa nu puoza Tabitha ükechü pethakelie pfü-
puo tuo; *Grikdienu* puoza Dorka üsi: thenusüpfüsü
37 mhapie mia tsü mia zakechü mu mhakevikâ rei chüphi.
Sirâ sükisü puo mhachüdi siata: sidi mia puo khrüpie
38 kibou pesâ puogei piezhü. Sirâ Luda mu Jopa unia
kepenuo kechüla pethakeliekâ Pitor üse sünu ba ükechü
siliedi mia kenia ketsepie puo ki shüdi puo chabeidi sie,
39 Nâ hie ki vâr menuota hiezâ, chie; sishü. Sitse Pitor
siedi unia ze vâ. Sirâ puo vârlietse ukâ puoze kibou
pesâgei vâ: sükisü thenu sami khekâ puokhieki thadi,
Dorka ukâ ze kebaki chüpie kezhü bouliakâ mu pfeme-
neikâ chüpie puo kiadi kratha.
40 Derei Pitor ukâ petekâ bu kitia pratadi khoutoupfüdi
chashü; sidi reivâ themâ tsatie petsoudi sie, Tabitha,

- sieliechie! sishū. Sitse puo mhirhâlie; sidi puo Pitor
 41 ngulietse puo sie balie. Sitse Pitor puo dzie teshuliedi
 puo merhashūsie thalie; sidi puo kemesakâ mu thenusa-
 mikâ kieliedi puo chūperhei sipie ukâ bu puo ngulie.
 42 Sirâ Jopa nu keba petekâ sūsū siphre bata; sūla themia
 43 kekra niepuu pelielie. Sūsia Pitor telhe Jopa nu Simon,
 chūzhū kechūmiapuo, ze bata.

KORNELIA REI MU JUDAKEMOMIA KRĀPUO REISA
 KEHOUNU LERKELIE

- 10 Sūsia puoza Kornelia ūkechū miapuo Kaisaria nu ba.
 Puo Italia ūkechū chūpaihimia krâ kriapuo mhâ
 2 kezhapuo chū; mu puo puo kinukâ petekâ ze Jihova
 khrū preidi mha rei kha mia tsā phi, mu Jihova ki cha
 3 sei baya kezha themia kepiathâ puo chū. Puo khu-
 nhiapuo thehesia keba se kevū meseki puozie geinu
 mhapuo ngu: sūsū Jihova dieliemiapuo puo ki kerdī
 4 sie puo ūse, Kornelia, isi. Sitse puo sūu mehâ ter thadi
 michiedi sie, Kiūga? Niepu; sidi ketsâ. Sitse sūu
 5 puo ūse, N kechakâ mu n mbazakâ si khâ Jihova tsâ
 bate. Mu mia ketsepie Jopa nu shūdi Simon, puoza
 6 kekzeiu Pitor ūkechū miapuo kie zevârliechie: puo
 Simon chūzhū chūkezhama, puo ki dzūkezha khieki
 7 keba miapuo kinu vā baho; sishū. Sirâ teigeidieliemia
 puo ze kerūchū kechūu tuotatse, puo puokituomia
 miakenia mu chūpaihimia puolie chūsei baya kezha
 8 kemiathâmia puo sa kielie. Sidi ukâ ki diesū petekâ
 pumenuoshūdi puo ukâ ketsepie Jopa nu shū.
 9 Sirâ sūsianhia ukâ tuotuovâ rūna penuo kelieki Pitor
 barābazhū meseki chatuōdi tuo ki mhāgei sie: sūkisū
 10 puova merūdi mhachū nyūta: derei mia kechūcha
 11 kesekebanu puo siamiakemi zhūta. Sūkisū puo tei
 kâkeshtū, mu mhabou pfe kezha kemhiepuo ke diakâ
 12 khedi petepie kijū keshū ngulie: mu sūnusū nhachū
 phidia pfū mu kijū goutuoya kezha khunuokâ mu
 13 teirakâ neiūkâ tuo. Sirâ mhapfepuo rei sa puo ki
 14 vârdi, Pitor nâ siedī dukhri chūliechie; si. Derei Pitor
 sie, Sisuo mu, Niepu, a mhakipuorei mhazhūkemo mu
 15 mhamesakemo puorei chūya chiemo mu; sita. Sitse
 sūsiasâ uvarei puōki, Jihovaa chūkemesa keshūu nâ

- 16 süu pu perhu hiechie; silata. Sirâ sükemhie va se
chü: süsia mhabou süu sela teigei sieta.
- 17 Sitse Pitor-a puo mhakengu süu puocha kedipuo shi
hechü lepie puonou kephâkemâ chübatse, harie,
- 18 Korneliaa ketsekeshü themiakâ Simon ki ketsâ vârdi
chare ki thadi, Simon, Pitor üyakezhau vâ r sünu bamo
- 19 moshi kechü mia kiedi ketsâ. Sirâ Pitor mhakenguu
dze lekebanu Ruopfüua puo üse, Harie mia se n pfüya
- 20 lie; süla nâ siedi tuo ke mhapuorei kenoudâ hiezâdi
sükâ ze vâlie: mhakekreilamonyü a ukâ ketseshü
- 21 kechüla; sita. Sitse Pitor themia sükâ ki kedi sie,
Harie, niekâ puo pfüya kezha sü a zâwe: mu niekâ
- 22 kedipuola vâ r ga? sita. Sitse ukâ sie, Kornelia,
chüpaihi kria mhâ kezha chüyakezha, themia kemiathâ
mu Jihova khrü preiya kezhamia, mu Judamia themiakâ
petekâ mhâdzü thetse pfüya kezha miapuo, Jihovaa
puodielie kemesamiapuo bu puoki pushüdi puobu mia
ketseshüdi n kienze puo kinu vâdi n kinu die rünyünu
- 23 shülie; sishü. Sitse puo ukâ kienze ledi ukâ pesâlie.
- Sidi süsianhia puo siedi ukâ ze vâta, mu sükisü Jopa
- 24 nunu puo kezekâ huomia puoze vâ. Sirâ süsianhia ukâ
keze Kaisaria nu lelie. Sükisü Kornelia puose puo-
yiekâ mu puo khriethâ khriechümia kenuora kebamia
- 25 kiezevâ kengudi ukâ pfeba. Sidi Pitor kinu letse khâ
puoze kengudi tsu puo phinu zhüliedi puo rüsuo zhüta.
- 26 Derei Pitor puo phouliedi sie, Nâ siethalie chie; arei
- 27 themia zâwe; sita. Sidi puo Kornelia ze kerüchüdi
kinu leri themia kekra vâ r kengu keba nguliedi sie
- 28 ukâ üse, Judamia miapuorei vâ rüna kekreamia ze
kepetsü kepekrâkechü morei sümia ki vâkechü thezhâ
mozâ kechü niekâ rei sibatuo; siüderei Jihovaa abu
- miapuorei üse rhu morei mesamo ükechü puhie nushü:
- 29 a süla mia a kievârtse mhapuorei kenyamozâdi vârtse.
Sülaniekâ kedipuo kechü ledi a kelie shüü aki pushüchie;
- 30 sita. Sitse Kornelia sie, Thia zha diate, a thehesia
keba se kevüki a kinunu chaba ru, harie, miapuo pfe
- 31 kekra sedi vâ r mhâdzünu thaliedi sie a üse, Kornelia,
n kecha rünyüliete, mu nâ mhapie mia tsü mia za
- 32 kechükâ sikhâ Jihova tsâ bate. Süla nâ mia ketsepie
Jopa nu shüdi Simon, Pitor üya kezha, kienze n ki
vârliechie: puo vâ dzükezha khieki Simon chüzhü

- 33 chüya kezhamiapuo kinu baho ; site. Süla a kenourhei
mia ketsepie n ki shüru nâ vâr kechü vise we. Sirä
thia hiekâ n kinu Niepuu n ki pukeshü kheka rünyü
34 tuoüdi vâr Jihova mhádzünu baphrewe ; sita. Sitse
Pitor sie,
- 35 Jihovaa miapuorei rhu pekreyia mo : derei themia
neiükâ dânu puo khrüpreidi lhou miathâya kezhamia puo
36 sümia ngu puonei kechü a letoulieta zâ. Jihova Israel
nuonuokâ bu petekâ mbâ Niepuu Jisu Khrista kinu
37 kevichükewâ dieliekeviu kepu siliete. Niekâ rei sibatuo-
weü, die süsü Johan-a baptism kechü dze pupie mia
petha kechü sianu Galil nunu puchieliedi se Judia petekâ
38 nu puvâ ketau zâ Süsü Jihovaa Kemesa Ruopfü mu
kekuo kha puogei shüdi puo kedakelieu Nazaret Jisu
dze zâ : puo luki haki vâ mhakevi chü mu terhuokesuo
bu ukehyukezhie zetyoketa khekâ chükeshürhâlie ;
39 mhakekreilamonyü Jihova puo zetuo zâ kechüla. Sirä
puo Judamia kijü petekânu mu Jirusalem nu mhachü-
kechü khekâ zhapukâ hie zâ ; mia seigeinu süu pie goudi
40 dukhriwata. Sirei Jihovaa zha senhia puo chüperhei-
41 laliedi puobu lavâ, themia petekâ monyü Jihovaa
thiädzü kedakelie puo zhapu hiekâ rürbei mgingu
chüshü ; mu hiekâ puo kesiakâ dânnu rheilasieketa
42 sia rei puoze mhachü mhakria rei zâ. Sidi puo hiekâ
bu mia mhádzünu Jihovaa kesiakâ mu kerheikâ
nyiekechü kechüu chütuoüdi kedakeshüu sü puo zâ
43 ikechü pu mia kia mu puo zhapu chünushü. Sizâmonyü
puo pelekeli kehekâ puo za nunu ukephumakâ valalie
tuoü kechü siadzekesikâ petekâ puo zhapu chüvâr zâ.
Sishü.
- 44 Sitse Pitor die sükâ pu ketha nu diesükâ kesi khekâ
45 gei Kemesa Ruopfü vârli. Sükisü Pitor ze kevâr
uzhürcpfü zâdi pelelie ketakâa kemesa Ruopfü Judake-
46 mokâ mhârei vârphi kechüla ukâ ngâta. Mhakekreila-
monyü ukâa Judakemokâ pfe neiü se mhapudi Jihova
47 tsephi'kechü si ketala. Sitse Pitor sie, U kemhie Kemesa
Ruopfü ngukelie hakâha baptaiz chühie nu kechü
48 huomianie dzü khalie vi ma ? Sidi puo ukâ bunu Jisu
Khrista za nunu baptaiz chülienu kechü puo die khashü.
Süsia ukâ puo bunu zha huoyâ ukâze banu beita.

- 11** Sirâ apostelkâ mu Judia nu keba kezekâa Judakemokâ
2 rei Jihova die zekelie silie. Süsia Pitor Jirusalem nu
 vârtse uzhürekepfükâ puoze kemeüdi sie, Nâ uzhüreke-
3 mokâ kinu vâdi ukâ ze mhachü mhakriate dia; sita.
4 Derei Pitor süudze ukâ ki pu menuo shütuoüdi sie, A
5 hadzü Jopa rüna nunu chabaru : a sjamiakemi zhütadi
 mhapuo ngu; süsü pfekezha kechü kemhie mhaboupuo,
 puoke diakânu mhaüse khedi teigeinu ker; mu süu ker
6 a tsâiie. Sidi a puo mehâ terdi mhalé baru, sünusü kifü
 gouyakezha nhachü phidiapfü mu nhânu tuoya kezha
 nhachükâ mu khunuo gouya kezhakâ mu teirakâ rei tuo
7 ngulie. Sizâmonyü mhapfepuo rei sa silieru, süsü a
 üse, Pitor, nâ sieliedi hakâha dukhri chüliechie; sita.
8 Derei awe sie, Suomu, Niepu; a mhakipuorei mha ke-
 rhu morei mesakemo se a menu pelerya momu; sita.
9 Sirei süsiasâu varei teigei nu a üse; Jihovaa chükemesa
10 keshüu nâ süu puperhu hiéchie; silata. Mu a üse si
11 se; süsia sükâ pete teshüla teigei khâta. Sirâ sükisü
 Kaisaria nunu mia se ketsepie a ki keshükâ vârdi hiekâ
12 bakechü kiu mhâdzünu thata. Sitse Ruopfüua abu
 kenoudâ hiezâdi ukâ ze vâlie nuta. Mu uzekâ mia sorou
 hakâha rei aze vâ: sidi hiekâ keze Kornelia kinu leMetse
13 metha; puo sie hiekâ üse, hadzü teigei dieliemiapuo puo
 kinu vârtaliedi sie, Nâ mia ketsepie Jopa nu shüdi Simon
14 Pitor üya kezhau kienze vârliechie; puo n ki diekrâpuo
 pushütuo; die sükâsü se nârei mu n-kinukâ rei kelalie-
15 tuo; sita ü sita. Süsia a diepu sietse thiadzü tseki ugei
16 ketsur tuoi ukâ geirei Kemesa Ruopfüu tsurta. Sükisü
 a, Niepuua puothuo sie, Johan thiadzü dzünunu niekâ
 baptaiz chü, derei niekâwe Kemesa Ruopfüu nunu baptaiz
17 chülietuo ikechü pupie kezhü dieu a sialelie. Ka, sirâ
 thiadzü ukâ Niepu Jisu Khrista pelelietse, Jihovaa
 Kemesa Ruopfü methuopie uketsü touu pie ukâ rei
 tsülirâ, a themia kikechüpuodi Jihova khâlie tuoga?
18 sita. Sirâ ukâ rei diesükâ silietse, kemekrie zeidi
 Jihova tsedi sie, Süsiasü Jihova puothuo Judakemokâ
 burei kerheinu vâlie ketuola ukâ nou chükedishü ukâ
 tsüzeru sü; sibata.

ANTIOKNU DIELIEKEVI PUPIE MIA KIASHÜTSE
THEMIA THENOU KEDIKELIE

- 19 Sirâ hadzü Ștefan la kemezhie kesier uva rûhou
chûre uthetseki kevâki ukâ Jihova dieu se mia petha
Fonikia mu Kupra mu Antiok nu vârei Judamia ki
20 rûrbei sia miâkekreamia ki puchiemo zâ. Sîrei ukâ krâ-
mia Kupra mu Kurinmia krâpuo Antiok nu vârdi
21 Niepu Jisu dzê pupie Grikmia rei kiashû. Sirâ Niepuu
kekua-u ukâ zetuo kechûla themia kekra peleliedi rûzie
22 Niepuu kitsa vârtâ. Sûsia Jirusalem nu keba kehauu
themia sükâ dze silietse ukâ Barnaba ketseshûdi puobu
23 zâ Antiok nu vâ. Mu puo sünü vâtse vâ Jihova puo-
thuo mia ngumezhie keshû nguliedi puo neiphita : sidi
puo ukâ bu unou uthâchûdi Niepuu pele tsapie balie-
24 nudi ukâ non chû kethepfu shû : puo rei themia kevipuo
mu Kemesa Ruopfû mû kepele rei se puotse kepfûmia-
25 puo zâ. Sirâ themia kekra Niepuu kitsatie vârlie.
26 Sûsia puo Saul pfû Tars nu vâ ; sidi puo ngulietse
puoze la Antiok nu vâ. Sidi unia chietepuo mese sünü
kehauu ze kehoubazâliedi themia kekra pethalie ; sî-
kisû Antiok nu keba pethakeliêkâ üse Khristan kieria
sieta.

MIA KEHOUU FESE KETALA JIRUSALEM NU KEHOU
KEMEZHIE KECHÛ ; JAKOB KEDUKHRI MU TEIGET
DIELIEMIA PITOT KELALA KESHÛ ; MU KEHOUU
NGUKEMVÛU HEROD SIAKETA

- 27 Sirâ sükisû Jirusalem nunu siadzekesi krâpuo Antiok
28 nu vâ. Mu ukâ miapuo puoza Agaba ükechûpuo sier
ukâ mhâdzü nu thaliedi Ruopfûu medâ nunu sie, kijû
petenu pekriepie kemerie chûtuou kechû puta : mu
29 sūsû Klaudia kelhouki chû. Sûla pethakeliêkâ pete
chûlie kevichie Judia nu keba ukâ kezekâ cha chû
ketuola mha kha ukâ khruohishû morâ kesuo lebata :
30 mu ukâ mha kha Barnaba mu Saul unia peseshûdi sevâ
pehükâ ki shû.

- 12 Sirâ sümese kisû Herod kediu kehoumia huo bie-
2 pesuo tuoü sieta. Sidi puo zhiêchapie Johan nuo-
3 dzûriau Jakob dukhriwa. Mu sula Judakâ uneiketa

- siliedi puo miabu Pitor rei telie. Mu sūkisū khrei ūse
- 4 shūmodi niekhrūda kechū zhaki zā. Sirā puo puo
telietse puo khapie kediekinu shūwadi chūpaihimia mia-
diadia bu kevali puo pfepe nuwata ; sūkisū puo kela-
kelienyū sianu puo ze themiakā mhādzūnu kevā leba.
 - 5 Sūla Pitor khapie kediekinu ba : derei sūkisū kehōua
puo la uteitsā chūdi Jihova ki chaba. Sirei Herod
 - 6 puoze parketuo mhādzū zhū Pitor chūpaihimia kenia
dānunu thezhūrā kenia se puo khepfūdi zezhū : mu
rūkhōumia krāpuo kikha mhādzū nunū kedieki pfetha.
 - 7 Sūkisū harie, Niepuu dieliemiapuo vār puo khieki thalie.
mu kediekibou sūnu keziepuo mhava zie-krouita : sirā
puo Pitor tie kepfūshūdi puo kesouliedi sie puo ūse, Nā
tuomha sieliechie ; sita. Sitse thezhūrāpie puo khepie
 - 8 kezhūnia puo dzie nunu rūlhouta. Sitse teigei dielieu
puo ūse, N pfepie n chiophāliedi n phikou rei chūpfūlie ;
sita. Sitse Pitor sikechū chūlie. Sūsia teigei dielieu
puo ūse, N pfedzieu chūdzieliedi a siamedzilio ; sita.
 - 9 Sitse puo tuopradi puo siamedzilie ; derei puo zie geinu
mhapuo ngu zānhiamu idi teigeidielieu chūkeshūkā
 - 10 kethā ūkechū letuo mo. Sidi unia keze rūkhōu keriau
mu sūsiasāu chievādi tuose mia rūna chūyā kezha
tsatie kevā thezhū kharu kiki vālie ; mu kharu sūsū
puothuo puo khrūpie unia tsū : sidi unia pradi chaūpuo
zevāzhū ; sitse teigeidielieu puo khawadi ngumo mhata.
 - 11 Sitse Pitor mechieliedi sie puothuo' puo ūse, A tsiewe
Niepuu puothuo puo dieliemia ketseshūdi Herod dzie
nunu mu Judamia medā petekā nunu a kelalieta zāke-
 - 12 chū sitoute ; si tuota Sidi puo die sūkā levāzhūru
tuose Johan, Mark ūyakezhau, nuozuo Maria kinu vār-
 - 13 lie ; ki sūnu themia kekra vākengudi chaba. Sūkisū
puo chare kikha ketou tharu, Rhoda ūkechū rūūmia-
 - 14 pfūpuo mehātuōūdi vār. Sirā puo Pitor pfe silietse
puo neidi kikha khrūshūmota. sidi ta kinu'ledi, Pitor
 - 15 vār kikha mhādzūnu tha ūkechū se miaki pushū. Sitse
ukā puo ūse, Nā nyate nhia ; sita. Sirei puo puo thā-
 - chūdi sie sizā kethā ūta. Sitse ukā sie, Puo khrū zā
 - 16 pekrūo ; sita. Sirei Pitor kikha ketou bazāta : sūla ukā
 - 17 vā kikha khrū pra puo nguliedi ukā ngāta. Sūkisū puo
ukābu meliehie nudi dzieziashūdi, Niepuua kediekinunu
puoze parkeshū dze pu ukā kiashū. Sīzāmonyū puo

- sie, Die hakâpie Jakob mu ukezekâ ki pushü chie ; sita.
- 18 Sishüdi puo tuose kekreditsatiepuo vâta. Sirâ teisâlietse
Pitor kedikipuo vâte shi isidi chûpahikâ dânu kebvü
- 19 petsa mota. Sükisü Herod puo pfüpejüdi kepfekâ ke-
tsâ kega menuodi sükâ dukhriwa nudi hukum khashü.
Mu sükisü Herod Judia nunu Kaisaria nu vâdi sünü
ba.
- 20 Sirâ puo Tur mu Sidon mia gei puoneimo phi bayaru :
ukâ keze diepuo chüdi vâr kediü kituo kezha Blasta
bu ukâ zhâpu chüdi ukâ rûnamia kediü rûna nunu
mhangu chüya kezha kediü ze kevi chüwa tuoüdi cha.
- 21 Sirâ zha chiekeshüpuo nhia Herod puo kedinyie se
22 puo ketsâliedi kediba gei baliedi ukâ ki mhapu. Sitse
themiakâ shiekhouidi sie, Puo pfe hau themia pfe
23 monyü Terhuomia pfe zâ ; sita. Sitse Niepuu dieliemia
puo, Herod-a Jihova tsemö kechûla siazhapie puo tsü
mhashü : sitse zâchü bu puo chüdi siata.
- 24 Sirei Jihova dieuwe kruopie miabu siphî vâta.
- 25 Sirâ Barnaba mu Saul unia sünü unia mhathâ chü-
tseiwadi Johan, Mark üyakezhau, zedi Jirusalem nu
vâdi sünunu lavârta.

MIA RÛNANU VÂ DIELEKEVIPIE MIA PETHA NUDI
BARNABA MU SAUL KEDAKELIE : SÛSIAREI KIJÛ-
RÛCHÛTSÂKEMO KUPRA NU KEVÂ. (CHAP-
TER 13 MU 14 PAUL, RÛVE THERIAUDZE)

- 13 Sükisü siadzekesikâ mu kepethakâ : Barnaba, mu
Niger üyakezha Sumeon, mu Kurinmia Lukia, mu mia-
nuonuo thekepie Herod siazeu chûkelieu Manaen, mu
- 2 Saul, Antiok kehounu ba. Sirâ ukâ Niepuu liechü mu
mevâ kebaki Kemesa Ruopfûa sie, Niekâ Barnaba mu
Saul kelakreipie a kitsatie shüliedi a unia bu mhapu
- 3 chütuoüdi unia kiekelieu chüliechie ; sita. Sitse ukâ
mevâ mu cha kechûki ukâ dzie chapie unia gei shüdi
unia ketseshüwa.
- 4 Sidi unia Kemesa Ruopfû bu unia ketseshütse, unia
- 5 Selukia nu vâdi sünü rou geinu Kupra nu vâ. Sûsia
unia Salami nu kebaki unia Jihova die pie Judakâ
kehokikâ nu mia pethashü ; sükisü unia Johan rei ze
- 6 unia lie chütuo. Sidi unia tuose kijürüchûtsâkemo

- süu petenu rühou vâdi Pafa tsâlie; unia sünustünu Barjesu ükechü Judamia siadzekesikethâkemo themou-
 7 miapuo ngulie. Puo rüna sünu kezha chüyakezhau Sergia Paul ükechü mhakesimia^{puo} zebaya. Themia süsü Barnaba mu Saul unia kienze puoki vâliedi Jihova
 8 die rünyükechü medâta. Sirei themou, miaramia dienu Eluma rei üyakezhau kezha kepeleu chükedikewa hrüdi
 9 unia ngumvüta. Sirei 'Saul, Paul rei 'üyakezhau Kemesa Ruopfü bu puo tsupfüdi themja' süu mehâterdi
 10 sie, Harie, kochür neiükâ mu kerüzhü khekâ se n tsukepfü Satan nuo-u kethâ petekâ ngumvüya kezha, nâ Niepuu cha kemezhükâ chüpesuo kechü khawalielhâ le ?
 11 Sirâ sizâmonyü, harie, Niepuu dzie n gei bate, mu nâ zâpuo n mhichiedi niaki *kezie* ngumo batatuo; sita. Sishütsemetha mhapuo vâ puomhi souliedi zeibouita; süsia puo huomia bu ptodzie teshüke nüdi mia pfü phi
 12 mu phi tuota. Sitse kezha mha sükäsü chüketa ngudi Niepuu die la puo ngâdi pelelie.

PAUL MU BARNABA UNIA PISIDIA KIJÜNU ANTIOK
 RÜNANU DIE LIEKEVI PUPIE MIA PETHA KECHÜ

- 13 Süsia Paul mu puo kezekâ ukâ Pafa nunu rou ze tuoshü, sidi Pamfulia kijü Perga nu vâlie; sidi sünu
 14 sünu Johan ukâ khawadil a Jirusalem nu vâta. Derei ukâ Perga nunu tuoza vâdi vâ Pisidia kijü Antiok tsâlie; sidi ukâ kerleizhanhia sükâ kehoukinu ledi balie.
 15 Sirâ thezhâu mu siadzekesi leshüda phrü keshü sia kehouki sünu keseya kezhakâ mia ketse ukâ kishüdi sie, Hie kezekâ, niekâ themianou chüpeluokeshü die huo
 16 balirâ, pushüchie; sita. Sitse Paul siethaliedi puodzie chasiedi sie.
 Israel themiakâ, mu Jihova khrüpreiya, kezhakâ,
 17 niekâ a die rünyüshüchie. Israelmia hakâha Rhuo-u Jihovaa keriaki uponuokâ kedalie mu ukâ vâ Ijupt kijünu lhouketuoki themia hakâ bu miaki vilie mu puo-
 18 thuo puo bou puo kekuo-u üse sünu sünu ukâ ze parlie.
 19 Sidi chie hiedia mesepuo ukrünuo uketheke tuo puo nahununu ukâ t̃heke ukâ vachü vâ. Süsia puo Kánan kijünu themia seyie kekreikechü theniakâ pekaçewa zenu ukâ bu rüna süu nu chie kria dia di biepengou mese Niepu

- 20 ohū. Sirā sūsia Samuel siadzekesiu lhousier kemochie
 puo, ketsā kezhakā bunu ukā mhā kezha chū vār.
- 21 Situodi sūsia ukā kedi puo chata: sūla Jihovaa Ben-
 jamin yiemia miapuo Kish nuo-u Saul bu chie hiedia
- 22 dāki ukā kedi chū. Sūsia puo kedi sūu whuolawadi
 David bu lhousier ukā kedi chū: Jihovaa puo zhapu-
 chūdi sie, A anou keletouu kemhie miapuo amedā khekā
- 23 chūketuo-u Jesse nuo David nguliete: sipiezhū. The-
 mia sūu seyie nunu Jihovaa pupie kezhūu kelakelieu
- 24 Jisu bu lhou Israelkā ki vār; puo kevār mhādzū Johan-
 a peria Israelmia petekā mhādzūnu thenoukedi kelie
- 25 baptism pupie mia petha ria. Situodi Johan puo
 mhathā sūu chūtseiwa tuoū kechūki puo sie, Niekā aū
 supuo ūkechū medaya ga? A sūu mo. Derei harie,
 miapuo a sia vār zhū; a puo phikou pharei phrei sū
- 26 mo; si tazé. •A kezekā, Abraham seyiemia nuonuokā
 mu niekā dānu Jihova khrūpreiya kezhakā, thia kela-
 kelie die sūu khapie ukā ki shūa.
- 27 Musirā Jirusalem nu lhouya kezhakā mu ukā mhā
 kezhakā puo si reimo mu kerleizha metsei siadzekesikā
 diekā rei phrūbaya zā rei simo kechūla puo lepefā
- 28 kechūnu sūkā chūtseilie. Sizāmonyū ukā puo dukhri
 kezhū mhapuorei nguliamo zā derei, ukā Pilat ki puo
- 29 dukhriwanu kechū hukum cha. Sidi ukā puo dze
 thupie kezhū khekā chūtsei phrewadi, useiu geinu puo
- 30 lhouse kerliedi pievā mekou puonu pezhūwata. Sirei
 31 Jihova kesiakā dānunu puo chūperheilaliete: sūsia puo
 teisāzha kekra Galil nunu puoze Jirusalem nu kevārkā
 tsie themiakā mhādzū puo zhapu chūyakezhakā pesi
- 32 pengu shū. Sirā thiadzū upuonuokā ki pupie kezhūu
 Jihovaa ukā nuonuokā kinu Jisu sūu chūperheiliedi
- 33 diesūu chūtseilie, hie thia dieliekevi sūsūsē niekā ki
 vārthā. Die sūu dze keriaki tsali keniau nurei, Nā
 anuo zā, a thia n penuolieta zā, ikechū thu reipie zhū.
- 34 Mu Jihovaa kesiamia dānunu puo chūperheilie kechū
 puobu chieū rie latamo tuoūdi zā, puoa sūdze rei, A
 David tsūketuo theja kemesa mu ngulie mechie zā
 kechūkā khapie n tsūtuo, isikechū rei puoa pupie zhū.
- 35 Sūla puoa keriaki tsali kekreibuo nurei, Nā n kemesau
 khapie puobu chieūrie keta chūlielhā, ikechū pupie zhū.
- 36 David-a Jihova medā zedi puothuo puo themiakā

- liechütuodi siata; sidi puo khapie puo puonuokâ
 37 sakhrüwa, sidi chieürieta; sirei Jihova puo chüperhei-
 38 kelieuwe chieürieta mo. Süla, akezenuokâ, niekâ
 siliechie: Themia süu geinu, kephuma kelala keshü se
 39 niekâ pethaya: sizâmonyü puo lanu pelelieya kezha
 khekâ Mosa zhâ nunu mezhülie kelhâ mhaneiükâ nunu
 40 mezhülalieya. Süla niekâ siadzekesi leshüdakâ nu,
 41 Harie, mia thiya kezhakâ, niekâ ugâdi kata
 ohie;
 Mhakekreilamonyü a niekâ kélhouki huomia
 niekâ ki pu zâ shierei niekâa pelelie kelhâ
 Mhathâ sikechüpua chütuoya zâ kechüla,
 ikechü pupie ketuokâ bu niekâ gei vârmo ketuola nie
 kireiliechie; sishü.
- 42 Süsia ukâ tuopratatuou kezhüki hasiau kerleizha nhia
 43 rei die sükâ pula shüradi puoki ohata. Sidi kehou
 kekâ tatse Judamia dânurei mu Judamia zhâ zeya
 kezha rüna kekreamia miathâmiakâ dânunu rei themia
 kekra Paul mu Barnaba unia siamedzi tuota. Süki
 unia ukâ zo kerüchüdi Jihovaa themia ngukemezhieunu
 ba seizâlie nudi ukâ hüsashü.
- 44 Süsiau kerleizhanhia rüna süunu themia petenuo
 45 Jihova die rünyü tuoüdi vâr kengulie. Derei Judakâ
 themia krâu ngutse, ukâ râpie mhapuo chüdi Paul diepu
 46 keshükâ üse moüdi thaphita. Sirei Paul mu Barnaba
 unia diepu thepfu phidi sie, Jihova dieu se niekâ ki
 puria keshü mese. Sirei niekâ die süu meliakegewadi
 kechachie kerhei ngulie sümo üketala, harie, hie tuo
 47 Judakemia kitsatie vâtatie. Niepuu hie ki rei,
 A n bu Judakemia keziepuo chü tuoüdi n
 kelakreiliete;
 Sidi n bu kijü valakânu mia kelakelie chütuo,
 ikechü pushü zâ.
- 48 Süsia Judakemiawe die süu siliedi uneiphidi ukâ
 Jihova dieu tsephita: Sirâ ubu kechachie kerhei
 49 ngutoulie tuoü ketuo khekâ sie pelelie. Sirâ Niepuu
 50 die rüna sükhie sümhou keba khekâ nu si vâta. Derei
 Judakâa thenumia therhu kepfü miathâkâ mu rüna
 sünu pehükâ ketsüshüdi, sükâ bu Paul mu Barnaba
 unia pesenu kechü mhapfükêrâshüdi unia whuopie
 51 urüna chievâwa. Derei unia uniaphi gei nyâphe

- 52 kepfüpie ukâ kitsa shüwadi Ikonía nu vâta. Siürei pethakeliékâ zâwe uneidi Kemesa Ruopfü bu utsupfübata.

IKONIA, LUSTRA MU DERBE NU PAUL MU BARNABA
UNIA MHATHÄ; MU SÜNUNU LA ANTIOK
NU KEVÄ

- 14 Süsia Ikonía nu unia keze Judamia kehoukinu lekechü unia die la Judamia rei mu Grikmia rei themia
2 kekra pelelie. Derei pelekemvü Judakâa Judakemokâ
3 pfükerhüshüdi ukâ bu kepelekâ ngumvüta. Unia süla telhe sünu badi Niepuu zase diepu urhie chübaťa; mu puoa unia bu zasikâ mu ungâ mhathâkâ chülie nudi kekua kha unia tsüdi puo miangukemezhie dieu zhapu chüshü. Derei rüna sünu themiakâ krâ kenia chüta; 4 sidi krâpuo Jüdakâ kitsa mu krâpuo apostelkâ kitsa thata. Derei Judakâ mu Judakemokâ ukâ mhâ kezhakâ zesadi unia zhase se mu ketsiepie unia vatuoü vâ tuouü 5 kezhu uniaa silietse, tase Lukaonia, Lustra mu Derbe rünakâ mu sükhie sümhou rüna chükebakâ nu vâdi, 6 dieliekevi pupie mia petha tuota.
7 Sükisü Lustra nu miapuo puo penuolietsenu puophi puolhesuodi mhakipuorei chatuo chiekemo kerünyie- 8 miapuo ba. Themia süu Paul mia kepethadie rünyü ba; sitse Paul-a themia süu puobu puo chüpevi shünü- 9 kechü pelekeba nguliedi puo mehâ ter di sie melie puor- 10 hiechüdi, Nâ sier n phiniapie rhuthaliechie; sishü. Sitse 11 puo karhü siedi chatuo tuota. Sitse themiakâ Paul mhathâ süsü ngudi melie urhiechüdi sie Lukaonia mia- 12 dienuu, Terhuomia themia rhi sedi ker uki tuote; 13 isidi ukâ Barnaba üse Jupiter chü, mu Paul diepukuo kechüla puo üse Merkuri chüta. Mu sükisü rüna süu 14 mhâdzânu keba rüsuokiunu *terhuo puo üse* Jupiter üya kezhauphichüa thudâ mu nyiepuo chükâ se kharu nu 15 vârdi themiakâ ze unia rüsuonyüta. Derei apostel Barnaba mu Paul unia die süu silietse unia uniapfe unianeî chierhadi tamhazâ themiakâ dânu vâ shie- 16 khoudi, sie, Harie themiakâ, niekâ kedipuo chüdi mahikechü chüya ga? Hierei themia'niekâ kemhie- mia ze; mu niekâ bunu mhakemethuo kemeruo hakâ

- nunu rüdila tei mu kifü mu dzükezha mu sükä nu ketuo
 kekä chükeshü rheituoya kezha Jihova ki välienu
 16 kechü dieliekeviu sevâr niekä ki thakechü ze. Puo
 nnhia nnhianu nu themia reiükä bunu uthuo umedâkânu
 17 tuo nuwate. Siüderoi puo teigeinu teiperürshüdi mha-
 bu puo si rüchülie ketuo teikâ thâshüdi, kechücha mu
 themia keneikâ se themia ketsukelhuo chüdi mhakevi
 18 chüdi puothuo puo zhapu chü bayazâ; sita. Sidi puo
 die sükä süse ukâ ki pudi themia sükä bu unia rüsuohie
 nukechü kha resedi khawa.
- 19 Sirei Antiok mu Ikonia nunu Judamia krâpuo sünu
 vârdi themiakâ ketsüshüdi ukâ bu ketsiepie Paul
 vadi puo üse siata üdi puo merhashüse pra ukâ chasia
 20 shüwata. Derei sükisü pethakeliekâ puo houpfütharu
 puo siedi tuose rüna süunu laleta; sidi süsianhia puo
 21 Barnaba zedi Derbe nuvâta. Sirâ unia rüna sünu rei
 dieliekeviu pupie mia kiashüdi themia kekra pethalie,
 sidi unia tuola Iustra mu Ikonia mu Antiok nu vâta.
- 22 Rüna sükä nu ukâ bu kepeleunu rüdimu bazâlienu mu
 we kemezhiekehrü neiükâ nunu Jihova kedinu le morâ-
 suo zâ ikehrü pupie pethakeliekâ tarhâ, mu ukâ nou
 23 chükethepfushü. Sizâmonyü unia kehou kekânu ukâ
 keseketuokâ keda phreshüdi mevâ mu cha idi unia ukâ
 24 kha ukâa puo pelekeli Niepuu dzienu shüwata. Süsia
 25 unia Pisidia rüna vathese Pamfulia nu vâta. Süsia
 unia Perga nurei Jihova die pupie mia kiashüdi Atalia
 26 nu keta; süsia sünusünu rougei siedi tuose Antiok nu
 lavâta. Rüna sünu mia hadzü unia khapie Jihovaa
 themia ngukemezhie mhathâ chünushü; mu unia mha-
 27 thâ süu chütseiwata. Sidi unia sünu välietse kehou
 kie kengushüdi Jihovaa unia ze mhachükelie kekâ mu
 puo Judakemomia la rei kepele kikhapuo khrükeshü.
- 28 die sükä se ukâ ki pu kemechie tsuoishü. Süsia unia
 pethakelie sükä ze ba cha thâta.

JUDAKEMOKÄ DÄNUNU PETHAKELIEKÄ MOSA CHÄ ZE
 ZHÜ MOMO SHI KECHÜ DZE KERÜCHÜDI
 PEPIKECHÜ

- 15 Süsia Juçia nunu themiakrâpuo kerd *Antiok nu keba*
 kezekâ pethadi sie, Mosa zhâ mhiei niekä zhüre kemo-

- 2 sia niekā kelakelie jū ; sita. Sūkisū Paul mu Barnaba
unia sūkā ze kemeūdi ukā kedierhechie motatse *sūnu*
keba kelekāa Paul mu Barnaba mu ukā huomia sadi
3 kezhakā ki sūu dze ketsā nuta. Sidi kehōu ukā ze vā
chalanu shūdi, ukā Fonikia mu Samaria rūna pfūthe
vādi miaki Judakemomia unoukedikelie dze pupie mia
nyienū reishū : sidi ukā la kepelekā petekā bu uneipie
4 mhapuo chū. Sūsia ukā Jirusalem nu vālietse kehōu
mu apostelkā mu kehōu keseya kezhakā ukā zelie, sitse
ukā Jihova ukā zetuodi mhaneiū chūkelie khēkā se
5 miaki pushū. Derei peleketa Farisimia krāpuo dānu
huomia sie, Judakemokā rei bu uzhūre mu ukā bu Mosa
zhā rei zeu kechū pukechū mese we ; sita.
6 Sūsia apostelkā mu kehōu keseya kezhakā vā
7 kengudi sūu dze kerūchū. *Sūkisū kerūchūse keba dānu
Pitor-a siedī ukā ūse,

- Harie, akezenuokā, niekā rei sibatuo, Jihovaa a tia
nunu Judakemomia burei dieliekeviu siliedi pelielie
8 ketuola niekā dānunu hadzūthā a kedaliēte. Sirā
thenou rei siya kezha Jihovaa u ki chūkeshū tuoi
9 Kemesa Ruopfū kha ukā rei tsūdi zhapu chū shūa ; sidi
puoa kepele se ukā nou chūmemesashūdi sūkā mu ukā
10 chūpie kekrei chiemo wate. Ka, di silirā, niekāa ukā rei
mu upuonuokā rei pfūlielhā keta vāchieu pie petha-
keliekā vāgei shūdi kidi Jihova neikemo chūya ga ?
11 Sikechūumonyū we rei Niepu Jisu u ngukemezhie la
sūkā tuoi kelakelie ngulietuo kechū peleba ze ; sita.
12 Sitse themia sūkā petekā zeidi, Jihova Barnaba mu
Paul unia zetuodi Judakemokā dānunu zasikā mu ungā
mhathā chūkeshūkā uniaa siedī sūkā kepu rūnyū bata.
13 Sirā ukā kemekriezei batatse Jakob-a lasiedī,
14 Harje akezekā, niekā adie rūnyūliechie ; Jihova
puothuo puoza nunu Judakemokā dānunu themiakrāpuo
kielie tuoūdi ukā ki vā ria kechū dze Simon-a pushūa.
15 Mu siadzekesikā die rei die sūuze kerhe ze ; sūu dze,
16 Hakā sia a lavārdi David pru tsāketau chū latuo ;
Mu a puo tsā puo rakā rei chūlaliedi,
Toula sesie balietuo :
17 Mhakekreilamonyū themia kekrei ba saluo
kechūkā

Mu Judakemo aza se tuoketa khekā bu

Niepuu pfūlie ketuola.

18 Keriakithānu mhasūkā chūpie mia pesikeshū
Niepuu hakemhie puya;

19 ikechū thupie zhū. Sūla anou kele, ukāa themia
judakemokā dānunu rūziela Jihova "ki vārkeliēkā ke-

20 hyuhie nukechū; mu sikechūumonyū ukāa themia sūkā
bunu terhuomiarihi la rhuketakā nunu, mu piētū kechū

nunu, mu khunuo chakhri di chachū kechū nunu, mu
thezia kechū nunu rei u kekhalie nukechū thupie sūkā

21 ki shū kechū vituo nhia ibazā. Sūsū nnhia nnhia nunu
rūna neiūkā nu kerleizha metsei *Judamia* kohouki

22 khekā nu Mosa *zhāu* phrūdi pupie mia petha tuota
zeru; sita. Sitse apostelkā mu kehou keseya kezhakā

kehou pete rei sa unciphretadi ukā krāu dānunu themia
kedaliedi Paul mu Barnābarsa ketsepie Antiok nu shū

23 tuoūta; sitse ukāa kepelekā dānunu pehūmia Barsaba
ūreiya kezha Juda, mu Sila unia *kedalie*. Sidi ukā

leshū rushū sūnia dzienu shū; mu sūnu sū, Apostelkā
mu kehou keseya kezhakā mu niekā kezekāa, niekā

24 Judakemomia Antiok mu Suria mu Kilikia rūnākā nu
keba ukezekā, kelushū ho. Hiekā dānunu hiekā ketsā

mozādi themia buomia niekā ki vādi die huopie niekā
nou chūketsishūdi niekā bu niekā nou kehoukeruo

25 chūbata kechū silie. Sūla hiekā kedierhedi themia *mia*
kenia kedaliedi sūnia ketsepie uzenia Barnaba mu Paul.

26 u Niepu Jisu Khrista zau la uphou rei khrieya kemo nia,
27 bu ze niekā ki vātuoū kechū hie medātahu. Sidi hiekā

Juda mu Sila unia ketseshū ho. Unia tia reipie hiekā
28 diekā se niekā ki pushūtno ho. Sūla Kemesa Ruopfūn

rei mu hie rei niekā bu mhapie miarihi rūsuo kewakā
29 nunu mu thezia kechū nunu, mu khunuo chakhri

kechūkā nunu, mu piētū kechū nunu niekā kekhalie
morāsuomu kechūu sia niekā bu mhachūkere kekrei

chūnu kechū hie medā mo. Niekā die sūkā zebalie
lirā, vizā tuo. Niekā keviu chūbalie chie. Sishū.

30 Sidi ukā kekḥādi Antiok nu ke; sitse *kehou* miakā
31 kiekenguliedi leshūu khapie ukā tsūshū. Mu ukā leshū

sūu phrūdi ukā nou chū kethepfakeshū dieu la ukā
32 neiphita. Mu Juda mu Sila uñia rei uñia thuo zārei
siadzekesimia chūdi die neiūkā pie ukezekā tarhāshū,

- 33 mu ukâ chüpebieshü. Sidi unia sünu zha huoyâ badi
unia kezekâ ze kezevidi kekhâdi la unia ketsekeshükâ
35 ki vâta. Sirei Paul mu Barnaba uniawe Antiok nu
batadi, sünu miâ kekreamia rei kekra zesadi Niepuu dieu
pupie mia kia mu mia petha bata.

DIELIEKEVIU PIE MIA PETHATUOÜDI KEVÂ PAUL
RÜVE KENIAU. (CHAPTER 15: 36—18: 22
KËTSĀ, PAUL RÜVE KENIAU DZE)

- 36 Sirâ zha huoyâ sianu Paul-a Barnaba üse, Khe, avu
keze thiadzü dieliekevi pupie mia pethapie kezhü rûnakâ
nu lavâdi ukezekâ kedipuombie ba shü mehashü khe;
37 sita. Sitse Barnaba Johan Mark üya kezhau rei ze unia
38 sa vâ nyûta. Sirei Paul-a Johan unia ze mhakam nu
vâmodi Pâmfulia nuu unia khawadi tuoketau bu
39 unia zevâ kechü vinhia imota. Sidi unia süsüla
keprülîphi tadi unia kekhâta; sirâ Barnaba Mark ze rou
40 nunu Kupra nu vâta; derei Paulwe Sila kedaliadi unia
kezekâ bu unia khapie Niepuu ungukemezhieunu shüdi
41 tuovâta. Sidi puo tuose Siria mu Kilikia rûna pfütthe
vâdi kehokâ tahi pevishü.

- 16 Süsia puo Derbe mu Lustra nianu rei vâru: harei,
pethakeliepuo puoza Timothi üsidi sünu ba; puoa
Judamia pfüpuo zâdi peleketa pfüpuo nuo; derei
2 puo-puo Grikmia puo. Timothi süsü Lustra mu
Ikonía nu keba ukezekâ puo pu pevîphi kechüpuo.
3 Paul puo ze tuonyûta; mu sütsatie Judakâ lanu puo
Timothi zhüre: mhakekreilamonýü ukâ petekâ puopuo
4 Grikmia ükechü siphre kechüla. Mu unia rûnakânu
kevârki Jirüsalem nu keba apostelkâ mu kehau keseya
kezhakâa ukâ bu zebalienudi diekhakeshükâ se ukâ k
5 pushü. Sidi kehokâ ukâ kepele rei meteiliedi teisânhia
mia ukâ sa miamialie.

PAUL EUROP NU VÂDI DIELIEKEVI PIE MIA PETHA KECHÜ.
FILIPI NU PAUL MU SILA UNIA MHATHĀ

- 6 Süsia Kemesa Ruopfü unia bu Asia nu dieu se pumvü
ketala, unia tuose Frugia mu Galatia kifü pfütthe

- 7 vāzhū; sidi unia tuose Musia mhādzūtsa vā kelieki unia
Bithunia nu vānyūtuo; derei Jisu Ruopfūu unia bu
8 vāmvūta: sidi unia Musia therhie se Troa nu keta.
9 Siru theva Paul puo ziegeinu mhapuo ngu: Sūsū
Makedonia miapuo thadi puo chabeidi sie, Makedonia
10 nu vārdi hie ngumezhie shūchie; sita. Sūla Paul sūu
ngutsemetha Jihovaa hie bu Makedoniamia ki dielieke-
viu pie mia pethashūnudi hie kie zhū, kechū hie leliedi
hie sūnu kevā hrūtuota zā.
- 11 Sūla hie Troa nunu rou geinu tuoshūdi tuo mezhūzā
12 Samothrake nu vā, di sūsianhia Neapoli nu; mu
sūnusūnu Rom mia vā rūna chūkelie Makedonia nu rūna
keviu, Filipi nu vā. Sidi hie zha huoyā rūna sūnusū
13 bata. Mu sūkisū kerleizhanhia hie kharu sia pradi,
kerūrkhiekipuo kecha chū ba ūkechū hie ledi vā sūnu
balie, di thenumia vār sūnu, bakelie krāpuo zə kerūchū.
14 Sūkisū puoza Ludia ūkechū Thiatira nu pfemeriemege
kechū zeya kezha, Jihova rūsuoya kezha miapfūpuo hie
die rūnyū ba: Niepuua thenusūpfū nou chūphi shūdi
15 puobu Paul-a diepu keshūkā rūnyū menuolie. Sidi
puorei mu puo kinumia rei baptaiz chūlietatsə puo hie
kiebeidi sie, Nie a ūse Niepuu kepelemia ūlirā a kinu
vārdi sūnu baliechie; sita. Sidi puo hie khashūmvū
beita.
- 16 Sūsia hie kecha chū nu vā kezhūki rūūmia themoumia
ruopfū zeyakezha pfūpuo vār hieze kəsəlie; puo puothe-
17 mou la puo niepumia bu praphiya. Thenusūpfū Paul
mu hiekā siamedzidi shiekhoudi sie, Themia hakā,
petekā mhā kezhatthāu Jihova kituomia zā; hakāha
18 kelakeliedāu thapie niekā kiatuo zā; situota. Sidi puo
telhe situota. Derei Paul, puoa puo kehuyphi tuo
ketala reipra ruopfūu ūse, A Jisu Khrista zase n bu puo
nunu partanushū ho; sishū. Sitse puo sūmesetoukisū
parta.
- 19 Derei puo niepukā ukā pra jūketa sidi ukā Paul mu
Sila teliedi unia merhashū ze lhithāchūnu, kezhakā
20 mhādzūnu vāta; mu ukā unia ze kenya kechūya kezhakā
21 ki vālietse ukāa sie, Themia haniaha Judamia muru,
unia u-Rom mia bunu thezhākemokā chū mu zenudi
22 se pethadi urūnamia vakebvūphi bate; sita. Sitse
themiakā keze unia gei uneimota: sirā kenya kechū

- kezhakā unia geinu unia pfenei lhewadi seipie unia
 23 vūnudi hukum khashūwata. Sidi ukā unia vūperewadi
 unia zevā kediekinu khawadi kedieki kepfekeshau bu
 24 unia pfe menuo balie nuwata : mu puoa hukum sikechū
 nguliedi unia zevā kedieki kinutsenu khapiebawa, mu
 25 seiphikhānu uniaphi kekhwā. Sirei khisāteiluō meseki
 Paul mu Sila unia cha mu chielipie Jihova tseshū,
 26 sūkisū kediekā unia pfe rūnyū ba. Sūkisū kiūkishū
 kemerie chū mhavārta, sidi kedieki shūkenie phita ; sirā
 kikhakā pete keniehiewata ; sirā sūnu keba khekā upha
 rūprei phreta.
 27 Sitse kedieki kepfekeshau chāsierdi kedieki kikhakā
 khrūpie ketha nguliedi, kediekā ūse tata ūkechū ledi
 puo zhiecha zoupie puothuo puo dukhriwa tuoū thata.
 28 Sirei Paul shie puorhiechūdi sie, Nā n thuo n bie
 pesuowa hiechie : hiekā petekā hanu ba phre zāmu ; sita.
 29 Sitse kedieki kepfekeshau mi chaliēdi tale michiepie
 pekhrukhrudi tsu Paul mu Sila unia mhādzūnu zhūta ;
 30 sūsia puo unia ze pardi sie, Kezhania, a kelalie ketuola
 31 a kedipuo chūlie morāsuo ga ? sita. Sitse unia sie, Nie
 Niepu Jisu pelelie, sirā nā rei n kinukā rei sa kelalie tuo ;
 32 sita. Sidi unia Niepu diepie puo mu puo kinu keba
 33 khekā ki pushū. Sūsia puo sūzhūsū unia zevādi unia
 kevūpfūkā khrūphrewa ; sidi kenourhei puo mu puo
 34 kinukā pete baptaiz chūlieta. Sūsia puo unia ze puo
 kinu vādi mhā kapie unia tsūdi puo kinumia rei pete
 ze Jihova peleliēdi ukā neipie mhapuo chūta.
 35 Sūsia teisālietse kenya kechūya kezhakā ukā chaliekā
 ketseshūdi, Themia sūnia bu tuotaliechie ikechū puwa
 36 nuta. Sitse kedieki kepe kezhaui die sūkā pie Paul ki,
 Kenyakechū kezhakā n nia bu prata nukechū die
 vārliē ; mu sūla n nia pradi n nia nou menedi vātalie ;
 37 sita. Derei Paul sūkā ūse, Ukā hie nyie kechū modi,
 hie Rōm mia zārei, mechū hou nunu hie vūdi hie khapie
 kediekinu shūwadi ; tsie pekhre hie khalashū watuo
 ūya ma ? Silie kenjū zāwe ; ukā bu uthuo vārdi hie
 38 khashūwa chie ; sita. Sitse chalie sūkā diesūkā sevā
 kenya kechūya kezhakā ki pushū ; mu sūkā unia Rōm
 39 mia zā ūkechū silietse michiephita. Sidi ukā vārdi
 unia ki umezhiemalāta ; sidi ukā unia ze kitia vādi unia
 40 bu urūna tseta nudi chabeita. Sūsia unia kedieki nunu

pradi Ludia kinu ledi, unia kezekâ ngulietse ukâ nou
chûpeluôphi shüdi tuota.

THESALONIKA MU BEREÄ RÜNA NU PAUL MU SILA
UNIA MHATHÄ

- 17 Süsia unia Amfipoli mu Apolonia pfütthe vâdi unia
Thesalonika nu vâ; mu sünusü Judamia kehoupipuo
2 ba. Sirâ Paul puothuo puozhâki chütupya kezhalâ ukâ
kinu ledi kerleizha se kethâleshü nunu ukâ petha.
3 Pua Khristau kemezhiaphidi kesiakâ dânunu rheilasie
morâsuo kechü pukemechiepie ukâ kiashü. Sizâmonyü
puoa lasie, A niekâ ki sü puo dze pupie petha ketuo
4 Jisu Khristau zâ; sisashü. Sishütse ukâ dânu huomia
mu Grik mia kemiathâmia kekra, mu thenu pehümiapfü
5 rei krathâ Paul mu Sila unia zetâ. Derei Judamia
krâpuo urâdi themia dânu kerzhüthâmia krâpuo zevârdi
themia kekra kiekengu saliedi rüna vakebvüshü; sidi
ukâ vâ Jason ki redi unia teze mia inhâdzünu vâtuou
6 kechü hrütuota. Sidi ukâ vâ unia ngulie motatse, ukâ
Jason mu kepelekâ huomia merhashü ze rünanv kezha
chüya kezhakâ inhâdzünu vâdi sie shiekhoudi. Themia
kijü thu pesurhukewa nia haki rei vâ ru. Jason unia
7 pesâlie. Mu ukâ hakâ petekâ puoza Jisu ükechü kedi
kekreipuo tuo ükechü pudi Kaisar djekhakeshükâ zeyâ
8 mo; sita. Die sükâ siliedi themiakâ rei mu rünamia
9 kezhakâ rei unou kehokuruo chüta; siüderei Jason mu
kekrekâ rei mhakhashüdi jamin pfüliedi ukâ bu tuota.
10 Süsia kepelekâ pezei Paul mu Sila ketsepie Berea
nu shüwa; sidi unia sünu vâkelieki Judamia kehoki
11 nu le. Themia sükâ Thesalonika nu kebakâ ki unou
mezhükuo; mhakekreilamonyü teisânhia kethâleshü
diesükâ puotou mo moshi kechü lemennodi unou uthâ
12 chüdi diesükâ ze keliela. Süla ukâ dânu themia kekra,
Grikmiapfü thenupehü mu thepfumia rei sa pelethâta.
13 Derei Thesalonika nunu Judakâa Paul Berea nurei
Jihova dieu pupie mia kia keshü siliedi, ukâ sünu rei
vârdi keriauva tuoi themiakâ pfükerhüshü mu ukâ nou
14 chûpesuoshü. Sitsemetha kepelekâ kenourhei Paul
ketsepie puobu dzükezhâ khie zâvâ tanvta; derei Sila
15 mu Timothi uniawe sünu bazâta. Sirei Paul chapize

kevakā puoze vā Athen nu tsāshū; sūsia Sila mu Timothi unia bu pezi vārlienu kechū Paul kinu die nguliedi ukā tuolata.

PAUL ATHEN NU KEBĀ

- 16 Sūsia Paul* Athen nunu unia pfekebaki rūna sūnu terhuomiarhi chūpie tsukeba nguliedi puonou kemezhie
 17 chūbata. Sidi puo teisānhia Judamia kehoukinu Judamia mu vā sūnu rūsuokeba kekrekā rei, mu lhithāchūnu
 18 themia dzūkeliekā rei ze kerūchūba zāta. Sirā mhakesi Epikuri mu Stoik ūkechū themia krā kenia dānu huomia puoze kemeū tuoūta. Huomia sie puo ūse, Diebou hau kedipuo punyūya shi? sita. Mu kekrekāwe puo Jisu mu rheilakesie dze pupie mia petha kechūla puo ūse, Pūo we sikemo rhuo krāpuo pupie mia petha
 19 ketuopuo zemū ha; sita. Sidi ukā puo merhashūze Areopaga ūkechū mharapuo vādi sie, Nā diekesa pu mia pethatuo kechū hauha kedipuo shi kechū pupie hie
 20 kiasū tieya' mo? Nā diekesa krāpuo sevār hiebu silie; sūla die hakāha die dipuo shū hie sinyūlie; sita.
 21 Athen mia mu themia tavār sūnu baketa petekā mhapuorei chūmo zādi mhakesapuo kepu mu rūnyū
 22 zāba utei pevāwawa tuoyazā Sūkisū Paul Areopaga metsuonu thaliedi sie.

- Harie Athen miakā, a mbangukechū khēkā geinu siliekechū niekā nanyūkā nu pechū seyakezha doupuo
 23 zā. A rūhou vākechūki niekāa mha rūsuoya kezhakā mehā tuoru, rūsuoba puo gei, "Sikemo Rhuopuo la."
 24 ikechū thezapuo thu rei pie badi ngulie. Ka, sirā niekāa simodi rūsuoya kezha a sūu thapie niekā kiasūtuo.
 25 Kijū mu sūnu ketuo khēkā chūkesū Rhuo-u Jihova, puo tei mu kijū nia mhā Niepuu zā kechūla themia dzie ūse kochū kerūsukikā nu baya mo; mu puo mhapuo tsāpfū keba kemhieci miabu miadziepie puo theke reiya mo; mhakekreilamonyū puo puothuo kerheirā mu keha mu rahapetekā khapie themia kehupuorei tsūya kezha
 26 la. Puo pedzūperia ukābu lhouketuo teikā mu baketuo riakā rhieshūdi miapuo geinu kijū petenu halienudi
 27 themia neiūkā chūshū; mu ukā bunu Jihova pfūdi kese zāvārā puo nguliētuo nhia ikechū puo madāta; sirei
 28 puo ukā kehupuo kireinu pechie tuo mozā: mhakekrei-

- lamonyū we puo lanu rhei mu mele mu lhoutuoya kezhalā; sūdze niekâ dānu ūkethukâ huomia rei, “U rei puo yie zâ,” ikechū pupie tuo. We sūla Jihova yie ūlirā, we Jihova ūse themiadâ themiamhasi pie chūkelie suna morei raka morei ketsie miarhikâ mhie zâ ūkechū medâ zhūmo. Jihovaa themia mhasikemo teikikâ ngurei ngukemo mhiedi khawate; derei tsiewe puo themia kehurapuo tuoya kezhamia zāshierēi unou kedilienudi pushūwate. Sidi puo pedzūperia keda setuo keta Miapuo bunu kemezhūton nunu kijūn ze diekechū tuoū kechū khunhiazhapuo kedatou setuote; sūla puo kesiakâ dānunu puo chūperheipie themia petekâ kiatou pie zhūwate. Sita. Sirā ukāa kesiamia rhelakesie dze silietse huomia puo kreta; derei huomiawe sie, Hie khunhiapuo nu die hau dze n kinu rūnyūlatuo; sita.
- 33 Sidi Paul tuo ukâ therhietā. Sirei chemia huomia puo
 34 zetuodi pelelie: mu sūkâ dānu Areopaga Dionusi, mu Damari ūkechū miapfūpuo, sirā kekrei miakrāpuo rei ukā ze satuo.

KORINT NU PAUL MHATHĀ; MU PUO TUOLA EFESA,
 KAISARIA MU JIRUSALEM PFŪTHE ANTIOK
 NU KEVĀ

- 18 Sūsia Paul Athina nunu tuose Korint nu vār. Sūkisū
 2 puo Judamiapuo puoza Akila ūsidi Pontu nunu lhoukesier miapuo sūnu badi ngulie; Klaudia Judamia petekâ bu Rom nunu tuotanu ketala themiasūu puo kimia
 3 Priskila ze sūmhâdzū zakinu Itali nunu vār ba. Sirā unia pfeki kechūmia zâ, mu Paul rei sūkemhiemia zâ
 4 kechūla puo unia ze badi ukā keze mhachū. Sūkisū puo kerleizha metsei ukā kehouki nunu ukā rūchūdi Judamia mu Grikmia hūphi.
- 5 Sūsia Sila mu Timothi unia Makedonia nunu kekerki, die sūu thuo Paul nou chūshūdi, Jisua Khristau zâ
 6 ūkechū Judakâ mhâdzūnu zhapu chūshū. Sigei ukā sūu ngumvūdi tha batatse, puo puopfe kesoudi sie ukā ūse, Niekâ kejâ kechū zhakhra bu niekâ tsūgei vārliē; awe mezhūtazâ; mu tsieyawinu a Judakemokâ ki vātatuo;
 7 sita. Sidi puo sūnunu pradi tuose Titā Justa ūkechū miapuo Jihova rūsuoya kezhamiapuo kinu leta; puo ki

- 8 kehoukiu kepenuoki ba. Sirā kehouki sūnu keseyakezhau
Krispa, puo kinukā petekā ze Niepuu peleta; mu
sizāmonyū Korintmia kekra rei dieu sidi peleliedi
9 baptaiz chūlie. Sūkisū khuzhūpuo Niepuu puothuo vār
Paul pengudi sie, Nā michiehie chie; mu diepu bazālie,
10 mu kemekrie batahie: mhakekreila monyū a n zetuo zā
mu miapuorei n biepesuowa tuoū sie lielhā kechūla;
mu sizāmonyū rūna hanu a themia rei baphi; sita.
11 Sirā puo chie puo di khrū sorou Jihova dieu se mia
pethadi ukā ze bata.
- 12 Sirei sūkisū Galio Akaya kijūnu kezha chūlietse,
Judakā keze noupuo chūdi sie Paul ngumvūdi puo teze
13 diēnya kechūya kezha bau mhādzūnu vādi sie, Themia
hauha mia hūpie miabu uzhā kemo dā kreipuo se Jihova
14 rūsuo nutuoya zāte; sita. Sitse Paul diepu tuoū sietse
Galio sie Judakā ūse, Djenya hauha mezhūkemo morei
kerūzhūnyapuo lirā, harie Judakā, a menuodi niekā die
15 rūnyū kechū mese; derei diekrāpuo la morei thezakrā-
puo la morei niethuo niezhāpuo la keprūli kechūzā lirā,
niekā thuo niekā dānunu kechūliechie; a diēnya si-
16 kechūkā pepi tuoū kechū a medā mo; sita. Sidi puo
17 diēnya kechū kezha bau nunu ukā whuowata. Sitse
ukā petekā kehoukinu kezha chūya kezha Sosthene
merhashūliedi diēnya kechūya kezha bau mhādzūnunu
puo vūta. Sirei Galio sūkā puorei puonou mecha
mota.
- 18 Sūsia Paul telhe sūnu badi puo kezekā ze kekhāta,
sidi sūnunu priskila mu Akila ze rou gei siedi Siria nu vāta.
Mu puo puothuo puodie puo la Kenkrea nunu hadzū
19 puotsū thiewa. Sūsia ukā Efesa nu vārle ru puo unia
khalie sūnu shūwa: derei puozāwe *Judamia* kehoukinu
20 ledi Judakā ze kerūchū. Sirā ukā puo bu ukā ze basa
21 nudi chasieru, puo mvūta; sidi puo ukā ze kekhāta
tuoūdi sie, Jihova medā lirā, a la niekā ki vārtuo,
22 isidi Efesa nunu rou gei siedi tuota. Sūsia puo Kaisaria
nu prālietse puo pradi kehoukelushūdi Antiok nu keta.
23 Sirā zha huoyā sūnu badi puo tuose Galatia kifū mu
Frugia vathese pethakeliekā petekā nou chūkethefu
vā.

APOLA MU PAUL UNIA EFESA NU DIELIEKEVI SE MIA
KEPETHA. (CHAPTER 18: 23 NUNU VÂ 21: 16
KETSÂ PAUL RÜVE SEÛ DZE)

- 24 Sükistü Alekandria nunu lhoukesier puoza Apola
25 ükechü *kethâ* leshü siphî kechü Judamiapuo Efesa nu
26 vâr. Themia süüstü Niepuu mia kepethadiu hadzü
27 silie, mu puo Johan baptism rürbei sizâdi Puo nou
28 kemezhie chüdi diepu mu Jisu dzekâ putou pie mia kia :
sirâ puo *Judamia* kehouki nunu thepfü sedi mia petha
bata. Derei Priskila mu Akila unia puo die sidi, puo
ze unia ki vâlie, sidi unia Jihova dze putou sapie puo
kiashü. Süsia puo Akaya kijünu vâtanyü tatse, puo
kezekâ puonou chü kethepfu sashüdi pethakeliekâ bünü
puo zelienu kechü leshü rei thushü: sirâ puo sünu
vârlietse puoa Jihova angukemezhie la pelekeliekâ gei
mhakevi chüphishü: mhakekreilamonyü puo Jisua
Khristau zâ ikechü kethâleshü nunu thapie mechü kia-
shüdi puodie kuosedi Judakâ die vapejüwa.

- 19 Sirâ Apola Korint nu kebaki Paul rüna pesâtsatienu
2 tuose Efesa nu vârdi pethakelie krâpuo ngulie: sidi puo
sie ukâ üse, Niekâ *Khrista* pelekelieki Kemesa Ruopfüu
ngulie ma? sidi ketsâ. Sitse ukâ sie puo üse, Mo,
3 Kemesa Ruopfü tuo ükechü hie si reimo; sita. Sitse
4 puo sie, Di sirâ niekâ kedipuo baptism se baptaiž chülie
ga? sita. Sitse ukâ sie, Johan baptism zâ; sita. Sitse
Paul sie, Johanwe themiakâ bu puo sia vâr kezhiu Jisu
pelelie nukechü pudi thenou kedikelie baptism se mia
5 baptaiž chü kechü zâ; sishü. Mu ukâ die süu silietse
6 ukâ Niepu Jisu za nünü baptaiž chülie. Sidi Paul puo
dzienia chapie ukâ gei shütse, Kemesa Ruopfüu ukâ
gei vârlie; sitse ukâ miabu siliekelhâdie nünü diepu mu
7 siadzekesidie rei puta. Mu themia sükâ mia kerekenia
mese.
8 Süsia puo *Judakâ* kehoukinu ledi khrü se mese
thepfusedi Jihova kedi dzekâ pupie mia rüchü, mu mia
9 hūphi. Derei huomia unou redi pelemvüdi themiakâ
mhâdzünupu kepethadie süu ngumvütatse, puo ukâ
therhietä; sidi pethakeliekâ kelakreiliedi teisânha Tu-
10 rani leshükephrükiu nu miaze kerüchü bâzâta. Mu chie

- kenia si seibazālie; sūla Asia nu kebakā pete Judamia
 11 rei mu Grikmia rei, Niepuu die silie. Mu sūkisū Jihova
 Paul bu ungā mhathā thiadzū ngukemo krāpuo chū;
 12 sidi mia udziesū pfe morei pfe kekrei sevā puomā nyūdi
 sevā kechūmia geinu ukechūkā whuo phrewa, sizāmonyū
 13 kesuo ruopfūkā rei mia geinu sidi prata. Sirei rūverū-
 hou tuokezha Judamia themoumia krāpuo rei Niepu
 Jisu za^a sedi sie kesuo ruopfū ugei tuo ketakā ūse, A
 Paul-a se petha tuoya kezha Jisu za se rūse zādi
 14 niekā ki pushū ho; situota. Sūkisū phichū kezhakā
 mhā kezha chūyakezha Judamia, Skiva ūkechūmiapuo,
 15 nuonuo thepfumia thenia sūsū chūya. Sirā kesuo
 ruopfūu rei sie ukā mia kenia ūse. A Jisu rei si mu Paul
 16 rei si; derei n nia suomia ga? sita. Sitse kesuo ruopfū
 puo nu ketuo u proupa unia vadi uniabu puolhātadi
 unia ki kuolietā; sidi unia ki sūnunu methuo mu
 17 rūzapfūdi tata. Mu sūu dze Efesa nu baya kezha Judakā
 mu Grikmia rei pete si vāta; sidi ukā petekā michiepie
 18 mhapuo chūdi Niepu Jisu za pu pezha phita. Sirā
 kepelekā dānu themia kekra rei vārdi uthuo umhathākā
 19 phra mu pupie mia pesi tuota. Sizāmonyū kemeduo
 leshū sidi meduo tuoyakezbakā dānu themia kekra ukā
 meduo leshūkā sevār kenguliedi themia petekā kenguki-
 nu the pouwa: mu sūkā makā lesiedi silie kechū raka
 20 nyie bie pengou ma ūsi. Niepuu dieu kuo sūthede chūdi
 mia penyūlie.
- 21 Sirā mha sūkā chūthe kelie sia Paul Makedonia mu
 Akaya kijū vathese Jirusalem nu vatuoū kechū hrūdi
 sie, A sūnu vākelie sia a Rom nu rei vā morāsuo; sita.
 22 Sidi miaze puo liechūketuokā dānu Timothi mu Erasta
 unia mia kenia ketsepie Makedonia nu shūwadi, puozāwe
 zha huoyā Asia nu bata.
- 23 Sirā sūkisū kepethadie sūu dze kebvū kechū phi
 24 sierta. Puoza Demetria ūkechū raka rūkreiya kezha
 miapuo rakachū se Diana rūsuoki kechūkā chūdi
 themie kekra bu mistri kam sūu chūdi meviphia.
 25 Puo puokeze sūkā mu mhakam sūkemhie chūya kezha
 kekreinia rei kiekenguliedi sie, Harie themiakā, niekā
 rei sibātuōū, ukā mhakam hawa lanu mhanyi tuo zāa.
 26 Mu niekā rei si mu rgu ba tica, Efesa nu rūrbei zāmonyū
 Asia kijū kekratsa rei Paul ūkechū themia hau themia

- hūdi themia kekra chūketsi zedi themia dzie ūkechū
 27 hakâha ūse terhuomia moūdi pu tuote. Sirā miabu
 ukam hauha rhumo keta rūrbei zāmonyū, Asia pete mu
 kijū pete nu rūsuoya kezha Diana sū terhuokezhapfū za
 28 pefūwadi puo rūsuoki reiū mhaūmo keta preite; sita.
 Sitse ukâ die sūu sidi ukâ noumeyiepie mhapuo chūdi
 shiekhoudi sie, Efesamia Diana terhuo kezhapfū zâ;
 29 sibata. Sidi rūna sūnu būūbīta: sīrā ukâ keze diepuo
 chūdi tavā Paul ze rūveketuo Makedoniamia Gaya mu
 30 Aristarka unia teshūdi ze kerūzhūchūnu vāta. Sūkisū
 Paul themiakā dānu vānyūtaru, pethakeliekā puo
 31 khashūmvūta. Sirā Asia nu kezhakā huomia rei puoze
 khriethā chūdi mia ketsepie puo ki shūdi puobu
 32 kerūzhūchūnu vāhiezā nuta. Themia sūkā keboukebi
 chūdi huomia diepuo mu kekreamia die kekreibuo pudi
 shiekhoui bazāta; mu themia kekratsa ukâ kedipuola vā
 33 sūnu kenguba shi kechū rei simota. Sirā Judamia
 Alekandra kieshūdi miabu pucze vā themia mhādzūnu
 shū. Sitse Alekandra puodzie chasiedi themiakā mhā-
 34 dzū Judamia zhapu chūtuoū sie. Sirei ukâ puo ūse
 Judamia ūkechū siliedi, ukâ petekā pfepuo chūdi bavūdā
 kenia mese shiekhoudi, Efesamia Diana Sū terhuo
 kezhapfū zâ ! sibata.
- 35 Sūkisū rūna sūnu dze thuya kezhaui themiakā kechū zei-
 wadi sie, Harie Efesa themiakā, Efesa rūnau terhuokezha-
 36 pfū Diana rūsuokiu mu terhuo Jupitēr kinu tetsur kechū
 miarhiu pfeva kezha supuonie simo batuo ga? Die sūkā
 kethā ūkechū niekâ si lirā niekâ kemekrie bakechū mese;
 37 mu nie mehyumezhiedi mha chūzhū kemo chū mo rei via.
 Mu niekâ themia hania ze kevār, unia kerūsuoki nunu
 38 mhasekechūmia morei ukâ rhuopfū thakechūmia mo. Sirā
 Demetria mu puoze badi mhachūya kezhakā themia hu-
 mia goi dienia huo ba lirā, dienia kechū kechūkikā rei
 39 bahua, mu dienia pepiyakezhamia rei beru: ukâ bu vā sū-
 kâ ki kenyalie. Simodi niekâ mhakekrei huo punyūya lirā
 40 dienia pepiya kezha teitoui pepiwalie morāsuo. Sizā-
 monyū thia puocha jūzādi kebvūkechū hau lawe sorkari
 u pefāketa rei prei; mu themia hakâha vār kengukelie
 dze uketsā sierā we mhapuorei pulie kenjū tātuo; sita.
 41 Sirā puo die sikechū pushūwadi, themiakā bu tuota.

PAUL GRIK RŪNANU VĀ KENIAU VA DZE; MU SŪSIA
TROA MU MILETA NU KEVĀ

- 20** Sirā kebvūkechū sūu khakewa sia Paul-a pethakeliekā kelieshūdi ukā tarhāshū di Makedonia nu vā tuoūdi ukā
- 2 ze kekhādi tuqta. Sūsia puo rūna sūnu vathe kevāki puo ukā tarhā phishūdi tuose Grik rūna nu vārta; mu
- 3 sūnu khrū se balie. Di sūsia rou geinu Siria nu vātuou siera, Judamia puo gei thedā kesuopuo hrūkeba siliedi,
- 4 puo sūla Makedonia chazedī lavāketa medāta. Sūkistū Berea mia Pura nuo Sopetra, mu Thesalonia mia Aris-tarka mu Sekunda; sirā Derbe mia Gaya, sirā Timothi;
- 5 mu Asia mia Tukika mu Trofima ukā puo zevā. Sirei themia sūkāsū hie mhādzū riavādi Troa nunu hie pfeba.
- 6 Sirā khreiūshūmodi niekhrūda kechū zhakā sia hie Filipi nunu rounu sieliedi zha pengou nu tuo Troa nu vārle; di sūnu zha thenia bata.
- 7 Sidi deobadā zha therianhia hiekā niekhrūda bietsie-chū tuoūdi kengukelieki Paul sūsianhia tuota nyūdi ukāze kerūchū; mu puo diepu zāba khisāteilu tsā.
- 8 Tsiu hiekā kengukeba kibou pesānu mitu rei bapere.
- 9 Sūkisū Eutuka ūkechū khriesamia puo khirki nu badi rūngu phi ba. Siba Paul diepu chasa batatse puo rūngudi zetsu taru kibou lha seu nunu te kijū tsuta,
- 10 sidi puo phousieru siata. Sūsia Paul kijū kedi, zātsu puo merepfūzhūliedi, sie, Niekā melousuo hie, puo rheizhū zā.
- 11 Sūsia puo la pesāgei siedi niekhrūda bietsie chūdi diepu sazāba teisātia rei tsā; sidi sūsia tuota.
- 12 Mu sūsia ukā khriesa sūyā rheikelie la ukā neida pfūrei mota.
- 13 Sirei hiewe Paul bu Aso nunu rou gei siekelie ledi rou geinu tuoria sūnu vāta: sūsū Paul puothuo chatuo
- 14 sūnu vārtuoū ketala. Sidi puo Aso nu vārlietse hie
- 15 puoze rou nu baliedi, tuose Mitulena nu vārle. Sidi sūsianhia rei sūnusūnu rou gei siedi Khio mhādzūtou nu vārle, tsiu sūsianhia hie vā Samo tsālie, di sūsianhia hie Mileta nu vārle.
- 16 Mu Paul Asia nunu puotei pevāwa mo tuoū kechūla rou geinu tuo Efesa chietanyū tuota; mhakekreila monyū puo zha hiepengou nyiu nu chūlievi lirā Jirusalem valie ketuola rūkrizhū kechūla.

PAUL EFESA KEHOU KESEYA KEZHAKÄ PETHAKESHÜ

- 17 Süsia puo Miletä nunu mia ketse Efesa nu shüdi
 18 kehoul keseya kezhakä kelieshü. Mu ukä puo ki vârtse,
 puo sie ukä üse,
 19 A Asia nu keler therianhia yawinu niekâ ze keba kikâ
 kedipuomhieidi a kerüsesiai sei, mu a mhidzû rei tu zâ,
 mu Judakâ a rürkeba amedâkephi neiükâ dzû zârei,
 Niepuu liechü zâba tsâ shi; sÿsÿ niekâ rei sibatuo.
 20 Tsiu sirâ a niekâ bu si râ viketuokâ se niekâ ki pu,
 morei mechûhou nunurei morei kiükâ nunurei niekâ
 21 petha motamo. Aa unou rüdliledi Jihova kitsa vâkelie
 mu u Niepu Jisu Khrista rei pelekeli dze rei pie Judakâ
 22 mu Grikmia kirei zhapu chûshü zâ. Sirei tsiewe, harie,
 a athuo a medâ chütuo rei chülie suodi, Jirusalem nu
 23 vâtuou zhie. Mu Kemesa Ruopfû rûnâ khekâ nunu aki
 rûnâ sÿnu mia a tepie kedie chûketuo mu abu kemezhie
 ketuo a pfekeba kepu sia, a gei kedipuo phirtuo shi a
 24 sÿsÿ situo mo. Sishierei Jihova ungukemezhie dielie-
 keviu zhapu chûnudi Niepu Jisu kinu liethâ ngukelieu
 chûketuo mu abu chûnu keshü a mhathâ Pete chûtseilie
 ketuo, sÿkâ ze kemejü sielie râ aphou zâwe amhâdzüki
 25 mhathâpuo, mozâ. Sirâ harie, a niekâ dânu kediu dze
 pupie petha tuokechü niekâ miapuorei chÿsia azie ngula
 26 lielhâ zâkechü a sibate. Sÿla a thia niekâ mhâdzûnu
 zhapu chûshü zhü ho, themia kehupuonie suota rei a
 dakelie jü ho.
 27 Mhakekreilamonyü Jihovaa themia kelalieketuo dâ
 petepie niekâ ki pu khriedi a kethelietamo kechûla.
 28 Niekâ niekâthuo rei mu Niepuu puothuo puo ziapie
 khrûkelie kehoun vachü nudi Kemesa Ruopfûa niekâ
 bu sÿu kepfekâ chü baketa, krâ sÿu Pete rei nie
 29 kirei balie huchie. A tuoketa sia sâchie puozhâ
 kesuokâ niekâ dânu ledi niekâ krâu khrielielhâ kechü;
 30 mu niekâ dânnu zârei pethakeliekâ meshüpie usiame-
 dzilie ketuola diethâkemo kepu rei huomia sier zâtuo
 31 kechü, a sibata zâ. Sÿla a chie se dâkânü rÿserûlei
 mozâdi teisânia teizei metsei amhidzû tuzâdi niekâ tarhâ
 32 batsâlie kechü, sÿu rûkra zâliedi pechü baliechie. Sirâ
 a tsiewe niekâ khapie niekâ chü pekruo pethelie di
 mesalie ketakâ dânu puo kau khapie niekâ tsülie keviu

Jihova, mu puo themia ngukemezhe dieu pelewata tuo.

- 33 A miapuo shūkei raka rei, morei suna, morei pfenei
 34 rei lienyū vār mo. Niekā niethuo rei sibatuoū, A adziā
 35 hania pie mhachūdi a mu aze ketuokā semorākesuokā
 pfūlielie vārzā. A niekā bunu thehie chūdi kethachūku
 khruohilie ketpo mu Niepu Jisu puothuo, Mia kine
 36 mhakelie ki mhapie mia ketsūwe vikuo, ikechū puo die
 37 pukeshūkā rūkralienū kochūla a mha hakā thashū niekā
 38 kiashū ho. Sishū. Sirā puo die sūkā pushūdi ke
 khoutoupfūdi ukā petekā ze keze chashū. Sitse ukā
 petekā puo diekā dānu ukā puozie ngusalielhā ūkechū,
 puo die sūu la ukā nousuo kuodi Paul vāchiepieliedi
 puo mebādi kraphita. Sidi ukā puoze zāphi puobu rou
 gei sieta.

PAUL MILETA NUNU TUOSE JIRUSALEM NU KEVĀ

- 21 Sidi hiekā ukā ze kekhatatse hiekā rou geinu mezhū
 zāvā Kos tsālie, di sūsia nhia Rhoda nu vārliē, sirā
 2 sūnunu Patara nu vārliē. Mu sūnusūnu Fonikia nu
 3 kevā roupuo nguliedi hiekā rougei siedi tuoshū. Sidi
 tuo zāvā Kupra kijū ngulie zhūtse uvitsatienū puo
 ngushūdi tuose Siria kijūnu vārdi Tur rūna nu pralie:
 4 inhakekreilamonyū rounu mhapfuketuokā khapie rūna
 sūnu shūwa tuoū tuo kechūla. Sirā rūna sūnusūnu
 pethakelie krāpuo badi nguliedi hiekā zha thenia sūnu
 bata. Sūkisū ukā Ruopfūu lanu mha siliedi ukā Paul
 5 bu Jirusalem nu vāhie nuta. Sirā zha sūtsuo keta
 sia tuo lata tuoūdi tuoshū; sūkisū ukā petekā unupfū
 6 unuo rei zesadi hie zezā par chasia shū. Sidi hie
 keze dzūkezha khiēkinu khoutoupfūdi chashū, di sūsia
 kekhatā; sidi hiekā rou gei pfūta, mu ukāa la uthuo
 ukinu vāta.
 7 Sūsia hiekā Tur nunu tuopradi, Tolimai tsākelie
 sia dzūifu tuosa mota; mu hiekā sūnu ūkezemia nguliedi
 8 ukā kelushū. sidi khunbia ukā ze bata. Di sūsianhia
 hiekā tuola se Kaisaria nu vārliē; sidi hiekā, mia
 theniakā dānu dieliekevi se mia pethaya kezhaui, Filip,
 9 kinu ledi puo kinu bata. Themia sūu puo nuonuo
 10 siadzekosidie puya kezha rūmīa mia dia ba. Sirā hiekā
 zha huoyā sūnu kebaki, Agaba ūkechū siadzekesi
 11 miapuo Judia nunu ker. Puo hie ki rei vārdi Paul

- chiepha chüpie puothuo puophi puodzie phadi sie, Jirusalem nu keba Judakâ hidi chiepha hau se chiepha hau keseu phaliedi puo khapie Judakemomia dzienu shüwa tuoü sidi Kemesa Ruopfüa puya ho; sita.
- 12 Sükisü hie die sükâ siliedi, hierei mu rüna sünu kebakâ
- 13 rei puobu Jirusalem nu khâhienu beigie. Sitse Paul sie ukâ üse, Niekâ kedipuo chüdi, krapie anou chüpesuoya ga? A Niepu Jisu za lawe Jirusalem nunu miabu a phaketuo rürbei zâmonyü sia reizâ tuoü kechü dâfjuse
- 14 tuoza; sita. Sirei puo hie die liemvütatse hie sie, Niepuu bu puo neiu chüliechie, sishüdi hie diepu samote.
- 15 Sidi zha sükâ sia hie hienyakâ chüseliedi tuose
- 16 Jirusalem nu khâta. Sükisü pethakelie krâpuo Kaisaria nunu, hie puo kinu batuoü ketuo puoza Mnason ükechü Kupramia, thiadzü pethakelie chütuq ketapuo rei zesadi hieze vâr.

JIRUSALEM NUNU MIA THEZHÜRÂSE PAUL PHAKECHÜ

- 17 Sidi hie Jirusalem tsâlietse hie kezekâ uneisiaidi
- 18 hie zelie. Mu süsianhia Paul hie ze Jakob kinu le;
- 19 sükisü kehou keseya kezha khekâ sünu ba. Mu puo ukâ kelushüdi puo Judakemokâ dânu chalie kechüki Jihova mha chükeshü khekâ dze puopuo idi pupie ukâ nyienu
- 20 shü. Sitse ukâ die sükâ siliedi, Jihova tsephita. Sirâ ukâ sie puo üse, Siazeu, nâ rei sibatuo, Judamia dânu zârei *dieliekevi* peleketa themia säünyie bate; mu sükâ
- 21 petekâ *Mosa* zhâ pelephiya. Sirâ ukâ nâ üse mia rüna nu ketuo Judakâ petekâ bunu unuonuo zhüre hienu mu uzâ zehienu kechü pudi ukâ bu *Mosa* zhâ vawanu
- 22 kechü pethatuoya ükechü n dze sibate. Sirâ kita? Nâ
- 23 vâta ükechü ukâ silie mechieta ze. Süla hie n ki mhapuo pushütuo mu, nâ süu chüliechie.

- Mia dia mhapuola diepuo puphrapie kezhü krâpuo hie
- 24 dânu bamu; nâ sükâ ze vâdi, sükâ ze nthuo rei n chükemesalie, mu ukâ bu ukâtsü thialie ketuola ukâ zhakâ chü phrewalie. Nâ siwalirâ themia petekâ nâ üse *Mosa* zhâ zetou tuoya zâ ükechü siliedi hadzû n dze
- 25 puketuokâ kethâmo ükechü silieta tuo. Sirei Judakemokâ dânu dieliekevi peleketakâ la zâwe, hadzû ukâ bunu terhuomiarhi rüsuokewa viekâ, mu thezia

- kechü, mu khunuo chakhridi kechü, mu pieü kechü
 26 nunu ukekhalie nudi putou shüdi thushüwate. Sitse Paul themia sükä zeliedi süsianhia puo rei ukâ ze puo chükemesalie. Süsia puo kerüsuokinu ledi ukâ mia puopuo la rüsuo chü ketuo zha kitsuo lirâ ukâ chükemesa kechü chütsei lie tuo shi kechü se mia pesishü.
- 27 Derei zha theniakâ tseitâ zhütse Asia nunu kevâr Judakâ kerüsuokinu puo ngulietse, themia petekâ pfükerhüshüdi vâ puo teliedi shiekhoudi sie, Harie
 28 Israelkâ, vâ kekhruolichie! Luki haki uramia mu *Mosa* zhâ mu uki hau thadi themia petekâ petha tuoya kezhaui themia hauha zâ! Mu sizâmonyü puo Grikimia reize urüsuokinu vârdi ukemesaki haurei perhuwate;
 29 sita. Mhakekreilamonyü ukâ hadzü Trofima ükechü Efesamia puo puoze ukâ rüna nu phere ketuo nguru, ukâ Paul üse themia süüzê ukâ rüsuokinu vâ ükechü
 30 medâta. Sükisü urünamia pete bouübita. Sidî themia ta kewhuovâ Paul merhashüliedi puo merhashüze kerüsuoki kitia prata; sidi kenourhei kikhakâ khawata.
 31 Sirâ ukâ puo dukhriwa tuoü sietatse, Jirusalem pete bouübi bata ükechü die pukhâ chüpaihi nyiepuo mhâ
 32 kezhaui tsâlie. Sitse puo chüpaihikâ mu kriamhâ kezhakâ zeliedi ta mia dânu tsu: sitse themia sükä kezhaui mu chüpaihikâ ngudi Paul vübadî khawa.
 33 Sükisü nyiemhâ kezhaui tuo Paul penuo phidi puo telie, sidi miabu thezhürâ kenia üse puo khelie nuta; sidi puoü supuo shi kechü, mu puo kedipuo chüwa shi kechü
 34 ketsâta. Sitse themiakâ dânu huomianie diepuo pu, mu kekreamia diekekreamio pu idi shiekhoui bata; sükisü themia kebou kechüla mhapuorei sikemechielle kenjütatse puo hukum khashüdi miabu puoze chüpaihi-
 35 kâ banu vâlie nuta. Sirâ puo ketsiekheya gei khâ kezhüla, themiakâ puo khou toutouta kechüla chüpaihi-
 36 kâ bu puo toupie khâ morâsuota; mhakekreilamonyü themia sükä petekâ puo siamedzi shiekhoudi sie, Puobu lhoutwo hie! chütuota kechüla.

PAUL THEMIA MHÂDZÜ DIEKEPU; NYIEMHÂ KEZHAUI
 PUO KELASHÜ TUOÜ LASIE KECHÜ

- 37 Süsia Paul ze chüpaihikâ banu leta tuoü zhütse puo sie nyiemhâ kezhaui üse, A bu n ki die huo pulievi mo?

sidi ketsâ. Sitse nyiemhâ kezha puo üse, Nâ Grik die
 38 si le ? Ka, di sirâ, nâ hadzû mia kedukhri nyie dia mhâ
 kezha chûdi sūkâ ze mharapuo ,vâ keta Ijupt-u zâ
 39 monyû ? Sitse Paul sie, A Judamia, Kilikia kijûnu
 Tars rûnamia, rûna nasuomia mo. Abu themiakâ ki
 40 die pushû thia. Sirâ nyiemhâ kezha puobu diepu
 nushûtse, Paul ketsie kheya gei thaliedi puoǵzie chasie.
 Sûkisû themia kemekrie zeita ; sitse puo Ibri die nunu
 ukâ ki mhapu tuoûdi sie,

22 Apuonnuokâ, mu akezenuokâ, a tsie arûli pu tuoû
 kezhûkâ rûnyûliechie ; sishû.

2 Sidi puo Ibri die nunu ukâ ki diepu tuoû kesie silietse
 khinyhû ki kemekrieku bata. Sitse puo sie.

3 A Kilikia kijû Tars rûna nunu penûokelie Judamia
 zâ ; derei a rûna hanuhanu Gamaliel 'bu a kepetha chûdi
 upuonuokâ zhâtouu phrûliedi phichûlie. A hadzû niekâ
 thia hanu ketlakâ kemhie Jihova liechûya üdi a

4 rhiechû sier. Sirâ Kepethadie hau zeyakezha thenu mia
 rei thepfu mia rei tephapie kediekinu shûdi ukâ pesepie
 ukâ dukhri rei watuoû zâ sie : sÿsÿ phichûkezbau mu

5 pehûkâ kehou pete rei sibatuo. A sūkâ bunu leshû
 thupie adzieni shûdi athuo se Damaska nu keba

akezekâ *Judakâ* ki vâdi, rûna sÿnu rei mia huo barâ,
 sūkâ teze Jirusalem nu vâdi ukâbu kedie chÿtuou

6 kechû amedâ sie. Mu sÿkisû a tuose Damaska penuo
 vâzhûtse, khinhialuo meseki, teigeinu mhapuo ziepie

7 kemerie chÿzâdi tevazâtsur a zepfûlie. Sitse a te
 kijû tsuta : sirâ sÿkisû, Harie Saul, Saul, nâ kiûdi

8 a peseya ga ? sikechû mhapfepuo si. Sitse arei sie puo
 üse, Niepuu, nâ supuo ga ? sidi ketsâ. Mu puo rei

a üse. A Nazaret Jisu nâ puo peseya kezha zâ ; sita.
 9 Sÿkisû azeketuokâ rei kezieuwe nguzâ, derei a rÿchû-

10 kechû pfeu simota. Sirâ a sie puo ki. Niepuu, a kedipuo
 chûlie morâsuo ga ? sidi ketsâ. Sitse Niepuu a üse,

Siedi Damaskapu lelie, silie lirâ n bu chÿtuouëdi hrÿpie
 11 ketuokâ sÿnusÿnu puphrepie n kieshÿtuo ; sita. Sÿkisû

kezie sÿu amhi rÿr thârta kechûla a mhanglie motadi
 azeketuokâ 'bu adzienia merhashûdi aze Damaska nu le.

12 Sÿsia Anania ùkechû thezhâu zetou di miathâ tuoyakezha
 rûna sÿnu keba Judakâ tsepfû phreya kezha miapuo vâr

- 13 a khieki thaliedi a ūse, azeu Saul, n mhi bu mhangulalie ;
sishū. Sirā sitsemetha a mhirhā shūru puo ngulie.
- 14 Sūsia puo a ūse, Upuonuokā Rhuo-u *Jihova* n bu
puo medāu silie-tuoū kechū mu Kemiathāu ngulie tuoū
kechū, mu puo tia nunu kepar puopfeu rūnyūlie
- 15 tuoūkechū hrūse tuote. Mhakekreilamonyū puo n bu
themia petekā mhādzūnu n kesi kengu khekā pupie puo
- 16 zhapu chūlie ketuola. •Sirā nā kedipuo chūdi tsierei
bazā ga ? . Sieliedi baptaiz chūlie, sidi puo zanunu n
- 17 mezhiemelādi n kephumakā khrūwalie ; sita. Sūsia a
tuola Jirusalem nu vāliedi kerūsukinu nu chakebaki, a
- 18 siamiakemi zhūta ; sūkisū a puo nguru, puo a ūse, Nā
kenourhei tuo rūkri Jirusalem chie pratalie ; mhake-
- 19 kreilamonyū ukā nā a dze zhakepudie zenyū lielhā
kechūla ; sita. Sitse a sie puo ūse, Niepu, ukā rei
- 20 sibatuo, a Judamia kehoyki khekā nunu n kepelekā
tepie kedie chū mu ukā vū isie : sizāmonyū u zhapuu
- 21 Stefan kedukhriki a rei ukāze kenourhedi ukā kepenuoki
thadi puo kedukhrikā pfe pfethazā ; sita. Sitse Niepuu
- 22 a ūse, tuoshūlie : mhakekreilamonyū a n ketsepie
ketsekethounu ketuo Judakemokā ki shūtuoū zhū
- 23 kechūla ; sita kechū pu.
- 24 Sirā ukā puo die sūyāsū ketsā rūnyūlie, sūsia
shiekhoidi sie, Themia hiekehūmia dukhriwalie ; puo bu
- 25 kijū lhoutuo zhūmo. Mu ukā shiekhoidi, upfe rhuokelhu
wadi, nyāphe kelhupie ukāmhā shūtātse, nyiemhā
- 26 kezhaui miabu puoze chūpaihikā banu vāta nudi hukum
khashū ; sidi mia kedipuola puogei uneimodi shie
- 27 hathede chūte shi kechū sinyū kechūla miabu seirāpie
puo vūdi ketsā menuo nukechū pushū. Sūsia mia puo
- 28 vūtuoūdi puo phalietse Paul sie puo khieki ketha
kriamhā kezhaui ūse, Rom mia zārei niekā puo-kejā silie
- 29 kemonu puo vūkechū thezhā ma ? sita. Sūkisū kriamhā
kezhaui die sūu siliedi, tuovā nyiemhā kezhaui ūse, Nā
kedipuo chūdi hi tuōū thaga ? themia hauha Rommia
ze ! sita. Sitse nyiemhā kezhaui puothuo Paul ki vārdi
sie, Nā Rommia zā le ? aki pushūchie ; sita. Sirā Paul
sie, U zā ; sita. Sitse nyiemhā kezhaui lasie, A Rommia
chūkelie raka kekrapie khrūdi chūkelie zā ; sita. Derei
Paul sie, Awe a penuolietsenu rei Rōmmia zā ; sita.

kezhau rei Paul üse Rommia ükechü sikelie ki, puo Paul tepie pha kechüla michie phita.

PAUL JUDAMIA PEHÜKÂ KEHOU NUNU DIEPU KECHÜ.

ROM CHÜPAIHİKÂ BU PUO KELALA KESHÜ USEU

30 Sirâ süsianhia Judamia kedipuola Paul pejâ shi kechü sitoulie kenÿü la, nyiemhâ kezhau, puo phrei-shüwadi phichükezhakâ mu kehou petekâ bu vâr kengulie nushü, sidi puo Paul ze kedi puo khapie sükâ mhâdzünu shü.

23 Sitse Paul kehoukâ mehâterdi sie, A kezekâ, a thia teisâ haketsâ anou mezhüdi Jihova mhâdzünu lhou
2 vârtâ zâ; sita. Sishütse phichükezhau Anania mia puo
3 khieki kethakâ bu Paul tia kepfü khawanushü. Sitse Paul puo üse, Harie kethera kezhau, Jihova n siazha kha n tsütuo. Nâ thezhâ toununu a ketsâ tuoü badi,
4 nâ thezhâ varhuodi miabu a vütuo le? sita. Sitse süki kethakâ sie. Nâ Jihova phichükezhau kerhieya zâ
5 monÿü! sita. Sitse Paul sie, A kezenuokâ, a *sükisü* puo üse phichükezhau ükechü lethâ mo; *kemosia*, Nâ n themiakâ mhâ kezha chüya kezhau gei die kesuo pu suo,
6 ikechü thupie zhü; sita. Sirei Paul kehou süu doupuo Sadukimia, mu doupuo Farisimia bakechü leliedi, puo sükâ hou nunu shiekhoudi sie, Harie akezenuokâ, a Farisimia mu Farisimia nuonuo zâ; mia bu a ketsâkechü hauha mhakekreilamonyü thesia dzen mu kesiamia
7 rheila sieketuo dzeu la zâ; sishü. Sirâ puo sishütse, Farisikâ mu Sadukikâ kemeüta: sidi kehou süu la kenia
8 chüta. Mhakekreilamonyü Sadukikâa kesiamia üse rheilasie lielâ üya, mu terhuoümia rei jü mu ruopfü rei jü üya: derei Farisikâwe hakâ nyiphre üya kechüla.
9 Süla ukâ kenya phita: sidi Farisikâ kitsa leshükesithâkâ huomia siethaliedi miaze kemeüdi sie, Hiëwe themia hau kejâ puorei ngulie mozâ. Ka, di sirâ, ruopfü morei teigei dieliemia puoa nnyhü puoze, kerüchüü
10 mhaü lirâ, kita? sita. Sükisü keprüli petsamo tatse nyiemhâ kezhau mia üse Paul chiechü chiethezâ kewa preidi, chüpaihimia krâpuo bu ke mia dânunu ukâ kemvü chüdi Paul teze chüpaihikâ banu khârta nudi hukum khashü.

- 11 Sūsia sūzhü Niepuu vār puo khieki thadi sie, N melou thepfuliechie : nâ Jirusalem nunu a zhapu keshtü tuoi, nâ sūsütüoi Rom nurei a zhapushülie moräsuo ; sita.

JUDAKÂ PAUL DUKHRIWA TUOÜDI THEDÂ HRÜBA KETA
SILIETSE PUO KETSEPIE KAISARIA NU KEBÄ
: FELIKA KEMIU KI SHÜKEWA

- 12 Sūsia tejsâlietse Judakâ kedârhedi rüsezâdi sie, ukâ Paul dukhriwa kemochie mhachü mhakrialielhâü
13 sibata. Mu ukâ thedâ süu hrükechü mia hiedia zie.
14 Sidi ukâ phichükezhakâ mu pehükâ ki vâdi sie, Hie Paul dukhriwa kemochie mha methalielhâ üdi rüse
15 kere se hie phase batewe. Niekâ süla vâ pehükâ kehoun za sedi niekâ Paul ketsâ menuo sakelie mevivadi nyiemhâ kezhaü bu, puoze niekâ ki ker nukechü chalie râ hie neituo ; derei puo ker hanu tsâkelie mhâdzü, hie puo dukhriwatuoü dâjü bata zâwe ; sita.
16 Sirei Paulnuto üpfü nuo-u mia puocha dze ba ükechü siliedi, puo tuo chüpaihikâ banu ledi Paul ki pushü.
17 Sitse Paul kriamhâ kezha miapuo kienze puoki vârdi sie, Nâ khriesa hayâ ze nyiemhâ kezhaü ki vâchie : hayâ
18 puo ki diepuo pu tuoü tuolie ; sita. Süla kriamhâ kezhaü puo zevâ nyiemhâ kezhaü kishüdi sie, kedieu Paul a kienze vâdi abu khriesa hayâ ze n ki vâr nutelie :
19 puo n ki diepuo pu tuoü tuo shie ; sishü. Sitse nyiemhâ kezhaü khriesa süyâ dzie merhashüliedi puoze mhara-
20 puo vâdi pekhre puo ketsâdi sie, Nâ aki kedipuo putuo ütuo ga ? sita. Sitse puo sie, Judakâ tijüdi n bu Paul rüli ketsâ sa kemechielie tuoüdi sâdu puoze pehükâ kehounu ker nukechü n ki chatuo üdi kedâva
21 sebato. Sirei nâ ukâ die zehiechie : ukâ mia hiedia kezie, puo dukhriwa kemochie mhachü mhakria lielhâ üdi rüseü uphâpfüdi puocha dze bata kechüla : sirâ ukâ n kinu hukum ngukelie pfedi tsierei dâjüse merür bate ;
22 sishü. Sitse nyiemhâ kezhaü khriesayâ bu puo diesükâ se vâr puoki pukechü se mia puo kirei pula hienu kechü puwadi puobu tuota.
23 Sūsia puo kriamhâ kezhamia kenia kienze puoki vârdi sie, N nia tsiezshü keba thepfü kevü meseki chüpaihimia kria kenia, mu kier gei ketuo chüpaihi hie thenia mu

- rüngou kepie chüpaihi kria kenia bu Kaisaria nu
 24 väketuola kese shüliechie ; sita. Sirâ ukâ bu Paul ze
 Felika kedi ki menuo vâlie ketuola Paul bu baketuola
 25 kierkâ rei keseshü nushü. Sirâ puo leshü rushü kechü
 hambiei,
 26 Klaudia Lusaa kedi kevithâu Felika keluphi shüho !
 27 Themia hauha Judamia bu puo teliedi puo dukhriwa
 tuoü tha ketaki, puo Rômmia zâ, ükechü a siliedi
 28 chüpaihikâ ze mhatsu puo sekelalie. Sirâ ukâ kedipuola
 puo pejä shi kechü silienvüdi a puoze ukâ pehükâ
 kehounu rei ke : mu a silie kechü, ukâ puo pejä kechü
 29 ukâthuo ukâ zhâ dze keprüli kechüla zâ ; sirei puo tepie
 dukhri morei puobu kedi chü kezhü die puorei pie
 30 puo pejä kechü ngulie mo. Sirâ mia themia hau
 ngukemvü dâ hrü bata ükechü a silietse, kenourhei puo
 ketsepie n ki shüwate ho : mu puo gei kenya kezhakâ
 burei vâdi n mhâdzü nunu puo gei mhapulie nukechü
 pushüwate ho.
 31 Süsia chüpaihikâ puo die zedi Paul zeliedi pezei
 32 puo ze Antipatri nu vâta. Derei süsianhia ukâ kier gei
 ketuo chüpaihikâ bu puo ze vâlie nuwadi tuqla ukâ
 33 chüpaihi banu vâta. Sirâ kier gei ketuo chüpaihikâ
 Kaisaria nu vâlietse leshüu khapie kedi tsüshü, mu
 34 Paul rei ze vâ puo mhâdzünu shü. Sirâ puo leshü süu
 liepie phrüdi, puo kiramia shi kechü ketsâ. Sidi puo
 35 Kilikiamia ükechü silietse puo sie, N' ze kenya kezhakâ
 rei vârlietse, a n dze sitoulie tuo : sita. Sidi puo mia bu
 Paul khapie Herod ki nu balie nudi hukum khashüwa.

FELIKA MHÂDZÜ NUNU PAUL ZE DIEKECHÜ KECHÜ :
 MU PUO CHIE KENIA KAISARIA NUNU KEDIE
 CHÜ KECHÜ

- 24 Sirâ zha pengounhia phichükezhau Ananiaa⁴ pehükâ
 huo ze mu puo za Tertula ükechü ukil miapuo zesa
 kerdi kezhau mhâdzü nunu Paul ngukemvü die puta.
 2 Sirâ Paul kieze vârlietse, Tertula Paul pejä tuoüdi sie,
 Harie kevithâu Felika, Hie n la lhou menephi keba
 zâ, mu n dâ la hie themiakâ kerüzhükâ chüpetsei
 3 philiete. Hie rüna petekâ nu mhasükâ siliedi n tsephi
 4 bawe. Derei abu n kehyusamo ketuola nâ angume-

- 5 zhiedi adie huoyâ rŭnyŭshŭ chie. Themia hauha
mhakebvŭpesuo se kechŭ, mu kifŭ petenu Judamia
petekâ dānunu ukedi ngumvŭ kezha mu Nazarinkâ
dānu mia meshŭže ketuo pehŭpuo zâ kechŭ hie silieta
6 zâ. Sŭrŭrbei zāmonyŭ puo hie kerŭsuokiu rei bieperhu-
wa tuoŭ sie; derei hie puo teliete; mu nâ tsie nthuo
puo kepsāmenuo sielirā, hie kedipuola puo pejātuo shi
9 kechŭkâ si phrelie tuo; sita. Sitse Judakâ rei puodie
pedi die sŭkâ ŭse kethâzâ ŭsita.
- 10 Sŭsia kedŭ Paul bu die punudi dziezieshŭ; sitse
Paul sie.
- 11 Nâ themia hakâ mhâ kezha chŭtuo keta teichie kekra
keta aa siliedi a aneidi arŭli pushŭ tuoŭtha. Nâ rei
silietuo, a rŭsuo tuoŭdi Jirusalem nu kekhâ zha
12 kerckenia zie moluo: mu sŭkikâ a kerŭsuokinu rei morei
Judamia kehoukinu rei, morei rŭnanu rei miapuorei ze
kemeŭtuo morei themia vakebvŭtuo miabu a ngulie
13 mozâ. Sirâ tsie ukâ theda dapie atsŭ kethakâ ukâ
14 miapuorei zhapu khashŭlie kenjŭ. Derei a ukāa kekrŭ-
kechŭ kepethadie ŭyakezhau zedi hiepuonuokâ Rhuou
Jihova rŭsuotuoya kechŭ, die hau se n ki pumolie
kenjŭ: siŭderei thezhāu nu ketuokâ mu siadzekesikâ
15 leshŭdakānu thupieketuokâ pele phredi, Jihova kitsatie
hie siadzepuo nyikechŭ themia hakāha mhiei hie rei
letuoya: sŭsŭ kemiathākâ la rei mu miathākemokâ
16 la rei rheilakeŭsie nyi zâ tuo. Sŭla Jihova kitsa rei
themia kitsa rei a medâ bu mezhŭlie ketuola arei a
17 hiechŭ seituoya zâ. Sirâ teichie kenia kese sŭnu rei
batamodi mia mhakha athemiakâ tsŭkeshŭkâ mu athuo
18 alarei rŭsuo chŭketuokâ sedi *Jirusalem nu khâ*: sŭkisŭ
miaa a kerŭsuo kinunu a chŭkemesakelie ngulie zâ;
derei sŭkisŭ, themia kekra rei tuo mo morei kebvŭkechŭ
19 rei jŭ. Derei Asia nunu Judamia krāpuo vārba; themia
sŭkâ ŭthāŭ agei mhahuo putuo lirā, n mhādzŭnu
20 vārdi hanunu pukelie mese. Morei a pehŭkâ kehou
mhādzŭnu kethaki a sie, Kesiamia rheilasie ketuo dze
la niekâ mhādzŭnunu thia a ketsā ketha zâ ikechŭ,
21 a niekâ dānunu thadi shiekhoui keshŭ, a die sŭula zâ
kemosiā akejâ kekrei huo baŭ lirā themia hakāha bu
uthuo puliechie; sita.
- 22 Derei Felika kepethadie sŭu dze sikemechie zaliedi,

- tsiesianu kechü tuo üdi sie, ukâ üse, Lusia nyiemhâ
 23 kezhaü ker lirâ a niekâ dienza kechütuo; sita. Süsia
 puo kriamhâ kezhaü bu puo khapie balie nushü, derei
 puobu diesuomia mhie modi puo khriethâ kechümia
 kehupuo burei puo liechü mvühie nu shüwa.
 24 Sirei zha huoyâ sianu Felika puo kimia Drusila
 Judapfü zedi ker, sidi Paul kelieshüdi puo kinu Khrista
 25 Jisu kepele dze rünyü. Sükisü puo kemiathâ mu uthuo
 ukekhalie morâ kesuo mu thesia *Jihova* u ketsâ ketuo
 dzekâ thatou shütse Felika michie phidi sie, Nâ
 tsieuvawe tuotalie, a akerüü tei ngulie râ, n kielashü
 26 tuo; sita. Sizâmonyü puo Paul üse raka rei kha puo
 27 ketsü ledi tsiemelie puo kieshüdi puoze kerüchü. Siba
 chie kenia tseititse Porkia Festa vâ Felika sou chülie;
 derei Felika Judamia nei chünyüdi hadzü puo khashüwa
 mota.

FESTA MHÄDZÜNUNU PAUL ZE DIEKECHÜ KECHÜ;
 MU PAUL KAISAR KI APIL KECHÜ

- 25 Sirâ Festa rüna sünu vârliedi zha se sianu Kaisaria
 2 nunu tuose Jirusalem nu khâ. Sitse phichü kezhakâ
 mu Judamia pehükâ vâ Paul gei kenyakechü diepie puo
 3 ki pushü: sükisü ukâ puobu ukâ ngumezhiedi Paul
 keliepie Jirusalem nu shünushü: silirâ ukâ chala nunu
 4 puo dukhriwa ketuo hrüba. Siüderei Festa lasie, Paul
 khapie Kaisaria nu shüpie bawata, mü puorei chabamodi
 5 tuo sünu keta tuoü bata üsita. Sidi puo sie, Süla
 themia süsusü kejâ huo chüwaü nhaü lirâ, niekâ dânu
 kekuo kenyimia bu aze kedi, sümia bu puo gei kenyalie
 chie; sita.
 6 Sishüdi puo zha tbetha morei ker zie ukâze bamodi
 Kaisaria nu keta; sirâ süsianhia puo dienza kechükezha
 7 ba gei baliedi Paul zevâr nudi hukum khashü. Sidi
 Paul vârtse Jirusalem nunu ker keba Judakâ vâ puo
 houpfü thaliedi theda kere neiükâ pupie puo data;
 8 derei sükâ zhapu khashülie kenjüta. Sükisü Paul
 puothuo puo rüli pudi sie. A Judamia zhâu morei ukâ
 rüsuokiü morei Kaiser rei ngukemvü mhathâ chü chie
 9 mo; sita. Sirei Festa Judakâ khriepfülie nyüdi lasie
 Paul üse, Nâ Jirusalem nu khâdi sünu a mhädzünunu
 10 miabu mahakâ dze n ketsâ tuo mo? sita. Sitse Paul

sie, A tsierei Kaisar miadienya pepikechū ba mhâdzūnu thazâ, mu sūnusūnu a nyakechū kechū mese. Nâ rei sitou batuo, a Judamia mhâdzūnu zâwe kejâ puorei chū mo zâ.

- 11 A thezhâ varhuokewapuo chūlirâ morei a sia kesū mhathâpuo chūwaū mhalirâ, a sia rei mvūmo zâ : derei a pejâ ketha die hakâha puorei kethâmo kechū sia, miapuorei a khapie ukâ dzienu shūwa keliefū. A Kaisar ki apil chūla tuo : sita. Sitse Festa puo pehūkâ ze kedârhedī sie, Nâ Kaisar ki apil chūtuoū thate ; nâ chūsia Kairsar ki vâlie morâsuo ; sita.

PAUL-A AGRIPA KEDIU MHÂDZŪNUNU DIEPU KECHŪ

- 13 Sirâ siba zha huoyâ sianu kediū Agripa mu Bernika
 14 pfū unia Kaisaria nu vârdi Festa kelu. Sidi unia telhe sūnu bata ; mu sūkisū Festa Paul dzepie kedi sūu ki pu tuoūdi sie, Felika miapuo khapie hanu puobu kedie chūba ; mu a khâ Jirusalem nu kebakī phichūkezhakâ mu Judamia pehūkâ themia sūu rūlipie a ki pushūdi
 16 abu puo pejâ shūnudi a ki chata. Sūkisū arei ukâ ūse, Rommia zhâ nu miapuorei mia puoze kenya kebau puo gei kenya kebakâ ze mhâtsou kengudi mia puo gei kenya keba la puobu puothuo puo rūli kepu tei puorei ngulie modi puo khapie puo gei kenya kebakâ
 17 dzienu shūkechū thezhâ mowe. Sidi ukâ vâr hanu kengulietse a ârie chū chie modi sūsianhia dienya kechū kezha ba gei baliedi themia sūu zevâr nudi hukum
 18 khashū. Sirei puo gei kenya keshūkâ vâr puo houpfū thalie ru awe ukâ ūse theda da suopie puo datuo
 19 nhia ibaru sichie mo. Ukâ ukâthuo ukâ nanyū dze mu Jisu ūkechū siaketapuo Paul-puo ūse rhei tuo ū pukechū dzepuo la puo gei kenya kechū zâta.
- 20 Mu mhasūkāsū dze ketsâ kechūdâ si kemechiele motadi, a puobu Jirusalem nu khâdi mha sūkâ dze
 21 ketsâ tâ mo kita ? idi-puo ketsâru. Sirei Paul kediū bu dienya sūu pepi tuoūdi apil chū tuo ūta ; sitse a puo ketsepie Kaisar ki shū kemokikâ mia bu puo khapie
 22 ba nukechū hukum khashūwe ; sishū. Sitse Agripa Festa ūse, A rei themia sūu die sinyū zâlie ; sita. Mu puoa sie, Nâ sâdu puo die silie tuo ; sita.
- 23 Sirâ sūsianhia Agripa mu Bernikapfū unia kerūtsâsedi

nyiemhâ kezhakâ mu rûna sûnu pehûkâ zedi kediba
 nu lelietse Festa hukum khashûdi miabu Paul ze
 24 lerlie. Sitse Festa sie, Kediû Agripa, mu thia vâr u ze
 keba themia petekâ, niekâ themia hau ngu batuo, puo
 la Judamia petekâ a mhâdzûnu vârdi kenya; sidi ukâ
 25 Jirusalem nurei mu hanu rei puobw rhei satuo zhûmo
 üdi shiephrete. Derei sükisû a silie kechû puo sia kesû
 mhathâ puorei chûmo zâ; sirâ puo kediu ki apil chû tuo
 26 üta kechûla. arei puo ketsepie sûnu shûwa tuoü kechû
 hrûse bate. Derei a puo dze thupie a mhâ niepuu
 kishû tuoü kechû mhapuorei sitoulie mo bate. Sûla a
 puo ze niekâ mhâdzûnu mu bahurei, kediu Agripa, n
 mhâdzûnu vâr kechû zâwe; mhakekreilamonyû nâ puo
 ketsâmenuo keshû sia a puo dze mhahuo thushûkelie
 27 ngulie tuo nhiamu ikechûla. Kediemia ketseshû tuoü
 lirâ, mia puo gei kenya kechûdie puorei pushû mozâ
 kechû, a mhâdzûki puotoumo zâ kechûla. sishû.

26 Sûsia Agripa sie Paul üse, Tsie we nâ nthuo n rûli
 pushûlie rei vi; sita. Sitse Paul puobou chasiedi puothuo
 puo mezhû putuoüdi sie,
 2 Kediû Agripa, harie, Judakâ a pejâkechû diekâ pete
 la a thia n mhâdzûnunu a mezhû putuoü thakelie a
 3 aneitha zâ; mhakekreilamonyû Judamia dânu thezhâ
 ketuo khekâ mu keprüli tuoya kezha khekâ nâ siphre
 kechûla. Mu nâ angumezhiedi rûnyû n chamezie
 4 tahiedi a die rûnyûshû chie. A sietsenu Jirusalem nu
 mu athuo athemiakâ dânu anhichu nunu vâr tsie ha
 5 ketsâ arûlisû Judamia pete siphrebe; mu a Farisimia
kethâmia chûdi ukâ nanyû kerethâu zeyakezhamia
 chûsier kechû ukâ ukâthuo zhapu pfûnyû lirâ, ukâ adze
 6 si ketsâ bazâ. Sirâ a tsie Jihovaa upuonuokâ ki pupie
 7 kezhû usiadzeu la niekâ bu a ketsâ ketha zâ. *Jihova*
pupiekezhû sûu ngukelie ledi ukâ seyie kerekeniakâ
 teisânhia teizeimetsei urbiechûdi Jihova liechû tuoya zâ.
 Sirâ harie Kediû, siadze sûu sûla Judamia n mhâdzûnu
 8 a gei kenya kechû zâwe. Jihovaa kesiakâ chûperheilie
 lirâ, niekâ kiüdi die sûu pelelie kenjû ükechû medâya
 9 ga? Thiadzû arei Nazaret Jisu zau ngukemvû mha
 10 neiükâ chûzârei mezhûzâ ükechû medâ ter siezâ. Mu a
 sükâsû Jirusalem nunu chû reizâ: sirâ a phichûkezhakâ

- kinu hukum obaliedi kemesakâ kekra rei tepie kediekinu
 kha rei, mu ukâ dukhri kechūki rei arei amedâ
 11 ūkechū pushū zâ. Sizâmonyū a tsiemelie Judamia
 kehoui kekâ ūnu ukâ pechūpenyū mu a ukâ bunu
 Jisu tha tuoū kechū a hiechū sier zâ; 'mu a ukâ ngupie
 a neimosedi vâ mia rūnanu rei ukâ pese phi shū zâ.
 12 Sidi a phichūkezhakâ kinu ukâ die mu hukum nguliedi
 13 tuose Damaska nu vâ; mu sūkisū, harie kediū, khuonhia
 khinhialuo meseki teigeinu keziepuo niaki kirei zie
 14 kechū kechūpuo vajzâ tsur, a mu aze ketuokâ hiekâ
 va ziekruoi kelie ngulie. Sūkisū hiekâ petekâ te kijū
 tsu phretatse, Ibri die nunu aki mhapuo pudi, Harie
 Saul Saul, nâ kiūdi a peseya ga? Nâ phipa pesiapa mia
 15 seitsūpie mhathâ thu zeshūdi puobu tuovūlieya kezha
 seiu kepa kechū repere zātuo; sita. Sitse a rei sie, Nâ
 suopuo ga, Niepu? isidi ketsāta. Sirā Niepuua lasie,
 16 Asū nâ puo pesekezhau Jisu zâ. Derei nâ siedi
 thalie; mhakekreilamonyū a vār n pengukechū, a n
 bu nâ hadzū mhangukeliekâ rei mu tsiesia a mhapushū
 n kiaketuokâ zhapu chū mu die sūkâ se mia kepethapuo
 17 chūlie ketuola vār n pengu keshū zâ. Mu a n themiakâ
 dzie nunu rei mu Judakemokâ dzie nunu rei n kelalie
 18 tuo. Mu a Judakemokâ bu rūdi kezei nunu kezienu
 pralie ketuo, mu Satan kekuo nunu Jihova kitsa
 pralie ketuo, mu ukâ bu ukâ kephuma valie ketuola, mu
 a peleliedi mesakeliekâ rei sa theka ngu kerbelie ketuola
 ukâ mhi chū kemhirhâshūnudi a n ketsepie ukâ ki
 19 shūtuo; sita. Sidi, harie kediū Agripa, a teigei nu
 20 mhasikelie diekâ zemvūta mozâ. Siketau monyū a
 sūkâ pupie Damaska nu kebakâ kiashū ria, sidi
 Jirusalem nu kebakâ rei mu Judia kijūnu keba petekâ
 rei kiasashū; mu sizâmonyū Judakemokâ burei unou
 kedi liegâ chūlie kezhū mhathâkâ chūliedi unou kediliedi
 rūdi Jihova kitsa vālie ketuola a sūkâ pupie ukâ rei
 21 kia sashū zâ. Sūsūla Judakâ kerūsuoiki nunu a teliedi
 22 a dukhriwa tuoū ukâ rhie chūta zâ. Sikechū nunurei
 Jihova thuo a yapie kelie la a thia harei thadi kochūmia
 kirei kezhamia kirei siadzezesikâ mu Mosa nuokâ ukâ
 kelhou siatsatie chūketuokâ kepu sia die kekrei puorei
 23 pudi sūkâ zhapu chāmo zâ. Sūsū Khristaa kemezhie
 morâkesuo, mu puo kesiakâ dānunu rheilasie keriau

chūdi puothuo puo themiakâ mu Judakemokâ kirei
dieliekevi kezieu pie pesishū morâ kesuo die zâ. Sita.

- 24 Sirâ Paul puothuo puo zha pushûtse, Festa sie
 melie puo rhiéchūdi, Harie Paul; nâ nyate ha! Nâ
 25 leshū phrū thâr kechū la nyate; sita. Derei Paul sie,
 Harie kevithâu Festa, a nya mo; sikechūu monyū a die
 26 kethâ mu kemechiemia diekâ putha zâ. Sirâ kediū
 thuo rei die hakâ sibatuo; a puo kī rei a^{*}kethe chie
 modi putha zâ: sizâmonyū die hakâha puo sikemo
 puorei mozâ ūkechū a letou tha zâ; mhakekreilamonyū
 27 hakâha mia kefūra nu chūmo zâ kechūla. Harie kediū
 Agripa. nâ siadzekesikâ die peleya mo? Nâ peleya
 28 zâ kechū a sita zâ; sita. Sitse Agripa sie Paul ūse, Nâ
 rūū mekhrâ zâdi abu Khristan chūta tuoū tha nhia
 29 ha! sita. Sirâ Paul lasie. Rūū shierei re shierei, nâ
 rūrbei zâmonyū thia a^{*}die rūnyū ketha hakâ petekâ
 burei a kedie chū ketha hakembie modi a mhielie
 nukechū a Jihova ki a mezhiemelâ thazâ; sita.
 30 Sitse kedi sūu mu rūna sūnu kedū mu Bernikapfū
 31 sirâ ukâ ze kebakâ rei siedī, ukâ thuo rūdei mharapuo
 vâdi kerūchūdi sie, Themia hauha siata rei kevi morēi
 miabu puo pha kezū mhatthâ puorei chūmo zâ; sita.
 32 Sitse Agripa sie Festa ūse, Themia hauha Kaisar ki apil
 chū kemosiawe puo khashūwa rei vi zâtuo; sita.

PAUL ROU GEINU ROM NU KEVĀ; MU CHALA NUNU
 ROU SŪU SUOKETA

- 27 Sūsia hiekâ rougeinu Italianu vâketuo hrūlie tse, mia
 Paul mu kedie kekrei krâpuo rei sa khapie kedi kezha
 chūpaihi krâu nu Juliâ ūkechū kria mhâ kezha mia-
 2 puo pelewata. Sūsia hiekâ, Asia kifū khie merhie vâtuou
 kezū Adramutium rou puo nu leliedi dzūcha ze tuoshū;
sūkisū Thesalonika rūna Makedoniamia Aristarka rei
 3 hie zetuo. Sidi sūsianhia hie Sidon tsâlie: sitse Juliâ
 Paul ngumezhiedi puo khashūdi puobu puo khriethâ
 4 khriechūkâ ki vâdi puo keleilie. Sūsia hie mhâdzū
 tsatie teikhrie reta kechūla hie sūnunu dzūcha ze Kupra
 5 phikhrâ merhie vâta. Sūsia Kilikia mu Pamfulia unia
 mhâdzū tsatie keba dzūkezhâ pfūthese Lūkia kifūnu
 6 Mura ūkechū rūnapuo nu vârtâ. Sūnušūnu Kriamhâ
 kezha Italia nu vâtuou kezū Alekandria nu roupuo

- 7 nguliedi puo hiebu sūnu balie. Sidi hie rūli tuo chaphi
vādi resedi tuose Knida mhādzūtou nu vādi, teikhria la
tuosa shūlie kenjūtadi hie rouze tuose Kreta phikhrā
8 merhie vādi Salmona mhādzūtounu vālie. Sidi hie
rephidi sūkhie merhie se kijū puo labou chūdi vipere
kechū kipuo vārle; mu sū kepenuokisū Lasea rūnau
rei ba.
- 9 Sidi hiekā menhuophi tuota di Mevāya kezha nyi
rei nyikewa siā ta kechūla dzūkezhanu rūvetuo kechū
10 michietatse, Paul ukā tarhāshū tuoūdi sie ukā ūse,
Harie themiakā, A noukele ukā dzūnu rūve tsieuva
michie rei se mu kaphi tuo, ukā mhapfū ketuohā mu
ukā rou rūrbei zāmonyū, ukā phou rei sa *katuo*; sita.
- 11 Derei kriamhā kezha Paul diekā kirei rou kethu
12 kezha mu rou sūu niepuu unia die pele kuota. Kijū
labou sūkisū teiseiki bakēchū puotou mo kechūla
themia kekratsa chūlie virā vā Foinikā tsāliedi teiseiki
sūnu bakelie ledi sūnunu tuoshūlienu kechū uneita;
Foinikā sūsū Kreta khieki kijū puo labou chūdi
niethutsa petsou di pesātsa rei mu pekhrātsa rei valie
13 kevi chūba zā. Sūsia pesātsatienu teirūkhria zaza vār-
tse ukā umedā chūtsei kelie ledi ukā rou phreiliedi rou
14 thuse Kreta khie merhiese zā vāzhū. Siru chabakemo-
nu kreta nunu teikhria khriadi, puoza Eurakulon
15 ūkechūpuo, vār ukā heta. Sidi rou bu tuo teikhria
petsou vālie kenjūta tse, hie sūu khashūdi teikhria bu
16 puo heze tuota. Sidi hie Kauda ūkechū kijūrūchū-
tsākemo kechūpuo phikhrā merhie rhievādi hie hie-
17 chūsedī rou kechūu merhashū sebalie; sitse miabu sūu
teshū se sierliedi, dā neiū chūdi rou kezha phā
kemeteillie; sūsia rou hepie Surtis nu shūkewa preidi
miabu roupfeu lhe sekertadi teikhria bu rou hese zā
vāta.
- 18 Sirā teikhria bu hie he phita kechūla sūsianhia mia bu
19 rougei mhapfū ketuokā chūkelhouwawa bata. Sibadi
zha senhia miabu uthuo udziepie rougei mhanyakā keta
20 kelhouwata. Sidi niaki rei ngumo themvū rei ngumo
chaphita mu tei rei rūkhria pie ketsapfū chūmota tse.
21 hie rheikelie puorei pele motāta. Sirā themiakā mhachū
mhakria mo chaphitachū Paul sie ukā dānu thaliedi
ukā ūse, Harie themiakā, niekā adie zedi Kreta nunu

- rou thudi tuoshū mo lirā vizā tie chiū; silirā kemichie
 22 morei keka hikechū ngulielhe chiū. Sirei tsiewe adie
 zedi nie melou suohie: rou rūrbei uthāū niekâ miapuo
 23 phou rei kata lielhâ. Mhakekreilamonyū a puo viezâ
 mu a puo lie rei chūya kezha Jihova teigeidieliemiapuo
 24 n zhū vār a khieki thadi aüse, Michiehiechie, Paul, nâ
 Kaisar mhâdzūnu rei vâzâ tuo; sizâmonyū, harie, Jihova
 25 n lanu rounu n ze ketuo kkekâ burei kata lielhâū bate;
 siya. Sūla, harie themiakâ, niekâ melou thepfūliechie.
 Jihova aki pukeshūu chūtsei shūzātuō kechū a peleya
 26 zâ. Siūderei ukâ khapie kijürüchūsākemopuo nu
 shūwa zātuō pekruo; sita.
- 27 Sirā Adria dzūkezha nunu teikhria bu hie hepie lutsa
 hat-a shū shū tuodi zha keredia zhū khisâteiluo mese-
 kinu roukethukâa ukâ thuo tuose rûna keba mharapuo
 28 vâtazhū ūkechū siliedi; dzū kesou mejū' sieru chie mepfū
 zâkechū ngulie; sirā tsieza phidi dzū mejūla sieru chie
 29 kerepengou zâta kechū ngulie. Sitse rou bu vâ dzūkezha
 khie ketsie gei sâkewa preidi, rou siatsatienu thezhū dia
 30 khe kelhoushūdi, teisâkelie mer kelhâ bata. Sirā
 roukethukâa rou geinu ta mharapuo vâketa hrūdi
 thezhū khe kelhoupie rou mhâdzūtsatie shūkewâ mevi
 31 chūdi rou kechūu khapie dzūkezha nu shūwata. Sitse
 Paul sie kriamhâ kezha mu chūpaihikâ ūse, Themia
 32 hakâ rou nu bakemo sia niekâ rheikelie jūwe; sita.
 Sishūtsemetha chūpaihikâ sie ron kechūu kekhe rākâ
 33 dathe shūdi puo bu tetsuta. Sidi teisâ par tazhūtse
 Paul-a themia petekâ bu kenouvalie nutuoūdi sie,
 Niekâ mhapuorei chūūkria modi thekhe chūdi tuoza
 34 keta thia zha kerediate. Sūla niekâ adie zedi mahuo
 chūliechie; silie lirā niekâ dze kevi zâ: mhakekrei-
 lamonyū niekâ miapuo tsū geinu rei thaprū puorei kata
 35 lielhâ zâ kechūla; sita. Sirā puo die sūkâ pushūwadi
 niekhrūda chūseliedi themia petekâ mhâdzū nunu
 36 Jihova tseshū; sidi sūu chiehi chūthata. Sitse ukâ
 37 petekâ umelou thepfudi ukâ rei mhachū bata. Sūkisū
 hiekâ rou nu ketuokâ pete kesa themia kria kenia di
 38 hierheniaa sorou. Sidi ukâ mhachū chūse chūlie tatse,
 ukâ lhakâ rei chū kelhoupie dzūkezhanu shūwadi rou
 39 pie chū kemedzatie. Sidi teisâ parlieru ukâ kijū sūu
 silie metā. Derei puo khie lutsa hatsa kēmetha di kijū

- thuthepfū kevā puo rūrkoupuo nguliedi, ukā rou
 khoupie sūnusū shū rā vituo momo tieshi kechū kerūchū.
 40 Sūsia ukā thezhū kekhekā phreipie dzūkezhānu piē-
 zhūwadi rou shjīkewhīlie kezha phakā phreishū, sidi
 rou mhādzt̄satie ketuo pfekezhau sekā lhashūliedi rou
 41 bu kijū kesā tsatie vālie. Derei ukā tuose dzūkezhā
 ketiase kechūpuo nu vātadi rou nyābanu zephepfū
 bata. Sidi rou tia keriat̄satie melemodi bataru, dzūrūpfū
 42 kere la puo siatsatie biēse phaphawata. Sitse chū-
 paihikāa kediekā ūse dzū vūdi taketa preidi sūkā
 43 dukhriwa tuoū kēchū medāta. Derei kriamhā kezha
 Paul kelalienyūdi ukā khalieta : sidi puo dzūvū kesikā bu
 prou dzūnu leliedi kesānu prarialienu, mu kekrekikā
 bu huomia mela gei, mu huomia rou tsākā geinu, pralie
 44 nu kechū hukum khashū. Sidi ukā petekā uphou kelase
 kesānu pra phreta.

- 28 Sidi hiekā ta sūnu praliēse sūze kijūrūchūtsākemo
 2 sū ūse Melitā ūkechū silie. Sūkisū sūnu kebakā hiekā
 ngumezhie pēre shūzā; sūkisū tei rūr mu meku rei sa
 kechūla ukā hiekā zeliedi mi rei chūpie hiekā peguo.
 3 Sūkisū Paul seikhrāpuo pievārdi khapie minu shūru,
 tīnyhū puo mhitsia kerhupuo mi nunu rūrp̄rei pra,
 4 puodzie reipielie. Sitse themia sūnu kebakāa khunuo
 sū puodzie gei khepfū kezha nguliedi ukā sie liuniehūo
 ūse, Kehuchūrei themia hauha mia kedukhrimia zā,
 puo dzū kezha nunu puose kelalie zārei, mia zha chūshū
 mia tsūlie keviua puo perhei shūhelhā tazā; sita.
 5 Siūderei puo khunuo sū kegepie minu shūwata, mu
 6 puo gei mhapuorei mozā. Derei ukā puo ūse rūmieliedi
 tsu sia mha zhūt̄atuo ikechū lethā : derei ukā puo
 mehāhā thadi puogeī mhapuorei mozā kechū nguliedi
 7 ukā nou rūdi lasie puo ūse terhuomiapuo zā ūta Sirā
 kijū sū kepenuokisū Publio ūkechū miapuo kijūrūchū-
 tsākemo sū mhā kezha kiū lie rei nyi.
 Puo hiekā zeliedi zha se hiekā pesā pevise shū zā.
 8 Mu sūkisū Publio nuopuo ruki mu theziabuo zhū : siru
 Paul puo kinu ledi Jihova ki chashūdi puo dzienia pie
 9 puo biēdi puo chūkeshūrhā shūwa. Sirā sishūtse
 kijūrūchūtsākemo sūnu ūkechū kenyi kekrekikā pete
 10 rei vārdi puo bu ukā chūkeshūrhāshū. Mu sūkā rei

hiekā rhupie rūtsürünyū zâ ; sidi hiekâ tuota kechūki rei ukâa hiekâ mha semorâkesuokâ neiūkâ sevâr rounu hie tsüşhū.

- 11 Sirâ khrū se sianu Alekandria roupuo, puo gei zasi kethu Dioskura ūsidi, teiseiki vār kijūrūchūtsākemo
- 12 sūnu baru, hiekâ sūgei siedi tuo shū. Sidi tuose Surakus
- 13 nu vāliedi zha se sūnu bata. Sūsia hiekâ sūnu sūnu rouze rūwhi vādi Regium rūna tsālie. Sirâ sūsianhia pesātsatie teirūkhria vār hiekâ hepfūlie, sidi sūsianhia
- 14 hiekâ Puteoli nu vālie. Sidi sūnu sūnu hiekâ zekâ ngulieru, ukâ hie bu zha thenia ukâ ze banu beita ; sūsia
- 15 hiekâ Rom valie. Sūmhādzu sūnu sūnu hie zekâ ukâ hie vāzhū ūkechū siliedi, ukâ Apia lhithāchū mu Rūsākisekā nu ketsā vārdi hie zēlie : sirâ Paul ukâ nguliedi Jihova rei tse mu thepfu rei sata.

JIHOVA KEDI DIEPIE RQM NU KEBĀ JUDAKĀ
PETHAKESHŪ.

- 16 Sūsia hie Rom rūna nu lēlietse Paul bu chūpaihimia puo puo pfeketuo uthāu puo bu *kediechūkemomia mhiei* puo ki krei bata.
- 17 Sirâ zha se baketa sianu puo Judamia dānu, pehūkā kelie phreshū. Sidi ukâ vār kengulietse puo sie ukâ ūse, Harie a kezekā, a athuo athemiamia rei ngumvū mo, upuonuokā zhā zārei ngumvūdi mhapuorei chū mozā rei, siūrei mia Jirusalem nunu a teze vār Rommia
- 18 dzienu shūwate. Mu ukâ a ketsā menuo kesieki, ukâ a dukhri kezhū agei mhacha puorei ngulie mota kechūla a khashūwa nyū sie ; d-rei Judakā sūkisū a khashūwa hienuta ; sūla abu Kaisar ki apil chū morāsuota. Siūderei a athuo a themiakā pejā tuoūdi rei mo zā.
- 20 A sūla niekā bunu vār aze kengudi a rūchū nudi niekā kelie keshū zā. A mia bu thezhūrā haupie a phase ketuo mhakekreilamonvū Israelmia siadzeu, la zā ; sita.
- 21 Sitse ukâ sie puo ūse, Hie Judia rūna nunu n dze leshū puorei ngu reilie mo, morei hie kezekā miapuo rei rūna hanuha vārdi rūkhruo rei mo, morei n kethadie rei
- 22 puorei pumo. Derei nā kedipuo leya shi hie sūu sūnyū ba ; mhakekreilamonvū kepethadie hau zēya kezhakā dze hie siŋechū mia luki haki sūkā ngukemvū die putuoya zāte ; sita.

- 23 Sirā ukā khunhianu puo ki vâr tuoŭ kechū tiechie
shū ru, sūnhiasū ukā themia kekra keze puo ba nu vâr.
Sitse puo khise nu vâ theva ketsâ ukā mhâdzū nunu
Jihova kedi dze zhapu chūshū, mu sizâmonyū Mosa
zhâu mu siadzekesikâ leshū nunu rei Jisu dze pupie ukā
24 hū phi shū. Sirei huomia puoa pukeshū diekâ peleta
25 mu huomiawe pelemota. Sidi ukā kedierhe motatse
tuota. Derei sū mhâdzūtsatie Paul ukā ki, Isaya
siadzekesiū tîa nunu Kemesa Ruopfūua thiadzū nie-
26 puonuokâ ki putou pie zhūwe, puoa pukechū,
Nâ themia hakâ ki vâdi puchie,
Niekâ kerūnyūwe rūnyūlietuo, derei mhakipuorei
silielhâ.
Sirâ niekâ kenguwe ngutuo, sirei mhakipuorei
lelielhâ.
27 Themia hakâ unou kerūzha zâ,
Mu ukā nyie rei ken'yeibi,
Mu ukâ mhi rei mhimia tuote.
Sūsū mhakekreilamonyū
Ukâ mhipie mhangumo,
Mu ukâ nyiepie mhapfe simo,
Mu ukâ nou pie mhasilie mo,
Mu rūzie lalie kelhâ,
Mu abu rei ukā chūpevi lie kelhâ chūketuola
zâ; sipiezhū.
28 Hahala niekâ siliemie: Jihovaa themia kelakelie die
hauha khapie Judakemokâ ki shūwatuo; mu ukā die
hau rūnyūlie zâtuo. Sishūwa.
29 Sidi puo chiete kenia puothuo mia ki nyiekelie puo nu
30 bata. Mu sūkikâ mia puo ki kevâ khekâ ki Jihova
kedi dze pupie kia, mu sūzâmonyū thepfusedi Niepu
Jisu Khrista dzekâ pupie miâ petha batsâ; mu miapuo-
rei puo kha mo.

Paul-a Leshü Thupie Rommiakâ Ki Keshü

- 1 Jisu Khrista kituo Paul, apostel chünudi kielie, sirâ
2 kelakreipie Jihova dieliekevi kam nu shüliete, *dieliekevi*
3 süüsü Jihova siadzekesikâ bunu kemesa leshükâ nu
4 thiadzü pupie tuo, süüsü puo Nuo dze zâ. Puochü
5 tsatiwe David seyiemia geinu lhou; mu puo ruopfü
6 kemesa tsatfewe, kesiaräia dânunu rheilakelie la, kuo-
7 sedi puo Jihova Nuo-u zâ ükechü tha touthü; *puo u*
8 Niepu Jisu Khrista zâ. Puo la themia petekâ dânunu
9 *mia bu puo* peleliedi *puo* dieze chütuoü kechüla puo
10 za nunu hie ngukemezhie mu apostel kam ngulie.
11 *Puo dieze chükeliekâ* dânu niekâ rei Jisu Khrista *mia*
12 chütuoüdi kielie ketakâ zâ. *Paul sün kinu kha niekâ*
13 Rom nu keba petekâ Jihova khriekâ mu kemesakâ
14 chütuoüdi kiekeliekâ ki shü: niekâ u Puo Jihova mu
Niepu Jisu Khrista bunu niekâ ngumezhie mu keviu
chübalie.
- 8 Adie keriau, niekâ kepele kifü petenu putuo ketala
a Jisu Khrista zase niekâ petekâ la a *Kepenopfu* Jihova
9 tse baya zâ. Sirâ a a kechakâ nu niekâ rükra me baya
zâ kechü puo Nuo dieliekevi kam nu aa anou nu
10 puo liechü tuoya kezau Jihova a zhapu ba; mhake-
kreilamonyü Jihova bu puo medâdi abu a ruokekuoü
tuodi vapuo niekâ ki vâr niekâ ze kengu nu kechüla
11 cha baya zâ. Niekâ bu meteilie ketuola aa ruopfü
theja huo se niekâ tsüshü thianyü idi a niekâ ngunyü
12 phi baya; süüsü mhakekreilamo, a niekâ ze badi niekâ
rei mu a rei ukâ huoniehüo nou chüpeluolie ketuola zâ.
13 Sirâ, a zenuokâ, Judakemomia kekrekâ dânu tuoi
niekâ dânu rei nu a mhathâ si huo ngulie kenýü la,
a tsiemelie niekâ ki vârnyü siesieya, sirei tsieharei a
14 khapfü bazâkechü, a niekâ bu simo banyü mo. A

- 15 Grikkâ mu rûnakekreikâ, mbakesikâ mu mhasikemokâ
 pu rei pfûtuota zâ. Sûla anon zâwe, a niekâ Rom
 nu kebakâ kirei dieliekeviu pupie kia tuoü kechû
 dâjû se bazâ.

LESHÛ HAU DIERÂ.

- 16 Mbakekreilamonyû aa dieliekevi tsatiwe mengaya
 mo; süsü Judakâ la ria; süsia Grikkâ la rei sa, idi
 kehupuorei pekelie khekâ kelalie ketuo Jihova kekuo-
 17 u zâ kechûla. Süsü kepele nunu kêpele nu Jihova
 kemiathâ thashû bata zâ, mu süu dze ha kemhie thupie
 zhû: Kepele la kemiathâkâ rheilie zâ tuo.

JUDAKEMOMIA KEPELE SE MIATHÂLIE MORÂSUO.

- 18 Sirâ themia kethâkemo se kethâ kha kezhakâ ukâ
 miathâkemo mu mezhükemo petekâ la teigeinu Jihova
 19 noupfû pesishû bate; ukâ nounu Jihova dze silie kevi
 thapie kia bata zâ kechûla; mhakekreilamonyû Jihova
 20 süuse ukâ bu silie nushû ketala. Sirâ kijû chûkelie
 yawinunu puo zhâ puo rûli, süsü puo kechachie kekua
 mu ukepenopfû zâ kechû, ngulie lhâ ketuokâ puo
 mhathâkâ geinu silie vi ketuola ngu kemechie tsuolie-
 tuote; kekreilamonyû ukâ bu mha kepu ba ngulie
 21 kelhâ la. Mhakekreilamonyû ukâa Ukepenopfu si zârei
 puoü Jihova ü puo kevi rei pu morei puo theziereilie
 mote. Sikechûu monyû ukâ noudâkâ nunu ukâ bie
 kesialawa, sirâ ukâ nou mhalekemo chûpezeiwate.
 22 Ukâa uthuo uüse mhasi üdi ukâ kenyamia mhiete,
 23 sidi suotalielkelhâ Jihova keviu chûkedipie suotaliekevi
 themia mu pera mu nhachû phidiakâ mu khunuo gouke-
 tuokâ rhipuo kemhie chûwate.
 24 Sûla Jihovaa ukâ bu kerûzhû nu unei unyû chûnyûrâ
 chûchie idi ukâ kha mesakemo nu shûwate, sidi ukâ bu
 25 ukâ thuo ukâ dânu uphou khriekemo chûwate; mhake-
 kreilamonyû ukâ Jihova kediethâ pie ketijû chûdi
 Chûkeshûu monyû chûkeliekâ rûsuorûsu tão ketala;
 sirei Jihova bu kechachie kevithâu chûliechie. Amen.
 26 Hauhala Jihovaa ukâ khapie rûzhû uvapesuo kechû-
 kâ nu shûwate; sidi unukâa uthuo uzâ khawadi
 27 uzâkemokâ chûte; sirâ süsütuoï upfukâ rei thenumia

gei uzhá khawadi ukáthuo huoniehúo rüya mehyumezhiedi thepfumia thuo thepfumia zedi uvapesuo tuote, sidi ukáthuo uká kekrúkechü siezha nguкеzhüká rei ngulie.

- 28 Sirá ukáa Jihova pie uká nou shünyü mo keta tuoi Jihova rei uká bu *chünyü* rá thezhá kemoká chütuo nudi uká khapie thenou rúpârüvü kechünu shüwate.
- 29 Sidi *miathákemo*, kerúzhü, kemehou, kelhie kechü, ha peteká se unou shü tsupfü tuote: sirá mia ngu urá-kechü, mia *kedukhri*, kegeikechü, mia se kedakechü mu
- 30 mia pupesuo kechü ü tsupfü tuote. Ukáa siaükechüká, mia kethaká, Jihova ngu kemechüká, kerúzhüká, kekáká, kemelhakechüká, thiadzü siya kemo kesuo kesa chüshüya kezhaká, ukrü die zekemoká; mhalelieya kemoká,
- 31 udieü udie chüya kemoká, unoushü nouzhie kefüká mu
- 32 mia ngumezhieya kemoká zâ. Sirá sükáa Jihova medâ siya, süusü sikechü chüyakezhaká sia *kethâ chüta* sü zâ; derei süu sibaya zâlirei ukáa sükemhie kechü zâmonyü mia, chüya kezhaká rei unei saya.

JUDAMIA REI KEPELE SE MIATHÂLIE MORÁSULO.

- 2 Süla, harie themia, nâ kehupuo shierei, mia lepejâya kezhaus, nâ mhapuorei pukelie ba jü: mhakekreilamonyü nâ mhachapuonu miakekreimia lepejâ rá, nthuo n pejâ kezha ze; mia lepejâya kezhaus, nâ nthuo zârei
- 2 mia kemhie chüya zâ kechüla. Sirá Jihovaa themia sikechü chüya kezhaká pejâ ketuowe kethâtou se chü
- 3 ketuo we siba ze. Süla, harie themia, sikechü chüya kezhaká lepejâ kezhaus, nâ nthuo zârei mia kemhie chüya zâdi Jihovaa *mia* pejâketuo-u therhielie tuoü
- 4 kechü medâya ma? Mo nâ Jihova zhâ keviu n shüta zevâ n bunu n nou kedilie tuoü kechüu simodi, puo zhâ kevi mü shügeshühie kechü mu puo noukecha kehoume-
- 5 ka ba kechüká meliaya ma? Sizâmonyü n nou kere mu n nou mezhie kemo la nâ Jihova kemezhüton se
- 6 mia pejâketuo pesishü ketuo mu puo noupfü sier kotuo teisâu la nthuo noupfü kengu keba ze; puo umhathâ
- 7 kemhie chüpie themia tsü phre tuo; shügeshühiedi mhakevi chüdi theza mu therhu mu jütaliekelhâ pfüya
- 8 kezhakâwe kechachie kerhei pie tsütuo: sirei uthuo uü

- kezhakâ mu kethâu die zemodi kethâkemo die ze chüya
 9 kezhakâ kiwe noupfü mu neikemo se tsütuo. Judamia
 bu ria mu süsiasâ Grikmia reisa idi kemezhie kechü mu
 kezia pie themia kesuo chü kezhâ khekâ gei shütuo;
 10 sirei Judamia ria, süsiasâ Grikmia rei sa idi theza mu
 therhu mu nounge pie mhakevi chüya kezhakâ tsü
 11 phretuo: kekreila monyü Jihovaa puo nei mja si kreiya
 12 mo kechüla. Mhakekreila monyü a dieliekevi nu ke-
 16 mhie Jihovaa Jisu Khrista bunu themia rüli kerüşhükâ
 kegaketuo nhia themia kehupuorei thezhâ kejünu
 phuma ketuo khekâ thezhâ kejünu ukâ bu katuo; mu
 themia kehupuorei thezhâ kenynu phuma râ thezhâ
 13 nunu ukâ nyie kechütuo. Mhakekreilamonyü Jihova
 mhâdzükiwe thezhâdie kerünyükâ monyü thezhâ zeya-
 14 kezhakâ rürbei üse kemiathâmia chütuo kechüla. Sirâ
 thezhâ kejü rünakekrekâa, unou nu thezhâ nu chümo-
 râkesuokâ chüya kezha, thezhâ jü zârei sükâsü uzâ ta
 15 zâ. Sidi ukâa thezhânu sekezhükâ ukâ melou geinu
 thupie ketuo silieya, unoua süse zhapu chüshüya, sirâ
 ukâ noudâkâ puoa ukâ pejâ mu kekreiua ukâ kemezhü
 ituoya.
- 17 Sirei nâ Judamia üya râ, thezhâu pele mu Jihova miâ
 18 üdi nthuo n lepeviya nhia. Sirâ nâ thezhâu nunu mha-
 siliedi Jihova medâkâ sidi mbakevithâkâ üse vi üya
 19 nhia; mu sirâ thezhâ nunu mhakesi mu kethâ rhi ngu-
 kelie la nâ cha tha pie mhichiemia kia ketuo puo, mu
 20 kezeinu ketuokâ keziepuo chü, sirâ kemelâkâ bu mhasi-
 lie kezhapuo chü mu pahyakâ kepethapuo chüya nhia.
 21 Süla, mia pethaya kezhau, nthuo n pethaya mo le? Nâ
 22 mia bu rüguhie nudi mia pethaya kezhau, nâ rüguya
 le? Nâ mia bu pieü chühie nudi mia ki puya kezhau,
 nâ pieü chüya le? Nâ terhuomia rhi rütseya kezhau,
 nâ terhuomiarhi kerüsuoki nunu mha rügulieya le?
 23 Nâ thezhâ seya üdi nthuo n lepevi kezhau, nâ thezhâ
 24 varhuodi Jihova rhukemo chüya le? Mhakekreilamo-
 nyü thiadzü thupie kezhü tuoi, Nickâ lanu Judakemo-
 25 mia dânu Jihova za pupesuo tuote. Sirâ nâ thezhâ
 zeya kezha sie zhükerea suo mo; sirei nâ thezhâ va-
 26 rhuoya râ, zhükerea zhürekemo chütaya. Süla zhüre-
 kemomiapuo thezhânu chümarâkesuokâ chüya lirâ,
 27 puo zhürekemo üse zhükere mhie zâü mo tuo ma? U,

nä, thupie-kezhü zhâ mu zhükere ngulie rei thezhâu
 varhuoya lirâ, uzhükere uzhâ chüyakemo thezhâu ze-
 28 tseiya kezhamia puothuo rei sie n pejä tuo. Mhakekrei-
 lamonyü chazow nu rürbei Judamia kechüzâwe Judamia
 29 kethâ mo, morei umâ geinu zhükere zâwe zhükere ke-
 thâ, mu sirâ umelou nunu zhükerewe zhükere kethâ;
 süuwä ruopfü thuo chü, thukezhü zhâu nunu mo. The-
 mia süu kevi—a themia kinu mo, sirei Jihova kinu

3 Sirâ Judamia chüunu kiüdi mia ki vikuota? morei
 2 zhükere kedipuo kevi ha? Kehupuotsa rei mhakevi
 baphi. Die kezhathâ hauha: Jihova diekâ pie ukâ
 3 peledi ukâ dzienu shükewa la. Sirâ kita? Sükâ huo-
 mia pelemo tjoü mha lirâ, sükâ pelekemo la Jihova
 4 kediethâ vapejüwa tuo ma? Suo tuo! Themia pete
 thuo tijü zâ shierei Jihova bu kediethâu chülie morâsuo.
 Puo dze hakemhie thupie zhü:

N diepukâ nu mia nâü diethâ ütuo:

Mu mia n zevâ n ketsâ zâ rei,

Nâ mia ki kuolie tuo.

5 Sirei umiathâkemo la Jihova kemiathâ sikemechieli-
 ya lirâ, we kedipuo puta? Jihovaa puo nouyiepfü mia
 pesuo râ—a themia noudâ mhie idi putuo weü—puoü
 6 miathâ mo ütuo ma? Suo tuo! Silirâ Jihovaa kikidi
 7 themia nyie kechülie ta? Sirei a ketijü la Jihova ke-
 diethâ sikechü salieya lirâ, kedipuola mia bu a pejäya
 8 ga? Sirâ “Mhakevi chü phralie ketuola mhakesuo chü
 ge!” ikechü hie üse puya üdi huomia hie thadi puya
 kezha tuoi hie kiüdi pu mota? Sirei die sikechü kepu-
 kâ pesuo kechü puotou zâ.

9 Sirâ kita? We mia ki vikuo ma? Motâ zâ! Nnyhü
 Judamia rei Grikmia rei üse phumata üsishü luo weü.
 10 Sükâ dze ha kemhie thupie zhü:

Themia kemiathâ jüte, puorei jüte;

11 • Themia mhakele puorei jü.

Jihova kepfü rei puorei jü;

12 • Ukâ pete cha vajâwate, ukâ mhachü mhathâ
 mote;

Themia mhakevi kechü jüte, puorei tuo mote:

- 13 Ukâ mezharâ kesiamia mekhru pa kezhu.tuoite ;
 Ukâ mhiû se mia kese die puya ;
 Ukâ me nu tinyhû mhitsia tuo :
 14 Ukâ tia nu mia rûpfû rûse kechû ü tsupfû :
 15 Mia dukhri tuoû kechû ukâ phi cha rhûrhû i zâ :
 16 Ukâ ketuo chanu mha biepeka kechû mu keme-
 zhie kechû rûrbei zâ ;
 17 Tsiu ukâa thenou komene cha si mo :
 18 Sirâ ukâ dzûki ukâa Ukepenopfu khrûkeprei puo-
 rei jû.
 19 Sirâ thezhâunu mhapuya kezhakû thezhâ kenyikâ ki
 puya kezha zâkechû ukâa si tazâ. Süsûla themia pete
 die rei vapejûwaya, mu sirâ teikhrâ kelhou themia pete
 20 Jihova mhâdzû jâtaya : Mhakekreilamonyû thezhâ
 zeya kezha la themia puorei puo mhinguki miathâ ûlie-
 ya mo kechûla. Thezhâ lanu kephuma dze silieya
 kezha zeru.

THEMIA CHÛKEMIATHÂ KETUO THEÐÂPUO BA.

- 21 Sirei tsiewe thezhâ nunu kemo Jihova kemiathâ puo
 ba kechû tha u kiashûya ; Mosa zhâu mu siadzekesikâa
 22 süu zhapushûya. Süsû Jihova kemiathâ mu süu Jisu
 23 Khrista kepele geinu pele kezha khekâ gei vârya. Sirâ
 themia kehupuorei kekrei lielhâ ; themia petekâ phu-
 24 mate, mu Jihova zhâkeviu tsâlie mote. Sirei Khrista
 Jisu geinu kelakelie dâ chûkeshû puo ungukemezhie la
 25 we puoma chûmodi miathâlieya. Themia kehupuorei
 pele lirâ süu ngulie tuo ikechûla Jihovaa Jisu zia pie
 ruothâ puo chûshû. Süsû Jihovaa kevavuo ketuoki
 themia thiadzû phuma ketuokâ puoa kesimo ketuo zâ
 26 kechû mu puo kemiathâ thashû u kiaya. Süsûtuoi
 tsiedâ rei puoa miathâ zâ kechû thashûnyûya. Puoa
 sidi mia bu puo miathâ zâkechû, mu Jisû pelekeli
 khekâ chû kemiathâlie vi ikechû silie ketuo thashûya.
 27 Sirâ uthuo u tse ketuokâ sü kita luoa ? Sükâ sa mote.
 Thezhâ kikechûpuo la shi ? Uthuo kechû 'zhâkâ la
 28 ma ? Mo ; sirei pelekeli zhâu la zâ. Süla themiaa
 thezhâ nu ketuokâ la monyû, kepele la miathâlieya üke-
 29 chû we si touliete. Mo Jihova duse Judakâ Kepenopfu
 zâü ba ma ? Puo Judakemomia Kepenopfu rei mo ma ?

- 30 U, Judakemomia vie rei zâ mechie. Sizâ lirâ Jihova puo
zâ ; tsiu uzhükëromia rei mu uzhüre kemomia rei peleu
pelelie lirâ puo sümia chükemiathâlie tuo.
- 31 Sirâ we kepele hau la Mosa zhâu kha kegewate ma ?
Suo tuo ! We thezhâ süu pu kemetei shüya kezha zâ.

ABRAHAMA KEPELE RÜRBEI LA MIATHÂ ÜLIE.

- 4 Sirâ upuotsa Abraham puothuo puokuo puohieü ngu-
2 kelie dze we kedipuo puta ? *Mhapuorei ngulie mo.*
Mhakekreilamonyü Abraham-a puothuo puo mhathâ la
miathâlie ü lirâ, puoa puothuo puo tselie vi ; sirei Jihova
3 va puo tselielhâ. Kethâleshüa kedipuo puya :
Abraham-a Jihova pelelie,
Mu süla puoü miathâ üta.
- 4 Sirâ mhakechümia mhangulie rei süüse puo ngukeme-
5 zhie la üya mo, sirei puo zña zâ. Sirei mhapuorei chü-
keshü la mo zâ, derei miathâkemomia Chükemiathâlieya
Kezhau pele lirâ, puo kepele la puo üse miathâ ülieya.
- 6 Süsütuoï umiathâ lamo zârei Jihova u chükemiathâlie-
ya kezhamia ruokekuo dze David rei thiadzü ha kemhie
pu.:
- 7 U kemou va u tsükewa mia,
Mu ukephuma kela utsü kewania ruokuothâ ;
- 8 Jihovaa puoti kephuma mia ükelhâu ruo ki ke-
kuo jü.
- 9 Sirâ tse sikeshükâ sü zhükerekâ mo zhürekemokâ rei
sa tse ga ? *U, zhürekemokâ rei sa.* Hie kepu mhake-
kreipuolamo, Abraham puo kepele lanu miathâkelie zâ
10 kechüla. Kikidi shi sü ? Puo zhürekëlie zenu mo ? mo
puo zhürelie kemo nu ga ? Puo zhürekëlie sianu mo,
11 derei puo zhürekemonu zâ. Tsiu puoa puo zhürekemonu
kepele la miathâkelie zhükere zasi mohor vükewa ke-
12 mhiepuo ngulie. Sidi puobu uzhüre kemonu rei pelekëlie
khekâ puotsa chülie, sidi ukâa *pelekëlie* la Jihova ukâ
chükemiathâlie. Sizâmonyü puobu uzhürekëliekâ puo-
tsa rei chüsa ; sükâ uzhürekëlie zâmonyü upuo Abraham
puo zhüre kemonu pele ketuo kemhie kechükâ.
- 13 Tsiu sirâ Abraham mu puose puoyiekâ bu kifü pete
lie tuoüdi pupie ketuo thezhâu la monyü peleliedi mia-
14 thâkelie la ngukëlie zâ. Simodi thezhâ lepeviya kezha-

- kā bu theka sūu lie tuoū lirā, kepele se mhapuorei
 chūkelie jūte, mu diepu pie ketuo-u rei thedā chūtatie.
 15 Mhakekreilamonyū thezhā ba kechūla noupfū rei ba;
 derei thezhā bakemo ra sūu rei kechū rei jū kechūla.
 16 Sūla puoma chūmodi methuo zā ūkechū silie ketuola
 sūusū kepele la zā ūta zā. Mu thiadzū pupie ketuo die
 sūusū Abraham seyie petekā la puṭou zā; mu sūkāsū
 thezhā lepeviya kezhakā rūrbei zā monyū ukā petekā
 puotsa Abraham kepele kēmhie pele kezhakā la rei sa.
 17 Sūusūla ha kēmhie thupie zhū:

“A n bu themia neiū puotsa chūtuo.”

- Sidi Abraham-a puo peleya kezhaū kesia chūperheilie-
 ya kezhaū mu kejū rei chūpenyilieya kezhaū Jihova
 18 mhādzūnu *upuotsa chū*. Sirā,

“N seyiemia bu ha kēmhie tuo”,

- sikechū pupie kezhū tuoī puo bu themia neiūkā puotsa
 chū tuoū ketuola mhapuorei chūlielhā mechie zā kechū
 19 nu rei puoa Jihova die lepevidi pelelie. Sirā puoa
 puokelhoushā chie kriapuo nuota mu tsa tāta zā kechū,
 mu Sara nuolhou lielhā tazā kechū le zārei puo kepele
 20 rūkreta mo. Sirei Jihovaa pupie ketuo-u puoa chūtsei-
 21 shū motalielhā ikechū letoudi kenoudā chiemodi Jihova
 22 tsedi pele kechū miamiata. Sūla

“Puo ūse miathā ūta.”

- 23 Sirā sūusū puo rūrbei la zā monyū ukā la rei sa thupie
 24 zhū. U rei kesia nunu u Niepu Jisu perheikelieu pele-
 25 ya lirā, ukepele la puoa u chūkemiathālie tuo. Uke-
 phuma la puo bu sia mu u chūkemiathālie ketuola puo
 perheilalie.

PELEKELIEKĀ KELALIE ZĀ TUO.

- 5 Sirā kepele geinu miathākelie la we u Niepu Jisu
 2 Khrista lanu Jihova ze kezeviliete; Khrista lanu we
 tsiedā puo nu ketha ngukemezhie haunu kepele la ler-
 kelie ze; mu we Jihova kinyikā *uya ngulieketu*o lepie
 3 unei bate. Mu sikechū rūrbei zāmonyū we komezhie-
 chūkā nurei uneituoya: mhakekreilamonyū komezhie-
 4 kechūkā la u chūkemeteilieya; mu metejtha keliela
 uzahā vilieya; mu uzahā vikelie la usiadze rei nyilietuo
 5 kechū sikechūla: sirā siadze sūu ubu mangata lielhā;

mhakekreilamonyü thiadzü khashü utsü kewa Kemesa Ruopfüu la Jihova kekhrie rupie unou shükewa la.

- 6 We thiadzü thachüketuoki Khristaa puoteitouki mia-
 7 thâkemokâ souchüdi siawate. Miapurei themia keme-
 zhumia puo souchüdi siâlielhâ nhia: rei lakipuo morei
 lakipuo huomianie themia kevithâmiapuo souchüdi mi-
 8 chiemodi sia reilievi nhia. Derei Jihova puothuo u
 khrie kechü, we phumata zâ kechünu rei Khrista uphou-
 9 sou chüdi siâkechü geinu thatoushü u kiasbü zâ. Sirâ
 tsiewe puozia lanu u chükemiathâlie ta lirâ, süki rei
 we puo la Jihova noupfüu nunu u kelalie tuoü kechü
 10 mechiekuota zâ. Mu we puo ngumvümia chüketuoki
 thuorei puo Nuo se la Jihova ze kezevilie lirâ, puoze
 kezevikelie sia, puo rheibaketa la puo u kelalie tuoü
 11 kechü si kemechiekuo bata zâ; sürürbei zâmonyü we
 tsie puo la kezevikelie u Niepu Jisu Khrista lanu Jiho-
 va nunu unei rei sa bate.

ADAM LA KEPHUMA, MU KHRISTA LA KELAKELIE.

- 12 Sirâ themia puo la kephuma kifü vâr, mu kephuma
 la kesia vârta; sirâ themia petekâ phuma keta la kesia
 13 rei themia petekâ gei vârta; Mosa zhâ kevâr mhâdzü
 kephuma kifü tuota zâ; derei thezhâ nyi kemora mia
 üse phuma üya mo zâ.
 14 Siüderei Adam geinu vâ Mosa ketsâ kesia themia mhâ
 di tuota zâ, Adam Jihova die varhuo kewa kemhie phu-
 mata kemokâ mhâ rei zâ. Adam süu Värtuoü-Ketuo-u
 15 zasipuo rei chü. Derei Jihova die varhuokechü zâwe
 methuopie ungumezhie keshüu mhie mo. Mhakekreila-
 monyü miapuo Jihovadie kevarhuo la themia kekra siata
 lirâ, sükirei Jihova kinu kepâr ngukemezhieu mu miapuo,
 süusü Jisu Khrista, ungukemezhie la methuo khake-
 16 shüuwe themia kekra kelhuo chükuo tuo. Mu phumata
 kechü puo rürbei geinu zâ, derei methuo kha uketsüuwe
 sümhie mo: mhakekreilamonyü themia pejâwakechü
 puorürbei geinu pardi mia pesuo, sirei methuo kha
 keshüuwe Jihovadie kevarhuo kekra lanu vârdi themia
 17 chükemezhülie. Mhakekreilamonyü thiadzü miapuo
 geinu Jihova die varhuokewa la themia miapuo la thuo-
 rei kesia athemia mhâ di tuota lirâ, süki rei ngukemezhie

mu kemiathâ methuo khapie uketsukelhuo chûkeshû
 ngukeliemia miapuo, *sûsû* Jisu Khrista, lanu rheiliedi
 18 dikuo mechie. Sûla *Jihova* die varhuokewâ puo rûrbei
 la themia petekâ pejâwadi *pesuokechû vâkechû* tuoi
 19 *methuo khakeshû* kemiathâ mhathâpuo la themia chûke-
 mezhûpie kechachie kerhei nu shûkelie rei *vâr*. Sirâ
 miapuo *Jihova* diezemo ketala themia kekra bu phuma-
 ta kechû tuoi Mia Puo *Jihova* dieze keliela themia kekra
 20 chûkemiathâlie tuo. Sirâ thezhâ kavarhuo bu kralie
 ketuola *Mosa* zhâ rei vârsa; derei kephûma kra kechû-
 21 nu ngukemezhieu rei krakuote: mhakekreilamonyû ke-
 phuma kesianu di ketuo tuoi miabu kechachie rheilie
 ketuola kemiathâ sedi ngukemezhieu bu Uniepu Jisu
 Khrista la di ketuo la.

JISU KHRISTA LA MOU MORÁSVO *KECHÛ.

6 Ka, di sirâ, we kedipuo puta? Ngukemezhie bu kra
 2 parlie ketuola kephuma nu bazâ tuq ma? Suo tuo!
 We kephuma kitsatie siaketakâ kikidi sünü lhousa vâ-
 3 lievi tuo ga? Morei we Khrista Jisu ze baptaiz chûke-
 lie khékâ puo kesia *cha si* kechûnu baptaiz chûlietâ
 4 zâ kechû niekâ simo bama? We baptaiz kechûnu Puo
 se ze puo chûdi ukhruwata ze: sidi Upuo-u kekuotâ
 kesiamia dânunu Khrista kesoukelie tuoi ubu rei uke-
 5 lhou bu kesaliedi lhou tuolie ketuola. Mhakekreila-
 monyû we puo se tsatie vâlie lirâ, puo rheilasiekelie
 6 tsatie rei *vâlietuo*. Ukephumamiau pejûwaketuo mu
 sidi we kephuma die chûtuosamolie ketuola we uthe-
 mia kewe pie puo sa krus geinu gouwata kechû, die
 7 hau siliechie: mhakekreilamonyû *sidi* siaketau kephu-
 8 ma chiepraliedi puo chûkemiathâliete. Sirâ we Khrista
 ze siata lirâ we puo ze rhei reilie tuoü kechû pele ba;
 9 kekreibamou Khrista kesiakâ dânunu rheikelle sia, siala
 saliehâta kechû we si kechûla; puo mhâ kesia puo ke-
 10 kuo basalichâte. Sirâ puo sia kevidi siakechû *mia*
 kephuma tsatie lazâ, derei puo rheituoketa berheiuwe
 11 *Jihova* kitsatie lazâ. Sûsûtuoi niekâ rei kephuma
 tsatie la siatazâ, mu Jisu Khrista nunu *Jihova* kitsatie
 rheituota *ûkechû* leliechie.
 12 Sûla niekâ siataliekevi mâu *mengukâ medâ* zemolie

- ketuola kephuma bu siataliekevi nie mâ hau nu di hie-
 13 chie: morei miathâkemo medâkâ chûmolie ketuola nie
 mâ khapie kephuma kitsatie shûhie chie; derei kesiakâ
 dânnunu rheila keta themia chûdi niethuo nie khapie
 Jihova kitsatie shûlie, mu kemiathâ medâkâ chûlie
 ketuola nie mâ rei khapie Jihova kitsatie shûliechie.
 14 Silielirâ niekâ mhâzâwe kephuma bu di lielhâte: mha-
 kekreibâmou niekâ thezhâu khrûkhrâ modi ngukeme-
 zhieu khrûkhrâ bata kechûla.

THEZHÂU KHRÛKHRÂ BAMO LIREI KESUO CHÛSUO.

- 15 Di sirâ kita? We thezhâu monyû ngukemezhieu
 khrûkhrâ baketala kejakemou chûbazâ tuo ma? Suo
 tuo!
 16 Siata ketuola kephumau, morei miathâlie ketuola *Jih-*
ova dieze kechûu haniaba pho morei puo dieze chûdi puo
 die chûta tuoû kechûla nie niethuo nie khapie sũu
 17 tsûwa di sũu die chûtakechû niekâ simo ma? Niekâ
 thiadzû kephuma die chûtuo zâ rei niekâ khalapie ke-
 pethadie hau nu shûkelie niekâ niethâ chûdi die hakâ
 18 zekelie la a Jihova tseyâ; mhakekreilamonyû kephuma
 nunu niekâ shûphraliedi niekâ bu kemiathâ kituo chû-
 19 keta la. Niekâ chû niekâ phou *mhasi* thachû kechû la a
 themia rûli geinu niekâ ki puya: niekâ thiadzû miathâ-
 kemo chûlie ketuola niekâ phou khapie mesakemo mu
 miathâkemo die kechû tuo, tsiewe lhou mesalie ketuola
 20 niekâ phou khapie kemiathâ kituo chûliechie. Mu niekâ
 thiadzû kephuma die chû ketuoki niekâ kemiathâ ki-
 21 tsatie bamo. Niekâ kedipuo si ngulieya ga? Nie tsie nu
 sũkâ la menga bakechû ze; mhakekreilamonyû mha sũkâ
 22 la kesia ngulieya zâ. Derei niekâ tsiewe kephuma
 chiepraliedi Jihova kituomia chûliete; mu sũla nie
 23 chûkemesakelie ngulie, sidi kechachie kerhei *nie viete*.
 Kekreibâmonyû kephuma zhakhra kesia zâ; sirei Jihovaa
 Uniepu Khrîsta Jisu nunu methuo kha utsûkeshûuwe
 kechachip kerhei zâ kechûla.

THEZHÂU MODI JISU KHRÛKHRÂ BAKETA.

- 7 Harie a zenuokâ, niekâ thezhâu sikâiekâ, a niekâ ki
 puya: themia rheikeba chie thezhâu puo mhâ dituo zâ

- 2 kechü niekâ simo zâ ma? Mhakekreilamonyü thenu-
mia puo nupfunuo kenymia puonupfu rheikebachie
thezhâa puo phasetuo zâ; derei puo nupfu siatarâ puo
puonupfu puo khazeketuo thezhâ süu chie prataya.
- 3 Sirâ sidi puo nupfu rheikeba nu puo thepfu kekreipuo
zelhouta râ, puo üse thenupieü ütuq: derei puo nupfu
siata lirâ, puo thepfu kekreipuo ze kerî zârei puo the-
zhâunu mezhüzâ, puo thenupieü mo zâ.
- 4 Süsütuoi, azenuokâ, niekâ rei Khrišta mâu la thezhâu
kitsatie nie biekhriwate; mu süsü mhakekreilamonyü
Jihova kitsatie we usi rüchülie ketuola niebu kekrei-
puo, süsü kesiakâ dânunu rheikelieu ze lhouta ketuola.
- 5 Sirâ we thiadzü uchü-uphou medânu ketuoki ubu kesia
tsatie usi rüchülie ketuola thezhâu la *vapechâkeshü* ke-
phuma mengukâ umâ geinu chüshüya. Derei tsiewe
thiadzü uphaseketuo-u, kitsatie siaketa la we thezhâ
süu chiepraliete; sidi we weketa leshükhuu nunu mo-
nyü Ruopfün thuo chükesakelie nunu *Jihova* kituo
chüya.

THEZHÂU MIA CHÜKEMESALIE KENJÜ.

- 7 Di sirâ, we kedipuo puta? Thezhâu kephuma *mhie*
zâ ma? Suo tuo! Siüderei thezhâu kemosia kephuma
rüli si lielbe chiü: kethâzâ, "Nâ mha mehousuo"
ikechü thezhâua pushü kemosia kemehou *mhakikechü-*
8 *puoshi* a sü silielhâ: derei kephuma puohievi chüdi
thezhâ nu *pukeshü* la a nou nu kemehou neiükâ chü-
shü: kekreibamou thezhâu tuo kemosia kephumaa sia-
9 kota mhiezâ tuo kechüla. Sirâ a thiadzü vapuo *puocha*
simodi thezhâu therhiedi lhoo: derei thezhâunu die vâr-
10 tse kephuma vaperheilie, mu a siata; sirâ mia chüperhei
shü *thenyüsie* kechü dieu, u chüpesia tuoü kechü diepuo
11 tazâ kechü a siliete: kekreibamou kephumaa puohievi
chüdi thezhâu nu *pukeshü* dieu la a sewata, mu die
12 süupie a chüpesiawatazâ. Süla thezhâu mesa, puo die
13 mesa mu mezhü mu vi zâ. Di sirâ a siatakachü mha-
kevi süsü la ma? Mozâ! Süsü kephuma lazâ; Ke-
phumaa mhakevi süu sedi a chüpie kesia kitsatie shüwa;
mhakekreilamonyü thezhânu dieu la kephumaa suo
thâr kechü tha kemechietsuo shü ketuola.

- 14 Sirâ thezhâuwe ruopfû dze tsatiezâ kechû we sibazâ :
 15 derei awe a zepie kephuma khrûkhrâ shûkewa uchû-
 16 uphou dze tsatie zâ. Mu a chûya kezhaui si mo : mha-
 17 kekreamonyû a mhachûkenyû chûlieya mo ; derei a
 18 chû mechû kezhaui chûta taya kezhaui. Sirei a chû-
 19 nyûkemokâ chû zârei, a thezhâui üse vi üdi puo ze kedie-
 20 rheya. Süla a chûya kezhaui süsü a moü a kitsatie
 21 keba kephuma thuozâ. A kitsatie, süsü achû-aphouui
 22 mhakevi puorêi haya mo kechû a sita zâ : mhakekreila
 23 monyû medâ tuoü kechû aki bazâ derei mhakeviu chû
 24 tuoü kechûwe bamo kechûla. Sidi mhakevi chû ke-
 25 nyûu a süu chûlieya mo : derei mha kesuo a chûnyû
 kemo u, a süu chûta taya. Derei a chûnyû kemo-u
 chûya lirei süu chûyakezhau a monyû a kitsatie keba
 kephuma thuozâ. A süla mhakevi chûnyû kesieki
 kesuo-u vâpâki balieya kechû thezhâ sikechû siliete.
 Sirâ a anoutsatie Jihova zhâui ze anei tuote : derei
 thezhâ kekreamo amâ nuni anou kitsatie keba zhâui ze
 keperhiedi a tezevâ amânu keba kephuma zhâui die
 chûwaya kechû sibate. A themia hieshie hieruo za-
 puoa ! kesia kitsatie themâ hau nuni supunie a shû-
 phrashû tuoga ? U Niepu Jisu Khrista la zâ tuo kechû
 la a Jihova tseyâ. Silirâ a athuo anoupie Jihova zhâui
 liechûya kethâ ; derei achû-aphoupie kephuma zhâui
 kitsatie shûya.

KHRISTA NUNU LHOUEKZHAMIA DZE KEVI.

- 8 Süla tsiewe Jisu Khrista nu ketuokâ pesuo kechû
 2 die jûte. Mhakekreilamonyû Krista Jisu kitsatie ketuo
 3 kerheirâ Ruopfûu zhâui thuozâ kephuma mu kesia zhâui
 4 nuni a shûphralieta kechûla. Sirâ thezhâui uchû-uphou
 la kekno jûdi chûlielhâ ketau Jihovaa chûlie. Süsü
 puo puothuo puo Nuo-u ketsepie puobu kephuma chûu
 mevidi kephuma dzetsatie la puo chûu geinu kephuma
 4 pejâwate : mhakekreilamonyû we uchû-uphou kitsatie
 tuo monyû Ruopfûu kitsatie tuo ketakâ bu thezhâui
 chûmorâkesuo kemezhûkâ chûtseilie ketuola.
 5 Mu uchû-uphou kitsatieketuokâ uchû-uphou rûlikâ me-
 6 dâya ; derei Ruopfûu kitsatie ketuokâ Ruopfûu rûlikâ
 medâya. Sirâ uchû-uphou medâa kesia tsatie zâ, derei

- 7 Ruopfûu medâwe kerhei mu nounge *tsatie zâ*. Mhakekreilamonyû uchû-uphou medâa Jihova ngumvû zâ kechûla : sîusû Jihova khrûkhrâ bayamo morei ba reilielhâ zâ :
- 8 mu uchû-uphou kitsatie ketuokâ Jihova nei chûkelie jû :
- 9 Derei niekâwe uchû-uphou kitsatie bamonyû Ruopfûu kitsatie bate, Jihova Ruopfûu nie nõu keba sia. Derei themia kehupuorei Khrista Ruopfûu nyikemomia sümia
- 10 Puo vie mote. Mu Khrista nie nu barâ, kephuma la nie mâ kesia *kitsatie* ba, derei kemiafhâ lawe nie ruopfû
- 11 kerhei *tsatie* bate. Derei kesiakâ dântanu Jisu perheikelieu Ruopfûu niekâ nu barâ, kesiakâ dânnunu Khrista Jisu perheikelieu thuo, niekâ nu keba puo Ruopfûu la kerheirâ khapie siataliekevi niekâ mâkâ geirei shûtuo.
- 12 Sûla, azenuokâ, we uchû-uphou medâ ze lhou tuoûdi
- 13 uchû-uphou pupfû tuo mo : niekâ uchû-uphou medâ zelhouya lirâ sizâ tuq ; derei niekâ Ruopfûu pie nie
- 14 mâ mhathâkâ biekhriwa lifâ niekâ rheilietuo. Mhakekreilamonyû Jihova Ruopfûu bu ushûta ze ketuo khe-
- 15 kâ, sükâ Jihova nuonuo chûta zâ kechûla. Mu niekâ michie la ketuo tsatie diekechû ruopfû ngulie monyû, niekâ thekepie puo nuo chûkelie ruopfû nguliete ; sîula
- 16 we Aba. Apuo idi kielieya. We Jihova nuonuo chûlieta
- 17 kechû Ruopfûu puothuo uruopfû ze kezhapuya : mu puo nuonuokâ *chûta* râ puo kayiekâ rei *la zâ* ; sîusû Jihova kayiekâ mu Khrista ze karhekâ zâ ; we *puo* ze zayie chûlie ketuola *puo* ze kemezhie tuo kelie sia *shûtuo*.
- 18 Sirâ amedâzâwe, tsiedâ kemezhie ketuokâ pie thesia upesi pengu ketuo mhakevikâ ze kemejûlie sîumo ü
- 19 bazâ. Mhapetekâ thuorei Jihova nuonuokâ meyiemeluo
- 20 vârketo menguphidi pfebazâ. Mhakekreilamonyû mhapetekâ uthuo umedâ chûdi kemethuokemeruo medâ
- 21 zetamo, derei sükâ kekhekeliu la zâ. Sîusû mhapete suotaliekevi khrûkhrânu ukâ shûphrapie Jihova nuonuokâ umedâchûdi uneiphalie kelhâ kechû rei chûlie thenyüsiedi sita.
- 22 Mu tsie harei mhapetekâ ukechû tuopfû keze mehei-
- 23 melâ baya zâ kechû we siba zâ. Sirâ sikechûu rûrbei zâmonyû Ruopfû si ngulie keria ukâha thuorei uthekepie puonuonuo chûlie ketuo-u, puocha umâ rhalie ketuo-u, pfedfunou nu meheimelâ baya zâ. Makekreilamonyû siadze bakechû *kepele* la ukelakelie zâ : sirei

25 ngulieketauwe üse siadze ükelie jü. Sirâ supuonie ngu-
lieketau üse ngulie tuo nhia ibaya ga? Derei we
ngulie moluo kechüu ngulie ketuo pele ba lirâ, we ukege
sedi süu pfebaya.

26 Mu süsütuoï Ruopfüu rei ukethachüki rei u khruohi-
shüya: mhakekreilamonyü we chalie morâkesuokâ rei
chalie siya kemo la; derei Ruopfüu puothuo usouchüdi
meheimele bayazâ; sükâsü *themia* dienu puphra keliejü.
27 Sizâmonyü ufïou keseya Kezhaua Ruopfüu medâ siya;
mhakekreilamonyü puo Jihova *medâ* mhiei kemesakâ
28 la cha baya zâ kechüla. Sirâ Jihova khrie mu rhuya
kezha, Puo thiadzü hrüpie ketuo-u la kiekelielâ lazawe
mhakehupuo chüzâ shierei ukâ dze kevi la phre zâ kechü
29 we sibate. Puo pedzüperia sükâ sidi sükâ bu puo Nuo-u
tha ukekiau mhielie ketuola puo pedzüperia sükâ la
hrüsa setuote: sidi puo Nuo-u bu ukezekâ kekra dânu
30 nuoriau chülie ketuola. Sirâ puo pedzüperia hrüsetuo
ketakâ, puo sükawe kie reiliete; mu puoa kiekelielâ,
puo sükâ chükemiathâ reiliete; mu puoa chükemiathâ-
lie ketakâ, puo sükâ bu zayie rei chüliete

31 Di sirâ we mha sükâ dze kedipuo puta? Jihova uki-
32 tsatie lirâ, supuonie ungumvülie vita? Puothuo puo
Nuo-u thuorei khashü khriemodi ukâ petekâ la Khashü-
kewau, puo ungumezhiedi mha petekâ pie puo Nuo-u
33 sa utsüşü mo tuo ma? Supuonie Jihovaa kedakelielâ
gei kenyalie vituo ga? Ukâ chükemiathâlieya kezhau
34 Jihova zâ. Supuonie mia pejâlie vi ga? Siata, mu
sizâmonyü kesiakâ dânnu rheireilie, sidi vâ Jihova
zatsa badi ula cha rei sa baya kezhau, süu Khrista Jisu
35 zâ. Sirâ supuonie Khrista ukekhrîe nunu uchükhâ
setalie vituo ga? Kemezhielâ? morei unoumezhielâ-
kechü? morei upesekechü? morei pekriekêchü? morei
methuokechü? morei michielâ? morei zhiechaa chü-
36 lie tuo ma? Thiadzü thupie kezhü hamhie,

N la miabu zhate hie dukhriya;

Mia hie üse tekua dukhri ketuo mhie üya.

37 Siüdzrei mahakâ petekâ nu Ukhrieyakezhau lanu we
38 kuokelie sia rei kuosalieya. Sirâ kesia rei, kerhei rei,
terhuoümia rei, niepu kechükâ rei, tsiedâkâ rei, thesia
39 vârketuokâ rei, kekuokâ rei, kerükri rei, kesou rei,
morei Jihova thuo pelhoukeshü kekrei kehupuorei Unie-

pu Khrista Jisu nu ketuo Jihova ukekhrieu nunu uchü-
khâwalie kenjü kechü a sitou bata zâ

JUDAMIA KHRISTA PELEKEMO LA PAÛL NOUKEMEZHIE
KECHÜ.

- 9 A Khrista nunu kethâtou puya, a tijüya mo ; a
2 anou kemezhiese batakechü mu a amelou kechü chü se
tuotakechü, anou thuo Kemesa Ruopfü nunu a zhapu
3 chütuoya. Chülievi kechü siawe achü-*phoutsatie* asia-
zedzüriakâ mu ase-ayiekâ *kelalie ketuolu* Khrista bu a
4 rüsedî akhawa nu siezâtîe chiü *si liethe*. Sükâ Israelmia
ze ; sükâ thekepie *Jihova* nuonuokâ chüketuokâ ze ;
zapuzayie kechü rei, kedietsei kediekhâpie ketuokâ rei.
thezhâu khakeshü rei *Jihova* kituokechü rei mu *Jihova*
5 mhapupie kezhükâ rei sükâ vie ze. „Sirâ upuotsanuokâ
rei ukâ puotsanuokâ ze ; mu uchü-uphou tsatie levâ
râ ukâ geinu Khrista lhouvâr ze : puo petekâ mhâ
Kezhau mu kechachie thetse pfülie kesü Jihova zâ.

JUDAMIA JIHOVA LEPEJÄLIE KENJÜ KECHÜ.

- 6 Derei Jihova dieuwe kemethuo chütatuo isikechü pfü
mo. Mhakekreilamonyü Israel geinu lhoukeparkâ pete
7 Israelmia phre zâ mo ; süsütuoî Abraham yemia zâü-
rei sükâ puo nuonuo *kethâ* phre mo : mhakekreilamonyü
8 „Isak geinu n seyiemia ükechü kie sietuo” kechüla.
Süüsü puocha : puochü puophouu nuonuokâ Jihova nuo-
nuokâ mo ; derei pupiekezhüu nuonuokâwe üse puo yie
üte.
9 Mhakekreilamonyü phrapiekezhü dieu : Ha meseki a
vârtuo, mu Sara sükisü thepfunuomiayâ puo penuo
10 zebatuo, isi piezhü kechüla Mu süürürbeî zâmonyü
Rebeka rei miapuo süüsü upuo Isak nuo nuonipfü lie.
11 Sükisü Jihova pedzüperia miâ kedakelie puo medâa
mhathâkâ la monyü ukiekeliu medâ lazâ tuoü kechüla,
puo nuonia penuokelie mhâdzü kevikesuo pûorêi chüwa-
12 mo zâluo kechtünu thenusüpfü sü üse, Phichüu nhichuu
13 khrükhrâ batuo, isi piezhü. Sirâ, A Jakob khrie derei
a Esau ngumêchü, isi kechü rei thupie zhü.
14 Di sirâ, we kedipuo puta ? Jihova gei mha mezhüke-

- 15 mo nyi ma? Motâzâ! Mhakekreilamonyü puo Mosa
 ki, A mia ngumezhie ketuomia ngumezhie zâtuo, mu a
 mia khrie ketuomia khrie zâtuo, isipie zhü kechûla.
 16 Silirâ mia medâ la reimo, morei urhie chüyakezhamia
 17 la rei mo, sirei ngukomezhie kenyi Jihova la zâ. Sûsü-
 tuoi Kethâleshü Faro üse, A n geinu a kekuo khapie
 mia pesishü ketuola mu aza pie kijü petenu mia pesi
 kemeyie meluoshü ketuola, a medâ süsü chülie ke-
 18 tuola a n pelhou keshü zâ, sipiezhü. Sûsütuo Jihova
 puo medâmta ngumezhieya, mu puothuo puo medâmia
 nou chûperewaya.
 19 Di sirâ puo kedipuo chüdi mia pejä laya ga? isikechü
 nâ aki pu sietuonhia. Mhakekreilamonyü miapuorei
 20 puo medâ vachie keliefü kechûla. Silievi lirâ nâ themia
 zâdi Jihova ze kenya kezaha nâ supuo ga? Mhanya
 chûkeliekâ sie puo chûkeshü üse, Nâ kedipuo chüdi a
 21 chüpie hishüwata ga? isituo ma? Morei likechümia rûga
 krâpuo geinu huopie therhu nyapuo mu huopie therhu-
 22 kemo nyapuo, chülie kevi rûga gei kekuo jü ma? Di
 sirâ Jihova puo noupfü mu puo kekuo pie mia pekia-
 shünyü bazâ rei pekawata kesü puonoupfü ngulie ke-
 sükâ geirei puonou chaphidi shügeshühielieya lirâ, sirâ.
 23 kita? Mu süsü mhakekreilamonyü puo pedzü peria
 ubu zayie chûketuola keda seketuo ngukomezhie pfü
 kesükâ gei puo kevi kinyikâ pie mia pesishü tuoü ke-
 24 chûla zâ. Puo Julamia dânunu rürbei zâmonyü Juda-
 25 kemokâ dânunu rei ukieliedi *ubu sükâ chütuo*. Puo
 Hosea *leshüdanu* rei puyakezha hambiei:

Thiadzü a themia kemokâ ü a themiakâ ü *kietuo*
 Mu thiadzü a khriekemo pfü ü a khriepfü üdi
 kietuo.

- 26 Sirâ thiadzü "Niekâ a themia mo" ikechü mia
 ki puketuo ra rei,

Sükânu rei mia üse rheituoya kezha Jihova nuo-
 nuokâ üdi kietuo.

- 27 Sirâ Isaya Israelmia dze pukemeyiemeluoshü kechü,
 Israel nuonuokâ krapie dzükezhanu theshünyâkâ mhie
 zâ shierei, kelakelie ngulieketuokâ zâwe keshakâ zâtuo:
 28 kekreamou Niepuo kijü hanunu diekechü mhawadi
 29 puo die chütseilie zâtuo kechûla, siya.* Sûsütuo Isaya
 sümhâdzâ,

Sabaot Niepuu huomia khapie utsia chüşhü
kemosia,

We Sodom mhieta mechie mu uchüpie Gomora
tuoiva zâtuo, sipiezhü. .

JUDAMIA KHAWA ZÂREI UKĀTHUO QKĀ MEDĀ LA ZĀ.

- 30 Di silirâ we kedipuo puta ? Judakemokâ miathâke-
lie pfükenounyü mozâdi kemiathâ ngulie, süsü kepele
31 la ngukelie kemiathâ ; derei Israelkâ kemiathâ thezhâ
puo pfü kenounyü tuodi vâ thezhâ süu tsâlie mote.
32 Kedipuo laga ? Ukâ kepele semodi ukâ mhathâkâ se
pfülie thenyüsie kechüla. Ukâ mia phi mesü kezha
33 tsieu geinu ukâ phi mesüwate ; Süu dze thiadzü ha-
kemhie thupie zhü :

Harie, a mia phi kemesü tsiepuo nu mia peja-
waya kezha tsiepuo pie Sion gei pie zhü ho :

Sirei themia kehupuorei puo pelekeliu thenga
chütalielhâ.

- 10 A kezenuokâ, Judamia la anounyü tuo kechü mu
Jihova ki chatuo kechü, ukâ bu kelakelie ngulie tuo
kechüla zâ.

- 2 Mhakekreilamonyü Jihova kitsatie ukâ nounyüya ke-
zhala a ukâ zhapuya ; derei thedâ touu kesi tsatie lamo.
3 Mhakekreilamonyü ukâ Jihova kitsatie kemiathâu simo
mu ukâthuo ukâ vieu chüpie puo bu metei balie tuoüdi
4 ukâ Jihova kemiathâu khrükhâ bamota kechüla. Sira
themia kehupuorei pelekeliu bu miathâlie ketuola
Khristaa thezhâu chütsei kechüu zâ.

JUDAMIA RÛRBET ZĀMONYÜ JUDAKEMOMIA REI KELALIE
TUOÜ KECHÜ.

- 5 Süsütuo Mosa rei thupiezhü : Themia kehupuorei
thezhâu nunu kepar kemiathâ diekâ chüüze kezhamia
süu la rheilietuo. Derei kepele geinu kepar kemiathâu
hakemhie puya : Nâ nthuo n nou nu, Supuonie teigei
7 sielieta ? puocha. supuonie Khrista zekerta ? Morei.
Supuonie thekhekesounu keta ? puocha : supuonie ke-
siakâ dânunu Khrista zekhâta ? ikechü puhiechie.

- 8 Derei *kemiathä* süu kedipuo pulaya ga? Die süu n pen-
 nuo bazâ, n tia nurei, n nou rei bazâ; süsü we se miä
 9 pethaya kezha kepeledieu zâ. Süsü Jisu üse Niepuu
 zâ ükechü n tia nunu pu parlie lirâ mu kesiakâ dânnu
 10 Jihova puo chüperheilieta kechü n nou nu pelelie lirâ,
 ketuola themia unou se pelelieya. mu kolakelie ngulie
 ketuolâ utia se phralieya zâ.

DIELIEKEVI PIE THEMIA PETE PETHALIE MORÂSUO.

- 11 Sizâmonyü Kethâleshü hamhiedi puya: Themia ke-
 12 hupuorei puo pelekeliu thenga chütalielhâ zâ. Mu Juda-
 mia rei Judakemomia rei kekrei lielhâ: mhakekreila-
 monyü Niepu süsü themia petekâ mhâ Niepuu zâ mu
 puoa puo ki chaya kezha kekâ puo kinyipie sükâ tsü-
 13 phreya zâ kechüla. Sirâ, Themia kehupuorei Niepuu
 14 za se chaya kezha kelalie tuo. Silirâ, ukâa kikidi
 pelekemo-u ki chalie tuoga? Sirâ ukâ kikidi puopfe
 simozâ kechüu pelelie tuoga? Sirâ mia pupie ukâ
 15 petha morâ kikidi ukâ puo pfe silieta? Sirâ mia
 ketseshü morâ ukâ kikidi mia pethalieta. Sükâ dze
 thiadzü thupie hamhie piezhü: Mhakevi dze u kenei
 dieliekevi sekevârkâ phi kedi kezivi ga?
 16 Derei petekâ dieliekevi süsü rünyülie mote. Süsü-
 tuo! Isaya rei puya: Niepuu, supuonie hiekâ die pelelie
 17 ga? Süsütuo! kepethadiu nunu kepele parya, mu
 kepetha die süu Khrista dieu nunu parya.

JUDAMIA REI JUDAKEMOMIA REI JIHOVA DIE SIMO BAMO.

- 18 Derei a putuo: Ukâ die huo rei sishü mo zâ ma?
 Silie zâ.
 "Ukâ pfe kijü petenu sivâte,
 Mu ukâ die rei kijü valakânu sivâte."
 19 Derei a putuo: Israelmia süu si mo ma? Mosa rei
 thiadzü puzâ:
 A niekâ bu ukedikejü themiakrâpuo ngupie niekâ
 râ zâ kechü chüshü tuo;
 Mu themia mhasikemo krâpuo la nie bu nie nou
 mreyie kechü chüshü tuo.

- 20 Sirâ Isaya rei thepfu sedi hakemhie pu :
 Thiadzû a pfütuo kemokâ a nguliete,
 Thiadzû arüli ketsâ sanyüya kemokâ a simeyie
 meluoliete.
- 21 Derei Israelmia lawe puoa hakemhie pupiezhü : Mia
 diezeyakemo mu mhakenya seiya kezha themiakâ kiwe
 abou hyapie ukâ kietha zâ.

JUDAMIA PETE KHAWAZÂ MO.

- 11 Sirâ a putuo : Jihova puothuo puo themiakâ kha-
 wate ma ? Mo zâ ! Mhakekreilamonyü arei Abraham
 yie Benjamin seyiemia geinu lhoukesier Israelmia ze.
- 2 Jihova thiadzû puo themia siketuokâ khawamo zâ.
 Morei Kethâleshüa Elia dze kepunu pupie ketuo-u
 niekâ sü sino ma ? • Puoa Jihova kinu Israelmia gei
- 3 kenyakechü hamhie : Niepuu, ukâ nâa ketsekeshü
 siadzekesikâ dukhrithewate ; ukâ n ruothâbakâ thie-
 phrewate : mu a rürbei lhie keshü ze ; mu ukâ a dukhri-
 wa tuoüdi a pfü tuote. Derei Jihova puo ki pulake-shü
- 4 dieu kedipuo mhie ga ? “ Khoutoupfü tsu Baal rüsu-
 o kemo a themia nyie thenia baluo sidia ! ” ‘ Süsütuo
- 5 tsiedârei ngukemezhie lanu kedakelie themia krâpuo
 pesha baluo. Mu ngukemezhie lanu zâü lirâ, mia mha-
 thâ lanu mote : sikemosiawe ngukemezhie ngukemezhie
- 6 chümotatiea. Sirâ kita ? Israel'a pfüketuo-u puo süu
 nguliemote ; derei kedakeliekâ süu nguliete ; mu keshakâ
- 7 nou chüperewate Sükâ dze thupie kezhu hamhie :
 Jihovaa ukâ nou chü kerüvâwate ; vâr thia teisâ ketsâ
- 8 harei ukâ mhi bu mhangu hienu, mu ukâ nyie bu mhapfe
 si hienu wate. Sirâ David rei pukechü hamhie :
- 9 Ukâ be bu ukâ makelie chülie, mu ukâ khalie.
 Mu süu bu ukâ phi keimesü, mu ukâ siazha
 chülie :
- 10 Ukâ mhi bu mhangu molie ketuola zeitalie,
 Mu nâ ukâ bu nuke seituo zâlie.
- 11 Sirâ a putuo : Ukâ bu krü ketuola ukâ bu ukâ phi
 mesü ma ? Mozâ ! Ukâ kekrü lanu ukâ nou vapedhâ
 lalie tuoü kechüla kelakelie pie Judakemokâ tsükeshü zâ.
- 12 Sirâ ukâ kekrü la kijü ketua themiakâ chüpenyishü mu
 ukâ ketsa la Judakemokâ chüpenyi shüwata lirâ, ukâ

- kra khâtsâlie lirâ *Judakemokâ chüpenyi* kuo shümo tuo
 13 ma ? Derei a niekâ Judakemokâ ki puya : A Judake-
 mokâ kitsatie apostel chü ta zâ rei a mhakam hau
 14 chüpezha tuoya ; süsü athuo a themiakâ hüpíe ukâ
 huomia burei unou mechaliedi kelakelie ngulie ketuola.
 15 Sirâ ukâ khawâdinu kijü pete bu *Jihova* ze kezêvi lie
 lirâ, ukâ zelakeliewe *kephuma* seu nunu chüperheila
 16 kechü zâ mo tuo ma ? Krâpuo nunu keriakâ kelakrei-
 pie *Jihova kitsatie* shülie vitarâ sün krâ pete rei sümhie-
 lie vi zâ : mu^opuo mvüu kelakreipie *Jihova kitsatie* shü-
 17 lie vitarâ puo châkâ rei sümhielie vi zâ. Derei puochâ
 huo biechuwadi, nha oliv zâkechü nâ ha biepie phi puo-
 châkâ dânu pfedi phashülie lirâ *rheuliedi* olivbâu dzü
 18 puomie nunu ngukelien, lukâ ze vierhe chüte. Puochâ
 biechukewakâ geirei kâhie chie : nâ kâtuou kesieki nâ
 puomvüu toupfü bamonyü puomvüu thuo n toupfü ba-
 19 zâkechü rükraliechie. Sirâ nâa, A pie phi puo pfelie
 20 ketuola puochâkâ huo biechuwate, isi sietuo. Kethâ
 nhia ; sükâ, pelekemo la biechuwate, mu nâ n kepele la
 bakelie ze. Nâ nthuo n lepezha hieü michielie chie.
 21 Mhakekreilamonyü Jihovaa puo geinu thezâ kepar puo-
 châkâ thuo rei biewa khriemo lirâ, puo n biewa khrie
 22 rei lielhâ. Sirâ Jihova mia ngukemezhie rei mu puo
 die kemetei rei leliechie : *biewadi* tetsuketakâ kitsatie-
 we puo die metei ; derei n kitsatiwe, nâ Jihova nguke-
 mezhie nu ba râ, n ngumezhie zâtuu ; molirâ nâ rei
 23 sawa zâtuu. Mu kekrekâ zârei kepelekejünu bamo
 zâlie lirâ ukâ pie phi puofelie tuo : mhakekreilamonyü
 24 Jihova ukâ pie puopfe lakelie kekuo ba kechüla. Sirâ
 sietsenu nha oliv bâ geinu n sapie vâ nâ ba n zhâ ki
 chümo zâkechü olivbâ kevi gei pfelievidi pfelieta lirâ ;
 kekrekâ sietsenu puochâ. zâkechükâ zâwe puobâ pievâ
 ukâbâ bâthâu pfe la kelie puotou kuo zâ mo tuo ma ?

THESIA JUDAMIA KELALIE TUO.

- 25 Azenuckâ, a niekâ bu niekâ peledi kâmolie ketuola, a
 die kesou puo pushü niekâ kianyü ba ; mu süsü Judake-
 mokâ kra lâtsâkelie tei tsâlie kemochie Israelkâ huo nou
 26 chüperewate ; süsia, Israel miapete kelâlietuo : süudze
 thupie kezü hamhie :

Sion geinu Kelakelieu partuo ;
 Puo Jakob *Yiemia* geinu kerüzhümhathâkâ chr
 wa tatuo :

27 Sirâ a sidi ukâ kephumakâ chüwa ketaki

A die tsâkelie ukâ ngulietuo.

28 Dieliekevi tsatie lirâ ukâ niekâ la *Jihova* ngumvükâ
 zâ : derei kedakelie tsatie lirâ ukâ upfutsanuokâ la *Jihova*

29 khriekâ zâ. Mhakekreilamonyü *Jihova* mha methuo-
 pie mia ketsü mu mia kie kechü puo puonou keditaya
 mozâ kechüla.

30 Thiadzü niekâ *Jihova* die zemo tuo derei tsiéwe *Judakâ*

31 puo die zekemola niekâ puo khriepfü kelie tuoi, süsütuo

niekâ ngumezhie keshüu la sükâ burei puo khriepfülie

32 ketuola ukâ tsie puo die zemo bate. Mhakekreilamonyü

Jihovaa themia petekâ ngumezhie ketsâshü ketuola

themia petekâ khapie puo die zekemola shüwate.

33 Hou *Jihova* kinyikâ, puo dâ rei mu puo mhasi rei sou

34 za ! Pua se mia pejâkezhakâ mu puo medâkâ kikidi le

35 ketsâlieta ! Kethâ : supuonie Niepuu nou silie ga ?

36 morei supuonie thashü puo kia ga ? morei supuonie kha

puo tsü lanudi se puo tsüriashü ga ? Sikechüu monyü

puo geinu mu puo la mu puo kitsatienu mhapetekâ chü

phrelie zâ. Pua bu kechachie zayieu chüliechie.

Amen.

KHRISTAN KEHOMIA ZHÄ,DZE.

12 Süla akezenuokâ, *Jihova* ungukemezhie la, aa niekâ

bunu niekâ phou pie perhei ruothâ, kemesa, *Jihova* bu

lielie kesü chüpie puo tsü nu kechü niekâ hûshü zhie :

2 süsü nie nou puotou chüdi puo rüsuo kechü zâ. Sirâ

tsiedâki rülikâ mhieta. hiedi, nienou chükesapie niezhâ

rei chüpekreiliedi *Jihova* medâu, süsü keviu mu puo

keneiu mu vilâtsâkechüu, siliechie.

3 Sirâ ngukemezhie kha a tsükewau la a niekâ dânu keba

kehupuo burei puothno puo lepezha kechü tahiedi, *Jiho-*

vaa kepele mejüpie themia kehupuorei tsüphre keshüu

4 kembiei sedi mhalepesoulie nudi puya. Mhakekreila-

monyü we umâ puoge puoza kekrei kechü kekra ba.

5 mu sükâsü puo mhathâ kekrei phre kechü tuoi ; süsu-

tuoi we rei kekra zârei *Khrisca* nunu mâpuo zâ, mü

6 kekrekreidi huoniehwo thekeya. Sirâ ngukemezhieu

thuo kha utsükeshü kemhie umhaphruo kekrei phre. Ukâ kehupuorei siadzekesi mhaphruo kenyu *puobu* puo kepele de se *siadzekesidie pulie*; morei kehou liethâ kechü mia lirâ, puobu liethâ süu chü menuolie; morei mia kepele de se *siadzekesidie pulie*; morei kehou liethâ kechü

8 kepethamia lirâ, puobu kepetha chü menuolie; morei mia tarhâ kezhamia lirâ, puobu mia tarhâ menuolie. Mu mha khashüva kezhamia lirâ, puobu khriemodi puoneidi khashülie chie; mu kehou keseya kezhamia, puobu shürheidi chülie; mu mia ngumezhiedi mha kha mia tsüya kezhamia, puobu puo neisieidi chülie.

- 9 Ketheramodi mia khrielie. Mhakesuo rütselie; mha-
 10 keviu rüyalie. Siazedzüria huoniehüo khrie kezha tuo; niekâ huoniehüo khriephilie; niekâ huoniehüo rhu rianyü kekialie. Nie shürhei bu thachü tahie; nie nou leme bazâlie: Niepuu liechü bazâlie. Nie siadze lepie nie neisie bazâlie; kemezhiä kechüki rei shügeshühiele; niekâ cha terür bazâlie. Kemesakâ täpfü vaphi bazâlie; mia pesányü sieiliechie. Japie niekâ pese kezhakâ tsülie; mia rüse monyü japie mia tsülie. Mia neiya kezhamia ze nie neilie; kraya kezhamia ze kralie.
- 16 Niekâ huoniehüo ze kenourhelie. Kezha nou pfüta hiedi miaümia reize kekrâ thâlie. Niethuo nie lepevita hie. Mia niegei mhakesuopuo chürei nie khepu la hie. Themia kehupuo mhâdzü rei mezhü ükechüu nie nounyüdi süu chülie. Niethuo nie zhatsatie chülievi râ themia pete ze kezevidi lhoubalie. Harie akhriekâ, niekâ mia gei nie khepu hie zâdi khapie *Jihova* noupfü tsatie shüzâwalie chie. Süu dze thupie zhü kechü hamhie: Niepuua, "Mia khepu kechü sü a mese; athuo
- 20 siazha kha mia tsütuo", siya. Derei n ngumvümia merür tuo râ. mhapie puo vachüshüchie; mu puo terhrü tuo râ mhapie puo dieshü chie: mu nâ sishü lirâ mizhüketu chüpie puo tsügei pfe keshü *mhie* zâtu. Mhakesuo bu n ki kuolie hieü, nâ mhakevi se kesuo-u penyülie chie.

SÖRKÄRI GEIREI HUONIEHÜO GEIREI KHRISTANMIA
 MEZHÜ BALIE.

- 13 Themia kehupuorei umhâ kebakâ die zeliemie: mhakekreidamonyü *Jihova* kinunu zâ kemosia miapuore i

- mia mhâ zhakelie jüzâ kechûla ; mu mia mhâ zha keba-
 2 kâ Jihova medâ nunu zâ. Sûla themia kehupuorei
 kezha sükâ ngumvü râ, Jihova die ngumvüya kezha zâ :
 mu ngumvüya kezha sükâ uthuo sizha ngukelie zâtuo.
 3 Mhakekreilamonyü kezha sükâ mhakevi chüya kezha
 tsatie monyü kesuo tsatie miabu ukâ preilie tuoü kechü
 krâpuo zâ. Sirâ nâ sorkari kitsatie kemichie süu terhie-
 lie nyü râ, mhakeviu chüliechie ; silie lirâ nâ sütsatienu
 4 thetse pfülie tuo. Mhakekreilamonyü kezha süu n bu
 vilie tuoü kechûla Jihova lie chü ba kechûla. Derei nâ
 mhakesuo chüya lirâ, michielie chie ; mhakekreilamonyü
 puo kemethuokehou nu zhiecha se bamo zâ kechûla.
 5 Puo bu mhakesuo kechûmia gei Jihova kheputuoü ke-
 chûla puo liechü baya. Sûla niekâ puo noupfüu la
 rürbei zâmonyü nie nounu mhakevikesuo silieya kezha
 6 la rei puo die zelie morâsuo. Süusûla rei nie khezhanuo
 rei chüya ; sirâ kezhakâ mha süu chü seidi Jihova lie
 7 chübaya. Ukâ tsükezhükâ pie ukâ tsüphreshülie : puo
 khezhanuo khruoshü kezhuu *khruopie puo tsülie* ; mhanya
 pfükevâr zha chüshü tsü kezhuu *chüshülie* ; preike-
 8 zhüu *preilie* ; mu rhukezhüu *rhulie*. Huoniehüo khrie
 kechü tsatie sia miapuo pu rei pfü hie : puo sizânuomia
 9 khriea kezhamia thezhâu chütseilieya. Mhakekreila-
 monyü, “Nâ pieü chü suo; Nâ mia dukhri suo, Nâ mha
 rügu suo, Nâ mha mehau suo”, mu sizâmonyü die
 kekrei huo basa shierei, hakâ petekâ die puo nunu par
 zâ ; mu süusü, “Nâ n sizânuomia khriepie n thuo
 10 n kekhrise mhielie chie.” ikechüu zâ. Kekhrisea puo
 sizânuomia gei mha kesuo chüya mo : sûla kekhrisea
 thezhâu chütsei kechüu zâ.
 11 Sirâ niekâ puotei hau sibatuo, süusü niekâ zekezhü
 nunu châkelie teitou zâ : mhakekreilamonyü tsiewe
 thiadzü we pelechie sier kelieki kirei kelakelie u penuo-
 kuota kechûla.
 12 Teizeizha kekratsa vâte, mu teisâzha tsâkelie tiate :
 sûla ukâ teizei mhathâkâ khawadi kezie nyiekâ chüpfü-
 13 lie khe. Meze nyanyüi modi, pieü chü mha kethengakâ
 chümodi, kegei mu mia ngu nie râ rei modi teisâgei tuoü
 14 ukâ mezhüdi lhoulie khe. Sizâmonyü niekâ Niepu Jisu
 Khrista chüdzielie ; mu nie chü niephou rüyakâ chü-
 tuoüdi sütsatie mhapuorei kesehie.

WE HUONIEHUO BÜLI RÜKRALIE MORÁSUO.

- 14 Kepele kethachümia noudäkâ lepejâ hiedi niekâ stümia
 2 zeliemie. Miapuonie mhapete chürei michiemo batuo ;
 3 derei *kepele* kethachümia ga *rürbei* chüya zätuo. *Themuo* kechümia chüyakemomia thi hie : mu *themuo* chüyakemomia rei, kechümia lepejâ hie : mhakekreila monyü
 4 Jihova puo zelieta kechüla. Nâ supuodi miakekreimiam kituonia lepejâya ga ? puothuo thalie rei krüta rei puo Niepuu thuo tiea. U, puo bu thalie zätuo ; mhakekreilamonyü Niepuu puo pethalie ketuo kekuo ba kechüla.
 5 Miapuonie teisâzha kekreibuo kirei teisâzha puo rhu-kuoya : mu kekreibuoa teisâzha pete rhu *kemhieya*. Themia kehupuorei puothuo puonou puotou chübaliechie. Themia kehupuorei teisâzha süu rhuya kezha Niepuu la rhuya kezha zâ ; mu themia kehupuorei *themuo* chüyakezhau Niepuu la chüya kezha zâ, mhakekreilamonyü puo Jihova tseyä kezha la ; sirâ themia kehupuorei *süu* chüya kemo-u, Niepuu la chüyakemo
 7 zâ, mu puo rei Jihova tseyä. Sirâ we kehupuorei uthuo ula rheibaya mo, mu uthuo ula sia reiya mo.
 8 Mu we rhei shierei we Niepuu la rheiya ; mu we sia shierei we Niepuu la siaya : süla we rhei shierei sia
 9 shierei we Niepuu vie zâ. Mhakekreilamonyü Khrista
 10 bu kesiakâ mu kerheikâ rei mhâ Niepu chütuoü kechüla siatadi rheilalie zâ. Derei nâwe kedipuola n siazeu lepejâya ga ? mu nârei kedipuola n siazeu thiya ga ?
 11 Ukâ petekâ Jihovaa dienyä kechü kechüba mhâdzünu thaphre zätuo. Sündze thupie kezhu hambie :
 Niepuna. A rheituoza kethâ kechü mhie
 themia petekâ a mhâdzünu khoutou phre tuo.
 Mu themia petekâ umhiüse Jihova tse phretuo.
 12 Sirâ sidi u kehupuorei Jihova mhâdzü nunu uthuo urüli lha phreshü tuo.
 13 Süla ukâ huoniehüo lepejâhieü ; niekâ kehupuorei puothuo puo siazeu mhâdzünu puophi kemesü morei puo
 14 perheshü ketuo chümolie ketuo-u lebalie chie. Mhakehupuorei sietsenu rhutuomo zâkechü a siya mu Niepu Jisu lanu sitouta zâ ; derei themia kehupuorei mhakehupuorei üse rhu ürâ, puo kitsatie süsü rhuta zâ. Sirei n kechücha la n siazeu bu puo nousuota râ, nâ kekhriezhâ nu tuo mote. Nâ n kechücha la Khrista puophou

- 16 souchtüdi siaketan chüpesuowahie. Süla niekâ chülie
 17 rei vi ükechükâ miabu thatha hie. Sirâ Jihova kedi a
 18 kechü kekria monyü kemiathâ mu thenou mene mha-
 19 kechü mu Kemesa Ruopfü nunu uneikechü zâ. Themia
 20 sidi Khrista liechüya kezhamia Jihova khriekepfümia
 21 zâ mu mia rei sümia rhuya. Süla mhakehupuo chü-
 22 shierei kezevilie ketuokâ mu huoniehüo chüpevilie
 23 ketuokâ pfü beilie khe. N kechücha lanu Jihova mbathâ
 biepesuo wahie. Mha kehupuorei mesa zâ, kethâ;
 derei mia chakha badi kechüu süu vinfo zâ. Themuo
 chükemo, mu zu kriakemo, mu mhakehupuo chürei n
 siazeu chakha chükemokâ sükâ mezhü zâ. Nâ mhapuo
 sitou râ, süupie nthuo n kitsa mu Jihova mhinguki
 ba zâlie. Themia kehupuorei mhakehupuorei sitoudi
 puothuo puo lepejâya kemo-u ruokuothâmia zâ. Derei
 kehupuorei kenouniadi chü râ, süu jâta'ya: mhakekrei-
 lamonyü puo pelemodi chü kechüla: mu mhakehupuorei
 kepele nunu kemo khekâ kephuma zâ.

HUONIEHUO ZHAZHÜ KEPFÜ.

- 15 We chülievi kezhamia, uthuo unci unyü chüta-
 2 hiedi, kethachükâ khâ rei valie zhü. Ukâ kehupuorei
 usiazanuomia chüpevikelie ledi sümia nei chülie
 3 khe. Süsütuo Khrista rei puothuo puo zhazhü pfümo:
 4 sikechüu monyü sündze hakemhie thupiezhü: Mia n
 rlikechü diekâ a tsü gei pfürte. Sirâ keriaki thupie
 ketuokâ se u petha ketuola thukelie zâ. mhakekrei-
 lamonyü ubu shügeshühie kelie mu Kethâleshü nunu
 unou chüpeluokelie nguliedi usiadze nyilie ketuola zâ.
 5 Sirâ shügeshühie kezha mu thenou chüpeluo kezha
 Jihova bu niekâ huoniehüo nou chü kerhepie Khrista
 6 Jisu nou mhiei shükeliu chüliechie. Silie lirâ niekâ
 kenourhe mu kedierhedi Uniepu Jisu Khrista Nuopuo
 7 Jihova tsekeliu chülietuo. Süla Jihova bu zapuzayie
 chülie ketuola Khrista niekâ zekeliu tuoie niekâ rei
 8 huoniehüo zeliemie Sirâ adie hauha: Thiadzû upfu-
 tsanuokâ ki mhapupiekehrü diekâ Khristaa chükeme-
 teishü ketuola Jihova kedietheu la zhükere liethâ
 9 chüte; sidi 'Judakemokâ burei, Jihova ungukemezhie
 la puo tselie zâtuu. Sündze hamhiedi thupie zhü:

- Sûla Judakemokâ dânu rei a N tsheshû tuo,
Mu N zanunu chiel rei shûtuo.
- 10 Mu sÿsia rei puo pukechû :
Niekâ Judakemokâ puo themiakâ zedi,
nie neiliechie, si ;
- 11 Sirâ lasie :
Niekâ Judakemokâ pete Niepuu tseliechie ;
Sirâ themia neiükâ pete puo tseliechie, si.
- 12 Sizâmonyÿ Isaya lasie pukechû :
Jese mvüngeinu puo nuonuopuo pou siertuo,
Mu Ihoukesier sÿu Judakemokâ mhâ kezha
chûtuo ;
Judakemokâ puo khremerÿr zâtuo, si.
- 13 Sûla u siadze pfÿshÿya kezha Jihova bu niekâ bunu
Kemesa Ruopfÿ kekuo-u nunu puo khremerÿr phrelie
ketuola kepele nunu ynekelie neiükâ mu thenou ke-
meneu sapie niekâ ketsu chÿliechie

PAUL PUOTHUO PUODZE KËPU MU MIA KELUKESHÿ.

- 14 Sirâ, barie a kezekâ, niekâ mhakevipie niekâ ketsu
chÿketuo, mu mhakesi neiükâ se niekâ ketsu chÿketuo,
sirâ huoniehÿo tarhâ rei shÿlie kevi, a athuo niekâ dze
- 15 sÿ sitou bazâ. Derei Jihovaa ngukemezhie kha a ke-
tsÿu la niekâ bu mhapuo rÿkra la salie nyÿdi a leshÿ hau
nu mharapÿo thepfusedi thupie niekâ kishÿ ho.
- 16 Mhakekreilamonyÿ abu Judakemokâ kitsatie Khrista
Jisu liethâ chÿ mu Jihova dieliekevi phichÿkam chÿdi
Judakemokâ khapie Jihova tsÿdi Kemesa Ruopfÿ bu
sÿkâ chÿkemesapie puo bu lielie kevi chÿlie ketuola
- 17 A sidi Khrista Jisu la Jihova kitsatie a mhathâkâ lepie
- 18 a neiba zâ. Sirâ Judakemokâ bu puodie zeli ketuola
Khrista a geinu chÿkeshÿkâ sia a mhakekrei puorei pu
michiete ; mu sÿkâsÿ a die mu a mhathâkâ nunu.
- 19 zasikâ mu ungâ mhathâ kekuo-u nunu, mu Kemesa
Ruopfÿ kekuo-u nunu chÿkelie zâ ; sidi a Jirusalem
mu sÿkhie sÿmhoukâ nunu vâ Iluria ketsâ Khrista
- 20 dieliekeviu se mia petha ketsâshÿ. A sidi mia kekrei-
mia pÿe geinu kichÿ molie ketuola thjadzÿ Khrista za
simotâzâ kechÿra dieliekeviu pie mia pethashÿ tuoÿ
- 21 kechÿ rÿf tuo zâ ; sirâ,

Puo dze diepuo rei pie uki puya kemokâ bu puo
ngutuo,

Mu puodie siyakemokâ bu sikeméchieliétuo, isidi
thupie kezhu mhie chünyü tuo zâ.

- 22 Sûla a niekâ ki vâr tuoü rei a khalie tata kuophi ;
23 derei tsiewe hatsatie mharapuorei akam basamote, mu a
Spain nu vâ râ niekâ ki rei vâlie tuo ikechü a teichie
24 kekra le tuoya zâte. Mhakekreilamonyü a kevâki a
niekâ ze kengushüdi niekâ ze ba a neizalie riadi niekâ
25 bu aze sütsatie vâkechü le anei kechüla. Derei tsieu-
vawe kemesakâ khruohishü tuoü kechüla a Jirusalem
26 nu vâta tuoü zhie. Mhakekreilamonyü Makedonia nu
Akaya nu *kehokâ* mahuo khapie Jirusalem nu keba
kemesakâ dânu kejükâ tsütuoü kechü uneita kechüla.
27 Kethâzâ, ukâ sikechü ukâ neita zâ ; mu ukâ sükâ pu
pfü tuota zâ. Kekreilamoü Judakembokâ sükâ kinu
ruopfü nyakâ ngulie lirâ, ukâ kijünya tsatiepie sükâ
28 khruohi rei zhü, kechüla. Sûla a hau khapie ukâ
dzienu shüwadi mhathâ hau chü tseilie lirâ a niekâ kiki
29 vâdi Spain nu vâtu. Mu a vâ niekâ tsâkelie ki a
Khrista kinu theja ngutsei sedi vâtsâlie tuoü kechü a si
bate.
- 30 Sirâ akezenuokâ, niekâ angumezhiedi Uniepu Jisu
Khrista la mu Ruopfüu geinu kepar kekhrieu rei la arüli
31 rûkradi aze nie bie chüdi Jihova ki cha bachie. Süsü
mhakekreilamonyü pelekemo Judianu kebakâ dzie nunu
a kelashünu kechü, sirâ a Jirusalem nu kebakâ khruohi
32 tuoü tuokechü kemesakâ bu uneilie ketuo, sizamonyü
abu Jihova medâ nunu aneidi vâ niekâ tsâliedi niekâ ze
33 rûleikelie ngulie ketuola. Sirâ thenou mene mhieikechü
kha mia tsüya kezha Jihova bu niekâ petekâ ze bake-
lieu chüliechie. Amen.

- 16 Niekâ pezia rei Kinkrea nu keba kehou liethâ chüya
2 kezha ukâ üpfü Foibe pfü rüli rûkraliechie. Niekâ puo
üso Niepuu kitsa ketuomia üdi puo zeliemie ; kemesakâ
sikechü mese. Sirâ niekâ puo ketsâpfüki mhakehu-
puonu zârei puo khruohilie chie : mhakekreilamonyü
puo puothuo zârei thiadzü themia kekra mu a hazârei
khruohi sier zâ kechüla.

- 3 Khrista Jisu kitsatie mhakam chüya kezha a zenia

- 4 Priska mu Akula unia kelushû chie; unia a se kelashû
tuofûdi unia phou rei khriemo sie zâ; mu a rûrbei zâ
monyû Judakemo kehou khekâ zârei unia tse bazâ.
- 5 Sirâ unia kinu kehouya kezhakâ rei kelushû chie. Mu
akhrieu Epaineta rei kelushûchie; Khrista kitsatie puo
- 6 Asia nu tsia keriau zâ. Maria rei kelushû chie; puo
- 7 niekâ la thehie chûphi zâ. A seyie mu aze kediekehû
Adronika mu Junia unia kelushûchie; unia apostelkâ
dânu therhû kepfû kenia mu unia amhâdzû Khrista
kitsatie tuota zâ.
- 8 Niepuu kitsatie akhrieu Ampliata kelushûchie.
- 9 Khrista kitsatie ukâ ze kam chûyakezha Urbano mu
akhrieu Staki rei kelushûchie. Khrista kitsatie vakethâ
chûketau Apele kelushûchie. Aristabulo kinumiakâ rei
- 10 kelushû chie. A ramia Herodion rei kelushû chie.
- 11 Niepuu kitsatie tuoketa Narkiso nu kinumia rei kelu-
shûchie Trifena mu Trifosa unia kelushû chie; thenu
sûnia Niepuu kitsatie thehie chûdi puo liechûya. Mia
khrie kepfû pfû Persi rei kelushûchie; Niepuu kitsatie
- 12 puo hiechû phidi puo liechûya. Niepuu thuo kieliehu,
- 13 Rufu mu hienia zuopfû rei kelushû chie. Asikrito,
Flego, Heruni, Patroba, Herma, mu sükâ ze keba uzekâ
- 14 rei kelu phreshû chie. Filologu mu Julia, Nirio mu
pue pfû, mu Olimpa, sirâ sükâ ze keba kemesakâ pete
- 15 kelu phreshû chie. Khristanmia kemebâ kechû zhâ se
huoniehû mebâdi kelushû chie. Khrista kehou khekâ
pete niekâ kelushû ho.
- 16 Sirâ harie adezekâ, niekâ pezia rei kehupuorei niekâ
hadzû kepehdadie silie ketau ngumvûdi mha thurhuo
mu chakha huo chûya lirâ sükâ sitou pie balie mu sükâ
- 17 therhietalie. Mhakekreilamonyû themia siyakezhamia
Uniepuu Khrista liechû monyû uthuo uva liethâ chûya
kezha zâ; mu ukâ die vi mu pesi khuoi sedi miadâkâ
- 18 sekeesi tuoya kezha zâ kechûla. Niekâ Jihova diezeya
kechû themia pete site: sula a niekâ la anei ba. Derei
a nie bu mhakevi tsatie chû silie, mu mha kesuo tsatie
chû simolie ketuo anei. Sirâ miabu kezevilieya kezha
- 19 Jihova chabamodi Satan khapie niekâ phizhâ chû-
watno.

Uniepu Jisu Khrista kinu kepan ngukemezhieu bu
niekâ ze bakelieu chûliechie.

- 21 A ze kedzie sedi mbakam chüyakezhau Timothi niekâ
kelushü ho; sirâ aramia Lokio mu Jason mu Sosipater
22 ukâ rei sishü ho. Leshü hau thukeshüu, a Tertio, rei
23 Niepuu za nu niekâ kelushü ho. A, sâu Gaya mu kehau
petekâ rei niekâ kelushü ho. Rüna *haunu* raka seya-
kezhau Erasta mu uzeu Koarto rei niekâ kelushü ho.
- 25 Sirâ dieliekevi a tsükewau mu Jisuf Khrista dze kepe-
tha dieu geinu Jihova niekâ chükemetei shülie vi.
Dieliekevi suusu kechachie pekhropie ketuo die kesouu
26 pesikeshüu zâ. Derei tsiewe kechachie Jihova dieu la
siadzekesikâ leshükâ geinu die kesou süu sikemechielie-
di mia bu kopeledieu zeliu ketuola pupie Judakemo
27 petekâ pesishüwate. Puo rürbei mhakesiu Jihova bu
Jisu Khrista la kechachie zavie chükeliu chüliechie.
Amen.

Paul-a Korintiakâ Ki Thukeshü Leshü Keriau

KELUKESHÜ MU DIE THERIAKÂ.

- 1 Jihova medâ la Jisu Khrista kitsatie apostel chü nud
2 kielieketau Paul, mu usiazeu Sosthini, unia kinu ; Kha-
pie Korint nu keba Jihova kehovu, kemesakâ chü tuou-
di kielieketa Khrista Jisu nunu kelakreilieketakâ, mu
sizâmonyü' ulâ mu hienâ rûna Akaya petenu Niepu
Jisu Khrista zase chaya kezha petekâ kirei shüho :
3 Upuo Jihova mu Niepu Jisu Khrista kinu kepar ngu-
kemezhieu mu kevin bu niekâ gei vârkeliu chüliechie.
4 Jihovaa Khrista Jisu nunu ngukemezhieu kha niekâ
tsüwa ketala niekâ lanu a a-Jihova tse sei baya zâ :
5 mhakekreilamonyü niekâ die neiükâ nu mu mhasi
neiükâ bu rei Puo la mhapetekâ nu mhanyi bata
6 kechûla ; süsütuo Khrista zhapu niekâ nu ba chüse
7 chüte. Sidi niekâ mhaphruo kehupuo nurei rûkreta
modi Uniepu Jisu Khrista meyiemeluo vârketu-u
8 pfebaze. Puo niekâ bu Uniepu Jisu Khrista zhanhia
jâtalie kelhâ chülie ketuola niekâ bu rûnia ta mozá
9 tha thela tsâ reilie zâtuu. Kehupuorei puo pelelie ke-
süu sü Jihova zâ ; puo niekâ kiepie niekâ bu puo Nuo
Uniepu Jisu Khrista ze kedzieseliete.

KEHOU KEDIEKREI KECHÜ MU DIEIEKEVI RÜLI.

- 10 Sirâ azenuokâ, a niekâ pete bu keze diepuo pulie nu
mu niekâ dânu kepfükâ molie nu, sikechüamonyü
niekâ bu kenourhe mu niekâ medâ kerbedi vitseilie
nudi, Uniepu Jisu Khrista za nunu niekâ tarhâshü nyü
11 zhie. Mhakekreilamonyü Kloe nuo kinumia kinu a
niekâ dze silie kechü niekâ dânu keprüli baü mhie.
12 Mu die süüsü, Niekâ kehupuorei huomia, “ A Paul

- kitsatie", mu huomia, "A Apola kitsatie", mu huomia, "A Kefa kitsatie," mu huomia, "A Khrista kitsatie zā" isi rūzā baū mhie. Khrista chūphrā sedia chūwate ma? Paul pie krus geinu niekâ phousou chūdi gou ma? Morei Paul zanunu niekâ baptaiz chūlie ma? A Krispa mu Gaya unia sia niekâ miapuorei baptaiz chūmo kechūla a Jihova tsebaya; mhakekreilamonyū niekâ aza nunu baptaiz chūlie ūdi mia pu kesie keprei la. Mu sirā a Stefana nuo kinumia rei baptaiz chū; sūsia a kekreamia puorei baptaiz kechū simo. Mbakekreilamonyū Khrista abu mia baptaiz chūnudi monyū dieliekeviu pu mia kia nudi a ketseshū kechū zā kechūla; derei Khrista krus-u kemethuo chūketa keprei la mhakesidie rei se pumo.
- 18 Mbakekreilamonyū krus dieu kataketuokâ mhâdzūnuwe mhasikemodie; derei kelalieketa ukâ mhâdzūnuzāwe die sūu Jihova kekuo-u zā kechūla. Sūdze thupie kezū hāmhie:

A mhakesikâ mhasi biepekawatu.

Mu thedā kesikâ dā chūpie kemethuo chūwatuo.

- 20 Mhakesimia kirapuo бага? Leshūkesithākā rei kirapuo бага? Tsiedā kelhoumia dānu puodie kekuo-u rei kirapuo бага? Jihovaa tsiedā kelhoumia mhasiu chūpie mhasikemo chūwata mo ma? Mbakekreilamonyū Jihova puo mhasi pie mia kia keshū ki tsiedā kelhoumia uthuo u mhasi se Jihova silie mo ketala mhasikemo die kemhie puo pupie mia kiadi pelēkeliemia
- 22 kelalie tuoū kechū Jihova medāta kechūla. Judakā
- 23 zasikā ngunyū, mu Judakemokā mhakesi pfūya: derei hiezāwe Khrista pie krus geinu goukewa dze pie mia pethaya; mu sūsū Judamia neikemopuo, mu Judakemomiawe sūu ūse mhasikemodiepuo ūsi: derei kielieketa, Judamia rei mu Judakemomia rei lazāwe Khrista dze diesūu Jihova kekuo-u mu Jihova mhasiu rei zā.
- 25 Mbakekreilamonyū Jihova tia nunu kepar mhasikemodie kemhie zārei themia ki mhasikuo, sirā Jihova tia nunu kepar mehakemo kemhie zārei themia ki mehakuo zā kechūla.
- 26 Sirā azenuokā, niekâ thuo rei niekâ dānu kielieketakā dze rei leshū phichie; sūkāsū kielieke uchū-uphou medā kemhie mhakesimia kekra rei mo, kezhamia

27 kekra rei mo, mu kevimia kekra rei kielie mo. Derei
 Jihova mhakesikâ kengashû ketuola kijû hau nunu
 mhasikemokâ kedaliète ; mu Jihova kemechakâ kenga-
 shû ketuola kijû hau nunu mechakemokâ kedaliète ;
 28 sizâmonvû Jihovaa mia ulepechû kezhakâ mu mia
 uthiketakâ kedaliète ; *sidi puo* kebakâ ohûpejûwa ke-
 29 tuola bakemo mhiezâ kechûkâ *kedaliète*. Mhakekreila-
 monyû themiapuo burei Jihova mhâdzûnunu puothuo
 30 puo tse moliê ketuola. Derei niekâ puo la Khrista
 Jisu kitsatie bate ; mu puo ula Jihova kinu mhakesi,
puocha uchükemiathâkechû mu uchükemesakelie mu
 31 urhakelie chûte. Sûla süudze hakemhie thupie zhû :
 Themia kehupuorei *mhapuo ngulietu üdi* puo neiya ke-
 zhau puobu puonei rei Niepuu lanu zâ üliechie.

2 Sirâ azenûokâ, a rei hâdzû niekâ ki vârdi Jihova dze
 die kesoukâ pupie niekâ kia kechûki a die morei mhasi
 2 silie kere sevâr mo. A Jisu Khrista mu puo pie krus
 geinu goukewa dieu sia niekâ dânunu mhakekrei puorei
 3 sinyû siemo. Mu a niekâ ze kebaki mecha rei mo mu
 4 michie mu pesasa idi bawa zâ. Sirâ a diepu nu mu a
 mha dze pupie mia petha kechûkâ nurei miabu mehou
 mengulie ketuo mhakesidiekâ sedi monyû Ruopfûu mu
 5 kekua-u bu thapie niekâ kia kechû zâ : süsü mhake-
 kreilamonyû niekâ kepele bu themia mhasi geimonyû
 Jihova kekua-u gei balie ketuola.

6 Siüderei hie phichûketakâ dânu zâwe mhakesidie
 puya : sirei mhakesidie süu tsiedâ kelhoukâ mhasiu mo,
 morei tsiedâ kelhou haunu kezha thesia kemethuo chû-
 taketuokâ mhasi rei mo.

7 Derei hie Jihova kesoou se puya : *mhasi* süsü
 thiadzû pekhrepie ketuo *mhasiu* zâ, ubu süu se udze use
 chû ketuola nhia nhianu kelhoukâ mhâdzû Jihova
 8 pedzû ârûpie tuota zâ. Mu tsiedâ kelhoukâ mha
 kezhakâ miapuorei süu silie mote : ukâ süu silie lirâ
 zapuzayie kechû Niepuu pie krus geinu goukewa
 9 pfûmo. Derei *mhasi süu dze* hakemhie thupie zhû :

Umhi pie ngulie mo keta, mu unyie pie rûnyülie
 . mo keta,

Mu themia melou nu lelie mo keta, mha sike-
 chûkâ

Jihovaa puokhrie puorhuya kezhakâ la kesepie tuote.

- 10 Derei hie ki zâwe Jihova puo Ruopfûu bunu tha keme-
yie meluo shûwate: mhakekreilamonyû Ruopfû sÿu
thuo mhapetekâ, Jihova dze kesoukâ zârei, kehiehalieya
- 11 zâ kechûla. Themia zârei puo nu keba ruopfûu zâ
kemosia themia dânu supuonie themia rûli silieya ga?
sÿsÿutuoi Jihova Ruopfûu, thuo zâ kemosia miapuorei
- 12 Jihova rûli silieya mo zâ. Derei hie bu Jihova methuo
khalie utsûwaketakâ silie ketuola hie kÿjÿ hau ruopfûu
ngulie monyû Jihova geinu kepar Ruopfûu nguliete.
- 13 Mhasûkâ dze hie themia mhasi se pethakeshû diekâ
monyû Ruopfûu thuo petha keshû diekâ sedi pu rei tuoya
- 14 zâ; sidi ruopfû diekâ sedi ruopfû dzekâ putuoya. Sirâ
unoukesalie kemo themiamia Jihova Ruopfûu diekâ le-
lieya mo; mhakekreila monyû puo mhâdzûki diesûkâ
ÿse mhasikemodie ÿya kezhalâ: mu puo die sÿkâ cha
silie kenjÿ, mhakekreila monyû Ruopfûu bu sÿkâ leshû
- 15 puo kia morâkesuo la. Sirei Ruopfûu puo nou kebamia
mhapetekâ lekekrelieya, mu miapuorei puo rûli sidi
- 16 puo pejâlie kenjÿ zâ. Supuonie Niepuu nouu sidi puo
pethalie vita? Derei hiewe Khrista nouu setuote.

- 3 Sirâ barie azekâ, a thiadzû ruopfû themiakâ ki kepu
mhiei niekâ ki mha pulie suote; derei uchû-uphou
themiakâ ki kepu mhiei, sizâmonyû Khrista kitsatie
- 2 nhichu pahyakâ ki kepu mhiei mhapu kechû zâ. Aa
nudzu se niekâ vachû, mha kekhrÿ se niekâ vachû mo;
niekâ silie sÿ mo lu kechûla: sÿkizâmonyû tsierei
- 3 niekâ sÿu chÿlie sÿ mo ba ze ha. Mhakekreilamonyû
niekâ tsierei uchû-uphou themia chÿbazâ lu kechûla.
Kethâzâ, tsierei niekâ dânu huoniehwo ngupie urâ mu
kezesuo baya zâ; sÿla niekâ uchû-uphou themia zâ mo
ma? sirâ niekâ themia zhâ se lhouya zâ mo ma?
- 4 Niekâ huomianie, "A Paul kitsa", mu huomia,
"A Apola kitsa zâ" ikesieki, niekâ themia zâ mo ma
- 5 sÿ? Ka, sirâ Apola kedipua? mu Paul rei, kedipua?
Unia mia kituomia zâ; unia la niekâ bu pelekeli zâ;
mu sÿusÿ Niepuu puothuo kepele mejÿpie unia tsÿ
- 6 keshû kemie chÿkelie zâ. A leishû, Apola dzÿpie pe-
tseshû; derei Jihova la lhou zha sier kelie zâ. Sÿla

- leikeshūu rei mhapuo bamo, morei dzūpie petsekeshūu rei mhapuo bamo ; derei pelhou pezhashūkezhau Jihova
- 8 *puobā zā* Sirā leikeshūu mu dzūpie petsekeshūu unia kezepuo zā : derei sūnia kehupuorei umhathā zha
- 9 ngu kekrei toulie tuo. Mhakekreilamonyū hie keze Jihova liechūyā kezhamia zā : niekāwe Jihova lie mu Jihova ki zā kechūla.
- 10 A Jihova kinu ngukelje ngukemezhieu medā mhiei kichūkesimia mhiei a puomvūdze shū ; mu miakekreimia sū geinu ki chūya. Derei themia kehupuorei sūgeinu kedipuomhieidi puo ki chūya shi puobu puo kireilie
- 11 chie. Mhakekreilamonyū puomvūdze piezhūwa ketau zā kemosia miapuorei puomvūdze pekroi la salie kenjū :
- 12 *dzepie zhūkewa* sūsū Jisu Khrista zā. Derei themia kehupuorei phe sūgeinu suna. rakachū, ketsie puoma
- 13 kerepfū, sei, zāga mu rūgn rei se chūya rā ; themia kehupuo mhathā rei thesianu silietuo. Thelanhia sūu silietuo ; mhakekreila monyū *sūnhia* mi nunu thashū
- 14 ketuola ; mu mi sūu puothuo themia kehupuo mhathā rei kedipuo mhie shikechū kevikesuo thashū tuo. Phe sūgeinu kechū themia kehupuo mhathā rei ba lierā puo
- 15 mhamethuo ngulie tuo. Mu themia kehupuo mhathā rei thewa tarā puo kaphi tuo : derei puozāwe kelakelie ngu-
lietuo ; siroi mi nu kevā kemhie idi *kelakelie ngulie* tuo.
- 16 Niekā Jihova rūsuoki puo zā. mu Jihova Ruopfūu nie-
- 17 kā nu baya ūkechū niekā sū simo ma ? Themia kehupuorei Jihova rūsuoki sūu biepesuowaya rā, Jihova rei puo pesuowatuo ; mhakekreilamonyū Jihova rūsuoki sūsū mesa zā kechūla ; mu niekā rei sūnhie zā.
- 18 Themia kehupuo burei puothuo puo sekela kewa chūhie chie. Niekā dānu themia kehupuorei jūta ketuo kijū haunu puothuo puo ūse mhasi ūkechū leya rā, puo bu mhakesimia chūlie ketuola puobu
- 19 kenyamia chūlie. Mhakekreila monyū jūta ketuo kijū haunu mhasi-a Jihova mbādzūnu ken yazā kechūla. Sūdze hakemhie thupiezhū : “Puoā mhakesikā kemia-
- 20 da kesieki ukā telieya.” Sirā pulasa piezhūkechū hamhie : “Niepuua mhakesikā noudākā ūse kemethuo-
- 21 kemeruq zā ūkechū siya.” Sūla kehupuo burei themia la kemelha hiechie. Mhakekreila monyū petekā nie vie
- 22 zā kechūla . Paul shierei, Apola rei. Kefa rei : sirā kijū

23 hau rei, kerhei rei, kesia rei; tsiedâ ketuokâ rei, tseesia vârketuokâ rei, petekâ niekâ vie ze. Mu niekâ Khrista vie zâ; sirâ Khrista Jihova vie zâ.

- 4 Sûla themia kehupuo burei hieü Khrista kituomia mu Jihova die kesoukâ kipfemia tüzâlie chie. Sirâ
 2 kipfemia dze rei lesie râ, ukâ rei miabu ukâ pelelie ke-
 3 sümia morâsuo. Derei azâwe niekâ bu morei themia mechûhou nunu a ketsâ kechûwe üse mhathâpuo ü
 4 bamo: a athuo zârei a ketsâya mo. Mhakekreila monyü a athuo akefâ puorei simo kechûla, derei siüdi a mezhü reilie ta mo; sirei a ketsâya kezhausü Niepuu
 5 zâ Sûla Niepuu vârkemonu pethou mhapuorei ketsâ-hie: puo kezei nunu mha pekhrepie ketuokâ rei hielapie kezienü shütuo. mu mia noudâkâ rei silie tuo; mu sükisü themia kehupuo kevi putuo, rei Jihova kinu zâtuo.
- 6 Sirâ azenuokâ. a hadzü niekâ zhazhü kevi ledi mhapu kezhükâ a mu Apola hienia geinu thakia puo chüdi pu keshü zâ; süsü mhakekreilamonyü niekâ bu hienia geinu mhasiliedi thiadzü thupie ketuo diekâ vazieta molie ketuola; sidi niekâ kehupuo burei huonie-
 7 huo ngumvüdi kâ methuo tuo molie ketuola zâ. Suponie n chüpezha pekrei shü ga? Sirâ nâ mia kinu mhangulie kemo kedipuo бага? sire inâ mia kinu mha sün ngulietta lirâ, kiüdi nâ mia la ngulie kemopuo mhie-
 8 idi kemiakâya ga? Niekâ tsiekinu pevülie! niekâ tsiekinu mhanyilie! sidi niekâ hiekâ zomodi kedi chütuoü batatele! Niekâ kedi chübata kechûwe arei aneizâ tiechiü; silirâ hieri niekâ ze di bata tiechiü.
- 9 A noukeleki zâwe Jihova hie apostelkâ chüpie miaki kechüthâ krâpuo. mia upejâwadi vakhriwatuoü thaketamia mbieta zâü batazâ: mhakekreilamonyü mia hie chüpie petekâ mhâdzünü hiebu terhüoümi, rei mu themia mhâdzünü rei miatha-miaphipuo chüwatazâ kechûla
 10 Khrista la hie kenyamia chüte, derei niekâwe Khrista la mhakesimia chüliete; hie mechamote, derei niekâwe kekuomia chüte; niekâwe thetse pfüte, derei hiewe mia
 11 tha pfüte. Tsie ha ketsâ rei hiewe merür mu terhrü bazâ, hie xfe hie nei rei jü, mu mia duthe rei pfü, mu
 12 hie ba hie zhü rei jü; sirâ hie hieþhuo hiedziepie

- mhachüdi kemezhe bazâ : mia hie kerhie rei hie japie
 13 mia tsüya ; mia hie pese rei hie shügeshühielieya ; mia
 hie pupesuo rei hie mia gei hie dieviya ; hie tsie ha
 ketsâ rei mia nyâpfü kemhie kerhukâ kirei kerhuthâ-
 puo chütuote.
- 14 A niekâ kengashü kenÿü, la monÿü, niekâ a nuonuo
 a khriekâ zâ kechüla niekâ tarhâshü kenÿü la a die
 15 hakâ tñukeshü zâ. Sinâ niekâ Khrista kitsatie nie
 kepethamia nyie ker bazâ shierei nie krünuo kemhiewe
 kekra bamo. Mhakekreilamonyü Khrista Jisu kitsatie
 dieliekevin la niekâ penuopie anuonuo chükeliie la.
 16 Süla niekâ peziarei niekâ a dârielie liechie. Niekâ bu
 17 silie ketuola a Timothi ketsepie niekâ kishü ho. Pua
 Niepuu kitsatie a puo pelelie kesü anuo akhreiu zâ ;
 kehon kehupuonu rei a se mia petha tuoya kezha Khrista
 kitsatie kepetha zhâ sükâ puo la niekâ bu rükra lalie
 18 tuo. Sirâ niekâ huomia a üse niekâ ki vâlielhâ the-
 19 nyüsiedi kâkhubon tuoya tuo. Derei Niepuu medâ râ a
 pezi niekâ ki vârzâ tuo ; mu sükisünu a themia kâkhubon
 20 tuo kechükâ udie monÿü ukekuo silietuo. Mhakekrei-
 lamonyü Jihova kediwe dieü monÿü kekuoü chülieya
 21 kezhalâ. A bu seirâ se niekâ ki vârtieya mo miake-
 khrie mu puozhâkevi Ruopfüu ze vârtuo ga ? sünia kin
 niekâ medâtuo ga ?

KEHOU ZHÄ ZEKEMO PUO DZE.

- 5 Niekâ dânu pietü chüya ükechü mia pubou tuote,
 mu pietü kechü süüsü Judakemomia dânu zârei chüya-
 kemo pfüzâ, süüsü niekâ miapuo puothuo puo puo
 kimia pfü zeba üya.
- 2 Siüderei niekâ nousuodi niekâ dânnu themia sikechü
 chükewamia khawa tuofü kechüu monÿü niekâ kâkhu-
 3 bou baya ze. A vâ niekâ ze keze bamo zâü derei
 anounu vâ niekâ ze bazâ kechü kembieidi a tsierei
 themia mhakesuo sikechü chükewamia gei chükezhüu
 4 hrütou sebate. Niekâ u Niepu Jisu zanunu a ruopfü
 5 rei ze kenourhedi u Niepu Jisu kekuo-üü vâ kengudi
 themia sikechümia khapie Satan dzienu shükewa mese ;
 süüsü mhakekreilamonyü puochü-puophou pekawadi
 Niepu Jisu zhanhia puo ruopfüu kelalie vi ketuola.

- 6 Niekâ melha sũu vimo. Khrei kedunnuoyâ puothuo
 niekhrũda date thuorei bu poulieya kezha niekâ siya
 7 moma? Niekâ niekhrũda dasa chũlie ketuola khrei
 keweu ohũwalechie; mhakekreilamonyũ niekâ khreiũ
 shũkemokâ zâ kechũla. Kethâ, thiadzũ rei ukelakelie-
 nyi nyikechũki ukuonuo-u dukhripiẽ u ruosuo chũkewau
 8 Khrista zâ. Sũla ukâ khrei keweu semo, morei kelhie
 kechũ mu kerũzhũ khreiũ semonyũ, khreiũ shũkemo
 thenou kemezũ mu kethâ niekhrũda sedi *Khristan* nyi
 nyituo zãlie khe.
- 9 A thiadzũ thupie niekâ ki keshũ aleshũu nu niekâ
 10 bu pieũmia ze kekrãthã hienũ shũ. Derei a niekâ bu
 kijũ haunu pieũmia, mia vie mehounengu kezhamia,
 mia kechũ chũkezhamia morei terhuorhi kertĩsuomia ze
 kerũchũ hienũ zãshũ mo; mhakekreilamonyũ sikechũ
 siawe niekâ kijũ hau chiẽta morãsuo tazã tuo kechũla.
 11 Derei a diezãwe, themiakehupuorei *Khristan* chũdi nie
 ze siadzũria chũketamia puonie pieũ chũ, morei miavie
 mehounengu, morei terhuorhi rĩsuo, morei die kesuo
 pie mia tha, morei meze, morei mia kechũ chũta rã,
 a niekâ bu sũmia ze kekrãthã hienũshũ, mu sikechũu
 monyũ sikechũmia ze mhachũ mhakria rei hienũdi
 thukeshũ zã.
- 12 A chazou ketuomia ãwe ketsã se kedipuo chũta?
 Niekâ zã rei kehounu ketuomia ketsãya kezha zã mo
 13 ma? Jihova thuo chazou ketuokã ketsãya kezha zã.
 Niekâ niekâ, dãnunu themia kerũzhũmia khawalie
 morãsuo.

DIENYA KECHũ KECHũ MU PIEũ DZE.

- 6 Niekâ huomianie huomia gei kenya kechũpuo badi
 sũu se kemesakã ki vãmodi miathãkemokã ki vãdi
 2 kenya kechũ miehie mo zã ma? Morei, kemesakã thuo
 kijũnumia ketsã tuoũ kechũ, niekâ sũ simo ma?
 Sirã niekâ bu kijũnumia thuorei ketsãtuo lirã, niekâ
 3 mhakechũkerũkã ketsãlie suo ũma? Tsiedã kelhouki
 rũlikã zãmonyũ sũmbã rei we terhuoũmia thuo rei ke-
 4 tsã tuoũ kechũ niekâ simo ma? Silirã niekã tsiedã
 kelhouki rũlikã kechũ tuoũ lirã, niekã mia kehousẽ
 mhapuo ũyakemokã bu nie nyie kechũ tuo le?

- 5 Niekâ bu mengalie ketuo la a die sükâ pushüzhü. Ka
 6 di, keze siadzürä kechü mia dienyä pepiliekevi mhake-
 7 simia puorei niekâ dânu jüzâte ma? Sidi siazedzürä
 8 keze vâ kenya; mu sürürbei zâmonyü pelekemokâ
 9 mhâdzünu rei vâ kenya saya ma? Niekâ huoniehuo ze
 10 kenyakechü la thuorei kaphita zhüze. Kiüdi miathuo
 11 nie gei puotou kemopuo chürei nie neikuolieya mo ga?
 12 Kiüdi miathuo nie sewa zâ shierei nie neikuolieya mo
 13 ga? Sikechüu monyü niekâ niethuo rei mia gei puotou
 14 kemo chüyâ mu mia seya, mu süsü nie siadzürämia gei
 15 zâ. Morei miathâkemomia Jihova kedinu kenipu chü-
 16 lielhâ ükechü niekâ sü simo ma? Mhalekekrüwahie:
 17 pierüü kechümia rei, terhuorhi kerüsuomia rei, pieü
 18 kechümia rei, lhou ketheguo nyü kechümia rei, the-
 19 pfumia thuo thepfumia ze kethenga kechümia rei, sirâ
 20 kerügumia rei, miavie mehpuengu kezhamia rei, keme-
 21 zemia rei, diekesuopie mia thakezhamia rei, mia kechü-
 22 chü kezhamia rei Jihova kedi nu kenipu chülielhâ.
 23 Mu niekâ huomia rei thiadzü sikechümia zâ; derei
 24 süsia niekâ khrüwate, sidi niekâ khapie Jihova kitsatie
 25 shüwate. sizâmonyü Niepu Jisu za nunu mu Jihova
 26 Rtuopfüu nunu niekâ chükemiathâliete.
 27 “Azâwe mhakehupuo chütuoü rei a kekha jü”. U,
 28 kethâ, derei mhapetekâ nu kemevi ba phre mo “Azâwe
 29 mhakehupuo chütuoü rei a kekha jü”. U, kethâ, derei
 30 a mhapuo khrükhrâ rei le nyümo. Kechücha u vadi la
 31 zâ, mu uvadi kechücha la zâ: derei Jihova sünia ken-
 32 inia chüpejüwatuo. Derei pieü chüketuola umâ chüshü
 33 mo, sirei Niepuu kitsatie la zâ: sirâ Niepuu rei umâ
 34 kitsatie la zâ. Tsiu Jihova thuo Niepuu rei chüperhei-
 35 liete, mu puo kekuoü urei chüperheilie tuo. Niekâ
 36 mâkâ Khrista geinu thekepârkâ zâ ükechü niekâ simo
 37 ma? Silirâ a Khrista viekâ chüsevâdi khapie thethe-
 38 numia vie chü tuo ma? Suotuoâ! Morei, thethenumia
 39 zekechümia unia mâpuo tazâ ükechü niekâ simo ma?
 40 Sünia keze chüpuo chütatuo shieü siya. Derei themia
 41 kehupuorei Niepuu kitsamia chüketamia, unia keninia
 42 ruopfüpuo chüte. Ta pieü therhietalie. Kephuma ke-
 43 kreikâ, umâ nunu modi chazounu chü pekuoya, derei
 44 pieü chükezhamia puothuo puomâ biepesuowadi phuma-
 45 taya. Morei niekâ mâ kehupuorei niekâ Jihova kinu

- ngukelie mu niekâ nu keba Kemesa Ruopfûu rûsuoki
 20 zâûkechû niekâ simo ma? Mu niekâha niethuo nievie
 motazâ: mhakekreilamonyû mhamapie niekâ kbrûlieta-
 zâ kechûla. Sûla niekâ niekâ mâ' nunu Jihova khrie
 mu rhuliechie.

KESE KERI KECHÛ DZE.

- 7 Sirâ niekâ hadzû leshû rupie a kishûdi mhadze ketsâ
 kechûkâ la a *hakâ thulashû zhie*: Thepfûmia thenumia
 2 zelhou mo zârei puotou. Derei pieû chûketa *keprei* la
 thepfumia kehupuo burei puo kimia nyiphrelie, mu the-
 3 numia kehupuo burei puo nupfunuo nyiphrelie. Mia
 nupfunuo kechûmia bu uthuo unupfunuo gei shûke-
 zhûu se shûhulie, mu sûsûtuoi unupfunuo rei unupfu-
 4 nuo gei silie. Mia nupfunuo kechûmia puo-u monyû
 puo nupfu puomâ gei niepû chûte; mu sûsûtuoi mia
 nupfunuo kechûmia rei puo-u monyû puo kimia puomâ
 5 gei niepu chûte. Thenu thepfunia kediezhûdi zâpuoki
 umezhiemelâ tuoi kechûpuo la zâ kemisia ketherhieta
 hiechie. Satan bu nie medâphi keta keprei la *nie*
mezhiemelâ kechû sîu chûkewa sia *kehuchûrei* nie *kethê-*
lie kelhâ la lavâ keze thenu thepfu chûdi lhoutalie.
 6 Derei a diehauba kepu hukum zâmo, derei silie rei viwe
 7 ikechû kepu zâ. Sishierei themia kehupuo burei a mhie
 kechû anei. Siûderei themia kehupuo rei Jihova kinu
 ngukemezhie mhaphruo nguphrelieya, sîusû miapuo
 zhâpuo mu kekreibuo zhâkreipuo.
 8 Derei kiya kemokâ mu thenusamikâ lazâwe a die
 9 hambie: Sûkâwe a mhie balie râ vi zâtuoi. Derei
 ukâ ukethe lielhâ tuo lirâ, ukâ bu kiyalie chie: me-
 hyumezhie bakechûu ki kiya ketawe vikuo kechûla.
 10 Derei kiyaketakâ ki zâwe, a zâmonyû Niepuu puothuo
 puya kechû hambie: Puo kimia bu puo nupfu khawa
 11 hiechie; siûderei puothuo tatuoi lirâ puobu nyhûmodi
 baliechie, morâ puobu puo nupfu ze kedie zelaliechie.
 12 Sirâ puo nupfu burei puo kimia whuowa hiechie. Derei
 kekreibâ kiwe Niepuu *thiadzû* pu *phuoi* zâshûmo derei
 a *hakemhie* pushû zhie: Ukezemia puonie puo kimia
Khrista peleya mo, derei puo puo nupfu ze lhounyû
 13 bazâ lirâ, puobu sûpfû whuowa hiechie. Sirâ miapfû

- puonie puo nupfu *Khrista* peleya mo, derei puo thenu-
 sūpfū zelhou tuonyū rā, puobu puo nupfu khawa hie
 14 zāchie. Mhakekreilamonyū pelekemo puo nupfuu rei
 puo kimiapfū *la kemesa kemhie* puo chūlieta zā, mu
 pelekemo puo kimiapfū rei ukezeu la kemesa *kemhie*
 puo chūlieta, zā kechūla. Sikemowe n nia nuonuo
 mesamota tiechiū; derei tsiewe sūkā kemesa *kemhie*
 puo chūte.
- 15 Sishierei pelekemo thepfuu rei thenupfū rei puothuo
 tuotanyūrā puobu tuotalie. Mhahikechūkā nu usiazeu
 morei uūpfū kediepuo zā mo: derei Jihova ubu kezevidi
 16 lhou nu kechūla u kiekelio zā. Sirā, harie mia nupfū-
 nuo chūketa pfū, nā n nupfuu kelalie zātuou kechū kedi-
 puomhiedi silieta? morei harie mia nupfunuo chūketau,
 nā rei n kimia kelalie zā tuoū kechū kikidi silieta?
- 17 Themia kehupuorei Niepuua puothuo kezashū uketsū
 kemhie mu Jihova ukiekelio kemhie lhou zālie chie.
 Sirā aa kehōu petekā bu hakemhie chūlie nukechū
 18 pushūya ho. Themia kehupuorei uzhūrepfū tuodi kielie
 rā, sūmia bu zhūrekemomia chūla hie. Themia kehu-
 puorei uzhūrekemo nu kielie rā, sūmia bu uzhūre hie.
 19 Zāūkere rei mhapuo mo. mu zhūrekemo rei mhapuo mo;
 20 sirei Jihova diekā zekechūwe *puobāthā*. Themia kehu-
 puo burei puo kiekelieki puo kedipuo chūtuoya shiū sūu
 21 chūzā tuolie. Thiadzū n kiekelieki nā mia die chūtuō
 ma? Sūla n noumecha hie. Siūderei nā tuopralie
 22 vituo lirā, sikeliu lepetoulie. Mhakekreilamonyū the-
 miakehupuorei thiadzū miadie chūtuodi puo kiepie Nie-
 pu kitsatie shūkelieu, themia sūu Niepuua puo khashūwa
 ketamia zā: sūsūtuo themia kehupuorei miadie chūnio-
 23 tuodi puo kiekelieu, puo *Khrista* die chūta zā. Mhama-
 pie nie khrūliete; mu niekā themia die chūlata hiechie.
 24 Azenuokā, niekā kehupuorei kedipuo chūtuodi niekā
 kielie shiū Jihova mhādzū nunu sūu chūtuō zālie.
- 25 Sirā rūkā dzewe Niepuu kinu die nguliemo; derei
 Niepuu kinu ngukemezhie ngukelio la a dielekethālie rei
 26 vi; mu sūla a dieu pushūtuo. Sirā a medāa *niekā*
 tsiedā kemezhie sikebala mhakevipuo ba, sūsū themia
 kehupuorei sizā bakechūwe vizātuō.
- 27 Nā kiya bate ma? Kevata ketuo lehie. N kimia
 28 jū ma? •Kiya kechū lehie. Sirei nā nthuo thenulie

- zâshierei nâ kejâ chû mo; mu rûümia puonie nyhû
 zâshierei puorei kejâ chû zâ mo. Siüderei themia sike-
 chümia uchû-uphou kitsatie kemezhe kechû ngulietuo;
 29 mu niekâ bu süu therhiele lirâ anei zâtuo. Derei, aze-
 nuokâ, a diea haha : Puo tei chamote. Süla tsiewawinu
 30 unupfûnuo kenymia nyikemomia mhie batalie; mu
 kraya kezhamia bu krakemomia mhie batalie; mu
 uneiya kezhamia bu unei wâr kemomia mhie batalie;
 31 sirâ mhakhrü mhalieya kezhamia bu uviekejümia mhie
 batalie; mu kijû haunu *nyäirakâ* seya kezhamia bu sükâ
 sephreya kemomia mhie batalie; mhakekreilamonyü kijû
 32 haunu rülikâ jütatuoü zhû kechûla. Derei a niekâ bu
 mhapuorei le niekâ noukemezhe chûmodi nienou mene-
 mhia bakechû anei. Themia kehupuorei kiyata kemo-
 mia kedipuo mhierâ Niepuu neiu chülie vitieshi idi Nie-
 33 puu kitsatie rülikâ medâlieya : sirei kiya ketania kedi-
 puo mhierâ puo kimia nei chülie vitieshi idi kijû haunu
 34 rülikâ medâ baya : sidi lutsa hatsa letaya. Sirâ thenu-
 mia nyhükemomia mu rûümia rei puomâ kitsatie mu
 puo ruopfû kitsatie rei mesa tuolie ketuola Niepu
 kitsatie rülikâ medâlieya : derei kiyaketapfûwe kedipuo
 ehürâ puo nupfu neiu chülievi tieshi idi kijû haunu
 rülikâ medâtaya.
 35 Sirâ a diehakâ pukechû niekâ kemevi bakechûla kepu
 zâ; a niekâ tepie phazâlie nyümo, derei a niekâ bu lhou
 puotou chülie mu niebu nienou chatsita modi nie Nie-
 36 puu liechû terür zâlie kenÿü la. Siüderei huomianie
 puonuo rüüpfû nyhû sûtadi penÿüwa zhütadi kha se-
 keba puotou mo kechû le lirâ, puo bu puothuo puome-
 dâ chülie; sirei puo kejâ jû; puo nuopfû bu nyhülie.
 37 Derei themia kehupuorei puothuo puo nounu mha-
 puorei chümo reivi idi puonou puothâ chüdi puothuo
 puo medâ chülie vidi puothuo puo nounu puonuo rüü-
 pfû khase balie tuoü kechû medâta lirâ, sirei vizâ tuo.
 38 Süla themia kehupuorei puonuo rüüpfû penÿü rei vizâ :
 mu themia kehupuorei puonuo rüüpfû penÿü molie
 39 rei, süu vikuo kechû zâ. Mia nupfûnuo chüketamia
 puo nupfu rheikeba chie thezhâ se puo phapfû tuo
 tsâtuo; derei puo nupfu siata râ, puothuo puo medâmia
 ki nyita tuð rei puo kekha jû; derei süu rei Niepuu
 40 kepelemia zâ morâsuo. Derei a kele kemhie tuo lirâ,

puo nýhúmodi bazâ rá vikuo tuo. Mu arei Jihova Ruopfúu ngulieta úkechú letuota zâ.

TERHUOMIA RHISHUDI MHAPIE RÛSUOKEWAKÂ KECHÛ

DZE.

- 8 Sirâ mhapie terhuomia rhi rûsuokewakâ dze *pushú-tuo*. Mia putuoya kezha, "U kehupuorei siphre bata-zâ" kechú hie sibato. Mhakesi-a kâmethuolieya, derei
- 2 kekhriaa mha chûpevilieya. Themia kehupuorei puo thuo puo úse mhasita úya lirâ, puo sikezhúkâ silie
- 3 mozâ luo; derei themia kehupuorei Jihova khriea lirâ,
- 4 Jihova bu puo silieya. Sirâ terhuomia rhi rûsuokewa viekâ kechú dzewe, kijú haunu terhuo rhi-a mhapuorei mozâ, mu Jihova zâ kemisia terhuo kekrei jüzâú kechú.
- 5 we siba zâ. Sirâ terhuomia rei kekra mu niepukâ rei kekra úkechú tuoidi teigei zârei mu kijú zârei terhuo-
- 6 mia úkechú nyi zârei; ukâ lazâwe mhapetekâ puo geinu par mu we rei puo kitsatie zâ kechúu súusú u Puo Jihova zâú bazâ; tsíu sirâ mhapetekâ puo la lhoukelie-
- 7 u mu we rei puo la lhoukelien zâwe Jisu Khrista rûr-bei Niepu kechú zâ.
- 8 Sirei ukâ petekâ mhakesi súu nyi phre ba mo: mu huomia vâr tsieha ketsâ rei terhuomia rhi dze medâ mezhie vâr ketala mha khapie terhuomia rhi rûsuoke-
- 9 wakâ chû kechúki súu dze rûkra baya ze; súla súkâ mha-kevi kesuo sikemechie moluo kechúla u thesuotaya.
- 10 Derei u kechúcha lazâwe Jihova u kelbikreiwalíelhâ: we súkâ chûmo zârei suokreita lielhâ; morei we súkâ chû
- 11 shierei súpfú vikrei reilíelhâ. Derei niethuo nie medâ chúlie kevi súusú pie themia unoule meteikemokâ chûpe-
- 12 suo kewa, keprei leterlie chie. Sirâ ná n mhasi kenýiu haa nu terhuomia rhi kerûsuokinu hiebadi miapuonie n ngushú rá, themia súu puonoule metei mo rá, puo ter-
- 13 huomia rhi rûsuokewa viekâ chû tuoú kechú puonou thepfuta mo tuo ma? Sidi n mhasi súu la puonoule mêtei kemo-u bu suotayia; mu themia súusú Khrista thiadzú puosou chúdi siapie kezú n siazeu zâ. Mu sústutuidi niekâ niekâ siazekâ gei kejâ chúdi ukâ noule meteikemokâ thepesuoya lirâ, niekâ Khrista rei thepesuowayia. Súla kechúcha la a siazemia chûpesuowaya

lirâ, a asiazemia chûpesuomolie ketuola chûsia mha-
kipuorei themuo rei chûlielhâte.

PAUL PUO APOSTELKAM DZE KEPU.

- 9 Mhapuorei a kekha jûta moü ma ? a apostelmia moü
ma ? a Uniepu Jisu ngumoü ma ? Niepuu kitsatie
2 niekâha a mhathâ *la* zâ moü ma ? Miakekreïmia ki-
tsawe a apostel moürei niekâ kitsawe a apostel tazâ :
mhakekreïlamonyü niekâha Niepuu kitsatie a apostel-
3 kam mohor-u mese tazâ kechûla. A ketsâ terürya ke-
4 zhakâ ki pula ketuo a diea süsü zâ. Hiekâ rei mhachü
5 mhakrialie vi moü ma ? Hie rei apostel kekrekâ mu
Niepuu siazekâ mu Kefa nuokâ mhiei kepelemiäpfü
6 lieliedi ze rüvetuolie vi moü ma ? Morei a mu Barna-
ba hienia rürbei hienia *die se* mhackümolie kelhâmia
7 zâü ma ? Miapuonie chüpaihi chü chakhra puothuo
puova pfü satuoya ma ? Miapuonie khuobelie chiepie-
zhüdi puosi chümo taya ma ? Miapuonie peri vachü
8 tuodi puo nudzü kriamo taya ma ? A kepu die hakâ
themia die rürbei zâ ma ? thezhâu rei sükeinbie puya,
9 mo ma ? Mhakekreïla monyü Mosa zhâu nurei, "Nä
mithu ze lienyü kechüki mhapie mithutia pera hiechie"
idi thupie tuo zâ kechûla. Jihova mithu rüli medâya
10 kezha zâ mo ? mo puo ukâ la pu zâ ga ? U, ukâ la
pupie kezhü zâ : Mhakekreïlamonyü liechieya kezha-
miabu mhangukelie ledi chie zhü, mu lienyü kezhamia
11 rei mha puoya ngukelie ledi *nyü* zhü kechûla. Hie nie
zhazhü kele la ruopfü tsia chieshüdi niekâ kinu kijü
12 lhakâ rechü lirâ, süsü mhakezha puo zâ ma ? Mia-
kekreïmia nie kinu süu chalie reiviü lirâ, hiewe sizhü
kuo mo ma ? Süderei hiewe sizhü zârei situo mo :
sikechüumonyü Khrista dieliekeviu chakha, chükewa
keprei la hie mhakehupuo nurei keteivuo tuo zâ.
13 *Judamia* rüsuokinu chalie chüya kezhamia mhapie ruo-
suo kechü viekâ chüya kezha, mu ruosuo kechûba khie-
ki baya kezhamia rei ruosuo ba geinu uya ngulieya
14 kezha, niekâ siya mo ma ? Süsütuo dieliekevi pupie
mia pekiaya kezhamia rei dieliekevi *kam* süu la uva
15 nguchüzhü ükechü Niepuu pushü zâ. Derei azâwe
sürei liechü tuo zâ mo : mu miabu süsüpie 'a tsünudi a

- diehakâ thushühü-mo; miabu a hidi aneituo kechü
 16 biepejūkewa ki a siaketawe vikuo. A dieliekevi pie
 mia pethakechü lazâwe thetse puorei a gei bamo; mha-
 kekreilamonyü a süu chü moräsuo tuo tazâ kechüla; a
 dieliekevi pie mia petha mo lirâ a siazha ngulie zâ tuo.
 17 Mu a athuo a medâ chüdi mhakam hau chüya lirâ, a
 zha liechü rei vi; derei athuo a medâ la molirâ mhakam
 18 hau khapie a pelekewala zâ. Silirâ a zha kedipuo ngu-
 lie ta? A dieliekevi pupie mia kia ketuoki dieliekevi-
 kam süula *ava* liechü rei virei liechü modi dieliekevi
 19 pupie mia kia kechüu zâ. A miapuo khrükhâ
 rei tuomo zârei mia ngukralie kevichie ngu kralie
 ketuola a themia petekâ khrükhâ tuote. Sidi a
 20 Judamia ngulie ketuola Judamia kitsatie rei Juda-
 mia mhiete; mu thezhâ khrükhâ ketuokâ rei ngu-
 lieketuola a thezhâ khrükhâ ketuokâ kitsatie rei, a
 thezhâ khrükhâ tuo mozâu rei, thezhâ khrükhâ ketuo-
 21 mia mhiete. A thezhâu kejükâ ngulieketuola thezhâu
 kejükâ mhieliete; siüderei Jihova kitsatie a thezhâ
 kejümia monyü Khrista khrükhânu puo zhâu zeya zâ.
 22 Unoule kethachükâ ngulie ketuola a unoule ketha-
 chükâ mhiete; Kehuchürei a huomia kelalie ketuola
 themia petekâ zhazhü ledi azhâ arüli chüpie dâ neitü
 23 chüte. Sirâ dieliekevi tsatie aya ngulie ketuola dielie-
 24 kevi süu la a mha *sükâ* pete chüya. Takewhuo kechü-
 nu pete keze tatuo rei miapuo rürbei puozha ngulieya
 kezha zâ kechü niekâ simo ma? Niekâ *nieszha* süu
 25 ngulie ketuola sümhis tazâ vâlie. Sirâ themia kehu-
 puorei mia ze rüzhükevikia chü ketuomia mhapetekânu
 ukethekere sebaya; derei miawe kuokelietsüre suotalie
 kevi pfü ngulieketuola *süu chüya*, sirei uwe kuokelie-
 26 tsüre suotalie kelhâ pfü *pfüyazâ*. Sirâ awe sitoumodi
 27 tatuo mo; a kemethuo ze kevütuo mo. A amâ bu
 amedâ nu tuolie ketuola amâ vütuo kechu *mhietuoya*
 zâ; mhakekreilamonyü a mia petha tuodi *Jihova bu*
 kenuotsa a khakewa keprei la.

TARHÄKESHÜDIE.

- 10 Sirâ azenuokâ, thiadzü upfutsanyokâ pete kimhou
 bu uyapfüdi ukâ pete dzükezhanu *chie* vâ kechü aniekâ

- 2 bu simo tuonyü mo. Sizâmonyü ukâ petekâ. Mosa
 kitsatie kimhou mu dzükezhä nia nunu baptaiz
 3 chüphreliete. Sükâ pete ruopfü cha-puo chüphre.
 4 Mu ukâ pete ruopfü dzü puo kria phre; mhakekreila-
 monyü ukâ ze ketuo ruopfü tsie puo geinu kepar dzü
 5 kria phre kechüla: sirâ utsie süu Khrista zâ. Siüderei
 Jihova themia sükâ kekra gei puo néimota: süla nha
 6 nunu sükâ bu siata. Sirâ sükâ mhamehou meru kechü
 tuoi ubu mhakesuokâ mehoümengu mölie ketuola sü-
 7 kâpie umhâdzü thakia chükeshü zâ. Morei sükâ hu-
 mia mhie terhuorhi rüsuo kezhamia chürei tahie: sükâ
 dze thupie zhü kechü hamhie: "Mia kebadi mhachü
 8 mhakria kelie sia siedi nashüta." Morei sükâ huomia
 pieü chüdi khunhiava chü themia nyie mepfüa-se sia-
 keta mhie, ukâwe sükemhie pieü chü molie khe.
 9 Morei sükâ huomia Niepuu medâphi, siedi tinyhü
 krâpuo bu sükâ medukhri kewatuoi ukâwe sütuoi
 10 Niepuu medâphi molie khe. Morei sükâ huomia mha-
 kenya siedi mia biekhriya kezha bu sükâ biekhri kewa-
 11 tuoi niekâwe sütuoi mha kenya hiechie. Mu themia
 sükâ gei mhasükâ chüketa ubu ukireilie ketuola thakia
 puo rei sa; sizâmonyü puotei thelathâunu kelhou ukâ
 12 tarhâshü ketuola diesükâ thupie tuote. Süla themia
 kehupuorei thalie ükechü medâ kezha bu tetsuta re-
 13 silielhâmu menuoliechie. Niekâ bu hielie kelhâkâ
 sevâr niekâ kedâ mozâluo: sirâ Jihova miabu puo
 pelelie keviu zâ, mu puo niekâ hielie kevikâ kezie bu
 niekâ kedâ lielhâ: sikechüu monyü kedâkechü kevârki
 puo niekâ bu hielie ketuola kekuo rei khashü niekâ tsü
 tuo.
- 14 Süla akhriekâ, niekâ ta terhuorhi kerüsuo therhielie
 15 chie. A niekâü mhakesimä üdi niekâ rüchüya; niekâ
 16 thuo adie lechie. We piedi Jihova tseshüya kezha
 thejahieu, süsü Khrista zia se uvierhe kekü zasipuo
 zâ mo ma? We bietsieya kezha niekhrüda, süsürei
 Khrista mâu se uvierhe kechü zasipuo zâ mo ma?
 17 Süsütuo we kekraü rei keze niekhrüdapuo, mâpuo, zâ:
 mhakekreilamonyü we keze niekhrüdapuo rürbei chüya
 kezha la.
- 18 Uchü-uphoy dzetsatie Israelmia rüli leshüphi: ruosuo
 chükeshükâ chüyakezhakâ ruosuobau ze kerhe mo ma?

- 19 A süu geinu kedipuo punyü бага? Mhapie terhuo-
rhikâ rüsuokeshü, süu üse mhapuoü morei terhuorhi üse
- 20 mhapuoü kechü punyü bama? *Mozâ*. Derei a punyü
kebazâwe; Judakemokâ mhapie ukâ ruosuo chükechü
ukâ terhuokesuokâ rüsuoya kezha uthâü, Jihovawe
rüsuo mozâ; sirâ a niekâ bu terhuokesuokâ ze kerhe-
kechü a medâ mozâ ikechü kepuzâ. Niekâ Niepuu
- 21 hieu pu terhuokesuokâ hieu unia kria kesalie kenjü;
niekâ Niepuu mizhü gei mu terhuokesuokâ mizhü gei
- 22 sünia keninia geinu mha chülie kenjü zâ. Mo ukâ
Niepuu neikemo chüpie puobu puo râta nyüya manu?
ukâ puo ki kuo ma?
- 23 “Mhakehupuo chütuo rei u kekha jü”; derei mha-
petekâ nu ukemevi ba phre mo. “Mhakehupuo chütuo
rei u kekha jü”; derei mha petekâ u chüpevi phre
- 24 shüya mo. Themia kehupuo burei puothuo zâmonyü
- 25 puo sizazanuohia *zhazhü kevi* pfülie chie. Themuo
kezechünu mhakehupuo zeya shierei kenyü mo kenyü-
moshi kechü ketsâ mozâdi khrüchü chie; mhakekreila-
- 26 monyü kijü hau mu hanu keba petekâ Niepuu vie zâ
kechüla. Jihova peleyakemomia puonie niekâ bu vâ
- 27 hienudi nie kie di nie vânyü râ, nie nounu puotou mo
puotoumo shi kechü ketsâ mozâdi mha khapie nie
- 28 ketsükâ chüchie. Derei huomianie nie ki, “Hauha
terhuorhi rüsuokewa viezâ” isirâ, pupie nie kia keshüu
zhazhü kele la mu puo noule la niekâ mhasüu chübie
- 29 chie; a pukechüwe, n nouleu monyü kekriu noule kepu
zâ. Kedipuo chüdi miakekreimia noulepua la a kekha jü
- 30 ketaha lepejâ batuo ga? A mhapuo la *Jihova* tsedi
chüba lirâ, kedipuo chüdi miabu süu la a tha tuo ga?
- 31 Süla niekâ mhachü mhakria morei mhakehupuo chüzâ
shierei Jihova zau chülie ketuola sükâ chü phre zâlie
chie.
- 32 Niekâa Judamia rei Judakemomia rei morei Jihova
kehoukâ bu rei niekâ gei nu uphi kemesü chübie.
- 33 Süsütuoï arei athuo apra ashü pfümodi themia kekra bu
kelakelie ngulie ketuola ukâpra ukâshü pfüdi mhakehu-
puonurei themia kehupuo nei rei chünyüya.

11 A Khrista dârialieya kezhatuoi niekâ rei a mhieilie-
chie.

KEHOU ZHÄ DZE.

- 2 Sirä niekâ mhakehuponurei arei rûkradi a mhatha nie
 3 kia keshükâ chützetuoya kezhalâ a niekâ tseba. Siüde-
 rei Khrista thepfukâ tsüu zâ, mu thepfumia rei thenumia
 4 tsüu zâ, sirâ Jihovaa Khrista tsüu zâ kechü a niekâ
 5 bu silienyü. Thepfumia kehupuorei puotsü dze pfüdi
 6 cha morei pethaya lirâ puothuo puotsü süu rhu bamo
 7 tazâ. Derei thenumia kehupuorei puotsü hiepfüdi oha
 8 morei pethaya lirâ puothuo puotsü süu rhu bamo tazâ;
 9 puo miabu utsü thiakewamia mhie tazâ. Sirâ thenumia
 10 utsü dzemo lirâ puobu puotsü duwa reivi; derei
 11 thenumia puotsü du morei thiakewa mhathengapuo
 12 zâkechüla puobu puotsü dze pfülie. Tsiu thepfumiawe
 13 puotsü dze pfü zhümo zâ; mhakekreilamonyü puo
 14 Jihova rhu mu puo la Jihova bu therhu pfülie
 15 ketuo-u zâ kechüla: derei thenupfüwe thepfuu bu
 16 puo la therhu pfülie ketuopfü zâ. Sietsenu thepfuu
 17 thenupfü geinu lhoulie monyü, thenupfü thepfüu geinu
 18 lhoulie zâ. Sürürbeizâmonyü thenupfü la thepfuu
 19 chüshü monyü thepfuu la thenupfü chüshü zâ. Süsüla
 thenumia teigeidieliemia rei umehâkeba la mia khükhrâ
 keba zasipuo se zhü. Siüderei Niepuu kitsatiawe the-
 nupfü rei puo nupfu ki krei mo, mu thepfuu rei puo
 kimia ki krei mo. Süsütuo thepfuu la thenupfü lhouke-
 lie tuo thenumia geinu rei thepfumia lhoulieya: derei
 sükâ pete Jihova kinu phre. Niekâ niethuo lephichie;
 thenumia utsüdzemodi Jihova ki chakechü puotou ma?
 Thepfumia utsü pesepie kechai tuo râ mia urhuyamo
 kechü themia zhâ nunu zârei niekâ silieyamo zâma?
 Derei thenumia utsü pese pecha pfütuo lirâ, u vapevi;
 mhakekreilamonyü puotsütha khapie puo tsükeshü
 puobu pie puotsü dze pfütuo nu kechüla zâ. Sirei
 huomianie puotü sielie rei, hieri mu Jihova kehokâ
 zârei thezhâ süu sia bamo.
- Derei a niekâ dze putuoü kezhu haunuha mhapuola a
 niekâ tselielhâ: süsü niekâ vilieketuola monyü suo-
 kuota ketuola vâ kengulieya kezha zâ. Sirâ diekeriana
 hauha a sikechü niekâ kehokelieki kepfükrei tataya
 ümhie; mu amhâdzükizâwe kethâzâ thenyüsia.
 Mhakekreilamonyü niekâ dânu kevitsatiekâ sikreilie

- ketuola niekâ dânu kediekreikechû rei sier petuo zâtuo
 20 kechûla. Silirâ niekâ vâ kehou kengudi siketa ki Niepuu kerûkracha chû *puotou* chûliesuo tâtuo.
 21 Mhakekreilamonyû niekâ sûu kechûki huoniehûo pfe modi uthuo uvavû chû chûlietaya kechûla; sirâ huomia
 22 uvamerûr ba, mu huomia meze betaya. Ka sirâ, niekâ mhachû mhakria tuotû kechû nieka ki jûzâdi siyama? sirâ niekâ Jihova kehouû mhaûmo mu kejkîkâ burei menga ituoya ma? A bu niekâ ki kedipuo puta? A bu niekâ tsenu ma? Haunuha a niekâ tselielhâ.
- 23 Sirâ a Niepuu kinu ngukelie dieu a thiadzû thapie niekâ kia rei shûzâ. Mu sûusû Niepu Jisu teshûkewa
 24 zhû puo niekhrûda chûpielie; sidi puo *Jihova* tsheshûdi *niekhrûda* sûu bietsieliedi sie, Hauha niekâ lanu *khakeshû* amâ zâ: niekâ a rûkra tuolie ketuola hau chûchûchie;
 25 sishû. Sirâ mhachûkelie sja puo sûsûtuoi tehieu rei chûpieliedi sie, Tehie hauha rei aziau la kedietsei kediekhâkelie thezhâ kesau zâwe; niekâ hauha kekria metsei a rûkralie ketuola *kriakria* chie; sishû.
- 26 Mhakekreilamonyû niekâ niekhrûda hau kechû metsei mu tehie hau kekria metsei Niepuu lavâr kemochie
 27 Niepuu kesia dze thapie mia kia bazâ kechûla. Sûla themia kehupuorei puotou chûmodi niekhrûda sûu chû morei Niepuu hieu kria lirâ Niepuu mâ mu puo zia kitsatie jâtatuo. Derei themia kehupuorei puothuo puorûli lemenuodi niekhrûda sûu chû mu tehie sûu kriachie.
 28 Sirâ themia kehupuorei *Niepuu* mâu dze le menuo mozâdi chû mu kria râ, themia sûu puothuo puo kejkâ chû
 30 mu krialie taya. Hauha la niekâ dânu themia kekra mechamo mu mhachûba, mu themia kekra siata zhû zâ.
 31 Derei we uthuo u nounu sûu lemenuo lirâ Jihova u pejkâlielhâ weû. Sirci ubunu kijûnumia ze siazha chûmolie ketuola puo u pejkârei Niepuu kinu kechû se upethaya
 32 kezha zâ. Sûla azenuokâ, niekâ sûu chûketuola vâ kehou kengukelieki huoniehûo pfebalie chie. Nie vâ kehou kengu kechû bu jâta molie ketuola themia kehupuorei merûrba lirâ, puobu puothuo puo ki nunu mhachûlieliechie. Sirâ die kekreakâ zâwe athuo kevârkinu puke-mechie shûtuo.

RUOPFÜ MHAPHRUO NEIÜKÄ DZE.

- 12 Sirä azenuokâ, a niekâ bu ruopfü mhaphruokâ dze
 2 simo banyümo. Niekâ thiadzü Khristan chükemoki
mhapuorei lechie mozâdi mhapuo bu nie hüse terhuorhi
 diepuliekelhâkâ kitsatie tuoza kechü niekâ thuo rei
 3 sibatuo. Süla themia kehupuorei Jihova Ruopfü nunu
 mhapuya kezhamia Jisu rüseya moza kechü, mu süsü-
 tuoi Kemesa Ruopfüu nuni zâkemosia miapuorei, Jisua
 Niepu zâ, ikechü puyamozâ kechü, a pushü niekâ
 kiashü zhie.
- 4 Sirä mhaphruowe kekrekrei kechü nyi, derei Ru-
 5 pfüuwe puo zâ. Tsiu liethâ rei kekrekrei kechü nyi,
 6 derei Niepuuwe puo zâ. Mu mhathâ rei dâneiü nyi,
 derei sükâ nu mhapetekâ chüya kezhauswe Jihova zâ.
 7 Derei themia kehupuo burei sedi mevirelie ketuola
 8 Kemesa Ruopfü kekua kha tsü reshü wate. Sidi Ru-
 pfü süu geinu thedäkevi se huomia tsü, mu Ruopfü süu
 9 geinu mhakesidie rei se huomia tsü : sirä Ruopfü süu
 geinu kepele se huomia tsü, mu Ruopfü süu geinu mia
 10 chükeshürhâ kelie *kekua* se huomia tsü. Tsiu ungâ
 mhathâ chükeliie *kekua* se huomia tsü ; mu siadzekesi-
 die pukeliie üse huomia tsü ; mu ruopfükâ rei sikekrei-
 kelie *kekua* kha huomia tsü ; sirä pfe neiü puliekevi kha
 huomia tsü, mu pfe neiü sükâ cha pushülie kevi kha
 11 huomia tsüwate. Derei Ruopfü puo zâkechü süuthuo
 puo medâ chüzâdi keza kekrei phrepie mia tsü reshüdi
 sükâ petekâ nu mhachü tuoya zâ.
- 12 Sirä umâ puozâ, derei puozathâ kekrekrei kechü
 kekra tuo, mu umâ gei puozathâ kekrekrei kechü
 kekra ba rei petekesa mâpuo zâ kechü tuoi, Khrista dze
 13 rei süsühie zâ. Sidi ukâ Judamia rei Judakemomia
 rei, miadiechümia rei miadiechümoketamia rei keze
 mâpuo chüketuola Ruopfü puo nunu baptiz chüphre-
 liete ; mu ukâ petekâ bu keze Ruopfü puo nunu kria phre-
 14 liete. Sürürbei zâmonyü umâ zapuo zâmonyü kekra se
 15 chü. Uphi-a sie, “ A miadzie kemo la miamâ gei za-
 puo rei mozâ,” isirei miamâ gei zathâpuo chümo lielhâ.
 16 Süsütuo unyiea sie, “ A miamhi kemo la miamâ gei
 zapuo rei mozâ,” ishierei puo miamâ gei zathâpuo
 17 chümo lielhâ. Umâ pete bu umhi chüphreta râ kedipuo

- se mhapfe rünyüta? *Umâ* pete bu mhapfe kerünyü
 18 chütarâ, kedipuo se mhare sita? Derei sitamodi
 Jihova puothuo puomedâ chüdi umâ gei puozathâ
 19 kekrei kechü *kekâ* khapie umâ gei shüwate. Derei
 sükâ petekâ bu zathâ puo rürbei ta lirâ, kedipuo se
 20 umâ chülieta? Sirâ puo zathâ kekrei kechü kekrapie
 21 mâpuo chüte. Sirâ umhi-a udzie ki, "A n ze mha-
 puorei kechü jü," morei utsüa uphinia ki, "A n nia se
 22 mhapuorei kechü jü," isi kelie jü. Sikechüu monyü
 umâ gei puozathâ kekrei kechü mhathâmo thenyüsia
 23 kechükâ zârei semorâsuo tuo taya. Sirâ we umâ gei
 puoza kekrei kechü lepechü kezhakâ. we sükâ thuorei
 rhudi *whe* kezivi setuoya; sidi ugei puozathâ kethevia-
 24 kâ bu zivikuotuoya; derei ugei zathâ kezivikâzâwe
 25 *puokewhe* se moreivi. Sirei ugei therhu jüzâ kechü
 zathâkâ bu therhupfü kuolie kesuola umâ chükerepie
 sishü; mhakekreilamonyü sükâ bu umâ gei uthuo
 ukhâkrei monyü puozathâ kekrei kechü sükâ bu huo-
 26 niehuo rüli rükra kenounyülie ketuola zâ. Sirâ puoa
 kemezhielie râ kekrekâ rei pete süu ze kemezhielie vâya;
 27 mu puoa therhupfü lirâ kekrekâ pete puo ze unei phre
 vâya. Sirâ niekâ Khrista mâu zâ, mu niekâ miapuopuo
 28 ha süu gei za puopuo zâ. Tsiu Jihova huomia bu ke-
 hou nu apostel chüria, süsiasâu *huomia bu* siadzekesikâ,
 useu *huomia bu* kepethakâ chü; süsia ungâ mhathâ
 kechü, sirâ mia chükeshürhâ kelie, mia khruohi kelie,
 29 mia kese kelie, pfe neiü pukelie kekua rei khashü. Sükâ
 pete apostel phre ma? pete siadzekesi phre ma? pete
 30 kepetha phre ma? pete ungâ mhathâ *chükezhania*
 phre ma? Sükâ pete mia chükeshürhâ kelie kekua
 nyi phre ma? pete pfe neiü se diepu phre ma? pete
 31 pfe neiükâ cha pu phre ma. Sirei mhaphruo kevithâkâ
 mengu terürlicie chie. Mu süürürbei zâmonyü a thedâ
 kevithâpuo thashü niekâ kia tuo.

KHRISTANMIA MIA KEKHRIE DZE.

- 13 Aa themia pfe morei teigei dieliemia pfe se diepuliü
 zâ shierei, kekhrise anou bamo râ, a mesekekrei keche
 pfe morei thezhü khou pie kejâ kechü pfe mhie tatuo.
 2 Tsiu a siadzekesidie *kepu mhaphruo* nguliedi diekesou

- 2 **kekâ** mu mhasi pete silie rei, morei kifûthou burei tuo
 rûditalie kevi kepele sikechû baphre rei, kekhrie anou
 3 bamorâ, a mhapuorei mote. Sizâmonyü a avie petepie
 kefûmia vachûwa zâshierei mu amâ rei khapie mia tsüdi
 mia bu a thekhriwa zâshierei, kekhrie anou bamo râ,
 4 sûula a kepra puorei jû. Kekhriea shûgeshûhie pechalie-
 ya, *mu* mia ngurei mezhieya; kekhriea mia ngu pie puo
 râyâ mo; kekhriea kâmethuo tuoya mo, *mu* puo thuo
 5 puo lepezha reiya mo; *mia mhâdzûnu* ketheviakâ rei chû-
 yamo; puo thuo puo zhazhû rei pfüyâ mo, pfû khu-
 bourei taya mo, mia puo gei kesuopuo chûshû rei se
 6 puo noushû setuoya mo. Sirâ kethâkemo tsatie puonei
 7 monyü kethâtsatie puo neituoya; mhapetenu adielâ
 chûtuoya, *mia die* pete lepeviya, petekâ vilietuo nhia
 8 ikechû leya, mhapetekâ nu hielieya. Kekhriea mhaki-
 puorei jütalielhâ: derei siadzekesidie kûpu ba zâshierei
 sükâwe jütatuo; pfeneiü kûpu ba zâshierei sükâ rei
 pumotatuo; mhakesidie ba zâshierei sûu bamota zâtuo.
 9 Mhakekreilamonyü we *pete modi* zayâpuo rürbei siya
 kezha zâ mu siadzekesidie rei zayâpuo rürbei puya
 10 kezha zâ kechûla. Derei *mhakehu-puonurei* vilâ-
 11 tsâkechû vâr râ, zasüyâsü bu puorürbei bamotatuo. A
 anhichuki nhichumia nhieidi diepu, nhichumia mhie-
 idi mba le. nhichumia nhieidi mba medâ: *derei* a
 12 phichüketa sia nhichu zhâ sükâ khaphrewate. Mhake-
 kreilamonyü we tsiewe mhakemevapuo geinu ukhrû
 ngumerürdi nguya, derei khunhiawe mhâtsou nguzâtuo
 kechûla: a tsiewe *pete modi* zayâpuo rürbei silieya
 kezha zâ, derei khunhiawe *Jihova* a si lâtsâkolie tuoi
 13 arei sûtuoï mha sitseilie tuo. Tsin sirâ kepele, siadze
 mu kekhrie, hakâ sekâ batuo; derei sükâ dânu ke-
 khriea kezhatâ.

RUOPFÜ MHAPHRUOKÄ DZE.

- 14 Kekhrie whuoza vâliechie, nîekâ. Derei *Jihova* die
 pupie mia kia kechû lepekuodi Ruopfû mhaphruokâ
 2 rei pfû terür tuolie chie. Mhakekreilamonyü upfekreidi
 mhapu kezhamia themia ki monyü *Jihova* ki puya kezha
 zâ kechûla: mu miapuorei bu puppe silie monyü ruopfû
 3 nunu puothuo die kesoukâ pu baya kezha zâ. Derei

- Jihova die pupie mia kiaya kezhamia mia chüpevi mu
 mia tarhâ mu mia nou chüpeluoshü ketuola themia ki
 4 puya. Puo pfekreidi mhapuya kezhamia puothuo puo
 chüpevilieya kezha zâ; sirei Jihova die pupie mia kiaya
 5 kezhamia kehou chüpevi shüya. Sirâ a niekâ petekâ
 bu pfeneiükâ nu mhapu kechürei a nei, derei niekâ
 bu Jihova die pupie mia kia kechüwe a neikuo: sirei
 pfe nōü se mhapuya kezhamia kehou chüpevishü ketuol
 puocha rei pūshü mia kia kemosia süu ki Jihova die
 6 pupie mia kiaya kezhamiawe zhakuo. Tsiu sirâ azenuo-
 kâ, a mhanuü niekâ ki vârdi pesikeshüdie morei mhake-
 sidie morei siadzekesidie morei kepethadie se niekâ
 ki pumodi pfekekrei nunu mhapupie niekâ kia râ, a la
 7 niekâ kedipuo kepura ngulie tuo ga? Puo pfe chülieya
 kezha mha puo kerheirâ kefü luou zârei kithar zâshierei.
 sünia unia pfe chükekrei shü morâ, kiu luou pfe mu
 8 kiu kithar pfe shi kechü kikidi silieta? Sūsütuoï ketsü
 pfe khou kemechieshü mo lirâ, supuonie terhrükegei
 9 ketuola ukeshie tuoga? Niekâ rei sükenhie, miabu
 silie kerüü dieu se pushü morâ nie pukeshü diekâ mia
 kikidi silieta? mhakekreilamonyü niekâ die pupie
 10 teikria kethehe kechüdie zâ tatuo kechüla. Kijü hanu
 die kekrei kechü kraphi bazâ pekruo, mu sükâ puorei
 11 puocha kefü jü. Sirâ a miapfe miadie cha süu simo
 lirâ diepu kethau mhâdzünu rüsâmia chütatuo, mu
 12 diepu kethau rei amhâdzünu rüsâmia chütatuo. Sūsü-
 tuoï niekâ rei Ruopfü dzekâ pfü beiya ürâ, kehou
 13 chüpeviphi shülie ketuo pfü zalie chie. Sûla themia
 kehupuorei diekekrei puyakezhamia bu puocha rei
 14 pusalie ketuola chaliechie. Mhakekreilamonyü a die-
 kekrei kechü se a mezhiemelâ râ, a ruopfü thuo puo
 mezhiemelâya, derei anoutsatiwe mhapuorei silieya mo.
 15 Sirâ kituoga? A aruopfü ze a mezhiemelâtuo mu a
 anoumhasiu rei ze a mezhiemelâtuo; a aruopfü ze
 ketse tsali chütuo mu a anoumhasiu rei ze ketsetsali
 16 chütuo. Modi nâ n ruopfü rürbei bu jashürâ, miaümia
 n die siliemodi nâ Jihova tsekechükâ nu kikidi "amen"
 17 pulie tuo ga? Nâzâwe Jihova tse peviphishü kethâyâ,
 18 derei miaümiawe chüpevishülie mote. A niekâ petekâ
 ki rei diekekrei se mhapukuo kechüla a Jihova tseba.
 19 Siüderei kehokinu zâwe die kekreikechü nunu die

nyie ker kepu kirei, mia kekreamia rei pethashülie ke tuola, a mhasi mhale se die pengou rürbei kepu aneikuo.

- 20 Azenukä, mhakeletsatiewe niekä nhichumia chütahie :
 21 sirei mhakesuo tsatiewe nuoranuomia chülie, mu mhake-
 21 letsatiewe phichümia chülie. Niepuä, "A mia udie krei
 kechümia bu mu rüsämia tia nunu themia hakä rüchü
 22 tuo, mu siüderi ukä adie rjnyülielhä," isikechü thezhäu
 22 nu thupie zhü. Süla diekekrei kechü pukechüwe kepe-
 23 lekä la monyü pelekemokä la zasipuo zä: derei siadzeke-
 23 sidie kepuwe pelekemokä la monyü kepelekä la zä. Sirä
 inbanüü kehau pete vä kengudi upfe kekreikechü se
 mhapu phreta ümhadi miasamia morei pelekemomia
 huonie lerür rä. sükä niekä üse nyata üsie motuo ma ?
 24 Derei petekä Jihova die pupie mia kia phre batadi pele-
 kemomia morei miasamia puo lerüç lirä, die kepu sükä
 petekä la puo puothuo puo kejä silieya, mu sükä
 25 petekä la puo rüli lemenuolieya : puo nou kertühükä
 mia bu si parlieya, mu sidi niekä dänu Jihova bazä
 ükechü pudü puo zeretsu Jihova rüsuo tatuo.
- 26 Sirä akezenukä, kiu rä puoton thätuo ga ? Niekä vâr
 kengukelieki niekä kehupuorei huomia tsali chü, hão-
 mia mia petha, huomia pesikeshü diepu, huomia dieke-
 krei kechu se mhapu, mu huomia die sükä cha puya
 tuo. Mhakehupuo chüzä shierei mia chüpevi ketuola
 27 chüliechie. Kehouu huomiane diekekrei kechünu
 mha putuo lirä, mia kenia morei se zie bu puhie, mu
 sükä bu rei ketherürdi pulie: sirä miapuo bu puocha
 28 pukemechie shülie. Derei puocha pukeshü themia jü
 lirä diekekrei kechü kepuu bu kehounu kemekrie bata-
 lie; mu süu bu puothuo puokitsatie mu Jihova kitsatie
 29 meümodi mhapu batalie. Tsiu siadzekesikâzâwe mia-
 kenia kese bu mhapulie, mu kekreakä bu puocha lelie.
- 30 Derei mia khieki kebamia puonie pesikeshü diepuo
 31 silierä khinyhü pushükerau bu kemekrie batalie. Mha
 kekreamonyü niekä sidi petekä burej silie mu petekä
 burei unou luolie ketuola niekä petekä miapuopuo idi
 32 sidzekesidie pulie vizä kechüla. Sirä siadzedesikâ ruo-
 33 pfükä siadzekesikâ diezeya. Mhakekreilamonyü Jihova
 mhakebou kechüu monyü menepuoi kechüu zä kechüla ;
 34 kemesa kehau petekä nurei situoya zä. Thenukä bu

- mechûkehoukâ nu kemekrie balielie chie : mhakekreila-
 monyû sükâ bu diepu modi thezhâu nu puya kezha
 35 tuoî ukâ bu'mia dieze balie nuya kezhalâ. Mu ukâ mha-
 kehupuorei silienyû lirâ, ukâ bu ukinunu uthuo unupfu-
 nuo ki ketsâlielie chie : mhakekreilamonyû mechûke-
 36 hounu thenymia diepukechû mhakemenga puo zâ
 kechûla. Kia ? Jihova die niekâ kinu puobâ chû pra-
 ma ? : Mo niekâ ki rûrbei kevâr zâ ga ?
 37 Niekâ dânu kehupuorei uthuo uû siadzekesi morei
 ruopfû themia mia üya râ, süu bu a die thupie niekâ
 ki shûzhû kechûkâ ledi sükâ Niepuu hukum zâûkechû
 38 siliechie. Derei sikemvümia bu simo bachie.
 39 Süla azenuokâ, niekâ siadzekesi kepethadie punyû
 boilie chie, mu pfe neit se mhakepu mia rei kha hiechie.
 40 Derei mhakehupuo chûrei kemezhû chûdi chûlie mu
 kesiasâ touyoudi chûlie.

KESIAMIA RHEILAKESIE DZE.

- 15 Sirâ azenuokâ, a thiadzû dieliekevi pushû niekâ kia,
 mu niekâ rei süu zelie, mu niekâ tsierei sünu thazâ kechûu
 *2 thalashû niekâ kia tuoî zhû. Niekâ kemethuonu pele-
 tazâ kemosia niekâ a thiadzû pupie niekâ kia keshû
 dieu thezetsa sebalie lirâ, *dieliekevi* süu la niekâ kela
 3 reiliete. Mhakekreilamonyû arei thiadzû ngukelie *kepe-*
thadie kezha. süu a thiadzû khapie niekâ tsüwa ketala.
 Süusü thiadzû kethâleshûa *pedzû* pupie kezhûtuoi
 4 Khrista ukephumakâ la sia ; sidi mia bu puo khruwata ;
 sirâ kethâleshû *pedzû* pupie kezhûtuoi zha senhia puobu
 5 lasieta. Sidi puo vâ Kefa pengushû ; süsia kerekeniakâ
 6 rei. Süsia puo vâ vapuo chûdi ukezekâ mia kria pengou
 kezie rei pengushû, sükâ kekratsa tsierei bazâ, derei huo-
 7 miawe siate. Süsia puo vâ Jakob rei pengushû ; süsianu
 8 apostelkâ pete rei. Sirâ puo vâ a nuopemodi penuokelie
 9 kemhieu rei pengou kenuothâ chûshû. Sirâ a thiadzû Ji-
 10 hova kehou pese zâ'kechûla a apostelkâ dânu kechûthâu
 zâ mu, a apostel ükechû rei kie sü mo. Siüderei Jihova
 a ngukemezhie la tsie chûtuo ketau chûlieta zâ : tsüu puo
 angumezhie keshû süu thedâ chûta mote. Sikeohümo-
 nyû a ukâ petekâ kirei mhachû kehiyekgo : sirei azâ monyû
 Jihova kinu kepar ngukemezhie aze ketuo-u thuo zâ.

- 11 Sirâ a shierei ukâ shierei hiekâ sükemhie pupie mia
pethatuo zâ, mu niekâ rei thiadzû sÿsÿ pelelieta zâ.
- 12 Di sirâ *apostelkâ* Khrista ùse kesiakâ dânunu lasielieta
ûkechÿ pupie mia pethaya zâ lirâ, niekâ dânu huomia
kedipuo chÿdi kesiamia rheilakesie jÿ ûkechÿ putuoya
13 ga? Sizâmonyÿ kesiamia rheilakesie jÿzâ kechÿ sia
14 Khrista rei rheilasie keliejÿ: sirâ Khrista rheilalie
mozâ ùlirâ, hie mia petha tuo kechÿ rei, kemethuo
15 zâ, mu niekâ kepele rei kemethuo zâ. Sÿrÿrbei zâ-
monyÿ miabu hie ùse Jihova zhapu chÿkezha ketijÿ-
mia ùtatiea: kekreilamoÿ kesiamia rheilakesie jÿzâ
kethâ lirâ, Jihova Khrista perheilie mo zârei, hie puo
ùse Khristau perheilietâ zâ ûkechÿ zhapu chÿtuo ke-
16 chÿla. Tsiu kesiamia rheilakesie jÿ ùlirâ, Khrista rei
17 rheilasielie mota zâtuo: mu Khrista rhelasielie mota
zâ ùlirâ, nie kepele rei kemethuo ta zâ; sirâ nie kephuma
18 *zhakhra* tsierei nie gei bâzâ'luo. Sÿlirâ Khrista pele-
19 tuodi siaketakâ rei kate. We mhakevi ngulie tuoÿdi
Khrista merÿr bakechÿ tsiedâ ukelhou ki rÿrbei la
zâ lirâ, we themia petekâ kirei umezhie kechÿthâmia
tazâ.
- 20 Simonyÿ Khristaa siaketakâ dânu puosi keriau chÿdi
21 kesiakâ dânunu rheilaliete. Sirâ themia lanu kesia rei
vârketa tuoi, themia lanu kesiamia rheilakesie rei vârtâ
22 zâ. Mlakekreilamonyÿ Adam lanu themia petekâ sia-
taya kezha tuoi, sÿsÿtuoi Khrista lanu themia petekâ
23 chÿperheila reilie tuo. Derei kesiasâ phre vâzâtuo:
Khrista puosi keriau, sÿsia puo vâr ketuoki Khrista
24 themia chÿketuokâ tuo. Sirâ puoa kezha khekâ mu
niepukechÿ mu kekuo khekâ chÿ pejÿ phrekewa sia
puo puokedi khapie puo Puo Jihova dzie nu shÿwatuo:
25 sÿkisÿ thelaki tazâ. Mlakekreilamonyÿ puo puo ngu-
mvÿkâ petekâ pie puopbi khrâ shÿwa kemochie puo di ba
26 morâsuo zâkechÿla. Chÿpejÿwa ketuo nganvÿ thelau
27 kesia zâ. Mlakekreilamonyÿ. "Mhapetekâ khapie puo
phikhrâ shÿwata" kechÿla. Derei "Mhapetekâ khapie
puo khrÿkhrâ shÿwata" ûkechÿ puoa pukechÿ levâ râ,
mhapetekâ khapie puo khrÿkhrâ shÿwaketa Sÿu samo
28 ûkechÿ silievi. Mu mhapetekâ pie puo khrÿkhrâ shÿ-
lieta tse, sita Nuo sÿu rei puothuo mhapetekâ pie puo
khrÿkhrâ Shÿwaketau khrÿkhrâ batatuo,: mlakekrei-

lamonyü Jihova thuo petekâ nu ketsukelhuo chütatuo kechûla.

- 29 Silirâ sia kenÿü la baptaiz chülieya kezhakâwe kita ? Kesiamia rheilakesie jütâ zâü lirâ, themia sükâ kedipuo
 30 chüdi süla baptaiz chüya ga ? We rei kiüdi bavüdâ
 31 metsei kemiepie nu thaya zâ ga ? A Uniepu Khrista Jisu la niekâ ngupie anei tuoya kezha kothâzâ kechü
 32 tuoi a teisânghia siata *nyomo* kechü rei kethâzâ. Themia zhâ kemhietoudi a Efesa nu nhachükâ ze keperhie vâ
 33 lirâ a kedipuo kepra ngulieta ? Kesiamia lakesie jü lirâ, “Ukâ mhachü mhakria bazâta khe ! We sâdu
 34 siata tieru !” Mhale kekrütahie : “Vikemomia ze kekrâthâ kechü uzhâkevika rei chüpesuowaya.” Me-
 chie mezhûla sielie mu kesuo chü sahie : kekreibamou niekâ houmia Jihova dzetsatie melâ bayazâ : a die hau
 pukechü niekâ, bu mengalie ketuola zâ.

- 35 Derei huomianie, Kesiamia kikidi sielieta ? mu ukâ
 36 mâ kedipuo mhieidi vâta ? idi ketsâ sietuo. Harie kemelâu nâ athuo zârei tsia setsu chie keshüu thuorei
 37 sialie kemosia rheiliedi tsüpanya mo : sizâmonyü tsiesia puomâ chüpar ketuo-u zâwe nâ chieshü
 mb, derei thoulha zâshierei morei kekreibü puozâ shierei puosi chüya setsu chiekeshü zâ. Sirei Jihova
 38 *thiadzû* puo medâ la hrüpieketuo tuoi puo mâpuo khashü, mu mhatsia pete bu puomâ kekreibechü khashü
 39 phre. Puochü kenÿi khekâ puochü kemhie zâ mo : mu themia chü krei, sirâ khunuo phidiapfikâ chü rei
 40 krei, mu pera chü rei krei, mu khuo chü rei krei. Sizâmonyü teigei ketuo mâ rei nyi, mu kijü ketuo mâ rei nyi :
 derei teigei ketuokâ zivi krei, mu kijü ketuokâ zivi rei krei. Niaki rei puo zivi krei, mu khrü rei puo zivi krei,
 41 tsiu themvükâ rei puo zivi krei ; mhakekreilamonyü themvü thuorei puo zivi huoniehüo ki krei krei phre zâ
 42 kechülâ. Kesiamia rheilakesie rei süsütuo zâtu. Chieürietalie kevüpfü pie chieshü di chieürietalie kelhâpfü chü
 43 rheila siertatuo : rütsedi pie chieshü di rheilasie thetsepfütuo : pie chiekeshüki puo kekuo jü, derei rheila kesie-
 44 ki puo kekuo nyitatuo : pie chiekeshüki tsiedâ kelhou mâu zâ, sirei rheilakesieki ruopfü mâu chütatuo. Tsiedâ
 kelhou mâ rei nyikechü tuoi, ruopfü mâ rei nyi zâtu. Tsiedâ
 45 Sirâ, “Themia keriau Adam bu rheikelie themia chüte ,”

isikechü rei thiadzü thupie zhtü. Derei Adam keniauwe
 46 kerheirâ kha mia tsüya kezha ruopfün chüte. Sirei ruo-
 pfü dzekâ vâr riamodi, tsiedâ kelhou' dzekâ vâr ria, di
 47 süsianu ruopfü dzekâ vâr. Themia keriauwe kijü hau
 nunu zâ, mu rünyâ se chü : themia Keniauwe teigei nu
 48 zâ. Kijü haununu keparkâ zâwe rünyâ se kechüu mbie
 zâ tuo : mu teigei rüli seketuokâ rei teigei nu Kevâr-u
 49 mbie zâtuo. Sirâ we rünyâ üse kechju rhi chüpfü keta
 tuoi, we teigei nu *ketsur*-u rhi rei chüpfülie zâtuo.

50 Derei azenuokâ, a niekâ ki diehau pñnyü ; We uchü
 mu uzia *toupfüdi* Jihova kedinu nya ngukelie jü ; mu
 chieürietaliekeviu rei chieürietaliekelhânu puoya ngu-
 51 kelie jü. Harie, a die kesoupuo pie niekâ ki pushütuo ;
 Ukâ petekâ siaphreta lielhâ, derei ukâ petekâ krei
 52 phretatuo ; ketsü kekhou thelau nu, zâpuokinu mhi-
 phrapuo nunu sitatuo : kephâ, ketsü süu khoushü tuo,
 sitse chieürietamodi kesiakâ bu rheisielie tuo. mu
 53 ukâ rei kreitatuo. Mhakekreilamonyü chieürietaliekevi
 hauha chieürietaliekelhâu chüdzielie beituo. mu sia-
 liekevi hauha sialiekelhâu chüdzielie bei zâtuo kechüla
 54 Derei chieürietaliekevi hau chieürietaliekelhâu chüdzie-
 lietse mu sialiekevi hau sialiekelhâu chüdzielietatše,
 sitse " Kuoliedi kesiau sü mezuliete ho ! " ikechü thu-
 55 piekezhü diu tseilietatuo. Harie kesia, nâ kuokelie
 56 kirapuo bata ? Harie kesia, n tha kirapuo бага ? Ke-
 phuma la kesia puotha nyita, mu thezhâu la kephuma
 57 puo kekua nyi keta zâ. Sirei u Niepu Jisu Khrista la
 58 kuokelie kha utsü keshüu Jihova pezie. Süla azenuokâ
 akhriekâ, Niepuu lanu nie kemezhiiekeshükâ thedâ chü-
 talielhâ kechü niekâ thuo siliedi shürheidi Niepuu mha-
 thâ chü seidi chüse chütha zâlie mu rüdirülita hie.

MHAKENGUKECHÜ DZE ; TARHÄKESHÜ MU KFLUKESHÜ.

16 Sirâ kemesakâ la mhakengukechü dze : a Galatiakâ
 kehokâ bu chünu kechü tuoi, niekâ rei süsütuo chü-
 liehie.

2 Deobadâ zha therianhia kehupuo burei puothuo kha-
 shülie kevichie khakreipie baphrelie : sidi a kevârkinu
 3 mhakengu bamo ketuo chülie. Sidi a vâr tsâlietse
 niekâ themia kehupuorei peledi kedakeliemia a sümia

ketseshüdi sümia bu niekâ mha khakeshükâ se Jirusa-
 4 lem nu vâ ketuola leshü rei khasashütuo. Mu abu rei
 5 vâ râ vituo ülrâ, sükâ burei a ze vâtuo. Derei a Make-
 donia kijü vathepfü vâtuoü bate; mu a Makedonia va-
 6 thevâtsâ kelie sianu a niekâ ki rei vârtuo. Derei a
 konuotsa kehurapuo vâtuo shierei niekâ bu a ketseke-
 shü lëdi a vâ zâpuo niekâ ze batuo, teiseiki baphre
 7 zâwa rei silielhâ. A tsie chalanunu niekâ ze kenguzâ
 nyümo; mhakekreilamonyü Niepuu medâ lirâ, *tsiesia-*
 8 *nudi* a niekâ ze baza keshü a neituo zâ kechüla. Sirei
 9 a Pentekost ketsâwe Efesa nu batuo; mhakekreilamo-
 nyü kikha kezha kekuose kembiepuo khrüpie a tsü pie
 bata kechüla. Mu ngumvümia rei kekra sünu ba.

10 Sirâ Timothi vâ râ, puobu michiemodi niekâ ze bake-
 tuo leliechie; mhakekreilamonyü puo rei a mhiëdi
 11 Niepuu mhañhâkâ chjütuo ya kechüla. Süla miapuo
 burei puo thi hiechie. Sikechüumonyü puo bu puonou
 menedi akilavârlie ketuola puo ketse shüliechie; ke-
 kreilamoü a puo puokezekâ ze vârketo pfebazâ kechüla.
 12 Derei uzeu Apola dzewe: a puo hüpie puobu uzekâ ze
 niekâ ki vânu beishü zâ; derei puo tsiewe vânyümo-
 tâtâ zâ; sirei puo rei pfülie lirâ vâ zâ tuo.

13 Niekâ terâ terür bazâlie, kepeletsatie chüse chütha-
 14 zâlie, thepfu bazâlie, kuo kechülie; niekâ Khristanmia
 mia kekhrîe zhâ sedi mhakehupuo chüsierei chülie.

15 Sirâ azenuókâ a niekâ tarhâshünyü ba. Niekâ Stefa-
 na nuo kinumia sibatuo: ukâ üse Akaya nu *dieliekevi*
 si theriakâ chükechü zâ, mu ukâ ukâthuo kemesa-
 kâ khruohi tuoü kechü ukâ nou kenyü chüsie zâ.
 16 Niekâ rei themia sikechükâ mu liethâ sünu urhie
 17 chüya kezha khekâ rei rhüliechie. Tsiu Stefana mu
 Fortunata mu Akaika ukâ aki kevâr la aneiphi zâ:
 mhakekreilamonyü a niekâ mengubaru ukâ niekâ sou
 18 chüshü zâ kechüla; ukâ anounyü rei mu niekâ nou-
 nyü rei chüshü zâ kechüla. Niekâ süla themia sikechü-
 mia rükra tuoliechie.

19 Asia nu keba kehonkâ niekâ kelushü ho. Akila mu
 Priska unia mu unia kinu kehouya kezhakâ rei sa
 20 Niepuu zanunu niekâ keluphishü ho. Ukezekâ pete
 niekâ kelushü ho. Kemesakâ kemebâ kechü zhâ se
 kemebâdi huoniehüo kelushüchie.

- 21 A Paul niekâ kelukeshû athuo adzie se thushû ho.
22 Themia kehupuorei Niepuu khrieü rhuya kemomia bu
23 rûsekewau chûliechie. Vârliechie, Niepu ! Niepu Jisu
Khrista kinu kepar ngukemezhieu bu niekâ ze bakelieu
24 chûliechie. A Khrista Jisu nunu niekâ khrietuo kechûu
bu niekâ petekâ ze baliechie. Amen.

Paul-a Korintiakâ Ki Thukeshü Leshü Keniau

KELUKESHÜDIE; MU JIHOVA TSEKECHÜDIE.

- 1 Jihova medâ nunu Khrista Jisu kitsatie apostel chûketau Paul, mu uzeu Timothi, hienia thupie Korint nu keba Jihova kehoun mu Akaya petenu keba kemesa
- 2 khekâ ki keshü: Upuo Jihova mu Niepu Jisu Khrista kinu kepar ngukemezhiâ mü noungeu bu niekâ ze baken chüliechie.
- 3 Uniepu Jisu Khrista Nuopuo Jihova ketsen chüliechie; puo Upuo ungukemezhien zâ, mu puo kinu the-
- 4 nou keluo pete parya kezha Jihova sü puo zâ. Pua hio mezhie petekâ nu hie nou chüpeluoshüya: süla hie rei Jihova hie nou chüpeluo keshükâ se *niekâ* mezhie
- 5 kehupuonu shierei *niekâ* nou chüpeluolie vi. Mhakekreilamonyü hie Khrista mezhie ngu krakelie tuoi; süsütuoï Khrista la hie nou chüpeluo kechü rei ngukra-
- 6 lieya kechüla. Derei hie kemezhie lie zâshierei, niekâ bu süugeinu nie nou chükepeluo mu kelakelie rei ngulieya; morei hie nou chüpeluo kechü ngulie zâshierei süugeinu nie bu nienou chüpeluo kechü ngulieya: sidi hie rei kemezhie kechü ngulieya kezha tuoi nie rei kemezhie kechü sikechükâ nurei nie kege-
- 7 piedi hielieya. Sizâmonyü niekâ vilie tuoü kechü lepie hie neichâ hiedzüzie tuo zâ; mhakokreilamonyü kemezhie kechükâ nurei niekâ hieze kemezhieya kezha tuoi, sütuoi hienou keluo ze niekâ nou rei luolie ketuo hie situo
- 8 zâ keghüla. Sirâ azenuokâ Asia nu kemezhie kechü hie gei phir kechükâ dze hie niebu simo banyümo; süuvasü hie pie mespie hie kradapie hielie konjüta zâ, mu hie rheike-
- 9 lie rei lepevimota zâ, Sitazâ kethâ, hie, hiethuo hie pelemonyü kesiamia rei chüperheilieya kezha Jihova pele-

- 10 di hie nouzâwe siata mechie kechû lebata zâ. Puo hie se kemeriechû sitaketuo nunu rei hie kelaliete mu hie kelalietuo : puo tsiesia rei hie kelasalie tuoû kechû ledi
 11 puo pelekhrû tuo zâ. Niekâ rei hie la keze chadi hie khruohishüya : sidi themia kekra lanu ngukemezhie süsü kha hie ketsü la hie lanu rei themia kekra bu Jihova tsetuo.

PAUL TSIEUVA KEDIPUOLA KORINT NU VÄRMOTE
 SHIKECHÛ DZE.

- 12 Hie neikechû hauha zâ : Jihova kitsatie hie hiechû-hiephou mhasi semonyü Jihova kinu kepar ngukemezhieu sedi hie kijü haunu niekâ mhâdzünu pekuodi lhou mesa mu mezhütou tuo kechû hie nou thuorei hie
 13 zhapu chütuo zâ. Kekreilamoû hie die thupie niekâ ki keshükâ nu niebu phrüdi puo cha silie kevikâ sia puocha kekrei bamo : Lü nte süu sizâ vâlie râ vituo.
 14 Nie thiadzü rei hie dze huo si, süsü Uniepu Jisu zhanhia hie niekâ la hie neituoya kezhat uoi. niekâ rei hie la nie neilietuo.
 15 Sirâ die süu peletoudi niebu kemevicha keniau ngulie ketuo ledi a hadzû niekâ ki vâ riatuoû kechû medâ sie:
 16 sidi nie ra nu tuo Makedonia nu vâdi Makedonia nunu la niekâ ki vârdi niekâ bu a ketsepie Judia nu shütuoû
 17 sie. A situoû kechû medâkesieki niekâ nouleki a üse anou rütsürünyü übama? Mo a mhapuo chütuoûdi medâ kesiekâ nu a achü aphou medâ zedi " tuoû, moû "
 18 ituoya ma? Derei Jihova diethâ kechû kethâzâ kechû tuoû, hie niekâ ki diepu kechükâ rei tuoûshüdi moûla-
 19 kechû pukemo rei kethâzâ. A mu Silvana mu Timothi hiekâ niekâ dânu puo dze pupetha tuoya kezha Jihova Nuo-u Jisu Khrista zâ, mu puowe " tuoû moû " kechüu monyü puo nuzâwe " tuoû " kechüu sia jü.
 20 Mhakekreilamonyü Jihova mhapupiezhü kechükâ kekrazâ shierei Khrista nuzâwe " tuoû " kechüu ketuo zâ kechüla. Süla u la Jihova bu thetse pfülie ketuola Khrista la mia " Amen " isikechû pulieya.
 21 Sirâ Khrista kitsatie hie mu niekâ chükemetei shülieya
 22 kezha mu mhapie u kenhelie ketauwe Jihova zâ. Puo ugei mohor rei vüliete, mu lhite kemhie Ruöpfüu kha-pie unou shüpie utsüwate.

- 23 Derei a niekâ ngukemezhio la a tsieuva Korint nu
vârnyü mota kechü kethâzâ kechü Jihova bu a ruopfü
24 zhapu chülio tazâ. Hie niekâ kepele mhâ niepu chü-
kechü medâ monyü, nie kenei chüpekrashü ketuola nie
khruohi kezhamia chünyü kechü zâ : mhakekreilamo-
nyü niekâwe kepelenu tha chüse chütha kechüla.

- 2 Sirâ, niekâ thepesuotuoüdi niekâ ki lavâ mo tuoü
2 kechü a süu medâ batê. Mu athuo niekâ thepesuo
shüzâ shierei, abu uthesuo kewamia zâ kemisia supuo-
3 nie anei chülie tuo ga ? A *keriauva niekâ ki die thukeshü*
kekreibamoü, a niekâ ki vâr râ, a mia la aneilie kezükâ
la anou suoketa prei kechüla zâ ; mu a keneiusü niekâ
4 petekâ neirei zâkechü siliedi niekâ pele bazâ. Sirâ a
kemezhiese mu anou kehukeruo chüdi krazâdi thupie
niekâ ki shü ; mu sikeshü niekâ bu niekâ nou suota tuo-
üdi monyü a niekâ khriephüya kechü niekâ bu süu silie
ketuola zâ.

JÄ THÄRTA KEMOMIA ZELALIENU KECHÜ DIE.

- 5 Derei hadzü miapuo niekâ thepesuo shü kechüu a zâ
monyü niekâ petekâ rei thepesuo shü zâ ; derei puo
pejä terür zâtamodi puo nie thepesuo kechü rei thâr
6 mo ükechü *leliechie*. Hadzü niekâ themia kekra siazha
7 pie puo tsüwa kechü chizäreivi tatuo. Sisakechümo-
nyü themia süu puo nousuo thâr vâdi suolâtsâ keta ke-
prei la niekâ puo kejâ vala shüdi puonou chüpeluoshü
8 râ vikuo tuo. Süla a niekâ bu puo khrie kechü zasi
9 chütoupie puo kialienü kechü niekâ hühshühü ho. Tsiu
a hadzü thupie niekâ ki keshü niekâ mhakehupuonurei
a die zeya mo moshi kechü sitou salie tuoü reidi
10 thukeshü zâ Derei niekâ mhakehupuonu rei mia
kejâ vashü râ, arei vashüya ; sirâ a mhakehupuonu-
rei mia kejâ vashü râ, a mia kejâ vakeshü süüsü niekâ
dze kevi ledi Khrista mhâdzü nunu süu va rei shüwata
11 zâ. Sikechüla Satan bu u ki vikuotayamo : kekreibamoü
we puo dâkâ simo bamo kechüla.

DIETSEI DIEKHÄKELIE KESAU DZE.

- 12 Sirâ Khrista *dieliekevi pupie mia kia* ketuola a Troa
nu vâr kechüki Nîepu liethâ tsatie kíkha kemhiepuo

- 13 khrüpie a tsü. Mu sükisü a asiazeu Tita ngulie kemo-
la anou menetsülie mota ; süla a ukä khawadi tuose
Makedonia nu vâte.
- 14 Derei hie bu Khrista la kuo seilieya kezha, mu
kehurapuorei miabu hie geinu puo mhasi rekethengu
15 silieya kezha Jihova pezia ! Mhakekreilamonyü kela-
lietaya kezhakâ dzetsatie rei mu kataya kezhakâ dze-
tsatie rei hie Jihova neichü kelie Khrista rekethengupuo
16 chütazâ kechüla. Sirâ kenno sükä dzetsatiwe kesia
nunu kesia nu kevâ re puozâ, mu keria sükä dzetsatie
kerhei nunu kerhei nu kevâ rekethengu puo zâ. Mu
17 suomia mhasikechü chülie sü ga ? Hiewe themia ke-
kra mhiedi Jihova die chüpesuotuo mo ; derei sikechüu
monyü Jihova kinu *sikelie kemhie* hie nou mezhüdi Ji-
hova mbâdzü nunu Khrista medâ nunu hie diepuya.
- 3 Hie tsie hiethuo hie tselakie tazhü na ? mo huomia
chüya kezha tuoi hie ketse leshü se niekâ tsü morei
2 niekâ kinu cha morâsuo ma ? Hie melou gei thupie
ketuo themia petekâ bu sidi phrülie kevi hie leshü sü
3 niekâ zâ. Kethâ, hie bu puo liechüdi thukeshü Khrista
leshü niekâ tazâ ; mu süsü leshüdzü ü monyü rheituo-
ya kezha Jihova Ruopfüu ü, ketsie geinu monyü nieme-
4 louchü geinu thulieta zâ. Sirâ hie Jihova kitsatie ke-
5 pele sikechü Khrista la nyite : derei hiethuo hie kinu
mhapuorei chütsei kelie medâ tuo mezâ : hie mhachü-
6 lie kevi sü Jihova kinunu zâ. Puo hie bu dietseidie-
khâkelie kesau liethâkâ chüliekevi kekua kha hie rei
tsü ; süsü leshühhuu nunu monyü Ruopfüu nunu zâ :
kekreilamoü leshühhuuwe mha chüpesiawaya, derei
7 ruopfüuwe mha chüperheilieya kezha. Derei ketsie
rhipie sügeinu thukelie kesia liethâu puo kezie ratsa
jüta zhüzârei, Mosa zie kezie süsüla Israel nuonuokâ
puo zie mehâ ter thalie suoketa, die süu thuorei therhu
8 nyi lirâ ; sirâ Ruopfüu liethâdieuwe süki rei therhu nyi-
9 kuo mo tuo ma ? Sirâ upefâwaya kezha liethâu thu-
rei therhu nyi râ, uchükemiathâlieya kezha liethâuwe
10 süki therhu nyi kechü tuo. Kethâ, *kenno-u* hau therhu
nyikuo ta kechüla, thiadzü therhu kenyiü, puo therhu
11 jüte. Sirâ jütazhü kechüu thuorei puo therhu nyili
râ, jütalie kelhâuwe sükirei puo therhu nyi kechü tuo.

- 12 Sûla hie siadze sikechûpuo nyi kechûla hie michie-
 13 modi die putuoya; mu thiadzû Israel nuonuokâ bu
 jütaketuo-u mehâ terür zâtha puo thelau tsâmolie ketuo
 la Mosa bu mhapie puozie yakelie tuoi hiewe sükemhie
 14 chûya mo. Derei sükâ nou chûperewa: sûla thiaha
 ketsârei kedietsei kediekhâpie ketuo diekeriau kephrûki
 puo keyau tuoya zâ; mu süsü Khrista la biepefûkewa
 15 ukâ tsîerei silieya mo. Sûla thiaha ketsârei Mosa die-
 kâ phrû kesieki puo keva süu ukâ melou gei baya zâ;
 16 sirei mia utou rûdila Niepuu kitsa vaketaki puo keya
 17 süu chûwataya Sirâ Niepuu sü Ruopfûu zâ: mu ke-
 hurapuorei Niepuu Ruopfûu kebara u kekha rei jütaya.
 18 Derei u potekâ uzie yamodi mhakemevapuo nunu mha-
 ngu kezha tuoi Niepuu kezie mehâdi Niepuu Ruopfû
 süu nunu uchûkedipie keziepuo nunu kezie kekrei nu
 shûdi puo rûi kemhie chûmiamialieya.

- 4 Sûla Jihova hie ngumezhiedi hie bu liethâ hauha
 2 ngukelie si kechûla hie hiedzû koutaya mo. Sikechûu
 monyû hie kemenga mhathâ kerûshûkerûvickâ khawa-
 di hie kemiada rei mo. mu hie Jihova die pupesuo ke-
 chûu monyû kethâ zâ kechû süu pu kemeyiemeluo
 tuoya; mu sidi Jihova mhâdzûnu themia kehupuo bu-
 3 rei hie rûli kevikesuo silie kevi chûtuoya. Sirâ hie pu-
 pie mia kia ketuo dieliekeviu kevia tuo lirâ, kata ketuo-
 4 kâ mhâdzûnu rûrbei keviawa taya kezha zâ. Mhake-
 kreila monyû Jihova rhiu zayiekechû Khrista dieliekevi
 kezieu bu mia vapeziemolie ketuola, tsiedâ kelhoukâ
 rhuo-ua Khrista peleyakemokâ nou mhikâ chûpechie-
 5 wate. Sirâ hie biethuo hiedze pupetha monyû Khrista
 Jisu sü Niepuu zâ, mu hiewe Jisu la nie thekemia ke-
 6 mhie zâ ikechû putuoya. Tsüu “Kezie bu kezei vapezie-
 tuo” idi thiadzû kepua Jihova zâ; Jisu Khrista zie
 geinu zâyie kechû Jihova mhasi kezieu khashû ketuola
 puo hie nou vapezie shûwate.

DIELIEKEVI KEPETHAKÄ KUOKEMO, MU JIHOVA KEKUO
 KHA UKÄ KETSÛ; MU UKÄ SIADZE.

- 7 Derei kekuo kezha süsü hie geinu monyû Jihova
 geinu par zâ kechû *miabu silie ketuola* kanyî hauha rûnyâ
 8 tise kechû hie mhabou nu tuo zâ. Lutsa hatsa mia hie

- bu kemezhiēphi zhūzâ, derei hie dâ jūta mo ; hie nou vakehou keruo chū shūya, derei hie zie jūta zhūmo ;
- 9 mia hie peseya. derei *Jihova* hie khawaya mo ; mia hie
- 10 vūpie zhūwaya, derei hie kau jūta zhūmo. Mia bu hiemâ geinu Jisu rheituota kechū rei silie ketuola hie
- 11 hiemâ geinu Jisu seu toupfū seituoŷa zâ. Mhakekreilamonyū miabu siatalie kevi hiechū-hiephou geinu Jisu rheituota kechū rei silie ketuola hie rheikētuoŷu Jisu la miabu hie merhashū pie kesiatŷatie shūkuo phi
- 12 kechūla. Sidi kesiaa hie nunu *puomecâ* chūlieya, mu
- 13 kerhei rei nie nunu *puomedâ* chūlieya. Derei "A rei pele, mu sūla a pu" ikechū thiadzū kepele ruopfū dze thupie kezū tuo hie rei peleya mu sūla hie pu reiya.
- 14 Mu thiadzū Niepu Jisu chūperhei kelieu Jisu mhie puo hie rei chūperheilietuo, mu puo hie bu niekâ ze puo mhâdzūnu tha rei salie, tuo kechū hie sūsū sibata zâ.
- 15 Sirâ mha bakâ pete niekâ la chūketuo zâ ; sidi themia kekra bu ngukemezhiē nguliedi sūu chūpekra pie miabu zayie kechū Jihova tse kechū salie tuo.

TEIGEI VÂ LHOULIE KETUO SIADZE.

- 16 Sūla hie hiedzū koutaya mo ; sikechūu monyū hie chazou mian jūtazhū zarei hienu kebamiau teisānhia kesa miamiata zhūzâ. Mhakekreilamonyū zāpuoki zākechū hie mezhie kemedzau la kechachie baya kezha zayie
- 18 chūketuo mesiu chūpekra kechūlieya kezha la. Sūla hie mhakengukâ pfū monyū ngukemokâ pfūya ; mhakekreilamonyū kengukâwe zāpuoki keba zātuo, derei ngukemokâwe kechachie bazâ tuo kechūla.

- 5 Sirâ kifū hanu hiemâ pfeki hau rūrhuota zāshierei thedzieū chūkemo Jihova kinu ngulie ketuo kechachie
- 2 baketuo kipuo teigei bakechū hie sibate. "Tsiu tsiedâ hie *ki* haunu kebakirei meheimelâdi teigeinu ngulieketuo hie ki sūu pie hie whekelie mengu baya zâ ; mhakekreila monyū ki sūupie whelie lirâ, hie methuotuo motatuo kechūla. Kethâ, hie pfeki hanu bakechūki rei hie meheimelâdi hie nou kenŷū chūbaya zâ ; sūsū hau rhuokewa la monyū kerhei bu siatalie kevi hauha mezu
- 5 zāliedi hie whezālie nyū ba zâ. Sirâ sūsūla hie chūke-

- shüu Jihova zâ ; mu puo lhte kembie Ruopfüu kha hie
 6 tsüwate. Süla hie hienou thepfu seituoza zâ. Hie
 7 hiemâki haunu keba chie Niepuu kinu balieyamo kechü
 hie siba zâ, kekreibamou hie ngudi monyü peledi lhou-
 8 tuoyazâ kechüla. Derei hie hienou thepfu tuokechü
 hie hiemâ hanu banyü monyü Niepuu kinu puoze ba-
 9 nyükuo tuo zâ. Süla hie ki haunu shierei haunu mo
 shierei, hie puo nei chü tuoü kechü hie hiechütuo zâ.
 10 Mhakekreilamonyü ukehupuorei Khrista mia ketsâke-
 tuo bau mhâdzünu thapetuo zâtuo kechüla ; mu sükisü
 wo umâ haunu kebaki chükewakâ, kevi shierei kesuo
 shierei, uzha ngulie zâtuo

DIELIEKEVI KEPETHAKÄ KAM DZE.

- 11 Sirâ Jihova khrüpreilie moräsuo kechü siliedi hie
 themia bu hie rüli silie itutüoya ; derei Jihova zâwe hie
 rüli situoya ; mu niekâ rei nie nou nu hie rüli kevi kesuo
 12 silierâ anei zâtuo. Hie nie mhâdzünu hiethuo hie tse-
 lanyü mo, sirei hie nie bu mia unoutsatie monyü cha-
 zoutsatienu thetsepfünyüa kezakâ ki mhapulashülie
 ketuola hie la thetsepfükeli dâ thashü nie kia nyüya.
 13 Sirâ biethuo nyata rei, süu Jihova kitsatie zâ ; morei
 14 hie mechie tuo zâ shierei niekâ dzevi lazâ. Mhakekrei-
 lamonyü Khrista ukehrieu thuo hie hü setuo zâ ke-
 chüla ; miapuo, petekâ souchüdi siata, süla petekâ siata
 15 kechü hie letoulieta zâ. Mu rheituoketakâ bu lhou rei
 uthuo ukitsatie monyü u la siatadi rheilalie ketau kitsatie
 16 lhoulie ketuola petekâ souchüdi puo siawate. Süla hiewe
 uchü-uphou tsatie miapuorei situo mote : mu hie thiadzü
 Khrista chüüphou tsatie puo situo zarei, tsiewe hie puo
 17 sipie sükemhie chütuo mote. Süla themia kehupuorei
 Khrista kitsatie bata râ, puo themia kesapuo chüte :
 18 mhakewakâ jüte ; mu harie, sükâ kesa phrete. Derei hie
 chüpie hie bu Khrista la puo ze kezevila keta, mu keze-
 viketa liethâ kha hie ketsüu Jihova kinu mhapetekâ
 19 par zâ. Mu kezevilaketadie süsusü : Jihovaa Khrista nu
 tuodi kijü hanu ketuokâ chüpie ukâ bu puo ze keze-
 viliete ; puoa sidi mia kejâkemoukâ barei mia lepejâ-
 mote, mu sizâmonyü kezeviketa dieu, rei khapie u
 tsüwate.

20 Hie süla Khrista kitsatie puo dieliemia chüya, sidi
 21 Jihova hie geinu mia hütuoaya: hie Khrista liechüdi
 21 mia bu Jihova ze kezevilie nu beituoya. Puo la u chü-
 kemiathâpie Jihova kinu kepar kemiathân chülie ke-
 tnola Jihovaa u dzevi la kejâkemou puorei kechü
 sikemo-u chüpie kephumiamia chüwate

6 Sirâ puo ze mbachüdi hië nie bunu Jihovâ kinu kepar
 ngukemezhieu kemethuopuo tuoidi liehie nureidi nieki
 2 pu bei tuoya. Mhakekreilamonyü püsa, "A puo tei
 touki n die rünyüliete, mu kelakelie teisâkipuo a n
 khruohishüwate," sipie zhü. Harie, puotei kevi sü
 3 tsieki ha zâ: harie, kelakelie tsisâ sü tsieki ha zâ. Mia
 bu hie puo liechü ketuo liethâ pupejâ molie ketuola hie
 mhakehupuo nurei mia chakha puorei chüshüya mo.
 4 Sizâmonyü hie Jihova liethâ chülie kesümia ükechü
 mhakehupuo nurei miabu siliekevi chüshü tuoya zâ.
 Süsü khashüm vü petâ zâkechünu rei, kemezhie kechükâ
 nurei, tsâpfüse zâkechükâ nurei, ziasë zâkechükâ nurei
 5 zâ: mia bu hie vü kechükâ nurei, kedie kechü nurei, ke-
 bvü kechükâ nurei, mbachü rükhreürüyi kechükâ nurei
 zemodi pfeüla kechükâ nurei, mbachümodi khe kechükâ
 6 nurei zâ: mesadi lhcu kechü tsa rei, mhakesi tsa rei,
 adielâ chü tuo kechü tsa rei, mia ngumezhie kechü tsa
 rei, Kemesa Ruopfü kitsa rei, ketheramodi mia khrie
 7 kechü tsa rei zâ: diekethâ zâ kechü kitsatie rei, Jihova
 kekuo kitsatie rei, hie zatsa rei hie vitsa rei kemia-
 8 thâ terhrünyie sekechü nurei zâ: therhu kepfü mu
 zhase kepfükâ nurei, miabu hie dze pupesuo mu pupevi
 kechükâ nu rei zâ: hie üse mia seya kezhamia mhieya,
 9 derei kediethâmia zâ: mia hie siyakemomia mhie ü,
 derei hie siphî: hie ü siata tuoü kezhi kembie, derei
 harie, hie rhei tuo zâ: hie pechü penyü phi, derei hie
 10 biekhrlie mo: hieü hie nou kemezhie phiya kezhamia
 mhieya, derei hie nei seituoya: hieü mhakejümia mhie-
 ya, derei themia kekra chüpië miabu mhanyilieya: hieü
 mhapuorei tuomozâ kechümia mhieya, derei mhapete
 hie vie zâ.

11 Harie Korintiakâ, hie niekâ ki mhapu hie kethetaya
 12 mo. Hie bienou zhaphite. Hie nou niekâ ba mere
 13 mbâ, derei niekâ nouwe hie ba mere. Sirâ a anuonuo-

kâ ki kepu tuoi a nie bu a pukechû mese chûdi nienou mechû kralie nuzhû zâ.

- 14 Niepuu peleyakemokâ ze kethedemodi nie vâchie kerhe hiechie. Kemiathâ nu kerûzhû unia kedipuo mhiedi kekrâ thâ tuolie viga? morei kezie mu kezei
- 15 unia kedipuo kerhe ga? Sirâ Khrista mu Satan unia kedipuonu khwethâ chûya ga? morei kepelemia peleke-
- 16 momia, ze kedipuo kezatuo ga? Sizâmonyû Jihova kerûsufoki-a terhuorhikâ ze kedipuo kepupie zhûga? Mhakekreilamonyû we rheituoya kezha Jihova kemesaki zâ kechûla. Sûu dze thiadzû Jihova pupie kezhû hambie: "A ukâ nu badi ukâ nunu lhoutuo, mu a ukâ Kepenopfû chûtuo mu ukâ a themia chûtuo." Sûla Niepuua lasic,
- 17 Niekâ chûkâ therhie partiedi niekâ thuo kreituoliechie;
Mu mhâmesakemokâ puorei bie hiechie;
Silie lirâ a niekâ zelietuo, sîsa piezhû.
- 18 Sizâmonyû Niepuu kuokejâjû zâkechûua,
A niekâ Puo-u chûtuo,
Mu niekâ thenu rei thepfû rei anuonuo chûtuo, isi sapie zhû.

7 Sûla a khriekâ, mha sūkâ pupie utsû piezhû kechûla, ukâ uchû-uphou mu uruopfû rhutuoketa neiûkâ nunu uchûkemesaliedi Jihova khrûpreidi uchûkemesa tseilie khe!

KORINTIAKÂ MEDÂ KEVIPUO LA PAUL PUOREI KECHÛ.

- 2 Hie ki nienou khrie hiechie: hie miapuo gei rei puo-toukemo chûshû chie mo, hie miapuorei biepesuowa mo,
- 3 hie miapuorei se rei wa mo. A nie lepejâ tuouûdi dieha pumo: sikechûumonyû a hadzû pushûluouû nie hie ze
- 4 siata zârei rheiba zârei nie hienouki tuo zâ. A kethepfuse diese nie rûchûya; a niekâ la auoumvû phi tuoya; a anou mene phi tpute; hie kemezhie kechû neiûkâ nurei a anei phakelhâ chûtuote.
- 5 Sîfâ hadzû hie Makedonia nu kevâki hiechû-hiemâ tsatie kerûrlei rei ngulie modi lutsa hatsa kemezhie lie zâ; chazoutsatie mia ze keperhie, mu thenoutsatie
- 6 michie phi. Siûdorei thenousuo ketokâ nou chûpe-

- luoya kezhaui Jihova Tita bu vâr kechüla hienou luolie ;
- 7 tsiu puo kevâr rürbei la zâmonyü puo niekâ kinu puonou luokelie die *sikelie* la rei zâ ; kekreiblamotü niekâ a mengu baü kechü, nie *rüli ledi* nie nousuo kechü, niekâ a la nie rhiechüba kechü dze puo hie ki pu
- 8 kechüla ; süla a neiphi sa. A hadzü thukeshü a leshüu la niekâ bu niekâ nousuota zâürei a'süüstü chüzhümodi chümu ikechü le anoumecha bamo. Sîmoçei a leshü süu la zâpuoki zârei niekâ bu niekâ nousuota kechü
- 9 siliedi anoumezhieta. Derei niekâ pou chü pesuo keshüla monyü niekâ noukesuo süu geinu nienou kedikethâ chükelie la a tsiewe anei bate : mhakekreilamonyü Jihova medâ mhiei niekâ nousuo kelie la , sidi
- 10 niekâ hie la mhakehupuo nurei kata mozâ. Mhakekreilamonyü Jihova medâ mhiedi unousuokechüa ubu kelakelie ngulie ketuola sivâdi unou kedilieya kechüla ; mu süüstü la tsie-ia urâ tatalielhâ : derei kijü medâ
- 11 mhiedi unousuo kechüa, süula kesia ngulieya. Sirâ harie, Jihova medâ mhiedi niekâ bu niekâ nousuoketa hauha la niebu nie nounyüpie kedipfü chü sierlie shi ! mu niethuo nie papie kemezhü kedipfü chüsie shi ! mu nie nouyüpie kedipfü chüsie shi ! mu nie mia mengu pie kedipfü chüsie shi ! mu nie nierhie chüpie kedipfü chüsie shi ! mu nie nie khapu tuoü pie kedipfü chüsie shi ! Sirâ
- 12 nie mha süunu jâmo zâü kechü miaüu siliete. Tsiu a keriauva mhapuo dze thupie niekâ ki shü kechü, mhakosuo kechüu la reimo morei süu bu puo geinu kesuo chükewau la rei monyü nie hie la nierhie chünyüya kechü niebu Jihova mhâdzü nunu silie kenyü la thukeshü zâ. Süüstüla hie nou mene bate. Sürürbeizâmonyü Tita kepeiu la rei hie hienei kechü sa bate ; mhakekreilamonyü niekâ petekâ la puobu puonou ménetsüi
- 13 ketala. Sirâ a hadzü puo ki niekâ tse za shü kechü, süula rei abu mengata mo ; sikechüu monyü hie hadzü mhapie nie ki pukeshü petekâ kethâzâ kechü tuoü hie Tita ki nie tsekeshü diekâ rei kethâ zâ kechü silietatiea.
- 14 Tsiu puo niekâ petekâ puo dieze kelie mu niekâ michiepie pe zâdi puo zekelie rüktra vâdi puo rei niekâ khiephi tatuo. A mhakehupuo nurei niekâ pelielie vita kechüla a neiphi bate.
- 15
- 16

MHA KENGUKELIE DZE.

- 8 Sirâ azenuokâ, Jihova Makedonia kehoukâ ngume-
 2 zhie keshû dze hie pupie nie pesishû nyûya ; süsü mia
 ukâ bu kemezhlepîe rûkhrerüyi kezhû dânu rei ukâ nei
 3 phaliekelhâ chûkeba mu mahjüpfüzâ kezhû dânu rei me-
 phruo mevuođi mha khashû zâ. Tsiu a sikechû ukâ
 4 chûlie kevichie chû mu sü kozie rei uthuo u medâ chû-
 di khâshû zâ. Mu ukâ, hiekâ ze keze kemesakâ khruo-
 5 hi tuođi mia ngukemezhie mhathâ hau nu chütuođi
 hie bü beitä zâ. Mu hauha hie pedzüperia medâ ketuo
 kemhie rürbei zâmonyü, Jihova medâ mhieidi Niepuu
 kitsatie rei mu hie kitsatie rei ukâthuo ukâ kha peria
 6 shûwata zâ. Süla hie Tita bu puo hadzü chûchie sie-
 keta kemhie mia ngukemezhie mhathâ hauha niekâ
 7 dânnunu rei chütseishû nudi puo hûshû. Sirei niekâ
 mbakehupđo nurei, kepele, mu diekepu. sirâ mhakesi,
 mu niekâ nierhie chûkechû khekâ nu, mu nie hie khrie
 kochû nurei chûse chûya kezha mhie mhaphruo hau
 8 nurei kraphihie ketuo nie hiechûlie chie. A hukum mhie
 zâdi niekâ ki pu monyü mia kekreamia mia hiechûya
 kezha dze pupie nie kiadi nie mia khrieia kechû puo-
 9 töu mo mo shi kechû si nyûya kezha zâ. Mhakekreila-
 monyü niekâ Uniepu Jisu Khrista mia ngunezhieya
 kezha si kechûla ; süsü puo mhanyi zârei niekâ dzevi
 kepfûla mhakejümia chüte. sidi niekâ bu puo kejü lanu
 10 mhanyiliete. Sirâ a mha sün dze adâ pupie niekâ kia-
 shû nyü ; mhakekreilamonyü thedâ süu niekâ dzevi zâ
 kechûla. Niekâ nzhüsia rei chûchie tuođ kesie rürbei
 zâmonyü chünyü rei sa siedi mia mhâdzü keria chûlie zâ.
 11 Derei tsiewe mhathâ süu rei chütseilie chie ; silie lirâ
 nie hadzü chünyü baketa kemhie chûlie kevichie sü-
 12 mhie chütsei reilie tuo. Mhakekreilamonyü chünyü ke-
 chû bälîe lirâ, bakemo-u mhie monyü bakechûu mhiedi
 13 Jihova puo neilieya kechûla. Sirâ mia kekreamia bu rüü-
 14 lie mu niekâ bu kemezhieta ituođi a die hau pumo ; derei
 niekâ bu ketoukelie ledizâ ; süsü nie kenyipie tsie ukâ
 kejü vaphishû lirâ, ukâ rei khunhia morei khunhia ukâ
 kenyipie niekâ kejü vaphilie tuo ; sidi niekâ ketoulie tuo,
 15 Süu dze rei hakemhie thupie zhü : “ Kekra kengukelieu
 rei rûkrûlie mo, mukeduoyâ kengukelieu rei tsa reitamo.”

- 16 Derei Tita nou chüpie puobu amhie niekâ ngu puo
 17 nounyü kelieu Jihova pezia! Puo hie medâ rei ze
 kethâzâ; derei puo niekâ ki vâkechü puothuo puo medâ
 18 rei ta zâ. Sirâ, hie dieliekevi tsatie Kehou petekâ nu
 puo tseyä kezha usiazeu rei ketsepie puo sashü ho.
 19 Tsiu sizâmonyü miabu Niepuu tselie ketuola mu hie
 rei puo liethâ chünyü kechü miabu silie ketuola
 rei hie pelekewa ugukemezhie liethâ hau nu hie ze
 vâ nudi kehokâ puo keqaliedi ketse rei shüzâ ho.
 20 Mu süsü hie bu chünu keshü mhakhakeshü liethâ
 21 haunu miabu hie lepejâ molie ketuola zâ. Mhakekrei-
 lamonyü Niepuu kenguki rürbei zâmonyü themia ke-
 nguki rei kemezhükâ sü hie rei medâtuoya zâ kechüla.
 22 Sirâ hie mha neiü nu puonou kenýü chü ketuo tsiemelie
 sikezha hie kezemia puo rei ketsepie unia sashü ho;
 puo tsiewe niekâ puo lepeviphi kezhala puonou kenýü
 23 chükuo tuote ho. Sirâ Tita zâ shierei puo niekâ kitsa
 tie hienia keze puo zâ mu a dziesemia zâ, mu uzenia
 shierei unia kehokâ dieliemia zâ, Khrista za chütuoü
 24 ketuonia zâ. Süla niekâ mia khrieyä ükechü mu hie
 niekâ ketsedie rei kethâzâ kechü kehokâ mhâdzünunu
 thashü ukâ kiashülie.

- 9 Sirâ kemesakâ khruohikechü dzewe abu thukechü ba
 2 babamo; mhakekreilamonyü niekâ süu chünyü kechü
 a sibata kechüla; mu nie Akaya mia chiepuo mhâdzü
 ukesese tuotakechü a süudze Makedoniamia mhâdzü
 niekâ tsedi putuoya; mu niekâ shürhei süu la ukâ the-
 3 mia kekra bu unou lesierlie tazâ. Siüderei a uzekâ ke-
 tseshü kechü hie niekâ tsekechü diekâ bu hau nu diethuo
 chütamo ketuola zâ; mhakekreilamonyü a hadzü puke-
 4 shü tuoi niekâ bu niekâ kesese balie kenýü la zâ; simo
 lirâ Makedonia nunu mia huomia aze vârdi niekâ kesese
 bakemo ngulie lirâ, niekâ, pulie kenjüü hierai niekâ pe-
 5 leketuo haunu mengalie tuo. Niekâ hadzü mha khapie
 mia ngumezhie shütuoü keshükâ a uzekâ bunu peria
 niekâ ki vâdi, sükâ keselie ketuo la ukâ ketsüşhü kechü
 a medâta. A medâa niekâ kemvü chümonyü fiekâ bu
 niekâ medâ chüdi kengu sise balienu kechü zâ.
 6 Derei niekâ die hauha rükrälie: Kehupuorei tsia va
 petsa keshüu tsa tuo; mu kekupuorei tsia va pekra

- 7 keshüü süu re kra tuo. Themia kehupuo burei kenya modi morei chü morâ michie mu imodi puothuo punou nu hrülie keta kembie khashülie chie: mhakekreilamonyü Jihovaa uneisieidi khashüya kezhamia ngu puo
- 8 neiya kezhalä. • Sirä Jihova mhaneitükä pie nie ngumezhie phi shülievi; sidi nie bu mhakehupuo nurei nie kethuo chüphre gâdi mhakevi kechü khekä nu kra kechülie tuo. Süu dze hakembie thupie zhü:
- 9 •Puo mha kezapie, luki haki shüdi khapie kejümia tsüwate;
- Puo kemiathä kechachie baya.
- 10 Sirä tsia khapie miabu chie chü tuoüdi khashüya mu mia bu mia cha chünudi telha khashüya kezha niebu setsu chie ketuola nie lhatsia khashüdi chüpe krashü tuo; mu nie miathä si rei chüpekrashü tuo. Sirä niebu nie neidi mha khaphishü lie ketuola mhakehupuo nurei manyilie tuo; sidi mha kla hiedzienu shüdi hiebu sevâ
- 12 mia ketsüla mia Jihova tselie tuo. Mhakekreilamonyü liethä hau chükechü kemesakâ tsâpfü vaphi keshü rürbei zâmonyü süla mia burei Jihova tse kechüphi
- 13 salie tuo. Niekä Khrista dielikviu peledi puo dieze chükeli la mu niekâ mha khaphishü themia sükä mti themia kehupuorei tsükeschü la mia niekâ liethä
- 14 süüsü siünguliedi Jihova tselietuo. Mu nie kinu mhangulieya kezhamia rei nie la umezhiemelâdi niekâ nou keba Jihova kinu kepar ngukemezhie kezha süu la nie
- 15 mengulietuo. •Mhamethuopie utsü keshü puphalie kethäu la Jihova pezia thâr we.

PAUL DIE KEKUO BA KECHÜ DZE.

- 10 Sirä a Paul athuo niekâ bu Khrista zhäkevi mu puo noukemene rükrälie nudie äie lüshü töüzhie. Aha niekâ ze kebaki niekâ kengukiwe pesikhuoi mu niekâ
- 2 ngumotârâ niekâ gei adie kuophi taya. Niekâ pezia rei abu niekâ ki kevâki a die re hiechie; derei huomia hie üse hiechü-hiephou rülitsatie medâdi lhoya
- 3 ükezhakâ kiwe adie rephi shütuoü ba. Kethä, hie themia mhie lhou zârei hie themia medâ mhie
- 4 terhrükegeiya mo. Sirä hie terhrünyie soya kezhakâ themia medâ mhie monyü mia dahou meteisese kechükâ bierhuowäliekevi Jihova fihinguki kekuo

- 5 krâpuo seya. Hie sükâ sedi mia noudâkâ rei mu Jihova mhasi ngumvüya kezha kuda kerükrie kemhie khekâ thurhuowaya : sirâ hie mia nou kehupuorei teliedi sükâ bu Khrista die zeli ketuola sevâ puo khrükhrâ
- 6 shülieya. Mu niekâ puodieze chütseilie *nyüsielie* lirâ puodieze chükemo khekâ a sükâ kengashü tuoü ba.
- 7 Niekâ umhiki kengukâ rürbei leya kezhasâ. Themia kehupuorei puothuo puo üse Khrista vie ükechü letouya lirâ, puobu puo Khrista vie kechü kemhie sükemhie hie
- 8 rei zâ ükechü sitoulie chie. Jihova hiq bu nie chüpe-suowa nudi monyü nie chüpevishü nudi kekua kha hie dzienu shüwate. mu a süu la kemelha za siezâ shierei a
- 9 mia dzü mengata lielhâ. A leshü thupie niekâ kishüdi diebau pukechü niekâ kechiekerie ketuola mo.
- 10 Mia puya kechü, "Puo leshükâ nuwe puodie mesi mu kuose. derei puothuo vârkechü kiwe puozawe kuomo
- 11 mu mia puodiepu üse *mla üya nlo*," siya. Themia sikechü puya kezhamia bu hie vârkemoki leshünu hie diepu kemhie hie kevârki rei hie mhathâ nurei sümhie
- 12 zätuo ükechü leliechie. Sirâ hiewe hie phrüpie themia nthuo utseya kezha huomiawe sa morei ukâ ze kemejü nyümo : derei sükâwe mhapuorei lemodi ukâ thuo ukâ
- ze kemejü mu ukâ thuo ukâ pupie kemejü ituoya.
- 13 Jihova thiadzü hiebu vâ niekâ tsâzâ nudi hie ya thâkeshü puo mejü hie tsükeshü sü zie hie kemelha vâlielhâ.
- 14 Sirâ hie vâr niekâ tsâ zhümodi kechü se vâr mo ; mha-kekirela monyü hadzü rei hie Khrista dieliekeviu se vâr
- 15 niekâ tsâ zâ kechüla. Hie sidi hie thuo hietse thâr tuomo. *süusü* mia mhathâ la hiethuo hie tse tuo mo ; derei hie neituo kechü niekâ kepele vikechülieya kezha
- tuo hie yathâ shükewa tse kechüliedi niekâ dânu hie
- 16 mhathâ rei vikechülietuo ikechü letuo zâ. Süsütuoidi hie dieliekevi pupie nie siatsatie kebakâ nu rei mia pethalietuo : sidi mia yathâ shüdi mia buvâ mhachü-
- 17 kewakâ nu la hie kemelhalielhâ. Derei themia kehupuorei puothuo kemelha zâ shierei Niepuu la kemelha-
- 18 lie chie. Puothuo puo tseya kezha monyü Niepuu kinu thetse pfüya kezhauwe puotou zâ kechüla.

11 A thuo kenyadi keduoyâpuo puzâ rei niekâ a gei nie nousuotamo râ a neituo ; derei niekâ a gei nie

- 2 ketheya kezha a siba. Sirâ a Jihova tuoi niekâ mehou
 tuo zâ; tsiu a niekâ khapie rûümia phouse mesakeba-
 3 ki tuoi nie nupfunuo kemhie Khrista ki shüwa tuoüdi
 a hadzü pushüwate. Derei anou kiwe thiadzü tinyhüu
 puodâ vidi Iv se kewa tuoi niekâ nou Khrista kitsatie
 4 mesa mezhü ketuo chüpesuokewa preituoya. Kekreila-
 moü miapuonie vârdi hie thiadzü pupetha kemo
 Jisu, kekreipuo pupie petha, morei niekâ thiadzü
 nguliekemo, ruopfü, kekreipuo ngulie râ morei
 niekâ thiadzü zeliu kemo dieliekevi kekreipuo pupie
 niekâ pekia lirâ, niekâ themia sikechümiawe ngupie
 niekâ neilietuo pekruo. Derei a noukeleki arei
 5 apostel kezhatâkâ ki chü ütuo mo. Sirâ a diekepu
 6 dâ simo zâ ürei a mhawe si motuo mo; sikechü-
 umonyü mhaneiükâ nu dâ neiü chüdi hie süuse
 7 nie bu siliete. Mo a niekâ chüpezha shü tuoüdi
 athuo a chüpechülie. Jihova dieliekeviu methuo
 pupie niekâ petha keshü la a kejâ chüwa ma? A
 8 niekâ liechü tuoüdi kehau kekrekâ kinu a zha lie-
 9 di ukâ sewate; sirâ a hadzü niekâ ze badi tsâpfükeliuki
 zarei a niekâ miapuo burei ala kenounyü chiemo;
 10 kekreilamoü sükisü usiazemia huomia Makedonia nunu
 kevârki ukâ a tsâpfü bakechükâ kha a tsüshü kechüla.
 Mu mhakehupuo nurei a niekâ noupenyü vâd mo, mu
 11 tsiesia rei niekâ nou penyülielhâ. Khrista geinu kepar
 kethâu anou bakechü tuoi süsütuo a Akaya kijünu ake-
 12 nei hauha miapuorei a kha keliefü. Süsü kedipuola
 ga? Süsü a niekâ khrieya kemo la ma? Jihova thuo
 13 siba tuo. Mu a tsie chüya kezhakâ a tsiesia rei chüzâ-
 tuo; sidi hiekâ hiekâ neituoya kezha mhielie tuoüdi
 14 rür ketuokâ hie la ukâ khalie tuo. Sirâ themia sike-
 chükâ apostel ketijümia zâ, mu ukâ Khrista apostelkâ
 mevi chüdi mia sechütuoüdi mhakam chüya kezha krâ-
 15 puo zâ. Mu puothuo sürei ungâpuo mo; Satan thuo-
 rei puothuo kezie teigei dieliemia mevi chüya zeru.
 16 Sirâ puo dieliemia thuo kemiathân liethâkâ mevi chü
 sie zârei mhakezhapuo mo; ukâ mhathâkâ mhielie ukâ
 kata zâtuu.
 17 Miapuorei bu a üse kenyamia übiechie ikechü niekâ
 ki pulashüzhie. Niekâ aü siya ülie, rei aü kenyamia
 mhielie üliedi abu kemelha zaliechie. A die hakâ kepuki

- Niepuu kinu pukepar mhie modi kenyamia mhie mi-
 18 chiemodi kemelha tuoya. Themia kekra uchü-uphou
 kitsatie kemelhatuoya kezha tuoi arei kemelha tuo.
 19 Mhakekreilamonyü niekâ mhakesimia chüdi nie neidi
 20 kenyamia gei rei adielâ chütuoya kezha la. Kethâ,
 miapuonie niekâ telieta rei, niekâ techülieta rei, mu
 niekâ tezevâ puo diechülieta zârei. mu puothuo puo
 lepezha tuota zârei, mu puothuo theze shüpie nie tia ze
 21 zârei nie themia süu geirei adielâ chütuoya. A athuo
 arhumodi liethuo hieü kuokemo mhieya. A kenyamia-
 die mhie putuo : mia mhakehupuo nurei thepfu barâ,
 22 arei thepfu bazâ. Sükâ Ibrimia ma ? a rei zâ. Sükâ
 Israelmia ma ? a rei zâ. Sükâ Abraham yimiamia ma ? a
 23 rei zâ. Sükâ Khrista liethâmiamia ma ? a kenyamia mhie
 putuo : a sükâ ki vikuo ; awe sükâ ki puo lie chü kra-
 kuo, kedia rei chü krakuo, miabu a yürei phi zâ, mu
 24 tsiemeliie siata nuonuožâ. Judamia bu va pengou
 25 a vü kechü prüvâ kechü hiedia ketuo puo tsâmo.
 Mia bu va se khraisei pie a vü mia bu vapuo ketsiepie
 a va, rou suotadi abu va se kemezhieše. mu khunhia
 mu khuozhü sa a dzü kesou nu tuo. A tsiemeliie rüve :
 26 kerürkâ nurei kemichie dzüphi : sekechâmiamia dânu, nurei
 kemichie dzüphi : athuo aramia dânu nurei kemichie
 dzüphi : Judakemomia dânu nurei kemichie dzüphi :
 rünanadiu nunu rei kemichie dzüphi : nha nunu rei
 kemichie dzüphi : dzükezha nunu rei kemichie dzüphi :
 ukezemiamia ketijükâ dânu nurei kemichie dzüphi. A
 27 sükikâ rei mhakam chüdi kemezhiephi *morei* zemodi
 bakuophi *morei* merür *morei* tehrü *morei* khe kuo phi
 28 *morei* sei mu methuo tuoyazâ. Sirâ a puhulie mo ketakâ
 siarei kehokâ petekâ la a teisâniamia anou kemezhie
 29 chüdi tuoya zâ. Supuonie kuomo tuokechüki a puo
 mhie mota ga ? Supuonie mia puo peja keshüki anou
 30 mezhie mota ga ? A kemelha zhü lirâ, a kuomo keta
 dzekâ pu kemelha zâtu. A die hakâ kepu a tijümo
 31 zâkechü kechachie thetsepfü kesüu Niepu Jisu Nuopuo
 Jihova thuo siba. Thiadzüvapuo a telie ketuola
 32 Damaska nu kediu Areta khrükhrâ kéba kezha
 Damaskamia rüna nadiu pfebata zâ. Mu sükisâ mia
 33 laboupuo nunu a khapie dahou kechie puo nü shüshüdi
 a bu ta puo therhie kelie zâ.

- 12 Kemelha kechü mhapuorei kepra jü, derei *mia* la morâsuoteru a Niepuu kinu mhakengukâ mu thashü a
- 2 kia kechükâ pu tuo. Chie keredia te a Khrista kitsatie miapuo rüli sikechü, puo ze teilha seu nu khâ; puo mâ rei sa khâ mo kishi a simo, morei puo mâ samodi mo
- 3 kishi a simo, Jihova thuo siba. A sikechü themia süu ze kerüüchünü khâta, mu sükisü miapuorei pulie kelhâ
- 4 mu miabu pusuo kechü diekrâpuo si: mu sükisü puomâ pfüdi khâ mo, mo puomâ samodi shi a simo, Jihova thuo siba. Themia süu la a kemelha tuo, derei athuo ala zâwe a kuokemo dzetsatie uthâü a kemelha lielhâ.
- 6 Derei mhanüü a athuo kemelha nyü siezâ shierei a mhalemo zâdi pulielhâ: mhakekreilamonyü a kethâ-touu puzâ tieru. Derei miabu a ngudi mu adie sidi
- 7 a lepezha keta keprei la athuo a ketheliete. Sirâ mha thapie a kiakeshükâ diekezhase zâkechüla abu a lepezha thâr keta preidi zohupuo pie a chünu shüwate, süüsü abu a lepezha thâr molie ketuola Satan dieliemiapuo bu
- 8 a vüshü shütnoya. Jihova bu a goinu süu chüwa nudi a
- 9 Niepuu ki va se cha. Derei puo aki. "A n ngumezhie ketuo sia sü sa moreivi; mhakekreilamonyü *mia* kuokemo nunu a kekuo sitsei parlieya kechüla"; site. A süla Khrista kekuo bu agei balie ketuola a kuokemo
- 10 tsatie la kemelha kechü aneikuote. Süla a Khrista lanu zâwe kuokemokânu rei, zhase kepfükâ nurei ketsâpfükâ nurei, mia a pechüpenyü kechükâ nurei, kemezhie kechükâ nurei a neituote: mhakekreilamonyü a kuomo kechüki, sükisü a kuoba kechüla.
- 11 A nyate; nie la a si morâsuote; a niekâ kinu thetse pfü rei zhü; mhakekreilamonyü azâwe mhathâpuo mozârei apostel kezathâkâ ki chüchie mo kechüla.
- 12 Apostel kechü zasi a niekâ dânunu shügeshühiekelie khekâ zasikâ mu ungâ mhathâkâ mu kekuo mhathâkâ
- 13 chüshüwata zâ mechie. A niekâ nou penyü kemo-u siatsa niekâ mhakikechüpuo nu kehou kekrekâ ki suokuo ga? A kejâ süu va shü a tsüchie.

KORINTIAKÄ KI MHAKEPU THELAU.

- 14 Harie, a niekâ ki vâtuöüdi kesekeli; hauha va seu ho; mu *tsienwa* rei a niekâ nou penyülielhâ zâ; a niekâ vie

- monyü niekâ pfü ketuo zâ: mhakekreilamonyü puo nuonuo puo khrü dze medâ monyü puo krüa puo
 15 nuonuo dze medâya zâ kechûla. Tsiu a niekâ ruopfû dzevi la a aneisieidi a vieketuokâyâ vashünyü bazâ mu aphou rei khashü tsüzâ tuo. A niekâ khrie ba-
 16 tsuohade chüyazâ rei niekâ a khrie petsa tuo le? Puothuosi reite; azâwe athuo ala niekâ nou penyümo rei a dâvidi
 17 thedâ pie niekâ teliete nhia. A mia ketsepie niekâ
 18 ki shüdi sükâ huomia bu niekâ peseü mha ma? A Tita bu vânuhü mu a usiazen ketseshüdi puobu puo ze vâ. Tita niekâ peseü mha ma? hienia keninia Ruopfû puo medâ nu tuo zâ mo ma? Hienia keninia phinyâ kezâpuo nu zhâtuo mo ma?
- 19 Hie mhahakâ kepunu niekâ hie üse niekâ mhâdzü nunu hiethuo hie mezaketuo puo mhie bazâ; derei hie Jihova mhâdzü nunu Khrista la mahapu keba zâ. Sirei hie khriekâ, hie mhakêhupuo nurei niekâ chûpe-
 20 vishü ketuola zâ. A vâr kechü ki arei niekâ ngupie a medâ mhie kemo mu niekâ rei a ngupie niekâ medâ mhie kemo chüketa prei. Sikechûpuo chûtse kegei kechü, huoniehüo kevi ngu urâ kechü, noupfûnouvie, kezekesuo, ketha kechü, huoniehüo kebe kechü, kâ methuo hechê.
 21 mhakebvü kechü, hakâ sier kechü prei. Sirâ a kevâr ki niekâ dânu themia kekra hadzû kejakemou chûkewakâ la mu ukâ kejâ chükewa mesakenio mu picü mu kethenga pete kechü la unou kedilie kemo la a Jihova a bu niekâ la mengadi sükâ la abu anousuo phi ketuo prei bazâ.
- 13 A niekâ ki vâr tuoü zhü kechü hauha va seu ho. Mia kenia kese zhapu bata râ udie kehupuorei mezhü
 2 taya. A niekâ ki vâ kechü va kenia uva a pedzü niekâ tarhâshü, tsieuva rei kevâr mhâdzü a niekâ tarhâshü zhü ho; niekâ kehupuorei hadzû kejâ chükewakâ rei mu niekâ kekrekâ rei sa a lavâr kechü sia a miapuorei
 3 khrie lielhâ. Mhakekrei lamonyü Khrista a nu badi diepuya kezha kethâ mo moshi kechü niekâ sinyü baya kechü a siba zâ kechûla. Mu puo niekâ nû ba kechü
 4 kuomodi monyü kuosedî nie kitsatie tha zâ. Thiadzü puo kuokemq la mia bu krus geinu puo gou, derei puo tsiewe Jihova kekua la rhêi tuote. Sirâ hie rei

- thiadzū puo kuokemo mhie kuomo derei hie niekâ ki
 5 kevâ ki Jihova kekuola puo rheituo keta mhie lhoushū
 niekâ kiatio. Niekâa kepeleunu bazâ mo moshi kechū
 niethuo nie rūli lephi chie; sidi nie puoton mo
 moshi kechū lechie. Morei Jisu Khrista niekâ nu
 6 bakechū niekâ sū sikemechie mo zâ ma? Moū lirâ
 7 niekâū puotoū mo ütatio. Derei a kelewe niekâ hieū
 puotoū moū kechū medâ lielâ nhia ituo zâ. Sirâ niekâ
 bu kesuo puorei chūrōo balie ketuola hie Jihova ki
 chabaya; sūsū hie puoton chūketuo miabu ngu tuoūdi
 8 monyū hieethuo puoton kemomia mhie zâ shierei nie
 bu kemezhū sū chūlie ketuola zâ. Sirâ hie kethāu
 yapie zâ kemosia kethāu ngu kemvū hie mhapuorei
 9 chūlie kenjū. Sūla hie kuokemoki mu niekâ kuokebaki
 hie neituoŷa; sirâ nie vitseikelieu la rei hie cha baya.
 10 Hahala a niekâ ki bakemoki die hakâ thushū zhū ho:
 sirâ Niepuua abu bierhūowâ nudi monyū chūkemeteishū
 ketuola kekuo kha a ketsūu sedi niekâ ki kevârki abu
 11 adie rehie. Chūsia, azenuokâ, niekâ nei baliechie
 Vitseizâ vâlie; nie nou luo batalie; kenourhe balie;
 kezevidi balie; silielirâ kekhrie mu thenou kemenc puo
 12 nu baya kezha Jihova niekâ ze balietuo. Kemesakâ
 huoniehūo mebâ kezha zhâ se niekâ huoniehūo kelu-
 shūchie.
 13 Kemesakâ pete niekâ kelu phreshū ho.
 14 U Niepu Jisu Khrista ungukemezhieu mu Jihova
 u kekhrieu mu Kemesa Ruopfū uya chūkeshūu bu niekâ
 petekâ ze bakelieu chūliechie.

Galatians
Ephesians
Philippians
Colossians

Angami
Naga

Galatiakâ, Efesakâ, Filipikâ mu Kolosiakâ Kikeshü Leshukâ

KALAKATA :
BRITISH AND FÂREN BAIBEL SOSAIETI THUO
CHÜ KEYIE KESHÜ
23, CHOWRINGHEE ROAD
1924

Paul-a Leshü Thupie Galatiakâ

Ki Keshü

PAUL MISSION KAM DZE.

- 1 Themia kinu rei mo, morei miapuo la rei mo, derei Jisu Khrista mu u-Puo Jihova, kesiamia dânunu Krista
2 kesou kelieu la apostel chükelié, a Paul, mu aze ketuo azekâ pete kinu, kha, Galatia kehokâ ki keshü : u-Puo
3 Jihova mu u-Niepu Jisu Khrista bu niekâ ngukemezhieu chü, mu keviu chü balie. Puaa u-Puo Jihova medâ
4 mhiei tsiedâ kerzhü kijü hau nunu uze talie tuoüdi, u-kephumakâ la puothuo puophou khashü : puo
5 bu telhekechachie vizapuzayie chükelién chülicchie.
• Amen.
6 Khrista Kinu Kepar ngukemezhieu la niekâ Kiekelién, niekâ rükri hathede chüdi puo therhie dieliekevi kekrei-
7 tsatie vâtazhü kechü, a ngâ zâ ; süsü üse dieliekevi kekrei ükechü rei pulie kenjü : themia huomia niekâ
8 kehyukezhiedi Krista dieliekeviu pupesuo nyüya kezha zâ. Derei hie kehupuo shierei, morei teigei nu ketsur
9 terhüümia zâ shierei, hie tsiedzü niekâ ki pupetha tuoya kezha kemo dieliekevi kekrei se niekâ pethaya lirâ,
10 sūu bu keviu chükenyü. Hiekâ thiadzü niekâ ki kepu kemhie a tsierei sükemhie pulaya : themia kehupuorei
11 niekâ thiadzü ngukelién kemo dieliekevi kekrei pupie niekâ pethaya râ, puo bu keviu chükenyü. Ka, sirâ, a
12 themia khrie pfünyüya mo ? Jihova khrie pfünyüya ga ? Mo a themia neichü tuoüdi a hiechüya ga ? A tsierei themia neichüyaü lirâ, a Krista kituomia chülie kenjü.
11 Sirâ azenuokâ, a dieliekevi pethaketuo-u themia medâ
12 mhie mo kechü, a nie bu silie nyü. Mlakekreila monyü a süsü themia kinu ngureilie mo, morei mia burei süu

- pupie a petharei mo, derei Jisu Khrista thuo thashü a
 13 kia kechüla zâ. Mu sirâ niekâ a thiadzü Judamia zhâ
 zeketuoki azhâ arülikâ situo, a Jihova kehou ngumvüle
 ngumvüthâr sie di pejü rei watuoü sie zâ. Sidi a arüna-
 14 mia dânu atsiepfumia zhâu se ateitsâ chüsedî atsü ademia
 15 mhâdzü Judamia zhânu kerîathâ puo chüsier. Derei
 Jihovaa a azuo vanu ketuonu a kelakreiliedi puothuo a
 ngukemezhie la a kiepie a bu Judakemokâ mhâdzünü
 17 pie pethakeshü ledi, anou nû puo Nuo-u pie a pekiashü
 tuoü kechü puo medâta kechüki, sükiü aa uthemia
 medâ rûsarünyü mo : morei a amhâdzü chükeriakâ pfü
 Jirusalem nu khâmo : derei a Arabia nu tsu, sirâ la
 Damaska nu vâ.
 18 Süsia chie se sianu a Kefa ze kemiasi tuoüdi Jirusalem
 19 nu khâdi zha kerepengou puoze ba. Derei Niepuu nuo-
 siazeu Jakob sa ngukechüu thâü apostel kekrekâ puorei
 20 ngumo. Sirâ a thupie 'niekâ kishü ketuokâ, harie,
 21 Jihova mhingukinu puya : die sükâ a tifüya mo. Süsia
 22 a Siria mu Kilikia rûnakâ nu vâ. Mû sükisü Khrista
 peleya kezha Judia rûna nu kehoukâ ze kezîe ngudi
 kesimo. Derei ukâa, Thiadzüvapuo ungumvüketuo-u
 23 tsiewe puo thiadzü biepekawa tuoü kesie kepeleu
 pupie mia petha zhie ! ikechü mia kepu kesi zâ. Sidi
 24 ukâa a la Jihova tseta.

- 2 Süsia chie keredia ki a mu Barnaba hienia, Tita
 2 rei sa zedi, Jirusalem nu lakhâ. Mu a mhapuo anou
 nu aki pushü kechüla khâ : sidi a Judakemokâ mhâ-
 dzünü pupetha kezha dieliekevi ukâ bu silie, derei
 therhukâ mhâdzünüwe aü kemethuo puonu a hiechü
 vâ, morei a teitsâ chütuo monhia kechü, pekhredi
 ukâ rüchü. Derei aze ketuo Tita, Grikmia zârei,
 3 puobu puo zhüre mo. Mhakekreila monyü süsü
 4 unouuthâ modi ler kebakâ lanu zâ : sükâü, we Jisu
 Khrista la u kekha jüta kechü, süsü siliedi thezhâ
 se u phalie tuoüdi kemiadaü ler keba zâ. Dielie-
 5 kevi kethâu bu niekâ ze balie ketuola, hië keduo-
 nuoyâpuo rei ukâ die zechie mo. Derei therhu huoyâ
 6 baza kechükâ,—ukâthuo kehupuo mhie shierei azâwe
 anou kenýü, jü ; Jihovaa themia medâ ze kerheya
 mo—therhu nyi kechü sükâ a kiwe mhakesa puorei

- 7 pumo. Sikechüu monyü zhükerekâ pie Pitor pelekewa tuoi, süsütuo dieliekeviu se zhürekemokâ pethatuoü kechüla a pelekewa ukâ ngulie. Mhakekreila
- 8 monyü zhükerekâ lanu apostelkam pie Pitor tsükeshüu Judakemokâ larei apostelkam kha a tsü kechüla.
- 9 Tsiu ngukemezhie hau kha a tsükewa lელიetse Jakob mu Kefa mu Johan nuokâ thekrü chüdi therhupfü kebakâ a pu Barnaba hienia bu Judakemokâ ki vânu, mu ukâ zhükerekâ ki, ituoüdi ukrâmia kechü zasi udzie uzatsa se hienia dzie bie. Ukâ hienia bu
- 10 kejükâ rüli rükranu reisa; mu arei süu lepie a nounyü bazâ.
- 11 Derei Kefa Antiok nu kevârki a puo kengukinu puo kejâ puzâ: puo jâtaza kechüla. Mhakekreila
- 12 monyü mia huomia Jakob kinu sünu vârkechü mhâdzü puo Judakemokâ ze mhachü; sibadi mia vârtse puo zhükerekâ la miehiedi puothuo puo kereikrei se sükâ
- 13 ze krâ puo chü bamota. Tsiu Judamia kekrekâ rei puo mhiei kethera ketuo zâ; sizâmonyü puo mhâ nu kethera kechü süse Barnaba rei seze tuota. Derei
- 14 sükâ dieliekevi kethânu papie ketuo mhie mezhütou tholie mota kechü aa ngulietse ukâ petekâ kesikengu kinu a Kefa üse, Nâ Judamia chüdi Judamiazhâ semodi Judakemomia mhie tuota kechü, kikidi Judakemomia hüpie ubu Judamia zhâ zeli vituo ga? isishü. Avu
- 15 Judakemo phuma kechümia monyü; sietsenu Judamia
- 16 zâ nhia, derei Jisu Khrista pelekemo sia niapuorei thezhânu chülie morâkesuokâ chü kechüla miathâlieya mo ükechü silie; süla avu thezhânu nu zeli morâkesuokâ la monyü, Khrista kepele la miathâlie tuomu idi Jisu Khrista pelete. Mhakekreila monyü, Themia puorei thezhânu nu chümorâkesuokâ chüdi
- 17 miathâlieya mo, kechüla. Derei Khrista geinu miathâlieya ükechü levâ râ, uthuo ütise phuma kechümia ükechü rei sisalieya ürâ, Khristaü süla phuma kechü liethâmia ülie vi ma? Si motâ zâ. Mu aa athuo
- 18 bienhuokewakâ chüla lirâ, a üse thezhâ varhuo kechümia ütatuo. Mhakekreila monyü awe Jihova mhâdzünu, rheituolie tuoü kechüla thezhânu mhâdzünu thezhâ se chütuota kechüla. Awe Khrista ze krus geinu a
- 20 gouwate; mu a rheituota kechü a monyü, a nu ketuo

- Khrista thuo zâ: mu a tsie themia mhieidi lhoutuo kechü, a kelhou süsü kepeleü lhoutuo kechü zâ; kepele süsü a khriedi a lanu puo phou kbakeshü
- 21 Jihova Nuo-u kepele zâ. A Jihova ungukemezhieu pie kemethuo chüwaya mo: thezhâu keze la miathâ-lieya ürâ. süsia Khrista sewe kemethuo puo mhie tatiea.

KEPELE LA KELAKELE NGULIEYA. *

- 3 Harie kemelâ Galatiakâ, Supuo bu niekâ kemouwa taga? kemowe niekâ mhingukinu Jisu Khrista pie krus geinu gouwata kechü tha kemeyiemeluo shüze!
- 2 A diehayâha niekâ kinu sinyü kechü zâ: Ka, niekâ Kemesa Ruopfüu ngukelie, thezhâu nu chûmorâkesuokâ chûkechü la. mo kepeledie kesi la ga? Niekâ melâ pie hapfü chûbazâ ma? Ruopfüu medâ nunu sede
- 4 siedi tsie themia medâ nunu thekha chütuo ma? Niekâ kemethuo nunu kemezhie hatsuohade chü vâr ma?
- 5 Niekâ thedâ chütuo kethâ le? Ruopfüu kha niekâ tsü mu niekâ dânunu mha ungâzâ kechükâ Chüya-kezhau, puo thezhâ nu chûmorâkesuokâ sedi chüya, mo kepelediekesi se ga? Abraham rei Jihova pelelie,
- 6 süla puo üse miathâ ükelie zâ. Süla kehupuorei kepele nunu lhou ketuokâ sükâsü Abraham nuonuokâ ükechü siliechie. Sizâmonyü kepele la Jihovaa Juda-
- 8 miakemokâ rei chükemiathâlie tuo ikechü pedzüperia sidi Kethâleshüa peria Abraham fi. N geinu themia petekâ theja lietuo, isidi dieliekevin pushü. Süla
- 9 kepele nunu lhoketuokâ, sükâ kepeleu Abraham ze theja lieya. Derei thezhâu nu chûmorâkesuokâ chüya-kezhâ khe rüsewaya: kekreilamonyü. Themia kehupuorei
- 10 thezhâ leshüdau nu thupie ketuokâ chüuze phreya kemo khe rüsewaya, isidi thupie zhü kechüla. Derei
- 11 thezhâu la themia puorei Jihova mhâdzütu miathâ-lieya mo ikechü si mechietsuo bazâ: mhakekreila monyü, Kemiathâmia kepele la rheilie tuo, kechüla.
- 12 Thezhâu kepele nunu mba, derei sükâ chüphreya
- 13 kezhamia sükâ la rheilie tuo. Japie Abraham tsü tuo ketuo-u Jisu Khrista la Judakemokâ burei ngulie
- 14 ketuo, mu yrei pelelie lirâ, pupie kezhu Ruopfüu ngulie ketuo la, u la Khrista rüsewa; sidi thezhâu

nu rüsekewau nunu puo u rhaliete: mhakekreila monyü, Seigeinu ugou kewa khe rüsewate, isi kechü thupie kezhü la.

- 15 A kezenuokâ, aa themia rüli geinu mhapuo pushütuo: themia thuo zâ rei mhapuo kepupie zhülie râ, mia-
puorei süu varei waya mo morei pukehie rei saya
- 16 mo. Sirâ mhapupiekezhükâ Abraham mu puo yieu
la zâ. Pupa pukechü, kekra dze kepu tuoi, "Mu
puo yiekâ," isi mba; derei puo rürbei dze kepu tuoi,
"Mu n yieu," si; süüsü Khrista zâ. Sirâ a kepua
- 17 haha: Jihovaa pedzüperia mhapuo putoupie kezhüu,
vär chie kriadia di ser zenu ngukelie thezhâua thiadzü
pupie kezhüu die süu pupejüpie puo bu thedâ chütalie
- 18 kenjü. Sirâ theka süu thezhâu la lirâ, süüsü pupie-
kezhüu la mote: derei Jihovaa pupiekezhüu la süüsü
khapsie Abraham tsü.
- 19 Thezhâu kedipuo laga sirâ? Puo yieu la pupiekezhüu.
süu värkemokikâ thezhâkevarhuo la süu khakeshü zâ.
Mu süüsü teigei dieliekâ bu kha thedânu dielie chüya-
kezhamia dzienu keyie keshü zâ. Thedânu dielie chüke-
- 20 zhauwe tietsatie puo rürbei lazâ mba; derei Jihova
- 21 we puo zâ. Sirâ thezhâua Jihova pupiekezhükâ ze
kerhekemopuo chü ma? Sisuo zâ! U chüperheilie kevi
thezhâ khashüwata likechü sia thezhâ süu la miathâlie
- 22 zätuo. Derei Jisu Khrista kepele la pupiekezhüu pie
puo kepelekâ tsülie ketuola Kethâleshüa petekâ pie
kephuma bu khapsie bate.
- 23 Derei kenuotsa pesishü ketuo kepeleu la, kepeleu
kevâr mhâdzü, we thezhâu khrükhâ u khapfü tuo.
- 24 Thezhâua sidi uze Khrista ki välie tuoü kechü
unhichuki utheke kechüpuo chütuo, kepele nunu
- 25 u chükemiathâlie ketuola. Derei tsiewe kepele värketa
sia we unhichu kethekeu khrükhâ bamote. Mhake-
- 26 kreila monyü Jisu Khrista kepele la niekâ petekâ
- 27 Jihova nuokâ chüta kechüla. Sirâ Jisu la baptaiz
- 28 chükelie khe Jisu chüdzieliete. Judamia mu Grikmia
üketuokâ kekreibielhâ, mia die mu miadie chükemo
rei kekreibielhâ, thepfu mu thenu rei kekreibielhâ;
mhakekreila monyü niekâ petekâ Jisu Khrista lanu
- 29 puo chüketa la. Tsiu niekâ Khrista vie chükelie

sia, thiadzü pupie kezhü tuoi, niekâ Abraham yie,
mu kayiekâ chülie tuo.

- 4 Derei a diewe haha : Kayieua nhichu ba kechüchie,
puo petekâ mhâ niepu zârei, kituomia ze kekreiya
2 mo; derei pua puoa puotei pushü kemochie pua
puokethekemiamu puomhâ kebamiâ khrükhrâ baya
3 zâ. We rei süsütuoï unhichuki kijü haunu kepethadie
4 keriakâ die chütuo: sirei puâ zhatsâ vârlietse Jihovaa
puo Nuo-u ketseshüdi pua bu thenumiapfupuo geinu
lhoudi thezhâu zetuoüdi pennolie, mhakekreilamonyü
5 pua thezhâu khrükhrâ ketuokâ rhalie tuoü mu ubunu
puo nuonuothâ chülie tuoü kechüla. Sirâ niekâ pua
6 nuonuokâ chüta kechüla Jihovaa pua Nuo-u Ruopfüu
7 ketsepie unou shü; puoa Aba a-Puo isishüya. Süla
nä kituomia monyü nuothânno te, sirâ nuothânno lirâ,
Jihova la kayieu rei chütö.

JIHOVA NGUKEMEZHIE THERHIETA HIECHIE.

- 8 Kehuchürei thiadzü niekâ Jihova sikemoki niekâ
9 terhuokethâkemo krâpuo die chütuo: derei tsiewe
niekâ Jihova siliete, sizâmonyü Jihova bu niekâ siliete.
Sidi niekâ kiüdi la kethachü mu umezhiekehrü kepe-
thadie keriakâ nu lavâdi sükâ bunu niekâ khapie u
diechünyüya ga? Niekâ teisâzhakâ mu thekhrükâ
10 mu puotei kekreikechükâ mu teichiekâ kenyütuoia.
11 A niekâ la amelousuo zâ, a niekâ la ateitsâ chütuo
kehrü kemethuo chüzâwa thenyüsia.
12 Harie azenuokâ, niekâ peziarei niekâ a mhieliechie:
arei niekâ mhiete we. Niekâ thiadzü aneikemo puorei
13 chümo derei a keriavva amo kesuopuo la badi dielie-
14 keviu pupie niekâ kia kechü niekâ si batuo. Sirâ
amokesuo toupfü niekâ medâphi kechüpao chüshü
zârei, niekâa sürei thi reimo morei melia reimo; derei
niekâa a reiü Jihova dieliemiapuo mhielie Khrista Jisu
15 rei mhielie idi a zelielie. Ka, sirâ tsiewe thiadzü niekâ
neiusü kirapuo vâta ga? Kekreila monyü sükisü a
niekâ rüli sikechü, niekâ chülie vi kechü sia niekâ
mhielie rei kerlapie a tsüzâ ketuopfü chüsiezâ. Sirâ tsie
16 a niekâ ki kethâu pie pukeshüla niekâ aü niekâ ngu

- mvümia chüte ma ? Miakrâpuo uhiechüdi niekâ pfütuo
 17 kechü kemezhu chatsa la mba, derei niekâ bu ukâ
 pfülie tuoü kechüla ukâ niekâ khalie nyütuo kechü zâ.
 18 Derei niekâa, a niekâ ze kebaki rürbei zâmonyü, niekâ
 19 hiechüdi mhakeviusü pfüseituo zâliechie. Harie anuo-
 nuokâ, nuopenuo kechü kemezhiiephi kezha tuoi arei
 Khrista bu^o le niekâ nu ba chüse chülie kemochie
 20 ava^o kechü chü labate ; sizâmonyü a tsiewe niekâ ki
 lavâdi apfeü chüpekrei lanyü bate ; mhakekreilamonyü
 a niekâ la anou kehukeruo chü bata kechüla.
 21 Harie thezhâu khrükhrâ tuonyüya kezhakâ, niekâ
 a ki pushü thia : Niekâ thezhâu *kephrü* siya mba ma ?
 22 Abraham nuo thepfumia kenia nyi ükechü thupie tuo
 dia, puo puodiepfü nuo, mu puo puodiekemopfü
 23 nuo. Derei kediepfü nuoa themia la lhou, sirei kedie-
 kemopfü puoa pupiekehrü la lhou. Mha süniasü dievii
 24 rei sazâ : *thenu* süniasü^o die kenia ; puo Sinai kijüthou
 25 geinu, puo nuonuo penuopie kedie chü, süpfüsü Hagar.
 Sirâ Hagar süpfüsü Arabia nu Sinai kijüthouu, mu
 tsiedâ keba Jirusalem-u mese : mhakekreilamonyü
 26 puo puonunuokâ ze kedie chüya kechüla. Derei
 27 Jirusalem pesâgei kebapfü kedie chümo ; süpfüsü
 uzuo zâ. Sirâ,
 Harie nuopenuokemo nuofüpfü,
 nâ n neiliechie ;
 Harie, nuopenuokechü kechü ngukemopfü,
 nâ mepfukeruolie :
 Mhakekreila monyü puorürbei kebapfü
 nuonuo puonupfu kenyipfü nuonuo
 ki krakuo kechüla.
 28 hau thupie zhü. Sirâ akezenuokâ, we rei Isak mhiei
 29 pupiekehrü nuonuo^o chüte. Derei sükisürei uchü-
 uphou *medâ* nunu penuokelieu Ruopfüu *medâ* nunu
 30 penuokelieu pese, tsierei sümhie bazâ. Derei Kethâ-
 leshüa kedipuo puya ? Kediepfü mu puonuo unia
 whuowalichie. Mhakekreilamonyü kediepfü nuoa
 31 kediekemopfü nuo ze kekarhelie kesuo la. Süla akeze-
 nuokâ, we kediepfü nuonuo mba, kediekemopfü *nuonuo*
 zâ.

5 Miaäie chümo^o tuoü kechüla Khristaa u khashüwate :

sûla chûse chûthalie, sirâ kedie vâchie bu niekâ vâchie lahie.

- 2 Harie, a Paul niekâ ki puya : Niekâ, nie zhürepfülie
 3 lirâ, niekâ Khrista kitsatie kemethuo zâ te. Tsiu sirâ
 a uzhürekepfü khekâ zhapu lashü zhie, ukâ thezhâu
 4 pete chüüzelië morâsuo phrete. Niekâ thezhâu la
 miathâlie tuo üketuokâ, niekâ Khrista kitsatiëwe
 kemethuo chüte; niekâa ngukemezhieu ðherhiëte.
 5 Derei we Ruopfüu la peledi kemiathâwe menguketuo-
 u pfetuo zâ. Mhakekreila monyü Khrista Jisu kitsatie-
 6 we zhürepfü rei zhürepfümo rei mhapuorei chükelië jü :
 derei noushünouzhie se ruhachüya kezha kepeleu zâ.
 7 Niekâ thiadzü niekâ rhie chüsie zemu; supuonie niekâ
 bu kethâu dieze hienudi niekâ khawa ga? Niekâ
 8 nou chükeshü hauha niekâ kieyakezhau kinu lielhâ
 9 zâ. Khrei keduoypuo la puo da pete pouliëya. A
 10 niekâ bunu niekâ nou krei hienudi Niepuu la niekâ
 pele tuo zâ. Derei kehupuo shierei niekâ kehyuke-
 zhieya kezha puo bu siezha chütuo. Derei aha,
 11 akezenuokâ, a tsierei zhükere pu mia pêtha tuoya zârâ,
 mia kiüdi a zhaseya ga? Süu pupethaya zâlirâ, krus
 12 mia kerei kechüu bamotatie. Niekâ nou chüpesuo
 kezhamia bu uthuo uchiethe seketawe aneikuo.
 13 Sirâ, harie akezenuokâ, miadie chümo tuoü kechüla
 niekâ kieliete; derei niekâ kedie chümo kechü süsü la
 uchü-uphou medâ chüta monyü, noushünouzhie sedi
 14 huoniehüo liechüliechie. Mhakekreilamonyü, N siaza-
 nuomia rei khriëpie n mhiëliechie, ikechü diepuo hau
 15 nunu rei thezhâ pete tseiliëta zâ kechüla. Derei niekâ
 kemeki ketechü baya zâlirâ, niekâ huoniehüo peka-
 wamo ketuo-u la menuoliechie.

RUOPFÜU DIE ZELIENU KECHÜ DIE.

- 16 Derei a diea haha : Ruopfüu bu nie zetuolie, silie-
 17 lirâ niekâ uchü-uphou kemengukâ chüta lielhâ; uchü-
 uphoua Ruopfüu neikemokâ mënguya, mu Ruopfüu
 rei uchü-uphou neikemokâ; mhakekreilamonyü süniäsü
 kengumvüya kechüla. Süla niekâa niekâ medâkâ chüta
 18 lielhâ. Sirei Ruopfüu bu niekâ zetuolie lirâ, niekâ the-
 19 zhâu khrükhrâ, bamote. Sirâ uchü-uphoua chüyake-

- zhakâ meyiemeluo pfûba, mu sükâsü pieü, mesakemo,
 20 kerüyâ, terhuorhi shüdi rüsuokechü, themoukechü,
 kengumvükechü, kegeikechü, miakevi ngu urâkechü,
 unoukemeyie, ula kekreikechü, kedia kreikechü, umedâ
 21 kekreikechü, mia bu u ki vinyümo kechü, mezekechü,
 mezedi keze kethenga pete chükechü, hakâha mu ke-
 krei sükemlie rei sa : sükâsüla a thiadzü niekâ tarhâ
 keshü tuoi tsierei a niekâ tarhâ shüya, themia kehu-
 puorei mha sikechükâ chüyakezhakâ Jihova kedikechü
 nu uya ngu lielhâ. Derei kekhrîe, uneikechü, kedietâ,
 22 kâkemo, ukethekerekechü, hakâha Ruopfü sikâ : thezhâ
 23 puorei mbahikechükâ ngupie uneikemo jü. Sizâmonyü
 24 themia kehupuorei Khrista Jisu bu ukha puovie chüya
 kezhakâa uchü-uphou pie ua mengu mu rüya kezhakâ
 sapie krus gei gouvate
 25 We Ruopfüu la rheituoya lirâ, Ruopfüu bu u zetuolie
 26 khe! We huoniehua neikemo chü mu huoniehua bu
 huoniehua ki vinyümodi kâmethua tuomolie khe!

- 6 Harie akezenuokâ, themia kehupuorei phumata
 kechü silie lirâ, niekâ Ruopfü themiakâ niekâ nie-
 zhâ visedi themia sikechümia chükemezhü laliechie.
 Sirâ nârei dâphi *sikechünu* le molie ketuola nthuo ncha
 philie. Niekâ kekhâyalie sidi Khrista zhâu chütsei-
 2 liechie. Sirâ themia kehupuorei puo zâwe mhathâpuo
 3 mozarei puothuo puoü mhapuo chülie kevi leya lirâ
 sümia uthuo uketsiya kezha zâ. Derei themia kehu-
 4 puorei uthuo urüli si menuolie, silielirâ puo puoza-
 nuomia la monyü puothuo puo kitsatie rürbei la thetse
 5 pfülie tuo. Mhakekreila monyü themia kehupuorei
 puothuo puopieusü puothuo pfüpfü phre tuo kechüla.
 6 Derei themia kehupuorei kethâdie hau pie upetha-
 lieya kezha khe mhakevi petepie puo pethaya kezha
 ze kezaliechie. Mia bu u sewa hiechie: Jihova
 mesü kewapuo lielhamu. Themia kehupuorei puothuo
 7 prukeshüu puo süu re zâtuo kechüla. Tsiu themia
 8 kehupuorei puothou puochü-puophouu la tsia vashürâ,
 puochü-puophouu la kekau relatuo; derei themia kehu-
 puorei Ruopfüu la tsia vashürâ, Ruopfüu la kechachie
 9 kerheiprü relazâ tuo. Sirâ mhakevi chükechüu nyieta
 hiechie; mhakekreilamonyü mezieta morâ, puotei touki

- 10 we relazâtuo kechûla. Sûla kehukirei we chûliekeviki themia petekâ geirei, mu kepeleu kinumia la pekua idi mhakevi chûlie khe!
- 11 Harie, a leshûkhu kezha za idi athuo adziepie thupie
 12 niekâ kishû ho. Themia kehupuorei uchû-uphouu medâ nunu uthuo uchûpezha nyûyakezha khekâ thuo niekâ bu niekâ zhürepfülienu beiya kezha za; themia sükâa Khrista krus-u la zhase pfû molie ketuo kele la za.
- 13 Sizâmonyû uzhûre pfûya kezha za ukâthuo rei thezhâu zeya mo; derei themia sükâ niechû-niephou kitsatie la thetsepfülie ketuo ledi niekâ bu niekâ zhürepfülie nyûya
- 14 kezha za. Sirei u-Niepu Jisu Khrista krus-u la sia a thetse pfülielhâ za. Pua la a mhâdzûkiwe kijû thetserû-yakâ pie krus geinu gouwate, mu kijû hau kitsatie rei a khapie krus geinu gouwate. Mhakekreilamonyû uzhû-
- 15 repfü rei repfümo rei, süpwê mhapuô mo, derei chûke-sakeliea puobâ kechûla. Tsû sirâ themia kehupuorei die ha zekelie khekâ mu Jihova themia Israelkâ bu keviu chûlie mu ngukemezhieu rei chûlie
- 17 Thiayawinu miapuorei bu a kehû hietaluo: mhakekreilamonyû a athuo a mâ gei zârei Jisu la thepfû neiû toupfü tuo kechûla.
- 18 Harie akezenuokâ, u-Niepu Jisu Khrista ngukemezhie bu niekâ ruopfû zetuo kelieu chûliechie. Amen.

Paul-a Leshü Thupie Efesakâ Ki Keshü

KELAKELIE LA JIHOVA KETSE.

Jihova medâ lanu Khrista Jisu apostel kechümia puo, Paul-a *thupie* Efesa nu keba kemesakâ mu Jisu nunu kethâ chüyakezhakâ ki keshü : Upuo Jihova mu Uniepu Jisu Khrista bunu niekâ ngukemezhieu chülie mu niekâ keviu chübalie.

- 3 Khrista nunu teigei ruopfüttheja neiükâ japie u
ketsüu u-Niepu Jisu Khrista Nuopuo Jihova bu
4 thetse pfükeliu chülicchie : Pua ubu unoushü nouzhie
nyldi puo kenguki mesa mu jâmolie ketuola kijühau
chükelie mhâdzü Khrista nunu u kedalie : Puothuo
5 puone puomedâ kevikâ chüdi Jisu Khrista la uthekepie
ubu puo nuo nuothânua kemhiekâ chütuoüdi pedzü-
6 peria kesetoulie, mhakekreila monyü puo Khrieu la
methuo kha utsükeshü puo ungukemezhie zayie chü-
7 keshüu tselienu kechüla zâ : *puo Khrieu* la puo ungu-
mezhie thârya kezha nunu ukâ puoziapie ukâ rhaliedi
8 ukefâkemoukâ vakelie ngulie. *Ngukemezhie sükâsü*
9 puoa mhakesi kele neiükâ nu uketsukelhuo chüshü ;
sidi puoa puomedâ kesoukâ Khrista nunu chütuoü
tuokechü puone puomedâ kevikâ thashü ukia ; *süüsü*
10 mhakekreilamonyü zhatsâkelieki chütuoüdi hrüpie-
ketuokâ teigei ketuokâ rei kijü haunu ketuokâ rei
rhekesa phrepie puo chütuoü kechüla zâ ; puothuo
11 puo medâ nunu hrüliedi mhapetekâ chüpie puo medâ
chüyakezhau, puo medâ kemhie pedzüperia chütou-
liedi w Khrista nunu theka rei welie. Mhakekreila-
12 monyü Khristau vârtuoüdi hie thiadzü pfeketuokâ bu
puo zapuzayie kechüu tselie ketuola ; puo nunu niekâ rei

- 13 kethâdie nie kelakelie dieliekeviu silie; puo nunu
 pele rei kelie la niekâ pupiekezhû Kemesa Ruopfûu
 bu niekâ gei mohor vûwate: sîusû Jihova zapuzayie
 14 kechûu tselie ketuola puovie chûketakâ rhalieketuo
 we ngulieketuo thekau lhitepuo zâ.

KHRISTA MEDÂ ZEYA KEZHAKÂ SIADZE KEVI.

- 15 Sîsûla niekâ Niepu Jîsu pelekezhâ mu kemesakâ
 16 petekâ ngupie niekâ neiya kezha sidi, rei akechakânu
 17 niekâ rûlipie pudi Jihova tsemodi bayamo. Niepu
 Jîsu Khrista Nuopuo-u zapuzayie kechûu Nuopuo-u bu
 puothuo puomhasi nunu mhakele mu kesi Ruopfû
 kha niekâ tsûkelieu chûlie; puobu niekâ melou mhikâ
 18 chûpezieshûdi niekâ bu puo kedipuola niekâ kieya
 19 shi kechû, sîusû kemesakâ dânu puo ka vizapuzayie
 kechûkâ, mu puothuo pûo kekuoû chûlieya kezha.
 we puo kepelekâ kitsatie puo kekuo sîusû zhapie
 20 kedipfû chûshi kechû sikeliu chûliechie. Kekuo sîu
 se puoa thiadzû kesiakâ dânnunu Khrista perheiliedi
 21 puo khapie teigei puozatsa bata; sidi puo chûpie kedi-
 kechû mu mia mhâ kezhakechû mu mia mhâ kekuo-
 kenyi mu mia kekha kechû khekâ, tsîusîrâ tsiedâ
 kelhoukâ rûrbeizâmonyû, lunu kelhoukâ dânu reisa,
 thezakenyi khekâ mhâ kez bathâ chûwa. Sidi Jihovaa
 22 mhapetekâ khapie puo phikhrâ shûwa, di puo bu
 23 kehovu tsûu chûdi mhapetekâ mhâ bata: *kehov sîusû*
 puomâ chû, sidi mhapetekâ nu tsutuoya kezha Khrista
 puothuo *kehov* tsupfû bata.

- 2 Sîrâ niekâ rei thiadzû niekâ kejakemoukâ mu kephu-
 makâ la siatuo; sûkisû niekâ tsiedâ kelhoukâ zhâ
 2 sedi tei *mu kijûnia* dânu ketuo kekuokâ kedi medâ
 zetuo, sîusû tsiedâ miadie zekemo-u nounuokâ nou
 chûshûya kezha *uketsîpesuo* kezha ruopfûu zâ; nuo-
 3 sûkâ krânu hiekâ petekâha rei thiadzû uchû-uphoua
 chûkenyûkâ unei umedâkâ chûdi uchû-uphoua keme-
 ngukâ chûse uzha kichûdi themiakâ kekrekâ tuoi
 lhouses Jihova nouva-kemeyie kechû nounuokâ chû-
 4 tuota. Derei Jihovaa puo nouzhie nyisedi puoa
 ukhriele ukhriethâr kechûla ukhrie kechû zâ; sîla

- 5 thiadzü wo thezhâ vajâpfüdi siatuota zârei puoa
 uchüperheipie Khrista saliete. Puoa niekâ nguke-
 6 mezhie la niekâ kelaliete! *Sikethâzâ* puoa ukesoupie
 Khrista saliedi. Khrista nunu ubu puo ze teigei balie
 7 ketuo chüliete: mhakekreilamonyü Khrista Jisu nunu
 ungumezhiekehrü puozhâvile vithâr kechrü thesia ke-
 8 lhoumia bunûrei silie ketuola. Sirâ niekâa kepele la.
 ngukomezhie, nunu kelakelie zâ; mu süsü nie *kevi*
kekuo lamoza, Jihova thuo nie ngumezhie keshü zâ;
 10 *nie* mhathâkâ la reimo, mhakekreilamonyü nie miapuo
 burei kemelhanyü kemola. Sizâmonyü weha puo
 mhathâ krâpuozâ, mhakevi chünudi Khrista Jisu
 nunu uchükesa kelie zâ; Jihovaa ubu mhasükâ chü-
 tuonu kechrüla pedzüperia kesese tuote.
 1 Süla niekâ thiadzü niekâ chüunu Judakemomia
 chüdi thedzieüse uchü geinu uzhükerekâ bu niekâ
 12 üse zhürekemokâ chü dia; sirâ sükisü niekâ Khrista
 ze kepenuo tuomo, mu Israelmia ze keseyie rei tuomo,
mu pupie kezhüdiekâ kitsatie niekâ ya jüdia: sidi
 nie siadze rei jü, tsie kelhou haunu rei nie Rhuo
 13 jükehrü, niekâ sialeshüchie. Derei thiadzü ratsa
 tuozârei tsie nie Khrista Jisu nu baketakâ Khrista
 14 zia bu nie ze puo penno vâre. Sirâ puo uvithâu
 zâ; puoa puophou pie ngumvü, süsü thezhâ miabu
 zenu kechrü, pekawadi puoa puo metsuonu kekha
 15 bierhuopie keninia se puo chüwate: mhakekreilamonyü
 puoa kevichü siwadi sünia pie miasapuo chüpie puo
 16 salie; sirâ puo sidi ngumvü pejüwadi krus-u la sünia
 17 chükesapie mâpuo chüpie Jihova ze kezevilie ketuola.
 18 Sidi puoa vâre niekâ kepetsenu ketuokâ ki vithâu mu
 kepenuo kebakâ kirei vithâ pupetha: sirâ Khrista
 la ukâ kehutsatie puorei Ruopfüu, nunu Upuo ki
 19 vâlie vikelie zâ. Süla tsiewe niekâ rüsâ rünakekremia
 mote, òerei kemesakâ mu Jihova kinumiakâ ze nathâ-
 20 puomia chüte *niekâ kets eki kemhie* apostel mu sia-
 dzeikesikâa puo mvüdze *piekezhâu* geinu chülie, Khrista
 Jisua puothuo *kisünu* puoke thâunu ketsie kezha-
 21 thâu chüba. Puo nunu uki kechrü *tsie* khekâ kere-
 toutou, vâ Niepuu la kemesa rüsuokipuo chü sieta
 22 zhie; niekâ rei Khrista nunu kesapie Ruopfüu bu
 baketuo Jihova kipuo chüliete.

- 3 Hauhala a, Paul, niekâ Judakemokâ zhazhü ledi
 2 Khrista Jisu die chütuo. Niekâ la Jihova unguke-
 mezhie liethâu kha a tsüwaketa niekâ rei sibata pekruo,
 3 a khinyhü die huoyâ thushüwata luoweü; süsü
 4 Khrista thuo diekesou süu tha akia shüwate. Niekâ-
 thuo süu phrü lirâ, a Khrista dze diekesou süu kesi
 5 niekâthuo lelietuo: puo kemesa apostelkâ mu siadze-
 kesikâ ki Ruopfüu nunu tsie thakia kezü tuoi u-
 mhâdzü kelhou themianuomokâ kiwê süu thakia keme-
 6 chie shümo; diekesousü puocha dieliekeviu lanu Juda-
 kemokâ rei Judamia ze karhe, mu keze mâpuo gei
 7 puo zathâ kekrei kechükâ, tsiusirâ Khrista Jisu nunu
 pupiekezhüü kezaketuokâ zâ; abu Jihovaa puo kekuo
 üse chülieya kezha puo mia ngukemezhie liethâ a
 8 tsüwaketa methuo ngukemezhie süu lie chüte. Keme-
 sakâ petekâ dânu kechüthâu ki kechüu, a ha, bu
 Khrista kinyi siketsâlie kelhâkâ 'pupie Judakemokâ
 9 ki punu, mu themia petekâ bu mhapetekâ chükeshüu
 Jihova nunu keriakikâ keviepie ketuo diekesouu kedi-
 puo shi kechü sikemechietoulie ketuola ngukemezhie
 10 hauba kha aki shü. Sidi tsie teigei dieliekezhakâ
 mu kekuokâ bu kehoutu geinu Jihova dâ neiükâ siüe
 11 ketuola; süsü Uniepuu Khrista Jisu nunu puoa hrüse
 12 ketuo kechachie chütuoü ketuokâ zâ. Khristasüu
 nunu ukâ puo peledi puo ze kemiasi keliela thepfudi
 puo ki lekelie ze. Süla a niekâ zhazhü kevi ledi keme-
 13 zhiekelie a niekâ bu süu lepie niekâ chamezie tahienu
 bazâ: sükâ la niekâ neikelieu zätuo.
 14 Hauhala a khoutoupfüdi Upuo, puo kinu teigei rei
 15 kijü rei theyie zathâ kekrekrei kechü thâpfü kelieu
 16 ki chabaya; mhakekreilamonyü puo bu puo kevi
 kinyikâ nunu kha niekâ tsüdi puo Roupfü bu kekuo kha
 17 niekâ nu ketuo-miau chüpekuo shünudi; kepele la
 Khrista bu niekâ melou nu balie nu; niekâ bu niekâ
 18 miekrele kekhrüe nu balie nu; sirâ kemesakâ petekâ ze
 19 we sivâtsâlie kelhâ Khrista ukekhrüe, puocha puozha,
 puo rükrie mu puo kesou kedithede puoshî kechü levâ-
 tsâlie kevi chülienu; sidi Jihova bu niekâ ketsu chülienu
 kechüla.
 20 Sirâ puo kekuo üse ununu, we chaü medâya kezha
 petekâ mhârei chükehiese shüliekeviu tsieyawinu vâ

kenuo kenuotsa rei kechachie kehovu nu mu Khrista
nunu miabu puo ketseu chüliechie. Amen.

• TARRÄ KESHÜ.

- 4 Sûla a Niepuu nunu kedia chûketuo-u niekâ bunu
niekâ kiezelêrkelie phreikie sünunu lhoumezhû toulie
2 nudi, a niekâ ki a mezhiemelâya; sirâ niethuo nie
lepechû mu 'nie kemiakâmo tâdi, nienouchadi noushû
3 nouzhie sedi huoniehûo gei nie noushûkhrelie; tsiu
Ruopfûu la kezevi puo chûketau ze seituolie tuoû
4 nie hiechülie. Themâ puo zâ, mu Ruopfû rei puo
zâ, sÿsÿtuoi niekâ kekîe rei siadzele thedzûkezie puo
la rÿrbei niekâ kiekîlie zâ; Niepuu puo, kepele rei
5 puo, baptism rei puo zâ; u petekâ mhâ ketuo, mu
6 pete ze ketuo. mu upetekâ nu ketuo upetekâ Puo-u,
7 sÿusÿ Jihovâ zâ. Derei Khristaa mejûkeshû de,
sÿde ngukemezhie khashû ukehupuorei tsÿphrewate.
Sûla;
8 Puoa pesâgei sieketaki puoa *huomia*
tepie kedia chÿwata,
• • Mu mha neiûkâ kezapie themia tsÿwate,
9 isikechû puoa pupiezhû. Ka di sirâ, puo sieta ûkechû
dieu, puoa kijû kernuo nu tsur rei wata ûkechû sia,
10 kedipuo cha pusaû бага? Puoa petekâ nu tuolie
ketuola keker sÿua teikâ petekâ mhârei kekhaû zâ.
11 Sÿsia puoa *huomia* bu apostel chÿnu, mu *huomia* bu
siadzekesi chÿnu, mu *huomia* bu prosar chÿnu, mu *huo-*
12 *mia* bu pastor mu kepetha chÿsa nushû; sishû kechû
kemesakâ bu mhakevi chÿsÿlie ketuola mu Khrista mâu
13 chÿsÿlie ketuola zâ; sizâthadi ukâ petekâ kepelenu mu
Jihova Nuo dze tsatie kezepuo chÿliedi phichûkelie
tsâlie ketuola, sÿusÿ Khrista zhâkevi phichû de zâ.
14 Chÿsia we themia meduo themia dâ se uketsi pesuo
ketuo, dzûkerÿpfû bu uhepie lutsahatsa vaketuo ke-
mhieî kepethadie neiûkâ bu ukebvû se lutsahatsa vake-
15 tuo, nhichumia kemhieî chÿsalielhâte; derei kekhrîe
nunu diethâra pulie, mu mhâpetekâ nu vikechû pie
16 *ukehou* tsÿnu Khrista kitsa valie. Sidi puo geinu rÿchû-
kelie khekâ kerheirâ bu sÿkâ khephredi keresevâ themâ
sÿu chûkelie la keze mâpuo geinu zathâ kekrei kechû

khékâ ukekua nguphreliedi lhoulieya, sidi kekhrie nunu kruosielieya.

- 17 Sûla Niepuu nunu a kepu mu zhapu khakeshû
 hauha zâ : Judakemokâ unoudâ kemethuo kemeruokâ
 18 ledi tuoya kezha tuoi niekâ zhâa sisuo ; mhakekreila-
 monyû ukâ mhasi zei ketala ; sirâ ukâ noukere la
 rei mu ukâ dânu ketuo mhasikemo larei ukâ Jihovaa
 19 khakeshû kerheiprûu nunu uchûkhâlie ; ukâ kemenga
 sichie modi mesakemo shûukâ pete chûnyû mehyu-
 mezhiedi uthuo uphou khapie kerûyâ nu shûwate.
 20 Derei Khrista dze kesiwe sûmhie mba ; mu anouki
 21 niekâ puo sidi puo bu Khrista nu keba kethâu pie
 22 niekâ pethalieta pekruo ; sîusû thiadzû niekâ zhâu,
 themia keweu, puothuo puo ketsikewa kemengukâ
 23 la suo miamiata kezha rhuowalie, sidi nie nou bu
 24 kesa lala seilie ; siliedi, themia kesa puo chûpie
 kemiathâ nu mu kethâou kechû kemesa nu Jihova
 mhie keshûu dzielie chie.
- 25 Sûla niekâ kehupuorei tijûkechû khawataliedi nie
 zanuomia ze diethâ kepu phreliechie : mhakekreilamonyû
 ukâ keze *themâpuo gei* puo zathâ kekrekrei kechû
 26 krâpuo zâ kechûla. Nie neimo rei kejâkemouwê
 27 chûtahie : nie noumeyie ba teiniaki pelehie : sirâ
 28 Uugumvûdâu ba peria rei shûhie. Thiadzû rûgu-
 kezhamia bu rûgula sahie ; sizâmonyû puo mhapie
 ketsâpfûmia tsûüzalie ketuola puo bu puorhie chûdi
 29 puothuo puodziepie mhakevi rei chûsalie. Kerûtse
 kerûra diepuorei bu nie tia nunu parhie, derei niekâ
 die kerûnyûkâ bu vilieketuola pukezhûki diekevi rûrpie
 30 pulie. Sidi niekâ Jihova Ruopfû Kemesau thepesuo
 hie ; niekâ rhalie ketuo teisânhia la puo nunu niekâ
 31 gei mohor vûlie teru. Niekâ niekânou nu mianou
 vakerûda kechûdie mu noupfûnouyie mu uneimo khu-
 kechû mu miakerhie kechûkâ petekâpie kelhiekechû
 32 pete sa khawalie : sirâ Jihovaa Khrista nunu niekâ
 ngumezhie niekâ kejâ vakewa tuoi niekâ rei huoniehwo
 ngumezhiedi thenou kemezhû se huoniehwo kejâ va
 huoniehwo tsûlie.

- 5 Sûla niekâ, puo nuowuo puo khriekâ tuoi Jihova
 2 dârielielie ; sidi Khristaa niekâ khriedi niekâ la puothuo

- puophou khapie Jihova ki mhakethengu *thekeshü*
 reu kemhie i ruothâ ruorei chükewa tuoi kekhrie üse
 3 nie zhâ chütuo lie chie. Derei pieü, mu mesakemo
 neiükâ, mu kemehou, hakâ za ha niekâ dânu kepu
 4 rei chü zhümo; kemesamiawe sizhü zâ. Morei menga-
 kemo, morei kethedakechü diepu, morei ketheyu kechü
 diepu rei puzhümo zâ; sikechüu monyü Jihova ki-
 5 tsatie kethezie kechü mese. Sirâ pieü chükezhania
 rei, mesakemomia rei, mharhi khrieü rhukezha mhake-
 mehoulia rei Khrista mu Jihova kedikechü nu uya
 6 jü zâ ükechü niekâ hauha sitoulie chie. Themia
 kehupuo burei diethuo dieruokâ üse niekâ sewahie;
 mhakekreilamonyü *nyhü* pushü kewakâ *chüyakezha*
 la Jihova noupfü miadie zeyakemo-u nuonuokâ gei
 7 phirya kechüla. Süla niekâ sükâ ze kerhetahie; mha-
 8 kekreiblamonyü niekâ thjadzüwe zeiru, tsiewe Niepuu
 nunu zie bata kechüla: kezieu nuonuokâ chütuo lie.
 9 Mhakekreilamonyü uzhâkevi mu kemiathâ mu kediothâ
 10 petekâ nu kezieu si baphre kechüla. Süla mhakehu-
 1 puorei Niepuu neitoukâ leketsükennyüdi chülie; sidi
 niekâ kezeiu mhathâ puosi vilieya kemokâ ze kekrâthâ
 12 hie, sikechüu monyü sükâ pejâ sashülie; mhakekrei-
 lamonyü rüshüdi chüyakezha sükâ mhathâkâ purei
 13 menga zâ kechüla. Derei kezieu bu levapezieshü
 râ mhapetekâ ngumeyie meluo partaya: mhakehu-
 puorei ngu meyiemeluo kelie khékâ kezieu la zâ
 14 kechüla. Süla puoa, Nâ zeyakezhau, châliedi kesiakâ
 dânunu sierlie, sirâ Khristaa n vapezielie tuo, siya.
 15 Süla nie kikidi tuoya shi, niethuo le ter tuoliechie,
 16 mhasikemomia mhiemodi mhakesimia mhielie; tsie-
 17 dâha vimo kechüla thewekikâ urhie chülie. Süla
 niekâ melâ batahie, di Niepuu medâu kikechüpua
 18 shi siliechie. Sirâ zu kria mezehie, zua uchüpenya-
 wawa² kezhalâ; sikechüumonyü Ruopfüu nu badi puo
 19 bu nienou ketsu chülie; sidi kethâü mu chiele mu
 kemesa tsalikâ chüpie huoniehno rüchülie, sirâ nienou
 niethâchüdi, üchü mu übou khoupie Niepuu kialie;
 20 mhakehupuolarei Uniepu Jisu Khrista za nunu Upuo
 21 Jihova thezie seituo lie; sirâ Khrista khrüpreidi niekâ
 22 huoniehno khrükhâ banyülie. Mja nupfünüokâ rei
 Niepuu ki ketuô tuoi niethuo nie nupfunuokâ khrükhâ

- 23 tuolie. Mhakekreilamonyü Khrista kehoun tsü kechü
 tuoi mianupfunuo kechüu rei puo kimia tsüu zâ;
 Khristawe *sizâmonyü* puo mâu kelakelieu rei *chüsa*.
 24 Derei kehewe Khrista khrükhra ketuo tuoi, sütuo
 mianupfunuokâ rei mhakehupuonu zâshie rei uthuo
 25 unupfunuo khrükhra tuolie. Mianupfunuokâ, niekâ
 rei Khristaa kehoun khrie mu süula puo phou rei kha
 26 keshü tuoi nie nupfunuo khrieliechie; süusü mhake-
 kreilamonyü *puo* Die nunu dzüpie khrükemesawadi
 27 kehoun bu mesalie kenyü la zâ; sidi süy bu mesa mu
 chiekemo chülie ketuola kerhuda morei rürhür morei
 mhasikechü puorei puogei tuomozâdi puo kehoun kez-
 28 vipuo chüpie puothuo lielie ketuola. Süsütuo mi-
 anupfunuokâ rei uthuo unupfunuo khriepie uthuo uphou
 kekhrise tuoilie zhüzâ. Themia kehupuorei puo nupfü-
 29 nuo khrieya kezhamia uthuo ukhrjeya zâ: sirâ
 miapuorei puothuo puochü-puophou ngumechüya chie-
 mo, sikechüumonyü Khristaa kehoun *vachü mu theke*
râria kezhatuo puo rei süu vachü mu theke râriaya;
 30 mhakekreilamonyü we Khrista mâu gei zathâ kekrei
 31 kechükâ chü kechüla. Hamhiedi themiaa puopuo
 puozuo vawadi puo kimia zelhou tatuo, sidi unia keni-
 32 nia chüpuo chütatuo. Die hauha souse zâ, derei a
 33 kepuwe Khrista mu kehoun unia dze kepu zâ. Siüderei
 niekâ kehupuorei nie nupfunuo khriepie niethuo nie
 khrie kezha mhielie; mu mia nupfunuo kechümia rei
 puothuo puo nupfunuo khrüprei kechü leterlie.

6 Nhichukâ, niekâ rei Niepuu nunu nie krünuokâ

- 2 die zelie: sirâ puotou zâ kechüla. Nie puo nie zuo
 rhuliechie, silielirâ nie vilietuo mu nie rünanu rhei-
 3 chalie tuo, diehauha mahapupiekezhü saketuo diekeriau
 4 zâ. Sirâ mia krünuokâ, niekâ rei nie nuonuo nou
 vakerüdahie: sikechüumonyü Niepuu *puonei kechü*
thatha mu tahitarhâ kechü se ukâ pethaliechie.
 5 Mia kituokishü kechükâ, niekârei Khrista kikeshü-
 tuoi nienou mezhüdi nie mâ mhâ kekuo kepyi nie
 niepukâ *neikemo chükewa* preisieidi sükâ die zechü-
 6 liechie; sirei mia kengu kinu mia neichüya kezhamia
 zhâ mhieta modi Khrista kituokâ unou uthâ chüdi
 7 Jihova neikâ chüyakezhakâ *mhieliechie*; sidi themia

- 8 la zâ monyü Niepuu la zâ kechütuoi nie neisieidi *nie rhiechülie*; niekâ puothuo kedia shierei kediemo shierei kehupuorei mhakevi chüyakezha khe Niepuu kinu mhasüu ngulalie tuomu ikechü, die hau siliechie. Sirâ
 9 niepukâ, niekârei ukâ gei sükemhie chülie, mu ukâ kechükedo *shünyürei* adielâ chülie; mhakekreilamonyü ukâ mu niekâ Niepuu teigei ba, mu puo kengukiwe miaupuorei zhakrei mozâ kechü niekâ rei siba tieru.

KHRISTANMIA SEYA KEZHA TERHRÜNYIE.

- 10 Tsieyawinu Niepuu mu puo kekua kezha nunu metei
 11 baliechie. Ungumvüdâu uketsipesuo kezha dâkâ ze keperhie thalie vi ketuola Jihova kinu *ngukelie* terhrünyiekâ sephreliechie. Mhakekreilamonyü we miaze
 12 keperhie kezha siaüjütaya kezhakâ ze keperhie monyü kezhakâ rei ze, kekukâ rei ze, tsiedâ kezeinu ketukâ kekha kezhakâ rei ze, mu tei *kijünia dânu* ketuo kesuo
 13 ruopfükâ rei ze, keperhieya zâ. Süla nie medâphi phir kechünhia keperhie thalie vilie ketuola Jihova
 14 kinu *ngukelie* terhrünyiekâ sephrelie; di sephrelie
 15 lirâ thazâlie. Süla kethâu üse nie chiechanu phapfülie mu kemiathâ thachüu kelielie, mu kevichükewa dielie
 16 keviu pie pethanudi nie kese keshüu pie nie phikou chüliedi *dâjü* thaliechie; sidi Puozhâkesuo-u mipie
 17 theütsie kechükâ pete biepemhewalievi ketuola kepele zhüu chüpfülie. Tsiu sirâ kelakelieu liepie nie tsüre
 18 chülie, mu Ruopfüu kinu ngukelie zhiechau rei, süsü Jihova dieu, lielie. Nie mezhiemelâ mu cha dâneiü
 19 chüdi sükâ chüchie, süsü Ruopfüu nunu kehukipuorei chabalie, sidi kemesakâ petekâ la khawamo mu cha
 20 dâneiü chüdi rhârhüpfir baliechie. Sidi dieliekeviu a thezhürâ se a phapfüdi puo liechüketuo-u diekesou
 21 süu ze putuotüdi a tia tiaga kesieki abu thepfudi pushülie ketuola a la rei *chabalie*; mhakekreilamonyü
 22 *dieliekeviu* kepuu abu pukezhükâ thepfudi pulie ketuola.
 21 Dérei niebu arülikâ, süsü a kedipuomhie bashi mu kedipuo chübashi kechükâ, Tukika, Niepuu nunu die-
 22 thâdi chalie chüketuo-u mu asiazeu akhrieu thuo mha-
 petekâ pupie niekâ kiashütuo. Sirâ niekâ bu arüli

silie ketuola, mu puobu niekâ nou rei chüpeluo shülie
ketuola a süüsüla puo ketsepie niekâ kishü ho.

- 23 A kezekâ, niekâ keviu chübalie, mu Upuo-u Jihova
mu Jisu Khrista kinu kepele sakerei kechü kekhrieu
24 bu niekâ ze balie. Ngukemezhieu bu Uniepu Jisu
Khrista khrieü rhu kethâtou chüya kezha petekâ zeba-
liechie.

Paul-a Leshü Thupie Filipikâ

Ki Keshü

PAUL-A FILIPIKÂ KELU KESHÜ.

- 1 Khrista Jisu kituo Paul, mu Timothi, unia kinu
khapie Filipi nu keba Khrista Jisu nu ketuo kemesa
petekâ, ukâ pehükâ mu sükrârükâ sakebakâ kikeshü :
2 Ngukemezhieu bu niekâ ze bakelieu chülie ; sirâ Upuo
Jihova mu Niepu Jisu Khrista kinu kepar vithâ mu
nouneu bu niekâ ze bakelieu chülie.
- 3 A niekâ rûkrakelie metsei Jihova tsebaya zâ ; niekâ
4 zhazhü kele la a chakesie metsei a neisiedi cha seibaya
5 zâ ; mhakekreilamonyü niekâ rei *dieliekeviu pelelie*
tsenunu vâr tsie kotsâ, süu pupie mia petha tuoü kechü
6 niekâ mese rei sa zâ kechüla ; *sizâmonyü* niekâ nunu
mhakevi chüchie keshüu, puoa chüzâtha Jisu Khrista
zha vârketuonhia nu chütseishü ketuo, a süsü peletou
7 bazâ *kechüla*. Sirâ niekâ amelou nu bazâ kechüla a
niekâ petekâ la sikechü le zhü zâ ; mhakekreilamonyü
a phapfuketuokâ nurei mu dieliekeviu yapie mu puo
zhapuketuokâ nurei niekâ rei aze ngukemezhieu kerhe
8 phre kechüla. Sirâ Jisu Khrista nouzhieu sedi a niekâ
petekâ menguphi bayazâ kechü Jihova puothuo siba.
9 Sizâmonyü niekâ bu mhakesi kele khekâ nu niekâ
nouzhie krakechü miamialie ketuola, a süsü *niekâ la*
chabaya zâ ; sidi niekâ bu mhakevithâuüse viülie ketuo-
10 la ; mhakekreilamonyü Khrista zha vârketuonhia la
niekâ mesa mu jâmo baliedi kemiathâsi Khrista la
11 ngukeliekâ pie niekâ tsupfûdi miabu Jihova tse mu puo
zapu kemeyielie ketuola rei sa.
- 12 Sirâ akezekâ, hadzü ageinu mhakehupuorei kechü
khekâ *dieliekeviu khakewau monyü* pukra sapralie

- 13 ketuola kechü zâkechü a niekâ bu süusu sinyü ; mhakekreilamonyü a phazetuo kechü Khrista lanu zâwe
 ikechü kediu rûkhokâ pete burei mu miakekreimia
 burei sikemechie toulieta kechûla; sizâmonyü Niepuu
 14 nuketuo ukezemia kekratsa aphapfü hiketuola pele-
 kechü sadi michiernodi Jihova dieu se pu thepfu kechü
 15 sate. Themiadou puoa miabu utse tuoü kechûla mu
 miaze keprûli reidi Khrista pupie miapethaya zâ, derei
 huomiawe mhakevi medâdi chüya ; süniasü tietsatie
 puowe abu dieliekevi yapie nudi a kedalieta ükechü sidi
 17 a khrie kechûla chüya, sirei kekrekâwe noumezhüdi
 monyü a phazeketuo nu abu anou kemezhie tuoü kechü
 ledi aze kenurhe nyümo kechûla Khrista pu prosar
 18 chüya. Puothuo sirâ mhapuo ma ? Kethera zâ shierei
 morei thethâ chüshierei, kehupuo chüshierei miabu Khri-
 sta dze silie zhüzâ ; mu süsûla a aneibazâ, mu aneizâ
 19 tuo kethâ. Mhakekreilamonyü niekâ kecha rei la, mu
 sidi Jisu Khrista Ruopfûu akhruo ahi keshü la, sükäsü
 akelalie ketuola zâ ikechü a si kechûla. A puothuo
 20 siarei rheirei, a kehuchûrei mengatalielhâ, mu a
 thepfusedi, hadzütuoi tsierei aphou ha geinu Khrista bu
 zayie chütuo, a süsü peledi merür toui ketuo süuthuo
 chütsei shütuo. Mhakekreilamonyü awe rheituo rei
 21 Khrista lanu rheiketuo zâ, mu siatuo rei vikuo kechü
 22 zâ. Derei a amâ hauha nunu rheiza sabadi aliethâ
 nunu mhakevi huo parsatuol irâ, sirâ a kiu kedatieshi
 23 a simo. Derei a sünia tietsapuorei vakemechielle mo
 bata. A tuotadi vâ Khrista ze bata reinyü ba, süua
 24 vikuo rei zâtuuo kechûla : derei amâ haunu baza salirâ
 niekâ dze vikuo zâ tuo nhia. Sûla süüstü peletou
 25 kechûla a batuo, mu niebu kepeleu nunu vikechûlie
 mu nie neilie ketuola a niekâ petekâ zebazâ tuo kethâzâ
 26 kechü a sibata ; mhakekreilamonyü abu niekâ ze kengu-
 ladi niekâ burei a la Khrista Jisu nunu niekâ neiphilie
 27 ketuola. Niekâ Khrista dieliekeviu themia chükesü
 chüdi niethuo nie themiamia ze lhou zâlie ; sidi a niekâ
 ki vârei vâmorei, dieliekevi kepele la nie raro kerhe-
 puo chüdi keze nierhie chü chüse chü thaya kechü
 28 abu nie rûli sikechü, sirâ aneituo ; sirâ nie perhiemia
 bu mhakehupuo nurei nie kechü pethâwahie. Michie-
 kemo süüsü ukâ bu kekanu vâtuou'kechü zâsi kethâ-

- puo zâ, derei niekâ lazâwe Jihova kinu ngukelie niekâ
 29 kelakelie zasi zâ. Süsü niekâ bu Khrista pelelie
 ketuola rürbeizâ monyü. puo la kemezhe rei salie
 30 mhakekreilamonyü a thiadzü anounyüdi ahie chüvâr-
 kechü niekâ ngukechü tuoi tsierei a sümhietu tuo
 kechü niekâ sikechü niekâ rei sümhie niekâ hiechülie
 ketuola.

TARHÄKESHÜ.

- 2 Süla Khrista nunu thenou vaketseiphrei kechü die
 huorei, thenou thu kepeluo die noushünouzhie nunu
 kepar huorei, Ruopfüu nunu mhakerhelie ketuo huorei
 mu nouzhie mu kengukemezhe huorei *niekâ dânu*
 bamo lielheru: süla niekâ kenou mhieliedi kekhrie
 3 chütseiliechie. Niekâ kengumvü morei kâ methuodi
 mhapuorei chühie; sikechüumonyü nie nou kerüzhata
 4 modi nie huoniehü üse nie ki vikuo ükechü lelie; sirâ
 niekâ kehupuorei niethuo nie rüli rürbei rükra zâta
 5 hiedi mia rüli rei rükralie. Khrista Jisu medân se
 6 niekâ nou shüse tuolie; puoa Jihova ze kemhie zâ rei
 puo Jihova ze kethedekechü ketijünu puo zase kelie
 7 puo chü mba; siüderei themia mevidi mia diemia ke-
 8 mhie chüdi puothuo puo chüpejülie: sirâ themia mhi-
 nguki themiazhâ themiarülikâ sedi, kesia nu rei, sizâ-
 monyü krus geinu sia zârei Jihova dieze zâdi puothuo
 9 puo chü kezhaselie. Süla Jihovaa puo chüpezhaphi
 shü, sizâmonyü puo za chüpie theza petekâ mhârei
 10 sashüwata; mhakekreila monyü teigei ketuokâ rei,
 kijü ketuokâ rei, mu kijükrâ ketuokâ rei, *sükâ*
 11 *petekâ* Jisu za nunu khoutou phrelie ketuola, sirâ
 Upuo Jihova bu thetse pfülie ketuola themia kehupuo
 burei Jisu Khristaa Niepu zâ ikechü umhiü se puphre
 zâlie ketuola.
 12 Sirâ niekâ akhriekâ, niekâ thiadzü Jihova dieze chü
 sei, keyâr tuoi, süsütuo a kenguki rürbei zâmonyü a
 ngukemoki pekuodi nie kela tseilie ketuola pechüsed
 13 Jihova nei chülie; mhakekreilamonyü puone puo-
 medâkâ chüzâlie tuoüdi nie nu chüpie nie bu chünyülie
 14 mu chülieya kezha süsü Jihova zâ kechüla. Panya-

- para mu miaze komeü hiedi mhakehupuorei chüliechie ;
 15 sidi kerheiprüdieu thezetsa se mia pekiadi niekâ kifü hau
 16 nu udânu khrüteiniaki kemhie tuozechü themia mezhü-
 kemo mu unou kerüzha kechü krâpuo dânu niekâ
 miabu niekâ pejâlie kelhâmia chüdi Jihova nuonuo
 kemesakâ chüliechie. Niekâ kerheiprüdieu thezetsa
 sebalie, silielirâ Khrista zanhia a sula aneilie tuo ;
 mhakekreilamonyü a kemethuo nu arhie chütuo mo
 morei kemethuo puo la a feitsâ chütuo mo kechüla.
 17 Derei niekâ Jihova rüsuo chükechü kepele se rüsuo-
 keshü gei puothuo azia kenge shüzâ tuo zhierei awe
 anei bazâ ; mu niekâ neikechüki arei niekâ ze anei ba
 18 zâ ; sirâ süsütuoie niekâ nei balie, mu a aneikechüki
 niekâ rei aze niekâ neilie.
 19 Derei a niekâ rüli silierâ arei aneilie tiemu kechüla
 chabamodi Timothi ketsepie niekâ ki shütuoü kechü a
 20 anou leba. Mhakekreilamonyü pub nou niekâ rüli
 rükra terür kechü a themia puo kemhie puorei jüzâ
 21 kechüla. Kekreikâa Jisu Khrista rülikâ monyü uthuo
 22 uzahzhü lephre zeru. Derei niekâ puo rüli sitou batuo,
 puo krü puonuo tuoie puoa aze dieliekevi kam chütuoie.
 23 Sula a rüli kedipuomhie tieshi silie, zirei menuprei a
 24 puo ketsekeshü medâ bazâ ; sizâmonyü a athuorei pezi
 25 vartuoü kechü Niepuu lanu pelekhu bazâ. Derei asia-
 zeu aze mhakam chükezhau mu aze *Khristian* chü-
 paihi chükezhau mu niekâ puo ketsepie puo bu a ke-
 tsâpfüki rei alie chükezhau Epafrodita ketse lapie niekâ
 26 ki shü morâkesuo lesie ; mhakekreilamonyü puo niekâ
 27 petekâ menguphi bazâ ketala ; puo hadzü suozhü kechü
 niekâ bu sikechüla puo puonou kemezhiese ; puo mha-
 chüdi siata nyünuo zâ kethâ, derei Jihova thuo puo ngu-
 mezhie lashü, mu puo rürbei zâmonyü, abu athekesuo
 tsügeinu athesuosamo ketuola puo arei ngumezhie shü.
 28 Sula a niekâ bunu puo ngulaliedi niekâ neilie ketuola
 mu aburei anou mene zalie ketuola a anou kemezhie
 29 chüdi puo ketselapie niekâ kishü ho. Sula niekâ rei
 Niepuu nunu niekâ neiphredi puo zeliechie ; mu themia
 30 hikechümia rhuliechie ; mhakekreilamonyü puoa Khrista
 liechü ketuola niekâ agei chünyüdi chülie kelhâkâ
 chüketuola puoa siata nuo zâ kechüla.

- 3 Chüsia sirâ azenuokâ. Niepuu nunu nie nei baliechie. Kethu sia puo thu niekâ kishü zâurei azâwe kemezhie kechüpuo mba, derei niekâ süla vikuo kechü zâtuo.
- 2 Tefükâ la nie kireilie, nie meshüpesuo kezhakâ larei nie kireilie, uzbükeremia mevi chükezhakâ larei nie kireilie.
- 3 Ukâ ha uthâü zhükerekâ kethâ, ukâwe Ruopfüu nunu Jihova rüsuoya mu Khrista Jisu nunu uneituoya,
- 4 uchü geinu kechüu zâwe peletuoya mba. Huomianie uchü geinu kechüu pelekechü mese ülie râ, awe süki
- 5 kemelhakup kechü mese: A penuokelie zha thetha nhia a zhürekeliemia, a Israel seyiemia. Benjamin yie nunu kelhoumia zâ, a Ibri kethâmia; thezhâu kitsatie
- 6 lesierâ a Parisimia; keshürhei tsatie lesierâ a kehau pese kechümia; thezhâu nu ketuokâ ze kechüla miathâlieya ükechü tsatie lesielie râ miapuorei akejâ puorei
- 7 ngukelie jü. Siüderei thiadzü mhakehupuorei amhâdzüki viütuo kechükâ a tsiewe Khrista la mhasü üse
- 8 mhathâ puoü tuomote. Sizâ kethâ, mu a Niepu Khrista Jisu mhasi kevithâu ze kemejü sierâ mhakehupuorei üse a mhapuü bamote; abu puo la mha sükâ petekâ pejü phrewate, sirâ a Khrista ngulie mu puo
- 9 bünü puo nunu a ngulie tuoü kechüla a sükäsü üse nyârhu khakewakâ mhiewate; sidi thezhâu nu ketuokâ zekechüla a miathâkelie kralie monyü, Khrista nunu kepele la, süüsü kepele üse Jihova kinu kemiathâpuo ngukelie zâ. Mhakekreilamonyü a Khrista ze
- 10 kesilie di puo rheila kesie kekua-u rei silie mu puo kemezhie kechükâ nu puo ze kemezhieliedi azhâ burei puo kesiakî zhâ mhielie tuoü kechüla. Sidi a rei kesia-
- 11 kâ dânnu lasieketakâ tsâlie nyü kechüla. A tsie sükâ tsâlie moluo, morei vitseilie moluo; derei a sükâ tsâlienü kechüla sükâ whuo zhüzâ; süüsüla Khrista
- 12 Jisu rei vâr a tsâkelie zâ. A zenuokâ, a sükâ tsâlie ükechü athuo zâmu ikechü a lemo zâluo; derei anoule mhapuo ba, a asiatsatie kebakâ rükramozâdi amhâdzütsatie kebakâ pemou beituoa zâ; Khrista Jisu nunu
- 13 Jihova mhapuo pie atsü tuoüdi pesâgeinu a kiekezha, a mhasü whuo zhüzâ. Süla ukâ miawe chüketa khekâ unou sükemhie lephrelie khe; mu niekâ nienou mhakekrei huö rei lebarâ Jihova sükâ rei thashü nie kia tuo.
- 14 Siüderei ukâ tuo vâr tsâkelieu nunu tuo la sashülie khe.

- 17 A kezenuokâ, niekâ rei aze kesiadziliechie, mu sirâ
 18 niekâ hiekâ bunu niekâ mhâdzüriadi thashü niekâ
 18 kiaketuokâ mehâterlie. Mhakekreilamonyü themia
 kekra dze a tsiemelie niekâ ki pushshü tuoza, mu tsierei
 a krazâdi niekâ ki pushü tuoü zhüluoü, sükâ lhou we
 19 lhouya derei sükâ Khrista krus-u ngumvükâ zâ. The-
 mia sükâ thesia katatuo, ukâ vaa ukâ rhuo zâ, ukâ
 ngaa ukâ nei zâ, mu ukâ kijü haunu dze püya kezha
 20 zâ. Derei uwe teigei thenia zâ: sünunu we Ukelake-
 lieu Niepu Jisu Khrista rei vâr tuoü kechü pfebazâ.
 21 Puo puothuo puo medâ chüdi mhapetekâ chüpie puo
 khrükhrâ shülie vi, mu puo süsü üse puo umâ mhachü
 mhathâkemo hauha chükesapie puo mâ vipie thedze
 chüzâ kechüu mhielie tuo.

- 4 Sûla a kezenuokâ, akhriekâ mu a mengutuoya
 kezhakâ, aneikâ mu âkeditsürekâ,—harie akhriekâ,
 niekâ Niepuu nunu chüse chüzâ thalie.
- 2 A Iwodia mu Suntuki unia bu Niepuu nunu kenourhe
 3 balie nudi unia hüba zawe. Harie akhriethâ kethâu,
 a nburei thenu sünia ze keliethâ kechü anei bazâ; mha-
 kekreibamonyü unia dieliekevi liethânu, Kliment rei
 mu aze chalie chükezha kerheiprü leshüda nu uza thulie
 keta kekreibâ rei sadi aze urhie chü vârâ kechüla.
- 4 Niekâ Niepuu nunu nie sei tuolie. A kepusia
 5 pulazâ derei nie neituolie. Nie noukemezhü themia
 6 kehupuo burei siliechie. Niepuu penuo bate. Mha-
 puorei le nienou kemezhie chühie; derei mhakehupuo
 nurei Jihova ki nie ketsâpfükâ pu cha mu melâ, mu
 7 puo thezie sa bazâlie. Tsüsirâ Jihova nounce umhasi
 mhale petekâ ki kezha tuo Khrista Jisu nunu niekâ
 nou niekâ medâkâ rüguo setuolie tuo.
- 8 Süsia rei, akezekâ, niekâ mhakehupuo shierei kethâ
 ükechükâ, vi ükecnükâ, mezhü ükechükâ, mesa üke-
 chükâ, thenou vapemvü kechükâ, rünyü vi kechükâ,
 uzâ kevi mhasikechükâ huo, mu miabu thalie kelhâ
 9 sikechü huo bamo moshi, sükâ leba zâlie chie. A
 thashü niekâ kiashü mu a kha niekâ ketsükâ, mu niekâ
 ageinu si mu ngukeliekâ, niekâ mha sükâ chüzâ tuolie;
 silie lirâ puonou mene mu sju pie mä tsü kezha
 Jihova niekâ ze balie tuo.

DIE THEKHAKÂ.

- 10 Niekâ arûli rûkra niekâ nounyûla keliela a Niepuu
nunu aneiphi bate. Niekâ hadzürei niekâ nounyû tuo
zâ, derei niekâ chûlie kenjûta. A dieha pukechû a
11 ketsâpfû la pumo. Mhakekreilamonyû azâwe athuo
kehupuo chûshierei kenya kechû jû, athuo si setuote.
12 A merei kechüdâ rei si, mu a mephruo kechüdâ rei si;
mhaneîükâ nu mu mhakehupuc nurei, a kepevû rei
kemerür rei, pekra kechû rei petsa kechû rei, a thedâ
13 sükâ siliete. A chûpekuoshüya kezhaui la a mhakehu-
puorei chûlie tuo. Siüderei niekâ aze kemezhie kelie
14 niekâ vise zâ. Tsiu niekâ Filipikâ, a Makedonia nunu
15 tuo ketaki dieliekevi *pu prosar* chûsie theriaki niekâ
rürbei sia kehou kekrei puorei mhapie atsü mu akinu
16 mhalie chie, mo kechû niekâ thuo rei siba tuo. A The-
salonika nu kebaki rei niekâ vapuo rürbei zâmonyû
17 vakenia mha khashû, atsâpfû vaphi. A niekâ bu mha
kha atsünu kechû pfû zâ tuo mo; derei niekâ bu süu
18 la vikechû kelieu pfûketuo zâ. Derei a tsiewe mhake-
hupuorei ba mu kehoumeka ba, mu Epafrodita niekâ
• kinu mha sevâr a ketsü Jihova neikechû puoneidi lielie
kevi rûsuo re kethengukâ, nguliedi tsiewe a ketsu-
19 kelhuo chû bate. Sirâ a Rhuo *Jihova* puothuo Khrista
Jisu nunu puo mhanyi mu zapuzayie chûkeba la niekâ
20 ketsâpfû khekâ nu niekâ vaphishütuo. Sirâ ukâ Rhuo
Upuo *Jihova* hunu teihekechachie zapuzayie chütuo
kelieu chûliechie. Amen.
21 Khrista Jisu nu ketuo kemesakâ keluphreshûchie.
Ukâ kezekâ aze kebakâ rei niekâ kelushû ho. Keme-
22 sakâ petekâ rei niekâ kelushû ho. Mu sükâ dânu
kaisar kinukâ niekâ kelushû beinuya.
23 Niepuu Jisu Khrista kinu ngukemezhie kepar-u, süu
bu niekâ ze bakelieu chûlie.

Paul-a Leshü Thupie Kolosikâ Ki Keshü

KELU KESHÜ.

- 1 Jihova medâ la Khrista Jisu apostel kechüu a Paul
2 nu uzeu Timothi hienia kinu, kha Kolosi nu keba
Khrista nunu mesa keba mu diethâdi keze siazedzürä
chükezhakâ ki keshü: "Upuo Jihova kinu kepar ngu-
kemezhie mu nouneu bu niekâ ze bakelieu chülie.
3 Hienia niekâ la chakechüki hienia Uniepu Jisu
4 Khrista Nuopuo Jihova tsebaya zâ; mhakekreilamonyü
niekâ teigei siadze medâ pie zhüketa la nie Khrista
Jisu peledi nie kemesakâ petekâ khrieya kezha la.
5 Siadze süsü dieliekevi vâi niekâ tsâkelie kethâdie süu
6 nunu niekâ sietsenu siliete; *dieliekevi* süsü kijü
petenu rei puosi rüchü se kra miamia zâ vâ niekâ rei
tsâlie. Sirâ niekâ Jihova ngukmezhieu sikelienhia
7 yawinu thiaha ketsâ hahi vârzhü ze. Niekâ diesüüsü
niekâ la Khrista chalie chükezhä kediethâ ukâ keze
8 chalie chükezhä ukâ khrieu Epafra kinu silie. Mu puoa
Ruopfüu nunu niekâ nouzhie kenyi rei thashü hie kia.

KHRISTAA ZHA KECHÜ, MU PUO KEPELEKÂ RUOKEKUO.

- 9 Süsüla hienia rei die süu sikelienhia yawinu vâi
tsie ketsâ niekâ bu Ruopfü mhasi mhale"neiükâ sedi
Jihova medâ sitoupie nie tsupfülie ketuola niekâ la
10 hienia mezhiemelâ nu cha seibayazâ; mhakekreila-
monyü nie bu mhakevi neiükâ nu nie si rüchüliedi
Jihova dze mhasi kehieliedi, Niepuu neikâ chü chüse
11 chüdi lhoulic ketuola; silie lirâ puo kekuo kezha keba
kekuo sükâ neiükâ se nie chüpekuoliedi nie mhaneiükâ
12 nu shügeshühiedi rüdimö baliétuo. Sirâ nierei nie

- neidi Upuo nie chüpie kemesakâ kezie nunu theka ngu-
 13 keliekâ ze karhe chülie keviu tselie tuo. Mhakekreila-
 monyü puoa, kezei kekuo-u nunu uze parliedi uchüpie
 14 puo Nuo puo Khrieu kedinu shükelie la. Puo la urha-
 15 kelie zâ, *süsusü* ukephuma vakeshü zâ ; mu puoa umhi-
 se ngulie kelhâ Jihova kemhieu. mhapuorei pelhou-
 16 keshü mhâdzü thoutuota keriau zâ. Mhakekreilamonyü
 puobu mhapetekâ, teigeikâ rei kijü mhâ ketuokâ rei, mha
 umhi üse kengukâ rei mu ngukemokâ rei, *teigei*
 kedikâ mu niepukâ, mu *kijü* pehükâ mu kezhakâ rei
 pelhou keshüla ; puobu mhapetekâ pelhoushü mu sükâ
 17 puo la zâ. Sirâ puoa mhapetekâ mhâdzü tuozâ mu
 18 mhapetekâ puo geinu hrüpfü bazâ : sirâ puoa themâ,
 süsusü puo kehau, puoa süu tsüu zâ ; puo sietsenu ketuon,
 kesiamia dânnunu penuolia keriau : mhakekreila-
 monyü, puobu mhapetekânu kezhatâu chü ketuola.
 19 Mhakekreilamonyü Upuo ketsu chüketuo khekâ bu
 20 Khrista gei rei batuo ükechü puo modâta ; mu krus
 geinu *krukpar* Khrista zia pie kevi chüwadi puola
 ketuokâyâ bu puo zevi phreta tuo kechüla. U, *puola*
 kijü ketuo khekâ mu teigei ketuokâ reisa *sitätuo*.
 21, Sirâ niekâ rei thiadzü mhakesuokâ chüdi nie nounu
 22 Jihova ngumvüdi miakekreimia chütuo, derei tsiewe
 Khrista sela puochü-puomâ nunu nie ze viliete ; mhake-
 kreilamonyü nie chükemesapie chie reilie kelhâ mu pejä
 reilie kelhâ chüpie Jihova mhâdzünu shülie ketuola.
 23 Niekâ kepele rüdimodi seimie kre kijü kele kemhie
 chüse chüba zâlie lirâ, mu dieliekevi niekâ hadzü sike-
 lieu siadze süu nunu tsiesia latamo bazâ lirâ, silietuo.
 Dieliekevi süsusüpie teikhrâ kelhou khekâ ki puvâta
 zhüzâ ; mu a Paul harei *dieliekevi* süu lie chütuote.
 24 A tsie niekâ la kemezhie zhü zârei anei bazâ ; mu
 Khristaa puomâ mese puo kehau la kemezhie kechü
 siatsatie rei *kemezhie* sa morâkesuokâ arei aya tsatie
 achü-aphou hauha nunu kehau la chütseishü zhüzâ ;
 25 Jihova die pu pepoushü ketuola niekâ la Jihovaa
 26 mhakam kezha süunu abu dieliepuo chütnote. Kethâ-
 die kesou süu khapie keriakikâ mu lhoukeriakikâ pesi-
 pengushü mote ; derei tsiewe lhapie puo kemesakâ
 27 kiashüwate. Jihovaa Judakemokâ dânu puo die kesou
 süu kinyi zapuzayie chüketuo-u kedipuomhie shi kechü

se themia sūkâ pesipengu shütuoü puo neita. *Kinyi*
 süusü niekâ dânu keba Khrista za; puoa ukâ siadze
 28 kevithâu zâ. Hienia Khrista za süu pupie shietuo zâ;
 mu hienia themia kehupuo bun* rei Khrista nunu
 vitseiliedi khapie *Jihova* tsüshülie tuoü kechüla thedâ
 kevithâkâ se themia kehupuorei petha mu tahitarhâ
 29 tuo zâ. Sidi puothuo puo kekuo* üse anu chüshü
 kezhaü kekuo süu sedi a rhiechüdi süüsüla ateitsâ
 chütuo zâ.

2 Tsiusirâ niekâ larei mu Laodikia nu ketuokâ larei
 mu azie nguya chiekemo kekrekâ larei a anounyüpie
 2 meyhumezhie ketuo a niekâ bu sinyü; mhakekreila-
 monyü a sūkâ bu kekhrîe nunu kezepuo chüliedi mha
 sitoukelie kinyi khekâ sedi Jihova die kesou, Khrista.
 sikemechietsuoipie unou chüpeluo setwolie kechü anei
 3 kechüla; Khrista süu nû mñakesi kele khekâ keviepfü
 4 tuoza. A die hau pukechü mhakekreilamonyü mia-
 puorei bu kemepfe kemenyhâ diekâ se niekâ selie nyü-
 5 kemo la. Sirâ a amâu ha toupfü vâ niekâ ze bamo
 shierei. a aruopfüu nunu niekâ ze badi niekâ mezhü
 keba, mu niekâ Khrista peledi rüdimö bakechü-nguti
 6 aneise bazâ. Süla niekâ Niepuu Khrista Jisu liepie
 nie vie chükêlie kemhie, sümhie puo nunu lhou rei
 7 tuolie; seimie kre kijü kele tuoi nie mie kre puonu
 leliedi puo nunu rüchü sielie; sidi nie petha keshü
 tuoi Jihova tse kenýü chie tsedi nie kepele la metei
 miamia sielie.

MIA SEDIE ZEHIEU KECHÜ.

8 Miapuorei bu themia mhasi mu themiadâ üse niekâ
 kebvü seketa chümolie ketuola nie kirei terlie; *mhasü-*
käsü themia zhâ zâ, mu sükäsü Khrista zhâ monyü
 kijü hanu nhiehunuomia kepetha zhâ theriakâ zâ.
 9 Mhakekreilamonyü Khrista geinu Jihova kinyi pete
 10 themâ rhi sedi lhou kelie la; sirâ niekâa mia mhâ
 kedikechü mu kekuo kenýi petekâ tsüu, *Khrista*, nunu
 11 nie kotsu ngukêlie zâ. Puo nunu niekâ rei zhürekewa
 la nie kephuma mâchüu lhewadi thedzie üse kemo
 12 zhükere *kekrei* puo nie geinu chüliete. Niekâ bap-
 tism kechüki⁶ rei puo sa khruwadi kesiakâ dânunu puo

- perheila kelieu Jihova kekuo süu niekâ rei pelekeli la
 13 puo sa rheilaliète. Sirâ niekâ thezhâ vachie kechü mu
 niechü geiny nie zhürekemo la sia ketuokâ Jihova
 14 niekâ rei chüperheipie Khrista saliete Pua ukephu-
 makâ rei va phreshüwate. Ukâ kekha ungukemvü die
 thukeshükâ vawate. Sizâmonyü puo krus geinu the-
 15 zhüpie sükâ zhipejüwate. Sidi *kezeiu nu* kedikâ mu
 niepukâ te phreliedi ukâ bu Khrista la mia mhingü-
 16 kinu ukâ bu 'mia dzü kemenga chü. Süla miapuorei
 bu kechü kekria, morei thenyi, morei khrü kesa, morei
 kerülei zha, thezhâ hakâha pupie niekâ kiahie chie;
 17 sükâsü vâr tuoü tuo kechüu khrü zâ, mu kevâr-u we
 18 Khrista zâ. Kerüsiasia-i kechü mu teigeidieliemia
 rüsuo kechü unei üya kezhamia miapuorei bu niekâ
 sepie niekâ mhamethuo ngulie tuoü ketuo-u vajâwa
 hiechie. Themia sikechümia puo *mhá* kesikâ lepie
 19 puothuo puo nou kerahü*la kâ methuo tuoya. Pua
 mña puo kerekâ la puo kerheirâ vâ puo tsü süu ze
 kekhe kehrüpfüdi Jihova kinu kekuo nguliedi vikechü
 lieya kezha, ukâa puo *tsü süu* ze kekhepfü bamo.
 20 Kijü haunu nhichunuomia kepetha theriakâ mhiei
 , kechü tsatie niekâ thiadzü Khrista ze siata lirâ, sirâ
 kiüdi kijü süu kitsatie tsierei rheituo zâ kechü mhiedi
 21 miabu thezhâkâ üse niekâ phatuo üya zâ ga? Sükâa
 themia die la niekâ bu nyükenyü. morei chükenyü,
 22 morei biekenyü üya; *kechücha* sükâsü zeü jüketa vie
 23 zâ. Mha sükâsü üthuoumedâ chüdi rüsuo kechü, mha-
 kesidâ mhieda; mhakekreilamonyü ukâ uzha kevi
 merieva mu uthuo umâ bu kemezhie tuoü kechüzâ
 kechüla; derei *mhasükâsü* uchü-uphoua rüyakezhakâ
 kekha kelie ba puorei jü.

- 3** Süla niekâ Khrista sa phoulie *kethâ* ülie râ, Jihova
 zatsa baketa Khrista keba pesâ gei viekâ pfü bazâ
 2 liechie. Niekâ niekâ noupie kijü gei ketuo viekâ
 3 monyü pesâgei ketuo viekâ le bazâlie chie. Niekâa
 siata, di niekâ kerheirâ pie Jihova kinu Khrista dzie
 4 nunü Keviepie tuote. Khrista, ukerheirâbâu, ngutou
 kelie nhia, sünhia niekâ rei puoze zapuzayie chüdi
 miabu nie ngutou tuo.
 5 Süla niekâ kijü ketuo niechü-niephoua rüya kezha :

- pieü, mesakemo, kerüya kechü, kesuo chünyü kechü,
 mu mhamhou kechü süsü terhuo rhidi räsuokechü;
 6 hakâha pesiawalie chie. Mhasükäsü la miadie zeyakemo
 7 unuonuokâ gei Jihova noupfü shüta sevârya. Niekâ
 8 thiadzü mhasükâ chüdi tuoya kezaki niekâ rei sükâ
 9 chüdi lhou vâr zâ. Derei tsiewe niekâ rei, noupfü,
 nouyie, uzhâkesuo, mia tha kechü, niä tia nunu menga-
 10 kemo die pukechü, hakâha pete khawalie chie. Huo-
 niehuo gei tijühie; mhakekreilamonyü niekâ themia
 11 keweü mu puo mhathâka khawata kechüla. Sizä-
 monyü niekâ themia kesau dzielieta; themia süsü
 chükesa lapie mhasi kethâu nu puo Chükeshüu mhie
 12 miamialieya. Süla huomia üse Grikmiaü, huomia üse
 Judamiaü, huomia üse zhükeremiaü, mu huomia üse
 uzhürekemomiaü: mu huomia üse kemelâmiaü, Skut-
 miaü, kediemiaü, miadie chükemomiaü, äsi lielhâ; derei
 13 Khristaa sükâ petekâ *vie zâ*, mu puo ukädânu ba phre.
 Süla niekâ Jihovaa kedakelikâ chüdi mesa mu puo
 khriekâ chü keta la, noushü nouzhie, kâmo mu mene-
 14 kechü, puo nou chakechü, hakâha dzieliemie. Niekâ
 huoniehüo gei thenou shükhre ketsüchie, mu niekâ
 huomianie huomia gei kenyaü mha lirä kengumezhiedi
 15 vapie huoniehüo tsüchie. Khristaa nie ngumezhiedi
 vapie nie ketsü tuoi, nie rei sümhie chüchie. Sidi sükâ
 16 petekâ mhâ mhakehupuorei chütseilieya kezha chiepha
 kemhie, kekhrieu se nie chiephalie chie. Tsiusirä
 Khristaa khakeshü nounen bu niekâ nou nu niekâ
 keseliechie; mhakekreilamonyü niebu süu sedi mâpuo
 chübalie tuoü kechüla nie kiekelie zâ. Sirä niekâ Jihova
 17 tsetuolie chie. Niebu mhasi kethâ chülie ketuola
 Khrista dieu bu nie nou bapevilie chie. Kethâ tsali,
 kemesa tsali mu ruopfü tsali chüdi niekâ huoniehüo
 18 petha mu tarhâ bazâlie chie; mu nie nounu Jihova
 tsemi chielä tuoziälie. Sizämonyü nie dienu vei mu nie
 19 mhathâkâ nurei nie mhakehupuo kechü nurei Niepuu
 20 Jisu za nunu mhasükâ petekâ chüliechie; mu puo la
 Upuo Jihova tse seituolie chie.
 18 Mia nupfunuokâ, niekâ nie nupfunuokâ khrükhrä
 tuolie; mhakekreilamonyü Niepuu nu *ketuomja* sikechü
 19 mese zâ kechüla. Mia nupfunuokâ, niekâ rei nie nu-
 20 pfünuokâ khrielie, mu ukâ pese hiechie. Nihichunuokâ

niekâ rei nie krünuokâ dieze zâ tuoliechie, mhakekrei-
lamonyü Niepuu nu *ketuomia* sikeehü vizâ kechüla.
21 Mia krünuokâ, niekâ rei nie nuonuokâ pechü pelhie
22 bahie, ukâ údzükezie jütatuo mu. Mia kituokâ, themia
nie mhâ kezha chü kebakâ die ze seituolie, mia mhi-
ngukinu mia neichüya kezha rürbei zâmodi, nie nou
23 mezhüdi Niepuu khrüu preidi chüzâlie chie. Niekâ
mhakehupuo chü shierei, themia la zâ monyâ, Niepuu
24 lanu nie nomyie thâ chüdi chüliechie. Sirâ niekâ rei
sibatuo, niekâ nie Niepuu *Khrista* kinu nie zha mese
nie puo kâ ngulietuo. Nie Niepuu Khrista liechü tuo
25 zâ. Musirâ mhakam chü kemezhü chükemomia keme-
zhü chükemo zhakhra ngulietuo. Mu puo miapuorei
ngumezhie kreilielhâ.

4 Kezhakâ, niekâ rei neikâ kituo kishüka gei puotouu
mu chükezhüu chüchie; mhakekreilamonyü teigei niekâ
ki kezha puo bakechü niekâ rei siba kechüla.
2 Niekâ cha petehie chie. Mu chakechüki niekâ nou
3 niekâ thâ chülie: mu Jihova thezie bazâlie. Sizâ-
monyü a puo la kedia chüketuo-u Khrista die kesouu
pupie kialie ketuola Jihova pu die süu cha pfüşhü
4 hienia tsülie ketuola hienia larei chabalie chie. Abu
5 sidi pukezhüu pu kemechielie ketuola rei sa. Cha-
zoukâ kenguki rei udâ vise tuolie, mu uzha va khrielie.
6 Nie diepu metsia pie kenhe kechü *kemhie* mia ngume-
zhie sieidi mñaze kercühü melie; sidi niekâ mia nie ki
7 mha ketsâ keshü khekâ pukezhüu pu silie. Tukika
thuo arülikâ pie niekâ ki pu pbreshütuo. Puo ukâ
8 siazeu ukhrieu mu Niepuu nunu hienia ze chalie chüya
kezha chalie kediethâ puo zâ. Niekâ bu hienia rüli
silie mu puobu niekâ nou rei vaketbepfu shü ketuola,
9 a süusülanu puo ketsepie niekâ ki keshü zâ ho. Sirâ
niekâ krâmia kechü niekâ zemia kediethâ, niekâ khrieu
Onisima rei puoze vâtuu. Unia niekâ ki hanu mhake-
hupuorei chü keba khekâ pushütuo.
10 Hienia keze kedia chüketuo, Aristarka rei nie kelu-
shü ho; mu Mark, Barnaba nuosiazeu, reisa. Niekâ
hadzü puodze die nguliete. Puo vâr râ, puo zeliemie.
11 Tsiu Jesu, Justa rei üyakezhau, rei niekâ kelushü ho.
Hakâha uzhükerekâ krâ nunu keparkâ zâ: *krâ süu*

- nunu kepar* hakâha zârûrbei tsie aze Jihova kedi chalie chûya kezha zâ; mu themia hakâha a dzûthupeluo vârtsâ.
- 12 Nieka krâmia Epafra ükechû, Jisu Khrista kituomia puo, rei niekâ kelushû ho. Puo niekâ bunu Jihova medâ khekâ sikemechie tsuoilie ði chûse chûthalie ketuola puo kecha khekâ nu niekâ la puo rhiechûbaya
- 13 zâ. Mu puo niekâ la rei, mu Laodikia nu ketuokâ la rei, mu Hirapoli nu kebakâ la rei puo noukenyû chûbaya zâ kechû arei sitou bazâ. Ukâ khrieu Luk daru-
- 14 kesiu rei, mu Dema rei niekâ kelushû ho. Laodikia nu keba ukezekâ ki rei, mu Nimfa ki rei mu puo kinu kehouya kezhakâ ki rei, a ukâ kelushû ükechû puchie.
- 16 Sirâ niekâ leshû hau phrûwatse khapie Laodikia kehou burei phrûchie, mu niekâ rei Laodikiakâ kinu leshû
- 17 puo vârtuomu, süu rei phrûchie. Sirâ Arkipa burei puo Niepuu nunu mhakam ngukelieu, süu chûvâtsâ shû ketuola menuodi chûbazâlie puchie. . *
- 18 A Paul, athuo adzie üse niekâ kelukeshû die hau thushû ho. Thezhürâ se adzie kekha se ketuokâ rûkramota suo ho. Ngukemezhieu bu niekâ ze bakelieu chûliechie.

Paul-a Lëshü Thupie Thesalo- niakâ Ki Keshü Keriau

KELUKESHÜ DIE : KEHOU RÜLI

- 1 Paul mu Silvana mu Timothi ukâ thuo khapie Upuo
Jihova mu Niepu Jisu Khrista kitsatie baketa Thesalonía
kehóu u ki keshü : ngukemezhieu bu niekâ gei balie mu
keviu chü balie.
- 2 Hie hie kechakâ nu niekâ rüli pudi niekâ petekâ la Jiho-
3 va tse sei baya zâ. Hie niekâ Upuo Jihova mhâdzü nunu
kepele nyidi mhachüya kezha mu kekhrie nyidi shürheiya
kezha mu Uniepu Jisu Khrista kitsatie nie siadze lepie
4 rüdimozâ keba rükrapie hie nouki shüsei sebaya zâ ;
mhakekreilamonyü, harie hie kezekâ Jihova khrie kepfü-
5 kâ, niekâ kedakelie dze hie sitou kechüla ; süüsü hie
sepuketuo dieliekeviu vâ niekâ tsâkelie, diekepu rürbei
zâmonyü puokekuo rei nyi mu Kemesa Ruopfü rei puo
zetuo mu sikemechietsuo kelie die zâ : mu süsütuo
6 niekâ dzevi la hiezhâ hierüli rei kedipuomhiedi chüshü
niekâ kia shi niekâ thuo rei sibatuo. Sirâ niekâ keme-
zhiëphi kechü dânurei Kemesa Ruopfüa niekâ nouva
pëmvü shüdi niekâ bu die süu zeliedi niekâ hie rei mu
7 Niepuu dârie rei lieliete. Sidi Makedonia nu mu Akaya
nunu pele sier kelie khekâ mhâdzünu niekâ rei thakia
8 kevipuo chüpie mia kialiete. Mhakekreilamonyü niekâ
kinu Niepuu dieu pu chie prakelie zâ kechüla ; musirâ
Makedonia mu Akaya nu rürbei zâmonyü luki haki rei
Jihova kitsatie nie kepele nyikechü miabu si vâte ; süla
9 süu dze hie mhapuorei pumo rei vite. Mu sükâ uthuo
rei hie kedipuomhiedi niekâ ki lelie shi kechü, mu rhei-
tuoya kezha mu kethâtou kechü Jihova neichü tuöüdi
terhuorhi rüsuoya kezhakâ nunu niekâ kedipuo mhiedi
10 rüdi se Jihova ki vâlie shi kechü, tsüu sizâmonyü teigci

nu tsur tuoü kezha puo Nuo-u pfe tuota kechü, ukâ dze sükâ pu rükhruo tuote. Mu Nuo süu, Jihovaa kesiamia dânunu chüperhei lakelie Jisu zâ; mu puo thesia ugei pfüphir ketuo nunu ukelalieya kezha zâ.

KEHOUMIA RÜLI

- 2 Sirâ hie kezekâ, hie niekâ dânu, kele sösü thedâ
 2 chütamo kechü niekâ thuo rei sibatuo. Siketau monyü hie hadzü Filipi nunu komezhie phi mu mia hie pesepi zârei Jihova la thepfu zâdi hie kemichie neükâ dânu rei
 3 Jihova dieliekeviu pupie niekâ kia zâ. Kekreilamoü hie nie hütuo kechü niebu kekrüta ketuola rei mo, hie thuo hie kerüzhüla reimo, morei nie sepenyawa ketuola reimo
 4 zâ kechüla: sikewau monyü Jihova thuo hie lepevidi dieliekeviu pie hie pelekewa tuoi hie rei sütuo mia ki puya. Hie themia neiu mohyü unou puotou mo moshi
 5 kechü silieya kezha Jihova neiu chünyüya. Tsiu hie mhakipuorei mia se mia thezie rei tuodi niekâ bu simo, hie mhamevi chüdi *nieve* rei mehau tuomo kechü Jihova
 6 hie zhapu ba. Sirâ hie Khrista kitsatie apostel chüdi hie kekuo nyikechü pulievi rei hie niekâ kinu rei motei
 7 kekreamia kinu rei themia kinu thetse pfütuo mo zâ. Sirei hie thiadzü niekâ dânu kebaki uzuenuo unuonuo pahyaka theke menuo kezha tuoi hienou menedi lhou zâ.
 8 Sidi hie niekâ khrie thâr kechüla niekâ ngupie hie neisieidi hie Jihova dieliekeviu rürbei zâmonyü niekâ
 9 la hiephou rei khashü tuoükechü hie neiphi sie zâ. Sizâ, hie kezekâ, niekâ niethuo rei hie hierchie chüdi mhachükechü mu komezhiekechü rei niekâ siale batuo: hie mhakehupuo nurei niekâ noupenyümo ketuola theva rei khinhia rei mhachü mu Jihova dieliekeviu rei pupie niekâ kia zâ.
 10 Sirâ peleyakezha niekâ gei hie hiezhâ hierüli mesa mu miathâ mu miabu hie lepejâlie kelhâ chükeshü niekâ niethuo rei mu Jihova rei hie zhapu bata zâ. Sizâmonyü
 11 puopuoa puo nuonuo gei keshütuo hie niekâ kehupuorei tahitarhâ mu nienou chükethepfu dâneü chükeshü niekâ
 12 thuo rei sibatuo; sidi hie nie hüpie nie bu puo kedi mu zayie chükebanu vâlienudi nie kieya kezha Jihova neichüdi lhoulienü shü zâ.
 13 Sirâ niekâ hie kinu dielie pükeshü diq hau, *puocha*

- Jihova *dieu*, ngukelieki niekâ rei die hau üse themia die mhie monyü Jihova die üdi süu zelieta zâ ; süla hie Jihova tse sei baya zâ. Mu *nie ki kepu* die süu niekâ pelekezhakâ
- 14 nou chüshüya kezha Jihova die kethâu zâ. Tsiu, hie kezekâ, niekâ rei Judia kijünü Khrista Jisu la Jihova kehou chüketakâ siadzichü sieta zâ ; mu sükâ Judakâ kinu kemezhfekelie tuoi niekâ rei niethuo nieramia kinu
- 15 kemezhlieta zâ. Juda sükâsü thiadzü Niepu Jisu rei mu siadzekesikâ rei dukhri, mu hie whuo reiwa, sizâmonyü Jihova neikemo chüya mu themia kehupuo ngumvü
- 16 rei chütuote ; sükâ Judakemokâ bu kelakelie ngulie kelhâ la hie bu sükâ rüchühie nudi hie khaya. Sidi ukâ kejakemou chüvâ puotei chütuote. Sirei noupfüu resedi ukâ gei vâr bate.
- 17 Derei hie kezekâ, hie zâpuoki, hie noutsa monyü hiemâ toupfü *nie*, therhie keta la hie nie mengusieidi nie zie
- 18 ngushü tuoüdi medâ *bti sie*. Hadzü rei hie niekâ ki vâr tuoü sie, mu a Paul zâwe vapuo rürbei zâmonyü va kenia
- 19 rei zâtuonsie : derei Satan thuo hie khawate. Derei Uniepu Jisu vârketuoki niekâ zâ kemosia hie supuo la hie dzüzie morei hie nei morei thetsepfülie tuo ga ? Hie thetsepfülie ketuo mu hie neilie ketuosü niekâ la zâtu.

- 3** Süla hie ge sabalie kenjü tatse hie hie rürbei Athen
- 2 rüna nu ba rà viketuo medâdi ; hie usiazeu mu Khrista dielie keviu la Jihova liethâu Timothi ketseshüdi puo bu niekâ chü kemetei mu niekâ kepele dzetsatie rei niekâ
- 3 uou chüpeluoshü ; silirâ niekâ miapuorei kemezhiekehrü hakâha la puonou tsiesiata molie ketuola ; mu ubu sükâ dzü zâ tuoü kechü thâpie ugei shüpie bata kechü niekâ
- 4 thuo rei sibatuo. Sirâ hie niekâ ze kebaki rei ukâ kemezhie zâ tuoü kechü pëdzüperia niekâ ki pushü zâ ;
- 5 mu süsütuo chürei zâkehrü niekâ rei sibatuo. Sirâ hahala arei ge sa balie kenjü ta ; mu niekâ kedâkehrü niekâ kedâ kechüla hie mezhie bu thedâ chüketa preidi
- 6 niekâ kepele dze si kenyü la a *mia* ketseshü. Derei tsiewe Timothi niekâ kinu la hiekâ ki vârte, mu puo niekâ kepele mu kekhrie mu niekâ hie rüli rükra seidi hie nie ngunyüba kechü tuoi niekâ rei hie ngunyü ba kechü die
- 7 kevi sükâ sevâr hie petsâshü ; süla hie kezekâ, hie niekâ kepele la hie kemezhie kechü mu hie nou rei kemezhie

- 8 kechü khekâ nurei niekâ la hie nouluolie. Sirâ nie
 9 Niepuu kitsatie thalie keta sia hiesü rheiliete. Tsiu
 niekâ la hie Jihova mhâdzunu hie neikelie khekâ la hie
 10 niekâ la kedipuonhiedi Jihova tse^a la râ vitieshi! Hie
 niekâ zie rei ngushü mu niekâ kepele khatsämo kebakâ
 rei chükhâtsâshü kenyü la theva rei khinhia rei châ
 hierhie chübaya zâ.
- 11 Sirâ Upuo Jihova thuorei mu Uniepu Jisu burei hiebu
 12 niekâ ki väketuo la hie cha^a pfukeshü chüliechie. Mu
 Niepuu burei niekâ nou chüpie hie niekâ khriea kezha
 tuoi niekâ bu huoniehüo rei mu themia kehupuorei khrie
 13 kechü miamia kelieu chüliechie. Sidi puobu niekâ nou
 chükemetei pie Upuo Jihova mhâdzunu nie bu mesapie
 fataliekelhâ chüzâ setha Uniepu Jisu puo kemesa khekâ
 zedi laketsur tsâkelieu chüliechie.

* * *

LHOUMESA MEZHÜDI JISU PFEBAKELIE DZE

- 4 Sirâ chüsia hie kezekâ, nie hie kinu puotou chüdi
 lhoukelie mu Jihova neichü keliekâ siliedi nie tsierei sidi
 lhouya kezha tuoi, mu sü kezie rei chükechü miamialie
 ketuola Niepuu Jisu la hie niekâ hü mu niekâ tathâshü
 2 zhü ho. Niepuu Jisu zanunu hie niekâ bu chünü keshü-
 3 kâ niekâ rei sibatuo. Jihova niekâ bu mesa bakelie,
 4 puocha pieü chümo bakelie; mu niekâ kehupuorei Jihova
 5 siyakemo themia neikâ tuoi kekhriekezeta monyü mesa
 mu *mia mhâdzü rei* therhu nyidi puothuo puo kimia
 6 zelhou kelie dâ sikelie; mu sirâ miapuorei bu thezhâ
 varhuodi puo kezeu pesemo kelie; mhasükäsü Jihova
 medâ zâ. Mhakekreilamonyü hie pedzüperia niekâ tarhâ
 mu thashü niekâ kia keshü tuoi Niepuu puothuo
 7 mahakâ petekâ gei puo khepuya kechüla. U, Jihova
 ubu mesamo tuo nu monyü u kemesa kreipie puo ki-
 8 tsatie shülie ketuola u kielietâ zâ. Sala thenfia kehupuo-
 rei die süu zekemo-u puo themia zâ monyü Kemesa
 Ruopfüu kha niekâ tsüya kezha Jihova die zemvüya zâ.
- 9 Derei siazedzürä huoniehüo khrieketuo dzewe miabu
 leshü thupie niekâ kishü mo rei vituo: mhakekreilamo-
 nyü huoniehüo khrieketuo dze niekâ niethuo Jihova kinu
 10 silie keta la. Kethüzâ niekâ Makedonia nu keba nie
 kezekâ petekâ^c gei süu chüya zâ. 'Derei, hie kezekâ, hie

- niekâ bu *sûu chû* kechû miamia salie nudi nie hûshû
 11 zhie. Sizamonyû hie hadzû niekâ bu chûnu keshû tuoi
 hie niekâ bu'menedi lhoulie nu mu niethuo nie mhathâu
 chûlie nu mu niethuo nie dzie se mhachûlie nudi *nie*
 12 *hûshûzhie*. Silie lirâ chazou ketuokâ mhâdzûnu rei
 niekâ theviangodi tuolie tuo mu mhapuorei ketsâpfû
 jûlie tuo.
- 13 Derei hie kezekâ, hie nie bu ze ketakâ dze simo tuo-
 kechû hie medî mo; kekreibamonyû nie bu mia kekreibia
 usiadze jûzâ kechûkâ tuoi nie nousuo mo tuolie ketuola.
- 14 Sirâ we Jisu siatadi lasie keta pele tuoya lirâ, sûsûtuoi
 Jisu kitsatie tuodi zeketakâ rei Jihovaa Jisu sa zevâtatuo
 15 kechû rei kethâzâ. Kethâzâ hie nie ki puya kezha die
 hauha Niepuu kinu ngulie zâ mu sûsû ukâ rheibadi
 Niepuu latsur ketuoki batsâlie ketuokâ zeketakâ mhâdzû
 16 rialielhâ zâ. Mhakekreilamonyû teigeidielie kezha
 kuokelielpe chûdi shieshû mu Jihova ketsûu khoushûtse
 Niepuu puothuo teigeinu kerzâtuo kechûla. Sitse
- 17 Khrista kitsatie tuodi siaketakâ rheisieta riatio; sûsia
 ukâ rheiba sûki tsâketuokâ rei chûse kimhou nunu sûkâ
 sa khâdi khâ lugeinu Niepuu ze kesetuo; mu sidi we
- 18 Niepuu ze sei tuota tuo. Sizâtuo kechûla niekâ diehakâ
 ùse huoniehû nou thupeluo zâtuo lie chie.

DIE THEKHAKÄ

- 5 Derei hie kezekâ, sûsû kedithochiepuo tuodi kedi-
 kechûkipuonu tuoshi kechû dze miabu thushû niekâ ki
 2 shûmo rei vituo. Mhakekreilamonyû kerûgumia theva
 zenu vârya kezha tuoi Niepuu *kevir* teisâ rei sûmhiezâ
 3 tuo kechû niekâ niethuo sitou bata kechûla. "Noucha
 jûte! Chûsia kemichie jûte!" ikechû mia pu sie ketuo-
 ki, sûkisû thenumia nuonuo vachû chû mhavâr kezha
 tuoi keka ukâ gei mha vârtuo; mu ukâ mhapuorei chûdi
 4 tatherhielie kenjû tatuo. Derei hie zenuokâ, niekâ
 kezeinu badi teisâzâ sûu bu kerûgumia mhiei niekâ ki
 5 vârtuon bamo: mhakekreila monyû niekâ petekâ kezie
 nuonuokâ mu teisâu nuonuokâ zâ kechûla: ukâwe
 6 thova morei kezei *nuonuokâ* mo. Sûla ukâwe kekreibâ
 mhie zezhû zâ hie châbalie mu mechie phrûi pfûbalie
 7 khe. Zekezhakâwe thevaze zeya, mu mezekebakâwe

- 8 theva nu meze baya zero. Derei ukâwe teisâu nuonuo
zâ kechûla kepele mu kekhrîe thachû kelielie mu ukela-
lietuo lepie uneî ketuo-u pie utşure chûliedi mechie
9 phrûi pfûbalie khe. Mhakekreila monyû Jihova ubu puo
noupfû kitsatie vâ tuoûdi monyû Uniepu Jisu Khrista la
ukelakelie ngulie ketuo tsatie vâtuûdi medâ bata
10 kechala. We châba zâ shierei morei zeta zâ shierei Jisu
11 ubu puo sa rheilie ketuola uzâzhû ledî sia. Sûla niekâ
tsiedâ rei chûya kezha tuoi huoniehûo nû thupêhuo mu
huoniehûo chûpevi tuo zâliechie.
- 12 Sirâ hie kezekâ, hie niekâ bunu niekâ dânu *dieliekevi*
kam chûya kezha mu Niepuu kitsatie niekâ mhâ badi
13 niekâ tahitarhâya kezhakâ rhulie nudi nie hûshû zhû ho.
Sûkâ urhie chû ketuola niekâ ukâ khrie sedi ukâ le
14 pezhaphilie chie. Mu niekâ zârei kezevi balie chie. Sirâ
hie kezekâ, hie niekâ bunu mōzhûtuonto ketakâ tarhâshû
nu mu umeloukesuokâ chûkethepfu shû nu mu kuokemokâ
khruohishû nu mu niekâ kehupuo geirei nie nou shûkhre
15 shûhielie nudi niekâ hûshû zhû ho. Miapuo burei miapuo
gei kejâ kechû zhada vûmolie ketuo lezâlie chie ; sike-
chûu monyû niekâ huoniehûo geirei mu themia kehupuo
16 geirei kevîu siadzi chû seituo zâliechie. Nie nou nie nei
17, 18 seituo zâlie chie. Cha petemo bazâlie. Mhakehupuo
nurei *Jihova* tse zâlie : mhakekreilamonyu Khrista Jisu
19 la niekâ bu sikechû Jihova medâta kechûla. Ruopfûu
20 biepebhewa hiechie. Siadzekesidie kepu reiû mhapuomo
21 ûta hie ; mhakehupuorei vi mo suo shî kechû lechie ;
22 sidi kevîusû thezetsa setuolie. Kesuo shûûkâ therhie
zâlie.
- 23 Sirâ thenou chûkemenewaya kezha Jihova bu niekâ
chû kemesa pepouwalie ; sidi niekâ ruopfû, niekâ kerheirâ
mu niekâ mâ bu kru phre zhûdi Uniepu Jisu Khrista
24 kevâr nhia jâtalie kelhâu chûliechie. Nie kēya kezha
sû diethâ zâ : mu puo puothuo sûkâ chûlie zâ tuo.
- 25 Hie kezekâ, niekâ hiekâ la chabalie chie.
26 Kemesakâ kemebâya kezha zhâ se ukezekâ pete
27 kelushûchie. A niekâ bu leshû hau phrûpie ūkezekâ
petekâ kia phreshû nudi Niepuu *za* se niekâ kî pubeishû
zhû ho.
- 28 Uniepu Jisu Khrista kinu kêpar ngukemēzhieu bu
niekâ ze bakelieu chûlie chie.

Paul-a Leshü Thupie Thesaloniakâ·Ki Keshü Keniau

KELUKESHÜ DIE MU UKÂ NOU CHÜKETHEPFU KESHÜ

- 1 Paul mu Silvana mu Timothi ukâ khapie Upuo Jihova mu Niepu Jisu Khrista kitsatie baketa Thesaloniakâ
- 2 kehouu ki keshü ; Upuo Jihova mu Niepu Jisu Khrista kinu kepar^a ngukemezhieu mu noungeu bu niekâ ze bakelieu chüliechie.
- 3 Hie kezekâ. hie niekâ la Jihova tse sei kechü hie zha te ; mu sikechü puotou zâtuo. Mhakekreilamonyü niekâ kepele vi kechüse tazhü mu niekâ kehupuorei huoniehüo khrie kechü miamia phrelie zhü kechüla.
- 4 Süla hie biethuo zârei mia niekâ pesekechü khekâ nu rei mu kemezhiekehü nie gei phirya kezha khekâ nu rei nie shügeshühie kezha mu nie kepele lanu Jihova kehokâ
- 5 nu niekâ la hie neiphi tuoya. Niekâ kemezhie kezhakâ rei Jihova kedi lazâ ; mu niekâ bu süu *ngulie* kesü chülie ketuola Jihova medâa mezhüzâ ükechü sükâ pie
- 6 zasipuo chüpie kia keshü zâ. Sirâ Niepu Jisu Khrista thuo Jihova siyakemokâ mu Uniepu Jisu dieliekeviu
- 7 diezechüyakemokâ gei puo khepu tuoüdi mi tuzâ keba nunu puokekuo puo dieliekâ ze sadi teigei nu mia mhi-
- 8 ngu chüzâ tsur ketuoki, mia tsiedâ niekâ pechüpenyü kezhakâ pechüla ketuo mu niekâ tsie kemezhiekehakâ burei hie ze rüleita ketuo Jihova mhâdzünu zâwe mezhü
- 9 zâ. Sünhia puo puo kemesakâ la zayie chütuotüdi mu puo pelekelié khekâ mhâdzümu ukâ bu puo ngupie
- 10 ungâzâ tuoüdi vâr ketuoki *dieliekeviu diezechüyakemokâ* bu Niepuu zie mu puo kekuo ratsa kere nuntu siazha chüdi-kechachie keka ngulietuo : niekâ hie niekâ ki puo
- 11 zhapu chükeshü dieu pelielita zeru. Süla hie Jihova bu niekâ üse pub phrei chülie kesümia ülie ketuo, mu

- niebu niezhâ vilie kenyü khekâ mu nie kepele mhathâ
 12 zâ. Sidi u Jihova mu Niepu Jisu Khrista *kinu kepar*
 ngukemezhieu la niekâ geinu Niepü Jisu zau meyieli
 tuo, mu niekâ rei puo geinu meyieli tuo.

KHRISTA LAVÂR KETUO MU THEMIA KERÜZHÜ DZE

- 2 Sirâ hie kezekâ, Uniepu Jisu Khrista lavâr ketuo mu
 ukâ vâ puo mhâdzünu kenguketuo dzé hie nie hüpie.
 2 nie bu Niepuu kevâr teisâzha tsie hata ükechüpuo
 tuoidi nie bu nienou kehu keruo chümhata morei ruopfü
 mhasi puola morei mia die la morei hie kinu leshü
 ngulie üdi niekâ noukemezhie mo ketuo chüshü ho.
 3 Mia bu thedâ kehupuorei se nie sewahie zâ chie : mia
 lata peria mu kaketau puo-u, themia kerüzhü mia
 4 mhingu chüvâr kemonu *süu chülielhi*. Süu uthuo üse
 Jihova de chü morei miabu urüsuoya kezha khekâ ngu-
 mvü mu puothuo puo chüpezha tuo ; sidi puo puothuo
 Jihova mevi chüdi Jihova kerüsuokinu balie tuo.
 5 A thiadzü niekâ ze kebaki mhasükâsü se niekâ ki pu
 6 keshü niekâ siale mote ma ? Sirâ puo bu puo teitökinü
 parlie ketuola kedipuo tsiedî puo khaba shi niekâ rei
 7 sibatuo. Mu kerüzhü kokuokâ mia pesipengumodi
 tsierei chüchie bate : derei tsie puo kha kebau miabu
 8 puo chüwa ria morâsuo. Sidi süsianur-kerüzhü süu puo-
 thuo miamhingu chüpartuo ; derei Niepu Jisu tia nunu
 kepar puo thesü pie süu pekawatuo, mu puo mia mhingu
 9 chü vârdi *kerüzhü* süu chüpejüwatuo. Satan puo
 hükeshü la *kerüzhü* süu kekua mu zasikâ mu ungâ mha-
 10 thâ kethâkemo neiükâ, mu kethâkemo se mia seya kezha
 khekâ sedi vâ suota ketuokâ ketsituo ; süsü mhake-
 kreilamonyü sükâ kethâu khrielie lirâ ukâ kelalie tuo
 11 ikechü dieu zeli mo ketala. Tsiu ukâ bu ketijü peleta
 ketuola süsüla Jihova miabu kekrüta ketuo krâpuo
 12 chüshü tuo : sidi kethâu pelemonyü kethâkemo-u nu
 uneituoketa khekâ pejâwatuo.
 13 Derei Niepuu khriekepfü hie kezekâ, Ruopfüu thuo
 nie chükemesaliedi niebu kethâu pelekeli la Jihova
 sietse nu niekâ kedapie kelakeli tsatie shüpie tuo ketala
 14 hiewe niekâ la Jihova tse sei tuo zhüte. Puo süsüla

- hie dieliekeviu bu niekâ kiepie Uniepu Jisu Khrista zayie
 15 chûketuo tsatie shuliete. Sûla hie kezekâ, niekâ chûse
 chûtha zâlie, mu niekâ hie die zârei morei hio leshtû
 nunu kepethadie sikelielâ chûûzetuo zâlie.
- 16 Sirâ Uniepu Jisu Khrista burei mu Upuo Jihova ungu-
 kemezhie la u, khrie mu kechachie unou thukepeluo mu
 17 usiadzekevi kha uketsûu burei niekâ nou thupeluoshû
 mu mhakevikechû mu die neiükâ nu nie nou chûpebie
 shûkelieu chûliechie.

TARIÄ KESHÛ DIE THEKHA

- 3 Chûsia hie kezekâ, Niepuu dieu bu niekâ dânu chûya-
 kezha tuoi *kekreiki dinu rei* chûsa zâ vâlie mu therhu-
 2 pfûlie, tsiu hie burei themia mhalekemo mu kerûzhûmia
 dzie nunu rei tapralie ketugla niekâ hie la chabalie chie ;
 3 themia potekâ kepelemia zâ miaru. Derei Niepuu sî
 kediethû zâ ; puo niekâ chûkemetei shû mu kerûzhûu
 4 dzienunu niekâ kelashûtuo. Sirâ hie niekâ ki mhapu
 keshûkâ niekâ sîkâ chûya mu tsiesiarei, chûtuo ikechû
 5 niekâ dze zâwe hie Niepuu pele baya zâ. Sirâ Niepuu
 bu niekâ nou khiese Jihova *kinu kepar* kekhrieu mu
 Khrista *kinu kepar* shûge shûhie kezha nu vâkelieu
 chûliechie.
- 6 Sirâ hie kezekâ, hie niekâ bu nie kezemia kohupuorei
kehôu reinu tuoya kemo mu nie hie kinu kepethadie
 sikelielâ rei zeyakemomia ze kepekrâ molie nudi Uniepu
 Jisu Khrista za nunu hie die kha niekâ ki shûzhû ho.
- 7 Niekâ hie dârialielie zhû kechû niethuo zârei siba tieru :
 mhakekreilamonyû hie thiadzû niekâ dânu kebaki rei
 8 mia rei zemodi lhoumo zâ kechûla. Sizâmomyû hie
sûkisû miapuo dzienunu rei puoma chûmodi mha lieke-
 chûu monyû, hie niekâ miapuo nourei penyû nyû kemo-
 la thevâ rei khinhia rei mhachû kemezhie rûkhrerÿi zâ.
- 9 Sîusû hie *va liekechû* puotou momu idi monyû niebu
 tsiesia hie dâria liellie ketuola hiethuo thakiapuo chûshû
 10 niehâ kiashtûnyû sie kechû zâ. Sizâmomyû hie niekâ ze
 kebaki rei "Themia kehupuorei mhachû kemechûmia,
 puobu puo nouva rei chûhie" isidi hie niekâ ki die
 11 khashû zâ. *A die hau kepu* mhakekreila monyû hie
 niekâ dânu huomâ uthuo umhathâ puorei chûmodi mia

- 12 kehyu khâ mu kedi miarei nu tuoya mo kechü si kechü
 lazâ. Sûla hie themia sikechümia bu rürbiadi uthuo
 13 uvakrachü tuonu kechü Niepu Jisu Khrista zase diekha-
 shü mu tarhâ sashü zhü ho. Derei hie kezekâ, niekâ
 14 zâwe mha *kam* kehupuorei chürâ vi ükechükâ chü nie
 shüshüta hie. Tsiu themia kehupuorei leshü hau geinu
 thukeshü hie die zeya kemomia, niekâ themia sümia
 sipie balie ; sidi puobu mengalie ketâola niekâ puo ze
 15 kepekrâ rei hie. Siüderei puotü nie ngunvümia mhiezâ
 tahiedi nie kezemia mhiedi puo tahitarhâ tuo zâlie.
 16 Sirâ thenou chükemenewaya kezha Niepuu bu kehuki-
 puorei, kehupuonurei puothuo noune süu khapie niekâ
 tsütuo kelieu chülie chie. Niepuu bu niekâ petekâ zetuo
 kelieu chülie.
 17 A Paul thuo nie kelukeshü athuo adzie se thushü ho ;
hauha a leshü khekâ nu *a kipu zâ ükechü* zasipuo zâ ; a
 18 hidi thuya. Uniepu Jisu Khrista kinu kepar ngukeme-
 zhieu bu niekâ petekâ ze bakelieu chüliechie.

Paul-a Leshü Thupie Timothi Kikeshü Keriau

KELUKESHÜ

- 1 Ukelakelieu Jihova mu usiadzebâu Khrista Jisu unia
die la Khrista Jisu kitsatie apostel chükeliu Paul thuo ;
2 khapie kepele tsatie a nuo kethâu Timothi ki keshü :
Upuo Jihova mu Uniepu Khrista Jisu kinu kepar
ngukemezhie, kekhris mu nouneu bu bakeliu chüliechie.

KEPETHADIE KEMEZHÜKÂ ZELIE MORÂ KESUO

- 3 A thiadzü Makedonia nu và tuoü kezhüki n bu
Efesanu badi miakrâpuo bu kepethadie kekrei se mia
4 pethahie nu, morei kemethuo kemeruo dze kepukâ rei
mu upfutsanuo za pukekralie kelhâ chükebakâ rünyühie
nudi n ki pukeshü mhie tsie rei puia shüzhü ho ; sükâ-
süla *miabu* kepele nunu Jihova medâ tsatie vi và kelieu
5 monyü miabu keprülituo kezha rürbei zâ. Derei *ubu*
dieliekevi se mia petha nudi u kam khakeshü, mhakekrei-
lamonyü miabu unou mesa mu unoule mezhü mu kethe-
ramodi pelekechü nunu kekhris nyi parlie ketuola zâ.
6 Themia huomiawe mbahakâ vajâpfüdi rüdei và diethuo
7 dieruo keputsatie tuote ; themia sükâ uthuo udiekâ rei
morei ykâ mbadze sitouüdi kepu kezhakâ rei simo zârei
thezhâu cha pupie mia petha kezhamia chünyü tuoya zâ.
8 Derei thezhâu zârei miapuonie süu zetouya lirâ vizâ
9 ükechü u kehupuorei sibazâ ; derei hic kesizâwe thezhâu
chükeshü miathâmia la monyü miazhâ varhuo kezhamia
mu miadie zeyakemomia la, miathâkemomia mu kemou
chüketamia la, mesakemomia mu kerüzhümia la, upuonuo
kedukhrrikâ mu uzuonuo kedukhrrikâ la, themou kechümia
10 la ; pieir kechümia la, thepfumia thuo thepfumia ze

kekhrie kechümia la, themia rügulieya kezhamia la; tijüya kezhamia la, tijüdi rüseya kezhamia la, sizâmonyü mhakekrei huo rei kepethadie kemezhüü ngukemvü barâ.
 11 sükâ la rei khakeshü zâ. *Kepethadie* süu rei üse a pelewaketa kevithâu Jihova dicliekevi zayiekehüu ze kerhe zâ.

- 12 Uniepu Khrista Jisu a chüpekuoshü kezha, puo a lepevidi abu puo lie chünudi a kedakelie la a puo tseyä :
 13 a thiadzü puo tha, mia pesé mu mia pesüpemvü sier zâ rei *puo a ngumezhieta* : siüderci pelekemöki a mhasimodi sükâ chü sier kechüla puothuo a ngumezhie kewa zâ.
 14 Süsia Uniepuu kinu kepar ngukemezhieu mu Khrista Jisu kitsatie kepele mu kekhrie sa pie a tsuziephi pfü tuote. Khrista Jisua kephumakâ kelalie tuoüdi kijü tsur kechü, die süu kethâton zâ, mu themia kehupuorei die süu ze ketsei ketsâlie, rei zhü : kephuma sükâ dânu a
 16 phumadâu zâ. Siüderci puo a ngumezhiekewa mhakekreilamonyü kenuotsa puo peleliedi kechachie kerhei ngulieketuokâ bu a rüli geinu puo miagei puonou shükhre shühie thâr tuoya kezha thashü mia kia ketuola a
 17 ngumezhie pekuo keshü zâ. Sirâ kechachie Kedi, siaü jütalie kelhâ umhi pie ngulie kelhâ, puo sia kekrel kefü Jihovau tseü rhu seituo kelieu chüliechie. Amen.
 18 Anuo Timothy, hadzü n dze pukeshü siadzekesidie tuoü a n bu sükâ se n rhie chüdi miaze keperhie thalie ketuola
 19 a diehan kha n kishü horu; nâ sidi kepele mu n noule kemezhüu sethazâlie. Themia huomiawe sünia khawadi ukepele tsatie dzü nunu rou hetse hetsa kewatuoi suote;
 20 sükâ dânu Huminia mu Alekandra unia rei sa; sünia bu Jihova tha suo kechü silie ketuola a sünia khapie Satan dzienu shüwate.

KEHOUA MIA LA CHALIE MORÂ KESUQ

- 2 A n ki puria shünyü bakechü *kehovu* bu themia kehu-puo larei cha mu umezhiemelâ nü mia zhapu rei chü mu
 2 Jihova rei tse nushü zhüho. *Sikechüki* kodikâ mu mia mhâ kezha chüya kezha khekâ larei *chabazâlie*; silielirâ mia rei ukehyukezhie mo mu ubu miaze kezevidi lhou di
 3 kethâle menuo mu mezhütuolie taomu kechüla. Ukela-kelieu Jihova 'mhâdzükizâwe sikechü vizâ, mu puo nei

- 4 zeru ; puo themia petekâ bu kelakelie ngulie kechü mu
 5 kethâ mhasiu nu vârlië kechü puo medâ zâ. Tsiu
 Jihovaa puo' zâ, sirâ Jihova mu themia dânu ketha rei
 6 puo zâ, *puo themia chüketa* Khrista Jisu zâ ; puo puophou
 khapie themia petekâ rhapsie zhüwate ; puo teitouki süu
 7 dze zhapu chüshü morâsuota. Süüsüla kepele mu kethâ
 nunu abu Judakemokâ kepethapuo süüsü dieliekevi pie
 mia kepethapuo mu apostelpuo chü tuoüdi a kedaliete :
 mu süüsü a kethâtou pûzâ, a tijümo zâ.

KEHOU NU THEPFUMIA MU THENUMIA DZE

- 8 Süla a thepfumia bu kehurapuorei kechaki unou
 meyiemo mu mia ze keprüli rei modi udzienia bu mesadi
 9 ubou hyapie chakechü a medâ. Süüsütuoi a thenumia
 burei unganyi mu unou mezhüdi upfe unei puozhâtou se
 uketsâ setuo kchü amedâ ; süüsü utsütha chie dâneiü
 chüpfü mu suna morei mukutpfü morei upfe unei puo
 10 makerethâkâ se monyü ; thenumia kethâ leyaü kezhamia
 vakezivi kezhakâ sedi mhathâkevi neiükâ chüpie *uketsâ-*
 11 *lie nu zhüzi*. Thenumia bu mhakehupuo nurei mia
 , khrükhrâ badi menedi mia ukepethadie siliechie.
 12 Sizâmonyü a thenumia bu sie mia petha morei thepfumia
 mhâ kezha chü kechüu monyü menedi ba *miapfe rünyü*
 13 kechü chünyü. Mhakekreilamonyü thiadzü zârei Adam
 chülie riadi, süsianu Iv chüzâ kechüla. Sizâmonyü
 14 thiadzü Adam sewamonyü thenupfü sewatadi puobu
 15 kejâ chüwata zâ. Derei thenumia unou mezhüdi kepele
 mu kekhrie mu kemesatsatie tha zâlie lirâ nuokepenuo
 lanu ukâ rei kelakelie ngulie zâtuu.

PASTOR MU DIKON DZE

- 3 Themia kehupuorei kehou kepfe kam chünyü kezhaü
 2 mhakañ kezha pfüya. Süla kehou kepfeu miabu puo
 thalie kelhâmia, puo kimia puo rürbei kenymia,
 mhakehupuonurei puo kethekere kezhamia, puozhâ
 kevîmia mu themia kemenuomia, mia pesünyüya kezha-
 3 mia mu mia pethalie kesümia *morisuo*. Puo kemezemia
 mu mia vünyüsie tuoya kezhamia monyü themia keme-
 zhümia *morisuo* ; puo miaze kenyanysieya kemomia mu
 4 shükei raka mehçüya kemomia *morâsuo*. Puo puothuo

- puo kinumia rei kekha menuoze tuoya kezha puo nuonuo
 5 burei puo khrüpreidi puo die zetuolieya kezhamia morâ-
 suo. (Simodi themia kehupuorei puothuo puo kinumia
 6 kekhalie siya mo lirâ, puo kikiđi Jihova kehou kese
 menuosetuolie vituo ga?) Puo kâmethuo tuodi Satan
 7 mhiei *Jihova bu* puo pejâkewa keprei la miasamia zâ suo.
 Sizâmonyü puo mia tha pfûta mu Satan rathâ nunu puo
 mapfülie keta keprei la chazoumia mĥâdzünurei therhu-
 pfüya kezhamia morâsuo. •
- 8 Sûsütuoi dikonkâ rei themia kemezhümia, udie
 chürürkemomia, zukrianyü bakemomia, kemethuonu
 9 miavie lie chüya kemomia *morâsuo*; sükâ unoule
 mezhüdi kepeledie kesou setuoya kezhamia morâsuo.
 10 Sirâ themia sükâ rüli kevikesuo sivâ periadi, ukâ kejâjü
 11 zâ lirâ ukâ bu dikon kam chüchie. *Dikon* pfükâ rei
 sümhie uzĥâ mezhü mu miatha miamiele kezhamia
 monyü mhakehupuonuŕei ukethekere kezhamia mu
 12 kediethâmia morâsuo. Dikonmia unupfünuo puo rürbei
 zâ kechümia, unuonuo mu ukinukâ kekha menuose
 13 kezhamia morâsuo. Tsiu dikon chü menuo kezhamia
 ukemetei rei nyiliedi Khrista Jisu kitsatie ukepele thepfu
 kechü miamialieya.

KHRISTA JISU LIETHÂMIA DZE

- 14 A n ki vâr zikechü ledi die hakâ thupie n ki shüzĥü
 15 ho. A ba chata zâshierei Jihova kinu kebamia uzĥâ
 kedipuo mhielie morâsuo shi kechü n bu sinyü; *ki* sūu
 rheituoya kezĥau Jihova kehou, kethân ketou chāu mu
 16 puo pheu zâ. Sirâ kethāle kechü puodie kesouwe
 mhakezhapuo touzâ. Puo thiadzü.

“Themia mevidi mia mĥingu chü vâr,
 Puo ruopfü geinu puoü miathâ zâukechü silie;
 Teigei dieliemia puo ngu;
 Themia neiükâ dânunu puo dze pupie mia kia;
 Kijü haunu kelhounia puo pele;
 Puo ze pesâ kevithâ gei khâte.”

- 4 Derei Ruopfüua pu kemechietsei shüya kechü thesia
 huomia ukepele vawatatuo mu useketsi kezĥa ruopfükâ
 mu terhuo korüzĥükâ se mia peĥa kesie diekâ rünyü-

- 2 tatuo, *Terhuo kesuokâ* themia kethâ merieva kezha, tijüya kezha mu ukâ noule geirei thezhü the pechüpie zasi vükewa kemhiemia ze mhasükâ chütuo. Themia
- 3 sükâ mia bu kesekeri hienü mu Jihovaa puo kepelekâ mu kethâu siketakâ bu puo tsedi se ucha chünudi chükeshü
- 4 kechüchakâ chühienü sietuo. Derei Jihovaa mhachüke-shü khekâ vi phrezâ, mu mhakehupuorei we puo tsedi
- 5 lielie keta siä thi mo rei vi; mhakekreilamonyü Jihova die la ukecha rei la sü üse mesalie üta kechüla.
- 6 Nâ die hakâ pie ukezekâ nou nekete shülie lirâ, nâ nthuo zârei zetuo keta kepeledie mu kepethadie kevikâ thuo n thekepie n bu Khrista Jisu liethâ kevimia chülie-
- 7 tuo. Derei die kethevia mu ketsapfükâ kehanya kechü diekepukâ rünyühiedi kethâkele tsatie nthuo n kephra
- 8 seituolie. Tsiu umâ kezphaphrei kechü zâwe keduonuoyâ-puo kemevilazâ; derei kethâkelenwe puo kepra neiünei ba mu tsiedâ rei mu thesia rei kerhei ngulie ketuo die
- 9 sünüsü ba. Die hakâ kethâtou zâ mu zeketseiketsâlie
- 10 kezhö die zâ. Süsüla we rheituoya kezhan Jihova gei usiadze bata kechüla shürhei uteitsâ chütuoya kezhasâ. Jihova sü themia petekâ kelakelieu zâ, derei pelekezhakâ
- 11 pekua. Die hakâ pupie mia bu zelie nushülie mu se mia pethalie. Nâü khriesa zâ luo üdi miapuorei bu n mele
- 12 keta chühüü, kepelekâ mhâdzünü nâ n dienu rei, n zhâ n rülikânu rei, sirâ kekhrü mu kepele mu mesadi lhouke-
- 13 chünü rei thakiapuo chü ukâ kialie. A vârkemochie nâ kethâleshü phrüpü mia kia kechü, mu mia tahitarhâ kechü mu mia pethakechükâ nu n hie chübazâlie. Nâ
- 14 ketsakâ ndziekha n gei keshüki siadzekesidie la Ruopfü mhaphruo kha n phruowa keta n gei keba süu semo
- 15 bahie. Nâ *mhakehupuonurei* vi kechülie tazhö kechü themia kehupuo burei silie ketuola nâ die hakâ leterür
- 16 zâdi sükâ chüüze phrezâlie chie. N zhâ n rüli tsatie zârei nu nâ mia kepetha tsatie zârei menuolie. Nâ die hakâ zeba zâlie; mhakekreilamonyü nâ siba zâlie lirâ n thuo rei n kelalietuo mu n die kerünyükâ rei kelalietuo la.

KHRISTA LIETHÂMIA KAM DZE

- 5 Ketsamia gei die kere pukechüu monyü sümjäu n puonuo, kemhie phüzâdi hüzâlie; Ärä khriesamiaü n

- 2 sizemia kemhie, mu ketsapfukû n zuonuo kemhie
chüzalie, mu n nou mesa mezhütoudi rûkâ reiü n
üüpfünuo kemhie chüzâdi sükâ rei hüzalie.
- 3 Sami rei sami kethâpfukâ khrielêchie. Derei thenu-
4 sami unuonuo morei unuonuo nuoyie kenymia, sükâ bu
uthuo ukinumia kitsatie kethâ zhâtouu chülie mu uthuo
ukrûnuo vaphi lakelie dâ sirialie: Jihova mhingukiwe
5 sikechü puotou zâ kechûla. Sirâ puo rârbei zâ keta
thenusami kethâ mia, Jihova kepele zîtaya mu theva rei
khinhia rei cha mu umezhiemelê sei tuotaya. Derei
6 thenusami rûzhü puoneï puo nyâkî chütuo ketamia
7 rheiketuonu siatuota zâ. Mia bu sükâ thamolie ketuola
nâ kehôu ki die hakâ pushülie chie. Sirâ niekâ kehu-
8 puoreï uthuo uthemia mu uthuo ukinumia thuo rei
vaphi morâ, puo kepeleu thawate mu pelekemomia kirei
9 suokuote. Thepfu puo ki rârbei nyîtuodi sami ketamia
10 puo kelhouzha chie hiesorou kelhâmiawe *vaphi tloüdi* uza
thuhiechie. Puo mia mhâdzünu rei puomhathâ kevi la
thetse kepfümia morâsuo; puo nhichunuomia theke sier,
puo rûsâ pesâ, puo kemesakâ phi khrû, puo kemezhiekeli-
mia vaphi, *sidi* mhakevikechü khekâ siadzi chuterür kevâr
11 mia morâsuo. Derei thenu sami chie hiesorou khrâkâwe
vaphi hiechie; sükâ Khrista medî zemodi kerûzhü
12 lesier tatse ukâ nyhünyü tatuo; mu ukâ die keriau vawa
13 ketala jâtatuo. Sirâ sidi ukâ mhachü kemechüdâ rei si
sedi kiukâ nu mere tuotatuo; sirâ sükâ mhachü mechü-
keta rârbei zâmonyü die puzhâkemoki rei pudi siaü rei
chü mu kethekhia kechü diekî putuotatuo. Süla a
14 thenu phichütakemo sükâ bu ungumvamia thapfütamo
ketuola nyhüdi nuopenuo, ukinumia theke kechü a medâ;
15 mhakekreilamonyü huomia tsierei cha vaj pfüdi Satan
siamedzita kechü baketala. Kepelemiapfü kehupuorei
16 thenu sami sikechü barâ puobu pie kehôu nou penyü-
modi puothuo sükâ vaphiliechie; sidi kehôu bu thenu-
sami kethâkâ vaphi kelie chüliechie.
- 17 Kehou phichukâ, kehôu kese menuo kezhakâ bahurei
dieliekeviu pupie mia kia mu mia petha urhie chükezha-
kâ rhu petoukuolie chie. Keth deshâ nurei, “Nâ mithu
18 bu lienyü kethaki mhapie puotia perahiechie,” mu,
“Mhathâmia puo zha nguchü zhü,” isiya. Kehou phichüu
19 gei mhachapuð sier zârei mia keniê kese si mu ngutouta

- 20 zâ molirâ rünyü hiechie. Kesuo chüketamia kejâ pupie
 puo kiachie ; mu mia kekreamia burei michielie ketuola
 21 kehau mechühou nunu süu chüchie. A nbu sikemechie
 kemonu mia pejatamodi mhahakâ chünu kechü Jihova
 mu Khrista Jisu mu teigei dielie kedakeliekâ mningu
 nunu a dieha kha nki shüzhü ho : nâ miapuorei yapie
 22 pekreamodi hakâ chüchie. Pemo zâdi miatsü gei n dzie
 khashü hiechie ; mu miakekreamia kejâ rei bu vâr ndou
 23 kechü chü hie zâchie : rau mesa bazâlie chie. Hasia dzü
 rüpie kria zâhiedi nâ tsie melie mhachü tata kezha n
 va *kechü* la khuobedzü keduoyâpuo pie rei kriakria chie.
 24 Huomia kesuo kechüwe meyiemeluo mu ukâ jâta zâtuo
 kechü ukâ kesuo thuo ukâ mhâdzü vâ miaki putuo taya.
 25 Mu huomia kesuowe u siatsatienu rei mia bu silieya.
 Süsütoi mhakevi kechü rei meyiemeluo kechü nyi : mu
 sümhie kemokâ rei rüshürüya talielhâ.

- 6 Miabu Jihova za mu puo pie mia petha kezha diekâ
 thaketa keprei la mia kituo chü mia vâchie khrâ tuoketa
 2 khékâ bu uthuo uniepumia rhu ketsei ketsâ kezhü lelie-
 chie. Sirâ Khristanmia kituo chüketamia bu uniepumia
 rei uze siadzüriamia zâ mu idi rhumota hieü ukâ liehâ
 lanu kepra ngukeliemia rei kepelemia mu ukhriethâmia
 tazâ kechüla uneikuodi sükâ liechülie chie. Die hakâ
 pupie mia kialie mu mia tahitarhâ tuolie.
 3 Themia kehupuorei kepethadie kekrei se mia pethadi
 u shükerhei diekâ *puocha* Uniepu Jisu Khrista diekâ mu
 4 kethâtsatie kepetha diekâ uneiya kemomia, sümia
 mhapuorei simo zârei kâmethuo tuoya, sirâ kenyamia
 nhiedi ketsâ zhükemokâ rei ketsâ mu mia ze keprüli
 isituoya. Mha sükâ lanu kengupie urâkechü, kegeikechü,
 5 kethakechü, huoniehüo lepešuokechü *parya* ; sizâmonyü
 unoule suoketa mu kethâ therhie keta themia sükâ kethâ-
 6 kele la *sitükei raka huo* prakelie ledi miaze keperhie rükhre-
 rüyi tuoya. Derei themia unou uneisieidi kethâle râ kepra
 7 baphi zâ. Mhakekreilamonyü we mhapuorei se kijü
 hanu vârmo, mu we mhapuorei se lapra rei talielhâ zâ
 8 kechüla. Derei ucha mu ukewheu bakelie sia we
 9 mhapuprei kenya baliehâ. Sirei mhakenyi leya kezha-
 mia te dâphi mu mia rathâ mu kemethuo kemeruo mu
 uchüpesupwaya *kyzha* kemengu neikâ nu letaya ; mha

- sükâsü mia zoupfü keka mu kesuochü *kesounu* letaya.
- 10 Shükei raka kemehoua mhakesuo neiükâ bâpuo zâ ;
huomia süu pfü tuodi ukepele rei vajâpfü tuote mu
unousuo pie mhapuo chüdi kemezhiephi tuote.
- 11 Derei Jihova themiau, nâzâwe mhahakâ therhieliedi
kemiathâ, kethâkele, kepele, kekhrie, unoushükhre shü-
hiekechü mu thenou kemene pfütuo zâliechie. Themia ke-
perhie kezhatuoi kepele dzetsatie n rhië chülie ; sidi kecha-
chie kerhei se n vie chüzâlie ; thiadzü rei süula n kielie mu
nârei themia kekra mhâdzü nunu n diekevi süu pushü-
shü vârtâ zâ. Mhapetekâ pelhoukeshü bâu Jihova, mu
13 Pontia Pilat mhâdzünunu die kevi pupie kethâ zhapu
14 chükeshüu Khrista Jisu mningu nunu a nbu Uniepu
Jisu Khrista latsur kemochie nki pukeshü diekâ chüuze
zâ sedi miabu die sükâ chietamo mu thata mo kechü
15 chüba zâlienu kechü a die khashü ho. *Puo kevâr* sü
puothuo puo teitoukinu miâbu ngulietuo ; puo sü kedikâ
mhâ Kediuzâ, sizâmonyü niepuka mhâ Niepuu mia mhâ
16 kezha puo rürbei sia kejüu, kevithâu zâ. Siatalie kelhâu
sü puorürbei zâ ; puo we ngu vâtsâlie kelhâ kezienu
baya ; themia puorei puo ngumo mu ngu rei lielhâte.
Puo bu therhu pfü kelieu mu kechachie kekua-u chüfie.
Amen.
- 17 Tsiedâ kelhoumia mhakenyikâ bunu kemiakâtamonyü
mu kinyi sebatuo kemo sikemechie kemokâ monyü ubu
uneidi setuo nudi mhaneiükâ khapie uketsukelhuo chü-
18 shüya kezha Jihova pelolie nuchie. Ukâ bu mha kevi
chülie, mhakevi kechü tsatie manyi kelieu chülie, uka
19 bu mephruodi mhapie miatsü nyüsieilie nuchie ; sidi
ukâ bu rhei kethâ chüta ketuo-u ngulie ketuola mhake-
ngupie ukinyi bâ keviu deliechie.
- 20 Harie Timothy, *mhakâm* kha n pelekewau rüguo menuo
zâliechie, sidi miathuo tijüdi use mhakesidie üya kezha
nunu kepar diethuo dieruokâ mu kengukemvüdie mesake-
21 mokâ therhie zâliechie ; huomia die süu zeya üdi kepele
dzetsatie kekrüte.

Ngukemezhieu bu n ze bakelieu chüliechie. •

Paul-a Leshü Thupie Timothi

Ki. Keshü Keniau

- 1 Khrista Jisu nunu kepar kerhei ngulie ketuo dieu la
Jihova medâ nunu Khrista Jisu kitsatie apostel chûke-
2 lieu Paul kinu kha, anuo akhrieu Timothi ki keshü:
Upuo Jihova mu Uniepu Khrista Jisu kinu kepar
ngukemezhig, kekhrie mu nouneu bu *n gei* bakelieu
chüliechie.
3 A anoule mesamezhüti apuotsanuokâ rei rûsuo
kevâr-u Jihova rûsuodi puo isebaya. Sidi theva rei
khinhia rei a kecha khekâ nu a nrûli rûkra seibaya zâ.
4 Sirâ a n mhidzü krûkechükâ rûkra sier râ, aburei aneilie
5 katuola n ngunyü siei babaya zâ. Mhakekreilamonyü n
kepele kethâtou zâkechü rûkra kelie la. Kepele sünsü
thiadzü n zuotsa Lowi mu n zuo Ewoniki unia nu tuo.
mu süu n nu rei tuo kechü a sitou bazâ.

KEPETHAMIA URÛRBEI ZÂ REI CHÛMORÂ KESUO

- 6 Hauhala a nbu a thiadzü adzienia kha n gei keshüki
nâ Jihova kinu mhaphruo ngukelieu *mi mhe petulieya*
kezhatuoi süu mhepetu sashülienudi n nou chûshü kezhü-
7 zâ. Mhakekreilamonyü Jihovaa ubu michie tuonu
kechü ruopfüu monyü kekuo mu kekhrie mu unou
8 kemezhü Ruopfüu kha utsüwa ketala. Süla nâ Uniepu
zhapu kechü tsatie rei mu a puo die chûketuo tsatie rei
le mengata hieü Jihova kekuo-u sedi dieliekeviu la
9 kemezhie zâlie. *Jihova* umhathâkâ la monyü puothuo
hrûpie ketuo keriakithânu Khrista Jisu la ngukemezhie
10 kha u ketsü la ukelalie keta zâ. Sirâ tsiewe Ukelakelieu
Khrista Jisu vâr mia mbingu chûwate; puoa kesia rei chû-
pie kemethuopuo, mhiewadi dieliekeviu lanu rheilie
ketuo mu chieüria¹alie kelhâ dzepie mfa dzü vapeziewate.

- 11 A bu dieliekevi süu pupie mia kia kechü mu apostel mu
 12 kepetha puo chünudi a kedaliete. Süüsüla a kemezhie
 kechü hakâ rei ngulie kezha zâ : siürei a mengatalielhâ ;
 sizâmonyü a puo peletuo Ketau a*süu situoya zâ, mu a
 mhapie puo pelepia tuo kewau, puo süu rükhierüguo
 setuo teisázha kezha nhia tsâlie vi kechü a sitou bata zâ.
 13 Nâ akinu sikelie ushüvaperhei kechü diekâ pie Khrista
 Jisu kinu ngukelie kepele mu kekhrie, nunu n*mbâdzünu
 14 thakiapuo chü setuo zâlie. Mhakevi khapie n dzienu
 shüwa ketau nâ unou tuoketa Kemesa Ruopfüu bu n
 khruohidi rükhierüguo setuo zâliechie.
 15 Asia nu keba khekâ a kitsatie thamota hu kechü nârei
 sibatuo ; sükâ dânu Fugilo mu Hermogini unia rei sa.
 16 Niepuu bu Onesifera kinumia ngukemezhieu chüliechie :
 mhakekreilamonyü puo tsiemelie vâranou chüpeluoshü
 mu thezhürâ se a kheseketuo larei mengatamo zâ kechüla.
 17 Sikechüumonyü puo Rom nû kebaki a pfüterür zâ vârdi
 18 angulie zâ. Puobu teisázha kezhanhia Niepuu khrie-
 pfülie ketuola Niepuu bu süu chüpie puogei shükelieu
 chüliechie. Puo Efesa nu zârei mhakevi kreditsuo kedi-
 thede chüshi kechü nârei siphi batuo.

- 2 Süla, anuo, nâ Khrista Jisu kinu kepar ngukemezhieu
 2 nunu metei miamalie chie. Sirâ nâ themia kekra
 kesikengu nunu a kinu die rünyükeliekâ, nâ sükâ khapie
 miakerekimä rei pethalie kevimia, niaburei upelalie
 3 kevimia dzienu shüshülie chie. Nârei Khrista Jisu chü-
 4 paihi kevimia nhieidi a ze kemezhiclie chie. Themia
 kehupuorei chüpaihi kam chü ketuoki mhakekrei chü
 u kenya salie kenjü ; süüsü mhakekreilamonyü puobu
 chüpaihi chütuoüdi puoza rukelieu nei chülie ketuola.
 5 Sizâmonyü themia kehupuorei miaze rüzhü kevikia chü
 ketuomia thuorei thezhâtoukichü rüzhü molirâ kuo-
 6 kelietsüre pie puo tsüya mo. Uthuo⁶ mhachüzâdi
 liechie kezhamia miakerekimä mhâdzü umhathâsi ngulie
 7 riatuo. A kepukâ leshüchie ; Niepuu puothuo mhakehu-
 8 puo nurei mhakesikele kha ntsü shütuo. Jisu Khrista
 rükra bazâlie ; a dieliekeviunu pupie mia kia ketuo tuoi
 puo kesiakâ dânunu rheila siete, mu puo David yieu zâ.
 9 Dieliekevi süu la kejâkechümin⁶ tuoi miabu a khese
 kemezhie hitlo kechü zâ : derei Jihova diewe pha khawa

- 10 zhūmo zâ. Sûla kedakeliêkâ bu Khrista Jisu geinu
 11 kepar kelakelie pie kechachie zayie kechû sa ngulie
 12 ketuola a mhâpetekâ nu shûgeshûhie tuoya. We puo ze
 13 sia râ, puo ze rheî reilie tuo : we shûgeshûhie lieya râ,
 we puo ze direilie tuo ; we puo za pumvû râ, puo rei
 uza pumvû tatuo : we diethâmo shierei puoa diethâ sei
 14 bazâ ; mhakekreilamonyû puo zâwe puothuo puodie
 moûta lielhâ zâ kechûla ; die hakâ kethâzâ.

MECHÛ KEZE CHÛLIE MORÂ KESUO

- 14 Nâ ukâ bu die hakâ rûkralienû shûchie, mu Niepuu
 kengukinu ukâ bu diepie keprûli hienu shûchie ; *keprûli*
 kechû mevikelieu monyû kerûnyûmia chûpesuowaya
 15 kezha zâ. Jihova bu nâ üse vi ûlie ketuola n ra chûlie-
 chie ; mhathâ kevi chûlie, silie lirâ nâ mengatalielhâ ;
 16 kethâdiu kezatoudi sezâlie. Sirâ diethuo dieruo mesa-
 kemokâ mechû zâlie : mhakekreilamonyû sükâ *puyake-*
 17 *chakâ* kethâlemo kechû miamia tatuo kechûla. Mu ukâ
 die teletekou kechû tuoi thuo miamia tatuo : sükâ dânu
 18 Huminia mu Fileta rei sate : unia kethâu vajâwatadi sie
 rûtilasie ketuo sù tseiwate isidi huomia kepele thurhuo-
 19 wata zhûzâ. Siûderei Jihova puo bâde keshûu zâwe
 metei bazâ, mu sûu gei : “ Niepuu puothuo puo viekâ
 sibazâ ” mu, “ Themia kehupuorei Niepuu za seyakezha-
 kâ kethâkemo-u therhietaliechie,” ikechûpie mohor vûpie
 bazâ.
- 20 Sirâ ki kevi kezhanu zârei mhaboukâ suna mu raka
 chû üse kechû mpie zâ monyû sei mu rûnyâ rei üse kechû
 rei baya ; sirâ huo therhupfû tuo mu huo therhupfû
 21 lielhâ. Sûla themia kehupuorei uthuo upekhrei kemesa
 se *therhupfûkemokâ* therhielie râ. puo chûpie therhu
 kepfû, mesa keta, Niepuu bu se mhachûlie kesû mhathâ
 22 kevi khêkâ la kelakreikelie mhaboupuo chûlietuo. Tsiu
 nâ ta themia lhounyûki kemengukâ therhieliedi unou
 mezhûdi Uniepuu za nûnu chaûmelâ kezhakâ ze kemiathâ,
 kepele, kekhrie mu noune, hakâ siadzî chûzâlie chie.
- 23 Derei mhalekemo mu mhaketsâ zhûkemo ketsâkechû
 diekâ rûnyûmvû zâliechie ; sükâ la miabu keprûlitaya
 24 kezha nârei siba tiru. Sirâ Niepuu liethâmia keprûli
 suo ; sikechûu monyû kehupuo geirei puozhâ vilie morâ-

- suo, mu puonou shükreshühie mu miapetha si morâsuo.
 25 Jihova thuo sükâ nou chükedipie kethâmhasi tsatie
 shühie tuo nhiamu ikechü ledi puonou menedi *kethâ*
 26 ngukemvükâ kejâ pupie kiadi pethaliechie. Silie lirâ
 Satan sümhâdzü ukâ tepie puomedânu shülieta zârei ukâ
 ta puo rathâ therhie parlie tuo.

- 3 Sirâ teisâzha thelakâ nu kemichie 'tei vârzâtu^o kechü
 2 die sün siliechie. Sükisü themia uthuo^o uzahzhü kepfü,
 shükei raka kemehou, kemelha, kemiakâ, mia ketha, ukrü
 3 diezekemo, mia thezieya kemo, mesakemo, unoushü nou-
 zhie kejü, valieyakemo, siaükechü, uthuo ukekhalieya
 4 keino, uzhâ suose kechü, kevi ngu uneikemo, kechürür,
 mia die rünyüya kemo, kâmethuo kechü, Jihova kekhrie
 5 ki uthuo unei unyü chünyü kuo kezhamia siertuo. Sükâ
 kethâkele mevi chü. derei^o p^{ro}o keku^o simvütatuo. Sike-
 6 chümia rei therhietalie chie. Sükâ dânu huomia goumelia
 se miakinu vâdi thenu udâkejü^{kâ} selieta zhie; thenu
 sükâ kesuo chükese keba. ukâ mengu neiükâ thuo ukâ
 7 sesetuo; ukâ mia ukâ kepethadie si seiya derei kethâ
 8 mhasitsatie vâlie chie kemo krâ zâ. Tsiu Jani mu Jamfri
 unia thiadzü Mosa ngumvü keta tuoi hakâ rei kethâu
 ngumvüya: themia sükâ ukâ noutsatie suote, mu ukâ
 9 kepele tsatie rei kethâ mote. Derei sükâ sa kechü pra-
 lielhâ: mhakekreilamonyü hania tuoi sükâ kenya rei
 10 mia pete bu silie zâ tuo kechüla. Sirei nâzâwe a mia
 kepethadie, a zhâ, a medâ, a kepele, anou shükreshühie
 11 kechü, a mia kekhrie, a shügepfütha kelie, miabu a
 pechüpenyü kechü mu Antiok, Ikonia mu Lustra nu agei
 pfür kechükâ kemhie a kemezhiেকেচুকâ siadzi chüliete.
 A kemezhie kechü sükâ hieliete, mu sükâ petekâ nunu
 12 Niepuu a kelaliete. Süsütuoⁱ Khrista Jisu kitsatie
 13 kethâledi lhou kenyü khe mia upechüpenyü hutuo. Derei
 themia kerüzhü mu mia seketsikezhamia mia se mu mia
 burei ukâ se idi suo miamia tatuo.

KETHÂLESHÜ DZE

- 14 Derei nâwe pupie n kiashüwa ketakâ mu sitoulie keta-
 kâ chüüze bazâlie; mhakekreilamonyü nâ supuo kinu
 15 die sükâ silie shi kechü si bata kechüla. Sizâmonyü nâ

n nhichu nunu kemesa leshükâ siliete ; Khrista Jisu kinu kepar kepeleu la sükâ thuo thedâ thashü n kiadi nbu
 16 kelakelie ngulie kevi chülieya. Kethâ leshüu pete Jihova kinu haphra par zâ, mu süua kepetha la, mia tahitarhâ ketuola, mia chüpevi ketuola mu mia ketsüpie kethâtsatie
 17 shülie ketuola rei sa idi mia dze vi la zâ. Sidi Jihova-themia bu vitseiliedi mhathâ kevi khekâ chülie kesü thâmia chülieya.

4 Aa Jihoṽa, mu kerheikâ mu kesiakâ ketsâ ketuo-u Khrista Jisu mhâdzünu, mu puo vâv ketuo mu puo diketuo
 2 larei nki a die khashü zhü ho : Kethâ dieu pu mia petha bazâlie ; puo teitou kirei, puo teitou kemoki rei n teitsâ chüba zâlie ; shükhreshübie mu pethadi mia kejâ pu mia
 3 kia mu kechüdi petha mu tahitarhâ seiba zâlie. Mhakekreilamonyü mia zâpuo kepethadie ushükerhei chüzâ kechükâ rei rünyümvü tuo kechü teipuo vâv zâtu kechüla ; sükisü mia unyie mesâdi kepetha unei unyüka
 4 pfü kengu philietuo. Sirâ unyie shükerei se kethâu therhie se kethâkemodze tsatie vatatuo. Derei nâzâwe
 5 mhakehupuonu zârei n melou mechie bazâlie, kemezhie lie, dieliekevi pupie mia kepetha kam chüba zâlie, nâ liethâ chütuoü kebau chütsei zâlie.

DIE THEKHAKÂ

6 Sirâ azia rei kenge shüwa tuoü bate, tsiu a tuovüta
 7 ketuo tei rei tsâbate. Keperhieya kezhakâ dânu kevitâunu a miaze keperhie lâtsâwate, a miaze ta keria kezikia kechüu nu a tavâ tsâwate, aa kepeleu sezâ batsâliete. Thiayawinu miathâ bakelie tsüreu khapie a tsüpie zhüwate ; Niepuu diethâtouü mia ketsâ ketuo-u puothuo teisâzha kezhanhia süu chüshü atsütuo. mu arürbei zâmonyü puo lavârketu uneiya kezha khekâ rei tsü phretuo.
 9 Nâ pezi aki vâv tuoü kechü le n hiechübalie chie.
 10 Dema kijü haunu viekâ vakhrie kechüla a khawadi Thesalonias nu vâte ; Kresken Galatia nu mu Tita rei Dalmatia
 11 nu vâte. Luk rürbei aze keba zâte. Nâ Mark rei ze zâ vâchie ; chalie kechü tsatie a puo la kemevi ngulie
 12 zâtu kechüla. Tâu a Tukika ketsepie Efesa nu shüwate.

- 13 Nâ vârketuoki a thiadzû apfe khapie Troa nu Karpo dzie-
 nu shûkewau mu leshûdakâ zhûhu rei leshûtsûkâ pekua
 14 idi sevârchie. Mese rûkrei kezha Alekândra a sesewate :
 15 Niepuu thuo puo zhada vûshûtuo. Nâ rei puo gei a
 kireilie chie ; mhakekreilamonyû puo hie diekâ ngumvû
 16 phi ketala. A athuo arûli pu keriau vâ miapuorei a yapie
 kechûu monyû a khawadi tuo phreta zâ : *Niepuu* bu ukâ
 17 gei sûula mhapuorei chûhie. Derei sükisû *Niepuu* a
 khieki thadi a chûpekuoshû zâ ; sûusû mhakekreilamonyû
 abu puo dieu puphreshûlie ketuo mu Jûdakemokâ pete-
 burei sûu silie ketuola zâ : sidi puo losha tia nunu rei a
 18 sekelalie. *Niepuu* puothuo mhakesuo kehupuo nunu rei
 a kelalie zâtuo, sidi a kelaze vâ teigei puo kedinu shûlie
 zâtuo. Puo bu kechachie zapu zayie kechûu chûliechie.
 Amen.
- 19 Priska mu Akila unia, my, Onesifera nuo kinumia rei
 20 kelushûchie. Erastawe Korint nu bate : derei Trofimawe
 21 mhachûtadi a puo khapie Mileta nu shûwate. Nâ teisei
 mhâdzû aki vâ tuou kechû rûr bazâliechie. Eobolo rei
 mu Poden mu Lino mu Klaudia mu uzekâ petekâ rei sa
 n kelu phre shû ho.
- 22 *Niepuu* bunu n ruopfû ze bakelieu chûliechie. ' Ngû-
 kemezhiu burei nze bakelieu chûliechie.

Paul-a Leshü Thupie Tita Ki Keshü.

KELUKESHÜ DIE

- 1 Jihovaa kedalie ketakâ seya kezha kepeleu mu
kethâzhâ tsatie keba kethâ mhasiu la a Paul, Jihova
2 kituo-u mu Jisu Khrista kitsatie apostel *chûte*. Süüsü
mhakekreilamnyü tijülie kelhâu Jihova nhia nhianu
mhâdzüba pupie kezhu kechachie kerhei ngulie tuoü
3 ketuola zâ. Sirâ Ukelakeliu Jihova die la puothuo
puoteitoukinu pie a pelekewa puodielieu nunu puo medâ
4 pupie mia pesishüwate. *A leshü hau* thupie kepele
vierhe kechü tsatie anuo kethâ chûketau Tita kishü ho.

KEHOU KEFFEMIA ZHÂ DZE

- 5 A nbu mha chütsâliekemokâ chûkemechie shülienu
mu a thiadzü nki a diekha keshü tuoü rûna kezha khekâ
nu kehou kepfekâ kedapie balienudi, süüsüla a n khapie
6 Kreta nu piebawate. Themia kehupuorei upejâlie
kelhâmia, puo kinia puo rûrbei kenymia, puo nuonuokâ
rei kepele kenymia, mia sükâ üse rûzhü morei mia die
7 zemo üdi upejâkemomia bu chülie morâsuo. Sirâ
kehoukepfemia Jihova kituomia zâ kechüla mia upejâlie
kelhâmia morâsuo; puo puothuo puomedâ chûta kezha-
mia, mia gei puoneimo mhataya kezhamia, kemezemia,
mia vüvüya kezhamia, morei kemethuonu miavie lienyü
8 kezhamia bu chüsuu. Puo rûsâpesâ kezhamia, mhakevi
unei kezhamia, unou kemenuomia, unou kemezhümia,
kemesamia mu uthuo ukethekere kezhamia morâsuo.
9 Puo ushûkerhei chûkechü die tsatie mia tahitarhâ mu
kethâu ngumvü puya kezhamia diedawalie kevimia chülie
ketuola dieliekevi kepethadie ze kerhekechü die kethâu
kitsatie mengu patâ setuoya kezhamia morâsuo.

KEHOU KEPFEMIA KAM DZE

- 10 Tsiu miadie zeyakemo themia, diethuo dieruo pudi mia
 11 seya kezhamia rei bahu, mu sūkâ dānu uzthūrekepfūmia
 12 pekūo. Sūkâ tia kepfū khawa morāsuo; ukâ kerūtse
 13 kechū kepra krāpuo nguliekechū kele la mha pupie mia
 14 petha zhū kemokâ se mia pethadi mia kinumia pete
 15 thurhuo phrekewa nyite. Uthuo uramia zākechū miapuo
 16 thiadzū siadzekesi chūdi hakemhie pupie zhū: “Kreta-
 mia sū tijū seiya kezhamia, ūzhā kesuo khunuo krāpuo,
 13 mu mīachū modi mhakechū khu krāpuo zā.” Ukâ dze
 14 kepu die hakâ kethāzā. Sūla ukâ bu kepele tsatie ukâ
 15 thā chūlie ketuola, mu Judamia ketijūdžekâ mu kethāu
 therhieketa themia diekâ rūnyū molie ketuola ukâ kejā
 16 putsashūdi ukâ pethaliechie. Kemesakâ lazāwe mhape-
 tekâ mesa zā: derei rhuketakâ mu pelekemokâ lawe
 mhapuorei kemesa jūte; sūkâzāwe unou zārei mu umedā
 16 zārei rhu phrete. Ukâ tia zāwe ukâ Jihova si ūya, derei
 ukâ mhathā gei zāwe ukâ puo simo ūya; ukâ kerūtse
 kechūmia, miadie zekemomia, mu mhathā kevi kehu-
 puonurei ukâ vimo phre.

- 2 Derei nāzāwe ushūkerhei chūzā kechū kepethadiu ze
 2 kerhe kechū diekâ puzālie chie. Sūsū ketsakâ bu uthuo
 ukethekere, mesūmedei, unou menuo, kepele, kekhrie mu
 3 shūgeshūhie kechūtsatie rei vi ilie chie. Sūsūtuoi
 ketsapfūkâ burei mia mhādzūnu rei mia rieprei sieilie mu
 miatha mīameleyakemomia morei zu krianyū bayā kemo-
 mia mu mhakevikâ pupie mia pethaya kezhamia chūlie
 4 morāsuo. Silie lirā sūkâ mia nupfunuo kemedzūkâ
 pethapie sūkâ burei uthuo unupfunuo khrie mu unuonuo
 5 khrie, sirā unou mene, mesamezhū keba, kinuthākâ kechū,
 mia khrie mia ngumezhiē kechū, uthuo unupfunuo die rei
 zekechū chūlietuo. Silie lirā Jihova dieu thawa lielhā.
 6 Sūsūtuoi thepfumia zharata kemomia burei unoumenuo-
 7 lie nu shūliechie. Sirā nā mhakehupuo nurei mhathā
 kevi neiūkâ kechū thakia puo chūpie mia kialiechie; nā
 mia kepethadiēkâ nurei n nou kemezhū mu die kemesi
 8 thashū mia kialie. Ungumvūkâ bu ugei mhakesuo puo-
 rei pukelie ba jūdi mengalie ketuola nā miabu lepejāwalie
 9 kelhā die kevikâ puliechie. Mic kituo kishūkechūkâ
 bunurei uniepfūmia prūlita modi mhakehupuo nurei sūkâ

- 10 diezechü mu sükâ neichüliechie ; sükâ bu udzie zuzu
ita monyü mhakevi neiükânu diethâ shüliechie ; sidi sükâ
bu mhakehüpuo nurei ukelakelieu Jihova kinu kepar
11 kepethadieu vâkezivi zâliechie. Mhakekreilamonyü
Jihova kinu kepar ngukemezhieu thuo kelakelie die se
12 themia petekâ ki vâr mia pesishüwata kechüla. Die süu
ubu kethâkemô tsatie mu kijü haunu umengukâ khawadi
ubu tsiedâ kelhouki rei unou menuo mu miathâ mu kethâ-
13 ledi lhou nukechü tha ukiaya ; *sizâmonyü ubu* usiadze kevi-
thâu chütsêishü utsü ketuou mu umhâ kezhatâu Jihova
mu ukelakelieu Jisu Khrista zayie chüdi vârketuo pfeba-
14 lie nu saya. Pua kerüzhü petekâ nunu u rhalie mu u
chükemesapie puothuo puo themia chüpie puo vie chüdi
mhathâ kevi neiükânu ubu urhie chülie ketuola puothuo
puo khapie uphousou chüwate.
15 Nâ n die kekua nyise zâdi die hakâ pie pushülie, mu
mia kejâ rei pu khriehie. Miapuorei bu n lepesuo keta
chübie.

- 3 Nâ miabu sorkari mu umhâ kezhakâ khrükhrâ balienu
kechü, miadie zeli nu kechü mu mhathâ kevi kechü tsatie
2 chünyüsie balie nu kechü, sirâ miapuo geirei die kesuo
pumolie ketuo, mia ze kesa kenya molie ketuo, mu unon
menedi themia pete gei uzahâ vilie ketuo pushü mia kialie
chie.
3 Tsiu we rei thiadzü mhalemo, mia die zemo, miabu u
sese tuo, umengukâ mu unci unyüka chüvâr, mia gei
kelhie mu mia ngu urâ, mia rütse mu huoniehio ngu
4 mechüdi lhou vâr zâ. Süderei ukelakelieu Jihova mia
ngukemezhie mu puo mia kekrieu mia mingu chü kevâr-
5 ki, we uthuo kechü ukemiathâ mhathâkâ la monyü
puothuo ungukemezhie la penuokesakelie dzüluu mu
Kemesa Ruopfüu bu chükesakelieu pie puothuo u kela-
6 kelie zâ. Pua Ukelakelie Jisu Khrista geinu Kemesa
7 Ruopfü rupie uketsu chüshüwate. Süsü mhakekreila-
monyü puo ubu kêchachie kerhei ngulie tuo ketuo-u
8 uchükemiathâ kelie zâ. Die hakâ kethâtou zâ, mu
Jihova peleketakâ bu mhathâ kevikâ u terür chüdi chü-
sei balie ketuola a nbu die hakâ dzeha michiemodi pu
bazâkelie a medâzâ. Die hakâ vizâ nu mia larei kemevi

- 9 ba zâ. Derei mhaketsâ zhükemo ketsâkechükâ mu
 useyie za kephrû mu kedierhekemokâ mu thezhâu dze pu
 keprûli kechükâ therhie zâlie; mhakekreilamonyû die
 sükâ mhapuorei kepra jû mu kêmethuo kemeruo zâ
 10 kechûla. Mia pfûkhâ tuoû kezhamia tarhâshû kevi kenia
 11 keshû sia puo rûnyûhie; kekreibamou themia sikechûmia
 uthuo upejâ sedi kethâ therhie vâ kesuô chû tuota kechû
nârei siba zâtuo kechûla.
- 12 A Artema morei Tukika ketsepie nki shûrâ, nâ, Niko-
 poli nu vâ a tsâlie beichie; mhakekreilaifonyû a teiseiki
 13 sînu bazâtuoû tuota kechûla. Nâ thezhâkesiu Zena mu
 Apola unia rûve kevâki uniabu chanu tsâpfûmo ketuola
 14 unia khruohishûdi unia bu vi vâlie. Sirâ ukezekâ bu usi
 nyilie ketuola mia ketsâpfû kehupuo nurei mhathâ kevi
 15 rei uteitsâ chûdi chûmezhielie chie. Aze keba khekâ n
 kelushû ho. Kepeletsatie hie khriea ketzhakâ kelushû-
 chie.

Ngukemezhieu bu niekâ petekâ zeba kelieu chûliechie.

Paul-a Léshü Thupie Filemon Ki Keshü.

FILEMON DIEU ONESIMA NGUMEZHIEDI ZELALIE
NUKECHÜ DIE

- 1 Jisu Khrista kituo-u Paul mu ukezeu Timothi unia
leshü thupie ukezeu uze kedziesedi mhakam chükezhau
2 Filemon kâ, mu u üpfü. Apfia ki, mu uze kedziesedi
Khrista chüpaihi chükezhau Arkipa, mu n kinu kehouya
3 kezha kehoun ki keshü: Upuo Jihova mu Niepu Jisu
Khrista unia kinu kepar ngukemezhieu mu noungeu bu
niekâ ze bakelieu chülicchie.
4 A akecha khekanu n rülpie pudi a Jihova tse sei baya
5 zâ; mhakekreilamonyü nâ Niepu Jisu kitsatie mu keme-
sakâ petekâ kitsatie rei n nouchü nouzhie mu n kepele
6 bakechü si kechüla. *A kechau* Khrista bu *zapuzayie*
chülie ketuola nâ n kepele nyidi mia ngumezhieya kezha
la miabu ukâ nu keba mhakevi petekâ sitoulie ketuola zâ.
7 Mhakekreilamonyü, asiazeu, n la kemesakâ nou meneke-
lie la nâ mia khrie kechüla a hadzü a neiphi mu anou rei
luolie zâ kechüla.
8 Süla, a Jisu Khrista kitsatiewe thepfusedi nbu chülie
kezhükâ hukum kha nki shülie vi zârei, *avu huonichuo*
9 kekhris la, mu a, Paul, a tsate mu a Khrista Jisu die rei
10 chütuota kechüla n hühü zâ kechüwe aneikuote. A ke-
die chü ketuo kinu athuo penuo kelieu anuo-u Onesima
11 la a nki amezhiemelâya. Puo thiadzüwe nbu puo la
kepra jü sier, derei'tsiewe nârei mu abu rei puo la kepra
12 nyi bate. A puo ketse lapie nki shü zhü kechü amelou
13 chiethepie nki keshü mhie zâ. A dielickeviu la kedie
chüketuoki puobu n sou chüdi a theketuo nyü sie zâ.
14 Derei a athuo n ketsei sezâlie monyü nbu n medâ chu
zâ nyü, kechüla a n medâ rüsarünjü modi mhapuorei

- 15 chünyü mote. Sirâ puo zâpuoki n therürta kechü nâ
 16 kechachie puo zetuolie tuomu ikechüla nhia. Nâ chüsia
 puo üse n die mhiezâ monyü n diemîa ki vikuoü mu n
 siazeu n khrieu ütatuo ; *puo cha a' kitsatie* pekuo, derei
 uchü-uphou tsatie rei mu Niepuu kitsatie rei kedithede
 17 nze kepenuokuo taga! Süla nâ aü n krâmia ülrâ amhie
 18 puo zeliechie. Sirei puo n gei mha chüzhükemo huo
 chüwata, morei n pupfüzü ümha râ, azanu thüpie zhülie
 19 chie. A Paul athuo adzie se haha thushü ho, athuo
 chüwatuo ho : nâ n phou zârei avie mñieta zâ, derei a
 20 süu pulielhâ. Kethâ zâ, asiazeu, Niepuu kitsatie abu
 nla aneutuo chie : nâ Khrista la anou vakemene shülie-
 chie.
- 21 Nâ dieze chüketa sitoudi a haha thu n ki shüzhü. mu
 22 nâ a nki kepu kezie rei chüzätuo kechü a siba zâ. Sizâ-
 monyü npezia rei aba puorei kesepie bachie : mhakekrei-
 lamonyü a ledi anci bakechü niekâ kecha la mia a khala
 niekâ kishü tuo pekruo.
- 23 Khrista Jisu la aze kedia chüketuo-u Epafra n kelushü
 24 ho ; sirâ aze kedziesedi mhakam chüya kezhakâ Mark.
 Aristarka, Dema *mu* Luk ukâ rei n kelushü ho.
- 25 Uniepu Jisu Khrista kinu kepar ngukemezhiü bu
 niekâ ruopfü zebakelieu chüliechie. Amen.

Ibrikâ 'Ki Keshû Leshû.

JISU' TEIGEI DIELIEKÂ KI ZHA KECHÛ

- 1 Jihova keriaki zâwe kedâ shûshûi mu dâ neiûnei chûdi
siadzekesikâ bunu upuonuokâ rûchû vâr; mu tsiedâ
2 thelatsatiekâwe puo Nuo-u bu u rûchû tuote. Puo
puo Nuo sûu kedapie mhapetekâ mhâ kenipuu chûwate,
3 mu puoa thiadzû puobu mhapetekâ chûshû zâ. Jihova
kezieu urûr keshûu puo zâ, puo Jihova rhi kethâu zâ, mu
puo puodie kekuo la mha petekâ theze setuo zâ. Themia
kejà kephuma shûûkâ chûkemesa shû ketuo-u chûwadi
4 puoa Kekuo Keshathâu zatsa bate. Tsiu puo teigeidie-
liekâ ki theza kevithâu ngukelie tuoi puo ukâ ki zha
5 kehiekuo bate. Sirâ puo mhakipuo teigeidieliekâ huomia
ûse,

Nâ a Nuo zâ,

A thia n penuoliete;

sizâmonyû,

A puo'Puo chûzâ tuo,

Mu puo a Nuo chû zâtuo,

isikechû pu ma?

- 6 Sûsûtuo puo puo Nuo nuoriau zela kijû tsur ketuoki
dzela puoa pukechû,

Jihova dieliekâ pete' bu

Puo rûsuochie. Siya.

- 7 Mu teigeidieliekâ dzewe puo pukechû.

Puo puodieliekâ chûpie teikhria chûwaya,

Mu puo liethâkâ chûpie mi tukeba chûwaya. Siya.

- 8 Derei puo Nuo dzewe puo pukechû,

Harie Jihova, n kediba kechachie baya,

Mu nâ diketuo theuwe mezhûtoudi diketuo theu
zâ.

- 9 Nâ kemiathâ ngu n neite, mu kerûzhû ngu me-
chûte ;
Sûla Jihova, n Jihova puo kenei tier-u se n
kenhepie
N bu n krâmia petekâ mhâ zha kuote.
- 10 Sizâmonyû,
Niepuu, nâ sietsenu kijû bau dze shûwate.
Mu teikâ rei n dzie mhathâ krâpuo zâ ;
- 11 Sûkâ jûtatuo, derei nâzâwe ba seizâ tuo :
Mu sûkâ pete pfemenci tuoi puokra chûtatuo.
- 12 Tsiu pfe tuoi nâ sûkâ tsûwata tuo.
Mu pfe tuoi sûkâ thudiwatuo :
Derei nâzâwe thiadzû mhie bazâtuu,
Mu n teichiekâ mhakipuorei jûtalielhâ. Siya.
- 13 Derei puo teigeidieliekâ huomia dze mhakipuo,
A n ngumvûkâ khâpie n phinyâ chûwa kemochie
Nâ a zatsa bachie,
isi ma ?
- 14 Sûkâsû pete ketsepie kelakelie ngulieketuokâ zhazhû kele
la liethâ kechû ruopfûkâ zâ mo ma ?
- 2 Sûla we rûnyûlie ketakâ we sûkâ therhie keta keprei
2 la we uterûr chûdi sûkâ le menuolie zhû. Tsiu teigeidie-
liekâ tia nunu kepar die thuo rei chûkediwalie kenjû ti
mu thezhâ kevarhuo rei mu dieze chûkemo khekâ rei
3 uthuo usiazha ngutoulie taû lirâ ; we kelakeliedâ zhapie
hathede chûkechûu zeliemota râ, we kikidi suota molietâ ?
Kelakeliedâ sûu Niepuu thuo puria vâr, mu diesûu
4 rûnyûkeliekâ uthuo uki rei puo zhapu chûshû ; mu
Jihova rei puothuo puo medâ chûdi zasikâ mu ungâ
mhathâkâ mu kekua neûkâ mu Kemesa Ruopfû mha-
phruokâ pie diesûu rûnyûkeliekâ khruohidi zhapu chûshû.
5 Sirâ puo we puodze putuoya kezha tsiesia kelhou-u
khapie teigei dieliekâ khrukhrâ shû motazâ. Derei
6 miapuo mharapuo zhapu chûshû kechû.
Themia ha kedipuo ûdi nâ puo rûli rûkraya ga ?
Morei themia nuo ha kedipuo ûdi nâ puo ki vâvâya
ga ?
- 7 Nâ puo chûpie keduoyâpuo teigei dieliemia ki chû
za wâte ;

Nâ zayie mu therhupie puo keditsüre mese chüwate,

Mu nâ puobu nthuo ndzie se kechü nmhathâkâ
mhâ kezha chüwate.

- 8 Nâ mha petekâ khapie puo phikhrâ shüpie *puodieze*
chüwate. Siya.

- Mu puo mhapetekâ khapie puo khrükhâ shükewaki puo
puo khrükhâ shükento mhapuorei khapie bamota zâ.
Derei we isierei mhapetekâ puo khrükhâ leta kechü
9 nguphre bamo. Derei teigeidieliekâ ki keduokipuo puo
chü kerünuokewau Jisusü siadi kemezhiekeli la zayie
mu therhu pie puo keditsüre mese chülie keta we puo
ngu bate; süsü mhakekreilamonyü Jihova kinu kepar
ngukemezhieu la puobu themia kehupuo sourei chüdi sia
10 tuoü tuo kechüla. Mhapetekâ puo kitsatie kebau mu puo
mhapetekâ Chükelieu puo nuonuo kekra zevâr zayie
chülie ketuo mu sukâ kelakeli Krüu bu kemezhiedi
11 vitseilie ketuo puo zhata kechüla. Sirâ ukâ chükemesalie
Kehau mu mesalieketakâ rei, sukâ keze Puo geinu par
phre zâ: süsüla puo mengamozâdi ukâ use puo siazekâ
üdi sie,
12 A n za pupie asiazekâ pesishü zâtuo,
A hiekâ kehokhrâ nunu nketse üchüshü zâtuo;
siya.
13 Mu lasie, "A puo peletuo zâtuo," sireiya. Tsiu lasie,
"A mu Jihova thuo khapie a ketsü puo nuonukâ,
14 harie!" siya. Sirâ nuo sukâ uchü-uzia chüpfü kechüla
puo zarei süsütuo puochü-puozia chüpfü; süsü mhake-
kreilamonyü puo siadi kesia-kekua kesu, puocha terhuo
15 kerüzhüu. kekua chüpejüwa ketuola; sizämonyü kesia
preidi ukerheichie puo diechü ketuokâ petekâ ze par
16 phretalie ketuola. Kethâ, puo teigeidieliekâ mengupielie
tuoü monyü Abraham seyiekâ mengupielie tuoü touta zâ.
17 Süla puo themiakâ kephuma neiükâ ruothâ chüwa tuoüdi
Jihova, liethâ tsatie mia ngukemezhie mu kedietâ phi-
chükezhau chülie ketuola, süla puo mhakehupuonurei
18 puo siazekâ mhielie morâsuota. Sirâ mia puo medâphidi
puo kemezhie kechü ngukeli la puo puothuo zarei themia
medâ kephi ngukeliekâ khruohilie vi bate.

JISU MOSA KI ZHAKUO KECHÛ

- 3** Sûla, asiazekâ kemesakâ, teigei phrej chûtuoüdi kiepie
 2 baketakâ niekâ ukâ puketuo Apostel-u mu Phichûkezhau
 3 Jisu rûli leshûchie. *Jihova* kinukâ petekâ dânu Mosa
 4 thiadzû diethâ kesie tuoi Jisu rei puo kedakelieu
 5 mhâdzûnu diethâ shû zâ. Tsiu ki chûkeshûu ukiu ki
 6 therhu nyikuo kechû tuoi puo rei Mosa ki puoza meye
 7 kechûliete. Sirâ ki kehupuorei puo chûkeshûmia nyi.
 8 derei mhapetekâ chûkeshûuwe *Jihova* zâ. Mu Mosawe
 9 tsiesia se pushû ketuokâ zhapu chû ketuola kituomia
 10 chûdi *Jihova* kinukâ petekâ dânu diethâ shûzâ kethâ.
 11 Derei Khrista zâwe nuothânuo chûdi *Jihova* kinukâ dânu
 12 diethâ shû ; mu we usiadzeu geinu kepar ukothepfu mu
 13 uneikechûu mengukemetei sezâtha thela tsâlie lirâ. we
 14 rei puo ki sûu ta zâ.

PELEKEMVÛ MU DIEZECHÛKEMVÛ LA MIA TARHÂKESHÛ

- 7 Sûla Kemesa Ruopfûa thiadzû pupie zhûkechû hambie :
 Niekâ thia puo pfe silie lirâ,
 8 Thiadzû *Jihova* neikemo kechû tuoi,
 Mu nha dânunu puo medâphi kechû nhia tuoi
 niekâ nou retahie chie.
 9 Niekâ puonuokâ nha sînnunu a kedâdi
 a rûli silie,
 Sidi chie hiedia a mhathâkâ ngûwate.
 10 Sûla a sûki kelhoukâ gei aneimote,
 Sidi a sie, Ukâ ukâ nounu kekrû
 seituoaya zâte, siwate :
 Derei ukâ anei anedâkâ siliechie mota.
 11 Sidi abu ancimodi sie cîsedi,
 Ukâ bu a kerûlei na ler lielhâte ; siwate.
 12 A kezekâ, niekâ huomia rheituoaya kezau *Jihova* geinu
 rûprûtadi pelekemvû thenou kerûzhû nyiketa kepreila
 13 nie kirei tuolie chie. Derei kephuma mia sekezhau bu
 niekâ huomia nou chûperekewa keprei la “Thia” ûkechû
 kebachie teisânhia niekâ huoniehwo tarhâ bazâlie chie.
 14 Mhakekreilamonÿu we sietsenu puo sitoukelieu theze
 kemetei sezâtha thelau tsâlie lirâ ukâ Khrista pie vierhe
 15 chûketakâ ta zâ kechûla. Sirâ,

“ Niekâ thia puo pfe silie lirâ,
Thiadzû Jihova neikemo kechû tuoi,
niekâ nou retahie chie ” ikechû kepuki

- 16 Suomianie puo pfe sidi puo neikemo chûwaga ? Mosa bu
17 Ijupt nunu ukâ ze kepar khekâ moû ma ? Tsiu puo chie
hiedia suomia gei puo neimo tuo tsâga ? Kejâkemou
chûwadi umâ vapie nhanu shûkewakâ gei zâ moû ma ?
18 Sirâ puo die zemo ketakâ zâ kemosia suomia bu puo
19 kerûlei chû nu lelielhâ tidi rûsega ? Tsiu we hageinu silie
kechû ukâ pelekemvû la sînu lelielhâketa zâ.

- 4 Sûla puo kerûlei nu lelie ketuo diepuo zhû luo kechûla
niekâ huomia sîu vajâwa ketuo nhie bata zeru, sikewa
2 keprei la ukâ michielie khe ! Mhakekreilamonyû sükâ
ki tuoi ukâ ki rei dieliekeviu pushû bata zâ kethâ kechû-
la : derei sâkawe die rûnyû kechûki kepele sabaliemo
ketala die sîu kerûnyû la ukâ kepra puorei ngulie mote.
3 Sirei we pelie ketakâwe kerûlei sîu nu leta zhûzâ.
Kijû chûlietse nunu puo mhathâkâ chûtseilieta zâurei,
puo sîudze hakemhie pupiezhû.

Abu aneimodi sie rûsedî.

- • Ukâ bu a kerûlei nu lerlie lhâte : siwate.

- 4 Sirâ puo mharapuo zha thenia nhia dze hakemhie pupie-
zhû : “ Mu Jihova puo mhathâ pete chûkewasia zha
5 thenia nhia rûleita.” Derei hanuhawe.

Ukâ bu a kerûlei nu lerlie lhâte ; silaya.

- 6 Sirâ huomiawe lelie zâtuoû kechû die zhû zâ, derei thia-
dzû dieliekeviu pupie ukiakewakâ zawe dieze chûmvû
7 ketala lelie mota kechû sibata zâ. Sûla “ Thia ” isidi
sûsiabanu David tia nunu nnyhû pushûwa keta tuoi
khunhia zhapuo thâladi sie.

Niekâ thia puo pfe silie lirâ,

Niekâ nou retahie chie ; silaya.

- 8 Sirâ Joshua kerûlei kha ukâ tsûwa ûlirâ, Jihova vâr
9 sûsianu teisâzha kekreibuo dze pulalielhâ. Sûla Jihova
themiakâ lazawe kerûleizhapuo bazâluo.
10 Sirâ Jihova kerûleinu leketamia. sûmia Jihovaa puo
mhathâkâ chûwadi rûlei keta tuoi, sûtuoû rûleitatuo.
11 Sûla diezchûmodi kaketakâ tuoi miapuo burei katamo
ketuola kerûlei sînu lelie tuoû kechû ukâ urhie chûlie

- 12 khe. Tsiu Jihova dieu kerhei mu puo kekuo kenyi die,
zhiecha puoü lutsahatsa kechü ki rei puoü vikuo; mu
unou mu uruopfü zekhrâpfü ukere mu ukeleikânu rei vâdi
zekhâ kekreibalie vi.; mu unoudâkâ rei we chünyü ke-
13 bakâ rei kesedi silieya. Tsiu *puoa* chüpie kebakâ puorei
puomhi therür keba jü; sizâmonyü we puo mhâdzü nu
vâdi uthuo urülie pu phrezâ ketuo^u mhi mhâdzünu
zâwe mhapetekâ hiepie meyie meluo pfü batazâ.
14 Sirâ teikâ pfütthe khâketa uphichü kezhatâ puo, süsü
Jihova Nuo-u Jisu. nyi bata kechüla, *we puo dzé* putuo
15 keta udieu setsa bazâlie khe. Tsiu ukitsatie ketha u
phichükezhau zârei we kemezhie kechükâ nu urüli rükra
puo noukemezhie kelhâu monyü umhiedi puo mhake-
hupuonu zârei medâkephi ngulie, derei puozâwe kephu-
16 ma puorei jü. Süla we ngukemezhie pfülie ketuola mu
morâkesuoki rei puobu ungumezhiedi ukhruohishülie
ketuola ukâ michiemodi ngukemezhie kedibau penuo
vâlie khe.

JISU ARON KI REI ZHAPHI KECHÜ

- 5 Sirâ phichükezhâ kehupuorei themiakâ dânunu kedâ-
niedi puobu *themia* ukephuma rükraliedi mha sekevârkâ
khashü mu ruothâkâ chü ketuola themia dzevi la Jihova
2 kitsatie liethâkâ chünudi khapie baya. Puo puothuo
zârei vilâtsâmo kechüla puo mhasikemokâ nu kekrü
3 kezhakâ geirei puonou mezhielie vi. Mu süla themia
larei mu puothuo puo larei puoa kephuma neiükâ ruothâ
4 chü morâsuo. Tsiu miapuorei puothuo zâ monyü Aron
kembie Jihova puo kiekelie zenu therhu süsü ngulieya
5 kezha zâ. Süsütuoï Khrista rei puothuo zâ monyü puo
ki mhapu keshüu puobu phichükezhâ chü nudi theza
khashüdi puo üse.

Nâ a Nuo zâ.

A thia n penuoliete; si :

- 6 mu kekreibapuo rei puo pukechü.
Nâ Melkizedek mhiedi
Kechachie phichü chüte; isiya.
7 Puo puochü-puephou se ketuoki kesia nunu rei puo kela-
lie keviu ki rei puo mhidzü krâpie mhapuo chüdi kra-
khoudi puo mezhiemelâ mu cha^uphi; sirâ puo kethâle

- 8 menuo tuo zâ kechûla puo kecha chû puo tsü. Puo
Jihova Nuo zâürei puo kemezhieliekâ nunu dieze ke-
 9 chüdâ silie. Sirâ puo vilâtsâliedi puo diekeze khekâ
 kitsatie kechachie kelakelie krüu chûbate; mu *Jihova*
 10 puoü Melkizedek mhiei phichû kezhaü kechû thâliete.

• VI KĚHIE PRALIE MORÂKESUO DZE

- 11 Puo dze, hie die kekra pusa ketuo ba; derei niekâ
 12 nyie kenyiebi ketala puocha pushü nie kialie rote. Sirâ
 puotei rei chaplîte, niekâ mia kepetha rei chûlie zhûte;
 sirei niekâ miabu *Jihova* die puo diebâ keriakâ pupie
 niekâ kiala morâsuo bate; tsü niekâ kechûcha kemeteiu
 monyü nudzü pie uva chû morâ kesuo mia mhie bate.
 13 Mhakekreilamonyü themia kehupuorei nudzü pie uvathâ
 chû kezhamia kemîathâ deu dze umhasi siermo zâ luo;
 14 puo pahya bazâ kechûla. Sirei kechûcha kemeteiwe
 phichûlie ketakâ cha chûya; sükâ unou se mhale mezhie
 ketala mhakevi kesuo sikekreilieya.

- 6. Süla Khrista dze kepethadie keriakâ khapie zhüliedi
 ukâ vilâtsâlie ketuo dzetsatie lepetoulie khe. Sidi
 umhatbâ kesiatsatie la thenoukedi kechû mu *Jihova*
 2 kitsatie kepele. sirâ baptism mu udzie kha miatsügei
 keshü mu kesiämia lasie ketuo sirâ kechachie nyie la
 3 ketsâketuo dze kepetha dickâ bâde kesa molie khe. Tsü
 4 *Jihova* ubu chûnu lirâ, we süu chütuo. Derei huomia
 thiadzü udzükezie ngulie mu teigei mhaphruo rei
 5 metha mu mia ze Kemesa Ruopfâ rei vierhe chû tsü
Jihova die keviu rei mu thesia kelhou nu kekuokâ rei
 6 metha, sidi lata râ, themia sikechükâ bu thenoukedi
 lalie ketuola ukâ chûkesa lalie kenjü zâ; mhakekreila-
 monyü ukâ *Jihova* Nuo-u pie krus geinu goula mu mia
 mhâdzü puo bie kethenga shü zâ kechûla.
 7 Sirâ kijü tsiemelie teirür tsurür puo vakeshükâ metsü-
 liedî mha pelhoushü kezhükâ pelhoupie puo chie keshü-
 8 mia tsüşhü râ *Jihova* kinu theja ngulieya: derei kijü süu
 zohu mu kikhahukâ pelhoushüta lirâ, mia puo khawataya
 mu miabu puo rüsewata nyünuo bataya; sirâ kenuotsa
 9 puo thewa ketuo zatatuo. Sirâ hie khriekâ, hie hiethuo
 hakemhie pushü zâürei hie niekâ dze mha süki kevi krâ-

- puo sitou batazâ, mu mha sūkāsū nie kelalie ketuo dze
 10 zâ. Mhakekreilamonyū nie thiadzū kemesakâ liechū
 vārkechū mu tsie rei chūya kechū, nie mhathâ sūkâ nie
 Jihova za sedi puokhrie puorhu keshūkâ rükramota
 11 ketuo Jihova diethâmo pie siba mo kechūla. Tsiu hie
 medâa niekâ kehupuo burei shūrhei, kemhie zâdi nie
 siadze batou zâ kechū pfū zâvâ puothela tsâlie nu bazâ.
 12 Silielirâ niekâ nie shūshūta modi mia kepele mu shūge-
 shūhie kechū nyi kelie la mhapupie utsū, tuoū kezhūkâ
 ngukeliekâ mhielie zâ tuo.
 13 Sirâ Jihova thiadzū miaza se rüselie kevi puoki zhakuo
 kechū bamo ketala puothuo puoza se rüsedî Abraham ki
 14 mhapuo pupie puo tsū pie zhūkechū hamhie: A japie n
 15 tsū petuo tuo mu a n chū pekrushū petuo tuo. Tsiu
 puo shūgeshūhie se sizâ vârdi mhapupie puo tsū pie
 16 kezhiu ngulietâ zâ. Kethâ, themia zâ rei uki kezha
 se rüseya, di rüseu üse udienya kehupuorei pepiwaya.
 17 Sūsütuoî Jihova rei mhapupie tsütuoî kezhiu ngulie
 ketuokâ ki puodie kedialie kelhâ ukâ bu sikechūlie nyū
 18 kechūla rüse pie thedânupie zhūwata zâ. Mhakekreila-
 monyū puodie rüditalielhâ zâ kechū, die sūnia, geinū
 Jihova mhakipuorei tijū talielhâ zâ kechū we ta puo
 khrūkhrâ kevākâ bu umhâdzütsatie kezhi siadzeu
 thezetsa setuolie ketuo le ukethepfū nyi selie ketuola zâ.
 19 We nyi bata kechū siadze sūsū u ruopfū hepfū lutsa-
 hatsa vâtalie kelhâ nyau vi mu metei zâ kechū, mu sūsū
 zâ le pfelha pie khapie zhawa ketan nu tsâ kechū siadze-
 20 puo zâ. Jisu Melkizedek mhielie kechachie phichū kezha
 chūdi u la peria sūnu lete.

JISU PHICHŪ CHŪKETAWE MELKIZEDEK MU ARON YIMIA
 PHICHŪ KECHŪ KI REI ZHAKUO KECHŪ.

- 7 Sirâ Melkizedek hauha Salem nu kedi chū, mu kezha-
 thâu Jihova phichū rei chū; Abraham thiadzū kedimia
 krâpuo geiwadi lavâr kezhi ki puo seliedi japie puo tsū.
 2 Sūkisū Abraham mhakehupuorei za ker chūdi zapuo
 pupie puo tsū. Themia sūn puoza puo cha theriau
 “Kemiathâ kedi,” mu sirâ Salem nu kedi; puo cha
 3 “Vithâ kedi” reisa. Puo puopto jū, puo zuo jū, puo
 pfutsanuokâ rei jū; puo lhoukesiër rei mu puo kelhou

chüpejü zâkewa rei jüzâdi Jihova Nuo-u mhie ta zâ;
Sümhie zâ kechüu badi phichü chü sei bate.

- 4 Sirâ upfutsa Abraham terhrünunu ngukelie mhake-
 zhathâkâ za ker chüdi zapuo pie puo ketsü themia süu
- 5 zhapie kedipfû chü shi kechü leshüphi chie. Tsiu phichü-
 kam ngukelie. Levi nuonuokâ thezhâu die la themiakâ,
 puocha Abraham yie nunu lhokesier ukâthuo ukâ sia-
- 6 dzüriakâ kinu' zârei za ker zapuo lie phre zâ. Derei ukâ
 yie nunu lhokemo kezha süu thuorei Abraham kinu za
 ker zapuo lielie mu japie mhapupie puo tsü kezükâ
- 7 ngukelieu tsü. Sirâ kechüu kezha kinu theja ngulieya
- 8 kechü miapuorei moü lielhâ. Tsiu chapuonu siata zâ
 ketuomia bu za ker zapuo lie, derei puocha kekreiu nu
- 9 rheituoya zâ üdi putuo ketau *bu lie*. Sirâ za ker za puo
 ugulieya kezha Levi zârei chapuonu Abraham rei chü
- 10 kechüla za ker zapuo kba mia tsü zâ; mhakekreilamonyü
 Melkizedek puo puo ze kese kechü ki puo sükisü puo puo
 nu tuo zâ kechüla.
- 11 Tsiu puo khrükhâ tuodi themiakâ thezhâ ngukelie
 Levi phichü nu vitseikechü nyita ülrâ, kedipuo chüdi
- Aron kechü mhie kechü lemodi Melkizedek kechü mhie
 kechü Phichü kekreibuo bu lhou lasier morâsuo sietuo ga?
- 12 Sirâ phichü kechü rei kedi ketala thezhâu rei chükedi
- 13 morâsuote. Puo dze die hakâ pupie kezüu theyie
 kekrei thiadzü miapuorei rüsuoba nu mhakam chümo zâ
- 14 kechümia ta zeru. Mhakekreilamonyü Uniepuuwe Juda
 geinu lhousier zâkechü mia rei sitouta zâ kechüla; mu
- 15 Mosa theyie süu bu phichü kechü dze puchie mozâ.
- 16 Sirâ Melkizedek kemhie phichü kekreibuo uchü uphou
 kitsatie die zhâu la monyü kechachie kerhei kekuo la
- 17 chükelie puo sierür ükechü sia hie kepu diewe kethâzâ
 ükechü sikemechiekuo te: mu süudze hakemhie pupie-
 zhü: •

Nâ Melkizedek kechü mhiei

Kechachie phichü chüte.

- 18 Sürei chapuonu die keriau puo kekuo kejü mu vikemo la
- 19 jüketa zâ; mhakekreilamonyü thezhâu mhapuorei chüpie
 puobu vitseilie kenjü kechüla; mu kekreiu nu siadze
 kevipuo se lerür pao mese chüliete, mu süula we Jihova
- 20 penuo välieya. Tsiu süu kechüwe rüse samodi chülie-

- 21 lhâta; kethâ hadzükâ zâwe rüse samodi phichü chüvâr zâ. Derei hauwe puo dze Pukezhüu bu rüsedî chü; mu puo die hamhie:

Puo die keditalie kelhâ Niepuua rüsedî,
N bu kechachie phichü chütuo, isipie zhü.

- 22 Süsütuoidi Jisu rei dietseidiekhâ pie kezhünia dânu ke-
23 viu tsatie jamin kepfüu chüliete. Sirâ sizâmonyü kesia bu ukâ deiwawa di ba sa lielhâ tata kechüla themia kekra
24 bu phichü chüvâr zâ; derei süuwe kechachie rhei bata
25 kechüla puo phichükam kediwa lielhâte. Süla puo puo-za se Jihova penuo vâlieya kezha khékâ kelalielie zâ vâ tsâlie vite; mhakekreilamonyü puo kechachie rhei seabadi sükâ la puo mezhiemelâ bayazâta kechüla.
26 Sirâ we rei phichükezha sikechüu semorâsuote; puo mesa. kejâ jü, rhuta mo, kephumamia therhie, teigeikâ
27 ki rei zhakuote; puo zâwe phichükezha kekrekâ tuoidi puothuo puo kephuma ria mu süsia puo themiakâ kephuma la rei teisâmbia ruothâkâ chü morei vite; mhakekreilamonyü puo puophou pie mia ruothâ chükewaki vapuo
28 chüdi süu chüphrewata kechüla. Sirâ thezhâu zâwe vilâtsâkemo themia kedapie phichü kezha chüya; derqi thezhâu sianu kevâr Jihova thuo rüsedî pukeshü diu zâwe kechachie vilâtsâ keta puo Nuo-u kedaliete.

JISU PHICHÜ KECHÜ DZE: ARON YIEMIA PHICHÜ KECHÜZÂWE
JISU PHICHÜ CHÜKETUO MEVIPUO ZÂ: DEREI JISU PHICHÜ
ZÂWE PHICHÜ KETHÂ MU KEKUO KENYI PHICHÜU ZÂ

- 8 Sirâ hie niekâ ki puketuo puodie cha kezha ha nhie:
Uwe teigei Kezhathâu kedibau zatsa baketa sikechüpuo
2 pie u Phichü kezha chübate. Mu süu themia bu monyü Niepuu thuo chükeshü pfeki rüsuoki kethâu nu mu kemesa
3 chüu nu chalie chü bate. Mhakekreilamonyü phichükezha kechü khékâ bu mia mha se kevârkâ rei khashü mu ruothâkâ rei chü ketuola kedaliëya kechüla: süla phichü kezha hau rei mia ruothâ chäketuola mahuo sevâ morâsuota.
4 Sirâ puo kijü hanu bazâü mhali kechü sia puo phichü chülie kenjü zätuo; mhakekreilamonyü thezhâu nu kepu kemhie mha sevâ mia ruosuo kechü krâpuo bazâ kechüla.
5 Sükâzâwe teigei chüketuokâ mevi mu puo khrü mesepuo

- zâ; süu dze Mosa rüsuo pfekiü chüthelie ketuo tiaki
 Jihova puo tarhâdi hakemhie pushü : “ Kijüthou geinu
 tha n kiakeshü puorhiu nâ menuodi sükemhie chüphrelie
 6 chie.” Sirâ Khrista zâwe sükâ kirei liethâ vikuo kechü-
 puo ngulie keta tuoi süsütuo mha pupie utsü tuoü
 7 kezhükâ dâny keviu pie chükelie dietsei diekhâ piekezhü
 keviu dânu kethau rei chü bate. Sizâmonyü dietsei die-
 khâ piekezhü keriau vitsei ülrâ, kekrepuo pfü ketuo ba
 8 puorei bamo zâ. Derçi puo mia pejâdi sie,
 Niepuua, Harie teisâzha krâpuo vârtuo,
 Mu sükisü a Israel yiemia mu Juda yiemia
 ze dietsei diekhâ kechü kesapuo chütuo.
 9 Süuwe a Ijupt kijü nunu ukâ pfutsanuokâ dzie
 teshü ze par kelie nhia
 A ukâ ze dietsei diekhâpie kezhüu mhie mo.
 Ukâ sükisü aze dietsei diekhâpie kezhüu vawate;
 Süla arei ukâ rünyü mote, Niepuu puothuo
 sükemhie puya.
 10 Tsiu Niepuua. Teisâzha sükâ siatsatie.
 A Israel yiemia ze dietsei diekhâ ketuo-u hauha zâ:
 A azhâkâ khapie ukâ nou shüshütuo,
 Mu a sükâ thupie ukâ melou gei rei shütuo :
 Mu a ukâ Jihova chütuo,
 Tsiu ukâ bu a themia chütuo.
 11 Sirâ ukâ kehupuorei uramia ki mu themia
 kehupuorei uthuo usiadzürä kirei,
 Niepuu siliechie ikechü pu sükâ
 petha motatuo :
 Mhakekreilamonyü sükâ petekâ kechüthâmia
 nunu vâ kezathâmia ketsâ
 A si phre tatuo kechüla.
 12 Sirâ a ukâ kesuo kechükâ ngumezhiewa zâtuo,
 Mu a ukâ kemoukâ rükramota zâtuo. Si.
 13 Puo dietsei diekhâ kechü kesapuo ikeshükisü puo theriau
 piese keweu chüwate. Derei weta kezhü mu tuoria ketau
 jüta ketuo tiate.
- 9 Sirâ dietsei diekhâ pie kezhü keriau zârei kertüsuu
 2 zhâkâ mu kijü haunu puo rüsuoki rei nyi. Tsiu thiadzü
 rüsuopfeki puo chüpietuo, mu bou keriau nu mitubau
 mu mizhüu sirâ mia pekia keshü niekhrüdakâ sa zhüya :

- 3 bou süu üse Kemesaba üya. Sirâ süsiasâ pfelhapie kha-
 4 kechü bouu üse Kemesa-siarei-mesakechü-ba üya. Sünu-
 sü suna üse kechü mharekethengu, rüsuoba mu dietsei
 diekhâpie kezhü bou suna zhü se puomhâ daphre kechüu
 rei ba; mu sünusü suna li mana pie shüse ketuo-u mu Aron
 the puo nyü the kesier-u tsiu dietsei diekhâpie kezhü
 5 kethutsie nia pie shüpie zhü. Sirâ sümhâ gei kezic
 cherub kenia unia shü lhapie ngukemezhie bau whepfüba.
 Tsie hie mha sükâ dze puopüo idi pumepuo bakelie jü.
 6 Sirâ mhasükâsü chüpie sipie bazâ. Mu phichükâ bou
 7 keriaunu ledi rüsuo chüchüya; derei süsiasâu nuwe phi-
 chükezhau thuo chiepuonu vapuo leleya; *mu sükisü* the-
 zia semodi leya mo; mu puo süupie puothuo puo la rei
 mu puo themiakâ kekrükewakâ lalei rüsuo chüchü vâr.
 8 Rüsuopfeki keriau kebachie Kemesa Ruopfüa sügei sünu
 Kemesabau nu kele cha pupie mia kiasü mo zâ luu
 9 kechü silie vi. Süupie sükikâ la puomevi puo chükeshü
 zâ; thezhâ sükâ zedi mhasekevârkâ mu rüsuo kechükâ
 khapie rüsuoshü zârei mia nou chüpevi tsei shülie mo.
 10 Sükâsü mhakechü kekria, u khrükechü neiükâ sakechü
 uchü-uphou zhâ krâpuo thezhâ chükesala kemokikâ, chü-
 tuonu keshü rürbei zâ.
- 11 Derei Khrista mhakevi vârketuokâ phichükezhau chü-
 vârdi thedzic üse chükemo, puocha tsiedâ kengukâ ha
 kemo, rüsuoki zhakuo mu vitseikuo zâkechüu nu lete.
 12 Süüsü temvü mu mîthu nuonuo zia sê monyü puothuo
 puo zia sedi mia rhapie kechachie tuolie ketuo chükelie
 13 sianu vapuo chü Kemesabau nu lete. Tsiu themia
 rhuketakâ gei temvü mu thudâ zia pie thekewa thuünüo
 14 mige sa kegeshüdi uchü chükemesalieya ülira, süu ki
 kechachie ketuo Ruopfüu sedi puothuo puo khapie
 miapuorei puo chietalie kelhâ chüdi Jihova rüsuokewa
 Khrista ziauwe mia mbathâ siaketa kembiekâ nunu
 mia chüpie rheituoyakezhau Jihova rüsuolie ketuo unou
 15 chükemesa kuo shülie motuo ma? Sidi kielie ketakâ bu
 kechachie baketuo kau pupie kezhüu ngulie ketuola
 dietsei diekhâpie kezhü keriau khrükhâ nu thezhâ va-
 rhuo ketuokâ rhalie ketuola mia *sou chüdi* siawadi dietsei
 diekhâ kesala kechüu nu puo thedânu kethau chüte.
 16 Sirâ mhapupie mia tsüpie kezhü*leshü zhü râ, mhapu
 17 keshüu siadi ngulieya. Mhakekreilamonyr süu se sia

18 mhapupie kezhü leshüu puo kekuo nyitaya, derei mhapu-
keshüu rheikëba chiewe mhapuorei chülie kenjüta ke-
chüla. Süla dietsei diekhäpie kezhü keriau rei thezia
samodi pupevilie suota zâ.

19 Sidi thiadzü Mosa bu thezhâ sedi puo themia petekâ ki
diepuo khakeşhü metsei puo mithu nuonuo mu temvü
zia pie dzü mu tekuomie meriehara kechü mu hisob
20 nhapfü salied? kegepie leshüdaui rei mu puo themia pete-
kâ rei va phreshüdi siê. Hauha Jihova niekâ ki diekha
21 keshü dietsei diekhâ kelie ziau zâwe, isisiya. Mu süu
rürbei zâmonyü rüsuopfekiü mu sünu seya kezha mhabou
pete geirei süsütuoidi puo theziau kegepie va phrephreya.
22 Tsiu thezhâ süu zâ rei mha kekratsa thezia se chükeme-
salielie vâ; mu thezia semodi kejâ vakelie jüzâ.

23 Sirâ teigei kebakâ rhi hakâ thuorei mhasükâ se chü-
kemesalie morâsuota zâ; derei teigei kebakâ zâwe sükâ
24 kirei ruosuo kevi semorâsuo kuo zâ. Sizâmonyü Khrista
zâwe kethâu modi puorhi zâ kechü thedzie se kechü
Kemesaba nu le monyü; uezhazhü kele la teigei zâ
25 ledi tsie Jihova mhâdzünu thate. Sizâmonyü phiehüke-
zhau puothuo puo zia monyü *perinuo* zia sedi teichie
kepra Kemesabau nu le kevi kezha tuoi Khrista zâwe
26 tsiemelie puo phou pie ruosuo chü chü balielhâte. Simo-
tuoi kechü siawe kijü chülietse nunu vâ kenuotsa ketsâ
puo tsiemelie kemezhie zhiê morâsuota zâtuo. Derei vâ
kenuo kenuo tsatienu puothuo puophou khapie ruosuo
chüwadi kejâ-kephumakâ vawa ketuola vapuo chü puo-
27 thuo mia pesipengu vârwate. Sirâ themia bu vapuo sia
28 di süsia ketsâkechü vâ, sítuotüwa ketatuoi; Khrista rei
themia kekra kejâkemoukâ pfülietuoüdi vapuo puophou
khashüwate, sirâ hasiauva kejâkemou dzelamonyü puo
pfekebakâ kelalieketuola vâ zâtuo.

JISU PHICHÜ CHÜ KETA DZE

10 Sirâ thezhâu zâwe mhakevi vârketuokâ rhitou-u zâ-
monyü puokhrü puo zâ kechüla teichiekepra pie ukâ
ruosuo chüseiya kezha ruosuo sükâ sedi penuo vâ kezha-
2 kâ chüpevi tselie kenjütâta zâ. Simotüirâ ukâ ruosuo
chü motazâ mo tuotü ma? mhakekreilamonyü themia
sükâ vapuo chüch uchükemesalieta kechü ukâa kesuo

- 3 simota zâtuo. Derei ruosuo sūkâ kechû geinu mia
 bu teichie kepra uthuo ukejakemoukâ rûkralalieleya
 4 kezha zâ. Mhakekreilamonyû thudânuo mu temvû zia
 zâwe themia kejakemoukâ setalie kenjû zâ kechûla.
 5 Sûla puo kijû vâr tuoû kesieki puo sie,
 Nâzâwe ruosuo kechû mu mha se ruosuo chûtuouî
 kevâr n medâ motadi,
 Nâ themâ puo chûpie a tsüwatâ.
 6 Mha thepie ruosuo kechû mu kejâ kemou ruothâkâ
 nu nâ n nejya mo.
 7 Sitse a sie, Harie, leshû tsüu nu a dze thupie
 kezhû tuoi,
 Harie Jihova, a n medâu sü chûtuouîdi vârtewe; si.
- 8 Nnyhû pukeshükâ nu, Ruosuokâ mu mhasevâr ruosuo
 kechükâ sirâ thepie ruosuo kechû mu kejakemou ruothâ-
 kâ nâ n medâ mo, sizâmonyû n nei rei mo (mhasükäsü
 9 thezhâu la pie ruosuo kechû zâ). süsia puo lasie, A
 n medâu sü chû tuoûdi vârtewe; isizâ. Kenuo-u pie
 10 keriau banu shûlie ketuola puo keriau chûsete. Puo medâ
 süu la Jisu Khrista mâu pie vapuo chûdi uruosuo chû-
 11 nyhâkewala uchükemesaliete. Sirâ phichû kehuþuorci
 thadi teisânhia chalie chûdi tsiemalie ruothâ kechûpuo
 chûlala thaya zâ; mu sükäsü mia kejakemoukâ setalie
 12 kenjûtâ zâ. Derei Khristawe mia kejakemoukâ la kecha-
 13 chie la ruothâpuo chûwatadi vâ Jihova zatsatie bate; mu
 puo süyawinu vâ puo ngumvükâ bu le puo phikhrâ balie
 14 kemochie pfeba zâte. Mhakekreilamonyû ruosuo chûkevi
 wadi chükemesalie ketakâ chûpevi tseipie kechachie
 15 bakelie chûwata kechûla. Sizâmonyû Kemesa Ruopfû
 thuo rei uki puo zhapu chûsa shûya; puo sie,
 16 Niepuua sie, Zha sükâ sia a ukâ ze dietsei
 diekhâ laketuo-u hauha zâ :
 A ukâ melou gei a zhâdiekâ khashûtuo,
 Mu ukâ nou gei rei a sükâ thushû tuo; isiya. Si.
- 17 Süsia puo lasie,
 Sirâ a ukâ kejâ kemoukâ mu ukâ rûzhükâ rûkramo
 tatuo; si.
- 18 Sirâ kejakemou hakâha vakelie nyita râ, chûsia kejakemou
 la ruothâ rei chûsa mote.

SHÜGESHÜHIELIE NUDI TARHÂKESHÜ

- 19 Sûla, a zenuokâ, we Jisu zia se thepfudi Kemesabau nu
 20 lelie vite; mha~~ke~~kreilamonyü puo p~~fe~~lhapie khapie kezha, süsü puo cha puochüu la cha kesa kerheipuo p~~fe~~pie
 21 utsüwa ketala. Tsiu Jihova kinu u phichü kezha puo
 22 bate. Sûla ukâ unou kethâ chüdi kepele se chüse chüdi
 Khri~~sta~~ ziapie kegepie unounu jâta üt~~ake~~chükâ vakeme-
 23 salie mu dzü kemesathâ pie umâ rei khrüwadi puo penuo
 lelie khe. U siadze rü~~di~~talie kelhâ la die süu theze kemetei
 se bazâlie khe. Mha~~ke~~kreilamonyü mhapupie utsü kez~~hu~~u
 24 puo diethâzâ kechûla. Sirâ ukâ huonieh~~uo~~ hûpie kekhr~~ie~~
 25 mu mha~~ke~~vi nu shü~~ke~~chük~~uo~~ keshü leba zâlie khe. Huo-
 mia zhâ tuoita modi ukâ uthuo u keh~~ou~~ vâ kenguya kezha
 khakewau monyü huonieh~~uo~~ tarhâ bazâlie khe; teisâzhau
 upenuo miamjata zhü kechûla sükâ chü bei zâlie khe.
- 26 Tsiu we kethâ mhasü ngulie keta sia uthuo ukhre ura
 chüdi ke~~j~~âkemou chürâ. ke~~j~~âkemou ruothâ puorei basa
 27 mote. Sikechüumonyü upe~~j~~âkechü kemerie chüzâkechü-
 kâ p~~fe~~keba zâte; mu mi kemerie chüzâkechü puo thuo
 ngumvü sükâ thetuo.
- 28 Themia kehupuorei thiadzü Mosa zhâ üse kemethuo
 kemeruo puo chürâ. mia kenia kese die lanu zârei
 29 puo ngumezhie mozâdi puobu siaya. Sirâ niekâ thuo
 lephichie, themia kehupuorei Jihova Nuo pie puophi khrâ
 shüdi kode sirâ thezia pie chükemesaliedi dietsei diekhâ-
 kelieu üse mesakemo puo mhieta mu ngukemezhie Ruo-
 pfüu rei thi ketamia süki rei puo siazha rekuo kechü
 30 ngulie zhü zâ mo tuoü ma? Mha~~ke~~kreilamonyü, Khepu-
 we a zha zâ; a athuo siazha kha mia tsütuo. isiya kechü
 ukâ puo siba ze. Sirâ lasie. Niepuu puothuo puo themia-
 31 kâ pe~~j~~â zâtuo. siya kechûla. Sirâ rheituoya kez~~hu~~u
 Jihova dzienu letuoü kechü we mhakemichie se puo bazâ.
- 32 Der~~is~~ niekâ theriakikâ mhasilie keta sia komezhi~~ep~~hi
 33 kechü rei hiekeli~~ek~~â rûkralashü phichie. Sükisü niekâ
 lakipuo miabu niekâ kenga mu niekâ pechüpenyü rei
 sapie mia tha mia phi chüzâ; mu lakipuo sikechükâ rei ze
 34 krâpuo chü zâ. Tsiu niekâ süki mia diechüketuomia rei
 ngupie niekâ nou mezhie, mu niekâ kinyi kevi bachalie
 ketuo puo nyi ba~~ta~~kechü sidi mia niekâ vie pekapejüwa
 35 rei niekâ neituo zâ. Sûla niekâ nie kethepfu puo zhakhra

- 36 zhase zâ kebau kha kegawahie zâchie. Süla niekâ Jihova
medâkâ chüliedi puo mhapupie kezhüu ngulie ketuola
niekâ shügeshühie pfü balie morâsuote:
- 37 Mhakekreilamonyü zhachabâkemonu
Vâr tuoü ketuo-u vâr zâtuo, mu puo menuo
balielhâ.
- 38 Derei a themia miathâkelieu puo kepele la
rheilie tuo :
Sirei puo tsiesia lata liâ, a puo gei aneilielhâ zâ.
- 39 Derei ukâ zâwe tsiesia la kekanu vâketakâ monyü
kepele nyidi uruopfü kelalicketuokâ zâ.

KEPELE DZE

- 11 Sirâ kepelea siadze ngulie tuoü ketuokâ dze sitou keta
2 mu mhangukemokâ sitou ketapuo zâ. Kekreilamoü sünü
3 sünü upuotsanuokâ rei kethâ ükechü sikelie zâ. Kepele
geinu we tsie kengukâ ha umhi ki kengukâ geinu chûke-
lieu monyü Jihova die nunu kijü hau pete rüchü parkelie
4 zâü kechü silieya. Kepele la Abel Kain ki ruosuo vikuo
kechü puo chüpie Jihova rüsuo kelie zâ ; mu sügei
sünü puo üse miathâta ükechü Jihovaa puo mha-sevâr
puo tsükeshükâ la puo zhapu chükeshü die ngukelie
zâ : mu süsüla puo siata zârei tsierei diepu baya zâ.
- 5 Kepele la Inok bu rei kesia ngulhâ üdi ze khâta zâ, mu
Jihova thuo puo zekhâ ketala puo ngumota zâ : tsüu puo
zekhâ keta mhâdzü puo Jihova neichülie ükechü zhapu
6 puo ki vâr tazâ. Sirâ kepele semodi puo neichülie kenjü
zâ; mhakekreilamonyü Jihova ki kevârmia puo bazâ
kechü mu puo mhamethuo pie puo pfüyakezhakâ tsüya-
7 kezhaui zâ ükechü pele morâsuo. Kepele lanu Noa rei
mha ngumo zâluo kechükâ dze Jihova kinu die nguliedi
miehie kethâ chüdi puo kinukâ kelalie ketuola dzümbâ-
rüdza tuolie kevi kipuo chülie; mu süu geintu puoa kijü
pete bu jâta, sidi kepele la puoa kemiathâ kayieu chüte.
- 8 Kepele la Abraham zârei Jihova puo kie keshü ki puo die
peledi puobu thekapuo ngulie tuoü kechü nu vâkelie zâ; mu
9 puo paokevâ kevü cha simo zârei tuoprata. Kepele la puo
puothuo puorüna mozâ derei pupie puo tsüpiekezhü
rûnau nu rüsâmia chüdi puoze mhapupie ukâ tsüpieke-
zhüu karhe zâkechü Isak mu Jakob unia rei sa ze pfekinu

- 10 lhou. Puo sūki rūnanadi puophe metei zākechūn pfeba;
 11 sūu chū mu rhi keshū Jihova zā. Kepele la Sara thuo
 rei puo tsazenu puoyie lhoukelie kekuo ngukelie zā, puoa
 12 mhapupie kezhu die lekedietā kelie la. Sūla kesiamia
 kemhiepuo geinu zārei teigei themvūkā de mu dzūkezha
 khieki huocha kezhu mhie themia kekra phrūhulie kelhā
 ihousierte.
- 13 Themia sūkā petekā mhapupie kezhūkā nguliemo zālūo
 kechūnu siaphrete; derei ukā ratsa nu sūkā ngudi ukā
 neitazā, mu ukā kijū haunu rūveketuomia mu rūsāmia
 14 zā ūkechū putazā. Tsiu die sikechū puyakezhakā uthuo
 urūna chūzā ketuopuo pfūtuo zā ūkechū mia rei sita zā.
 15 Simodi ukā tuo parketa rūnau rūkra kethā chūū kechū
 16 siawe, ukā la sūnu vāta zā tiechiū. Derei ukā sūkisū
 rūna sūu ki vikuo kechū. puocha Teigei, mengu tuota zā:
 sūla Jihova, ukā bu puoū ukā Kepenopfu ūkechū kie
 mengamotazā; kekreilamōnyū puo rūnanadipuo chūpie
 ukā tsūpie bata kechūla.
- 17 Abraham-a Jihova puo rūli kevikesuo situoū kesieki
 kepele la Isak kha puo rusuowa zā: kethā, mhapupie
 puo tsākeshūkā puo neisieidi liele ketau puothuo puo
 18 nūpūliu khapie rūsueshūwatazā. Mu Abraham ki thia-
 dzū. Isak geinu n yie ūtatuo. isipie zhū zārei *se rūsuowa-*
 19 *tazā*. Jihova kesiakā dānūmu rei puo perbeila shūlievi
 ūkechū puo sūu leta zā; sūnunu rei puoa dievū ke-
 20 mhie puo ngylalie tazā. Kepele la Isak rei tsiesia vār-
 ketuokā dze pudi japie Jakob mu Esau unia tsūshū zā.
 21 Kepele la Jakob rei siata tuoū kezhu ki japie Josef nuonia
 tsūphre shūzā; sirā puo the nerhupiedi Jihova rūsuota zā.
 22 Kepele la Josef rei puose tiaketaki Israel nuonuokā tuopra-
 ta ketuo dze putazā; sidi puo ru rhuokechū dze rei
 23 puo die khashūta zā. Kepele la Mosa rei penūkelicki
 puopuo puozuo bu puo nuokezivipuo zākechū ngudi khūū
 se kevīpie ba; sirā sūkisū unia kediu die rei preimo tazā.
 24 Kepele la Mosa rei phiehūkelie gei miabu puoū Faro nu-
 25 pfū nūo ūkechū kie mvūta zā. Puo zāpuokirei kesuo chū
 puonei puonyū chū keba kirei Jihova themiamia ze mia-
 26 bu puo pese kechū puo neikuota. Puo Ijupt mia vie
 petekā kirei Khrista la thetha kepfūwe puo kinyi zhakuo
 ūkechū leta: mhakekreilamonyū puo zhakhra kevin pfū
 27 tuota kechūla. Kepele la puo kediu noupfū rei preimodi

Ijupt vawadi tuota : mhakekreilamonyü puo umhi üse
 ngulie kelhâu nguzâ ketha mhiedi puo kegepfü thata zâ
 28 kechûla. Kepele la puo nuoriakâ peka kevâr-u bu vâr
 ukâ tsâmolie ketuola kelakeliényiu mu thezia kegepie
 29 vakechûu kesevûta. Kepele la ukâ Kemerie Dzükezha
 nu zârei kijü sâ parliedi phita zâ : mu sükisü Ijuptkâ rei
 30 si dâjü siedi dzü bu ukâ pelheikhriwata. Kepele la ukâ
 31 zha thenia Jeriko dahou whishûtse kretsu zhûta. Kepele
 la thethenupfü Rahab rei puo neisieidi urûna ria kevâr
 32 nia pesâkelie la *Jihova* die zekemokâ kekâ ze kata mota.
 A hasia kedipuo pu sa ta ? A Gideon, Barak, Samson,
 Jefta, David mu Samuel mu siadzekesikâ dze pu phrevâ
 33 tuoü lirâ, pu pfülielhâ tatiea. Sükâ rei kepele la kedikâ
 penyülie, kemiathâ mhathâ chülie, mhapupie kezchükâ
 34 rei ngulie, loihakâ tiakâ rei pha khakelie zâ. Ukâ mira-
 tsa rei biemhelie, zhiechaü rei therhie kelie zâ, meteike-
 monu rei metelie, terhrûtu rei kuolie, mu rûna kekrekâ
 35 rûpfünuokâ rei whuokelie zâ. Thenukâ rei uthemia
 siaketakâ rheilakelie ngulie ; sirâ kekrekâ rei ukâ sekela-
 kelie uncimo tadi miabu ukâ pechü ; süu mhakekreila-
 monyü ukâ rheilakesie vikuo kechûpuo kralienyü ketala.
 36 Sirâ kekrekâ rei miabu ukâ kre mu ukâ vü, tsü sürürbei
 37 zâmonyü ukâ tepie pha mu kediekinu rei shü. Miabu
 ketsiepie ukâ va, miabu seigei pie ukâ gei phaphawa,
 miabu ukâ kodâ, miabu zhiechapie ukâ dukhri ; ukâ
 38 tekuozhü morei temvüzhü dziedi rûhou khâ mu ke ; ukâ
 nhajütâ, kemezhie, mu miabu ukâ pese phi. Ukâ rûhou
 themia tuokemokâ nurei mu kijüthougei rei mu kechie-
 39 kikâ nu rei mu kijü kechiekâ nurei vâ. Kijüa themia
 sükâ ze balie sü mota. Sirâ themia hakâ ; petekâ ukâ
 40 kepele la mia ukâ tsephi zârei mhapupie kezchûn ngulie
 mote. Derei ukâ dze *Jihova* mhakevi huo kesepie bate :
 säusü mhakekreilamonyü ukâ samodi sükâ chüpevi tsei-
 shü nyümo ketala.

THEPFU MU SHÜGESHÜHIELE KETUO

12 Süla zhapukâ kemhou mhiedi hathede chü u böupfü ba
 kechûla ukâ u kekha khékâ mu u kupfüdi ubiepesuowa
 tuoü baya zâ kechü kejakemou u kha kegewadi shüge-
 2 shühie pfüdi tã umhâdzü tsatie whuoza välie khe. Sidi

ukepele kha uketsüu mu chütsei shüya kezha Jisu mehâ zâlie khe. Puo mha puo keneipuo puo mhâdzütsatie bachehüla kemenga kechü rei üse mhapuo kemo mhie idi krus se rei hielietâ zâ, sidi vâ Jihova kedibanu thezatsatie thata zâ. Nickâ bu niekâ ruopfü dzetsatie niekâ shüshüdi kechazie tamo ketuola kesuokechükâ puo ngukemyüdie püpie mhapuo chü rei shüge shühielie keta niekâ puo rüli sükâ leshüphi chie. Nickâ thezia thupfülie kemochie kejâkemouu ze keperhie zâthalie mozâluo.

5 Sirâ niekâ puo nuonuo kemhie chüdi.

Anuo, nâ Niepuu u pechüdi n pethaya kezha dieu lekemedzata hiechie ;

Sirâ puo n kejâ pu n kia kechüki ndzüzeita hiechie.

6 Mhakekreilamonyü Niepuuwe puo khriemia pechüdi pethaya.

Mu puo puonuoñuo zeliéketa kheká vüdi zeliéya kezha ;

isidi nie tahi tarnâdi nie rüchüya kezha dieká rükratuolie mote. Nickâ bu vilie ketuola nickâ pechüdi niekâ pethaya kezha ze ; Jihova niekâ puo nuonuo kemhiedi

7 niekâ gei siya kezha zâ. Süsütuo! nuo kikechüpuonie

8 puopuo puo pechüyakemo ba ga ? Derei miakekreimia pete ukepechü nguliehu mu niekâ nie kepechü ngulieho lirâ, niekâa mothânuokâ monyü tekhuonuo zâ tatuo.

9 Süzâmonyü uchü-uphou tsatie hazârei upuonuo upechüdi upetha râ we sükâ rhuya : sirâ we rheilie ketuola süki rei we u ruopfükâ Puo-u die ze chükuo zhü mo ma ?

10 Sükâzâwe sirei vi nhia idi zâpuo zhaki upechüdi upetha kechü zâ ; derei Süu zâwe ubu puo kemesa ngulie ketuola ukemevi ledi chüya. Pechüdi pethaya kezha kheká tseki

11 zâwe ukeneiu monyü unou pesuo kechü mhie zâ, derei si pfülie mezhie kezhakâ kenuotsa süusila thenou kemene

12 siu, puoña kemiathâ siu parlieya. Süla nie bou nganga tuo ketakâ mu niekâ khoudza meteimo ketakâ hya shülie

13 chie ; sirâ phihyâkâ bu ukâ cha therhie prata monyü vilie ketuola nie phi bu tuolie ketuola nie chakâ chüke-mezhülie chie.

14 Nickâ themia petekâ ze kezevikelie mu puo sa morâ miapuorei Niepuu ngulie kelhá uchükemesalie kezha

15 pfüzâlie chie. Thümia kehupuo burei Jihova ungumezhie

- keshūu vajāwamolie ketuo, mu kepfū bāpuo burei tsū-
 pardi niekā kehju kezhiēpie puo la themia kekra bu
 16 rhuta molie ketuo; mu pieū puorei morei Esau thiadzū
 vathā puo lanu puothuo puo phiēhū zha zechū kelie
 kemhie miathākemo puo burei parmolie ketuola pechūlie-
 17 chie. Puo kenuotsatienu thejau ngulienyū di puo krazādi
 chabei sie zārei kha puo tsū mvūta kechū niekā rei siba-
 tuo; sūsū mhakekreilamonyū puo mhapuorei chūdi
 puonou kedilakelie bapuorei ngulie mo ketala.
- 18 Tsiu niekā miabu puo biēlie kevi mō mi tuzākeba
 kijūthou ki, sirā krūmelei mu zeiboui kechū mu rūkria
 19 rūkhria kechū ki, sirā ketsūkekhoupfe mu diekepupfe
 ki vāmo. Diekepupfe sūu kesi khēkā ukā ki diepu sahie
 20 nudi umezhimelā phreta zā. Mhakekreilamonyū, Khu-
 nuo zārei kijūthou sūu nyū lirā ketsiepie vakhri zā tuoū
 kechū, die sūu la ukā mhapuorei chūlie. kenjū tazā ke-
 21 chūla. Tsiu kemichie sūthedē chū kechū nguketala Mosa
 rei sie, “A michie sedi pe zāte :” sita zā. Derei niekā
 22 zāwe Sion kijūthou gei mu rheituoya kezha Jihova rūna
 nadiu teigei Jirusalem-u gei, sirā teigeidieliekā phrūhulie
 23 kelhākā ki, tsiu teigei uza rulie keta penulie keriakā
 kehōu ukenei themia krākā nu, sirā themia petekā nya ke-
 chū ketuo-u Jihova ki, mu kemiathāmia chūpevi tseishūlie
 24 keta ruopfūkā ki, sirā dietsei diekhā kesakelieu nu thedānu
 kethau Jisu ki, mu Abel zia ki pupevikuo kezha kegepie va-
 25 kechū ziau ki vārbate. Niekā rūchū kethau die meliawa
 molie ketuola nie kireilie chie. Mhakekreilamonyū sūkā
 thuorei kijū nu ukā tarhā keshūu diezemvū ketaki ta the-
 rhielie kenjūta lirā, we sūkirei teigeinu u tarhāshū kethau
 26 die rūnyūmo tarā ta therhielie lhākuo ta zātuo. Sūkisū puo
 pfe kijū pfūkenieta zā : derei tsiewe puo diepupie zhūta
 kechū hamhie, A khunhū vapuo kijū rūrbei zā monyū
 27 tei rei sa pfūkenie shū zātuo. Sirā “khunhū vapuo”
 ikechū dieu geinu pfūkeniewakemokā bu hūlie ketuola
 pfūkeniewa ketakā, puocha mha pelhoukeliekā, chūkedi-
 28 wa ketuo silieya. Sūla ukā rūse rūnialie kelhā kedikechū
 puo ngulie keta la ngukemezhieu nyilie khe. Silielirā we
 Jihova rhu mu puo khrūprei sie idi puo neikechū liethān
 29 chūlie tuo. Mhakekreilamonyū u Jihovawe mi bu mha
 thepejūwaya kezha kemhiēpuo zā, kechūla.

KHRISTANMIA ZHÂ NEIÜ MÜ DIE THEKHA.

- 13** 2 Siazedzüriakâ huoniehüo khrie bazâlie. Rûsâmia
 khrie kechü rei rûkra mota hie : süulanu rei *thiadzû* hu-
 3 mia teigeidieliemia rei pesâhrülie zâ. We rei kedie zeru
 idi kedie chü ketuokâ rüli rei rûkralie : ukâ rei umâ *kechü*
 puo chü pfü tao hu zeru idi mia bu u peseya kezhakâ rüli
 4 rei rûkralie. Niekâ kehupuorei kiyakechü üse therhu
 puo chüzâlie; unia zhü bu kerüzhu zhü chü suo : mhake-
 kreilamonyü Jihovaa pieü kechükâ mu pierüükâ pejâ zâtuo
 5 kechüla. Niekâ shûkei raka kemehou chûkechüu monyü.
 nie vie ketuokâyâ zârei se nie neituo zâlie morâsuo :
 mhakekreilamonyü Jihova puothuo. A mhakipuorei n
 vajâwalielhâ morei a mhakipuorei n kha reiwalielhâ.
 6 isi shüwata zâ kechüla. Süla we rei thepfudi.
 Niepuu a khruohiya zâ ; a michie lielhâ ;
 Themia aü kedipuo chülieta ? isi tuoya zâ.
 7 Niekâ mia thiadzû niekâ mhâ kezha chüvâr kechükâ mu
 Jihova dieu pie niekâ ki pukeshükâ rüli rûkra zâdi,
 ukâ kikidi lhouvâ tsâwa shi kechü rei ledi ukâ kepele
 8 dêrielielie chie. Jisu Khrista zâwe ndu rei thia rei
 9 kênhie bazâ, mu kechachie situo zâtuo. Miabu die
 sa neiükâ pie niekâ ketsikewa chühiechie : thehe thehieu
 monyü ngukemezhie bu niekâ nou chü kemetei keliewe
 vikuo ; sükâ chüya kezhakâ rei kemevi rei ngulieya
 10 mo. Rûsuopfekiü nu chalie chü kezhakâ puo geinu
 11 mhachü zhükemo we sikechü rûsuoba puo nyite. Tsiu
 kejâkemou ruothâ chü tuotiü plichükezhau bu puo
 zia se kemesa bau nu kele khunuo mâkâ sepra dahou
 12 sianu thewawa vâr. Süla Jisu rei puothuo puo ziapie
 themiakâ chükemesalie ketuola kharu sianu chü mu
 13 siawate. Süla ukâ rei puo inhie zhase pfüliedi dahou sia
 14 praliedi puo ki vâlie khe. Mhakekreilamonyü hanuwe
 ubu ba seizâ ketuo rûna bamo, mu we tsiesia vârketuo
 15 rûna-u pfütnota zâ kechüla. Süla ukâ puo zase Jihova
 ketse ruosuo kechü, puo cha utia üse puo za pukechü siu
 16 üse puo rûsuo seizâ tuolie khe. Derei mhakevi kechü mu
 mha khapie mia tsü mia zakechü rûkramota suo : Jihova
 17 ruosuo, sikechükâ puo neiphiya kechüla. Niekâa niekâ
 pehükâ die zêlie mu sükâ khrukhrâ balie : mhakekreila-
 monyü sîkâa niehâ ruopfükâ dze t.esia mha pulazâ

ketuo ledi sūkā theketuoya zā kechūla. Sūla sūkā bu unousuo monyū uncisieidi sūu chūkelie chūliechie : mha-kekreilamonyū ukā bu unousuo rā niekā rei kemevipuo rei jū zātuo kechūla.

18 Niekā hie la chaba zālie chie : tsiu hie mhakehupuo nurei diehādī lhounyū tuo zākechū hie nou le kemezhū
19 puo tuota zākechū sitou tuota zā. Derei a khala pezipie niekā ki shūlie ketuola niekā bu sūu chūbazā nukechū niekā hū bei bazā.

20 Sirā kechachie dietsei diekhā kewa ziau la tekuo kepte kezhaū chūketa Uniepu Jisu bu kesiakā dānunu lavār
21 kelieu thenou keniene khashūya kezha Jihova bu Jisu Khrista la anou chūshūdi abu puo kenguki puo neikā chūliedi niekā chūpevi tseipie mhakevi kehupuo nurei puoneī puomedākā chūkelieu chūliechie : puobu kechachie zayie chūkelieu chūliechie. Amen.

22 Derei azenuokā, a niekā bu niekā hūkeshū diekā gei nie neimota hienudi niekā hūsashū zhūzā; a die ru pedzū pie
23 niekā kīashū zeru. Ukā siazeu Timothi khashūwata ūkechū niekā sūu siliechie. Puo pezi vār lirā, a rei puoze vādi niekā ze kengutuo.

24 Niekā pchūkā rei nu kemesakā petekā rei kelu phreshū chie. Itali nu kebakā rei niekā kelushū ho. Ngukeme-zhieu bu niekā petekā zebakelieu chūliechie. Amen.

Jakob Leshü

SHÜGESHÜHJELIE MU JIHOVA DIE ZELEN MORÄ RESUO.

- 1 Jihova mu Jisu Khrista kituo-u Jakob-a chüre tuoketa seyie kerekeniakâ kelushü ho.
- 2 A kezekâ, dâphi neiükâ niekâ ki kephürki niekâ neiphi
- 3 zâ üliechie; mu niekâ kepele kevikesuo mehâ kechüla
- 4 shügeshühie kechü nyiparlie tuoü kechü siliechie. Sirâ niekâ mhakehupuo nurei tsünova modi vitseiü tsälie ketuola shügeshühie kechü bu puo medâ chütseilie chie.
- 5 Derei niekâ kehupuorei mhasi jü lirâ, puobu mephruo mevoi mu mia kechümo zâdi khapie kehupuorei tsüya kezhan Jihova ki ehäliechie; sirâ khapie puo tsütuo.
- 6 Sirei puobu kenoudâ ehie moziädi pele zâdi ehälie chie; mhakekreilamonyü kenoudâ kezhanwe teikhria bu hepie lutsa hatsa vaketuo dizükezba rüpfü mhie zâ kechüla.
- 7 Sirâ themia sikechümia bu Niepuu kiau mhakehupuorei
- 8 ngulie tuoü kechü lehie chie; noukenia miasü mhakehupuo nurei pud aou jü balieya mo zero.
- 9 Derei ukezenia miasuo miaruomia burei kezhamia mhie
- 10 zâ ükechü ledi puo neilie chie. Sirâ kenyimia burei miasuo miaruomia mhiezâ ükechü ledi puo neilie chie; mhakekreilamonyü puo rei nhapou kerahie jütazâ tuo kechüla.
- 11 Niaki puo teinâ chüse sierdi nha phie pesiawaya sidi puo poukâ rür rhätaya tsü puo zivikâ suotaya; süsütuoü mhakenyimia rei uchie chüdi pfü ketuokâ ra jütazâ tuo.
- 12 Dâphinu rei shügeshühjelieya kezhamia ruokuothâ za; mhakekreilamonyü puo vi ükechü silie lirâ, Niepuua pupie puo khrie puo rhu kezhakâ tsütuoü kezhu kerheiprü
- 13 keditsüreu puo bu nguliezâ tuoü kechüla. Themia kehu-puo burei dâphi puo gei phir kechüki, Jihova thuo a medâphiya, ikechü puhie chie; mhakekreilamonyü Jihova kedâ pie puobu mhakesuo chülie kenjü, mu puo

- 14 zârei miapuorei medâphiya mo zâ kechûla. Derei themia
 15 kehupuorei dâphi puo gei phir kezhamia puo mengukâ bu
 16 puo meshûliedi puo seketsilieya kezha la zâ. Sûkistû
 17 kephumau phichûlietse kesia penuoshûya. A zekâ a-
 18 khriekâ, miabu niekâ sewa hiechie. Mhaphruo kevi khekâ
 19 mu mhaphruo vitsei zâ kechû khokâ pesâ gei keziekâ
 20 Puo-u kinu ker phreya : puozâwe ukhrû kemhie rûdirûli-
 21 ya mo. Puo ubu puothuo pelhoukeshûkâ dânu puo
 22 mhathâ si keriakâ chûlie ketuola kethâ dieu gei nu puothuo
 23 puo medâ chûdi u penuo keshû zâ.
- 19 A keze akhriekâ, niekâ rei sibatuo. Derei themia
 20 kehupuo burei rûnyû rhûrhû lie, diepu dada hie, uneimo
 21 mhata hiechie : kekreiblamonyû themia noupfû geinu Jihova
 22 miathâu parlieya mo kechûla. Sûla niekâ mesakemo
 23 shûûkâ mu niekâ nou keûzhû basaluo kechûkâ khaphre-
 24 wadi nie nou menedi nie rûopfû kelalie kevi die leipie
 25 nienou piezhû kewau lieliechie. Sirei niethuo nie se
 26 penyapie rûnyûya kezhamia rûrbei chûzâta monyû dieu
 27 chû mu zeya kezhamia chûliechie. Mhakekreilamonyû
 themia kehupuorei dieu rûnyûya derei chû mu zeya mo
 zâlirâ, themia sûu mhakemevapuo nunu puothuo puo zie
 nguya kezhamia mhie zâ : puothuo puo ngushûdi tuo
 rûdeita, sidi puo kedipuo mhie shi kechû rûkramo mha-
 taya kechûla. Derei themia kehupuorei ukhashûwalie
 kevi thezhâ vitseizâ kechûu ngushûdi mehâzâba keliemia
 rûnyûshûdi puo sialemota modi chû mu zeya kezhamia.
 sûmia puothuo puo mhathâ nunu theja ngulietuo. The-
 mia kehupuorei puothuo puo lekemiathâdi puo tia kekha-
 lie modi puothuo puonou sepenya seketuomia, puo nanyû
 rei kemethuo zâ. Puo krû kejûmia mu thenusamimia
 mezhie rûkraya kezha mu kijû hau nunu puothuo puo
 perhu mo seba keliemia. sûmia nanyû Upuo Jihova
 inhâdzûnu mesa mu rhumo balieya kezha zâ.

KEKHRIE MU MHAKEVI KECHÛ

- 2 A zenuokâ, niekâ u Niepu Jisu Khristâ mu zayie
 kechû Niepuu pele kechûki huomia khrie pekrei tahie.
 2 Sirâ miapuonie suna dziekhanyû mu pfelâkemese pfû
 dziedi nie kehoukinu lerûr mu kejûmiapu, rei puopfe

- 3 puonei kesuo sedi lerür ; sitse niekâ puopfe puonei kevi
keseu rhudi puo ki, " Nâ theba kevi hanu baliechie " si ;
derei niekâ mhakejüu kiwe, Nâ chünu thalie," morei.
- 4 " Ke a phikhrâ, balie," isi lirâ ; niekâ niekâ thuo niekâ
dânu rei themia khâ kekrei mu niekâ noudâ kesuo
- 5 sedi mia le kekriya mo ma ? A zenuokâ akhriekâ,
rünyüshüchie ; Jihova kiju haunu mhakejüka kedapie
ukâ, bu kepele tsatie mhanyi mu puo khrie puo rhuya
kezhakâ ki puo thiadzü pupie kezhü kedikechü kayiekâ
- 6 chüta mo, ma ? Sirei niekâwe kejümia rhumote. Niekâ
peseya kezha mu niekâ merhashüze dienza bakâ nu vâya
- 7 kezhakâ mhakenyikâ thuo zâ mo ma ? Therhu za thâpie
niekâ gei shükechü zathâ süu süka thuo thaya zâ mo
- 8 ma ? Siüderei " Nâ n sizanuomia khriepie nthuo n
kekhrrie mhieliechie " idi Kethâleshü nu pupie kezhü
- 9 kedizhâ hauha niekâ chütseilie râ, sirei vizâ tuo. Derei
huomia khrie kreita râ, niekâ kejâ chübata zâ, tsiu the-
- 10 zhâu bu niekâ pejäpie thezhâ varhuo kezhamia chübata
zâ. Sirâ themia kehupuorei thezhâu pete zeya zârei
- 11 chapuo nu tsâmo ta râ. petekâ nu puo jâtaya. Tsiu
" Picü chühiechie " idi pukeshüu " Mia dukhri hiechie "
- 12 ikechü rei pusa shü zâ. Süla nâ pieü chümo zârei
mia dukhriya râ, nâ thezhâu varhuoya kezhamia chütuo-
- 13 ta zâ. U khakemo zhâu bu niekâ ketsâ ketuo lezâdi
niekâ puotoukâ pu mu chüzâlie chie. Derei mia ngu-
- 14 mezhieva kemomia ngumezhie mozâdi puo nyie kechütuo ;
siüderei ngukemezhiewe dienza nu kuolietuo.
- 15 A kezenuokâ, miapuonie puo kepele nyi üsie rei puo
mhathâ jü lirâ, kedipuo kemevi ngulietâ ? Puo kepele
- 16 süu puo kelalie vi ma ? Nie sizemia morei nie üpfünüo-
puo methuo tuo mu thia thia va rei jü tuo, mu sükisü nie-
- 17 kâ miapuo sümia üse, Nie nousuo hiedi mi peguolie
mu mhachü pevüliedi välie. ishü derei nie mhapuorei pie
- 18 puomâ vakemeteishü morâ, kedipuo kepra ngulie tuo ga ?
Süsütuo kepele rei puo mhathâ jü lirâ. puothuo zâwe
- 19 siata zâ. Sirei huomianie sie, Nâ n kepele nyi, mu awe a
mhathâ nyi, isi sierei silielhâ. Sirâ n mhathâ samodi n
- 20 kepele kha a kiashüchie, mu arei amhathâ geinu akepele
kha n kiashü tuo. Ukepenopfu Jihova puo zâ ükechü nâ
rei peleya tuo ; sirei vi zâ : mu terhuokesuokâ rei süsü
peledi michie pe baya. Derei harie mhalekemo-u, kepele

- puo mhathâ kejü pfüwe kemethuo zâ ükechü nâ silieta mo
 21 mota ? Ukâ puo Abraham puo nuo Isak khapie ruosuo-
 ba gei shüdi ruosuo chü kechüki puo mhathâ suü la puo
 22 üse mezhülieta üta mo ma ? Nâ rei sibatuo, puo kepele
 mu puo mhathâ keze puo zâ mu puo mhathâ geinu puo
 23 kepele chütseishüwa ta zâ. Sidi " Abraham Jihova pele,
 süla puo chükemiathâlieta " mu " puo üse Jihova zeu üta "
 24 isidi Kethâleshünu pupie kezhünia chütseilie ta zâ. Nie-
 kâ rei sibatuo, themia puo kepele rürbei la zâ monyü
 25 puo mhathâ rei sa kechüla mezhülieya. Sirâ süsütuo
 Rahab thethenupfü rei thiadzü mialiechü kovânia pesâlie-
 di unia ketsepie cha kekreditsatie shükewa la mezhülieta
 26 zâ moü ma ? Mhakekreilamonyü umâ zârei ruopfüu sa
 bamo râ siataya kezhatuoi kepele puo mhathâ samo lirâ
 süsütuo kesia zâ kechüla.

ÜTIA KEKHALIE 'MORAKESUO' DZE

- 3 A zenuokâ, mia ki ukâ ketsâ menuokuo ketuo sibata zâ
 2 kechüla kepetha chü kra hie. Kekreilamonyü ukâ kehu-
 puorei mhaneüikâ nu kekrütaya zâ kechüla. Themia
 kehupuorei puo diepu nu kekrütaya molirâ, themia süu
 vitsei kechümia mu puo puomâ pete rei kekhalie vî.
 3 Sirâ we mhapie kier me douliedi puobu umedâ zelievi
 lirâ, we puo mâ pete rei kehwi pie umedâkânu välieya.
 4 Süsütuo rou puothuo zhapie mhapuo chü mu teikhria
 khriadi bu puo hepie tuota zâ shierei roukethümia rou
 shükehwikelie nya kechüphiyâpuo bu puo shükehwi-
 5 pie puothuo puo medâtsatie välieya. Sükemhie umhiü
 ugei mhakechüthâyâ puo zârei sedi kemelhase kechü die
 rei pulieya. Sizâmonyü mi kedunuoyâpuo thuo rei ketsa
 6 kedithede thewaya ga ! Sütuoi umhiü rei mipuo zâ ; umâ
 gei puo zathâ kekrikechükâ dânu umhiüa mhakesuo
 kechü dâpuo zâ ; puothuo umâ pete chüperhuwaya mu
 ukelhouzhâ pete theshüya ; mu umhiü mizla nunu mi
 7 ngulieya. Sirâ themiaa nhachü mu pera mu khunuo
 gouketuokâ mu dzükezhanu ketuo-neiükâ kekhalie umedâ
 8 chülievi, mu thiadzü rei kekhalie zâ. Derei miäpuorei
 umhiüwe kekha kelie jütuo zâ ; süüsü jü baliekelhâ mha-
 kesuopuo zâ, mu themia reikhriwâlie kevipfü puo gei
 9 tsupfütuo zâ. We süu sedi Upuo Cniepuu tsereiya mu
 süu sedi we themia chüpie Jihova mhye keshükâ rüse reiya.

- 10 Tiapuo nunu theja rei mu mia rûse kechû rei parya.
 11 Azenuokâ, mhahakâ hizhûmo zâ. Dzûluo ki puo nunu
 12 dzû kria kevi rei mu kepfû rei parlieya ma? A kezekâ,
 chiede bâ geinu Oliv si, morei khuobe bâ geinu chiede si
 vûlieya ma? Kezia 'dzûluo nunu dzû kria kevi rûluo
 parlieya mo zâ.
- 13 Niekâ dânu supuonie puodâvi mu mhasi бага? Puo bu
 lhou mezhû kechû geinu puozhâ kevi mhasi se chûya kezha
 14 puo mhathâkâ tha mia pekialiechie. Derei niekâ nienou
 mia ngupie nie râse kechû mu kengukemvû ba lirâ,
 15 kemelhadi kethâdie pukechûrûr hic. Sikechû mhasiwe
 pesâ geinu vârmu. Sirei sîu kijû hanu vie, uchû-uphou
 16 medâ mu terhuokesuo medâ zâ. Mbakekreilamonyû mia
 ngu urâ kechû mu kengukemvû kebara kebvû kechû mu
 17 mhakesuo kechû neikâ rei baya kechûla. Derei pesâ geinu
 kevâr mhasi zâwe theriau mesa, mu sîsia kezekevi, uzâ
 kevi, kediezeli kerûi, miâ ngumezhie mu umbathâ kevi
 18 kraphi kechû, noupuo zâ kechû, mu ketherakemo zâ. Sirâ
 kezeviya kezhakâ kezevidi keniathâ siu leishûya.

TARIÂKECHÛ DIE NEIÛ

- 1 Kedipuola niekâ dânu kegeikechû mu keprûlikechû
 sierya ga? Niekâmâ geinu kegei kezha niekâ nei niekâ
 2 nyû kechûkâ nunu sierya moû ma? Nie mha menguya
 derei ngulielhâ, sidi nie mia dukhriya. Mu nie mha
 mehouya derei ngulielhâ, sîla nie keprûi mu kegeiya.
 3 Nie chaya kemola ngulieya mo. Nie se nie nei nie nyûka
 chûnyûdi chazhûkemokâ cha kezhala nie chareî ngulieya
 4 mo. Harie thenupieû kemhiekâ, kijû hau ze khriethâ
 kechûa Jihova ngumvû zâ kechû, niekâ siya mo ma?
 Sîla kehupuorei kijû hau ze khriethâ chû kenyûmia
 5 Jihova ngumvûmia chûtaya. Kethâfeshûa kemethuopuo
 puya ûkechû niekâ medâya ma? Puo ruopfûu chûpie
 unu bâu keshûu mia ngu puo râkechû leya ma? Derei
 6 puo ngukemezhie kha krashûya. Sîla Kethâfeshûa,
 Jihovaa kemiaâ kezhakâ mese chûya derei kemiaâkemo-
 7 kâ ngumezhieya, sikechû puya. Sîla niekâ Jihova dieze
 chûlie, mu terhuokesuo-u mese chûlie; sitse puo ta nie
 therûr tatuo.
- 8 Niekâ Jihova penuo vâlie; sitse puo rei niekâ penuo
 vâlietu. Harie, mhakesuo kechûkâ, niekâ niekâ dzie

- chükemesalie; sirâ harie noukeniakâ, niekâ niekâ nou
 9 chükemesalie. Niekâ kemezhie mu niekâ noumezhie mu
 10 kralie: niekâ kenytü bu nouzhie mu niekâ kenei bu niekâ
 11 thekou kechü chütalie. Niepuu mhâdzünü niethuo nie
 12 nou kerüsiasielie, sitse puothuo nie chü pezhashü tuo.
 13 Akezekâ, niekâ huohuo gei dickesuo puhie. Themia
 14 kehupuorei puo zeu gei die kesuo pa morei puo zeu
 15 lepejâ kezha thezhâu gei die kesuo puya mu thezhâu
 16 lepejâya kezha zâ. Derei nâ thezhâu lepejâya lirâ, nâ
 17 thezhâu chüüze kezhamia monytü sün lepejâ kezhamia
 18 chüte. Thezhâ khakeshü mu mia lepejâ kezha puo rürbei
 19 zâ; süuthuo mia kela reilie vi mu mia biepesuo rei walie
 20 vi. Derei n siazanuomia lepejâ kezha nâ supuo ga?
 21 Sirâ rünyüliehie, niekâwe. "Ukâ thia morei sâdu rüna
 22 luu nu vâdi chiepuo sünü badi thelhi chüdi kemevi
 23 pfütuo" isiya. Sirei sâdu kedipuo chütieshi niekâ sü
 24 siya mo. Niekâ kerheirâ fia tahakikechüpua ga? Niekâ
 25 mha kekhu zâpuoki pardi ngumo lataya kezha kembie
 26 krâpuo zâ. Süla, "Niepuu medâ lirâ, hie rheibadi mha
 27 hau morei luu rei chülie tuo," niekâ sikechü pu zhü.
 28 Derei niekâ kemiakâdi kemelhatuoya: kemiakâ sikechü
 29 khékâ vimo zâ. Süla themia kehupuorei mhakevi chüké-
 30 zhü si zârei chüyamo lirâ, sümia mou zâ.

- 5 Sirâ harie, mhakenyikâ, kemezhie kechü niekâ gei phir
 6 tuoü ba ketakâ la kra khouüliehie. Niekâ kinyikâ chieü
 7 rietazhie, mu niekâ pfeneikâ puokhu bu puo chülieta zhie.
 8 Niekâ suna mu niekâ rakakâ mhouthie bu chüwata zhie;
 9 tsü mhouthie sükâ nie kejâ tha nie kiashütuo, sidi mi
 10 mhie niechü chülietuo. Niekâ thelatsatienu niekâ kinyi
 11 kenguliete. Sizâmonytü niekâ kemiadadi mia bu niekâ
 12 liere keshükâ zha chümo keta uz bathuo shiekhoui zhüte;
 13 mu liekerékâ shiekeshüpfe rei phrühuliekelhákâ Niepuu
 14 nyie nu lete. Niekâ kijü hanunu lhou ketheguo mu nie nei
 15 nienyükâ chüwate; nie niethuo nie thekepie nie dukhri-
 16 ketuo nhia pfebate. Niekâa miathâu lepejâdi dukhri-
 17 wate; puo niekâ mese chüya mó.

DIE THEKHA

- 7 Süla akezekâ, niekâ shügeshühie pfü zâba. Niepuu
 lakevâr tsâlie chie. Liechiemia rei puo lie nu puo lhasi

- bu vikelië ledi tei rürshü keriau mu rür thelau bu puo lie
 8 vakeshü rürterüpfüdi pfebaya zâ. Niekâ rei niekâ nou
 shükhreshühie se bazâlie; niekâ nou bu jü bazâlie;
 9 mhakekreilamonyü Niepuu kevâr tiata kechûla. A keze-
 nuokâ, miabu niekâ pejâmolie ketuola niekâ huoniehüo
 gei kenya hie: chügei. niekâ ketsâ ketuo-u nie kikha mhâ-
 10 dzünu tba zâ ho. A kezekâ, niekâ thiadzü siadzekesikâ,
 Niepuu zase diepu kevârkâ, üse kemezhie mu shügeshü-
 11 hielie nu kechü thakiâ puo zâ üliechie. Harie, we hieke-
 liekâ üse hievithâmia üya. Niekâ rei Job puonou shü-
 khreshühie kelie dze silie mu Niepuu süu la kedipuo
 chüshü shi kechü ngu reilieta tuo: Niepuu mia khrie mu
 mia ngumezhie phiya zeru.
 12 Derei akezenuokâ, die bahurei nickâ tei rei kijü rei pu
 rüse hiechie morci rüse kekrei rei rüschie: sikechüumonyü
 nie die kethâ râ uülie mu mo râ moülie; süusü mia bu nie
 pejâ molie ketuola.
 13 Niekâ dânu huomia kemezhie ba ma? Sümia bu cha-
 14 lie. Huomia unci ba ma? Sümia bu kelilie. Niekâ
 dânu huomia mhachü ba ma? Sümia bu kehou kese
 kezhakâ kielie; sidi sükâ bu Niepuu zase teir pie puo
 15 kenhedi puo la chalie. Sitse peledi kecha la mhachü
 kezhüu kelashütuo, mu Niepuu puothuo süu bu sielietuo;
 16 tsüu puo mhakesuo huo chüwa zâ shierei vashü puo
 tsütuo. Niekâ süla shürhâlie ketuola huoniehüo mhâ-
 dzünu nie kejâkemoukâ puzâ walielie chie, mu huoniehüo
 la chalielie chie. Kemiathâmia uhiechüdi cha lirâ mha-
 17 kezha phi chülieya. Thiadzü Elia nuomia zârei ukemhie
 themia puo zâru, puo puohie chüdi tei bu rür hienudi
 chaba zâlie ru chie se di kbrü sorou tei bu rür
 18 kijü tsur mota. Kenuotsa puo lasie cha shüru tei bu
 rülie, sidi mha bu kijünr lhou laparlie zâ.
 19 Akezekâ, niekâ dânu huomia kethâu therhietadi kekrü-
 20 ta, siü huomia puonou chükedi lalie râ, sümia bu sitou-
 liechie: mhakesuo chuketau nou chükedipie puo bu puo
 kejâkemou kechü chau therhielie ketau puo mia puo se
 kelalie tuo tsüu kejâkemou kekra whelietuo.

Pitor Leshü Këriau

UZHÂ VI BALIE MORÂKESUO

- 1 Jisu Khrista kitsa apostel chûketau Pitor-a khapie
kedakeliekâ tavâ Ponta, Galatia, Kapadokia, Asia mu
2 Bithuniakâ nu chûretuo ketakâ kikeshü. Upuo Jihova
sietsenu *niekâ* bu Jisu Khrista dieze chû mu puozia kege-
pie *niekâ* valienudi Kemesa Ruopfû bu *niekâ* chûkemesa-
lie tuoü tuota zâ. Ngukemezhie mu nomeu bu *niekâ*
gei baphi kelieu chûliechie.
- 3 Uniepu Jisu Khrista Nuopuo-u Jihova pezie! Puo
puothuo ungumezhie thâr kechûla Jisu Khrista bu kesia
nunu rheilasieliedi upenuo kesalapie kerhei siadzetsa va-
4 liete. Sikechû ubu kajûtalie kelhâ mu rhukemo mu
ruotalie kelhâ thekapuo kengupie teigei nu nie ya 'chû'
5 pie zhû ketala. Thelatsatienu pesishütuoüdi kesese
ketuo kelakeliepuo nie bu ngulie tuoüdi nie kepele
la Jihova puothuo puo kekua üse nie rûkhie setuo kelie
6 zâ. Sûla nie tsie zâpuoki zâwe mia niekedâ dâncieu chûdi
7 nienou pesuo zâshierei nie neiphi zâliechie. Sûusu *niekâ*
kepele kevikesuo sikelie sâu bu Jisu Khrista mianhingu
chû vârketuophia thetse, therhu mu zayie chûlie ketuola :
8 *nie kepele* sîusü minunu thedi kevikesuo siwa zârei suo
taya kezha suna ki vikuo zâ. *Niekâ* thiadzû *Khrista*
sûu ngumo zârei puo khrîe puo rhutuoya : *niekâ* tsierei
9 puo ngumo zârei puo pele kezha la *niekâ* neiphalie kelhâ
chû mu nie nei lhemodi nie neiphi tuoya zâ. Mhake-
kreilamonyü *niekâ* mhapuola peleketuo-u puocha nie ruo-
10 pfû kelakelie ngulie tuoü batâ kechûla. Ngukemezhie
niekâ gei vârketu-u dze siadzekesidie pupie kezhû sia-
11 dzekesikâ rei kelakelie sûu pfû mu pfûterûr vâr zâ. Sûki-
sû ukâ nu ketuo Khrista Ruopfûu thuo pedzûperia
Khrista kemezhie ketuo mu sükâ la zayie chûketuokâ dze
pukeshûki kedikâ chûkipuo morei kedîpuo kephie kipuo

- 12 dze pushû shi kechû pfû vâr zâ. Sûkâ uthuo ula zâ monyû niekâ lanu liethâ sükâ chûvâr kechû ukâ bu silietâ zâ. Mu teigei nu ketsekeshû Kemesa Ruopfûn la die liekevi kepethakâ bu tsie mhasükâ dze pushû niekâ kiawatazâ : teigeidieliekâ zârei mhasükâ dze sinyüplü baya zâ.

KHRISTANMIA ZHÂ PUOTOU CHÛLIE MORÄKESUO

- 13 Sûla niekâ niekânou chatsa pielie mu nienou jüdi Jisu Khrista mia mhingü chû vârketuoki nie ngumezhie shütuoü kebau pelekhu pfûbazalie. Niekâ Jihova diekeze-
14 nuonuokâ chüdi thiadzû nie mhasikemoki mengutuoya kezhakâ zhâkâ schiechie. Sikechüumonyû niekâ Kiekelieu mesa kechû tuoi niekâ rei niekâzhâ niekârüli khekâ
15 nu mesa zâlie chie. Sûu dze Kethâleshû nu hakembie thupie zhû zâ :

Niekâ mesalie moräsuo.

Kekreilamoü A mesa zâ kechûla.

- 17 Tsiu mia puo gei rei puonei sikreimodi themia kehupuo zhakhra rei chüpie tsü ketuo-u üse niekâ Puo üdi kieya lirâ niekâ miara ketuokikâ miehie sieidi lhouwalie chie.
18 Niekâ rei sibatuo, nie puonuokâ kinu sekeyie vârkeshû niezhâ nie rüli kemethuo kemenuokâ nunu kaüjüta ketuo shûkei raka chü morei suna chü se niekâ rhalie mo.
19 Sirei tekuonuo kemesa mu chiewalie kelhâ zia kemhie puoma kerethâ zia pfüpie niekâ rhaliere ; sûu Khrista zia
20 zâ. Puo dzê kijü chülie kemonu si tuota zâ ; derei vâr thelatsatienu niekâ la puo vâr mia pesi pengü keshû
21 za. Niekâ puo la kesia nunu puo kesoukelie mu puo bu zayie chükelieu Jihova pelete : sula niekâ kepele mu nie siadze rei Jihova kitsatie batazâ.
22 Sirâ niebu kethera modi nie zekâ khrielie ketuola nie kethâu dieze chükelieu thuo nie nou chü kemesaliete ; sula niekâ niekâ nou niekâ thâchüdi huoniehue khrielie-
23 chie. Mhakekreilamonyû niekâ kaüjütalie keviu geinu monyû kaüjütalie kelha tsiau geinu Jihova dieu la penuo-
lalie tazâ kechûla ; mu die sûu kerheiprü die zâ mu baseiya zâ.

- 24 “ Puochü-puophou chükepfü khekâ zâwe nha mhie zâ

Mu ukâ zivî zârei nhapou mhie phre zâ.

- Nha siataya mu puopoukâ rürhâ taya :
 25 Sirei Niepuu die zâwe kechachie ba seiya.”
 Mu pupie niekâ kia keshü dieliekevi dieu süu zâ.

- 2 Sûla niekâ thezhâ kesuo neiükâ, mu kameda neiükâ,
 mu kethera kechü, mu miangu urâkechü, mu die kesuo
 2 kepu neiükâ khaphrewalie chie. Sirâ niekâ zha miamia
 vâ kelakelie tsâlie ketuola nuoranuo penuo zekebakâ tuoi
 3 kerhu kejü ruopfü nudzüu mengusiei zâlie ; niekâ Niepuu
 4 mia ngumezhieya zâ kechü sibata tieru. Niekâa rheituo-
 ya kezha tsie, themia puo thiwa tazâ, derei Jihova puo
 üse kedakelie mu puoma kereu üya Kezhau ki vârliechie.
 5 Sirâ niekâ rei phichü kemesa krâpuo chülie ketuola
 rheikeba tsie krâpuo chüdi ketou kerepfü sie ruopfü
 6 kipuo chülie chie ; sidi Jisu Khrista la Jihova bu puonei-
 lie kevi ruopfü ruothâ krâpuo chüshülie chie. Kethâle-
 shü nurei süu dze thupie kēzhâ hamhie :

Harie, A Sion geinu puokethâu nu keshü
 kedakelie, puoma kere tsieu pie pfekrü pie
 zhüwate ho :

Sirâ kehupuorei puo pelekeliu mengatalielhâ zâ.

- 7 Sûla pelekelielâ niekâ mhâdzünu zâwe süsü puoma
 kereu tazâ. Derei pelekemokâ mhâdzünu zâwe,
 Ketsie kechükâa khawa ketau zâ.
 8 Süu pie puokethâu nu tsieu chüte. Mu.
 Mia perhe keshü tsie mu mia neikemo tsie chüte.

- Mhakekreilamonyü ukâ die süu zekemvü la sügeinu u
 perhe khrüwawaya kezhalâ : tsiu ukâ bu siketuola hrüpie
 9 tuota zâ. Derei niekâzâwe keda setuoketa seyie krâpuo,
 kedimia phichü krâpuo, themia kemesa krâpuo, Jihova
 vie chüzâ keta themia krâpuo tazâ ; süsü mhakekreila-
 monyü niekâ bu kezei nunu niekâ kiepie puo kezie ungâ
 phi zâkechün nu shülie ketau kevi kezha pupie mia pesi-
 10 shülie ketuola zâ. Thiadzüwe mia niekâ üse themia ütuo
 mo ; derei tsiewe niekâ Jihova themia chüte ; thiadzüwe
 mia niekâ ngumezhie mo, derei tsiewe ngukemezhie ngu-
 liete.
 11 A khriekâ, a niekâ üse rüsâmia mu rüvemia kemhie
 chüdi niekâ bu uchü-uphou mengu ruopfü ze keperhie
 tuoya kezhakâ nunu nie kethelie nüdi nie hüşhü zhü ho.

- 12 Niekâ mia dânu kemezhû chûdi lhoutuo zâlie; sidi mia niekâ üse mhakesuo kechûmia üdi niekâ tha sie rei, ukâ bu niekâ mhatthâ kevikâ nguliedi Jihova ukâ pfûvâr ketuo nhia puo tselie ketuo chûliechie.
- 13 Niepuu lanu niekâ themia thezhâ chûkelie kehupuo dieze rei chûliechie; puocha themia mhâ diya kezha kedi die zârêi; morei siazhapie mhakesuo chûya kezhamia tšûnu mu mhakevi chûya kezhakâ üse vi üdi punudi
- 14 ketsekeshû kezhakâ diç rei zêlie. Sirâ Jihovaa niekâ bu mhakevi chûpie mhasikemomia diethuo dieruo kepukâ
- 15 vapedu tuoü kechû puo medâta zâ. Mhapuorei ukekha jûketamia mbie idi lhoulie; derei nie kekha jûketa süupie nie kerûzhûzhâ hweta hieu Jihova ukhapie puo kituo
- 16 chûketamia mhiezâlie. Themia kehupuorei rhulie. Nie siadzûriamia khrielie. Jihova khrûprei sieilie. Kedi rei rhulie. * .
- 18 Mia kituo kechûkâ, niekâ nie mhâ niepu kechûkâ, kevi mu uzlhâ kevimia rûrbei zâmonyü uzlhâ kesuomia khrû rei
- 19 prei kethâ chûliechie. Mhakekreilamonyü themia kehupuorei Jihova kitsatie puonou puotou chûtuoya kezha sia mia kehuu puonou pesuodi puo bu kemezhie kezha
- 20 Jihovaa sikechûmia puo neiya zâ kechûla. Niekâ mhakesuopuo chûshûdi miabu niekâ vûwadi *niekâ kemezhie* lirâ, sîula therhu kikechûpuo ngulieta? Derei niekâ mhakevi chûshûdi mia niekâ pechûpenyü rei niekâ shû-
- 21 geshûhielie lirâ, Jihovaa sîu ngu puo neiya. Niekâ bu silienu kechûla niekâ kie kelie zâ: mhakekreilamonyü Khrista rei niekâ bu puo siamedzituolie ketuola thiadzû
- 22 niekâ la kemezhieliedi thakia puo chûpie niekâ kiapie zhawatazâ kechûla. Puo zâwe kejâ puorei chûmo, mu
- 23 puo tia nunu zârei die mezhûkemo puorei nguliamo. Mia puo kerhie kechûki zârei puo mia kerhie la chiemo; puo kemezhie kechûki zârei mia kechie kede kechûu monyü puothuo puo khapie mezhûtoudi puonyie kechû kethau
- 24 pelewata zâ. Puo ubu mhakesuo kechû se chûwadi kemiathâ kelhou se lhoulie ketuola puothuo sei geinu we mhâ kesuokechûkâ pie puo mâ gei shûpfûlieta zâ: miabu puo kevüpfûkâ la niekâ chûkemeneliete. Sirâ niekâ thiadzû tekuo mhiei rûtsi tuota zârei tsiewe la nie ruopfû Kepfeu mu Seyakezhau ki vâr te.

- 3** Sūsütuoī mia nupfūnuokā rei niethuo nie nupfunuo
 die ze chūlie ; silielirā sūkā huomīa Kethādieu zekemo huo
 baūmharā, ukā ki mhapumo zāshierei. unupfūnuo zhā
 2 lanu rei pele parlietuo ; mhakekreilamonyū sūkā nie
 3 kemiathā zhā se ukā die zechū bakelie ngukelie la. Nie
 rūsā bu nietsūtha chiekefpū mu suna chūū thuokā
 sekechū morei rūsā neiūnei se kese keba kechu nie mhā
 4 chazou rūsākā ta hie ; derei kākemo, thenon kemene
 rūsā, kaūjūtaliekelhā pfū sekechū lukhrā ketuo mīau se
 nie rūsā chūlie ; sūsū Jihovā mhādzūki therhu thā zā.
 5 Sirā sūsütuoī thiadzū zārei nuthā Jihova pelekhruđi
 lhoukechūkā rei rūsā sūkemhie pfū se uketsāpfūđi uthuo
 6 unupfunuo dieze chūđi lhouzā. Sara zārei thiadzū Abra-
 ham ūse puo niepuu ūđi puo dieze zā : tsiu niekā rei
 michiemozāđi mhakevi chūya lirā niekā rei puo nuonuo
 tazā.
 7 Mia nupfunuokā, niekā rei sūsütuoī nie nou mhaledi nie
 nupfūnuo zelhouliechie. Nie kechaki mhapuo burei nie
 chakha chūmolie ketuola nie nupfūnuo ūse nie ki kekuo
 ketsa themia ūlie derei nie keze kerheiprā ngukelie mha-
 phruo kerhe zā ūkechū leliefie.
 8 Chūsia, niekā kehupuorei kenoumhiei, kengukenoutzhiē,
 siazedzūria huohuo khrie, nie nounvū, kāmō izāliechie.
 9 Mia nie gei mhakesuo chūshū rei chūla puo gei shūhie, mia
 nie kerhie rei mia kerhie la hie ; sikechūumonyū japie
 ketsūlie ; mhakekreilamonyū niekā bu tkeja ngulie ketuo-
 10 la niekā kielie zā kechūla. Sirā.
 Themia kehupuorei rheibanyū
 Mu teisāzha kevikā ngu kenŷūmia.
 Sūmia bu umhiū pie diekesuo puhie
 Mu utia pie mia kesedie rei puhie.
 11 Sirā puobu mhakesuokā therhieliedi
 mhakevi chūlie ;
 Puo bu nounen whuopfū zā valie.
 12 Mhakekreilamonyū Niepuu mhi-a kemiathāmīa
 phi terūr tuoya.
 Mu puo nyie nīa rei sūkā kecha rŷnyū terūr
 baya :
 Derei Niepuu ziewe mhakesuo chūkezhakā
 ngu puoneimo baya zā kechūla.

- 13 Sirâ niekâ keviu sū la nie rhie chūya lirâ, supuonie
 14 niekâ biepesuowatuo ga? Sirei nie miathâ kechūla mia
 nie bu kemezhie ūmha râ, niekâ theja ngulie zâtuo:
 sūla niekâ sūkâ preidi michie rei hie, mu nie nou keme-
 15 zhie rei hie. Niekâ nounu Khristaū Niepuu zâūkechū
 ledi rhu zâlie; sirâ nie nienounu siadze kevipuo letuota
 kechū kedipuola shi kechū themia kehupuorei niekâ ki
 sūdze ketsâ lirâ, pushūlie ketuola dâjū setuo zâliechie:
 sirei kâtamodi pukekrūkewa preisie idi puzâ shūlie.
 16 Niekâ Khrista nunu űiezhâ vidi lhoutuoya kechū thaya
 kezhakâ bu nie ketha die sūkâ la mengalie ketuola niekâ
 17 noule puotou chūzâlie chie. Sirâ niekâ mhakesuo chūdi
 kemezhie kelieu monyū Jihova medâ lirâ, mhakevi
 18 chūdi kemezhiekeliwe vikuo. Khrista zârei mia kejâ-
 kemoukâ la thiadzūvapuo kemezhie. Puo uze Jihova ki
 vâlie ketuola puozâwe miathâ zârei miathâkemokâ phou-
 sou chū *kemezhiewatazâ*. *Puochū-puophou tsatie miabu
 19 dukhriwa, derei ruopfūtsatie zâwe perheilaliete. Ruop-
 fū sūu nunu puo *thiadzūvapuo vâ tsie* kediekinu keba
 20 ruopfūkâ petha. Sūkâ thiadzū Noa kelhouki Jihovaa
 puo dzūmhâ-rūdza-tuolie-kevi-kiu chūkeba chie puonou
 shūkhre shūhiepfūdi pfe kebaki puodie zemvūta zâ. Ki
 sūnu ketuomia huoyâ, puocha, mia thetha dzū nunu kela-
 21 kelie zâ. Sūsū tsiedâ baptism chūdi niechūniephou gei
 kerhukâ khrūkewa la monyū Jisu Krista rheilasie keta
 la nie noule puotou chūdi Jihova ki cha kechūla nie
 22 kelalieya kezha *zasi* kethâpuo zâ. Khrista sūu teigei
 khâdi Jihova zatsa thata zâ; teigeidielikâ mu mia mhâ
 niepu chūkezhakâ mu kekuokâ rei puo khrūkrhâ bata zâ.

- 4 Sirâ Khrista puochū puophou tsatie kemezhie keliela
 niekâ rei thenou sikechū se nienou chūzâliechie. Mha-
 kekrelamonyū themia kehupuorei puochū puophou
 tsatie kemezhiekewamia kejâkemou kechūtsatie basamo-
 2 taya kechūla. Sūla niekâ niechū-niephou nunu rheisa
 phi ketuokikâ niekâ themia mengukâ se monyū Jihova
 3 medâ zedi lhouliechie. Niekâ hadzūkâ zârei kerūzbū,
 mhakesuo chūkenyūkâ, khuobezu kekria, meze kechū,
 kethenga pete kechū, mu rūtse zhūdi terhuorhi rūsuoke-
 chūkâ chūdi Jihova sikemokâ chūnyūya kezhakâ chū
 4 nie kelhuo chūwatazâ. Sirâ *tsiewe* niekâ *ukâ* mhiedi ta.

kerüzhü ziaunu le kemola ukâ ngâdi niekâ thatuoya zâ.

- 5 Derei ukâ tsiesia khunhia kerheikâ rei mu kesiakâ rei ke-
tsâtuouî dâjüse Baketau mhâdzünunu urüli hieshü zâtuu.
- 6 Sirâ süusüla thiadzü dieliekeviu pupie siaketakâ rei kiashü
zâ; sidi ukâ bu uchü-uphou tsatiemia mhiedi pejâwata
derei uruopfü tsatie Jihova mhiedi rheilie ketuola.
- 7 Sirei mhakehupuo zâshierei kelatei tsâ vârbate: süla
niekâ nie melou tseiphrei, mhalementuodi chaba zâliechie.
- 8 Chümorâsuo hurei niekâ huoniehüo khrie beizâ pekua-
liechie; kekhrie la kejâkefnou kekra, rei whelieya
- 9 zeru. Panyapara mozâdi huoniehüo pesâ zâliechie.
- 10 Kehupuorei uthuo umhaphruo ngukelieu se mhaphruo
neitukâ khashüya kezha Jihova kituo kevimia mhieidi
- 11 niekâ huoniehüo liechü zâlie chie. Kehupuorei diepuya
kezhau, Jihova die puya kezhamia mhiedi pulie; kehu-
puorei mhakevi chalie chükezhambia, Jihova thuo kha-
shüya kezha kekuo-u sedî ekalie chülie. Sidi mhakehu-
puonurei Jihova bu Jisu Khrista la zayie chüzâlie: zayie
kechü mu kedi kechü telhekechachie puo vie zâ. Amen.
- 12 A khriekâ, niekâ kevikesuo siketuola mi pie the
kechü kemhie tsie niekâ dânu par kebakâ üse mahakethe-
khrü kechüpuo niekâ gei phir ba üdi lepie niekâ ngâta
- 13 hiechie. Derei niekâ Khrista ze nie yatsatie kedithiede
kemezhilie zhü shi süde nie neiliechie; silielirâ puo
zayie chüdi mia mhingü chüvâr ketuoki niekâ rei nie
- 14 neipie mhapuo chütuo. Niekâ Khrista zau la thetha
pfülie lirâ niekâ theja ngulietuo; mhakekreilamonyü
zayiekechü mu Jihova Ruopfüu niekâ gei bata kechüla.
- 15 Sirâ niekâ miapuorei miakedukhri morei kerügu morei
mhakesuo kechü morei kemharhrü kechüpuo chüdi süla
- 16 kemezhie kechü chühie chie. Derei *themia kehupuorei*
Khristan chüya kezhala kemezhie kechü ngulie lirâ.
puobu süla menga hieü theza süla puobu Jihova tse
- 17 zâliechie. Tsiu Jihova kinukâ ketsâ sieta ketuo teitsâ
bate; süla ukinu sede ria sieta râ, Jihova dieliekeviu
- 18 zeyakemokâ rüliwe kenuotsa kedipuo vâta? Sirâ ke-
miathâmia thuo rei kelakelie ngulie resedi ngulieya
lirâ, kethâ leyakemo mu kephumakâwe kedipuo mhietâ?
- 19 Süla Jihova medâ la kemezhieya kezhakâ burei mhakevi
chüdi uphou khapie mhapete pelhoukeshü Kediethân
dzienu shüliechie.

- 5 Arei *kehounu* phichûmia chû, mu Khrista kemezhie
kechû zhapumia, mu a puo thesia zayie chûvâr ketuo-u
nurei aya kenymia puo zâ. A sîla niekâ dânu phiehû-
2 kâ hûshû tûoû zhû: Niekâ dânu keba Jihova krâkâ
thekhelie mu mia kesekeshûkâ nu mia die la monyû
Jihova medâ zedi chûnyû sie idi sûu chûlie; mu kerûtse
3 kechû kepra leta hieû nie neidi chûlie. Sîrûrbeizâmo-
nyû *themia* khapie nie pelekeshûkâ nhâ niepu chûta
4 hiedi thakia kevîpuo chûpie themiakrâ sûu kialie. Sîrâ
u Kepfe kezathâu mia nhingu chû vâr ketuoki niekâ
sûkisû keditsûre suotaliekelhâ keditsûre zayie chûzâ
5 kechûu ngulietuo. Sûsîtuoi niekâ sûsâkâ rei phichûkâ
dieze chûlie. Sizâmonyû niekâ kehupuorei thenou ke-
mene se nie chiecha pfûliedi huoniehûo liechûliechie;
nhakekreilamonyû Jihovaa kâ kezhamia mese chûya
derei ngukemezhie pie thenoukenienemâ tsûya kezhalâ.
6 Sûla Jihova bu puotei touki nie chû pezhâ shûlie ketuola
nie nou menedi Jihova dzie kekuo-u khrûkhrâ baliechie;
tsiu puo niekâ rûli rûkra baya zâ kechûla niekâ nomyû
8 petekâ pie puo pelewalie chie. Nie noujû balie nu
hrâhrûi pfûbalie. Niekâ ngumvûdâu Satan niekâ kehu-
puorei techûlie keviu telie tuoûdi losha keruotuo
9 ruorûki pfûkhâ pfûketuoya zâ. Kijû *petena* ketuo nie
kezekâ rei nie nhici kemezhieya kezha sidi niekâ rei nie
10 kepele meteliedi puo perhielie chie. Sîrâ niekâ zâpuo
kemezhiekeli sie puo geinu mia ngukemezhie pete
parya kezha Khrista nunu niekâ kiepie kechachie kerhei
tsatie shûkelieu Jihova thuo niekâ chûpevi tsei mu
11 niekâ chûkemetei mu niekâ chûpekuoshû tuo. Puo bu
telie kechachie mia nhâ dikeliu chûliechie. Amen.
- 12 A Silvana ðse uzemia kedithâpuo ðkechû ledi die thu
pedzû pie *poubu sevâ* niekâ tsûnushû ho. *Mu a leshû*
hagei hanu niekâ tarhâ rei shû mu Jihova ungumezhie
keshû ha *ngukemezhie* kethâu zâû kechû zhapu rei sa
13 chûshû ho. Niekâ sûunu chûse chûthazâlie chie. Niekâ
sa kedalieketâ Babilon nu keba *kehon* pfû mu anuo
14 Mark rei sa niekâ kelushû ho. Huoniehûo khriedi ke-
mebâ kechû zhâ se niekâ huoniehûo kelushû luo.

Thenou kemene bu niekâ Khrista kitsatie tuo keta
khekâ nou bakeliu chûliechie.

Pitor Leshü Keniau

UNOUJÜ BALIENU KECHÜ

- 1 Jisu Khrista kituo mu apostel-u Simon Pitor-a khapie u
Jihova mu u Kelakelieu Jisu Khrista kemiathâ la hie
2 kemhie kepele kevithâ ngukeliekâ ki shü ho. Jihova mu
Uniepu Jisu dze kesi tsatie ngukemezhie mu nounge bu
3 niekâ gei bakra kelieu chüliechie. Sirâ puothuo puo
ketsei kevi zayie chüzâ kechü ü ukiekelieu dze sikelie la
puo kekuo kezau thuo ulu mezhâdi lhoulie ketuola
4 mhaneïükâ khapie utsüwate. Sidi puo mhakezha kevithâ
pupiekehrükâ khapie utsüwate ; mhakekreilamonyü kijü
haunu umengu suotaketuokâ therhieliedi *mhapupiekehrü*
sükâsü la niekâ bu Jihova zhâ Jihova rülikâ selie ketuola.
5 Sizâ kethâzâ, mu silie ketuola niezha mese tsatie nierhie
chü dâneiü chüdi niezhâ kevipie niekepele salie ; mu
6 mhakesi pie niezhâ kevi *salie* ; sirâ nie kethekerekhechü
pie niemhasi *salie* ; mu shügeshühie kechü pie nie kethe-
kerekhechü *salie* ; mu kethâlekechü pie shügeshühiekechü
7 *salie* ; tsü siazedzüria huoniehüo ngümezhie kechü pie
kethâlekechü *salie* ; mu kekhrü pie siazedzüria huoniehüo
8 ngümezhie kechü *salie*. Tsiu niekâ mhasükâ se nie vie
chü mu se philie lirâ, sükâ la Uniepu Jisu Khrista dze
kesi mhasitsatie niekâ shüshü morei niekâ si vülie kelhâ
9 chütalielhâ. Sirâ mhasükâ kejümia puo khieki kebakâ
rürbei ngudi puo mhichie bate, tsü puo kesuokerhu
10 thiadzü ketuokâ chükemesashü puo tsükewarei rükramo-
taya. Süla akezekâ, niekâ kiekelie mu niekâ kedakelie
sikemechie tsuolie ketuola nierhie chüsalie : niekâ mha
11 sükâ chülie lirâ mhakipuorei niekâ phi mesülielhâ. Silie
lirâ Uniepu mu Ukelakelieu Jisu Khrista kechachie
kedinu niekâ bu lelie ketuo kekuo kha niekâ tsüphi
shütuo.
12 Süla niekâ die sükâ si mu niekâ ze keba kethâu nu

- chüse chüba zarei a niekâ bu die sükâ rükra lalielie ke-
 13 tuola ahie chü seiba zâtuo. Sirâ a kithâkemo hauru
 14, kebachie, niekâ hühüdi niekâ bu die sükâ rükralielie ke-
 15 tuo puotou zâtuo mu kechü lebazâ. Uniepu Jisu Khrista
 16 thuo thapie akia keshü tuoi a ki kithâkkemo-u meze kha-
 17 wata tuo kechü sibata zeru. Kethâzâ a jüketa sia nie bu
 18 kehukipuorei die hakâ rükralielie ketuola a ahie chüzâtuo.
 19 Mhakekreilamonyü hie Uniepu Jisu Khrista kekuo mu
 20 puo lavârketuo dze pupie niekâ kia kechüki hie kemedadâ
 21 se hrükelie dzekâ puvâ monyü hiethuo hiemhi pie puo
 22 kekuo nguzâ kechüla puzâ. Puo thiadzü Kekuothâu
 kinu, " Hauha a Nuo akhrieu ; a Puo ngu a keneithâu zâ "
 isikechü die puo ki pu ker kechüki puo Puo Jihova kinu
 18 therhu mu puoza kemeyie ngulieta zâ. Mu hie puo ze
 19 kemesa kijüthouu gei kebaki puopfe süu teigeinu ker ke-
 20 chü hieri sj zâ. Sürürbei zâmonyü ukâ siadzekesidiekâ
 21 sükirei mechiêkuo kechü nyibata ze. Teisâ pipar mu
 teiziepfü nie melou nunu thupar kemochie mi petupie
 20 kezeinu vapezieshüya kezha tuoi niekâ die süu leterür
 21 bazâ lierâ vituo. Kethâleshünu siadzekesidie puorei
 themia uthuo unoudâ nunu pumo zâ ükechü niekâ diehau
 21 silie morâsuo zâ. Mhakekreilamonyü themia medâ nunu
 siadzekesidie puorei pupar chie mo : derei Kemesa
 Ruopfü thuo themia hühüdi themia bu Jihova kinu
 sepukepar zâ kechüla.

KEPETHA KETIJÜKÂ THERHIELIENU KECHÜ

- 2 Sirei themia dânu siadzekesi ketijü krâpuo sier kechü
 tuoi niekâ dânu rei kepetha ketijü krâpuo sier tuo. Sükâ
 kedâdadi mia chüpesuo kechü thezhâkemodie puvârtuo
 mu ukâ khrükelie Niepuu za rei simo ütatuo ; sidi kepeka
 2 meshüpie ukâthuo ukâ tsü gei shü mhailietuo. Sirâ
 themia kekra ukâ rüzhü ukâ rüyâkâ siadzi chütuo. mu süla
 3 miabu kethâzhâ thata tuo. Tsiu ukâ mhakemehou la
 ukâdie kerüsie siei sedi niekâ pie thelhi chütuo. Ukâ sia-
 zha hadzû rei tsie rei rüleimo zhü zâ, mu ukâ kepeka rei
 4 zetsuta mo zhü zâ. Sirâ thiadzü teigecieliemiam krâpuo
 phuma ketaki Jihova sükâ khriemozâdi sükâ tepie kesou-
 thâunu shüwate, mu ukâbu ba ketsâkechü nhia tsâ
 5 tuoüdi ukâ khapiê thekhe kezeikâ nu shüwate. Tsiu puo

- thiadzû dzû chüpie miathâkemokâ kijûnu keshûki ke-
 miathâ dze pupie mia kepethau Noa mu kekrekâ mia
 theniakâ rûrbei kelakelie sia keriaki kijû sûu khriemo-
 6 wata zâ. Sirâ Jihova thiadzû Sodòm mu Gomora rû a-
 nia pejâdi sünia pekapie mige meviwatazâ ; sidi thakia-
 puo chüpie thesia lhouvârketuo miathâkemokâ tarhâshû-
 7 wata zâ. Derei kerûzhûkâ kerüyâ zhâkâ la puonou
 8 kemezhiese kelie Lot kemiathâu kelalie. Themia kemia-
 thâ sûu ukâ dânu kebaki ukâ thezhâ kemo mhathâ
 chûkechûkâ si mu ngudi teisânhia puo nou miathâtuo
 9 kezha bu kemezhiephi. Niepuu sûsûtuoî medâkephikâ
 nunu rei miathâkâ kelakelie mu siazha pie miathâkemo-
 kâ tsûdi ukâ bu ba ketsâkechû teisâ nhia tsâlie ketuo dâ
 10 rei si. Derei uchû-uphou medâ zedi kerüyâ nunu uthuo
 uperhuwaya kezhamia mu mia khrûkhrâ tuo mechû
 kezhamia gei *siazha* pfû pekuoya. Sûkâ michie mozâdi
 11 uthuo umedâ chû miamhâ kezha zayie chûkebakâ rhie
 preiya mo ; sirei teigeidieliemia ukâ ki zha mu kuo ke-
 chûkâ thuo rei Niepuu mhâdzû nunu ukâ lepejâdi ukâ
 12 rhieya mo. Derei themia sükawe upfeuva sikemo khu-
 nuo. Ihou sier mia bu uteliedi ubie pejûwaya kezha
 kemhieî ukâ mhadze sikemokâ rei krenyûdi uthuo *mia*
 biepekawaya kezha tui ukâ rei keka zie ngu mechie zâ.
 13 Ukâ kesuo kechû la kesuo zhakhra ngula zâtuo. Ukâ
 teikesânhia rüyâ ketuo letuoya zâ ; *sûkâ* kerhu mu
 mhamesakemo krâpuo mhieidi niekâ ze keze hiekebaki
 14 rei mia se ukânei ukânyû chûtuoya. Ukâ mhi nurei pieû
 rûrpie tsupfütuo zâ. mu sükâ mhakesuo khawalielhâ zâ.
Ukâ themia unoujû chûse chûliekemokâ meshû pesuo-
 waya ; *ukâ* mha kemehou pie ukânou chû setuote ; *ukâ*
 15 rûse kepfü nuonuo krâpuo chûtuote. Ukâ chakemezhûu
 khawadi rûhou nyatuote. • *Ukâ* Beor nuo Balam cha ze
 tuote. Puo mhakesuo kechû zha liechû nyûphi ; derei
 16 puo mhakesuo chû kechûla miabu puokejâ • pupie puo
 rhie : *sidi* diepulicyakemo gadhapfü thuo themia pfe
 17 chûsiedi siadzekesi *sûu* kenya thukhalieta zâ. Themia
 sükâ dzû bamoketa dzûluokikâ mu teikhriaa hese kevâr
 mhousâkâ zâ ; zeibouikechû chüpie sükâ merûrpie bate.
 18 Sirâ ukâ diethuo dieruokâ pu khubou pfûdi uchû-uphou
 rüyakâ se lhoudi ukâ rûzhû pie *kekrûdi* lhoketuokâ
 therhie pratatuoî kezchûkâ meshû pesuotuoia zâ. Ukâ-

- 19 zâwe kaujütaketuo diekâ zârei sükâ bu miadie chümolie
 tuoü kechü putuoya zâ. *Ukâ miadie zâkechü mhakekrei-*
 20 *lamonyü kehupuorei mia la kuolie râ sümia die chüla*
taya kechüla. Tsiu kehupuorei Niepuu mu Ukelakelieu
 Jisu Khrista dze sikelie la kijü haunu mha uchüpesuo-
 waya kezhakâ therhie pra keliemia. lale sükâ bu uphalie-
 di upenyülieta râ. themia sükâ rüli thelatsatiekâ the-
 21 riatsatiekâ ki suokuotaya. Mhakekreilamonyü kethâ
 chau siliedi ukâbu chü mu zenu keshü kemesadien therhie
 laketau *kj kethâ chau* simozâ kechümiawe vi reikuo zâ
 22 tuo kechüla. Sükâ dze mia, “Tefü merürshüdi puothuo
 puo merür chüla kechü, mu vâkrü puo khrükemesashü
 rei lale phruobuoya.” üdi putuoya kezha mhietouta zâ.

KHRISTA LAVÄRÜR KETUOLA PUO MERÜRBALIE MORÄKESUO

- 3** Harie akhriekâ, a leshü thupie niekâ ki keshü keniau
 hauha ho; mu hania keninia nu a niekâ bu niekâ siale
 lalienudi a niekâ nou mezhükebau hü lashü zhüho.
 2 Süüsü mhakekreilamonyü niekâ bu kemesa siadzekesikâ
 thiadzü pupiekezhü diekâ. tsiu niekâ nie apostelkâ bu
 3 Niepuu mu kelakelieu kinu diekhakeshükâ rükra lalienu
 kechüla. Thelatsatie mhakrenyü zâkechü krâpuo mia-
 4 krenyüzâ vâv tuo; sirâ ukâ rüyâ unei nyü chüdi, sie, “Puo
 vâv tuoü kechü die kirapuo pupie zhü ga? Upuonuokâ
 siaketa yawinu vâv tsie ketsâ mhapetekâ sietsenu ketuo-u
 5 kemhie tuoze” isituo kechü, niekâ silie moräsuo zâ ho.
 Siketuo mhakekreilamonyü sükâ utluo unedâ chüdi,
 teikâha keriakithâ nunu tuotazâ mu Jihova die la kijü
 6 hau dzü üse mu dzü nunu chükelie zâ; mu *Jihova die*
*la keria*ki kijü dzü bu thou yârünie pardi peka rei wata
 7 zâ kechü, rükranyümo tazâtu. Sirei die süu la tsiedâ
 keba teikâ mu kijü hau zâwe khapie mi pfe ~~keba~~ zâte,
 mu kâthâkemokâ ketsâketuo mu peka ketuo teisâu merür
 keba zâte.
 8 Sizâmonyü harie akhriekâ. Niepuu mhâdzünu zâwe
 khunhia teisâ zârei teichie nyiepuo, mu teichie nyiepuo
 zârei khunhia teisâ mhie zâkechü, die hauha niekâ siale
 9 motahie chie. Huomia nouleki menuota-ükechü kele
 mhie Niepuu zâwe puo *vartuoüdi* pupiekezhü dieu tseiü
 tsâshü menuotalielhâ zâ; derei puo themia kehupuo bunu

- rei kaketau monyü ukâ petekâ bu ukâ nou kedi phrelie
kenyü la puo niekâ gei puonou chaphi bazâ. Sîrei
10 Niepuu zha zâwe kerügumia *kevâr* mhie vârtuo. Sünhia
teikâ puopfe kemerie chüdi jütatuo, sîrâ mhapie *sükâ*
kechükâ zârei lethâr kechüla zhata tuo, tsiu kijü mu mha
sügei kebakâ rei the pejüwatuo.
- 11 Sîrâ mha *sükâ* pete kañjüta ketuo sibata kechüla niekâ
Jihova zhau *kevâr* pfe mu mengu sieidi lhou mesa mu
miathâ pie themia kedipuo kemhiemâ chülie zhü shi.
12 *Teisázha* süu la teikâ rei the pezewatuo, mu lethâr kechüla
13 mhapie *sükâ* kechükâ rei zhata tuo. Siüderei uzâwe
puodie pupie kezhüla tei kesa mu kijü kesa. kemiathâ
rürbei thuo bayakezhakâ, merür kebazâte.
- 14 Sûla akhriekâ niekâ mhasükâ ngukelie le kechüla
niekâ rhumo mu jâmodi kezevi mu nienou mene ba puobu
15 nie ngulie ketuola niekâ teitsâ chübazâlie. Sîrâ Niepuua
puonou chabakechü niekâ kelalie ketufola zâ ükechü
leliechie. Uzeu ukhrieu Paul rei mhasi kha puo ketsü
kemhie touu thupie niekâ kishü kechü rei sümhie zâ;
16 puo süu dze pukechü puo leshü khekâ nu kepu kemhie
puzâ. Sükâ nu die silie kere huo bazâ, mu mhasikemo
mu unoujülie kemo themia doupuo uthuo upeka~~kelie~~
pfüdi die *sükâ* kehwpie umedâ chütuoya; ukâa kethâ-
leshü kekreikâ rei se sükemhie chütuoya zâ.
- 17 Sîrâ akhriekâ, niekâwe pedzü die *sükâ* sibata kechüla
kerüzhümia die kekrükechü bu niekâ seze vâdi niekâ bu
18 tsie nie noujü kebau ha therhietâ rei silie kelhâ la
pechüba zâlie chie. Sizâmonyü niekâ Uniepuu mu Uke-
lakelieu Jisu Khristaa *khakeshü* ngukemezhieu mu
mhakesi tsatie krakechü miamialie chie. Puo bu tsierei
mu kechachie rei zapuzayie chütuo kelieu chüliechie.
Amen.

Johan Leshü Keriau

JIHOVA ZE KEKHRIETHÂ KECHÜLA MHAKEVI NGULIEYA

- 1 Sietse nu ketuo, we sikelie, we umhi rei pie ngukelie,
we mehâdi udzie reipie bie zâ kechüu, sūu kerheirâ Dieu
2 dze zâ. Sirâ kerheirâ sūu pie mia pesi penguwate, tsiu hie
rei nguliedi puo zhapu chüya; sirâ kechachie kerheirâ
3 sūu, Upuo-u ze ketuo-u hie pesipengu keshüu dze pupie
niekâ kiaya. Nie bu rei hie ze kekrâthâlie ketuola
hie ngu mu sikelieu dze rei pupie nie kiashü ho: mu
4 hiezâwe Upuo-u mu puo Nuo Jisu Khrista ze kekrâthâ
tuo zâ. Sirâ ukâ bu rei ukâ nei tselie ketuola hie die
hakâ thupie niekâ kiashü ho.
5 Tsiu hie puo kinu sikelie mu pushü niekâ kia kechü
dielieu zâwe Jihovaa kezieu zâ, mu kezei puorei puo nu
6 tuo motâ zâ ikechüu zâ. We puo ze kekrâthâya ükechü
puyadi kezei nu tuoya lirâ, we tijütuo ya mu kethâu chüü-
7 zeya mo. Derei puo kezieu nu tuoya kezha tuoi we kezieu
nu tuoya lirâ, we huoniehüo ze kekrâthâya, mu puo Nuo-
u Jisu zia thuo kephuma petekâ nunu u chükemesa
8 shüya. We phumaya mozâ ülirâ, we uthuo use tuoya
9 kezha zâ, mu kethâu unu bamo zâ. We ukephumakâ
puphra shülie lirâ, puozâwe diethâ mu miathâdi ukephu-
makâ vashü tuoü mu miathâkemo khekâ nunu u chüke-
10 mesa shü tuoü bazâ. We phumata mo ükechü puya lirâ,
we puo üse ketijüu chüya, mu puo die rei unu bamo.

- 2 A nuonuokâ, niekâ bu phuma molie ketuola a die
hakâ thupie niekâ kishü zhü ho. Tsiu huomia phuma-
taya lirâ, Upuo-u ze keba u Ukil kemiathâu Jisu Khrista
2 bazâ. Sirâ puoa u kephumakâ la u ruochükewau zâ;
3 derei ukâ la rürbei zâmonyü kijü pete la rei sa. Tsiu
we puo silieta ükechü sikechü mhakekreilamonyü, we
4 puo diekhakeshükâ zeya kechüla zâ. Themia kehupuo-

- rei, "A puo siya," isidi puo die khakeshükâ zeya kemo-
 5 mia ketijümia zâ. mu kethâu puo nu bamo. Sirei kehu-
 puorei puo die zeya lirâ. Jihova kinu kepar kekhrieu puo
 nu ba tseita kethâ zâ. Sügeinu we puo nu ba ükechü
 6 silieya. Themia kehupuorei puo nu baya ükezhama,
 sümia rei Khrista mhie tuolie zhü.
 7 A khriekâ, a niekâ ki diekhakeshü ~~kesa~~ monyü niekâ
 sietsenu setuoketa dié kewu thushü kezhü zâ : diekhake-
 8 shü kewe süsü niekâ thiadzü sikelié dieu zâ. Süsia
 a diekhakeshü kesapuo thupie niekâ ki shü zhié, mha
 süu puo nurei mu niekâ nurei kethâ zâ ; mhakekreilamo-
 nyü kezeiu jütazhü mu kezie kethâu zie par bata kechüla.
 9 Themia kehupuorei kezieu nu baya üdi puo siazedzürria-
 10 mia mechüya kezhamia tsierei kezei nu bazâ luu. The-
 mia kehupuorei puo siazedzürriamia khrieya kezhamia
 11 kezieu nu baya mu puo nu thephi kemesü ba tuomo. Sirei
 themia kehupuorei puo siazedzürriamia mechüya kezha-
 mia kezeiu nu baya mu kezeiu nu tuoya, tsiu kezeiu
 puomhi chüpechie kewala puo kirapuo vâzhü shi. sü rei
 siya mo.

JIHOVA KINU KEPAR KETHÂU MU KEKHRIEU NU BÂ
 SEIZÂLIENU KECHÛ

- 12 A nuonuokâ, puo za nunu niekâ kephuma vashü niekâ
 13 tsükewa la a thupie niekâ kishü zhié. Mia puonuokâ,
 niekâa sietse nu ketuo-u siketa la a thushü niekâ kishü
 zhié. Khriesakâ, niekâ kesuo-u penyülie keta la a thupie
 niekâ kishü zhié. Nhichukâ, niekâa Upuo-u silie ketala
 14 a thupie niekâ kishüwate. Mia puonuokâ, niekâa sietse
 nu ketuo-u siketa la a thupie niekâ ki shüwate. Khrie-
 sakâ, niekâa kuo, tsiu Jihova dieu niekâ nu baya. mu
 niekâ kesuo-u penyülie keta la a thupie niekâ ki shüwate.
 15 Kijüu rei mu kijüu nu ketuo viekâ khrieie zâ chie.
 Themia kehupuorei kijüu khrieya lirâ, Upuo-u kinu kepar
 kekhrieu puo nu bamo. Mhakekreilamonnyü mha kijüu
 16 nu ketuo khekâ sü. uchüuphou mengukâ, mu umhi
 mengukâ, ukelhouki kemiakâ kechükâ zâ ; mu sükä
 Upuo-u kinu monyü kijüu nunu zâ, kechüla. Sirâ kijüu
 17 mu süu nu mengukâ jüta zhié : derei themia kehupuorei
 Jihova nei chüya kezhamia kechachie baya.

- 18 Nhichukâ, thela teiu sũ vâb bate : sirâ Khrista-ngumvũu
vârta zhũ ũkechũ niekâ siketa tuoi, tsierei Khrista-ngu-
mvũkâ kekra sier bate ; sũgeisũnu thela teiu sũ vâb bata
19 ũkechũ we silieyâ. Sũkâ ukâ dãnunu tuoprata zâ ; derei
sũkâ ukrâmia mozâ ; kekreilamoũ sũkâ ukrâmia ũlirâ,
sũkâ uze bazâ tiechiũ. Derei sũkâ ukrâmia mo zâ
20 ũkechũ miaũ silie ketuola *siketa zâ*. Sirâ niekâwe
Kem̃sau kinu kenhekelie nguliete, mu niekâ mhapetekâ
21 siya. Niekâ ũse kethâũ simo ũdi a thupie niekâ kishũ
mo ; derei niekâ sũu siya kezhalu mu ketijũpuorei kethâũ
22 nu bakemo la zâ. Jisua Khrista zâ ũkechũ puphramvũya
kezhau sia ketijũũ sũ supuo ta ? Upuo-u mu puo Nuo-u
23 phramvũya kezhau sũ Khrista-ngumvũu zâ. Themia
kehupuorei Nuo sũu phrashũ mvũya kezhamia Upuo-u
puo ki tuo mo : themia kehupuorei Nuo sũu phraya ke-
24 zhau Upuo-u rei puo ki tuo. Niekâ zâwe sietsenu sikelie
sũu bu niekâ nu bazâlie. Niekâ sietsenu sikelie sũu
bu niekâ nu balie lirâ, niekâ rei Nuo sũu nu mu Upuo-u
25 nu balietuo. Mu puo thiadzũ pupie u tsũ pie kezũ ke-
26 chachie kerheirâũ sũ die sũu zâ. Niekâ seketsiwa nyũya
27 kezhakâ dze a die sũkâ thupie niekâ ki shũwate. Sirâ
niekâ zâwe puo kinu kenhe kelie ngukelieu niekâ nu
baya, sũla niekâ mia bu niekâ petha kechũ chũ mo rei vi ;
derei puo niekâ kenhelie ketau thuo mhapetekâ dze pupie
niekâ kiaya, mu sũu kethâ zâ, mu ketijũ bamo ; sũla
sũu thapie niekâ kia keshũ kemhie niekâ puo nu baliechie.
28 Tsiu sirâ, a nuonuokâ, niekâ puo nu baliechie ; silie lirâ,
puo mia mhinguchũ vâb ketuoki ukâ rei thepfu balietuo.
29 sirâ puo kevâr ki puo mhâdzũ nunu mengatalielhâ. Puo
miathâ ũkechũ niekâ siya lirâ, kehupuorei miathâ kechũ
chũya kezhamia puo nunu u pennolie zâ ũkechũ niekâ
rei sibatuo.

JIHOVA KINU KEPAR KEKHRIE MU MIA JIHOVA
KHXRIE KECHÜ

- 3 Harie, u ũse Jihova nuonuo chũta ũkechũ, Upuo-u
ukh̃riepie kedipfũ chũshi kechũ. Ieshũchie ; sirâ we
sita zâ. Kijũu u simo kechũ mhakekreilamonỹũ puo
2 silie mo keta la, zâ. A kh̃riekâ we tsiewe Jihova
nuonuokâ chũte, mu tsiesiawe we, kedipuo mbie tuo

- shi meyielié mo zâ luó. Derei puo mia mHINGU chû-
 vâR ketuoki we rei puo mhie zâTUO kechû we sibate;
 mhakekreilamonyû we puo kedipuo mhie be shi we
 3 sÛU nguzâTUO kechûla. Sirâ themia kehupuorei puo la
 siadze sÛU kenyimia puo mesa kechû tuoi sÛmia rei uthuo
 4 uchûkemesa setuoya. Themia kehupuorei phuma kechû
 chÛya kezhamia thezhâkemo rei chÛya; mu kephumaa
 5 thezhâkemo zâ. Sirâ kephumakâ chÛseta tuôûdi puo
 thiadzû mia mHINGU chÛvâR zâ kechû niekâ rei sibatuo;
 6 mu puo nu kephuma puorei bamo. Themia kehupuorei
 puo nu ba seiya kezhamia phumataya mo: themia kehu-
 puorei phumataya kezhamia puo ngu reilie mo, morei puo
 7 si reilie mo. A nuonuokâ, miapuorei bu niekâ seketsi
 seta hiechie: themia kehupuorei miathâ kechû chÛya
 kezhamia puo miathâ zâ kechû tuoi sÛmia rei miathâ zâ.
 8 Themia kehupuorei phumaya kezhamia terhuokerÛzhÛu
 kinu zâ; kekreilamoû terhuokerÛzhÛu sietse nunu phuma
 tuota zâ kechûla. Jihova Nuo-u thiadzû mia mHINGU
 chÛvâR kechû mhakekreilamonyû puo terhuokerÛzhÛu
 9 mhathâkâ biepejÛwa tuoi kechûla zâ. Themia kehupuorei
 Jihova nunu u penuolie ketamia puo tsiau puo nu ba
 seiya zâ kechûla kephuma chÛ chieya mo: sirâ puo Jihova
 10 nunu puo penuolieta kechûla phumalie kenjÛ. SÛgei-
 sÛnu Jihova nuonuokâ mu terhuokerÛzhÛu nuonuokâ
 si kekreilieya: Themia kehupuorei miathâ kechû chÛya-
 kemomia mu themia kehupuorei u siazedzÛriamia khrie-
 11 ya kemomia Jihova kinu mo. Mhakekreilamonyû ubu huo-
 niehuo khrielie nu kechû niekâ sietsenu sikelieu die sÛU zâ
 12 kechûla; Kain kerÛzhÛu kinu pardi puothuo puo siazeu
 dukhriwa keta kembie chÛzhÛ mo. Sirâ kedipuola puo
 sÛU dukhriwa ga? Mhakekreilamonyû puo mhathâkâ
 zâwe suo, mu puo siazeu mhathâkâ mezhÛ zâ kechûla.
 13 A siazenuokâ, kijÛu thuo niekâ rÛtseya zâ shierei,
 14 niekâ ngâhie chie. We u siazedzÛriamia khrie-
 ya kezha la we kesia chie kerhei nu prata kechû we sibate.
 Themia kehupuorei mia khrie-
 15 ya kemomia kesia nu baya zâ. Themia kehupuorei puo siazedzÛriamia rÛtse-
 ya kezhamia mia kedukhrimia zâ: mu kechachie kerhei-
 râ mia kedukhrimia nu bayamo ãkechû niekâ rei sibatuo.
 16 Puo puophou khapie u phousou chÛwa ketala, we sÛla
 kekhriea kedipuo shi kechû silieya: sirâ u rei u siazedzÛria-

17 mia la uphou khashülie zhü. Derei themia kehupuorei kijü
 nyakâ nyidi puo siazedzüriamia ketsäpfü ngushü rei
 18 puo nounu mia ngumezhie kepar-u khalieta lirâ, Jihova
kinu kepar kekbrieu kikidi puo nu balieta? A nuonuo-
 19 kâ, ukâ die mu utia se zâ monyü, mhathâ mu kethâ se mia
 khrielie khe. Silielirâ we kethâu nunu par zâü kechü
 silietuo, mu, puo mhâdzünu unou rei mene tuolie tuo.
 20 Mhakekreilamonyü unoua u pejâya lirâ, Jihovaa unou
 21 ki zhakuo mü mhapetekâ siya kezha la zâ. Akhriekâ,
 unoua u pejâya mo lirâ, we Jihova mhâdzünu u kethe-
 22 pfu nyite. Sirâ we puo diekhakeshükâ zeya mu puo
 kenguki mha puo nei üya kezhakâ chüya kezha la, we mha-
 23 kehupuo cha rei we puo kinu ngulieya. Sirâ puo die kha
 u ki keshü kemhie ubu puo Nou-u Jisu Khrista za nunu
 24 peleliedi huoniehüo khrielie nu kechü, süu puo die zâ.
 Tsiu themia kehupuorei puo die khakeshükâ zeya kezhamia
 puo nu baya mü puo rei säu nu baya. Sirâ puo unu baya
 ükechü puo khapie u ketsü Rucpfüu la ve süu silieya.

4 Kekhriekâ, niekâ ruopfü kehupuorei peleta monyü
 ruopfü sükâ Jihova kinu *värmo* moshi kechü ria menuo-
 lie chie; mhakekreilamonyü siadzekesi ketijü kekra par
 2 kijü tuo ketala. Niekâ hakemhie Jihova Ruopfüu silie-
 chie: ruopfü kehupuorei Jisu Khrista üse puo chü chü
 pfüdi vâr zâ ükechü phraya kezha khe Jihova kinu *vâr* zâ.
 3 Mu ruopfü kehupuorei Jisu phraya kemo khe Jihova kinu
vâr mo zâ. Tsiu süüsü Khrista-ngukemvüu *ruopfü* zâ:
 süu vâr zâ tuoü kechü niekâ puo dze silieta zâ, mu
 4 puo tsierei vâr kijü tuo ta zâ. A nuonuo-kâ, niekâwe
 Jihova kinu *par* zâ mu sükâ penyülieta zâ; mhakekreila-
 monyü niekâ nu baketauwe kijüu nu baketau ki zhakuo
 5 zâ kechüla. Miawe kijüu nunu *par* zâ: süla ukâ kijüu nu
 6 mhie mha puya, mu kijüu ukâ pfe rünyüya. We Jihova
 kitsati; zâ: themia kehupuorei Jihova siya kezhamia
 upfe rünyüya; Jihova kitsatie kemomia upfe rünyüya mo.
 Sügeisünu we kethâ ruopfüu mu kekrüketa ruopfüu
 si *kekrei* lieya.
 7 A khriekâ, ukâ huoniehüo khrielie khe; mhakekreila-
 monyü kekhricea Jihova kinu *par* zâ kechüla; sirâ mia
 khrieya kezha kekâ Jihova nunu u penuolieta zâ mu
 8 Jihova siya. Mla khrieya kemomia Jihova siya mo;

- 9 mhakekreilamonyū Jihovaa kekhrieu zâ kechûla. Ubu
 puo la rheilie tuoûdi Jihovaa puo Nuopfûliu ketsepie
 10 kijû shû ūkechû sūnunu Jihova kinu kepar kekhrieu
 pie u nunu u pesipengu shūwata zâ. We Jihova khrielie
 monyū, puothuo u khrieketa zâ. sidi ukephumakâ la
 11 uruothâ chūwa tuoûdi thiadzū puo Nuo-u ketseshū zâ, sūu
 kekhrieu zâ. A khriekâ, Jihova u khriepie hathede chū-
 12 shū lirâ. we rei huoniehūo khrielie zhū. Miapuorei
 mhakipuorei Jihova ngumo : we huoniehūo khrieya lirâ,
 Jihovâ unu baya, mu puo kinu kepar kekhrieu ununu
 13 tseilieya. We puo nu baya kezha mu puo rei unu baya
 kezha sikelie mhakekreilamonyū puo puo Ruopfūu kha
 14 utsūwa ketala zâ. Sirâ kijūu Kelakelieu chūtuoûdi
 Upuo-u puo Nuo-u ketseshū kechū hiewe ngu rei zâ
 15 mu sūu zhapu chūtuoaya zâ. Themia kehupuorei Jisua
 Jihova Nuo-u zâ ūkechū phraya kezhamia Jihovaa sūu
 nu baya, mu sūu rei Jihova pu baya. :
 16 Sirâ Jihova ukhrieya kechū we sibata zâ mu pele rei
 bata zâ. Jihovaa kekhrieu zâ ; sirâ themia kehupuorei
 kekhrieu nu baya kezhamia Jihova nu baya, mu Jihova
 17 rei puo nu baya. Ketsâ kechūnhia ubu thepfulie ketuo-
 la sūgeinu kekhrieu ukiteatie tseite ; mhakekreilamonyū
 18 puo mhie we rei kijū haunu bazâ tuo kechūla. Kekhrieu
 nuwe kemichie puorei jū ; sikechūu monyū kekhrie tsei-
 kelieu puothuo kemichie whuowaya ; kekreamoū kemichie
 puo siazha ba kechūla ; sirâ themia kehupuorei
 19 michieya kezhamia kekhrieu nu tseilieya mo. Puo u
 khrie riashū kechūla we rei mia khrieya. Miapuonie
 20 “ A Jihova khrieya ” isidi puo siazedzūriamia rūtseya
 lirâ, themia sūu ketijūmia zâ. Kethâzâ, themia ke-
 hupuorei puoa nguketa puo siazedzūriamia khrieya ke-
 21 momia puoa ngukemo Jihova khriekelie jū zâ. Sirâ
 themia kehupuorei Jihova khrieya kezha puo siazedzū-
 riamia rei khrielie morāsuo kechū, die hau we puo kinu
 nguliete.

KEPELEA KUOLIEYA

- 5 Themia kehupuorei Jisua Khristau zâ ūkechū peleke-
 zhamia Jihova nunu puo penuolieta zâ ; sirâ themia kehu-
 puorei mia penuoshūya kezha khrieya kezhamia puo
 2 nunu penuo par ketau rei khrieya. We Jihova khrie mu

- puo diekha keshükâ chüüzeya lirâ, sügeisünu we Jihova
 3 nuonuokâ khrieya kechü we silieya. Sirâ we Jihova
 khrieya kechü puocha, we puo diekhakeshükâ zeya
 4 kezhaus zâ. Mu puo diekhakeshükâ re mo zâ. Sirâ
 mhakehupuorei Jihova nunu penuo parketau kijüu ki
 kuolieya ; mu kijüu ki kuolie keta kuokelie süu ukepele zâ.
 5 Tsiu Jisua Jihova Nuo-u zâ kechü pelekezhau sia kijüu ki
 6 kuolieya kezhamia suomia ga ? Dzü mu thezia ze kevâr-u,
 Jisu Khrista, süusü zâ ; dzü rürbei ze monyü dzü rei ze
 7 mu thezia rei ze. Sirâ zhapu chüshüya kezhaus sü
 Ruopfüu zâ ; mhakekreilamonyü Ruopfüua kethâu zâ
 8 kechüla. Sirâ zhapu chüshüya kezhakâ se ba : Ruopfüu.
 9 mu dzüu, mu theziau ; mu sükâ sekâ keze puo zâ. We
 themia zhapu thuo zeya lirâ, Jihova zhapuuwe sü ki
 zhakuo: mhakekreilamonyü Jihovaa puo Nuo-u dze zha-
 10 pukechü süusü puo zhapuu zâ kechüla. Themia kehupuo-
 rei Jihova Nuo-u pelekezhamia zhapu süu puo nu bata zâ.
 Themia kehupuorei Jihova peleya kemomia Jihova üse
 ketijümia chüwate ; mhakekreilamonyü themia süu Ji-
 11 hovaa puo Nuo-u dze zhapu chükeshüu pelemota kechü-
 la. Tsiu zhapu süusüa Jihovaa kechachie kerheirâ kha-
 pie utsüwata, mu kerheirâ süusü puo Nuo-u nu baya
 12 kechüu zâ. Themia kehupuorei Nuo-suü ngulie ketamia
 kerheirâ süu nyite. Themia kehupuorei Jihova Nuo-u
 ngulie kemomia kerheirâ süu bamo.
 13 Niekâ, *puocha* niekâ Jihova Nuo-u zanunu peletuo
 ketakâ, bu kechachie kerheirâ ngulie ketala a die hakâ
 14 thupie niekâ ki shüwate ho. Sirâ puo kitsatie ukethe-
 pfu batakechü we puo nei puomedâ mhieidi mha kehu-
 15 puorei cha râ, puo upfe rünyüya ükechüu zâ. Tsiu we
 mhakehupuo cha rei puo upfe rünyüya ükechü si lirâ, we
 16 puo kinu chakeshükâ ngulietâ ükechü silie taya. Themia
 huomianie puo siazedzüriamia siata kesü kephuma ke-
 mopu, chükewa ngu râ, puo bu chachie ; silirâ Jihovaa
 siata kesü kephuma zâkemo chükewakâ la kerheirâ kha-
 pie puo tsüshütuo. Siata kesü kephuma rei nyi zâ ;
 17 a miabu chanu kechüuwe süu lamo. Miathâkemo kehu-
 puorei kephuma zâ ; mu siata kesü zâ kemo kephuma rei
 nyi.
 18 Themia kehupuorei Jihova nunu penuolie ketamia
 phumaya mo ükechü we sitazâ ; derei Jihova nunu

- penuolie ketau menuo tuotaya, sūla kerūzhūu puo bieke-
19 lie jū. We Jihova kitsatienu zâ kechū, derei kijū pete
20 kerūzhūu *khrukhrâ* tuota zâ ūkechū šibata zâ. Sirâ
Jihova Nuo-u vârdi ubu kethâzâ kechūu silie ketuola
mhakesi kha utsūwata ūkechū we sibate ; tsiu we kethâ-
zâ kechūu *sūsū* puo Nuo-u Jisu Khrista nu bate. Ke-
thâzâ kechū Jihova mu kechachie ķerheirāu sūuzâ.
21 Anuonuokā, niekâ terhuorhikā therhie zâlie chie.

Johan Leshü Keniau

THUPIE KHRISTANMIA PFÜPUO KIKESHÜ

- 1 Phichüua khapie kedakelie miapfüpuo mu puo nuo-
nuokâ, a rei ukâ khrie kethâ chüya, mu a rürbei
zâmonyü kethâu siya kezha khekâ rei sükemhie chüya
- 2 kezhakâ kishü ho. Süsü mhakekreilamonyü unou tuo-
keta mu kechachie unou tuo seizâ ketuo kethâu lanu zâ.
- 3 Upuo Jihova kinu mu Upuo-u Nuo-u Jisu Khrista kinu rei
theja, ngukemezhe ^{nu} nune kepar-u bu kethâ mu
kekhrie tsatie ukâ ze balietuo.
- 4 We Upuo-u kinu die ngukelie kemhie a n nuonuokâ
- 5 *huomia* kethâu nu tuo kechü nguliedi aneiphi ba. Sirâ
tsiewe, thenupfü, a n hüşhü tuoü zhükechü, a n ki die-
khakeshü kesapuo monyü we sietse nu ngulie keta, we
- 6 huoniehüo khrielie morâkesuo die thu keshü zâ. Sirâ ke-
khrieu puocha : we puoa diekhakeshükâ nu tuo morâsuo
kechüu zâ. Niekâ bu puo nou tuo nu kechü niekâ sietse-
- 7 nu die khakeshü sikelieu süsü zâ. Mhakekreilamonyü
mia seya kezha kekra par kijü tuo ketala ; sükâ Jisu
Khrista üse uchüuphou nunu vâ ^ukechü puphrashüya
mo. Süsü mia sekezhau mu Khrista ngumvüu zâ.
- 8 Niekâa we chükeliekâ pejuwa monyü niekâ zhakhra
- 9 ngutseilie ketuola niethuo nie terür chüliechie. Themia
kehupuorei Khrista kinu kepar kepethadie nu bamodi
mia mhâdzü riapra kezhamia Jihova puovie mo : themia
kehupuorei kepethadie süu nu baya kezha Upuo-u mu
- 10 puo Nuo-u unia themia süu vie zâ. Huomianie kepetha-
die süu semodi niekâ ki vârya râ, puo ze nie kinu vâ
- 11 hiechie ; mu puo kelu rei hie chie. Sirâ themia kehu-
puorei puo keluya kezhamia puo mhathâ kesuokâ unia
vierhe zâ.
- 12 A niekâ ki mha kekra thushü tuoü ba rei a leshü mu
leshüdzü se thushünyü mo ; derei, niekâ bu niekâ nei

- 13 tseilie ketuola a niekâ ki vârdi mhâtsou kerüchü zâ
kechü le ba. Kedakelie n siazepfü nuonuokâ n kelushü
ho.

Johán Leshü useu

LESHÜ THUPIE GAYA ÜKECHÜ MIAPUO KI KESHÜ

- 1 Phichüua khapie a puo khrie kethâ chüya kezha akhrieu Gaya ki shü ho.
- 2 Akhrieu, n ruopfü vilieya kezha kemhie nâ rei mhakehupuo nurei vikechülie mu shürhâlie ketuola a *n la* chaya. Sirâ nâ kethâu nu tuoya kezha ukezemia vârdi
- 3 n kethâu zlfapu chü keshüki a neiphi zâ. A nuonuokâ kethâu nu tuoya kezha dze kesikisüki a kenei kezha jü.
- 4 Akhrieu, Nâ ukezemia mu rüsâmia gei mhakehupuorei
- 5 chüya kezha nâ kepelemia mhathâu chüya zâ. Kehou mhâdzünunu ukâ nâa khriekeshü zhapu chüya. Jihova *mhâdzünunu* mhachükezhükâ chüdi ukâ rüve chanu *ukâ*
- 6 *khruohishüdi* ukâ bu tuoshü râ viphi zâtuo. Mhakekreilamonyü ukâ Judakemomia kinu mhapuorei chü semodi
- 7 theza süu lanu prata zâ kechüla. Süla u rei themia sükemhiemia ze kedzie sedi kethâu liethâ chülie ketuola sikechümia ngu u neilie zhü.
- 8 A kehou ki mahuo thushü, derei pehü chünyüya
- 9 kezha Diotria hickâ zeliya mo. Süla a vâ râ, puo chüya kezha puo mhathâkâ, puo hie gei diekesuokâ pumu pupubaya zâ kechü, a süu dze pula shütuo. Puo siya kezha rürbei zâmonyü puo ukezekâ rei zeliya mo, mu puo mia ukâ zeliya kezhakâ rei khaya mu kehou
- 10 nunu sükâ za rei pekawaya. Akhrieu, nâ kesuo-u monyü keviu dârialielie chie. Themia kehupuorei kevi chüya kezha Jihova kinu zâ : themia kehupuorei kesuo chüya
- 11 kezha Jihova ngulie mo zâ. Petekâ mu kethâu thuo rei Demetria zhapuya ; u, hie rei puo zhapuya ; mu hie zhapu kethâzâ ükechü nâ rei siba.
- 12 A mhakekra thupie n ki shü tuoü ba, derei a leshüdzü mu leshükethusei se thupie n ki shünyü ba mo.
- 13

Sirei a pezi vâr n ze kengudi avu mhâtsou kerüchü tuoü kechü leba. Nouneu bu n ze bakelieu chülie chie. Ukezekâ n kelushü ho. Ukezekâ kelu phreshü chie.

Juda Leshü

KEPFLE TSATIE URHIE CHÜLIENU KECHÜ

- 1 Jisu Khrista kituo mu Jakob siazeu Judaa khapie kielie keta mu Upuo-u Jihova khriepfü keta mu khapie
- 2 Jisu Khrista merür baketakâ ki shü ho. Ngukemezhie mu nounge mu kekhrieu bu niekâ gei ba krakelieu chüliechie.
- 3 Akhriekâ, u mechü, kelakelie dze thupie niekâ ki shütuoü di a teitsâ chü sie ru *mhapuo la* abu thupie niekâ kishüdi niekâ hüpie thiadzü vapuo khapie kemesakâ ki shükewa kepeleu la nie hiechütuolie nu shü nute.
- 4 Mhakekreilamonyü themia huomia pekhre gou ukâ dânu ler ketala; sükâ siazha dze thiadzü peria thupie tuote. *Sükâ* kethâ leya kemomia, sükâ u Jihova kinu kepar ngukemezhieu kedipie kerüyâ nu shüwate; tsiu ukâ umhâ Kezha mu Uniepu puozâ kechüu Jisu Khrista phramvü te.
- 5 Sirâ thiadzü vapuo Niepuna Ijupt kijü nunu themia krâpuo kelalie di süsia pelekemokâ pekawa kechü, niekâ mhasükâ si phre ba zârei a niekâ bu sükâ rükralalie nyüte. Sirâ teigeidieliemia krâpuo thiadzü uthuo u kezha sebalie motadi ukâ uba touu rei khawa ketakâ, puoa sükâ khapie kezeiu khrükhrâ nu kechachie phapie ketsâ kechü teisâ kezhaupfe bate.
- 7 Süsütuoï Sodom mu Gomora rei mu sünia khie lutsahatsa keba rünakâ rei hakâ mhie uthuo u khapie pieü kechü nu shü, sidi themia zhâkemo kerüzhükâ chütuota, süla kechachie mi nunu siázha ngudi thakiapuo chüpie bata zâ.
- 8 Siüdezei umhâgei tuoi ketuo themia hakâ rei süsütuoï uthuo uchü-uphou bie perhu mu miabu umhâ kezha kechü rei rönyü mo, mu zhapie zapuzayie kechümia rei krenyü
- 9 tuoya zâ. Derei Mikael teigeidielie kezhauphuorei thiadzü Mosa mâ dzo terhuokerüzhüu zêkemeüdi keprüli ke-

- sieki puo kredi puo pejâ zâ shü michiedi sie, Niepuu
 10 thuo n ruo tuo, sita. Derei hakâzâwe mhadze si kemokâ
 zâ rei krenyüya : sirâ uthuo unounu silieya zârei ukâ khu-
 nuo upfe uva siyakemokâ mhie mhasükâ nunu kataya.
 11 Sükâwe che! Mhakekreilamonyü ukâ Kain chanu rei
 vâ, mu zhakhra ngulie ketuola tase Balam kekrüketa die
 rei ze, mu Kora *nuonuokâ* ukâ mhâ kezhamia die zemvü
 12 kesieu nunu katahu kechüla. Themia hakâha niekâ
 huoniehüo kekhrie he kechükj niekâ ze hiekehrükâ nu
 mhagei kerhu dapfü ketuo krâpuo, tekuokepfekâ miehje-
 modi uthuo u vapfüchüya kezha krâ ; teikhria bu heseke-
 tuo tseünhuokemo kemhou krâpuo ; teiseiki sei puosi kefü
 13 kesia siarei siakechü, puo miekâ shülou zâ kewa seibâ
 krâpuo ; uthuo unga toupfü meluo zâketuo dzükezha
 rüpfü khuzâ kezhü krâpuo ; kechachie teizei bouu khapie
 ukâ merürtuo keta rühou sei tüokezha themvü krüpuo zâ.
 14 Tsiu sükâ dze rei Adam geinu lhoukepar *phou* theniau
 Inok siadzekesidie pudi sie, “ Harie, Niepuu puo kemesa-
 15 kâ nyie ker zevâr ; sidi puo themia petekâ ketsâtuo,
 mu ukâ kethâlekemo mhathâ chükewa, ukâ kethâlekemo
 mhathâ petekâ dze kethâlekemo themia khekâ, sirâ
 kethâlekemo kephumakâ puo gei diekere pukewa khekâ
 16 kejä thashü kiatuo,” isipie zhü. Themia hakâ uneimo
 seituooya kezhakâ mu kenyatuooya kezhakâ zâ ; ukâ rüyâ
 ukâ medâ chütuooya zâ, mu ukâ tia nunu diepu khubou
 tuoya zâ ; ukâ ukâkepra ngukelieu ledi mia rhutuoya
 kezhazâ.
 17 Derei niekâ, akhriekâ, niekâ zâwe Uniepu Jisu Khrista
 18 apostelkâ thiadzü pukeshü diekâ rükrashü chie ; sükâ
 niekâ ki pupie zhü kechü, Thelatsatie themia kethâleke-
 mo rüyâ uthuo umedâ chütuooya kezha mhakrenyü zâke-
 19 chü krâpuo, siertuo, sishü zâ. Themia sükâsü mia
 pfüphrâ ketuo krâpuo zâ ; *ukâ* uchü-uphou rürpie sia
 20 Ruopfüu jü zâ. Derei akhriekâ, niekâwe Kemesa
 Ruopfüu nunu chadi niekâ kepele kemesathâu geinu
 21 vikechü miamia zâlie chie. Niethuo nie khapie Jihova
 kinu kepar ngukemezhieu nu piebazâlie, mu *‘*âchachie
 22 kerheirâ *ngulie* ketuola Uniepu Jisu Khrista kinu kepar
 ngukemezhieu pfebazâlie. Sirâ huomia kenoudâ ba lirâ,
 23 niekâ sükâ ngunazhielie. Sirâ mi punu huomia mezapie-

liedi sükâ kelalie ; mu uchü-uphou la upfe-unei perhukewakâ rütsechakhra michiedi huomia ngumezhielie.

- 24 Chüsia niekâ phi mesü ketuo nunu niekâ rüguo setuolie keviu mu unesiaidi niekâ bu jâtamodi niekâ khapie puothuo zayie chüketuo-u mhâdzünü shütou pie balie
- 25 ketuo-u, Uniepu Jisu Khrista la Ukelakelie puorürbei u Jihova chûzâ kechüu, süu bu nnhia nnhianu rei tsiedâ rei mu kechachje rei zayie, kezha, kedi mu kekuo-u chüliechie. Amen

PESIKESHÛ

DIE THEBIAKÂ. KELUKESHÛDIE. NIEPUU DZE KENGU

- 1 Jisu Khrista kinu PesikeshÛ, Jihova puo bunu pezi ; chÛta ketuokâ se puo kituokâ pesishÛnu kechÛla kha puo tsÛ keshÛ : mu puoa puo dieliemia ketseshÛdi sÛmia
- 2 bunu pupie puo kituo-u Johan kiakeshÛ. Puoa Jihova die mu Jisu Khrista zhapu kesi kengu khekâ dze zhapu-
- 3 shÛ. Kehupuorei kephrÛmia mu kehupuorei siadzekesi die hakâ sidi, sÛkânû thupie ketuokâ chÛÛze kezhamia ruokuothâ : puo tei penuctei ketala.
- 4 Johan-a kha Asia nu kehou theniakâ ki keshÛ : Tsiedâ mu thiadzÛ ketuo-u mu thesia vârketo-u kinu, mu puo kedi ba mhâdzÛnu baya kezha ruopfÛ theniakâ kinu,
- 5 mu kijÛnu kedikâ mhâ Kedi mu kesiakâ dânnu penuolie keriau, kediethâ zhapu Jisu Khrista kinu ngukemezhie mu keviu bu niekâ gei vârkeliu chÛlie.
- 6 U khriekezha mu puo zia pie ukephumakâ nunu u Kelakeliu : mu puoa ubu kedi puo nuo krâpuo chÛlietuoÛ tsiu puo Puo mu Jihova mevâkâ chÛtuoÛdi uchÛkelieu, sÛu bÛ rei kechachie vi zapu zayie chÛ kokuo-
- 7 thâu chÛliechie. Amen. Harie, puoa kimhou gei tsuryia ; Sirâ themhi petekâ, mu puo zekeshÛkâ mhi rei sa puo phituo ; tsiu kijÛ ketuo themia seyie petekâ puo ngudi kratuo. Sizâ, amen.
- 8 Tsiedâ mu thiadzÛ ketuo-u, thesia rei vârketo-u, KuokefâjÛkechÛu Niepuu Jihova puya, A Alfa mu Omega we.
- 9 A Johan, niekâ zeu mu kemezhie kechÛnu mu kedikechÛnu rei niekâ ze puo chÛkezhau mu Jisu Khrista ze kege kezha, Jihova die mu Jisu Khrista zhapu kechÛ la,
- 10 Patra ÛkechÛ kijÛrÛchÛtsâkemo-u nu tuoya. A Niepuu zhanhia RuopfÛu zetuoru aa ketsÛkekhau kemhie a siatsa-
- 11 nu die kemberiekehÛpuo si ; sÛua, Nâ kengu khekâ pie leshÛdapuo nu thaliEDI se kehou theniakâ ki shÛchie ;

- Efesa nu, mu Smurna nu, mu Pergama nu, mu Thiatira nu,
 12 mu Sardia nu, mu Filadelfia nu, mu Laodikia nu rei salie,
 13 isi. Tsiu a rüchükechü pfeu mehâshü tuoüdi reipra. Ru
 reipra suna mitubou thenia ngu; mituboukâ dânu themia
 14 nuo mhiekechü miapuo, süu puo pfe tsu puo phi tsâ,
 15 mu puo mer gei suna chiephapuo phapfü tha. Sirâ puo
 16 tsü mu puo tha krapie tekuomie mu pekrîe tuoi, tsiu puo
 mhi miü tuoi; mu puo phi mese miü nunu thekeharapie
 17 kezhü tuoi, mu puo pfe rürdipfe tuoi. Tsiu sirâ puo
 dzie puo zatsa puo themvü thenia setha, mu puo me
 nunu zhiecha lutsa hatsa puoü hekechüpuo par, mu puo
 18 zie niaki le puo ra kechüki tuoi. Tsiu a puo ngutse a te
 puo phinu tsu, kesiamia mhie pfüzhüta. Sitse puoa puo
 19 dzie puo zatsapie a biedi, Michiechie, a theriau mu the-
 18 lau we; mu a rheituo kezhau. A siata, sirâ baire, a kecha-
 chie rheituote; mu aa kesia mu kesiamiarüna sabi seya.
 19 Süla n kengukâ thuliechie; mu tsiedâ ketuokâ mu thesia
 20 vârketuokâ rei sa; a dzie a zatsanu nâa kengu themvü
 theniakâ mu suna mitubou theniakâ dze die kesou.
 Themvü theniakâa kehou theniakâ dieliekâ, mu mitubou
 theniakâwe kehou theniakâ ho, isi.

THUPIE KEHOUKÂ KI KESHÜ LESHÜ DIA

- 2 Thu pie Efesa nu kehou dielieu ki shüchie: Puo dzie
 puo zatsa themvü thenia se kethau, suna mitubou the-
 2 niakâ dânu phi mu phi thaya kezhau kakâ puya: A n
 mhathâkâ mu n rügei mu shügeshühie kezha, mu nâ
 uzha kesuomia n medelie kenjü kechü, mu uthuo uü
 apostelkâ üya derei mo, sükâ rüli riadi ukâ tijü
 3 silieya; di nâ shügeshühieya mu a za lawe n mededi n
 4 nyietaya mo kechü siya. Sirei nâ n kekhrîe theriau
 5 khawa kechü a süüsü n gei a nei mo. Süla nâ kirapuo-
 nu lateshi süu n sialeli thenou kedi pevilie, mu sirâ
 mhathâ theriakâ chülie; siliemolierâ, n noy kedipevilie
 kemosia a n ki vârdi mitubou bau nunu n mitubou
 6 chüse tatia. Derei Nikolaitankâ mhathâkâ, a rei rü-
 tseya kezhau chü, nârei rütseya kezha hayâ hauthâü nâ
 7 be. Themia kehupuorei puo nyie kenyimia, amia bu
 Ruopfüna kehoukâ ki kepu pfe rünyühechie. Aa
 Jihova kerüüchü nu baya kezha kerheiprübâu geinu
 khapie kehupuorei kuolieya kezhatnia bu chütuo.

- 8 Sirâ thupie Smurna nu kehou dielieu ki shüchie : The-
 9 riau mu thelau, siatadi rheilakelieu, mha hakâ pushü :
 10 A n mezhie, mu n kejü (derei nie mhanyi) tsiu Judamia
 modi Satan kehou zâ chiü, ukâ thuo ukâ üse Judamia
 11 üdi kethekrea kezha a si. Kemezhie kechü n ki phir
 tuoü kezükâ preihiechie. Lerei, Ungumvüdâu niekâ
 huomia tepje kediekinu shüwa tuoü bate, mu süla niekâ
 rüli riatuo : tsiu zha ker niekâ kemezhie tuo. Nâ sia
 zâü rei n fhie chüzâlie, sirâ a kerhei tsüreu pie n
 tsütuo.
- 12 Themia kehupuorei puo nyie kenyimia, sümia bu
 Ruopfüua kehuokâ ki kepupfe rünyüliechie. Kehupu-
 rei kuolie kezhamia sümia kesia keniau bu u pechülielhâ.
- 13 Tsiu thupie Pergama nu kehou dielieu ki shüchie,
 zhiecha lutsa hatsa puo ü hekechü seya kezhaa pushüa :
 14 A n kebachü si, Satan kediba kebau nu ; niekâ dânu
 Satan-a baya kezha nuu a kediekhâ zhappu Antipa
 dukhriwe, sükisürei nâ a za sekemetei balie, mu a kepele
 phramvütamo dia. Sieri a n gei khekemo die rei ba,
 nâ sünu Balam kepetha huo zeba ; puoa Balak bu Israel
 nuonuokâ mhâdzünu thephi kemesüpuo khashünu petha,
 süüsü miarhi kerürsuo viekâ chünu kechü mu pieü chünu
 15 kechü. Süsütuoü nâ Nikolaitankâ kepetha huorei zeba.
 16 Sikechülanu n nou kedipevüliechie, morâ a tuohrü n ki
 vârdi a tia zhiechau se sükâ ze kegeitia. Themia kehu-
 puorei puo nyie kenyimia, sümia bu Ruopfüua kehokâ
 ki kepupfe rünyüliechie. Kehupuorei kuolie kezhamia
 a kerüshükerüvie mana pie sümia tsütuo, mu a ketsie
 kekrapuo rei sapie puo tsütuo ; ketsie süu gei theza
 kesapuo thupietuo, theza süu liekeliemia zâkemo sia mia-
 puorei siyamo.
- 18 Sirâ thupie Thiatira nu kehou dielieu ki shüchie,
 Jihova Nuo-u puo mhi miü kembie kechüu mu puo phi
 19 mese thekehara kezhütuoü kechüua hakâ pushüa : A n
 mhathâkâ mu n kekhrrie mu kepele mu liethâ mu kege.
 kechü si ; mu n mhathâ thelakâ theriakâ ki krakuo
 20 Sirei nâ Jezebel pfü, puothuo puo üse siadzekesi chü-
 ketapfü, lepejâkemo, a n gei hauha aneimo ; tsiu
 puoa a kituokâ petha mu ukâ meshü pesuo pie ukâ bu
 21 pieü thü mu miarhi rüsuo chükeshükâ chütuoü. Sirâ
 a puo bu puo nou kedipevikelie tej khashü ; derei puoa

- 22 puo pieü kediwanyü mota. Harie, a puo kha thezhü-
 puo gei shüwatuo; mu puo ze pieü kechükâ kha keme-
 zhie phi kechünu shüwatuo, ukâ süpfü mhathâkâ nunu
 23 ukânou kedilie kemosia. Sizâmonyü a kesia se puo nuo-
 nuokâ pekawatuo; mu kehou petkâ aa mia mechümelou-
 kâ keseya kezhan ükechü silietuo; tisu a niekâ mhathâ
 24 kheki sü chüpie niekâ tsü phretuo. Sirei Thiatira nu
 keba krekikâ, huomianie Satan die kesoukâ üdi puya
 niekâ sü siya kemokâ, a sükâ ki puya: 'A niekâ gei thepie
 25 kekrei puorei goushü lielhâ: Sirei niekâ sekebakâ
 26 sekemetei zâba a kevâr tsâchie. Sirâ themia kehupuorei
 kuolieya mu kehupuorei a mhathâkâ chütha puo teichürâ,
 27 a rûna kekrekikâ mhâ kekuo kha puo tsütuo: tsiu puoa
 lithâmia li prâphata kezha tuoi thezhüthe se sükâ kekha-
 28 tuo, arei a Puo kinu ngukelie tuoi: mu a teiziepfü kha
 29 puo tsütuo. Themia kehupuorei puo nyie kenyimia.
 sümia bu Ruopfüua kehoukâ ki kepupe rünyüliechie.

THUPIE KEHOUKÂ KI KESHÛ LESHÛ SE

- 3 Sirâ thupie Sardia nu kehou dielieu ki shüchie, Jihova
 ruopfü thenia mu themvü thenia sekezhaua die hakâ
 puya: A n mhathâkâ si, nâ rhei ketheza ketuo zâ, sirei
 2 sia tuo. N melou perhei baliechie, mu siatevüta tuoi
 baketa keshakâ chükemeteilie: aa a Jihova, mhâdzünu
 n mhathâ puorei vizhatsütsâ kechü nguliemo kechüla.
 3 Süla nâ kikidi lilie mu rünyülie shi, süsü n sialeliedi zeli
 mu n nou kedipevilie. Nâ süla n melou perhei balie
 morâ, a kergumia mhiei vârtuo kikechü mesepuonu a
 4 zâ nki vârtieshi nâ sü silielhâ. Sirei upfe unci perhu-
 wakemo Sardia nu nâ theza krâyâpuo tuo: mu ukâa unfe
 unci kekra se aze rühou khâ mu ketuo: ukâa sisü
 5 kechüla. Themia kehupuorei kuolieya kozhamia sidi pfe
 kekra se ketsätuo; mu kerhei leshüdanu a puo za peka-
 wanielhâ zâ, tsiu a apuo mhâdzünu mu puo dieliekâ
 6 mhâdzünu puo za kevi phrazâ tuo. Themia kehupuorei
 puo nyie kenyimia, sümia bu Ruopfüua kehoukâ ki
 kepupe rünyüliechie.
 7 Sirâ thupie Filadelfia nu kehou dielieu ki shüchie. Ke-
 mesau, kethâtou-u, David sabi seya kezha, puo khrü-
 shürâ miapuorei khaliekelhânu mu khawarâ miapuorei

- 8 khrüliekelhâua die hakâ puya: A n mhathâkâ si. Harie, a miapuorei khawalie kelhâ kikha khrüpie kethapuo khapsi n mhâdzünu shüshü ho; nâ nkekua kedunuoyâpuo be, siâ a die zedi a za phramvüta mo.
- 9 Harie, aa Satan kehoununu uthuo uüse Judamia üya, derei mo, tifüya kezha zâ, sükâ kinu hhashütuo; harie, a sükâ bu vârdi n phi mhâdzü nunu rüsuo shütuo
- 10 mu a. n khriekechü ukâ bu silietuo. Nâa kegekechü die zekelie la kijünu kelhoukâ medâphi ketuola kijü peteki
- 11 vârtuoü baketa meseli arei nrüvuolietuo. A tuohrû vâryia: miapuorei n keditsüre sesetalie mo ketuola nâ
- 12 seketuo-u sekemetei balie. Themia kehupuorei kuolieya kezhamia, a sümia bu a Jihova kerü suokinu kipuchâ kembie chütuo, sirâ puo sünunu mhakipuorei kitia prasalielhâ: tsui a puo geinu a Jihova za, mu a Jihova rüna Jirusalem kesau teigei a Jihova kinu tsurketuo-u za mu a
- 13 zathâkesau thutuo. Themia kehupuorei puo nyie kenyimiamia, sümia bu Ruopfüua kehokâ ki kepupfe rünyüliechie.
- 14 Sirâ thupie Laodikia nu kehounu dielieu ki shüchie. Amen-u, zhapuu kepelethâ mu kethâtou-u, Jihova
- 15 pelhou keshükâ bâua, die hakâ puya: A n mhathâkâ si, süsü, nâ meku rei mo, le rei mo: nâ meku morei
- 16 letse a nietuoru. Süla nâ le rei mo, meku rei mo, lewikechü zâ kechüla aa a me nunu n melouwa tuoü bate.
- 17 Nâa, A mhakenyimiamia, a manyi, a mhapuorei ketsâpfü jü ikechü puya; serei siase kechümia mu kejümia mu
- 18 mhichiemia mu methuo kechümia zechiü siyamo, süsüla a n bu manyilie ketuola a kinu mipie thepevikelie suna, mu nkemethuo kemenga mia bu ngumodi whelie tuoü kechüla pfemenei kekra, mu mhangulie tuoü kechüla nmhi keva darn, hakâ khrülie nudi thedâ pu nkiashüa.
- 19 A themia kehupuorei khriea kezha khekâ, a sükâ kejâ pupie kia mu kechü se pethaya, Nâ süla nrhiechüdi.
- 20 nnou kedipevilie. Harie, a kikha ki thadi kikha ketou thaya; themia kehupuorei a pfe sidi kikha khrüshürâ, sirâ a puo ki ledi puo ze hietuo, tsui puo rei a ze hietuo
- 21 A kuoliedi a Puo ze puo kedibanu bakelie tuoi sütuo
- 22 kehupuorei kuolieya kezhamia, a sümia bu a kedibanu ze balietuo. Kehupuorei puo nyie kenyimiamia, sümia bu Ruopfüua kehokâ ki kepupfe rünyüliechie.

JIHOVA RÜLI DZE KENGU

- 4 Süsia a mhangu, tsiu harie, teigei kikhapuo khrüpie
tha, mu a puo pfe silie keriau katsü kekhou pfe mhiei
aze kerüchü, süua Hagei sierliechie, sirâ hasia chümo
2 lielhâ kechükâ a sükä tha nkiashütuo, si, Sitsemetha a
Ruopfüu ze thata, sitse harie, teigei kedibapuo chüpie
3 ba, mu kediba süu gei miapuo ba; tsiu sügei kebau
ngupie jasper mu sardiü kemelei-tsie kemhie: tsiu kedi-
ba süu pfesei ja puo whipfü ba, puo ngupie emeral-tsie
4 kemelei kepejâ pfü tuoi. Sirâ kediba süu kediba me-
pfüadia bu puo houpfü ba: mu kediba sükä gei pehü-
mia mepfüadia, pfe kekra se kerütsâ, mu utsü gei suna
5 keditsüre pfü ba. Tsiu kediba süu geinu teikemela,
6 mhapfe mu teikesekâ par. Sirâ kedibau mhâdzünu
tukeba mitubou thenia ba, sükaşü Jihova ruopfü
theniakâwe; tsiu kediba süu mhâdzünu khrüva üse kechü
dzükezha kemhie, kristal kemelei pfü kemhiepue ngu;
mu kediba süu metsuonu mu puo khie lutsa hatsa khu-
nuo kerhei dia ba, khunuo süka uzietsa mu urünoutsa
umhi tsupfü tuo.
- 7 Sirâ khunuo keriau losha mhie, kenuo-u thüdânuo
mhie, mu useu puo zie themia mhie, mu udiau pruo
8 kezha tsüürapfü mhiei. Tsiu khunuo kerhei sükä diakâ
ushü sorourou, sükä chazou mu puo noukou umhi tsupfü
tuo; mu ukâ teisânhia mu teizeimetşei,
Niepuu Jihova kuokejâjü kechüu,
thiadzü mu tsiedâ ketuo-u,
mu thesia vârketo-u,
kemesa, kemesa, kemesa,
chü rüleimodi pu baya zâ.
- 9 Sidi khunuo kerhei sükä kechachie rheituoya kezha
kediba süu gei kebau tse, rhu mu puo thezie şhü ketuo-
10 ki, süki pehü mepfüadiakâa kediba süu gei kebau mhâ-
dzünu tsu zerepfüdi, kechachie rheituo kezhaü rüsuotuo,
mu uthuo ukeditsürekâ kelhoupie kediba süu mhâdzünu
şhüwadi,
- 11 Harie, hie Niepu mu hie Jihova, tsetse, terhu
mu kekue-u ngulie kesüu, nâ zâ: nââ mhapetekâ
pelhoushü, nmedâ la sükä tuo mü pelhoulie,
kechüla, isituo.

MOHORPIE VÜKEWA LESHÜDATSÜU

- 5 Sirà kediba süu gei kebau dzie nu puo zatsa puo nou-
 kou mu puo nakouzou kethu leshüda tsüwadi mohorpie
 2 vü thenia kewapuo tha a ngu. Tsiu aa teigei dielie ke-
 kuomiapuo ngu, süua puo pfe kemerie chüdi, Supuo-
 nie leshüdatsü luu lhalie mu mohor vükewakâ bielie sü
 3 ga ? si. Sirei teigei morei kijünu morei kijü khrâ leshü-
 datsü süu lhaliekevi morei süu mehâliekevi miapuorei
 4 jü. Tsiu leshüdatsü süu lhalie morei mehâlie kesü mia-
 5 puorei ngulie kemola a bu kraphi : sitse pehükâ mia-
 puoa aki, Nâ krahiechie ; harie, Juda yiemia Loshau
 mu David Mvüu, puoa leshüdatsü süu mu mohor
 6 theniakâ lhakelie kekuo, ngulie, si. Tsiu kediba süu mhâ-
 dzütsa mu khunuo kerhei diakâ dânu, mu pehükâ dânu
 dukhrikewa tuoi kechü Tekuonuopuo ketha a ngu ;
 süu puo kia thenia, mu puo mhi thenia, umhi sükâ ke-
 tsepie kijü petenu kechü Jihova ruopfü theniakâ.
 7 Puoa vârdi kedibau gei kebau zatsanu leshüdatsüu chülie.
 8 Süu chülietse khunuo kerhei diakâ mu pehü mepfuadia-
 kâa tsu Tekuonuo-u mhâdzünu zerepfü zhüta ; ukâ
 dzienu übou mu mhatsa puore kethengu pfü ketsu suna-
 9, hie sephretha ; sükâ kemeseka kecha. Tsiu ukâa tsali-
 cha kesapuo kie chiel,

- 10 Nâ rürbei leshüdatsüu mu sügei mohorkâ lhalie
 kesü zâ : ndukhriwata, di seyie mu die, mu the-
 mia mu themialhou ketuo petekâ kinu Jihova la
 nthuo nziapie khrülie, mu Jihova kitsa ukâ bu
 kedinuokrâpuo mu puo mevâkâ chülie ; tsiu sükâ
 kijü mhâ kedi chütuo, kechüla, isi.

- 11 Tsiu a mehâtharu a kedibau mu khunuo kerheikâ mu
 pehükâ khie lutsa hatsa teigei dieliemia kekra pfe si,
 mu sükâ lekesie nyie ker chü nyie ker mu nyie chü nyie
 12 ba ; ukâ ukâ pfe kemerie chüdi,

Tekuonuo dukhrikewau süu kekuo mu mhakenyi
 mu mhakesi mu kedikechü mu therhu mu theza
 kemeyie mu theziekechü pfü sü, si.

- 13 Tsiu teigei mu kijü mu kijü khrâ mu dzükezhanu pe-
 lhoukechü khekâ mu sükânu ketuo khekâ die hakâ kep-
 a si :

Kediba gei ba kezha mu
 Tekuonuo-u kethezieu, mu

rhukechüu, mu zapukechüu, mu
kedikechüu kechachie chüliechie.

- 14 Sitse khunuokerhei diakâa, si. Amen, si. Mu pehü-
kâa tsu zerepfüdi rüsuo.

MOHORKÂ BIEKELIE

- 6 Sûsia Tekuonuo mohor theniakâ puo bielietse a ngu ;
sitse khunuo kerhei diakâ-puo puo pfe teikese tuoidi,
2 Vârliechie, kechü kepu si. Tsiu sirâ, harie, a kier ke-
krapuo ngu, mu sūu gei kebau dzienu theūpuo tuo : mu
keditsürepuo pie puo tsū : sitse puo kuolielieya mu
kuolie tuoüdi prata.
- 3 Sirâ puoa mohor keniau bielietse, sitse khunuo kerhei
4 keniaua, Vârliechie, kechü kepu si. Siru kekrepuo rei
par, kier kernerie puo : tsiu sūu gei kebau bu kijūnu
vithâ kelawanushü, mu theniakâ bu huonie huo dukhri-
tuo : tsiu zhiecha kezhapuo kha puo tsūshüwa.
- 5 Sûsia puoa mohor useu bielietse, sitse khunuo kerhei
useua, Vârliechie, kechü kepu si. Siru, harie, a kier
ketei puo ngu : mu sūu gei ketuo-u dzienu râshūkhou-
6 puo tuo. Sûsia khunuo kerhei diakâ dânunu mhapfe
kemhie puo si, Thoulha shier puo ma doulei mu lhamie
shier se ma doulei ; mu tier rei khuobedzü rei se kehōu-
chūwahie, isi.
- 7 Sirâ puoa mohor udiau bielietse, sitse khunuo kerhei
8 udiaua, Vârliechie, kechü kepu si. Siru, harie, kier
nyielakechü puo ngu : mu sūu gei kebau puo za Kesia ;
mu kesiamiarūna puo siamedzituo. Tsiu zhiechaü, mu
pekriekechü, mu kesiaü, mu kijūnu nhachūkâü kijü za
dia zapuo mhâ biekhri tuoü kechü sūnia ki pushūwata.
- 9 Sirâ puoa mohor pengouu bielietse. sitse Jihova die
la mu ukâ seya kezha zhapuu la dukhrikewakâ ruopfūkâ
10 rūsuo chü khrānu aa ngu : tsiu ukâa mekie urhiechüdi,
Harie, Niepuu, kemesa mu kethâtouu nâ zha kitsuo
ketsâ mo, mu kijü mhâ rūna chü ketuokâ gei hie zia
11 khepu mo, batuo ga ? si. Sitse pfe kekrapie ukâ pede-
kejūnuoyâ tsūwa ; tsiu mia kituokechü ukâ mezekâ reisa
mu ukâ siazekâ ukâ mhiedi dukhriwa ketuokâ tseilie
kemochie rüleiza baluo nudi ukâ ki pua.
- 12 Sûsia a mehâsie puoa mohor sōrouu bielietse, sitse kiū-

- 13 kishü kernerie chüta ; tsiu niaki teipie chü-miepfie mhieta,
mu khrü thezia kemhie chüphreta ; mu teikhria khriadi
14 bü chiedadesi mekemokâ heriakewa tuoi teigei themvükâ
rürria kijü tsuta. Sitse tei leshüdatsü tsükewa tuoi
15 ukâ tha nunu ukâ chükediwa. Sirâ kijünu kedikâ, mu
pehükâ, mu rüpfünuo mhâ kezhakâ, mu kenyikâ, mu
kekuokâ, mu nfiadie, mu miadie chükemokâ, sükâ pede-
kejükâa kechiekikikânu mu kijüthou gei tsiekriekâ dânu
16 uthuo vâ rüshü ; di kijüthou sükâ mu ketsie sükâ ki,
Te hie gei tsurlichie, di kedibau gei kebau zie mhâdzü
17 nunu mu Tekuonuo-u noupfüu nunu hie kevialiechie :
unia noupfü keretei vâ ketala ; tsiu supuonie thalievi
tuoga ? si.

JIHOVA KITUOKÂ GEI MOHOR VÜKEWA

- 7 Süsia aa teigei dieliemia mia dia teikhria bu kijü mhâ
morei dzükezha mhâ morei seibâ geirei he kemvü la kijü
2 ke diakânu kijünu teikhria diakâ, tese ketha ngu. Tsiu
niethutsatienu teigei dieliemia kekreibuo, rheituokezhau
Jihova mohor se kesier, aa ngu, ru puoa melie puo
rhiechüdi kijü mu dzükezha sekehouchütuou kekuo
3 ngukelie teigei dielie diakâ ki. Hie bu Jihova kituokâ
teikhie gei mohor vüwa kemochie niekâ kifü morei
4 dzükezha morâ seibâkâ sekehouchüwahie si. Süsia
ugei mohor vükewakâ lekesie, Israelmia seyie petekâ
kesa, nyie kria puo di hiediaadia vükelie silie :
5 Juda yiemia mohor vükeliekâ nyie kerekenia ;
Ruben yiemia nyie kerekenia ;
Gad yiemia nyie kerekenia ;
Asher yiemia nyie kerekenia ;
6 Naftali yiemie nyie kerekenia ;
Manase yiemia nyie kerekenia ;
7 Simeon yiemia nyie kerekenia ;
Levi yiemia nyie kerekenia ;
Isakar yiemia nyie kerekenia ;
8 Zebulon yiemia nyie kerekenia ;
Josef yiemia nyie kerekenia ;
Benjamin yiemia mohor vükeliekâ nyie kerekenia.
9 Sirâ süsia a mehâsie ru, harie, themâ, lhou ketuo mu

- seyie pedekefukâ, u themiakâ mu udiekâ nunu, pfe kekra kedzie miapuorei phrühulie kelhâ themiagrâdi-puo kedibau mu Tekuonuo-u mhâdzünu tha, mu ukâ dzienü kukuonyü se tha ; tsiu ukâa melie urhiechüdi
- 10 Kelakeliea kedibau gei keba
Jihova mu Tekuonuo-u zâ, si.
- 11 Tsiu teigei dielie petekâa kedibau mu pehükâ mu khunuo kerhei diakâ houpfü tha ; mü ukâa tsu kedibau
- 12 mhâdzünu zerepfüdi Jihova rüsuodi,
Amen : Theja, mu zapukechü, mu
mhakesi mu thetse, mu therhu, mu kekuo,
mu niepukechü kechachie
Jihova kitsalie ! Amen, si.
- 13 Süki pehükâ miapuoa a rüchüsie a ki, Pfe kekra kedzie hakâha suomia ga ? mu ukâ kirapuonu vâr ga ?
- 14 si. Sitse as puo ki, Harte a Niepu, nâ sü siya, si. Tsiu puo a ki, Hakâha kemezhiepie ungâthâr kechü nunu kevârkâ we, mu ukâ Tekuonuo-u ziapie ukâ pfe menyî
- 15 pekrawate. Süla ukâa Jihova kediba mhâdzünu tha ; tsiu ukâ teisânhia teizeimetsei puo kersuokinu puo rüsuobaya : sirâ kediba gei kebau ukâ mhâ puo thuo, pu
- 16 chüshütuo. Ukâ mer salielhâ, terhrü reilielhâ, teinia
- 17 morei kele puorei ukâ valielhâ : kediba metsuonu keba Tekuonuo-u ukâ kepfeu chütuotuo, mu ukâ ze kerheidzû dzüluo nu vâtu, kechüla : mu Jihova ukâ mhi gei umhidzükâ süphrewatuo.

MOHOR THENIAU MU KETSÜKHOU DIA THERIAKÂ

- 8 Süsia puoa mohor theniau bielietsse, sitse bavüdâ puo
- 2 tie mese teigei kemekriezei bata. Mu aa Jihova mhâdzünu ketha teigei dieliemia theniakâ ngu ; siru ketsü thenia pie ukâ tsüwa.
- 3 Tsiu teigei dieliemia kekreibuo, mharekethengu kepe-tubou sunapie kechü pfü separdi, rüsuochü gei thata ; sidi kedibau mhâdzünu keba suna üse kechü rüsuochü gei, kemesakâ petekâ kecha sashünu kechü, mharekethengu kha puo tsüpereshü. Sirâ teigei dielieu dzienmu mharekethengu kekhu, kemesakâ kecha rei sa Jihova
- 4 mhâdzünu khâta. Sitse teigei dielieu mharekethengu kepe-tubou rüsuochü nunu mipie tsukiedi kelhoupie

kijü shü : sitse teise, mu melie, mu teimela, mu kiü kishü ta.

- 6 Tsiu ketsü thenia kepie teigei dieliemia theniakâa ketsükhoushü tuoü kerjiele.
- 7 Sirâ theriau khoushütse, thezia sakeri kechü prü mu mi chüta, mu sükä kelhoupie kijü shüwa sitse kijü za se chüdi zapu thewa, mu seibâkâ rei za se chüdi zapuo thewa, mu nha kerhei petekâ thewata.
- 8 Süsia teigei dieliemia keniau khoushütse, sitse mi tuzâ keba kijüthou kerükriesepuo kelhoupie dzükezhanu keshü tuoü shü ; siru dzükezha za se chüdi zapuo thezia chüta ; mu dzükezhanu khunuo rheiketuokâ za se chüdi zapuo siata ; mu dzükezhanu ketuo roukâ za se chüdi zapuo pekawa.
- 10 Sirâ teigei dielie useua khoushütse, sitse mitu mhie kechü themvü. Reza kechüpuo teigeinu rüria kerürkâ za
- 11 se chüdi zapuonu mu dzülokânu tsuta ; mu themvü süu za Tsiena : sitse dzükâ za se chüdi zapuo tsiena chüta ; tsiu dzü pfü ketala, dzü la themia kekra siata.
- 12 Süsia teigei dielie udiau khoushütse, sitse niaki za se chüdi zapuo, mu khrü za se chüdi zapuo, mu themvü-kârei za se chüdi zapuo, sükä za se chüdi zapuo bu zeita, mu khunhiazha za se chüdi zapuo bu ziemota, mu theva burei süsükemhie chüta ketuola sükä pedekefükâ za se chüdi zapuo pechüwa.
- 13 Tsiu a mehâhâ tharu, tsüürapfüpua teimeluo nunu pruodi puo rhiechüdi mhapuo kepu si, Teigei dieliemia mia sekâ ketsü khoushü tuoü kethakâ, ukâ tsükhou kesha sükä la kijü baya kezhakâ, che, che, che chütuo.

KETSÜKHOU PENGOUU MU SOROUU

- 9 Süsia teigei dielie pengouua khoushütse, sitse teigeinu themvüpuo te kijü tsuketa ngu : mu thekhe kesouthâu
- 2 sabi se puo tsüwa. Tsiu thekhe kesouthâ süu puoa hieshütse, thekhe sünunü mimo chüse shüdi miü khusier kechü tuoü khusier ; sirâ thekhenü mikhu sükä la niaki
- 3 mu ter sibouta. Sitse mikhu sükä nunu kuprie kijü par ; sirâ kijü seba ukâ kekuo kenyi tuoü kuprie burei
- 4 ukâ kekuo nyita. Tsiu ukâ bunu kijü nhapuorei morei gapuorei, morei seibâpuorei, sekehouchüwahienu si, themia uteiklie gei Jihöva mohor tuo kenlokâ rürbei kepu

- 5 zâ. Mu ukâ bu sükâ dukhriwa tuoümo, sirei khrü pengou sükâ pechü tuoü keshüzâ : sirâ seba themia keürâ chüyakezha tuoi, sükâ kepechü rei sümhie tuo.
- 6 Tsiu sikechüki themiakâa kesia pfütuo, sirei puo ngu-lielhâ ; tsiu ukâ siaketa mengutuo, sirei kesia ta ukâ therhietatuo. Sirâ kuprie sükâ rhi ze terhrükegei tuo-üdi kese seketha kier tuoi, mu ukâ, tsü gei, keditsüre suna kemhie pfü kepfü tuoi, mu ukâ zie themia zie tuoi.
- 8 Tsiu thenumia tsütha tuoi ukâ tsütha nyi, mu ukâ hu
9 loshapfü hu tuoi. Tsiu ukâ merürkeya thezhüpie kechü merürkeya pfü tuoi ; mu ukâ shü pfe kier-a bagei shüpfü
- 10 terhrünu vâkezhü pfe tuoi. Mu seba tuoi ukâ rei ukâ mei mu ukâ tha nyi ; tsiu khrü pengou themia pechü
- 11 ketuola ukâ kekuo ukâ mei gei tuo. Kesouthâunu die-lieu ukâ kedi chüya : Ebri dienu puo za Abadon, mu, Grik dienu Apolyon. • •
- 12 Che kechü theriau vâte ; harie, hasia che kechü kenia vâs satâlâ.
- 13 Sûsia teigei dielie sorouua khoushütse, sitse Jihova mhâdzünu keba suna rüsuochüu kiakâ geinu mhapfepuo
- 14 si, pfe süu ketsü se ketha teigei dielie sorouu ki Eufрата rürdiu kiki dieliemia mia dia phapie kebakâ phrei-shüwachie, si. Sitse themiakâ za se chüdi zapuo
- 15 dukhriwa ketuola teigei dieliemia diakâ bu bavüda süu, mu sünhia, mu süu khrü, mu süchie süla kesepfü kebakâ phreishüwata. Tsiu kier gei kesie rüpfünuo lekesie nyie
- 16 ker chü nyie ker rür kechü kenia : a sükâ lekesie si.
- 17 Tsiu aa ngukechü kier sükâ mu sükâ gei ketuokâ ngu-pie hamhie : Ukâ merürkeya mi tuoi, teimezie mu mehe : tsiu kierkâ tsü loshapfü tsü tuoi : mu ukâ me
- 18 nunu mi, mikhu mu mitsie par ; ukâ me nunu kepar mi, mikhu mu mitsie, thepe hakâ sekâpie themiakâ za
- 19 se chüdi zapuo biekhriwa. Tsiu kier sükâ kekuo ukâ menu mu ukâ mei gei tuo ; ukâ mei tinyhü tuoi, mu
- 20 sükâ utsü nyi ; mu sükâ se mha vaya. Thepe hakâpie themia biekhri kepeshakâ, ukâa terhuo kesuokâ, tsiu
- 21 mhangu mu chatuolie kelhâ suna mu raka mu mese mu ketsie mu sei miarhi kerüsuo vawa kekirie la, uthuo
- udzie se kechü mhathâkâ nunu unou kedilie mota ; tsiu ukâa mia kedukhri, morei ukâ themou, ukâ pieü, morei ukâ rügu, hakâ nunu rei ukâ neu kediliemota.

TEIGEIDIELIE KEMECHAKEMEKHRÄU MU LESHÜDA
KECHÜU

- 10 Sūsia kimboa se puo rütsákechü teigei dieliemia kemechakemekhrämia kekrepuo teigeinu keker aa ngu; mu puo tsü gei pfesei japfütuo, puo zie niaki tuoi, puo
- 2 phi mi-châ tuoi; mu puo dzienu leshüdatsü kechüpuo lhapie tuo: mu puo phi puo zatsapie dzükezhanu, mu
- 3 puo vitsapie kijü shülie; mu loshapfü keruo tuoi puoa shiepie puo pfe kemerie chüta: tsü puoa shieshütse, sitse
- 4 teikese theniakâ ukâ pfe chülie. Sirâ teikese theniakâ mhapushütse a thulie tuoü thata: sitharu a teigeinu mhakepupfe hauha si, Teikese theniakâa mhakepukâ
- 5 mohorpie väliechie, mu sükâ thuhiechie. Sūsia dzükezha mu kijü mhâ ketha aa kengu udielieu, puoa puo dzie
- 6 puo zatsa chapie tei petsoudi, teigei mu sünü ketuokâ, tsü kijü mu sünü ketuokâ sirâ dzükezha mu sünü ketuokâ, sükâ petekâ Pelhoukeshüu mu telhe kechachie
- 7 rheituo kezha za se rüseru, keyiesalielhâ üsi: sirei teigei dielie theniaua puo ketsü khoushü tuoü kethaki, sükü Jihova die kesoukâ, puoa puo kituo siadzekesikâ ki
- dieliekevi pukeshü, puo die khakisü chütseitatu. Tsü
- 8 a teigeinu mhapfe kesüa a rüchü ladi a ki, Nâ vâdi dzükezha mu kijü mhâ ketha teigei dielieu dzienu
- 9 leshüdatsü kechü lhapie kethau lieliechie, si. Sitse a teigei dielieu kiki vâdi puo bu leshüdatsü kechüu se a tsünudi pu. Siru puoa a ki, Lieliedi chüliechie: tsü
- hauha nvanu pfütatu, sirei nmenuwe moupie mepfidzü
- 10 mbiezätuo, si. Sitse a teigei dielieu dzie nunu leshüdatsü kechü sünü liepie chülie: tsü sünü a menuwe moupie
- 11 mepfidzü mbiezâ: sirei a chülietatsa a vanu pfüta. Sūsia ukâa ki, Nâ themia, mu seyie, mu die, mu kedi kekra dze siadzekesidie pula morâsuo, si.

ZHAPU MIA KENJA MU KETSÜ KHOU THENIAU

- 11 Sūsia tekhrise mhakemejü sei tuoi kechüpuo pie, a tsü: die ki, Nâ siedi Jihova kersuoki, mu rüsuochü, mu sünü rüsuokezhakâ mejüchie. Sirei kersuoki chazoutsa sahie, mu mejülie: süupie rünakekrekikâ tsüwata kechüla; mu ukâ rünanadi kemesa, khrü hiediaakenia

- 3 kedetuo, si. Tsiu aa a zhapu mia kenia bu gakh râpfe
 4 dziedi zha nyiepuo mu kria kenia di hiesorou siadzekesidie
 5 putuo. Haniaha kijü Niepuu mhâdzü thâya kezha jâlfai
 6 bânia mu mitubounia. Tsiu huomianie unia pechünyü
 7 sierâ, sirâ unia tia nunu mi pardi unia ngumvümia
 8 pekaya; mu kehupuorei unia pechünyü sierâ, sümhiedi
 9 siazâtu. Unia siadzekesidie kepu teikikâ, sükikâ tei bu
 10 rür mo ketuola tei khalie tuoü kechü sünia kekuo nyi:
 11 tsiu unia dzükâ bu thezia mevi, mu thepe kehupuorei bu
 12 kijü pechünyü kesie metsei unia kekuo nyi. Sirâ uniaa
 13 unia zhapu chüthewatse, sitse kesouthâu nunu chüke-
 14 khriekezeiu par unia ze kegeituo mu unia penyüwadi
 15 unia dukhriwatuo. Sitse unia mâ rünanadi puo zathâ
 16 kekrei Sodom mu Ijupt chanu zhütuo; rüna sünu rei
 17 unia Niepu pie krussei geinu gou. Tsiu themia neiü, mu
 18 seyie, mu die, mu themia jat neiükâ dânunu zha se mu
 19 puotie unia mâ mehâ batuo, mu unia mâ pie khruwanu
 20 shülielhâ. Tsiu kijü lhoya kezhakâ unia la uneiphidi
 21 rüzhütuo; mu ukâ mhamethuo pie huoniehüo tsütuo;
 22 siadzekesi sünia kijü rüna chüya kezhakâ bu kemezhie
 23 kechüla. Sirâ zha se mu puotie sia Jihova kinu kerhei-
 24 thesü unia nu letse unia sier thalie: sitse unia mehâ
 25 kethakâ ukâ michiephi ta. Süsia uniaa teigeinu melie
 26 kerneriechü kechü pfe hau unia ki kepu si, Hagei khârlie-
 27 chie. Tsiu unia kemhou geinu teigei khâta, mu unia
 28 ngumvükâ unia mehâ tha. Siru sikechükisü kiükishü
 29 kernerie chüta, siru rünanadiu za ker chüdi za-puo
 30 tsâta: mu kiükishünu themia vukhrikewakâ nyie thenia:
 31 mu keshakâ ukedetthe pfüliedi teigei Jihova tseta.
 32 Chekechü keniau vâte: harie, chekechü seu mha-
 33 vâryia.

- 34 Süsia teigei dielie theniaua khoushütse, sitse teigeinu
 35 mhapfe kernerie kechü hakâha.

Kijü kelhou pete u Niepu mu
 puo Khrista vie chüte:
 tsiu puoa kechachie kedi
 chütuo, isi.

- 36 Sitse Jihova mhâdzünü ukâ kediba gei keba pehü
 37 mepfüadiakâ tsu zerepfüdi Jihova rüsuodi,

Harie, tsiedâ ketuo mu tniadzü ketuo Niepu
 Jihova keküothâu, hie ntseya; nâ nkeküo kezha

- 18 sedi kedi chû. Tsiu themiakâ uneimota, sirei
nnoupfû, mu kesiaka ketsâ ketuo, mu nkituo
siadzekesikâ mu kemesakâ mu nzanu nkhrûprei
kezha kêchû kezha petekâ zhakhra pie tsûketuo,
mu kijû peka kezhakâ peka ketuo, tei tsâ vârte.
- 19 Sûsia teigei keba Jihova kersuoki khrûshû; sitse puo
kersuokinu puo diekhâkeshû bu ngu; tsiu teikemelakâ,
mu mhapfekâ, mu teikeseakâ. mu kiûkishû. mu prû
krû kemerie kechû vâr.

RAZIERAMOUNU KËHOU RÛLI

- 12 Sûsia teigeinu zasi kezhapuo ngu: sîu thenumia-
pfûpuo niaki se kertsâ, mu puo phi khrâ khrû, mu puo
2 tsû gei themvû kerekenia keditsûrepuo; mu puoa nuo-
nîpfû; mu puoa nuopenuo ketuola, nuonuo vachû chû
3 kemezhiephidi ruor tha. Sirâ teigei zasi kekreibuo ngu;
tsiu harie, tinyhû kemerie kezhapuo. puo tsû thenia, mu
4 puo kia ker, mu puo tsûkâ gei keditsûre thenia. Sirâ
puo mei teigei themvûkâ za se chûdi zapuo teshû
kelhoupie kijû shûwa; mu tinyhû sîua thenupfû penuo
• tuoû kethapfû penuoshûtse puo nuo mezulie tuoû ke-
5 chûla thenupfû mhâdzûki tha. Sûsia thenusûpfûa the-
pfumiayâpuo penuolie, sîyâ thezhûthe se themia kelhou
ketuo petekâ kekhatuo; tsiu puo nuo sîyâ toupie Jihova
6 mu puo kedîba nu vârta. Sitse thenusûpfû zha nyiepuo
mu kria kenia di hiesorou sîkâ bu puo theke tuoû
kechûla Jihova puo ba kesepie kezhu razieramo-u nu
tavârta.
- 7 Tsiu teigei terhrûkegei: Mikael mu puo dieliekâa
tinyhûu ze kegeituoûta; sirâ tinyhûu mu puo dieliekâ
8 rei miaze kegeita; sirei ukâ mialhâta, tsiu teigei ukâ ba
9 ngusaljemote. Sûsia tinyhû kezha kelhoupie pekhrâtsa
shûwa: sîu tinyhû kewe, kijû pete se-ketsi kezha,
puo üse Ungumvûdâu mu Satan ükezha; puo kelhoupie
kijû shûwata, mu puo dieliekâ reipie puo sa kelhou-
10 shûwata. Sitse a teigeinu melie kemerie chûdi mhakenu
pfepûasi,
- Chûsia kelakelie mu niepukechû mu kedikechû
Jihova vie, mu kekua-u puo Khrista vie chûte:
teisânhia teizeimetsei Jihova phâdzûnu uzenuokâ

- tha thaya kezha ukethau pie kelhouwa ketala.
- 11 Tsiu ukâa Tekuonuo-u zia la mu ukâ zhapu dieu
la puo penyüliete, mü ukâa upheu khrie momo
- 12 vâ use rei tsâ. Sûla harie teigeikâ, mu niekâ
sünu ketuokâ nie neiliechie. Kijü mu dzükezhawe
che: Ngumvüdâua puo tei dzü kechü sidi puo
nourüpesedi niekâ ki ke ketala.
- 13 Sûsia tinyhüua mia puo kelhoupie kijü shükewa sidi
- 14 thepfunuo miapuo penuo keshüpfü huopeseta. Sirei
thenusüpfü tinyhüu zie ngu kemoranu zâpuoki, zâpuo-
kikâ, mu zâpuoki puotie, puo theke Ketuola puo
puothuo puo tha razieramo-u nu vâta ketuola tsüura-
dipfü shü kenja pie puo tsüwa. Sûsia tinyhüua dzü bu
15 thenupfü zoupfütsulie ketuola puo me nunu kerür-
16 kemhie dzü kepfü puo siashü. Sirei kijüa thenupfü
khruchi; di kijüa mekuoshüdi tinyhüu puo me nunu
17 kerür kepfü keshüu mezulie. Sitse tinyhüu thenupfü gei
puo nourüpe sietadi puoa vâ thenusüpfü seyemja keshâ-
kâ, Jihova die khakeshükâ zeya kezha mu Jisu zhapu
seya kezhakâ ze kegei tuoü ta: tsiu puoa dzükezhâ
huocha gei thata.

KHRISTANGUMVÜU DZE PESI-KESHÜ

- 13 Sûsia aa dzükezha nunu nhachüpuo kepar ngu; puo
kia ker mu puo tsü thenia; mu puo kiakâ gei keditsüre
- 2 ker, tsiu sirâ puo tsükâ gei ketha za tuo. Aa nhachü
kenguu khurhüpfü tuoi, mu puo phi thega phi tuoi, mu
puo tia loshapfü tia tuoi; tsiu tinyhüua puothuo puo
niepukechü, mu puo kediba, mu kekuo kezha kha puo
3 tsü. Sûsia puo tsükâ dânu tsüpuo dukhridapie kezhü-
puo tuoi aa ngu; tsiu dukhridapie kezhü süu chükeme-
nawa: sitse kijü pete nhachü süu rüli lepie ukâ ngâta;
4 mu tinyhüua kekuo kha nhachüu tsükeshü la, ukâa
puo rüsuota; sirâ ukâa nhachüu rüsuodi, Suopuonie
nhachüu mhieta, mu suopuonie puoze kegeilie vita?
5 sita. Sirâ diezhakâ mu kethakâ kepu tia se puo tsü-
wata; tsiu puo bu khrü hiediaa-kenja sizâ bapüü kekuo
6 kha puo tsüwata. Sitse puoa Jihova gei kethadie se
puo za, mu puo rüsuoki, mu teigei ketuokâ thatuoü
tiagasielie. Tsiu puo bu kemesakâ ze kegeinu mu sükâ

- 7 penyülienu shüwata : tsiu seyie pedekējūkâ, mu themia.
mu die, mu themia ukedi kenye pedekējūkâ mhâ kekuo
8 kha puo tsüwata. Sitse kijü chülietsenu dukhrikewa
Tekuonuo-u kerheiprü leshüdanu uza thuliekemo kijü
9 rüna chüya kezha petekâa puo rüsuotuo. Themia
kehupuorei unyie kenymia, sümia bu rünyüliechie.
10 Themia kehupuorei mia tepie kodie chünyürâ, sümia ke-
diekechünu 'vâtu : themia kehupuorei zhiechapie mia
dukhrirâ, sümia mia bu zhiechapie puo dukhrituo. Sü-
sü kemesakâ shügesühie kechü mu kepele ba.
- 11 Süsia aa kijünu nhachü kekreibuo kepar ngu ; sirâ
puoa tekunuo tuoi puo kia kenya nyi, mu puoa tinyhü
12 tuoi diepu. Tsiu puoa nhachü keriau mhâdzünunu puo
kekuo petekâ se. Mu kijü mu sünu ketuokâ bu puo
dukhridapie kezhü chükemenekewa unhachü keriau rü-
13 suoshü. Sirâ puoa zäsi kezha chüpie mia kia, sidi the-
mia mhâdzü nunu puoa teigeinu mi bu rei kijü tsur.
14 Sidi nhachüu mhâdzü nunu puo bu zäsi chüpie mia kia-
nu kewala puoa kijü mhâgei rüna chüketuokâ seketsi-
tuo, sidi unhachü zhiecha bu puo duwazârei rheikelieu
kemhie miarhi chülienudi kijü mhâgei rüna chüketuokâ
15 'ki puta. Tsiu nhachü miarhiu bu diepulie, mu nhachü
miarhiu rüsuoyakemo khekâ dukhriwa ketuola, puo bu
16 nhachü miarhiu keha khasünu shüwa. Sitse puoa
kechü mu kezha, kenye mu kejü, kediekemo mu kodie,
petekâ ukâ 'dzie ukâ zatsa morei ukâ teikhie gei zäsi
17 chüshüwa ; tsiu zäsi süu kepfü, nhachüu za morei puo za
nâmbor kepfükâ sia miapuorei bu mhakhrü morei zeli-
18 lhâta. Hauha mhakesi ba. Kehupuorei mhakesimia,
sümia bu unhachüu nâmbor phrühie ; süsü themia
nâmbor eru : mu puo nâmbor kria sorou di hiesoroua-
sorou.

KELALIEKETAKÂ MIA KI KUOLIE KETUO

- 14 Sirâ süsia aa mhangu, mu harie, Tekuonuo-u Sion
kijü/hou gei tha, mu uteikhie gei puo za mu puo ~~Puo~~ za
thukēpfü mia nyie kriapuodi hiediaa-dia puo ze tha.
2 Tsiu aa teigei nu dzükekra pfe mhie kechü mu teise
kemerie kechü pfe mhie kechü mhapfepuo si : mu aa
3 mhapfe kesiu kithar kekhokâa ukthar kekhou tuoi : sirâ

ukâa kedibau mhâdzünu mu khunuo kerhei diakâ mu pehükâ mhâdzünu tsalicha kesa tuoi kechüpuo chielitha : tsiu kijünu urhakelie mia nyie kriapuodi hiediaa-diakâ sia mia kekreamia puorei tsalicha süu chülielhâta.

- 4 Hakâha phousemia kechüla ukâ thenumia ze u vaperhumo. Hakâha Tekuonuo-u kehurapuo vâ rei puo siamedziya kezhakâ. Hakâha Jihova mu Tekuonuo-u si
5 theria chütuoüdi themiakâ dânunu ukâ rhalfe. Sirâ ukâ me nunu ketijü puorei nguliemo : mia ukâ chiewalie kelhâkâ.

- 6 Süsia aa tei meluo nunu teigei dielie kekreibuo pruo-
tuo ngu : puoa kijü mhâgei rüna chüketuokâ, mu ukedi
7 kenyi mu seyie, mu die, mu themia pedekejükâ ki shieshü
tuoüdi kechachie dieliekeviu sedi puo pfe kemerie chüdi
Jihova khrüpreilie mu puo tselie : puoa ketsâkechü tei
tsâteru ; tsiu tei mu kijü, mu dzükezha mu dzümhidzürkâ
chükeshüu rüsuoliechie, si.

- 8 Tsiu kekreibuo, teigei dielie keniau, vârdi, Babel rüna
kezhapfü, puo pieü noupfüzupie rüna petekâ diekeshü-
pfü, kate, kate ! si.

- 9 Süsia kekreibuo, teigei dielie useu, ukâ sianu vârdi
melie puo pfe kemeriechüdi, Themia kehupuorei unha-
chüu mu puo miarhi rüsuu, mu puo teikhie gei morei
10 puo dzie gei zasi serâ, puo rei Jihova noupfü hieu nu
puo noupfüzu mhapie reimodi chüpie kebau kriatuo ;
tsiu teigei dielie kemesakâ mhâdzünu mu Tekuonuo-u
11 mhâdzünu rei mi mu mitsie se puo pechütuo : tsiu ukâ
kepechü mikhuu kechachie khusieya ; mu unhachüu mu
puo miarhi kersuokâ, mu themia kehupuorei puo za
zasi kesekâ teisânhia teizeimetsei ukâ kerülei puorei jü.
12 Hauha Jihova die khakeshükâ seya kezha mu Jisu
kepele seya kezha kemesakâ kegekechü ba, si.

- 13 Süsia aa teigeinu mhapfepuo siru, Thuliechie : Tsieya-
winu Niepuu nu tuodi siaketakâ ruokuo thâ ; si : Uwe,
Ruopfüua puya, sükâ ukâ mhathâkâ nunu rüleitatuo ;
ukâ mhathâkâ ukâ zevärtieru.

- 14 Süsia aa mhangu, mu harie, kemhou kekrapuo ; mu
kemhou mhâ themia nuo tuoi kechüpuo, puo tsiu gei
suna kreditsüre pfü, mu puo dzienu zupfinuo puo ü
15 hekechüpuo se ba. Süsia teigei dielie kekreibuo rüsu-
ki nunu par, di kemhou mhâ kebau ki melie puo pfe

- kemeriechüdi shieshü, Nzupfinuo chüshüdi reliechie :
 16 lie kere tei vârteru; kifü lha metâteru. Tsiu kemhou
 mhâ kebaua puo zupfinuo khapie kifü shü, di kifüu relie.
 17 Süsia teigei Kersuoki nunu teigei dieliemia kekreipuo
 18 par, puo rei zupfinuo puo ü hekechüpuo setuo. Tsiu
 teigei dieliemia kekrei, mi mhâ kekuo keseu, rüsuobau
 geinu par, sirâ puoa melie puo pfe kemerie chüdi zu-
 pfinuo puo ü hekechü sekethau kiedi, Nzupfinuo puo
 ü hekechüu khashüdi kifü khuobesi phrâkâ pfü kengu-
 19 liechie; Khuobesikâ melâtsâteru, si. Sitse teigei dielie-
 ua puo zupfinuo kha kifü shüdi kifü khuobekâ pfü-
 kenguliedi kelhoupie Jihova noupfü khuobedzü kethebou
 20 kezau nu shüwa. Sidi rünanadiu chasianu khuobedzü
 kethebouu kedewatse khuobedzü kethebouu nunu thezia
 pardi chüzhü kier me kedou rükrie chiedi maildâ kria
 kenia chie vâta.
- •

KHRÜVA ÜSE KECHÜ DZÜKEZHOU MU THEPE THENIA
 THELATHÂKÂ

- 15 Süsia aa teigeinu zasi kekreipuo ngu, zha mu ungâzâ
 • 'kechüpuo, teigei dieliemia theniaa thepe theniakâ se
 ketha: sükâ thepe thelakâ; sükâ geinu Jihova noupfüu
 tseilietuo.
- 2 Süsia aa mipie kereidi khrüva üse kechü dzükezha
 kemhiepue ngu: tsiu unhachüu mu puo miarhi, mu puo
 za nâmborkâ penyükeliekâa Jihova kitharkâ sedi
 3 khrüva dzükezha khie tha ngu. Tsiu ukâa Jihova
 kituo-u Mosa tsalicha, mu Tekuonuo-u tsalicha kie
 chielidi :
- 4 Harie, Niepu Jihova kekuothâu, nmhathâkâ
 sü zha mu ungâzâlie; nzhâkâ sü kethâ mu
 mezhü, kechachie kediu nâ. Suoponie nkhrü-
 • prei mota, Niepu mu nza tsemotatuo ga? Nâsü
 Kemesau ze; themianuo petekâ nmhâdzünu
 vârdi nrüsuotuo; nmhathâ kemezhükâ pie mia
 pesishüwateru.
- 5 Tsiu hakâ sia aa mhangu, mu teigei zhapupfeki rüshü-
 6 kiu khrülie: Sirâ rüsuokiu nunu teigei dieliemia mia
 theniaa ketsie mesapie phrie phrie kechü se kertsâ, mu
 suna chiecha pie umer chanfüdi thepe thenia se par.

- 7 Tsiu khunuo kerhei diakâ puoa kechachie rheituo kezha
 Jihova noupfü üse tsu kechü suna hiekhou thenia se
 8 teigei dieliemia theniakâ tsü. Mu rüsuokiu Jihova
 kezieratsa mu puo niepukechü geinu 'khukepar se tsuta ;
 tsiu teigei dieliemia mia theniakâ thepe theniakâ
 chütsei shüwa kemochie, miapuorei rüsuokinu lelielhâta.

HIEKHOU RUPIE KIJÜ SHÜ KESHUKA

- 16 Süsia kersuokiu nunu mhapfe meyiemeüo kechüpuo
 teigei dieliemia mia theniakâ ki kepu aa si, Niekâ vâdi
 Jihova noupfü hiekhou theniakâ rupie kijü shüchie, si.
 2 Süsia keriaua vâdi puo hiekhou rupie kijü shü ; tsiu
 unhachüu zasi kese mu puo miarhi kersuo themiakâ gei
 chüpie kechüpfü kerütse chüta.
 3 Tsiu süsia keniau puo hiekhou rupie dzäkezhanu shü ;
 sitse süu kesiamia zia kembie chüta ; mu dzükezhanu
 ketuo mhakemele petekâ siata.
 4 Süsia useu puo hiekhou rupie kerürkâ mu dzümhidzür-
 5 kâ nu shü ; sitse sükâ thezia chüta. Tsiu dzükâ die-
 lieua die hakepu aa si, Nâ tsiedâ rei thiadzürei ketuo-u.
 6 nâ kemiathâu mu kemesau, nâ chidi ketsâ eru : hakâha
 kemesakâ mu siadzekesikâ zia bu kru, mu süla nâ
 7 theziapie ukâ diea : ukâa sisü. Tsiu rüsuochüu die
 hakepu aa si, Uwe, harie Niepu Jihova kekuothâu
 nâ mia ketsâ kechü diekâ kethâ mu mezhü.
 8 Tsiu süsia udiaua puo hiekhou rupie niaki mbâ shü ;
 9 mu puo bu mipie themiakâ thepechü nushü. Sitse
 themiakâ lese kechü se u thiepfüdi, sidi thepe hakâ mhâ
 kekueo kebau Jihova za thata ; sidi unoukedipie puo
 za pu kemeyie mvüta.
 10 Süsia pengua puo hiekhou rupie nhachüu kediba gei
 shü ; tsiu puo kedikechü zeibouta, mu ukâ kechü la
 11 ukâ thuo ukâ mhiü tata ; sidi ukâ kechü mu ukâ kechü-
 pfükâ la teigei ketuo Jihova thata, tsiu ukâ mhathâkâ
 nunu ukâ noukedilie mota.
 12 Süsia sorouua puo hiekhou rupie kerür rüdiu, Eufрата
 mhâshü ; sidi niethutsatie kedikâ cha kese ketuola dzü
 13 sünu bu sâta. Tsiu aa tinyhüu tia nunu mu nhachüu tia
 nunu mu kechürüsiadzekesiu tia nunu kerhu ruopfü se
 14 theüüu mhiadi pangü : sükâ terhuo kesuokâ ruopfükâ

- ungâ mhathâ'chûkezhakâ ; ukâa kekuothâu üihova zha kezhanhia terhrûkegei kechûnu kijü petenu kedikâ pfü kengu kētuola sükâ ki praya. (Harie, aa kergumia kevâr mhie vâryia. Themia kehupuorei methuo tuomo ketuo mu mia bu puo kemenga ngumo ketuola puo pfe-neikâ kete sedi pfeba keliemia ruokuothâ.) Sûsia sükâ pfükengûze Ibri dienu Harmagedon ükechü thechûpuo nu vâta.
- 17 Tsiu theniaua puo hiekhôu rupie teinu shü ; tsiu ker-suokinü mu kedibau nunu mhapfe meyiemeluo kechû-
 18 puo par, Chüliete, si : sitse teimela mu mhapfe mu teise vâr ; tsiu kijü mhâgei themia lhokelie sia kiükishü kere zha sikechü sier kemo pfüchü kiükishü shüdi shüta.
- 19 Sirâ rûnanadi kezhapfü kezapie za se chüwa, tsiu rûna kekrekâ nadikâ kata : mu Jihova noupfü ngumeriezâ kechü zu kemhia hieupie Babel kezhapfü dietuoü kechü
 20 Jihova rûkralie. Sirâ kijürüchûtsâkemo pedekejükâ
 21 tata, mu kijüthoukâ nguliemota. Tsiu prü zhapie mâm puotie mesi dede kechü teigeinu krür themiakâ gei tsur : sitse prükrür tsur kechü thepeu la themiakâ Jihova thata ; thepe süsü rethâr eru.

DIE KESOU BABEL KEZHAPFÜ

- 17 Sûsia hiekhôu thenia se ketha teigei dielie theniakâ miapuoâ vâr aze kerchüdi, Haki phirchio, dzü kekra mhâ baya kezha thethenu kezhapfü siazha a se npekia-shütuo ; kijünu kedikâa puo ze kekhrîeya, mu puo pieü zupie kijünu rûna chüya kezhakâ diekemezewate,
 2 si. Tsiu puoâ Ruopfü nunu a toupie razieramopuo nu vâta : sitse ketha za se tsukepfü, mu puo tsü thenia mu puo kia ker kenyi, nhachü meriehara kechûpuo gei thenumiapfüpuo keba ngu. Sirâ thenusüpfüa pfe meriënege mu meriehara kechü se kertsâ, mu suna tsiu chü puoma kere, mu mukut pfü rei se kertsâ, mu puo dzienu suna hie puo pieü kerhukâ mu kerûtse kechükâ se
 5 tsukepfüpuo se, mu puo teikhie gei theza, DIE KESOU, BABEL KEZHAPFÜ, IIECHÜ KIJÜNU KERÛTSE KECHÜKÂ MU
 6 THETHENUKÂ ZUOPFÜ thupfütuo. Sûsia thenusüpfüa kemesakâ zia, mu Jisu zhapuya kezhakâ zia kria mezetuo aa ngu. Tsiu aa puo kenguki ngâpie a ngâda pfümo.

- 7 Sitse teigei dielieu aiki, Nâ kiüdi nngâ ga? A thenupfû
rûli die kesouu, mu puo toupfû ketuo unhachü, puo tsü
thenia mu puo kia ker kenyu, dze aa se nki pushütuo.
- 8 Unhachü, nâa kenguu, tuo ru tuomo late; sirei kesou-
thâu nunu pardi kekanu vâtuou bate. Sirâ kijü chülietse
nunu kerheiprü leshüda nu uza thuliekemq kijü mhâgei
rüna chüya kezhakâ unhachüu tuoru, tuomolata, sirei
- 9 lavâr ketuo ngutse ukâa ukâ ngâtu. Haüha udâ kenyi
zhazeru: Tsü theniakâsü kijüthou theniakâ zâ: sükâ
10 gei thenupfûa ba; mu sükâsü kedi theniakâ rei zâ:
pengoukâ jüte, mu puoa ba, kekreiua siermoluo; tsiu
11 puoa sier tse keduokipuo keba zâtu. Sirâ nhachüu
tuodi tuomola ketau rei si; puo sa thethau, sirei thenia-
12 kâ nunu; tsiu puoa kekanu vâtatuo. Süsia nâa kengu
kia kerkâ kedi ker kedi chülie moluo kechükâ; sirei
ukâa unhachüu ze bavüdâpuo kedikechü këkuo ngulie-
13 tieya. Hakâha noupuo se, sirâ ukâa ukâ niepukechü mu
14 ukâ kekuo kha nhachüu tsütieya. Hakâha Tekuonuo-u
ze kegeitieya, mu Tekuonuo-u bu ukâ penyülietuo, puoa
niepukâ mhâ Niepu mu kedikâ mhâ Kedi ze eru; mu
puo ze ketuo kiekeli mu kedakeli, mu kediethâkâ
15 rei puo ze sükâ penyülietuo. Sirâ puo aki, Nâa dzü the-
thenupfû puo mhâgei keba kengukâ, sükâ themiakâ, mu
themia krâkâ, mu themia ukedi kenjikâ, mu diekâ.
- 16 Tsiu nâ kengu kia kerkâ mu nhachüu, sükâsü thethenu-
pfümechütuo, mu puo biepefû mu bie kemethuowatuo, di
17 puo chü chütuo, mu mipie puo thewatuo. Jihova
diekâ tseilie kemochie puo medâ chütuoü kechüla ukâ
bu noupuo chüdi ukâ kedikechü kha nhachüu tsünudi
18 Jihova ukâ nou chüshü. Tsiu thenu nâ puo kengu
pfûa kijünu kedikâ kekha, kezha rünanadi kezhapfû,
si.

BABEL KEZHAPFÜ KAKETA

- 18 Mha hakâha sia aa teigei dieliemia kekrei puo, teigeinu
kekuo kezha sedi keker ngu; tsiu puo kezieratsa se
2 kijü vazezielie. Sirâ puoa shie rükriekradi, Babel
kezhapfû kate, kate, mu terhu kesuo ba, mu kerhu
ruopfû pedekejükâ dieki, mu pera kerhu tsiu kerütsekechü
3 pedekejükâ ruo chüte. Mhakekrei lant, puo pieü nou-
pfüzu la themia potêkâ kate, mu kijüu kedikâ puo ze

pieü chüta, tsiu kijünu lhithâkâ puo melhakere kinyi la
mhanyita kechûla, si.

- 4 Süsia aa teigeinu mhapfe kekreibuo siru, Harie a the-
miakâ, nickâa puo kephumakâ puo ze chümolie ketuola,
mu thepe chü puo vakechükâ niekâ ngumolie ketuola
- 5 puo kinu parliechie : puo kephumakâ khâ tei tsâte, mu
- 6 Jihova süpfü kesuokechükâ rûkraba ketala. Pua mia
zha chüpfie mia ketsü tuoi puo zha rei chü puo tsüchie,
mu puo mhathâ puo deü puo de sakeshü khekisüchü
shüchie ; mu uhie nu puo pie reikeshü puo depie puo de
- 7 sashüi. Puo puothuo puo tse kechü mu puo melha
kinyi kruokelie de kepechü mu kekra süde se puo tsü-
chie : puoa puothuo puo nounu, Aa kedimiapfü chü-
baya, mu aa thenu samimiapuo moru, a kekra ngukelie
- 8 pfüpuo tenyümu, sikechûla. Süla kesia mu kekra mu
pekrie kechü thepe puo vaketuo hakâha khunhiava chu-
vartuo ; tsiu mi bu puo thepouwatuo ; puo ketsâkechü
- 9 Niepuu Jihova kuo eru. Tsiu kijü nu kedi puoze pieü
chüdi puo ze lhou kesuo theguo kechükâ puo the kechü
- 10 mikhu ngutse ukâ puo krükratuo, mu puo pechü kechü
keprei la ratsa thadi, Hou ! che ! che ! Babel rûnanadi
kezhapfü, nadi kekuopfü ! Bavüdâpuonu nketsâ kechü
- 11 vârteru, si. Tsiu kijünu lhithâkâ puo krükra bate,
- 12 miapuorei ukâ lhi khrüya moteru ; ulhi sükâ suna, shü-
kei raka, mu ketsie puo ma kerepfü, mu mukutpfü,
mu linen pfe puo lâ kemese pfü, mu meriemege kechü
pfepfü, mu loutsapfe, mu pfe meriehara kechüpfü,
mu sei rekethengu pedekejükâ, mu tehie mekhou sei puo
ma kerethâpfü mu mese mu thezhü mu marbel tsiepfü
- 13 sekechü khekâ ; tsiu seichü, mu mâshola, mu tehoutsa,
mu tier rekevüpfü, mu dhunatsapfü, mu khuobedzü
mu tier, mu thou kememhiöpfü, mu thoulha, mu mithu,
mu, tekuo ; mu kier, mu bagei, mu kedie, mu themia
- 14 phoulhikâ. Tsiu nhasi nruopfüa mengu kezhakâ jü
ntherhiete, sirâ mhachükevikâ mu kelhekâ ka nthe-
rhiete, sirâ themia bu sükâ ngu salielhâ zâte. Hakâha
- 15 se thelhi chüdi puo la mhanyi keliekâ puo kepechü prei
- 16 kechûla krükradi kepechienu thadi, Hou ! rûnanadi
kezhapfü, linen pfe puo lâ kemese pfü, mu meriemege ke-
chüpfü, mu pfe meriehara kechüpfü se kerütsâ kechü mu
suna mu ketsie puo ma kerepfü, mu mukutpfü se kerütsâ

- 17 kechüpfü; che, che! bavüdâpuo nunu kinyi hathede kaketa ha, situo. Tsiu rou kethu kezha khekā, mu dzü-kezha nunu uva kra chütuo kezha khekā, mu dzükezha nu rou ze luki haki vâya kezhakâ, mu dzükezhanu mahkam chükezha khekā, ratsa thadi puo thekechü mikhu
- 18 ngutse ukâa shiekhoudi, Rüna kikechüpuonie rünanadi
- 19 kezhapfü mhieta? si. Tsiu ukâa nyâphe kelhoupie ukâthuo ukâ tsü gei shüdi, krükra shiekhoudi, Hou! rünanadi kezhapfü, dzükezhanu rou sekezha petekâ puo vie puo ma kerekâ la mhanyilie, rünasüpfü che, che! bavü-
- 20 dâpuo nu puo chüpejükwewa ha, si. Harie tei, mu kemesakâ, mu apostelkâ mu siadzekekikâ, puo rüli la niekâ neiliechie; Jihova niekâ ketsâ kechü se puo ketsâwa ketala, si.
- 21 Süsia teigei dielie kekuomiapuo ketsie, mhakegetsie kezha kemhiepuo, chü kelhoupie dzükezhanu shüdi, Hidi Babel rünanadi kezhapfü kemvüchü puo kelhoupie shü-
- 22 watuo, mu puo nguchie motatuo. Tsiu kithar khouya kezhamia, mu ükechümia, mu luou kekhoumia, mu ketsü kekhoumia pfe ndânunu si salielhâte: mu mhakehupuorei chüsikechümia ndânunu ngulalielhâte, mu mha;
- 23 kegetsie se mhakege pfe ndânunu sisalielhâte; sirâ mitukezie ndânu ziesa motatatuo; tsiu ndânu yasa mu yasapfü pfe sisalielhâ zâ: nhithakâ kijünu kedikâ zeru;
- 24 nthemouü themia lhou ketuo petekâ sewateru. si. Tsiu rüna sünunu siadzekekikâ mu kemesakâ mü kijü nunu dukhrikewa petekâ zia nguliete.

19 Mahakâ sia aa teigeinu themia krâdipuo upfe keme-rie kechüpuo tuoidi mhapu kechü siru,

- Haleluya; kelakelie, mu zapu, mu niepu kechü
- 2 Jihova vie zâ; puo mia ketsâ kechü diekâ kethâ mu mezhü zeru; puoa thethenu kezhapfü, puo pieü se kijü pesuo kewapfü ketsâwate, mu süpfü dzienunu puoa puo kituokâ zia khepuwate ru, si.
- 3 Süsia va keniauva ukâa. Haleluya, si. Tsiu süpfü
- 4 mikhu kechachie khusiezhü zâtê. Sirâ pehü nepfua-diakâ mu khunuo kerhei diakâ zeretsu kedibau gei
- 5 keba Jihova rüsuodi, Amen. Haleluya: si. Süsia kedibau nunu mahpfeppardi.

Jihova kituo petekâ puo khrüprei kezha, kechü-
kâ rei kezhakâ rei, niekâa Jihova tsechie,
si.

- 6 Tsiu aa themia krâdi pfe mhie kechü, mu dzüekkra
pfe mhie kechü, mu teise se kechü pfe mhie kechüpuo
siru,

- 7 Haleluya: Niepuu, Jihova Kuokejâkejüu dite.
Khe, ukâ unei mu unoumvüselie khe tsiu ukâ
puo tselie khe: Tekuonuo-u kiyakechü tei tsâte,
mu puo kînîa puo thuo puo keselie, ketala.
8 Sirâ puo bu linen pfe puo lâ kemesa, kemeva mu
kemesa pfü se puo ketsâlie nushü: linen pfe puo
lâ kemesepfûa kemesakâ mhathâ kemezhükâ
zeru, si.

- 9 Süsia puoa a ki, Thuliechie, Tekuonuo-u kiyake chü
henu kiepie baketakâ ruokuothâ, si. Süsia rei puoa a
10 ki, Hakahâ Jihova die zâ kethâ. Süsia aa puo rüsuo
tuöüdi puo phinu zeretsu, sitse puoa a ki, Menuolie,
nâ chihie: a rei nze mu nzenuokâ, Jisu zhapu seya
kezhakâ ze mia kituo puo zâ: Jihova rüsüolie-
chie: Jisu zhapu kechüa siadzekesi die kepu nou kepfü
zeru.

- 11 Süsia aa tei kâkeshü ngu; tsiu harie, kier kekrapu,
mu puo gei kebau üse Kediethâ mu Kethâ üya; tsiu
12 puoa kemezhüü dienza kechü mu terhrü kegeiya. Tsiu
puo mhi miü, mu puo tsü gei keditsüre kekra; sirâ puoa
theza puo thupfü, süu puo rürbei sia miakekrei miapuo-
13 rei simo. Tsiu puoa pfemenei thezia kegepie va kechü
14 puo se kertsâ: sirâ puo za üse Jihova dieu thâ. Tsiu
teigei ketuo rüpfünuokâ, linen pfe puo lâ kemesepfü,
kekra mu kemesa se kier kra kechükâ geinu puo
15 siamedzita. Sitse puo tia nunu puoa se themiakâ du
ketuo la zhiecha puo ü hekechüpuo par: sirâ puoa the-
zhüthe se sükâ kekha tuo; tsiu puoa Kuokejâkejüu
Jihova noupfü umiakemehou kechüu khuobedzü ke-
16 thebouu kedewaya. Tsiu puoa puo pfenei gei mu puo dâ
gei theza, KEDIKÂ KEDI MU NIEPUKÂ NIEPU ükechüpuo
thupfütuu.

- 17 Süsia aa teigei diefiemiapuo niaki gei ketha ngu; tsiu
puoa puo pfe meyiemeluodi pera pruo tei meluo nu ketuo
18 petekâ ki, Niekâa kedikâ chü, mu rüpfünuo mhâ kezha-

- kâ chü, mu themia kekuokâ chü, mu kjerkâ mu sükâ gei ketuokâ chü, mu themia miadie chükemo mu miadie kechü, kechü kezha petekâ chü chüketuola, vârdi Jihova
 19 he kezha nu kenguliechie, idi pu. Süsia nhachüu, mu kijünu kedikâ, mu ukâ rüpfünüokâ kier gei kebau mu
 20 puo rüpfünüo ze kegei tuoü vâ kengulie aa ngu. Tsiu unhachüu telie, mu ketijü siadzekesiu, puq. mhingukinu zasikâ chüpie unhachüu zasi ngukeliekâ mu puo miarhi kersuokâ sekelieu rei sa; unia keninia perhei kelhoupie
 21 mitsie pfüpie thepie kezhu miziau nu shüwa, sirâ keshakâwe kier gei kebau tia nunu zhiecha kepar-u pie dukhriwa: tsiu pera petekâ sükâ chü chüpevülie.

TEICHIE NYIEPUO MU DIENYA THELATHÂU

- 20 Süsia aa teigei dieliemiapuo thekhe kesouthâu sabi mu puo dzienu thezhürâ kezha puo sedi teigeinu keke-
 2 ngu. Tsiu puoa tinyhüu, tinyhü keweü, süu Ungumvür
 3 dâu mu Satan, teliedi chie nyiepuo puo phapie bata, sidi puo kelhoupie thekhe kesouthâu nu shüwadi, khawadi, puo mhâ mohor vüwa, puo chie nyiepuo tseilie kemochie themiakâ se samo ketuola: hasia keduoyâkipuo puo phreishütuo.
 4 Süsia aa kediba krâpuo ngu, tsiu mia sükâ gei ba, sirâ ukâ bu dienya kechü nushü: tsiu Jisu zhapu la mu Jihova die la utsü ziekewakâ, mu unhachüu mu puo miarhi rei rüsuokemokâ, mu uteikhie gei mu udzie gei puo zasi sekemokâ ruopfükâ aa ngu; tsiu ukâ rheiliedi
 5 chie nyiepuo Khrista ze kedi chü. (Kesiamia keshakâwe uteichie nyiepuosü tseilikemochie rheilie mo.)
 6 Hauha rheilakesie theriau. Themia kehupuorei rheilakesie theriau nu uya kenyimä kemesa mu ruokuothâ: sükâ mhâ kesia keniau puo kekua jü; sizâmonyü ukâa Jihova mu Khrista mevâkâ chüsa tuo, tsiu chia nyiepuo puo ze dituo.
 7 Tsiu teichie nyiepuosü tseitatsé kediéki süu nunu Satan phreishütuo, sidi kijü kediakâ nu keba themiakâ,
 8 Gog mu Magog, seliedi sükâ pfükengu ze terhrüu vârtuoüdi partuo: sükâ lekesie dzükezhanu huochâ mhiei
 9 Tsiu ukâa kijü zhaze vâdi kemesakâ rübachü mür rüna-nadi uneithâu houpfülie: sirâ teigeinu mi tsurdi sükâ

- 10 pekawa. Tsiu ukâ kese Ungumvüdâu kelhoupie mi mu mitsie zianu shüwa, sünusü nhachüu mu siadzekesi keti-jüu rei ba ; sirâ teisânhia mu teizeimetsei kechachie ukâ pechtüü.
- 11 Tsiu aa kédiba kekra kezhapuo ngu, mu sügei kebau mhingukinu tei mu kijü tata ; tsiu unia ba ngulalie
- 12 mota. Sirâ aa kesiamia, kechü mu kezhakâ, kedibau mhâdzüu ketha ngu ; süsia leshüda huo lhalie : mu leshüda kekrei puo lhalie, süu kerheiprü leshüda : tsiu kesiakâ mhathâ khekisüchü leshüdakâ nu thupie kezthü-
- 13 kâ se ukâ dienya kechü. Sitse dzükezhaua kesiamia puo nu ketuokâ khashü : mu kesia mu kesiamiarüna kesiamia unia nu ketuokâ khashü ; sirâ themia pedekejüka mha-
- 14 thâ khekisüchü ukâ dienya kechü. Süsia kesia mu kesiamiarüna unia kelhoupie mizianu shüwa. Mizia hauha
- 15 kesia keniau. Tsiu kehupuorei kerheiprü leshüda nu puo za*thauzhü nguliekemo-u, süu kelhoupie mizianu shüwa.

MHA PETEKÂ CHÜKESAWA KECHÜ

- 21 Süsia aa tei kesapuo mu kijü kesapuo ngu ; tei keriau mu kijü keriau jüteri ; tsiu dzükezhau ; rei basamote.
- 2 Mu aa rünanadi kemesa, Jirusalem kesau, yasapfü kertsâ dâjü se, puo nupfu ki kevâtuoi teigei Jihova kinu
- 3 keker ngu. Sitse aa kediba nunu mhapfe meyiemeluo kechüpuo siru, Harie Jihova pruu themia ze bate tsiu puoa ukâ dânu batuo, sirâ ukâa puo miakâ chütatuo, tsiu Jihova puo thuo ukâ ze badi ukâ Jihova chütatuo :
- 4 mu puoa ukâ mhi geinu ukâ mhidzü pedekejüka süwatuo ; tsiu sünu kesia jüzâtuo ; unoumezhe, morei
- 5 kra, morei chü rei salielhâ : mha keriakâ jüte, si. Süsia kedibau gei Kebaua, Harie, aa mhapetekâ chükesawayia. Tsiu puoa, Thulie : dié hakâha diethâ mu kethâwe, si.
- 6 Sizâ monyü puoa aki, Chüliete Aa Alfa mu Omega, Keriau mu Kenuo-u. Aa kerheiprü dzüluo nunu methuopie
- 7 terhrüya kezhamia tsütuo. Themia kehupuorei kuolieya kezhamia mhaakâ welietuo ; tsiu aa puo Jihova chülie-
- 8 •tuo, mu puoa a nuochütatuo. Derei umeloukesuomia, mu*pelekemvükâ, mu kertsekechü chüya kezhakâ, mu miakedukhrikâ, mu pietükâ, mu themouya kezhakâ, mu miarhi kersuakâ, mu tijüya kezha petekâwe mitsie mu

mi tukezhü ziau nu ukâ ya ngulietuo ; süu kesia keniau, si.

- 9 Tsiu hiekhau thenia kese thepe thenia thelakâ se tsu kepfü teigei dieliemia theniakâ miapuo var ; mu puoa aze kerchüru, Hatsa phirle, aa yasa Tekuonuo-u kimia-
- 10 pfü thapie nkiatuo, si. Sidi puoa Ruopfü nunu a tou-
pie kijüthou kezha kerkriepuo gei vâ di teigei Jihova
kinu Jihova kezieratsa se keker, Jirusafem rüpanadi
- 11 kemesapfü thapie a kia ; puo keziea kôtsie puo ma
kerethâpfü, jasper tsiepfü tuoi, kristalkhrüvapfü keme-
chie tuoi : puo dahou zha mu rükrie ; puo kharu
- 12 kerekenia, mu kharukâ nu teigei dieliemia kerekenia ;
mu sükâ gei theza krâpuo thupie ba, sükâ Israel nuo-
nuokâ seyie kerekenia za : niethutsatie kharu se ; tsiu
- 13 pékhrâtsatie kharu se ; mu pesâtsatie kharu se ; mu
niekratsatie kharu se. Tsiu rünanadi dahou puo mvüdze
kerekenia, mu sükâ gei Teluquuo-u apostelkâ kere-
- 15 kenia za kerekenia ba. Sirâ aze kerchü kechüua rüna-
nadipfü mu puo kharukâ, mu puo dahou mejü ketuola
suna üse kechü kemejü thepuo se. Tsiu rünanadiu ke
- 16 diakâ kethede, mu puo cha rei puo zha rei kethede : mu
puoa puothe üse rünanadipfü mejüru, maildâ kriakere-
pengu : puo cha, mu puo zha, mu puo rükrie ketou za.
- 17 Sirâ puoa dahou mejüru, themia kemejü süüstü teigei die-
liemia kemejü tuoi, thu kria mu hiediaa-dia. Tsiu puo
- 18 dahou jasperpfü pie chü : mu rünanadipfüwe suna mesa-
pie khrüva kemechie mhie kechü se chü. Rünanadipfü
- 19 dahou mvüddekâ ketsie puo makere neiüpfü se ketsâ.
Puo mvü keriau jasperpfü, keniau safir, nseu kalkedon,
- 20 udiau emral, upengouu sardon, sorouu sardiu, theniau
krisoli, thethau beril, thepfüu topas, ker-u krisopas, kere-
puokrüu hiasin, kerekeniau ametis. Tsiu kharu kere-
- 21 keniakâa mukut kerekenia ; kharu khékâ mukut puo-
puo ; mu rünanadipfü cha suna mesapie khrüva, kemesa
mhangukhrâza kechü pfü mhie kechü se chü. Sirâ aa
- 22 kersuoki puorei sünu ba ngumo : Niepu Jihova petekâ
mhâ Kuokejâjükechüu mu Tekuo nuo-ua sünu rü-
- 23 suoki zâ. Mu rünanadipfü niaki mu khrü bu puo vaze-
ziemo rei vi : Jihova kezieratsa puo vazezie, mu mituustü
- 24 Tekuonuo-u za. Tsiu themiakâa puo kezie dânu tuo-
tuo : mu kijünu kedikâ ukâ nyie se sünu vârya. Mu

26 puo kharukâ khinhia khawalielhâ zâ, mu sünü theva
 27 jü: tsiu mia bî themiakâ therhu mu unyie se sünü
 vârtuo: sirâ mha mesakemo puorei, morei kertse kechü-
 mia mu ketijümia bu sünü lelielhâ zâ: derei Tekuonuo-u
 kerheiprü leshüda nu uza thupie ketuokâ rürbei kele
 zâtuo.

PARADIS CHÜLA KELIE

22 Süsia puoa Jihova mu Tekuonuo-u kediba nunu
 kepar kerheiprü dzürür kristal khrüvampfü kemelei mhie
 2 kechüpuo thapie a kia. Rüna chapfüu dânu mu süu rür
 khie lutsa hatsatie thekhrü metsei puo si vüvüdi va
 kerekenia puo si vüya kezha kerheiprüba ba; tsiu usei-
 3 bâu nyükâ se themiakâ va keshürhâya. Mu süsia mha-
 puorei rüse kenyüte; sirâ Jihova mu Tekuonuo-u kediba
 sünusü batuo: mu puo kituokâ bu puo theketuo: tsiu
 4 ukâa puo ze ngutuo; mu puo za ukâ teikhie gei tuotuo.
 5 Tsiu teizei salielhâ; mu mitu morei niaki kezie semo rei
 vi; Niepuu Jihova ukâ vapezietieru: tsiu ukâa telhe
 kechachie dituo.
 6 Sirâ puoa aki, Die hakâha diethâ mu kethâ zâ: tsiu
 Niepuu siadzekesikâ ruopfükâ Jihova chü pezi zâta
 • ketuokâ thapie puo kituokâ kia ketuola puo dielieu
 7 ketseshü. Sirâ harie, a mhai vârtuo. Themia kehu-
 puorei leshüda hanu siadzekesi diekâ zeya kezha ruo-
 kuothâmia, si.
 8 Süsia mhahakâ si mu ngu kechüusü a Johan zâ. Tisu
 si mu ngutse, aa mhahakâ thapie a pekia keshü teigei
 9 dielieu phinu puo rüsuotuoü zeretsu. Sitse puoa aki,
 Menuolie, nâ chihie: arei nze nzenuokâ siadzekesikâ
 ze, mu leshüda haunu diekâ chü mu ze kezhakâ ze mia
 10 kituo kechümiapuo zâwe: Jihova rüsuoliechie, si. Tsiu
 puoa aki, Leshüda haunu siadzekesi diekâ mohor
 11 vüwahjechie; puo tei penuotei ketala. Miathâkemomia
 bu miathâmo zâ bachie, mu rhukechümia bu rhu zâ
 bachie: tsiu miathâkechümia bu miathâ zâ bachie, mu
 12 kemesamia bu mesa zâ bachie. Harie, aa mhai vârtuo;
 tsiu themia pedekejükâ mhathâ khekisü chüshü ketuola
 13 a zhakhra setuo. A Alfa mu Omega, Theriathâü mu
 14 Thelathâü, Sietseu mu Kenuothâü. Kerheiprübaü nu
 vâkesü mu kharukâ ze rünanadiu nu lelie kezhu chülie

- ketuola uthuo upfenei menyiwaya kezhakâ ruokuothâkâ.
- 15 Chazoutsa tefükâ, mu themoukâ, mu pieü kechükâ, mu miakedukhrikâ mu miarhi kersuokâ, mu ketijü mu tijü-
 16 kechü uneikezha pedekejükâ batuq. A Jisu, kehokâ lanu niekâ ki zhapu chütuoü kechüla, a dieliemia ketse-shüwe. Aa David mvü mu puo yieu, teiziepfü phrie-phrie keehü zâ.
- 17 Sirâ Ruopfüa mu yasapfüa, Vârliechie, si. Tsiu kehupuorei rünyü kezhamia, sümia burei, Vârliechie, chü kieliechie. Mu terhrükechümia bu vârliechie; uneikechümia bu kerheiprü dzüu puo ma chümodi lieliechie.
- 18 Aa leshüda haunu siadzekesi diekâ rünyu kezha themia pedekejükâ ki zhapu chüshüya, Themia kehupuorei mha-huo pie diehakâ perâ, Jihova rei leshüda haunu
 19 thupie ketuo thepekâpie puo sashütuo: tsiu themia kehupuorei siadzekesi leshüda haunu diekâ huo vawarâ, Jihova rei kerheiprübaü nunu, mu leshüda haunu diekâ thupieketuo rünanadi kemesau nunu puo ya pejüwatuo.
- 20 Die hakâ zhapu chükeshüua, Kethâ zâ, a mhai värtuo, si. Amen: vârliechie, Niepu Jisu!
- 21 Niepu Jisu kinu ngukemezhieu bu kemesakâ zetuo kelieu chüliechie. Amen.



